



ქართლის
ცხოვრება

ქ +
კ-ბი



ქართლის ცხოვრება

(„ძველი ქართლის ცხოვრება“)

გამოსაცემად მოამზადეს, წინასიტყვაობა და
ტერმინთა განმარტება დაურთეს: აკადემიკოსებმა
ილია ანთელავამ და ნოდარ შოშიაშვილმა

გამომცემლობა „ნიკე“
თბილისი - 1996



„ქართლის ცხოვრების“ კრებული შუა საუკუნეების ქართული საისტორიო მწერლობის ენციკლოპედიური ძეგლია. მასში შესულია XI—XIV სს. ისტორიკოსთა ნაშრომები, რომლებიც ასახავენ საქართველოს ისტორიას უძველესი დროიდან XIV ს. დამდეგამდე. ტექსტის გამოცემა ემყარება უძველეს, ე. წ. „მცნეთური ციკლის“ ნუსხებს, სათანადო გამოკვლევებს და ძეგლის შინა გამოკვლევებს.

წიგნი განკუთვნილია სპეციალისტებისათვის და ასევე ფართო საზოგადოებისათვის, მოსწავლე და სტუდენტი აბაღაზრდობისათვის.

რედაქტორი აკად. მ. ლომინაძე

K289.405
3

4306020600—
K ————— ბ.ბ. — 1990
M — 602(08)-96

© შემდგენლები ი. ანთელავა
ნ. შოშიაშვილი, 1996

ISBN5-505 01461-0



საქართველოს აკადემიის
ქართული ბიბლიოთეკა

წინასიტყვაობა

„ქართლის ცხოვრება“ (ანუ დღევანდელი გაგებით — „საქართველოს ისტორია“) სახარებასთან და „ვეფხისტყაოსანთან“ ერთად შუა საუკუნეების ქართული კულტურისა და იდეოლოგიის ბურჯს წარმოადგენდა. ის იყო ამ პერიოდში ერთადერთი ძეგლი, რომელიც საქართველოს ისტორიას შთაინთობაში ასახავდა (სხვა მატრიანეები და ქრონიკები გადმოგვცემდნენ ამა თუ იმ კუთხის ან საგეოგრაფიკოს ისტორიას და არა მთელი ქვეყნისას) ამ „მატიოსან“ და „წმინდა“ წიგნზე, როგორც მას უწოდებდნენ ძველად, ჩვენ წინაპართა თაობები იზრდებოდნენ, სამშობლო ქვეყნის დამპყრობელთა წინააღმდეგ გამორული ბრძოლებითა და შემოქმედებითი შრომით აღსავსე მრავალსაუკუნოვან დიად წარსულს ეცნობოდნენ.

შუა საუკუნეების ქართული ისტორიოგრაფიის მალაქა დონის დამადასტურებელი ეს ძეგლი, ბუნებრივია, დღესაც ფასდაუდებელია ჩვენთვის, როგორც საისტორიო წყარო, სიტყვაკაშმული მწერლობის ბრწყინვალე ნიმუში, გარდასულ საუკუნეთა ქართველების ამსახველი მატრიანეთა კრებული.

„ქართლის ცხოვრება“ იწერებოდა „ყამითი ყამად“, ე. ი. სხვადასხვა დროის ავტორთა მიერ. საფიქრებელია, რომ სამეფო ხელისუფლება საგანგებოდ უკვეთავდა გამორჩეულ ავტორებს „ქართლის ცხოვრების“ მორიგი ნაკვეთის დაწერას.

„ქართლის ცხოვრების“ კვლევა ჯერ კიდევ შუა საუკუნეებიდან დაიწყო. განსაკუთრებით დიდი მუშაობა გასწია ამ ძეგლზე ე. წ. „სწავლულ კაცთა“ კომისიამ, რომელიც ვახტანგ ბატონიშვილის (შემდეგში მეფე ვახტანგ VI) ბრძანებით შეიქმნა XVIII ს. დასაწყისში. კომისიამ სხვადასხვა წყაროზე დაყრდნობით შეავსო და შეასწორა „ქართლის ცხოვრება“, დაწერა მისი გაგრძელება. ასე შეიქმნა ე. წ. „ახალი ქართლის ცხოვრება“.

„ქართლის ცხოვრების“ ახალი ციკლის თხზულებებად შეიძლება აგრეთვე პირობითად მივიჩნიოთ XVII—XVIII სს. დაწერილი „ცხოვრებები“, რომლებიც მათს ავტორებს „ქართლის ცხოვრების“ კრებულში არ შეუტანიათ. ამ თხზულებათა ავტორები და იმდროინდელი საზოგადოებაც ამ თხზულებებს მიიჩნევდნენ „ქართლის ცხოვრებად“, „საქართველოს ცხოვრებად“. „მცირე ქართლის ცხოვრებად“ (ფარსადან გორგიჯანიძის, სიხნია ჩხეიძის, ვახუშტი ბატონიშვილის, ომან ხერხეულიძის, პაპუნა ორბელიანის ნაშრომები).

„ქართლის ცხოვრების“ კრებული შემოგვრჩა ნუსხებით, რომელთა დიდი ნაწილი „ახალი ქართლის ცხოვრება“ (ე. ი. „ვახტანგისეული“ რედაქციისა), ხოლო ნაწილი — „ძველი“ (ე. ი. „ვახტანგამდელი“ რედაქციისა). „ძველი“ ნუსხებიდან

თავისი შედგენილობით ე. წ. „მცხეთური ქართლის ცხოვრების“ ციკლი გამოირჩევა. „მცხეთური რედაქციის“ ნუსხები მოდიან საერთო დედნიდან, რომელსაც XVI ს-ის ერთ ქართულ დოკუმენტში „მცხეთური ქართლის ცხოვრება“ ეწოდება¹.

„ძველი ქართლის ცხოვრების“ არქეტიპი XIII ს-ში მთავრდებოდა დავით IV აღმაშენებლის გაორდაცვალებით (1125 წ.). ამას მოწმობს როგორც დღემდე შემორჩენილი ნუსხები „ვახტანგამდელი“ „ქართლის ცხოვრებისა“, ისე ამ კრებულის სომხური თარგმანის XIII ს-ის ხელნაწერი. შემდგომში შეგლის სხვადასხვა ნუსხებს დაემატა სხვადასხვა თხზულებები. ყველაზე სრულად შეივსო მცხეთური ციკლის „ქართლის ცხოვრებათა“ არქეტიპი — გიორგი V ბრწყინვალის გამეფებამდე (1314 წ.). „ვახტანგამდელი“ „ქართლის ცხოვრების“ ორი ნუსხა მომდინარეობს უფრო მცირედ შევსებული არქეტიპებიდან: ე. წ. „ანასიულ“ ნუსხას დამატებული აქვს 1125—1222 წწ. ისტორია უცნობი ავტორისა (ე. წ. „ლაშა გიორგის დროინდელი მემატიანის“ თხზულება), ხოლო „ქალაწვილისეულს“ — თამარის ისტორია, ასევე უცნობი ავტორისა.

„ქართლის ცხოვრების“ გამოცემა დაიწყო XIX ს-ის შუახანებში. მის გამოცემაში რამდენიმე ეტაპი შეიძლება გამოვყოთ: 1. „ახალი ქართლის ცხოვრების“ ნუსხებზე დამყარებული გამოცემა; 2. „ვახტანგამდელი“ ნუსხების ცალ-ცალკე გამოცემა; 3. ყველა არსებული ნუსხის მიხედვით დადგენილი ტექსტის კრიტიკული, აკადემიური გამოცემა; 4. „ქართლის ცხოვრების“ კრებულში შესული თხზულებების ცალ-ცალკე გამოცემა.

I. ვახტანგისეული“ რედაქციის სამ ნუსხაზე დამყარებული გამოცემა „ქართლის ცხოვრებისა“ ვანახორციელა მარი ბროსემ 1849—1858 წწ. ორი ტომი (I და IV) წარმოადგენდა ქართულ ტექსტს (I ტ. მოიცავდა პერიოდს 1469 წლამდე², ხოლო IV — დ. ჩუბინაშვილის რედაქციით — 1469—1800 წწ.³).

II. „ქართლის ცხოვრების“ „ვახტანგამდელი“ ნუსხებიდან გამოცემული იქნა ორი: „მარიამისეული“ და „ანასიული“. „მარიამისეული“ ნუსხა (რომელსაც მიაკვლია დ. ბაქრაძემ 1884 წ.) გამოსცა ე. თაყაიშვილმა (1906 წ.), ხოლო „ანასიული“ ნუსხა (რომელსაც მიაკვლია ივ. ჯავახიშვილმა 1913 წ.) გამოსცა ს. ყაუხჩიშვილმა 1942 წ.

¹ კ. გრიგოლია, რას მოგვიტორობს „ქართლის ცხოვრება“, თბილისი, 1961, გვ. 28.

² ქართლის ცხოვრება, I, მ. ბროსეს გამ., სპბ., 1849.

³ ქართლის ცხოვრება, II, დ. ჩუბინაშვილის გამ., სპბ., 1854.



სამწუხაროდ, „ქართლის ცხოვრების“ ცალკეული ნუსხების გამოცემა შეწყდა. ყველა ნუსხის ცალ-ცალკე გამოცემა დიდად შეუწყობდა ხელს ამ ძეგლის ტექსტოლოგიურ კვლევას.

III. „ქართლის ცხოვრების“ ყველა ნუსხის მონაცემებზე დამყარებული აკადემიური გამოცემა განახორციელა ს. ყაუხჩიშვილმა ორ ტომად, 1955—1959 წწ (მანვე, პირობითად, „ქართლის ცხოვრების“ IV ტომის სახელწოდებით, გამოსცა ვახუშტი ბატონიშვილის „საქართველოს ცხოვრება“, ხოლო III ტომად გაშიზნული ჰქონდა XVIII ს-ის რამდენიმე საისტორიო თხზულების გამოცემა).

ს. ყაუხჩიშვილის ეს გამოცემა ჯერჯერობით „ქართლის ცხოვრების“ ერთადერთ აკადემიურ, კრიტიკულ ბიბლიოკაიას წარმოადგენს. მან მყარი საფუძველი შეუქმნა ამ ძეგლის კვლევის ახალ ეტაპს.

IV. „ქართლის ცხოვრებაში“ შესული თხზულებებიდან ცალკე გამოცემულია: 1. ე. წ. „ლაშა გიორგისდროინდელი მემკვიდრის“ ნაშრომი (ივ. ჯავახიშვილი, 1927 წ.); 2. ბერი ეგნატაშვილის „ახალი ქართლის ცხოვრება“ (ივ. ჯავახიშვილი, 1940 წ.); 3. თამარის მეორე ისტორიკოსი (გამომცემელი მის უწოდებს ბასილი ეზოსმოდვარს) — „ცხოვრება მეფეთ-მეფისა თამარისი“ (ივ. ჯავახიშვილი, 1944); 4. „ისტორიანი და აზმანი შარავანდედთანი“ — გიორგი III-ისა და თამარის ისტორია (ტ. კეკელიძე, 1941); 5. ე. წ. ჩამთაღმწერლის „ასწლოვანი მატიანე“ (რ. კიკნაძე, 1987); 6. სუმბატ დავითისძის „ცხოვრება და უწყება ბაგრატონიანთა“ (გ. არახაძე, 1990).

„ქართლის ცხოვრება“, როგორც მთლიანი ძეგლი, უცხო ენებზე დღემდე თარგმნილია სამჯერ: სომხურად (XII ს-ში)⁴; ფრანგულად (XIX ს. შუახანებში)⁵ და გერმანულად⁶.

„ქართლის ცხოვრების“ ცალკეული თხზულებები თარგმნილია რუსულ და ახალსომხურ ენებზე. რუსულად თარგმნილია: სუმბატ დავითისძე⁷, „ისტორიანი და აზმანი შარა-

⁴ ქართლის ცხოვრება, ძველი სომხური თარგმანი, ილ. აბულაძის გამ., თბილისი, 1953.

⁵ M. Brosset, Histoire de la Géorgie depuis l'antiquité jusqu'au XIX-e siècle, v. I, SPb, 1849, v. V, 1856.

⁶ Das Leben Kartlis, Eine Chronik aus Georgien 300—1200, Herausgegeben von Gertrud Patsch, Leipzig, 1985.

⁷ Е. Такашвили, Источники грузинских летописей. Три хроники. Жизнь и известия о Багратидах, которые описал Сумбат сын Давида. СМОМПК, вып. 28, Тифлис, 1900.

Сумбат Давитис-дзе, История и повествование о Багратионах. Перевод, введение и примечания М. Д. Лордкипанидзе, Тбилиси, 1979.

ვანდედთანი“⁸; „მატიანე ქართლისა“⁹; „ცხოვრება მეფეთ-მეფისა თამარისი“¹⁰; ჯუანშერის — „ცხოვრება ვახტანგ გორგასლისა“¹¹; ლეონტი მროველის — „ცხოვრება მეფეთა“¹²; ახალსომხურ ენაზე თარგმნილია ე. წ. ქაშთააღმწერლის თხზულება¹³.

ჩვენი აზრით, „ქართლის ცხოვრების“ დაშლა ცალკეულ ნაწილებად და ისე გამოცემა ქართული ტექსტის ან თარგმანისა, გაუმართლებელია. „ქართლის ცხოვრება“ ერთი მთლიანი ძეგლია. ყველა ნუსხა ამ ძეგლისა წარმოადგენს მას მთლიანობაში. არ არსებობს მისი რომელიმე ნაწილი ცალკე თხზულების სახით. კრებულში შესული თხზულებები ორგანულად არიან შერწყმული ერთ ძეგლად და მათი დაქუცმაცება არღვევს „ქართლის ცხოვრების“ მთლიანობას, მონუმენტურობას.

გარდა ამისა, დღემდე სადავოა „ქართლის ცხოვრებაში“ შემაჯავლი თხზულებების ერთმანეთისაგან გამოჩენის ფაოგლები, ზღვარი ცალკეულ თხზულებებს შორის. ამის გამო არ არსებობს მტკიცე საფუძველი „ქართლის ცხოვრების“ თხზულებათა ერთმანეთისაგან გამოჩენისათვის.

ჩვენი აზრით, „ქართლის ცხოვრების“ საგამომცემლო მუშაობაში ბოლომდე უნდა იქნას მიყვანილი ე. თაყაიშვილის წამოწყება: ცალკეული ნუსხების კრიტიკული, აკადემიური გამოცემა და თითოეული მათგანის მონოგრაფიული გამოკვლევა. ამის შემდეგ კი, ალბათ, დღის წესრიგში დადგება, მიღებული შედეგების გათვალისწინებით, კვლავ ყველა ნუსხის მონაცემებზე დამყარებული კრიტიკული, აკადემიური გამოცემის განხორციელება, ე. ი. ახალ საფუძველზე იმის გამოერება, რაც გააკეთა ს. ყაუხჩიშვილმა.

წინამდებარე გამოცემის მიზანი ამჟერად უფრო მოკრძა-

⁸. История и восхваление всиценосцев. Грузинский текст перевел, предисловием и примечаниями снабдил К. С. Кекелидзе. Тбилиси, 1954.

⁹. Матиане Карглиса. Перевод, введение и примечания М. Д. Лордкипანიдзе. Тбилиси, 1976.

Летопись Картли. Перевод, введение и примечания Г. В. Сулая, Тбилиси, 1982.

¹⁰ Жизнь царицы цариц Тамар. Перевод и введение В. Д. Дондуа. Исследование и примечания М. М. Бердзиншвили, Тбилиси, 1985.

¹¹. Джуантер Джуантериани. Жизнь Вахтанга Горгасала. Перевод, введение и примечания Г. В. Сулая, Тб., 1986.

¹². Мровели Леонти, Жизнь Карглийских царей. Извлечение сведений об абхазах, народов Северного Кавказа и Дагестана. Перевод с древнегрузинского, предисловие и комментарии Г. В. Сулая, М., 1979.

¹³. Грузинский хронограф (1207—1318). Перевод с древнегрузинского, предисловие и комментарии П. М. Мурадяна, Ереван, 1971.

ლებულია: უპირველეს ყოვლისა, ის მიზნად ისახავს მკითხველთა ფართო საზოგადოებას შაწოდოს „ქართლის ცხოვრებას“ ტექსტი. ს. ყაუხჩიშვილის გამოცემა დიდხანია ბიბლიოგრაფიულ იმვითობას წარმოადგენს, მოთხოვნილება კი ამ წიგნზე დიდია. ეროვნული თვითშეგნების მკვეთრმა ზრდამ ქართველ საზოგადოებაში გააცხოველა ინტერესი საქართველოს წარსულისადმი, ამ წარსულის ძეგლებისადმი, რომელთა შორის უპირველესი ადგილი უჭირავს „ქართლის ცხოვრებას“. ამჟამად საქართველოს ისტორიის კურსი იკითხება ყველა უმაღლეს სასწავლებელში, ხოლო საქართველოს ისტორიის შესწავლა წარმოუდგენელია „ქართლის ცხოვრების“ გარეშე. ამდენად, „ქართლის ცხოვრებას“ სასწავლო პროცესშიც უფრო ფართო ადგილი უნდა ჰქონდეს.

„ქართლის ცხოვრების“ წინამდებარე გამოცემის საფუძველია „ძველი ქართლის ცხოვრების“ ყველაზე სრული, „მცხეთური“ ციკლი (უძველესი დროიდან 1514 წლამდე). მასში ამოღებულია ვახტანგ VI-ის კომისიის ჩანარები, რათა მკითხველს ხელთ ჰქონდეს დედანთან უფრო დაახლოებული ტექსტი.

გამოცემა ითვალისწინებს როგორც ს. ყაუხჩიშვილის მიერ დადგენილ ტექსტს, ასევე ე. თაყაიშვილის, ივ. ჯავახიშვილის, გ. კეკელიძის, რ. კვიციანიას და გარახამიას მიერ დადგენილ ტექსტებს. გარდა ამისა, იგი მთლიანად შეუდარდა „ქართლის ცხოვრების“ ვახტანგამდელ ნუსხებს. ტექსტის გასამართავად შევეცადეთ მაქსიმალურად გაგვეთვალისწინებინა მკვლევართა მიერ უკანასკნელი სამი ათეული წლის მანძილზე „ქართლის ცხოვრებაზე“ გაწეული მუშაობის შედეგები. განსაკუთრებით აღსანიშნავია ამ მხრივ „ქართლის ცხოვრების“ სიმფონია — ლექსიკონი, რომლის ორი ტომი უკვე გამოიცა¹⁴. მასში ახლებურადაა „ქართლის ცხოვრების“ ტექსტის გამართვის არაერთი საკითხი. აქ მოცემული რამდენიმე ათეული შესწორება, მართებულად მიჩნეული ჩვენს მიერ, ასახულია წინამდებარე გამოცემაში.

ვიხილავთ წინამდებარე გამოცემა განკუთვნილია მკითხველთა ფართო საზოგადოებისათვის ს ა კ ი თ ხ ა ვ წ ი გ ნ ა დ, მასში არაა მითითებული კონიექტურების ავტორები და კითხვასხვაობები. ისინი ყველა გამოქვეყნებულია და, ამდენად, სპეციალისტებისათვის ცნობილია.

ტექსტის უკეთ აღქმისათვის, მის ცალკეულ ნაწილებს (ზომიერი რაოდენობით) მივეციტ განმარტებითი, პირობითი

14. ქართლის ცხოვრების სიმფონია. - ლექსიკონი. ტ. I, ზ. სარჯველაძის რედაქციით, თბილისი, 1986; ტ. II, ზ. სარჯველაძის რედაქციით, თბილისი, 1986.

სათაურები. ასეთი საათურები ჩავსვით კოთხოვან კაეებში, ხოლო დედანში არსებული სათაურები დაბეჭდილია კაეების გარეშე. კაეებშია მოთავსებული ცალკეულ თხზულებათა ტრადიციულად ქცეული სათაურებიც, რომლებიც ტექსტისიგული არ იყო.

„ქართლის ცხოვრების“ ორ ნუსხას თავი დართული აქვს სამი აპოკრიფული თხზულება (მარიამისეულს — ორი, ხოლო „მაჩაბლისეულს“ — ერთი). აქედან პირველი წარმოადგენს ფსევდოეფრემ ასურის „განძთა ქვაბის“ თარგმანს და მოგვითხრობს სამყაროს ისტორიას, მისი გაჩენიდან ქრისტემდე. მეორე აპოკრიფში აღწერილია ედემი¹⁵; მესამე აპოკრიფი („მაჩაბლისეული“ ნუსხის), ისევე როგორც პირველი, გადმოგვცემს სამყაროს ბიბლიურ ისტორიას ადამიდან ნოეს შვილებამდე და უშუალოდ ებმის „ქართლის ცხოვრების“ დასაწყისს. სამეცნიერო ლიტერატურაში გამოთქმულია თვალსაზრისი, რომ პირველი და მესამე აპოკრიფი დართული იყო „ქართლის ცხოვრების“ ნუსხებისთვის, როგორც შესავალი მსოფლიო ისტორიიდან (კ. კეკელიძე, ე. თაყაიშვილი, ს. ყაუხჩიშვილი, მ. ლორთქიფანიძე). კ. კეკელიძის აზრით „მარიამისეული“ ნუსხის პირველი აპოკრიფი თვით ლეონტი მროველის მიერ არის ბერძნულიდან საგანგებოდ თარგმნილი, „ქართლის ცხოვრებისთვის“ წასამძღარებლად¹⁶. უკანასკნელ ხანებში ც. ქურციკიძემ საგანგებოდ შეისწავლა აღნიშნული აპოკრიფები და გამოსთქვა საგულისხმო მოსაზრებები¹⁷. მკვლევარის აზრით „მარიამისეული“ ნუსხის ორი აპოკრიფი დართული უნდა ჰქონოდა არჩილ მეფის ნაქონ „ქართლის ცხოვრებასაც“, ხოლო „მაჩაბლისეულ“ ნუსხაში დართული აპოკრიფი გადაღებულია „ჭალაშვილისეული“ ნუსხიდან. ც. ქურციკიძე მიიჩნევს, რომ „მარიამისეულ“ ნუსხაში აპოკრიფების დართვა ასახავს შუასაუკუნეების ბიზანტიურ ტრადიციას დაერთოთ ქრონოგრაფიებისთვის, მათი შინაარსობრივი გამდიდრების მიზნით, სხვადასხვა ხასიათის ტექსტები (აპოკრიფები, „ცხოვრებები“, ეპისტოლეები და სხვ.). ც. ქურციკიძემ დაადგინა, რომ „მაჩაბლისეული“ ნუსხის ტექსტი წარმოადგენს XVI—XVII ს-ის ბერძენი ავტორის ფსევდოდოროსთვის ქრო-

15. ქართლის ცხოვრება, მარიამ დედოფლის ვარიანტი, გამოცემული ე. თაყაიშვილის რედაქტორობით. თბ., 1906, გვ. 786—849.

16. კ. კეკელიძე, ლეონტი მროველის ლიტერატურული წყაროები: ეტიუდები ძველი ქართული ლიტერატურის ისტორიიდან, XII, თბ., 1973, გვ. 23.

17. ც. ქურციკიძე, კვლავ „ქართლის ცხოვრების“ ხელნაწილების აპოკრიფულ თხზულებათა შესახებ; „მაცნე“, ენისა და ლიტერატურის სერია, № 1, 1990, გვ. 49—64.



ნოგრაფის შესავალ ნაწილს, რომელიც, არჩილ მეფის ინიციატივით, ქართულად უთარგმნიათ მოსკოვში XVIII ს-ის დამთავრებამდე.

ჩვენ ვიზიარებთ მკვლევართა ზემოაღნიშნულ თვალსაზრის „ქართლის ცხოვრებისთვის“ ნათარგმნი ძეგლის ზოგად-ისტორიულ შესავლად დართვის ტრადიციის არსებობის შესახებ. ამას მოწმობს ასეთი შესავლის არსებობა როგორც „ძველი“, ისე „ახალი ქართლის ცხოვრების“ რამდენიმე ნუსხაში. შესაძლოა ეს ტრადიცია დაამკვიდრა ლეონტი მროველმა (კ. კეკელიძე) ან „ქართლის ცხოვრების“ შემდგომმა გადაწერებელმა¹⁸. ამის გამო, მიზანშეწონილად ჩავთვალეთ, ამ ტრადიციის შესაბამისად, „ქართლის ცხოვრების“ წინამდებარე გამოცემისთვის ერთ-ერთი ასეთი შესავლის დართვა. ავორჩიეთ „მაჩაბლისეული“ ხელნაწერის შესავალი (მიუხედავად იმისა, რომ ის, როგორც ეს ც. ქურციკიძემ გაარკვია, გვიანდელი თხზულებაა), რადგან ეს შესავალი უშუალოდ ებმის „ქართლის ცხოვრების“ ტექსტს. ამ თხზულების გვიანდლობა შესავლის, არსს არ ცვლის, რადგან, ისევე როგორც „მარიამისეული“ ხელნაწერის აპოკრიფი, ისიც გადმოგვცემს კაცობრიობის ბიბლიურ ისტორიას. „შესავლის“ წინამდებარე გამოცემა ემყარება ე. თაყაიშვილის გამოცემას¹⁹.

ჩვენს ისტორიოგრაფიაში არ არის აზრის ერთიანობა „ქართლის ცხოვრების“ კრებულში შემაველი ცალკეული თხზულებების დათარიღების, მათი ავტორების ვინაობის და სხვ. შესახებ. ჩვენ მოვერიდეთ ამ საკითხში რაიმე სუბიექტურ მიდგომას. ვინც ამ საკითხებით უფრო ღრმად დაინტერესდება, შეუძლია გაცენოს უკანასკნელ წლებში გამოსულ სპეციალურ ნაშრომებს სადაც იპოვის სათანადო ბიბლიოგრაფიასაც²⁰.

თუ წინამდებარე პუბლიკაცია, ახალი აკადემიური გამოცემის მომზადებამდე, მცირედ მაინც დააკმაყოფილებს ჩვენი საზოგადოებრიობის ინტერესს „ქართლის ცხოვრებისადმი“, მისი მიზანი მიღწეული იქნება.

ილია ანთელავა, ნოდარ შოშიაშვილი

18. ალ. აბდალაძე მიიჩნევს, რომ შესავლის დართვას „ქართლის ცხოვრებაში“ დიდი ხნის ისტორია არ ჰქონდა. იხ. მისი: „ქართლის ცხოვრება“ და საქართველო-სომხეთის ურთიერთობა, თბ., 1982, გვ. 86.

19. ე. თაყაიშვილი, აპოკრიფული მოთხრობა, რომელიც წინ უძღვის „ქართლის ცხოვრების“ მაჩაბლისეულ ხელნაწერს: აკად. ს. ჯანაშიას სახელობის საქართველოს სახელმწიფო მუზეუმის მოამბე, ტ. XVII-B, 1953, გვ. 24-47.

20. მ. ლორთქიფანიძე, რა არის „ქართლის ცხოვრება“, თბილისი, 1989; ი. ანთელავა, XI-XIV სს. ქართული საისტორიო წყაროები, თბილისი, 1988.

**შესავალი: უცნობი ავტორის ავოკატიში
 „მსოფლიო ისტორია“**

1. სამყაროსა და კაცობრიობის წარმოქმნა

სათნო უჩნდა სიბრძნით შემოქმედსა მას ღთისა და უფლისა ჩვენისა, რათა შექმნას სოფელი ესე მრავლისა სიბრძნისა ხისითა და აურაცხელისა სახიერებისა მისისათა არა არსებისაგან არსებად მოყუანებად ამისად, და ვითარცა იტყუიან ღთისმეტყუელნი ეკლესიისანი, ვითარმედ მხოლოდ სატყუათა ოდენ თქუა და ყოველივე იქმნა, და ვითარცა სამღთოცა იგი დავით იტყუის, რამეთუ მან თქუა და იქმნა და თავადმან ამცნო, და დაებადნეს. და შექმნა, რათა იყოფოდეს ვიდრე აღსასრულანდე სოფლისა ამის, ხოლო არარისაგან მოყუანებად ამათ ყოველთავე, რაოდენცა რა არსებად მოიყუანა ღმერთმან, ესრეთ გულისკმა იყოფების, ხოლო თუნიერ, ყოფისა ერთისაცა ნივთისა, წინასწარ გამოადებულისა, და თუნიერ რაოდენობისა ჟამისა მამამან ნებითა ძისა მათისათა და თანაყოფითა სულისა წმიდისათა შექმნა სოფელი ესე, რამეთუ ამისთვის გალობს ეკლესიაცა და იტყუის: „რომელმან არარასაგან არსებად მოიყუანე ყოველივე. სიტყუითა აღმაშენებელო და სულითა ხოლო ჩვენ მიერ ესრეთ არა გულისკმა ვიყოფებით აღმასრულებელო მეფეო, ყოვლისა მპყრობელო, სიყვარულსა შენსა ზედან და დამამტყიცე მე!“ ხოლო მოსეცა იგი ამას გუეტყუის ექუსთა დღეთა შინა პირველთა შესვლათა: დასაბამად ქმნა ღმერთმან ცა და ქუეყანა. ხოლო დასაბამსა მას სიტყუა შემოკლებულად დიდიცა იგი ბასილი იტყუის მრავალ და ზევრტიცხვეულად ელენთა მიმართ, თუ რად გულისკმა იყოფების დასაბამი იგი, ვითარცა გულისკმა ჰყოფენ ელენნი იგინი დასაბამა რასმე, არამედ ესრეთ იტყუის: დასაბამითა და ძალითა მელიცა აქვნდა ღმერთსა, მით შექმნა სოფელი ესე და ყო

ველთა მძეგრ გულისკმა იყოფების ესრეთ. ხოლო უკეთეს სთქმოდესმე ესრეთ, რამეთუ კაცსა ერთსა აქუს დასაბამი და მე-
ყუსეულად შეისწავე ესეცა, რამეთუ უფლებს და მთავრობს,
ხოლო ამის გამო ეწოდებიან მეფენი და მთავარნი, რამეთუ
სუფევენ და მთავრობენ, ხოლო ესრეთ ჯერ არს დასაბამად
თქმად, ვითარცა ვსთქუათ, ძალი და ჯელმწიფება და უფლება,
რომელიცა აქუნდა მას ყოვლად ძლიერსა ღმერთსა და მამასა,
მით ქმნა ცა და ქუეყანა. ხოლო დღესა მას პირველსა
ქმნა ანგელოზნი და ყოველივე უფლებანი ზეცისათანი,
ვითარცა იტყუის ღმერთსა გრიგოლი, რამეთუ ღმერთ-
მან და მამამან პირველად მოიგონაო ანგელოზნიო და ძალნი
ზეცითანიო. ხოლო მოგონება იგი სულყოფა იყო სიტყუითა
და აღსრულება სულითურთ, ხოლო შემდგომად ანგელოზთა
ქმნა ნათელი, ვითარცა იტყუის მოსე, და თქუა ღმერთმან:
იყავნ ნათელი! ხოლო თარგმანი ამისი ესრეთ არს, ვითარმედ
თქუა მამამან ძისათანა: იქმენ ნათელი! არა თუ მზესა მას
უწოდეს ნათლად, არამედ ნათელი ერთი იგი, რომელი მო-
აფრქვია ქუეყანათა ზედა, და ნათელი იგი შემდგომად შეკ-
რბა და შთადვა დისკონსა მისსა თვისამე, რომელი არს ჭურ-
ჭელი მზისა, და მთვარისა და ვარსკულავთანი.

ხოლო უკეთეს ვინმე იტყოდის ამას, რამეთუ მოსე იტყვი-
სო — და თქვა ღმერთმან: იყავნ ნათელი! და იქმნა ნათელი,
რამეთუ ამის შემდგომად იტყუის, რამეთუ მეოთხესა დღესა
ქმნა მნათობნი. შეისწავეთ, რამეთუ ესრედ გულისკმა იყო-
ფების ესე, ვითარმედ პირველად ქმნა ღმერთმან ნათელი, ვი-
თარცა ზემორე ვსთქუთ, ყოველგან განფრქვეულად, და მა-
შინ ქმნა მნათობნიცა იგინი, ვითარცა ორნი რამე მნათობნი
სასანთლენი და შეკრბა ყოვლითურთ განფრქვეული ნათელი
იგი და შთადვა ჭურჭელთა მათ შინა. ხოლო ამისთვისცა არა
სახელს ვსდებთ მზესა და მთვარესა ნათლად, არამედ მნათო-
ბად რამე არიან ჭურჭელნი, რომელთაცა უპყრიეს ნათელნი.

და დღესა მეორესა ქმნა სამყარონი ცისანი.

ხოლო დღესა მესამესა უბრძანა ღმერთმან შეკრებად
წყალთა მათ შესაკრებელსა ერთსა. და შეკრბეს ყოველივე
იგი წყალი შესაკრებელსა ერთსა და უწოდა ზღვად. ხოლო
დასაბამსა მას ზღვა ესე, ვინა თუ წყალი, ესე ტკბილი იყო,
ვინათგან უკვე წყალი არს მდგომარე ადგილსა ერთსა. ამის-

თვის მარილიან-ყო. ხოლო ვითარცა აწ მლაშე არს ღებ უწყობ
დეთ ყოველთა, რამეთუ მდინარენი, წყარონი და ჯურღმულნი
ჯოგენი, რაოდენიცა არიან. ტკბილ ზღვისა ძიერ დიან. ვი-
ნათეან მოედინებთან ადგილთა ვიწროთა, დატკბებიან და არი-
ან ტკბილ, და მიიღებენ კაცნი სასმელად. ხოლო ოდეს შეკრ-
ბეს წყალნი იგინი შესაკრებელსა ერთსა და მათინ გამოჩნდა
ქვეყანაცა ესე. ხოლო რომელნიცა პირველ უჩინო იყო, ამის-
თვიცა რამეთუ იყო უსამკაულო და განუშხადებელ. ხოლო
არა აქუნდა არცა ყვავილნი და არცა ნერგნი და არცაღა ნაყო-
ფი რამე, ამისთვის რამეთუ წყალსა მას აქვნდა დაფარულ, და
მეყუსეულად უბრძანა ქუეყანასა მას აღმოცენებად მწვანილ-
თა და თივათა. აღმოსცენდა და აღივსო ესე მრავალი ფერითა
და ფერად-ფერადითა მწვანვილოვანით და შეიმკო ფრიად და
შვენიერად, და აღმოცენნეს ხენიცა იგი ნაყოფიერი და უნა-
ყოფონი, და ზოგადნი ამათგანნი იუუნეს ნაყოფითა და უმრავ-
ლესნი ყუავილითა და სხვანი ფურცლითა შვენიერითა და
იყუენეს სრულნი ნაყოფითა უტუტფესითა. ხოლო ესრეთ გან-
გლო დღემან მესამემან.

და დღესა მას მეოთხესა ქმნა ღმერთმან ორნი იგი დიდნი
მნათობნი მზე და მთოვარე და მსგავსად მისსა ვარსკულავნი-
ცა იგინი ცისანი და შეამკო ცაჲ ესე და გვირგვინოსან-ყო,
ვითარცა მარგალიტი ფენილი და ოქროქსოვილი ფარჩა. ხოლო
თითოეულთა მათგანთა ვარსკულავთა აქუნდათ სხვადასხვა ფე-
რი და გამოჩნდა პირი იგი ცის უმშვენიერესი და უბრწყინვა-
ლესი, და ყოველნივე იგინი მსახურებენ ბრძანებისაებრ ღვთი-
სა მის, რომელმაცა უბრძანა მყოფად ყოველივე, და განუყო-
დდე იგი ღამისა მისგან და უბრძანა მზესა ერთსა მას მნათობ-
სა კელმწიფებად დღისად, ამისთვიცა რამეთუ მზისა მიერ ოქმ-
ნების დღე ესე ბრწყინვალე. ხოლო მთოვარესა და ვარსკუ-
ლავთა უბრძანა კელმწიფებად ღამისად, რათა ანათობენ ღა-
მეს ამას.

ხოლო დღესა მეოთხესა გარდმოვარდა ცის სფეროსცა იგი,
რომელი იყო პირველ ანგელოზთა; რამეთუ ღვთისა მიერ იყო
დადგინებულ მთავრად ანგელოზთა ერთისა მის გუნდისა ან-
გელოზთასა, რომელმანცა ამპარტავნებითა თვისითა თქუა,
რათა დაიდგას საყდართა უკეთესად საყდართა მლთაებისათა.
ლა მეყუსეულად დაკნინოდენ, განივლო და განიძრახა გონე-

ბასა შინა მისსა, შთავარდა ქვესკნელად სიღრმენა ჯოჯოხეთისა და მისთანა გარდ-
მოცვივდენ ყოველნივე კრებულნი მისნი. ხოლო რომელნიმე
მათგანი მისწუთეს უფსკრულსა ჯოჯოხეთისასა და რომელიმე
დაშთა ქუეყანათა ზედან და ზოგნი წყალთა და სხვანი ჰაერთა
შინა. ხოლო ოდეს ცა განელო ცა იგი და გარდმოცვივდენ ეშ-
მაკნი იგინი, მაშინ შეკრბეს ყოველნივე ზეცისა იგი მკედ-
რობანი და მთავარი იგი მკედართა მიქაელ დადგა შორის
მათსა და თქუა: ვდგეთ კეთილად, ვდგეთ შიშითა ღვთისათა!
ხოლო ეშმაკთა მათგანი, სადაცა იპოვა და დაშთა, აწცა მუნ
არიან ვიდრე ღღეინდელად დღედმდე.

და მეხუთესა მას დღესა დასდგა ბრძანება ღმერთმან შო-
რის წყალთასა გამოცენებად მკეცთა, მფრინველთა და ყოველ-
თავე ნადირთა, რაოდენიცა არიან ზღუათა შინა და ქმნა თევზ-
ნიცა იგინი და მიანიჭა მათცა მადლი მისი და ძალნი, რათა
შობდენ და განმრავლდენ. და შექმნა ღმერთმან ფრინველნი
ცისანი წყალთაგან.

და დღესა მეექვსესა უბრძანა ქუეყანასა და ყოველნივე
ოთხფეხნი მკეცნი და ნადირნი პირუტყვინი თესლად თესლად-
ნი და ყოველივე, რაოდენიცა არიან ქუეყანასა ზედა. და შემ-
დგომად აკურთხნა ყოველივე იგინი, და თქუა: აღორძინდით
და განმრავლდით და განავსეთ ქუეყანა ესე! ეჰა დიდებულე-
ბასა მისსა სიბრძნისასა და გამოუთქმელისა სიბრძნისა მისისა-
სა. რამეთუ ნადირნი: დათვნი, ვეშაპნი, ვარნი და პირუტყუენი,
ხოლო რაოდენიცა არიან სამსახურებად კაცთათვის ზედავ
ქველისმოქმედებასა მისსა, სიბრძნესა და გულისკმის ყოფასა,
რამეთუ ექვსთა დღეთა შექმნა ესე ყოველივე, რაოდენიცა
არიან ხილულნი და უხილავნი, ნათელი, ცა, ქუეყანა, ზღვანი,
ნადირნი, პირუტყუენი, მზე, მთოვარე, ვარსკულავნი, მთანი და
ბორცენი, ველნი, თევზნი, ცხენნი, ყოველნივე ზღვისანი და
კმელეთისანი. ხოლო სულისათვის მათ ცხოველთასა ესრეთ
უწყოდეთ, რამეთუ სამშვიინველოსა ქარისა მიერ იქმნებთან
ცხოელობისა მოძრაობისა სისხლისა მის ცხოელობის და ქა-
რისა ამფრინავისა, რომელი იგი ანაფრენს და ცხოელს ჰყოფს
და სული იგი, რომელიცა მიეცემისთ მათ, იქნების ოთხთა მათ
ნივთთაგან, ხოლო ოდესცა მოაკლდესთ ცხოვრება მათი, კვა-
ლად ოთხთავე მათ ნივთთაგან განილევა ცხოველი იგი, და

ქმნა ღმერთმან სამოთხეცა იგი ეღემისა აღმოსავლეთ-
 დღესა ამას მეექვსესა შვენიერად და კეთილ, და მუნ იყო
 ხეთაგან ყოველთა და ნერგთაგანა ნაყოფი ერთ უტკბილესთა
 და უსურნელესთა და განუძღომელთა და უკუდავთა. ხოლო
 მუნად გამოვიდოდა მდინარეცა იგი, რომელიცა რწყევდა სა-
 მოთხესა მას. ხოლო განიყოფოდა ოთხ ნაწილად მდინარე
 იგი და ერთსა მას ეწოდების ფისონ, რომელიცა მოვლის ქუ-
 ეყანასა მას ეელატისსა. ხოლო მუნ არს ოქრო და ოქრო ქუ-
 ეყანისა მის კეთილ არს ფრიად; ხოლო გამოვალს მუნ ანთრა-
 კიცა და ქუა იგი კაპოეტ, და მეორეს მას მდინარეს ეწოდე-
 ბის გეონ. ხოლო ესე მოვლის ყოველსა ქუეყანასა ეფიოპისსა,
 და მესამესა მდინარესა ეწოდების ტიგრიისი და შთამოვლის
 დიდისა დღეითა და გრგვინვითა, და გარე მოვლის ქუეყანასა
 მას ასურასტანისსა, და მეოთხესა მას მდინარესა ეწოდების
 იფრათი და განვლის ბაბილოვანსა და გამოჰყრის თვალთა
 პათიოსანთა მრავალ სასყიდლისათა და ყოვლად შვენიერთა.
 ხოლო ჩუენ ესრეთ გვრწამს და ვიტყვით რამეთუ ღმერთმან
 სიტყვითა სიბრძნისა მისისათა და ძალითა მისითა შექმნა სო-
 ფელი ესე, და სულითა სახიერებითა, სათნოებითა და სიყუა-
 რულისა მისისათა, წინასწარ ხედავს და სწყალობს მას. ხოლო
 იტყვის დავითცა იგი სიტყვითა უფლისათა ცანი დაემტკიცენ,
 და სულითა პირისა მისისათა ყოველნი ძალნი მათნი. ხოლო
 ცანი, რომელ არიან ანგელოზნი, ექმთა იგი სოფელი. ხოლო
 ექმთა იგი სოფელი და ქვემოთ ესე სოფელი ძემან ღვთისა-
 მან სულისა წმიდისათა შექმნეს სოფელი ესე ნებითა მამისათა.
 ხოლო ამისთვის, ვინათგან ღმერთი თვით სახიერი არს, ყო-
 ველივე რაოდენიცა ქმნა, სახიერ არიან. ამისათვის წინასწარ
 განიზრახავს დაეკმარების და ყოველივე ბუნებანი ქმნულთა
 მათ თვისთა შეაერთა სოფელი ამას სახიერად, და წესისაებრ
 ბუნებათა მათ ქმნილთასა. ამისთვისცა რათა უწყოდეთ თუ რას
 იტყუის წესი იგი ბუნებათა მათ თვითეულისა ქმნულთასა.
 ესე უწყოდეთ, რამეთუ ღმერთმან ოდესცა შექმნა სოფელი
 ესე, განყო ოთხ ნივთეულად. და ოთხ აცმეულად. წელიწადი-
 სა ოთხნი ნივთნი არიან: ქარი, ცეცხლი, მიწა და წყალი. და
 ოთხ აცმეულად ითქმიან: გაზაფხულნი, ზაფხული, შემოდგომა
 და ზამთარი. და ქმნა ესრეთ რათა წყალი იგი წესისაებრ თვი-
 სისა ვიდოდეს და არა აღერეოდეს ცეცხლისა თანა. და არც

ცეცხლა ქარსა თანა და არც მიწა წყლისა თანა, ხოლო თუ არ იყვნენ წინააღმდეგობი ურთიერთისა, თითოეულ ჰყოფდნენ ბუნებისაებრ მათისა ქუეყანასა, რაოდენიცა ებრძანა ღთისა მიერ ყოფად ჰყოფდეს, და მსგავსად იმისასა წყალიცა და ცეცხლიცა და ქარიცა იგი, და მსგავსად ოთხნიცა იგი აცმდა დრონი თვითეული თვისისა ბუნებისაებრ და წესისა, და ვითარცა განუწესა ღმერთმან თვითეულსა მათგანსა. ხოლო გაზაფხული იგი რათა აღმოაცენებდეს და გამოიღებდეს ყუავილთა და ნაყოფთა და მკასა შუა ზაფხულსა დრომან შემოიყუანონ დაამწიფოს და სრულყოს ყოველივე ნაყოფნი, და შემოდგომამან რათა მოისთვლოს და მოიკრიბოს ყოველივე, და ზამთარმან რათა მოიწყოს და განაცოცხლოს, ვიდრემდის მოიწიოს გაზაფხული იგი, და კვალად აღმოსცენდენ და ნაყოფიერ იქმნენ. ყოველნივე ესე უწყოდე, რამეთუ გაზაფხული დაიწყების იმ თებერვლიდამ, ვიდრე იმ მაისამდი, ხოლო შუა ზაფხული დაიწყების იმ მაისითგან ვიდრე, იდ აგვისტომდის, და შემოდგომა დაიწყების ივ აგვისტოდამე და დასრულდება ივ ნოემბერსა, ზამთარი იდ ნოემბრიდამ დაიწყების ვიდრე თექვსმეტ თებერვლამდის. ხოლო სხვანი სხვარიგად სცვალეზენ და იტყვიან, რომელნიმე ვარსკულავთა მრიცხველთაგანი, და თვითეულისა ქუეყანის მოწესენი, ხოლო თქუა ღმერთმან: იყუნ ნათელი, და იქმნა ნათელი, და თქუა: იქმენ სამყარონი, და იქმნა სამყარონი და თქუა: იქმენ წყალი, და იქმნა ესრეთ, და თქუა: აღმოსცენდინ ქუეყანა, და იქმნა ესრეთ. და თქუა: იქმნენ მნათობნი, და იქმნა ესრეთ, და თქუა: გამოეციოთ წყალთა ცხოველნი და იქმნა ესრეთ. და თქუა: აღმოაცენე ქუეყანამან სული ცხოველი თესლად — თესლად.

და ქმნა ესენი, რომელიცა ქმნა ღმერთმან. ხოლო სიტყუითა ოდენ ჰრქუა და იქმნა; და არათუ წინასწარ განემზადებოან, გინა თუ აქუნდა წინასწარ განზრახულად, არამედ ოდესაცა თქუა, იქმნეს ყოველივე ესრეთ მეყვსეულად, ხოლო კაცი იგი წინასწარ განზრახულად ითქმის, ვიდრემდის შეიქმოდა კაცსა მას, აქვნდა განზრახულად წინასწარ გონებისა მისისა, რათა შექმნას კაცი იგი, ვინათგან უბატოსნეს არს ყოველთავე. ხოლო ოდესაც აღასრულა საქმენი ესენი, მაშინ და თქუა: ვქმნეთ კაცი ხატათ და მსგავსად ჩვენდა. და არათუ ლიტონი და მიძიმე მიწა მი-

ილო უფალმან და შექმნა კაცი იგი, ვითარცა ნადირნი მფრინველნი ქუეყანისანი იქმნეს მიწისა მისგან მიდმისა, არამედ კაცი მიწისა სუბუქისა, რომელ არს უწმიდესისა ქუეყანისა მისგან, და ოთხ მათთაგან ნიეთთა, ცეცხლისა ნედლისა, გრილისა და კმელისა ცეცხლისაგან, ქარისაგან, წყლისაგან და მიწისაგან. ხოლო სისხლი ვინათგან მკურვალე არს, ქარისა მისგან იქნების, და ფველელმა ვითარცა გრილი წყლისა მისგან იქმნების, და ნალველი იგი ვითარცა კმელ არს, მიწისა მისგან იქნების, და ყვითელი იგი ზაფრა ცეცხლისა მისგან იქმნების. აწ შექმნა ღმერთმან კაცი ხატად და მსგავსად მისად, და ოდესაც შექმნა იგი და შთაბერა მას სულიცა იგი ცხოველი პირსა მისსა, და იქმნა კაცი იგი სულად ცხოველად, ხოლო სული იგი კაცისა ვინათგან სამლოთ შთაბერულ არს ღთისა მიერ. მიემსგავსების ღმერთსა, არათუ ბუნებითა, არამედ მიმგზავსებითა, ხოლო აწე ამისთვისცა არს სული იგი უხილავი და გამოუძიებელი და მიუთხრობელ და ძნად გულისჯმის საყოფელი, და არავისგან არა გულისკმა იყოფების, თუ რა არს სული იგი კაცისა, შეუპყრობელი არს, რომელიცა არა შეიპყრობის არავისგან, და წარუალი არს, რომელიცა არაოდეს არ წარვალს, უკუნისამდე უკვდავი არს და არა მოკუდების არაოდეს. ხოლო ვინათგან თვით ღმერთი შემოქმედი არს ყოველთა, და კაცთა იგი მქმედი არს, ვინათგან მშობელი არს კაცი ერთი მეორისა, ჰყოფს კელოვანებათა და სიტყვითა, განაგებს ყოველსავე, აღაშენებს ციხეთა, ქალაქთა, დაბათა, ვინაჯსა და ნერგავს ხეთა და სამოთხეთა შეამკობს, წისქვილთა აღაბრუნებს და ხომალდთა შეკრავს და ასაქმებს. და სხვანი, რაოდენიცა კელოვნება და განგებულება ჩანან ქუეყანას მას, ხოლო ესენი ყოველნივე იქმნებიან სულისა მის მთავრებისაგან და მთავრობა ბუნებისა მის კაცისა. და ესე არს ხატება ღვთისა. ხოლო ესე ოდენი რაოდენიცა აქვს ღმერთსა, ვინა თუ უხილაობა, ანუ თუ მიუწდომლობა, გამოუთქმელობა, შეუხებლობა, წარუალობა და უკვდავება თვით ბუნებით აქვს მას. ხოლო სულსა მას კაცისსა მიმადლებულად აქვს ესე ყოველივე ღვთისა მიერ და ამის გამო ეწოდების კაცსა ხატი ღვთისა. ხოლო არა თუ ბუნებითა და ვითარცა ვიქუთ ზემორე, არამედ ხატად და მადლად, და არა თუ ბუნებითა. ხოლო ბუნებრივი იგი ხატი ღვთისა არს ძე და სიტყუა იგი ღთისა.

შეუცვალბელი ხატი იგი ვამისა. ხოლო ამის გამო იტქმის სულისა მისთვის აქუს მსგავსება ღვთისა მიმადლებულად. ხოლო აწ ვთქვათ, ამისთვისა ვქმნათო კაციო ხატად და მსგავსად ჩვენდაო, რად გულისკმა იყოფების ესე, ვითარცა სამლთო იგი მიტროფანე იტყუის სამებიანსა შინა, რათა გამოუცხადო კაცთ ერთ ღვთაებისა შენისა სამ ბრწყინვალეზა. პირველად შექმენ კაცი და ხატებისა შენისა მსგავსად გამოხატე იგი და მიეც მას გონება, სიტყუა და სული, ვითარცა კაცთმოყუარებმან. ხოლო ვითარცა უწოდო მამასა მას გონებად და ძესა სიტყუად და სულსა წმიდასა სულად, ხოლო სამნი არიან სახითა და ძალითა და ღთაებითა ერთ, და სამთა ამათ მიერ განუშორებელად ურთიერთისაგან შექმნა კაციცა იგი ხატად თვისად, რათა შემძლებელ ვიქმნეთ გულისკმის ყოფასა მას, თუ ვითარ შესაძლებელ არს სამპირება იგი ღთაებისა განუშორებელად. და ქმნა კაცი და მისცა მას გონება, სიტყუა და სული, რომელნიცა სამნივე ესენი არიან კაცთა შორის. ხოლო ერთი იგი ძალსა შინა, რამეთუ არიან ესენი ერთი მეორისაგან განუშორებელად. ხოლო გონება იგი არაოდეს განეშორების გონებისა მისგან და არცა კმა იგი სიტყუისა მისგან და გონებასა. ხოლო კმასა მას იტყუის სულად წმინდად, და ვითარცა გესმათ კმა იგი კაცისა, და შეყუესულად გულისკმა ყავით სიტყუასაცა და გონებასცა მას, და ვითარცა წმიდათა მათ მამათა სახელსდვეს მამა, ძე და სული წმიდა. ხოლო გონება, სიტყუა და სული და კვალად იტყუის სამებიანსა შინა ბუნებად უშობელად, ღთისა მეტყუელთა ქადაგეს მამა. ხოლო სიტყუა თანა დაუსაბამოდ ძეს, და სული წმინდა თანამოსაყდრე, რომელმან ქალწულისა საშოსა განკორციელება შემზადა. ხოლო სიტყუა იგი, რომელ თქვა, ვითარმედ შეუქმნათ კაცი ხატად ჩვენდა არა რასა იტყუის სხვასა, გარნა ამისასა. ხოლო მამამან იქცა ძისა მიმართ და სულისა წმიდისა ვქმნეთ კაცი ჩვენ ერთ ღთაებამან და სამთვისებამან, რათა იყოს ხატად და მსგავსად ჩვენდა, რომელსაცა აქუნდეს გონება, სიტყუა და სული, რომელიცა გამოხატავენ მამასა, რომელსა ეწოდების გონება, და ძესა მას, რომელსაცა ეწოდების სიტყუა, და სულსა მას, რომელსაცა სახელედების სულად წმიდად. და ვითარცა ერთსა კაცსა შორის არიან ესენი სამნი და კაცი იგი

კაცისა 3

2. ქართლის ცხოვრება

ქონა არს. ხოლო ესრეთ არს ღთისა თანაცა და სამთავროსა და ერთღათება განუყოფელი და ვითარცა შექმნა ღმერთიან კაცი კორციელად და სულიერად, ხოლო კორციელად მოიღო მიწა და შექმნა კორცი და სულიერად შთაუღვა სული, რათა აფრინდეს და ცხოველ იყოს და მისცა მას თავისუფლება, რათა იყოს თავისუფალ ვითარცა თვით ღმერთი არს თავისუფალ, და არავინ არს კელმწიფედ მისა და არცავის კელმწიფობის მის ზედან, ეგრეთვე გონებისაცა მის კაცისა არავინ არს კელმწიფე. ხოლო დასაბამსა მას ღმერთიან კაცი იგი კელმწიფე მისსა ზედან მიუშვა და არა კუთებულყო კელმწიფებისა მისაგან. ხოლო არცა ურჩებისათვის მის, ოდესაცა გარდაკდა მცნებასა მისსა, არამედ მიუშვა ნებასა მისსა ზედან და არს კელმწიფე, ესე იგი არს თვითთელმან კაცთაგანმან გინა თუ კეთილი შეიყვაროს, გინა თუ ბოროტი, და აწ მისთვის უფალიცა იტყუის, რომელსა უნდეს შემდგომად ჩემსა, უარყავნ თავი თვისი, ესე იგი არს კვალად არცავის ძალს უყოფო და არცავის ვესწრათებო, არამედ რომელსა უნდესო ნებისთ თვისით მოვიდეს ჩემდაო.

ხოლო ღმერთიან დაადგინა იგი სამოთხესა შინა, რათა იყოს იგი და სცვიდეს სამოთხესა მას. და დასდვა სახელი მისი ა და მ. და ვინათგან ოთხი კუთხე არს ქუეყანისა, აღმოსავლეთი, დასავლეთი, სამხრეთი და ჩრდილოეთი, და ამისთვის თვისცა სახელს დვა სახელი ესე. ხოლო პირველი ა-ნი აღმოსავლეთათ ითქმის და დ-ონი დასავლეთად, და მეორე ა-ნი ჩრდილოეთად და მ-ანი სამხრეთად. ხოლო შეისწავების სხვა რიგადაცა სახელი ესე, რამეთუ ებრაულად ადამ და ადამან ქუეყანასა ეწოდების და აწ, ვინათგან მიწითგან იყო გამოსული, ამისთვის სახელ ედვა ადამ. და იყო დღე იგი მეექვსე, ოდესცა იქმნა კაცი. და ვითარცა ზემორე ვთქუათ „ღღესა ამას სრულ აქმნა შესაქმისა იგი ყოველისავე, რაოდენიცა შექმნა ღმერთიან“.

ხოლო დღესა მას მეშვიდესა განისვენა ყოველთაგან საქმეთა მისთა, რაოდენთაცა იწყო და აკურთხა დღე იგი მეშვიდე და წმინდა ყო, ამისთვის რამეთუ დღესა პირველსა, რომელსაცა იწყო შექმნად სოფლისა ამისა, ხოლო დღესა ამას სრულ ყო საქმენი მისნი, რაოდენიცა სათნო უჩნდა ქმნად, და ვითარცა იტყუის მოსიკცა: ხოლო დღე იგი მეშვიდე, რო-



მეუღ არს შაბათი, განისვენაო ღმერთმან ყოველთაგან საქმეთა მისთაგან. ხოლო შაბათი ეღვწურად დაცხრობას ეწოდების, და მისთვის სათნო უჩნდა, რათა ვიდრე განჯორციელდეს, პატრიცეულ-ყო დღე იგი შაბათისა. ხოლო აწ განგებითა განჯორციელებისა ძისა და სიტყუასა ღვთისა ჩვენისა უფლისა იესოს ქრისტესისა თანა გვაც ჩვენ ქრისტიანეთა, რომელნიცა ვართ ძენი მისნი მიმადლებულად პატივს ვცემდეთ და ეძღვსასწაულობდეთ აღდგომისა დღესა კვირიაკესა, რომელსაც შინა აღასრულნა უფალმან ჩვენმან იესო ქრისტემან ყოველნივე განგებულებანი მისნი, რომელსაცა სათნო უჩნდა ცხოვრებად კაცისა, და დღესა ამას კვირიაკესა აღდგა მკვდრეთით და განისვენა ყოველთაგან საქმეთა მისთა, რომლისა თვისცა მოვიდა განგებულებისა მისისა განჯორციელებისა, რათა განაახლოს სულიერად სოფელი ესე და წმიდა ყო ესე მისსა განგებულებისა განჯორციელებითა. და განათავისუფლა ქმნული კელთა მისთა — კერპთა მსახურებისა მისგან, და ყოველთაგან ეშმაკისათა, და უხრწნელ-ყო კაცობრიული ჯორცი ესე, რომელიცა აღიყუანა ზეცად და დაჯდა მით მარჯვენით ღვთისა და მამისა. და ამისთვის ჯერ არს ჩვენ ქრისტიანეთა მიერ, რათა დავიცვათ და პატივსცეთ კვირიაკესა ყოველთავე პატივითა და კრძალულებითა, არა თუ მხოლოდ ჯორციელად; არამედ სულიერადცა ფსალმუნითა გალობით და ქებითა, და ნუ შევამკობთ მხოლოდ ჯორცთა და სისხლთა ჩვენთა, არამედ პირველად შევამკნეთ სული ჩვენი კეთილისა საქმითა და სიწმიდითა, ვილხენდეთ, და განვეკრძალნეთ, რათა არა ვცოდოთ, და არცა რამე უჭერნი საქმენი ბოროტნი ვქმნეთ. და ნურცარა ოდესმე, ვიდრემდის წარვიდოდეთ ეკლესიათა და ვისმენდეთ წირვათა. ვსჯამდეთ და ვსმიდეთ რასმე და ესრეთ არღარა ეწოდების, რათა წმიდა ვყოფთ დღესა მას კვირიაკესა და ვითარცა გვიბრძანებს წმინდანი იგი მამანიც ნამდვილვე და ღმერთიცა მათ მიერ, ხოლო გარნა დღეს იგი კვირიაკესა თვით წმიდავე არს თავით თვისით, არამედ სათნო არს ესრეთ ღვთისა, რათა ჩვენ კაცნი ესენი, რომელთაცა გვაქვს სახელი ქრისტესი. და აღმოვიშვენით წმინდისა ნათლისღებისა მიერ. ხოლო აღდგომაცა უფლისა ჩვენისა იესო ქრისტესი დავიცვათ და წმიდა ვყოთ პირველნი სულნი და ჯორცნი ჩვენნი და მამინ გალობითა სუ-

ლიერითა, ფსალმუნითა და ქებითა წმინდა ვცოთ დღესა
კვირიაკისა სადიდებლად მკვდრებით აღდგომილისა დღესა
ამას ქრისტეს ღთისა ჩვენისასა. ხოლო არა თუ მარტოდ კვი-
რიაკეთა დღეთა პატივსცემდეთ, არამედ ყოველთავე საუფ-
ლოთა დღეთა ღვთისმშობლისა და წმინდათა მოციქულთასა
და სხვათა ყოველთა მოწამეთა და წმიდათა, რომელთა ღვაწ-
ლითა და სისხლითა მათითა წამეს სარწმუნოება ესე ჩუენი.
ხოლო აწ არიან მკვდრებელად ჩვენდა წინაშე ღვთისა, ხოლო
აწ მოვეგოთ პირველსავე სიტყვათა ჩვენთა კაცისა მისთვის.
ხოლო კაცი იგი იყო საკვირველი და საწინელი საქმე ღვთისა
და უყვარდა იგი ფრიად. ამისთვისცა დიდებითა და პატივითა
გვირგვინოსან-ყო იგი. და ვითარცა იტყუის საღმთოცა იგი
დავით და დაადგინე იგი ქმნულსა კელთა შენტასა. კვალად
მეფედ და კელმწიფედ ყო ღმერთმან კაცი იგი ყოველთავე
ქმნილთა ხელთა მისთა და ყოველივე დაუმორჩილა ქვეშე
ფერკთა მისთა. ესე იგი არს, რომელმან ყოველნივე ქმნულნი
მისნი დაამონნა ღმერთმან კაცსა მას, ვითარცა მონანი რამე
და ყოველნივე ნადირნი რჩომანი ოთხფეკნი და მფრინველნი.
ესე ყოველნივე გარე ეხვევოდნენ ადამს და თაყუანისცემდენ
მას, ვითარცა მეფესა დიდსა და ძრწოდენ წინაშე მისსა, ვი-
თარცა მონანი სარწმუნონი მეუფისა მეფისაგან. ხოლო იგი
საწინელთა და დაუმეფიდებელთა მათ ნადირთა კელითა მისი-
თა შეიპყრობდა და დაიურვებდა და კელითა უსვემდა მათ
ზედან, ვითარცა კრავთა, რომელთამე მწვიდთა და არა ეწი-
ნოდა მათგან. ხოლო ვინათ ვისერეთ არა იყო ცოდვა სოფელსა
ამას და არც გულსა კაცისასა. ხოლო სახელები, რომელიც
დასდვა მათ ადამ ცხოველთა მაშინ და აწ ვიდრე დღეინდე-
ლად დღემდე — კვალად იგივე სახელი ედებიან მათ ყოველ-
თავე.

და ამის შემდგომად დასდვა განკვირება ღმერთმან ადამს
და დაიძინა. აღმოუღო ფერცხალი ერთი გვერდისა მისგან და
განუღო ღმერთმან ადამს გვერდი იგი, რომელიცა მოუღო მას
ცოლად, და ვითარცა განიღვიძა ადამ და იხილა იგი, განიხარა
ფრიად და თქუა: რამეთუ ესე არს ძვალი ძვალთა ჩემთა და
კორცი კორცთაგან ჩემთა და ამისთვის ეწოდოს ცოლ, რამე-
თუ კაცისაგან იშვა და ამისთვისცა ჯერ არს, რათა დაუტეოს

კაცმან მამა და დედა მისი და შეეყოს ცოლსა თვისსა და იყუ-
ნენ ერთგორც. და იყუნენ ორნივე შიშველ ადამ და ცოლი
მისი ევა და არა სირცხვილი უჩნდათ შიშლოება მათი, ზამე-
თუ იყუნენ შემოსილნი სამოსლითა საღმთითა ქსოვილითა და
მადლი ღთისა იყო მათ ზედან. და აკურთხნა იგინი ღმერთმან
და რქუა: აღორძინდით და განზრავლდით და განავსეთ ქუეყანა
და უფლებდით მათ ზედან. ხოლო აწ ვინათგან კაცი იგი შექ-
მნა ღმერთმან ხატად და მსგავსად მისდა, არსიცა უმჯობესი
და უდიდებულესი ქმნული ღვთისა სხვათა ყოველივე ქმნულ-
თა მისთა, რაოდენიცა ქმნა, და მთავრადცა იგივე დაადგინა
მათ ზედან, ვინათგან შექმნა უკანასკნელი კაცი იგი სხვათა
ყოველთავე ქმნულთა მისთა, რაოდენიცა ქმნა ღმერთმან, და
ვითარცა მეფესა ერთსა, რომელსაცა ეგულვების წარსვლად
დაბასა ერთსა, და იქმნებიან სამზადისი და განამზადებენ, შე-
ამკობენ და განაშვენებენ ადგილთა მათ, სადაცა ეგულვების
მისვლად, რათა განისვენოს მეფემან მან მუნ. და ჰყოფენ სამ-
ყოფთა და საკმართა მისთა ყოველთავე, რაოდენიცა ეხმარე-
ბის მას. და მაშინ მოვალს მეუფეცა იგი და ჰპობს ყოველთა-
ვე განმზადებულად და განისვენებს მუნ ესრეთ. ესრეთ იქმნა
კაცისა მისთვისცა პირველად იზრუნვა ღმერთმან განსასვენე-
ბელისა მისთვის და ყო სამყოფელი მისი და ყოველივე საკმა-
რი მისი, რომელ არს სოფელი ესე, და მერმე შექმნა კაცი იგი.
ხოლო ვინათგან ღმერთმან ვითარცა შექმნა კაცი ქუეყანისაგან,
რომლისათვის არა შექმნა დედაკაციცა იგი ქუეყანისა მისგან,
არამედ გამოიყუანა გვერდისაგან მისისა; ამისთვის რათა არა
აქვნდეს კაცთა მიზეზი და იტყოდინ სხვა იყო მიწა კაცისა
და სხვა დედაკაცისა მის. და უმჯობესი იყო მიწა იგი კაცისა,
რომლითაც შექმნა ადამ. ხოლო ამისთვისაც არიან კაცნი უმ-
ჯობესნი და უწარჩინებულესნი ღღეთა მათ. ხოლო ღმერთმან
მან ვითარცა სიბრძნითა შემოქმედმან ყოველივე, რაოდენი-
ცა ქმნა, სიბრძნითა და რათა არა იყოს კაცთა შორის სიტყუა-
ნი წინააღმდეგობისანი. ხოლო შექმნა კაცი იგი და გამოიღო
დედაკაცი და ამცნო გვერდისა მისგან.

და ოდესცა შექმნა ღმერთმან კაცი და დედაკაცი და ამ-
ცნო მათ მცნება საშინელი და ჰქუა მათ: მი ნათესავნო და
მოქალაქენო სამოთხისანო, ამათ ყოველთავე, რომელთაცა ხე-
დავთ ხეთა ნაყოფთა, ნერგთა, და ყოველთავე კეთილთა ქუეყ-

ნისათა, თქუენთუის ექმნეთ ზოლო ყოველთაგან სკამდელთაგან, იშვებდეთ დაუბრკოლებელად; და ხისა მისგან ცნობადისა, რომელ არს შორის სამოთხისა, ნუ განჰყოფთ მას ზედან კელთა თქუენთა, რამეთუ მანებელ არს თქუენად იგი, და ეკრძალენით მისგან, და ნურცა მივახლებით და ნურცა მიხედავთ, ზოლო უკეთუ გენებოსთ და განიზრახოთ განყოფად მას ზედან კელნი თქუენნი და ნურცა დამოღებად მისდა და ჭამად. ესე უწყოდეთ, რამეთუ მოატყუებთ რისხვასა დიდსა თავსა თქუენსა, რომელიცა არღარა განიკურნების არცა ერთითა სამკურნალოთა რითმე. ზოლო პატივისა დიდისა, რომელიცა აწ გაქვთ, ნაცვლად ამისსა იქმნებით მონანი და უკანასკნელ სიკვდილისადა მოჰკვდები. ზოლო ნაყოფი ესე მწარე არს და სასიკვდილე თქუენთვის. ზოლო უკეთუ დაიცვანთ მცნებანი ესე ჩვენი და არა განჰყოთ კელნი თქუენნი მას ზედან, აროდესმცა უფლებდეს სიკუდილი თქუენ ზედან, და არცა სხვა რამე მწარე, არამედ იყუნეთ უკუდავ, ვითარცა გაქმენ უკუდავ. ზოლო ვითარცა ისმინა ადამ და ცოლმან მისმან მცნება ესე და ვედრება ღვთისა მიერ, შეძრწუნდეს და შეეშინათ შიშითა დიდითა და ვითარცა საღმთოსა ბრძანებისაგან და ხე იგი საძულველი იყო მათდა ფრიად, რამეთუ მას არცა თუ ოდენ მიხედვიდეს, არამედ ივლტოდეს შორად მისგან. ზოლო ადამ ცოლსა მისსა უწოდა სახელად ევა, რომელი შეისწავების ცხოვრებად.

ზოლო ეშმაკმან მან იხილა ესე ოდენი ბრწყინვალეობა და პატიოსნება პირველთა მამათა ჩუენთა, რამეთუ ვითარცა ანგელოზნი ღთისანი იქცევიან შორის სამოთხესა თვინიერ ერთისადა ჭირისა მწუხარებისა და სულთქმისა და რუღღუნებისა და ვერღარა უძლო ხილვად ესე ოდენისა დიდებისა და პატივისა მათისა, რომელიცა აქუნდათ, და შური იძია მათ ზედა ფრიად და განიზრახა, რათა გამოაძოს სამოთხისაგან იგინი. ზოლო ეშმაკმან მან თვით ვერ იკადრა პირისპირ მისვლად ევასსა მასთანა, რათა არა ზაცნაურ იქმნას მის მიერ და არა ყოს ნება მისი. ზოლო აწ ესე ისმინეთ კელოვნებისა მისისა მანქანება, თუ ვითარ კელყო უკეთურისა ნაქმისა მისისა აღსრულებად. ზოლო გველი იგი უმეცნიერეს იყო ყოველთავე სირუტყვთა ქუეყანისათა, და შევიდა მას შიგან ეშმაკ იგი და

ნაკლი იგი არა თუ მუცლითა ცოვრიდა, არამედ ზედ ამარ-
თვით არონინებდა ფერკთა მისთა ზედან. და ვითარცა სხუანი
ყოველნივე ნადირნი და ესე შევიდა სამოთხედ და მუნ პოვა
ევა და დაეუბნა მას გინა თუ მეტყუელ იქმნა მისდა სიტყუი-
თა რათხუ მზაკვარიითა და წამლიანიითა, და პირველად ეს ჰკი-
თნა მას, რასათვის თქუა ღმერთმან თქუენ შორის არა ჰამად
ნაკლი სამოთხისა მის. ხოლო სახელი ღთისა არცა ადამ და
არცა ცოლმან მისმან უწყოდეს, გარნა ეშმაკისა მის მიერ ის-
წავეს, ვინათგან ასმინა მათ სიტყუა ესე თუ რა გიბძანათ
ღმერთმანო. და ვითარცა ჰკითხა ეშმაკმან მან დედაკაცსა მას,
თუ რა გითხარაო ღმერთმან! ხოლო დედაკაცმან მან მიუგო მას
და ჰქუა: ყოველთაგან ხეთა სამოთხისათა ესჰამოთ, ხოლო
ხისა მისგან ცნობადისა კეთილისა და ბოროტისა, რომელ არ-
სო დანერგული შორის სამოთხისა მისო, არა ესჰამოთო, არ-
ცაღა თუ მივიახლოთ მას, არცა დავიშვიროთ ჰელითა ჩვენიითა
იგიო, რათა არა მოუუკვდეთ სიკვდილითა, გარდაჯდომითა
მცნებათა მისსაო. ხოლო მიუგო გველმან მან დედაკაცსა მას
და ჰრქუა: არა მოკუდეთ სიკუდილითა, არამედ უწყოდა
ღმერთმან, რათა რომელსა ჟამსა სჰამოთ ხისა მისგან, იქმნეთ
ღმერთნი და სცნობდეთ კეთილსა და ბოროტსა და ამისთვის
გამცნოთ თქუენ ღმერთმან და გრქუათ: ეკრძალენით, რათა
არა სჰამოთო და იქმენ თქვენცა, ვითარცა თვით იგი არს
ღმერთი. და აწ ისმინე ჩენი და ჰამე შენ და მიეც ჰმარსაცა
შენსა, რათა ჰამოს მანცა და აგეხილნენ თვალნი თქუენნი და
სცნათ კეთილიცა და ბოროტიცა. ხოლო ვითარცა ესმა დედა-
კაცსა მას სიტყუანი ესე, გარნა ენათგან ბრძენთა იყო იგი,
არამედ წარეტაცა გონება და სიბრძნე იგი მისი დიდებულეზი-
სა და ღმერთყოფისა მისთვის, რომელიცა აღუთქუა ეშმაკმან
მან მას. ხოლო არცა რად შერაცხნა სიტყუანი იგი და არცაღა
თუ განიკითხა გულსა შინა მისსა, თუ რამე არიან სიტყუანი
ესენი, რომელიცა მრქუა მე: ამისთვის რამეთუ არა უწყოდა
კუალად ეშმაკი არს პირსა გუელისასა, ხოლო სცთა ესრეთ
და მოისწრაფა ხისა მის ცნობადისა და იხილა იგი უშვენიერეს
ყოველთა ხეთა მათ სამოთხისათა. და ესრეთ გონებდა იგი,
რათა ნაყოფიცა იგი ესე მის ოდენ ტკბილ არს, რაოდენიცა
ხე იგი შვენიერ იყო, და ნამდვილვე ჯერ არს ჩვენდა მღვთად
ყოფა სიტყუისაებრ გველისა მის და უწყებად ჩვენდა კითილი-



სა და ბოროტისა და იტყვიან რომელიმე რამეთუ გველნი და
 დაეუბნაო ევასა მას კაცობრივითა სიტყვითაო, და ვინმე
 ყოველნივე ცხოველნი იგინი მეტყუელ იყუნესო კაცობრივისა
 კმითაო, ვიდრემდის გარდაცდებოდა კაცი იგი მცნებასა ღვთი-
 სასაო. და აწე ესე არა არს მართალ, რამეთუ ცხოველნი იგი-
 ნი მეტყუელ იყუნეს კაცობრივისა კმითაო, ხოლო გველი იგი
 თვით არა მეტყუელ ექმნა ევასა მას, არამედ ეშმაკი იგი, რო-
 მელიცა შესრულ იყო პირსა მისსა და იქმნა გველი იგი პირი
 ეშმაკისა და ესრეთ დაეუბნა მას და აწ ესე უწყოდეთ, რამეთუ
 მეტყველებისა ბუნება მხოლოდ კაცთა აქვსთ, გონება, სიტყუა
 და კმა ამისათვის, რამეთუ არს ხატი ღთისა. და არა თუ ცხო-
 ველნი იგინი. ხოლო ცხოველთა მათ არცა უმეტყუელებად და
 არცა მეტყუელებენ, და არცა უბრძანებდეს უფალსა მეტყუე-
 ლებად მათდა. ხოლო გველი იგი, ვინათგან იქმნა შესამოსელი
 და ჭურჭელი ეშმაკისა მის, დაიწყევლა ღვთისა მიერ, ვითარ-
 ცა გნებავსთ სმენად ჭუემორე. ხოლო აქუნდა საწამლაივი
 გველსა მას პირსა მისისაგან, ვინათგან პირისა მისისაგან მე-
 ტყუელ ექმნა ეშმაკი იგი ევასა მას და მოსწამლა იგი სიტყვი-
 თა მით გესლიანითა. და მოიღო უკუდაებისა მის წილ მოკუ-
 დაება და უხრწნელებისა მის წილ ხრწნილება. და ნათლისა
 მის წილ ბნელი და მეუფობისა მის წილ ტყუეობა. არა თუ
 მარტო იგი მოწამლა გუელმან მან, არამედ ყოველნივე ნათე-
 სავნი კაცთანი.

ხოლო ევამ ისმინა განზრახვა იგი გველისა მის და განყო
 პელი მისი ხისა მის და მოიღო ნაყოფი მისი და ჭამა და მისცა
 ჭმარსაცა მისსა და ჭამა მანცა მის მიერ და ოდესაც ჭამენ
 მეყუსეულად შიშველ იქმნეს სამლთოსა მის ქსოვილისა სა-
 მოსლისაგან ორნივე ზოგად. და აღეხილნეს თვალნი მათნი და
 გულისკმა ყვნეს სიშიშვენე მათი და სასჯელიცა, რომელი მიე-
 კადა ღთისა მიერ გარდაცდომით მცნებათა მისთათა. და ესრეთ
 მოიღეს ფურცელი ლედვისა და შეიკერეს სამოსელად მათდა
 და დაიფარეს სიშიშველე მათი იგი და სირცხვილი. ხოლო წმინ-
 და ისიდორე პილისტოტი ესრეთ იტყუის, რათა ხე იგი ცნობა-
 დისაო იყო ლედვიო და ოდესაც იცნესო თავნი მათნიო განში-
 შველებულად მუნად და მუნვედ მიიღესო ხისა მისგან ფურცე-
 ლიო და შეიკერნესო სამოსელიო და შეიმოსესო ჯორცნი მათ-
 ნიო. ხოლო რომლისაგანაც ეუწყათ სირცხვილიო და სიშიშვე-

ლე მათიო, მუნვე დაიფარეს იგი, და აწ სხვა რიგად ე გულის
კმა იყოფების სიტყუა ესე სხვად რადმე. და ვითარცა იტყუის
ღთისმეტყუელიცა იგი გრიგოლი, სადა პოესო მუნ მათ ნემსიო
და ძაფიო და შეიკერნეს ფურცელნიო, რათა დაიფარნესო. და
აწ ისმინეთ გონებაცა წერისა, თუ რად გულისკმა იყოფების.
ხოლო ლედვი იგი ორკერძი არს, ნაყოფითა ტკბილ და ფურ-
ცლითა ზრქელ, და ცოდვაცა იგი მზგავსი მისი არს, რამეთუ
ტკბილ არს პირად და მერმედ იქმნების მწარედ, ზრქელ. ხო-
ლო მსგავსად ამისა ეუფლა ადამსაცა მას, ოდესაცა ჭამა ნა-
ყოფი ხისა მის, ტკბილ უჩანდა მას და ოდესაც გულისკმა-ყო,
რამეთუ განწიშვლდა არა თუ სამოსლისა მისგან, არამედ მად-
ლისაგან სამღთოსა. ხოლო მაშინ ერგენა მას მწარედ და ყოვ-
ლისავე სიმწარისად უმწარესად, და მაშინდა მიიღო ზრქელი
ესე ჯორცი და მაცბიერი და მიძიმე. ხოლო აწ, რომელიცა გუ-
აქუს და მსგავსად ამისა სიკუდილიცა იგი, რომელიცა იყო
პირველად წვრილი და სუბუქი და უკუდავი, რომელ არს ჯორ-
ცი ესე. და ვითარცა ჭამეს აქამდე ევამ ხისა მისგან, მეყუსეუ-
ლად ესმათ კმა უფლის და ღუთისა წარვლიდა სამოთხედ
მუხრ(?) და დაიმაღნენ ადამ და ევა პირისაგა უფლისა შორის
სამოთხესა, და კმა უყო ღმერთმან ადამს და რქუა მას: «ადამ
სადა ხარ და სადა იყოფები დამალულ, ვითარცა სირცხვი-
ლეული». უწყოდა ღმერთმან, რომელი განიკითხავს გულთა
და თირკმელთა, თუ სად არს ადამ, არამედ რათა მისცეს მი-
ზეზი სიტყუისა მოგონებისა მისდა მიმართ. ხოლო კაცთმო-
ყუარესა ღმერთსა მას სათნო უჩნდა, რათა მოიზიდოს სინა-
ნულად იგი; ამისთვის უკმო მას ესრეთ: ევა ვნებისა მის, მი-
სასჯელი მიცდისა მის. ხოლო პირად ყოველთავე ძალითა მი-
სათა ხედვიდა დიდებასა მას ღვთისასა, თვით ადამ იგი, და
ისმინა მან კმა იგი ღვთისა ყოველთავე სიხარულითა მისითა
მაშინ. ხოლო აწ ვინათგა იყო სასჯელმიცდელი, მიუგო შიშით
და რქუა მას: «მესმა კმისა შენისა წარუვლიდი სამოთხედ და
დავიმაღე, რამეთუ სიშველ ვარ». ხოლო ღმერთმან მიუგო და
რქუა მას: «აჰა ესერა ხისა მისგან სჭამე და არცა სურვილსა
გულისა შენისასა ეწიე, აჰა ესერა მცნებისა გარდამავლობა-
ცა ჰქმენ, და სამღთოსა მისგანაცა მადლისაგან გარდამოვარ-
დი». მაშინ კუალად მიუგო ღმერთმან მას და რქუა: «ხედავ
ცოდვისა სირცხვილისა, ხედავ, თუ ვითარ იქმნენ სიშველ შენ,



ვინათგან გარდაკედ მცნებასა ჩემსა და სჯამე ხინა რომელიცა გაუწყვე შენ არა ვამად». და რასათვის არ აღამ ესრეთ, ვითარცა მონამან და არა რქუა მას რამეთუ: «გცოდე ღმერთო ჩემო, დავაწავე შემოქმედო ჩემო და მოგტყუვდი უხულო ჩემო, გცოდე და გარდაკედ მცნებასა შენსა და ნებასა და ამისთვის ვსტირი, ვიგლოვ და მწუხარე ვარ ფრიად. ამისთვის გვედრებე შემიწყნარე კვალად ურჩქმნილი ესე შენი». ხოლო არა თუ ესრეთ მიუგო, არამედ კვალად მიავდო მიზეზი ღუთისა ზედან და რქუა მას ესრეთ: «დედაკაცი, რომელიცა მომეც მე ამხანაგად, მან მაცდუნაო». და მეუფსულად საჩინო ყო მისდა, რათა იგი არ არს მცოდველი, არამედ ღმერთი იგი, რომელმანცა მისცა მას დედაკაცი იგი ამხანაგად. ხოლო ჰკითხა დედაკაცსა მას ღმერთმან და არცა მან მიუგო ესრეთ, რათა: «გცოდეო», არამედ მიავდო მიზეზი მანცა გველსა ზედან, რამეთუ: «მან მაცდინაო» და მაშინ დასწყევლათ ღმერთმან გველი იგი. მიუგო და რქუა მას: «ვინათგან შენ ქმენ საქმე ესეო, წყეულ იყავნ ქუეყანათა ზედა და აქამომდე ამართვით და ფერკთა შენთა ზედან ვლიდი და აწ მკერდითა და ხუცლითა სცორვიდე. და იყოს ხაზრდელად შენდა მიწა ყოველთა ეამთა ცხოვრებისა შენისათა. დავდვა მტერობა შორის შენსა და შორის დედაკაცისა ამის და შორის ნათესავისა შენისა. ხოლო ამისთვის უკეთუ ოდესმე იხილოს ეინმე გველი, მიისწრაფის, რათა მოკლას იგი». და იტყვიან რომელთა მკვლელთაგანი, რამეთუ გველსა მას ოთხი ფერკი აქუნდაო, ვიდრემდის გარდაკედებოდა მცნებასა ღუთისას. და შემდეგ, ოდესაც გარდაკდა მცნებას ღუთისასა და დაიწყევლა ღუთისაგან, იქმნა მტურავ მუცლითა მისითა გესლი იგი, რთა მელიცა აქუნდა შინაგან, აწე პირსა შინა მისსა აქუს. და ესრეთ მიუგო დედაკაცსა მას: «ვინადგან ისმინე სიტყუა გველისა მის და გარდაკედ მცნებასა ჩემსა, განმრავლებით განმრავლენ მწუხარებანი შენნი და სულთქმანი შენნი და საღმობითა შობდე მკალთა შენთა, ქრმისა შენისა მიმართ იყოს მიქცევა შენი და იგი მთავრობდეს». და აწ, ხოლო ამისთვის დედაკაცი ოდესაც შობს, აქვს ფრიადი მწუხარება წყევლისა მის მიერ, რომელთაცა დასწყევლა ღმერთმან. და გინა თუ მიიყრების სიცოცხლე მისი, ვიდრე სიკვდილამდე შობისა მისისა. მაშინ დაიწყევლა აღამცა იგი: «ვინათგან ისმინე სიტყუა ცოლისა

შენისა უმჯობეს სიტყვისა ჩემისაგან, წყეულ იყოს ქუეყანა იგი საქმითაგან შენთა, ჭირითა და მწუხარებითა შენითა იქმოდე ქუეყანასა ყოველთა დღეთა ცხოვრებისა შენისათა. და სხვასა არარას აღმოგიცენებდეს, გარნა ეკალსა და კუროსთავსა“. ხედავდა რამეთუ ეკალი და კუროსთავი ჯერეთ მაშინა ქუეყანასა არლარა აქუნდა აღმოცენებულად, არამედ ოდესაც გარდავდა კაცი მცნებასა ღთისასა, მაშინ აღმოუცენა და აღორძინდა რისხვისა მისთვის ურჩებისა. და კვალად მიუგომას და რქუა ესრეთ: „რამეთუ პირისა ოფლისა შენისათა სჭამდე პურსა შენსა, ვიდრემდის მიიქცე კვალად მიწამდე, რომლისაგანცა დაიბადე, რამეთუ მიწა ხარ და მიწადევე მიიქცე“. ესე იგი არს, რათა ეუფლოს სიკვდილი მას და შეეცვალოს მიწადევე. და მაშინ უქმნა მათ სამოსელი ტყავისა და შემოსა აგინი. ხოლო სამდთოცა იგი გრიგოლი იტყვის ესრეთ: და შემოსა მათ სამოსელი ტყავისათ. ვინა უწყის, თუ ვორცისა ამის ცბიერისა და მოკუდავისათვის იტყუის. ხოლო აწ ტყავისა იგი სამოსელი სხვას არას მოასწავებდა, გარნა ამისა, რათა უკვდავებისა მის წილად, რომელიცა აქუნდა ადამს, მიიღოს მოკუდავება. ხოლო ტყავისა მის სამოსლისათვის, რომლითაცა დაისაჯა ადამ, რათა მიიღოს სამოსლად მისდა, ამისთვის სახელ უდვა კარავად ჭრისტესა, რათა შემოსოს ადამს უკვდავებისა სამოსელი და მაშინ თქუა ღმერთმან: აჰა ესერა იქმნა ადამ, ვითარცა ერთი ჩვენთაგანი მცნობელი კეთილისა და ბოროტისა და ესრეთ გულისკმა იყოფების ძალი სიტყვისა ამის, კვალად მამა, ძე და სულიწმიდა, ხოლო ჯერ არს ჩვენდა ესრეთ თქმად. რამეთუ აწ კეთილ არს ყოფნა და მისდა ესრეთ, რომელიცა სათნო უჩანდა ღმერთყოფად. არა თუ ღმერთ იქმნა, არამედ განშიშველდაცა, და რომლისაცა აქუნდა ესეოდენი მადლა და საფარველი ღთისა ამათ ყოველთა მიერ შიშველ იქმნა და შთავარდაცა რისხვასა ღვთისასა და უკვდავებისა მის წილ მოიგო მოკუდავება. ხოლო აწ კეთილ არს ყოფნად მისდა ესრეთ, რომელსაცა ეგულვებოდა ყოფნად. და ვითარცა ერთსა ჩვენთაგანსა და აწ სიტყუითა ამით მრავლიადითა რომელსაცა იტყვის ესრეთ, რამეთუ ვითარცა ერთი ჩვენთაგანსათ ესრეთ გამოაცხადებს სამებისა ერთ არსებასა, რამეთუ სამნი არიან მამა, ძე და სულიწმიდა თვითებით, ხოლო ღვთაებით ერთ. და მაშინდა განდევნა იგინი გარეგან სამოთხისა მისგან;



რათა გულსკმა ყონ კეთილი იგი, რომლისაგანცა ვუებდებოდა მისთა. ხოლო უკეთუ კაცა მნების გარდაჯდომითა მცნებათა მისთა. ხოლო უკეთუ კაცა ერთსა აქუნდეს რამე კეთილი და მის მიერ ვუებულ იქმნების და არა ხედვიდეს მას სამარადისოდ მალედ დავიწყებულ იქმნების იგი მისგან და არცა მწუხარება აქუს მისთვის ეგოდენი. ხოლო უკეთუ კეთილსა მას მარადის ხედავნი და უფროსად დღე ყოველ ფრიად არს მწუხარება, გლოვა და სულთქმა მისთვის, რამეთუ ესე ოდენისა კეთილისაგან ვუებულ იქმნა და დაკლებულ იგი და აწ ამისთვის დადგინა იგინი ღმერთმან მახლობლად სამოთხესა პირისპირ, რათა ხედვიდენ დღე ყოველ კეთილსა მას და უკუდავსა ცხოვრებასა, რომლისგანცა გამოეკვნეს, ტიროდენ და იგლოვდენ მარადის მას და ვითარცა იქმნა ესრეთ, რომელნიცა მარადის მტრალ იყუნეს ყოველთა დღეთა ცხოვრებისა მათისათა კელმწიფებისა მისთვის, რომელიცა აქუნდათ და წარწყმინდეს. და მაშინ უბრძანა უფალმან ჭერაბინსა და მახვილსა იქცევისსა დაცვა კარისა მის ედემისა, რომელ არს სამოთხე.

ხოლო უკეთუ ენებოს ვისმე ცნობად თუ რაოდენი დღენი დაყო ადამ სამოთხესა შიგან, და აწ რომელნიმე იტყვიან ესრეთ, რამეთუ ასი წელი დაყოო მუნ, და სხვანი იტყვიან, რამეთუ მესამესა ქამსა დღისასა შეიქმნაო და მეექვსესა გარდაჯდაო და მეცხრესა გამოვიდაო ურჩქმნილობისა მისთვისაო. ხოლო იოვანე ოქროპირი ესრეთ იტყვის სახარებასა თარგმანსა შინა მათეს თავსსა, მეექვსესა დღესა პირველსა შვიდეულისასაო, ესე იგი არს რამეთუ რომელსაცა დღესა შეიქმნა ადამი, კვალად მასვე დღესა განიჯდაო სამოთხით ევათურთ. და იყო დღე იგი მეექვსე, რომელ არს პარასკევი და დღესა ამას შეიქმნა ადამცა იგი მეექვსესა ქამსა ამისა დღისსა გარდაჯდა მცნებასა ღთისსა იგი. ხოლო ასლმა ადამ უფალმან ჩუენმან იესო ქრისტემან, ძემა და სიტყუამან ღთისამან, რათა განაქვოს ცოდვა იგი პირველისა მის მამისა ჩვენისა ადამისი, ჯვარს ეცვა მეექვსესა ქამსა პარასკევისსა, ცხოვრებულ ყო და განათავისუფლა ადამ ნათესავითურთ ცოდვისა მის და წყეულისა ურჩებისაგან. ესე უწყოდეთ ყოველთავე, რამეთუ მცირედ რამე დაკლებულ არს კაცი ანგელოზთა. და ვითარცა იტყუის წინასწარმეტყველიცა იგი დავით და დააკლე იგი მცირედ რამე ანგელოზთა, ამით არს დაკლებულ ან-

გელოზთა კაცი, რამეთუ მოკუდავი არს. ხოლო არა თუ ღმერთმან ქმნა კაცი უდარესი ანგელოზთა, არამედ თავით თვისით იქმნა კაცი უქვედეს ანგელოზთა, ვინათგან გარდაცდა მცნებასა ღთისასა.

[2. ა ღ ა მ ი ს ნ ა თ ი მ ს ა ვ ე ი]

ხოლო საწყალობელი იგი ადამ, ოდესაც განიდევნა სამოთხისაგან ევათურთ ბრძანებისაებრ უფლისა, იმყოფებოდეს გარეგან სამოთხისა მის უპატიოდ და შეუარაცხად უზადრუკ ქმნილი და ფრიად ყუედრებულნი. და ყოფასა მათსა მუნ იცნა ადამ ცოლი მისი ევა და მიუდგა მას და მუცლად ელო კაენ და შვა იგი. ხოლო კაენ იყო მოქმედი ქუეყანისა და იქმოდა მას და აბელ იყო მწყემსი ცხოვართა და მოიღეს ორთავე ზოგან საქმეთაგან მათთა შესაწირავად ღთისად და შესწირეს მას. ხოლო შესაწირავი იგი აბელისა შეიწირა ღმერთმან ამისათვის, რამეთუ იყო უმჯობეს საცხოვართაგან პოხილ და შვენიერ. ხოლო ვითარცა კაენის შესაწირავი იგი არა შეიწირა, ამისთვის რამეთუ იყო უკვი და უშვერ რამე საქმეთაგან მისთავ და ვინათგან არა შესწირა შესაწირავი იგი გულითა წმიდითა და სახიერითა, არამედ ზაკვითა და ორგულებითა და არცაღა თუ აქვნდა შიში ღუთისა, არამედ შორად განშორებულ იყო მისგან; არცა სასოება და სარწმუნოება აქუნდა მისდა მიმართ, არამედ იყო ჭურჭელი რამე აღსავსე უკეთურებითა და შურითა. ხოლო მადლი იგი ღუთისა არა შევალს ესე უკეთურთა ჭურჭელთა, და ვითარცა იტყვის სოლომონცა იგი წინასწარმეტყუელი, ცოდვილისა კაცისა გულსა ღმერთი არა შევალსო, ხოლო უკეთუ შევიდეს მსწრაფლ გამოვიდესო. ხოლო იყო კაენ იგი გულკლებულ ფრიად ამისთვის, რამეთუ ღმერთმან არა შეიწირა შესაწირავი მისი. და იყო პირი მისი სირცხულიელუ. და ხედვიდა რა ესრეთ, რამეთუ შესაწირავი ძმისა სათნო არს ღთისა, და იძია ფრიად შური მის ზედა. და უფროსად ამისთვისცა, რამეთუ ცხოვარსა მისსა უმჯობესად წარემატებოდა და ვერ უძლო ესე ოდენისა კეთილისა მისსა ხედვად, აღივსო შურითა და ვდომითა და დაიდვა გულსა მისსა რისხვა ძმისა მისისათვის. და დღე ყოველ ამას განიზრახვიდა, თუ რომელითა საქმითა მოკლას ძმა იგი მისი. და არა

უწყოდა ჭერად სიკუდალისა იგი საქურველი, რამეთუ ჯანაჲსაჲსა
არ შემოსრულყო ქუეყანასა ზედან და არცაღა უწყოდენ,
თუ რა არს სიკვდილი იგი. და იყო ფრიადსა მწუხარებასა და
ქმუნვარებასა. ხოლო ვინათგან ეშმაკი იგი მგრძნებელი არა
ბოროტისა განზრახვისა, ოდესაც თუ განიზრახვიდეს ვინმე
რასამე ბოროტსა, ხოლო მაშინდა ეშმაკი იგი მოვალს მახლო-
ბელად მისდა და შემწე ექმნების იგიცა მას უკეთურისა მას
განზრახვისათვის და იძულებს მას მარადის და დაუცხრობე-
ლად დღე და ღამე ჟამ და წუთ და ჰყოფს მას გულისმოდგი-
ნედ ესე ოდენ, ვიდრეღა პრულყოს საქმე იგი და დააცეს იგი
ბოროტითა განზრახვითა მით. ხოლო ვითარცა აგრძნა ეშმაკ-
მან მან უკეთური განზრახვა იგი კაენისა მის და ორგულედა,
რომელიცა აქუნდა ძმისა მისისა მიმართ, ხოლო ეშმაკი იგი
მიეახლა მას და თანაზიარ მისსა იქმნა, რათა აუწყოს მას, თუ
რომლითა სიკუდილითა მოკლას ძმა იგი მისი. და დღესა ერთსა
მოიშუშაკებდა რა კაენ სამუშაკოსა მისსა ქუეყანასა მას, რა-
მეთუ იყო იგი მუშაკი ქუეყანისა და მოვიდენ ცხოვარნი ძმისა
მისისანი, სადაცა იყოფოდა კაენ. ხოლო ვინათგან დამშვრა-
ლიყვენს ცხოვარნი ძმინი დატუივოდეს ქუეყანასა ზედა გან-
სუენებად მათდა, და აბელიცა მუნ იყო ცხოვართა მისთა თა-
ნა. ხოლო ყოფნასა მათსა მუნ შეიცულა ეშმაკი იგი ვითარცა
თხა რამე დიდ რქოსანი. ესე უწყოდეთ ყოველთა, რამეთუ ეშ-
მაკი იგი ყოვლის ფერის მსგავსად შეიცვლების. და მივიდა
ეშმაკი მუნად, სადაცა იყუნენ მუნ ცხოვარნი იგი მწოლარენი.
ხოლო ეშმაკმან მან რქითა მისითა დააგორა ლოდი ერთი და
ლოდი იგი ეცა ცხოვარსა ერთსა მათგანსა და მეყუსეულად
მოკლა იგი. და ვითარცა იხილა კაენ ესე, ესრეთ განიხარა
ფრიად. ამისთვის, რათა ყოს მანცა ესრეთ, და აღასრულოს
ნება გულისა მისისა, და მეყუსეულად მიისწრაფა და პოვა
ლოდი ერთი და დამარხა იგი ადგილსა ერთსა, კუალად უკუნ
იქცა, მოვიდა, პოვა ძმა თუისი აბელ და რქუა მას: მოვედ და
წარვიდეთ ველად. ხოლო აბელ ვითარცა უმანკო და უბრალო
იყო ყოველისავე ბოროტისა, არარა განიზრახა, არამედ მე-
ყუსეულად სიტყვისაებრ ძმისა მისისა თანა წარყვა მას, ამის-
თვის რამეთუ უხუცესი იყო კაენ აბელისა და არა წინა აღუდ-
გა სიტყუასა უხუცესისა ძმისა მისისა, არამედ დაემორჩილა
მას. და ვითარცა მიეახლნეს ადგილსა მას, სადაცა მიუწოდა

ქმისა მისსა და მირავიდაეს, მეყუსეულად დასხდენ ორნივე ზოგად მცირესა რასამე ქამსა. და აღდგა კაენ ფერკთა მისთა ზედან და აღილო ლოდი იგი, რომელიცა აქუნდა დამარხულად მუნ, და დასცა თავსა ძმისა მისისასა და მოკლა იგი. და ესრეთ შვიდი იგი ცოდვა: პირველად — რამეთუ განრისხდა მეორედ ღმერთი; მეორედ — რამეთუ შეწუხებულ ყო მამამისი; მესამედ — რამეთუ უშვილოდ ყო დედამისი; მეოთხედ — რამეთუ მოაკუდინა, ოდესცა ჰკითხა მას თუ სად არსო, მეხუთედ — რამეთუ ქუეყანა შეაგინა; მეექვსედ — რამეთუ სიტყვა წინაშე ღთისა, ოდესაც ჰკითხა მას, თუ სად არსო ძმა შენიო და მიუგო არა უწყიო; მეშვიდე — რამეთუ უარისყოფა ღუთისა განიზრახა. და ოდესცა მოკლა ძმა იგი მისი და მუნვე დაუტევა და იგი განეშორა და წარვიდა. და აწ ღმერთი ვინათგან მეცნიერ არს ყოველთა და არარა არს წინაშე თვალთა მისთა დაფარულ, მეყუსეულად უკმო კაენსა დიდითა რისხვითა მისითა და რქუა მას, თუ: «სადა არს ძმა იგი შენი აბელ?» მიუგო და რქუა მას: „არა უწყი თუ სადა არს ძმა იგი ჩემი, რამეთუ არა ვარ მცველ ძმისა ჩემისა“. მიუგო ღმერთმან და რქუა: „რა ეს ჰყავ, რამეთუ მოჰკალ ძმა შენი, ხოლო სისხლი ძმისი დადადებს ქუეყანით ჩემდამო, ხოლო აწ ვინათგან ეს ჰყავ და მოჰკალ ძმა იგი შენი, წყეულ იყავნ ქუეყანათა ზედან, ძრწოლითა და სულთქმითა შენითა იქმოდე ქუეყანასა და არარას აღმოგიცენებდეს იგი და არავინ იყოს მკადრე მოკულად შენდა. იყუნ მოძულეებულ და განდევნილ პირისაგან ჩემისა». ხოლო ესოდენ ფრიად ძრწოდა გელი იგი კაენისა, რომლითაცა იყო უმსჯავრო იგი სიკუდილი, რამეთუ ვერცალა თუ ეძლო საზრდელისა მიტანა პირად მისად და არცალა თუ სხვისა რასამე საკმარისა კორცისა მისისა ქმნად.

ხოლო ვითარცა მიილო წყევა პირისაგან ღუთისა, რამეთუ ქუეყანამან არა აღმოუცენოს არცალა თუ ერთისა ნაყოფისაგან, მიილტოდა ამიერ და იმიერ ადგილითი ადგილად, ვითარცა წყეულ პირისაგან ღუთისა, და წარვიდა და დაემკუიდრა ქუეყანასა მას ნადირისასა. და მიუდგა ცოლსა მისსა და მუცლად ილო და შვა ენოს. და აღუშენა მუნ ქალაქი და უწოდა სახელი ქალაქსა მას სახელი ენოს ძისა მისისა და ამან შემოილო პირველ შენებად ქუეყანად. ხოლო ენოს შვა გაიდად, გაიდად შუა მაღალელი და მაღალელ — მათუსა-

ლა და მათუსალა — ლამექ. ხოლო ლამექ ესე იგი არს, რომელმანცა პირველად შემოიღო მშუილდი ქუეყანად. და ჰყვანდა მას ორნი ცოლნი. და ერთსა მას ერქვა ადა და მეორესა სელა, ხოლო ადასაგან ორნი ძენი: და ერთსა მას უწოდა იოვილი და მეორესა მას იუვალ, და სელას მისგან იშვა მხოლოდ თოველ. ესე იგი არს, რომელმანცა შემოიღო პირველად ქუეყანად მქედლო ბარკინისა და რვალისა. ხოლო ძემან მისმან იოველ შემოიღო პირველად ქუეყანად კარავი, რამეთუ იყო მონადირე ნადირთა და მფრინველთა. და ოდესცა წარვიდის ნადირებად ნადირთა, დაიდგნის კარავნი მუნ. და ძმამან მისმან იუვალ შემოიღო პირველად ქუეყანათ სიმღერანი, საკრავნი ორღანოკნი და საყვირნი და სხვანი ყოველნივე მსგავსნი ამისნი, და ვითარცა დაბერდა ლამექ, მოელო თვალთა მისთა ნათელი და იქმნა ბრმა. ხოლო ოდესაც ბრმადა იყო იგი, არა მოუტრჩის მას ნადირნი, რომელნიცა არა მოჰკლის. ესოდენი სიმარჯვე აქუნდის კელსა მისსა და ჩვეულება. ხოლო არა მოკლის საჭმელად მისდა, არამედ ტყავისა და ბეწვისა მისთვის, რათა იქმოდის სამოსლად მზთდა. და იტყვიან რომელნიმე, რამეთუ მაშინაო კაცნი იგინი არა სჭამდენ კორცსაო, არამედ შემდგომად წყლით რლუნისა იწყესო ჭამად კორცისა კაცთაო. ხოლო ლამექ სამარადისოდ იყოფოდა ჭალაკსა შინა წინამძღვრისა მისისა თანა, და არა სხვად რადმე ეკმარებოდა წინამძღვარი იგი მისი, თვინიერ ამის: და ოდესცა იხილვიდის ნადირთა, აუწყებდის მას, თუ სადა არს ნადირი იგი. ხოლო დღესა ერთსა გამოვიდა ლამექ ნადირობად წინამძღვართა მისითურთ და მოვიდნენ ჭალაკსა ერთისა პირსა. და ვითარცა მიეახლნეს ჭალაკსა მას, წინამძღვარსა მისსა ესმა ვმა რამე დაცემა ვითარცა ნადირისა რასმე დიდისა. და მეყუსეულად მიიქცა და რქუა ლამექს: აჰა, აჰა არს ნადირი დიდი. და ვითარცა ესმა ლამექს მეყუსეულად მოიმართა მშუილდი და ისარი და რქუა წინამძღვარსა მისსა, თუ სად არს, და მან გაუნიშნა და აუწყა და განუტევა ლამექ ისარი, და ჰკრა გულსა მისსა და მოკლა იგი და ესე არა იყო ნადირი, არამედ იყო კაენ. და მიეჭადა სასჯელი აბელისა ძმისა მისისა. ხოლო ლამექ გულისგმა ყოძგერთა მით, რამეთუ მოკლა იგი და იქმნა მწუხარე ფრიად მოკლისა მისთვის კაენისა. და ესოდენ გარისხდა, რამეთუ

მოკლა წინამძღუარიცა იგი მისი. ხოლო უზადრუკი იგი გუამი
კაენისა დაშთა მუნ ჭალაკსა შინა დაუფვლელად და თავისა
მისისაგან გამოვიდა წყარო ერთი სიმყრალისა. და წყალსა მას
გამოაქუნდა მატლი რამე, რომელიცა არა ხილულა არაოდეს
და არცა გამოჩენილა ქუეყანად მსგავსი მისი. ხოლო მატლთა
მათ აქუნდათ ოთხი ფეკი, თვალნი და ყურნი მათნი იყვნეს
ვითარცა ნადირისა რისმე დიდისანი. ხოლო იტყვიან რომელ-
ნიმე, რამეთუ ძალღნი მათ მიერ იშვნესო.

ხოლო აღამისა და ევასი უნუგეშინისმცემლო მწუხარება იგი
სიკუდილისათვის აბელისა მისისა იხილა ღმერთმან, და შე-
ეწყალნა იგინი და მისცა მათ ღმერთმან ნაცულად აბელისა
და შუეს სეით. და იქმნა სეით კაცი ჭკვიან და ბრძენ და
მართალ. ხოლო ამან დასდვა სახელე ბი შვიდთა ვარ-
სკულავთა მაცდურთა. და ამანვე გულისკმა ყო სიბ-
რძნითა მისითა საბრუნავსაცა მას ცისასა, და სიბრძნეს მისსა.
და წიგნიცა იგი ებრაული ამის მიერ და იწერა,
ხოლო აქათგან იწყეს განმრავლება ნათესავთა კაცთამან ქუე-
ყანად და განითესნეს ყოველთა პირთა ზედა ქუეყანისათა.

[3. წარღუნა]

და იცოცხლა აღამ ყოველნივე წელნი ცხოვრებისა მისი-
სანი ცხრაას ოცდაათი და მოკუდა მასვე დღესა, რომ-
ელსაცა გარდაცა ბრძანებასა უფლისასა. და დაუტევნა ძენი
ოცდაცამეტნი და ასულნი ოცდაშვიდნი, და კაცნი
იგინი მის ჟამისანი შთასცვიდდეს ბოროტსა და უკეთურსა გუ-
ლისთქმასა და საქმეთა და ურწმუნოებათა და ცდომათა. დიდე-
ბასა და ამპარტაუნებასა ესოდენ, რამეთუ დაუტევეს სარწმუ-
ნოვება ჭეშმარიტისა მის ღუთისა, და იწყეს თაყუანის-
ცემად კერპთა, ზოგთა მზესა და ზოგთა მთო-
ვარეს, ზოგთა ვარსკვლავთა, ზოგთა ქუეყა-
ნასა, ზოგთა ნათელსა, ზოგთა წყალთა, ზოგთა
ხეთა, ზოგთა კლდეთა და ლოდთა, ზოგთა თვი-
თო ფერთა პირუტყვთა. ხოლო მას ჟამსა შინა იყო
ერთი შვილისშვილთაგანი სეითისა სახელდებული ნოე. და
ესე ყოველთავე სიკეთითა სრულიად უნაკლულო და მოძულე

ყოველისავე უკეთურებისა და უსამართლოებისა, და მტუქვენი
რე ყოველისავე ცოდვისა და უკეთუ ვინმე იხილის უტყუარად
მქევეი დაუსჯელად, ჰყვედრდის და ამხილის ნას უკეთურება
იგი მისი. და იყო მაძულებელ მისდა, რათა მოიზიდოს იგი
შოშა და კრძალვასა ღუთისას. და ვინათგან ვერღარა უძლო
მოქცევაჲ მათდა, ამისათვის რამეთუ ეშმაკსა მას ჰყუანდა ბი-
რკბულ იგინი მისდა და რწმუნებულ ყოველისავე წადიერებისა
მისისა ზედან. და განიზრახა ნოე გულსა მისსა ესრეთ, რათა
განეშოროს მათგან. აღდგა და განეშორა და დაუტევა
მამისა მამული იგი მისი. წარვიდა და განეშორა მათგან
და ესრეთ იტყოდა, რამეთუ: „უმჯობეს არს ჩემდა ყო-
ფად უცხოთა და უმეცართა ქუეყანათა, ვიდრე ყო-
ფად უღთოთა და უკეთურთა და უსჯულოთა კაცთა თანა“.
მაშინ იხილა ღმერთმან მიუდრეკელი იგი გონება მისი, რამე-
თუ არა მიდრეკების უკეთურებასა ზედან. მოუვლინა ანგელო-
ზი მისი და რქუა ნოეს ესრეთ, რამეთუ: „ნებავს უფალსა ეს-
რეთ აღვცად ყოველთავე ნათესავთა კაცთასა. ხოლო აწ შენ
განმზადენ ულტოლველნი და მაგარნი. და შემზადე კიდობანი
და იყოს სივრცე მისი სამს მწყართა და ოცდაათ სიმაღლე და
უქმენ კარნი გვერდით კერძოვე და ქმენ ძირით კერძო სახლნი
ორრიგნი და სამრიგნი. და შევედ შენ და ცოლი შენი და ძე-
ნი შენნი და ცოლნი ძეთა შენთანი და ყოველთაგან საცხო-
ვართა პირუტყუთა და ნადირთაგან და ყოველთავე კორციელ-
თა, რაოდენიცა არიან ქუეყანათა ზედან, ორორნი მამალნი
და დედალნი. შეიყუანე შენ თანა და გამოზარდენ იგინი. ხო-
ლო შენ იზრუნე და შეიკრიბე საზრდელი მათთუის. და იწყო
ნოე სიტყუისაებრ ანგელოზისა მის. დაიწყო შენება კიდობნი-
ნა მის და სრულ ყო მესამესა წელსა. ხოლო ესეოდენსა წელსა
შენება კიდობნისა მის სხუა არარა იყო. გარნა ამისა ვინ
უწყის უკეთუ შეინანონ კაცთა მათ უმჯულოვებათა მათთაგან
ხედვითა მისითა. ხოლო ოდესცა ჰკითხვიდეს ნოესა მას კაცი,
გინა თუ რასათვის აშენებს მას, მიუგებდა და ეტყოდა მათ,
რამეთუ: „საძულველ იქმნა წინაშე ღვთისა უმჯულოება
ერისა ამის და უნებს უფალსა, რათა მოავლინოს წყლით
ღრღუნა და ახოცოს პირისაგან ქეყანის ყოველნივე კაცი და
პირუტყუნი. და მკითხველნი იგი ეკითხვიდეს და ემდერდეს
სიტყუათა მათ ნოესთა. და ოდესცა აღასრულა ნოემ კიდობანი



იგი, მაშინ უბრძანა ღმერთმან ნოესა: „შვედ შენ და ცოლი შენი და ცოლნი ძეთა შენთანა და ძენნი და შვილნი ძეთა შენთანა და ყოველთაგან ნადირთა და პირუტყუთა და მკეცთა და ცხოველთა და ყოველთავე ჯორციელთა ორორნი: მამალი და დედალნი შეიყვანენ შენთანა. აჰა შვიდ დღეთა არს და იწყებს წვიმა საშინელი, ორმეოც დღე და ორმეოც ღამე“. და ყო ნოე ბრძანებისაებრ უფლისა: და შევიდა კიდობანსა მას იგი და ცოლი მისი და სამნი ძენი მისნი: სემ, ქამ და იაფეთ და სამნი ცოლნი ძეთა მისთანი და წულნი მათნი და თანა შეიყვანეს ყოვლისავე თესლადისა ცხოველისა ორორნი მამალნი და დედალნი, და დახურა კარი კიდობანისა მის ნოე. და განრისხდა უფალი გულისწყრომითა მისითა უშჯულოვებასა მას კაცთასა და განაღო საქანელი ცისა და ყოველნივე წყარონი უფსკრულისანი. და გარემოეცემოდა წყალი, იგი ვითარცა ზღუა ორმეოც დღე და ორმეოც ღამე. და განმრავლდა წყალი იგი და ზე აღიღო კიდობანი იგი ქუეყანით და იყო კიდობანი ზედა წყალთა და დაფარნეს წყალთა მათ ყოველნი მთანი, ბორცუნი ქუეყანისანი და აღჯდეს წყალნი იგი მათათა მათ უმაღლესად, ვიდრე ათხუთმეტ მწყართაოდენ. და მოსწყდენ ყოველნივე ჯორციელნი, რაოდენიცა იყო ქუეყანათა ზედან, ფრინველი და პირუტყუნი, ნადირნი, მკეცნი და ყოველნი კაცნი. და ყოველნივე რომელსაცა აქუნდა სული ცხოველნი. და აღიკოცნეს სრულიად ყოვლისაგან პირისა ქუეყანისა კაცთაგან მიპირუტყვათმდე მკეცნი და მფრინველნი ცისანი. ხოლო კიდობანი იგი დადგა მთასა ერთსა, რომელსაცა ეწოდებინ ბარათ.

[4. ნოეს ნათესავნი]

და ოდესაც დასცხრა სიმრავლე იგი წყალთა მათ, განაღო ნოე კიდობანი იგი და განუტევა ყორანი ერთი, რათა იუწყოს მის მიერ უკეთუ დასცხრა სიმრავლე იგი წყალთა მათ. ხოლო ყორანი იგი ვითარცა წარვიდა და ჰპოვა დამრჩევალთა მათ კაცთა და პირუტყუთა მძოვრი, არღარა უკუნ იქცა მისდა, რათა აუწყოს მას რამეთუ დასცხრა წყლით რღუნა იგი, და შემდგომად ამისა იხილა ნოე, რამეთუ არღარა მოიქცა ყორანი იგი მისდა, განაღო კულად კიდობანი იგი და განუტევა სხვა-



და ერთი ყორანი რათა მოიქცეს მისდავე. და მოართუას მას შანი რამე, უკეთუ დასცხრა წყლით ღრღუნა იგი. ხოლო არცა იგი მოიქცა მისდა. დაითმინა სხუათა შვიდი დღე ნოე კიდობანსა მას და კუალად განაღო კიდობანი იგი დღესა მას მეშვიდესა და განუტევა ტრედი ერთი და წარვიდა. ხოლო ტრედი იგი ვინათგან წმინდა არს და უმანკო, არა სათნო იჩინა დაჯდომა ტალახთა ზედან. და მიიღო პირით მისით რტო ერთი ზეთისხილისა და მოიქცა კუალად მუნვე კიდობანად. და მეყუხეუღლად სცნა ნოე, რამეთუ დასცხრა წყლით ღრღუნა იგი. და ესრეთ გამოვიდა ნოე კიდობნისა მისგან ცოლითურთ და ძეთა მისთათ და ყოველითურთ სახლეულით მისით და გამოვიდნეს ცხოველიცა იგინი, რომელნიცა შესრულ იყვნეს მისთანა კიდობანსა მას ყოველთაგან თესლთა ქუეყანისათა. და მოიღო ნოე შესაწირავი ღუთის და შესწირა მას, და იხილა უფალმან შესაწირავი ნოესი და აკურთხა ღმერთმან კუალად ბუნებანი კაცთანი და ცხოველთანი. ესრეთ აღორძინდებოდა და განმრავლდებოდა ყოველსა პირსა ქუეყანისსა. და იყო წელნი გარდაჯდომილად მისგან ვიდრე წყლით ღრღუნამდე ორიათას ორასორმოცდაორი.

ხოლო უამსა იყუნეს შვილის შვილთაგანი ნოესთა: და გამოსჩნდეს გმირნი და გონება მაღალნი მესრემ და ნებროთ. ხოლო იყო სხუაცა ძისძე ნოესი: ავნან, რომელნი შვა იაფეთ ძემან ნოესმან და, ავნან შვათარშის და თარშის შვათარგამოს. და ესე თარგამოს იყო მამასომეხთა და ქართველთა და რანთა და მოვაკანელთა, ტერთა და ლექთა, მეგრელთა და კავკასიელთა. და იყო კაცი გმირი და შემდგომად განყოფისა ენათასა, ოდეს აღაშენა ნებროთ ბაბილოვანსა გოდოლი და განუყნეს მუნ ენანი და განიბნივნეს ყოველსა ქუეყანასა, აღამს აქეთ ჩლქ (1798) წელს უკან იყო ნებროთ.

[**ცხოვრება ქართველთა მეფეთა, ნინოს შიშრ
ქართლის მოქმევეს**]

სახელითა მამისათა, ძისათა და სულისა წმიდისათა
ვიწყო მითხრობად

ცხოვრება ქართველთა მეფეთა და პირველთაგანთა
გამათა და ნათესავთა

[**1. ქართველთა და კავკასიის ხალხთა ბიბლიური
მონარქები**]

პირველად ვაკსენოთ ესე, რამეთუ სომეხთა და ქართველ-
თა, რანთა და მოვაკნელთა, ჰერთა და ლეკთა, მეგრელთა და
კავკასიანთა — ამათ თუსთა ერთი იყო მამა, სახელით თარგა-
მოს. ესე თარგამოს იყო ძე თარშისი, ძისწული იაფეთისი, ძი-
სა ნოესი. და იყო ესე თარგამოს კაცი გმირი: და შემდგომად
განყოფისა ენათასა, ოდეს აღაშენეს ბაბილონს გოდოლი, და
განეყნეს მუნ ენანი და განიბნინეს მუნით ყოველსა ქუეყანა-
სა. და წარმოვიდა ესე თარგამოს ნათესავითურთ მისით, და
დაემკვდრა ორთა მათ მათა შუა კაცშეუვალთა, არარატსა და
მასისსა და იყო ნათესავი მისი დიდი და ურიცხვ, რამეთუ ეს-
ხნეს ცოლ მრავალ, ძენი და ასულნი, და შვილნი და შვილის-
შვილნი ძეთა და ასულთა მისთანი, რამეთუ ცხოვნდა იგი ექუ-
სას წელ. და ვერღარა იტევდა ქუეყანა არარატისა და მასი-
სისა.

ხოლო ქუეყანა იგი, რომელი წილით ხდომოდა, ესე არს
საზღვარი ქუეყანისა მისისა: აღმოსავლით ზღუა გურგენისი,
დასავლით ზღუა პონტოსი და სამხრით ზღუა ორეთისი, და
ჩრდილოთ მთა კავკასია.

ხოლო შვილთა შორის მისთა გამოჩნდეს კაცნი რვანი,
გმირნი ძლიერნი და სახელოვანნი, რომელთა სახელები ესე
არს: პირველსა ერქუა ჰაოს, მეორესა ქართლოს, მესამესა
ბარდოს, მეოთხესა მოვაკან, მეხუთესა ლეკ, მეექუსესა ჰეროს,
მეშუდესა კავკას, მერვესა ეგროს. ესე რვანი იყვნეს გმირნი:
ხოლო ჰაოს უმეტეს გმირი იყო ყოველთასა, რამეთუ ეგვიპ-

თარი არაოდეს ყოფილ იყო არცა წყლის-რღუნის წინაშე არცა შემდგომად ტანითა, ძალითა და სიმკნითა.

ხოლო ვერლარა იტევდა ქუეყანა არარატისა და მასისისა, განუყო თარგამოს ქუეყანა და ნათესავი თუსი რვათა ამათ გმირთა: ნახევარი ნათესავისა მისისა და ნახევარი და უმჯობესი ქუეყანისა მისისა მისცა ჰაოსს, ხოლო შუდთა ამათ მისცა ხუედრი მათი არძანიგებისაებრ მათისა: წარმოიყვანნა შუდნი იგი ჩრდილოთ კერძო და განუყვნა ქუეყანანი ღირსებისაებრ მათისა. მისცა ქართლოსს და უჩინა საზღვარი: აღმოსავლით ჰერეთი და მდინარე ბერდუჯისი; დასავლით ზღუა პონტოსი; სამხრით მთა, რომელი მიჰყვების ბერდუჯის მდინარისთავსა, და მთა, რომელი მიჰყვების დასავლით კერძო, რომლისა წყალი გარდმოდის ჩრდილოთ კერძო და მიერთენ მტკუარსა, რომელ მიჰყვების მთა შორის კლარჯეთსა და ტონ ვიდრე ზღუამდის; და ჩრდილოთ საზღვარი დადო, მთა მცირე, რომელი გამოვლის შტოდ კავკასისაგან და მოჰკიდავს წუერი დასასრულსა დადოსა, რომელსა აწ ჰქვან ლიხი. და ამათ საზღვართა საშუალ მისცა ყოველი ქართლოსს.

ხოლო ბარდოსს მისცა მტკუარს სამხრით, ბერდუჯის მდინარითგან ვიდრე სადა შეკრბებიან მტკუარი და რაჯსი. ამან ბარდოს აღაშენა ქალაქი ბარდავი და დაეშენა მუნ.

ხოლო მოვაკანს მისცა მტკუარსა ჩრდილოთ, მცირისა აღაზნისა შესართავითგან ვიდრე ზღუამდე. და ამან აღაშენა ქალაქი მოვაკნეთი, და დაემკუდრა მუნ.

ხოლო ჰეროსს მისცა ქუეყანა მტკუარისა ჩრდილოთ, მცირისა აღაზნისა შესართავითგან ვიდრე ტყეტბამდე, რომელსა აწ ჰქვან გულგულა. და ამან ჰეროს აღაშენა პირველად ქალაქი შესაკრებელთა შორის ორთავე აღაზნათსა, და უწოდა სახელი თუსი ჰერეთი. და მის გამო ჰქვან ჰერეთსა ჰერეთი. და აწ მას ადგილსა ჰქვან ხორანთა.

ხოლო ეგროსს მისცა ქუეყანა ზღვსყურისა, და უჩინა საზღვარი: აღმოსავლით მთა მცირე, რომელსაც აწ ჰქვან ლიხი; დასავლით ზღუა; ჩრდილოთ მდინარე მცირისა ხაზარეთისა, სადა წარსწუთების წუერი კავკასისა. ხოლო ამან ეგროს აღაშენა ქალაქი და უწოდა სახელი თუსი ეგრისი. აწ მას ადგილსა ჰქვან ბეღია.

ხოლო კავკასიათა ჩრდილოთ არა იყო ხუედრა თარგამო-

სისა, არამედ არცა იყო კაცი კავკასიასა ჩრდილოთ; და უმკვდრო იყო ქუეყანა იგი კავკასიითგან ვიდრე მდინარემდე დიდად, რომელი შესდის ზღუასა დარუბანდისასა. ამისთვის გამოიყვანნა მრავალთა გმირთაგან ორნი გმირნი, ლეკან და კავკასი. და მისცა ლეკანს ზღუთგან დარუბანდისათ ვიდრე მდინარემდე ლომეკისა, ჩრდილოთ ვიდრე მდინარემდე დიდად ხაზარეთისად. და მისცა კავკასს ლომეკის მდინარითგან ვიდრე დასასრულამდე კავკასისა, დასავლით.

ხოლო ჰაოს დაემკვდრა საყოფელთა მამისა თვისისა თარგამოსისასა, და დაიპყრა ქუეყანა ჩრდილოთ, ვითა დამიწერია: სამხრით მითთ ორეთისითგან, აღმოსავლით ვიდრე ზღუადმდე გურგენისა, და დასავლით ვიდრე ზღუადმდე პონტოსა. და ამათ შუდთავე გმირთა ზედა იყო განმგებელ და უფალ ჰაოს. და ესე ყოველნი იყვნეს მორჩილ ჰაოსისა. და ესე რვანივე ერთობით ჰმონებდეს ნებროთს გმირსა, რომელი იყო პირველი მეფე ყოვლისა ქუეყანისა.

შემდგომად ამისა მცირედთა წელიწადთა მოუწოდა ჰაოს შუდთა მათ გმირთა, შემოკრიბნა და რქუა მათ: „მოგუცა ღმერთმან მაღალმან ძალი და სიმრავლე ნათესავისა ჩუენისა. აწ შეწვენითა დამბადებლისათა ვიყვნეთ არა ვისა მონა, და არავის ვმსახუროთ თუნიერ ღმრთისა დამბადებელისა“. ეწამნეს შუდნი იგი გმირნი, და დაუმტკიცეს განზრახვა იგი; და განუდგეს ნებროთს და არღარა მისცეს ხარკი. და ეზრახნეს სხუათა ვიეთმე ნათესავთა, და დაუორგულდეს სხვანიცა ნათესავნი.

მაშინ განუწყრა ნებროთ, და შემოკრიბნა გმირნი მისნი და ყოველნი, რომელნი ერჩდეს, სპანი მისნი, და მომართა თარგამოსიანთა. ხოლო ჰაოს მოუწოდა შუდთავე გმირთა და ყოველსავე ნათესავსა თარგამოსისა. და შეეწივნეს სხუანიცა ვინმე ნათესავნი დასავლეთისანი: შეკრიბნა ჰაოს ესე ყოველნი და დადგა ძირსა მასისისასა. და ვითარ მოადგა ნებროთ ქუეყანასა აღარბადაგნისასა, და დადგა მუნ და წარავლინნა გმირნი სამეოცნი და მათ თანა სპანი ძლიერნი წყობად თარგამოსიანთა.

ხოლო ვითარცა მოიწივნეს სპანი იგი ნებროთისნი, მაშინ მიეგებნეს შუდნი იგი გმირნი ძმანი ჰაოსისნი სპითა ძლიერითა. ხოლო ჰაოს სპითა უძლიერესითა დაუდგა უკანით, ზურგით. იქმნა მათ შორის ბრძოლა სასტიკი, რომელი ემსგავსა სასტი-

გებასა ჰაერისასა, რამეთუ მტუერი ფერკისა მათისა ელვა
დრუბელი სქელი; ელვა აბჯრისა მათისა ვითარცა ელვა ცისა;
ჴმა პირისა მათისა ვითარცა ჴმა ქუხილისა; სიმრავლე ისართა
და ტყორცნა ქვისა მათისა ვითარცა სეტყუა ჴმირი, და დათხე-
ვა სისხლისა მათისა ვითარცა ღუარი სეტყუათა. განძლიერდა
ბრძოლა მათ შორის, და მოსწყდა ორგნითვე ურიცხვ.

ხოლო ჰაოს უდგა ზურგად გმირთა მისთა, ძალ-სცემდა და
წუგეშის-ცემდა ჴმითა საზარელითა, რომელი მსგავსი იყო მე-
ხისტეხისა. მაშინ სძლეს თარგამოსიანთა და მოსრნეს სამეოც-
ნი იგი გმირნი ნებროთისნი და სპანი მათნი. ხოლო შუდნი ესე
გმირნი თარგამოსიანნი — ქართლოს, ბარდოს, მოვაკან, ჰეროს,
ლეკან, კავკასან, ეგროს — ესენი დარჩეს ცოცხლებით თვნიერ
წყლულეზისა და ძლევაშემოსილნი ჴმადლობდეს ღმერთსა.

ხოლო ვითარცა ესმა ნებროთს, განწყრა და წარმოემართა
მით კერძო ყოვლითა ძალითა მისითა. ხოლო ჰაოსს არა ჰყვეს
სპანი ნებროთის სპათა ოდენნი: განმაგრდა იგი ღირღალთა
შინა მასისისათა. მიუდგა ქუეშე კერძო ნებროთ; და იყო იგი
ქურცილი რკინითა და რვალითა ტერფთაგან ვიდრე თხემამდე.
და ადჯდა გორასა ერთსა ზედა ზრახვად ჰაოსისა და ეტყოდა
დამორჩილებასავე მისსა, რათა სთნდეს მიქცევა მისი. ხოლო
ჰაოს რქუა გმირთა მისთა: „განმიმარეთ ზურგით კერძო ჩიმი,
და მივეახლო ნებროთს“.

და წარვიდა და მივიდა პირისპირ მახლობელად ნებროთი-
სა, და სტყორცნა ისარი და ჰკრა მკერდსა ნებროთისსა, ფიცარ-
სა ზედა რვალისასა, და განავლო ზურგით. მაშინ დაეცა ნებ-
როთ, და იოტა ბანაკი მისი. და განთავისუფლდეს ნათესავნი
თარგამოსისნი. და მაშინ ჰაოს ჰყო თავი თუსი მეფედ ძმათა
თუსთა ზედა და სხუათაცა ნათესავთა ზედა, მახლობელთა
საზღვართა მისთასა. ხოლო შუდნივე ესე ძმანი წარვიდეს
თუსთუსად ქუეყანად, და იყვნეს მორჩილ ჰაოსისა. ხოლო
აქამომდის დავწერეთ ამბავი ესე რვათავე ძმათა.

[2. ქართლოსის ქუეყანა]

ხოლო აქათგან ვიწყით და წარმოვთქუთ ამბავი ქართ-
ლოსისა და ნათესავისა მათისა, და ცხოვრება მათი ვიდრე დღე-

თა ჩუენთამდე. და ვითარ-იგი განუყო ქუეყანა თარგამოს ნუ
თესავესა მისსა და რვათავე შვილთა მისთა, და მისცა
ქართლოსს ქუეყანა, რომელი ზემო აღვწერეთ. და ესე
ქართლოს მოვიდა პირველად ადგილსა მას, სადა შეერთეს
არავუ მტკუარსა, და განვიდა მთასა მას ზედა, რომელ-
სა ეწოდების არმაზი. და პირველად შექმნა სიმაგრენი მას ზე-
და, და იშენა მუნ ზედა სახლი, და უწოდა მთასა მას სახელი
თავისა თვისსა ქართლი. და ვიდრე აღმართებამდე მუნ ზედა
კერპისა არმაზისი ერქუა მთასა მას ქართლი, და მის გამო
ეწოდა ყოველსა ქართლსა ქართლი, ხუნანითგან ვიდრე ზღუ-
ამდე სპერისა.

შემდგომად ამისა ამანვე ქართლოს აღაშენა ციხე ორბისა,
რომელსა აწ ჰქვან სამშულდე. და კუალად აღაშენა მტუერის-
ციხე, რომელსა აწ ჰქვან ხუნანი. ცხოვნდა იგი მრავალთა
წელთა და განმრავლდა ნათესავეი მისი.

ხოლო შვილთა შორის მისთა გამოჩნდეს ხუთნი გმირნი,
რომელთა სახელები ესე არს: პირველსა მცხეთოს, მეორესა
გარდაბოს, მესამესა კახოს, მეოთხესა კუხოს, მეხუთესა გა-
ჩიოს. ესე ხუთნივე იყვნეს გმირნი: არამედ მცხეთოს უგმირე
იყო სხუათა მათ.

მოკუდა ქართლოს და დაფლეს იგი თავსა ზედა ქართლი-
სასა, რომელსა აწ ეწოდების არმაზი. და შემდგომად ამისა
ცოლმან მისმან აღაშენა დედაციხე. და მანვე აღაშენა ბოსტან-
ქალაქი, რომელსა აწ ჰქვიან რუსთავეი, და განყვნა ცოლმან
ქართლოსისმან ხუთნივე იგი გმირნი, შვილნი მისნი.

გარდაბოსს მისცა ხუნანი და უჩინა საზღვარი: აღმოსავ-
ლით მდინარე ბერდუჯისი, დასავლით ქალაქი გაჩიანი, და სამ-
ხრით მთა პირველქსენებული, და ჩრდილოთ მტკუარი.

ხოლო გაჩიოსს მისცა ორბისციხე და სკურეთის მდინარით-
გან ვიდრე თავადმდე აბოცისა. და ამან გაჩიოს აღაშენა ქალა-
ქი გაჩიანი, რომელსაც მაშინ ერქუა სანადირო ქალაქი.

ხოლო კუხოსს მისცა ბოსტანქალაქი, რომელსა აწ ჰქვან
რუსთავეი, მისცა არავუთგან ვიდრე ჰერეთამდე,შესართა-
ვადმდე, მთასა კახეთისასა და მტკუარსა შუა.

ხოლო კახოსს მისცა კავკასიასა და კახეთის მთასა შორის,
არავუთგან ვიდრე ტყეტბადმდე, რომელი არს საზღვარი ჰერე-
თისა. და ამან კახოს აღაშენა ჩეღეთი; კუხოს შეეწია შენება-

სა ჩეღეთისასა. რამეთუ დედაციხე კახოსის ხუეღრი იყო მისცა კახოს შეწვენისათუს და შეეწია შენებასა ჩეღეთისასა, რომელსა ბერ ერქუა პირველშენებულსა კახეთისასა.

ხოლო მცხეთოს, რომელი უგმირე იყო ძმათა მისთა, ესე დარჩა საყოფელთა მამისა მათისა ქართლოსისათა, რომელსა აწ ჰქვან არმაზი. და მანვე აღაშენა ქალაქი შესაკრებელსა შორის მტკურისა და არაგვსასა, და უწოდა სახელი თუსი მცხეთა. და დაიპყრა ქუეყანა ტფილისითგან და არაგვთგან დასავლით ვიდრე ზღუამდე სპერისა.

და ესე იყო განმგე და უფალ მათ ოთხთავე ძმათა ზედა. და ესე ოთხნივე იყვნეს მორჩილ მისა. ესე არიან განყოფილნი ქართლოსის ძეთანი და რომელნი განყვნა დედამან მათმან შემდგომად სიკუდილისა ქართლოსისა. ხოლო მრავალთა წელთა და მრავალთა ჟამთა ცხოვნდა ძე ქართლოსისი, და განმრავლდა ნათესავი მისი, და მათ ყოველთა განმრავლდა ნათესავი მათი.

ხოლო შვილთა შორის მცხეთოსისათა გამოჩნდეს სამნი გმირნი სახელოვანნი, რომელთა სახელები ესე არს: პირველსა უფლოს, და შემდგომსა ოძრკოს, და მესამესა ჯავახოს. განუყო მათ ქუეყანა და ნათესავი მათი ყოველი.

ოძრკოსს მისცა ტასისკართგან ვიდრე ზღუამდე სპერისა, ქუეყანა კლდოვანი. ამან ოძრკოს აღაშენა ორნი ციხე-ქალაქნი: ოძრკე და თუხარისი.

ხოლო ჯავახოსს მისცა ფანავრითგან ვიდრე თავადმდე მტკურისი. და ამან ჯავახოს აღაშენა ორნი ციხე-ქალაქნი: წუნდა და ქალაქი არტანისა, რომელსა მაშინ ერქუა ქაჯთა ქალაქი, ხოლო აწ ჰქვან ჰური.

ხოლო უფლოს დარჩა საყოფელსა მამისა მათისა მცხეთოსისა მცხეთას. და ეპყრა ქუეყანა არაგვთგან და ტფილისითგან ვიდრე ტასისკარამდე და ფანავრამდე. და ამან აღაშენა უფლისციხე, ურბნისი, კასპი, არაგვთგან და არმაზითგან ვიდრე ტასისკართამდე უწოდა ამას ქუეყანასა ზენასოფლისა, რომელსა აწ ჰქვან შიდაქართლი.

ხოლო ვიდრე სიკუდილამდე მცხეთოსისა ესე ყოველნი ნათესავნი თარგამოსისნი იყვნეს სიყუარულსა ზედა ერთმანერთისასა; და შიში აქუნდათ ნებროთიანთა, და ჰგონებდეს იგინი ნებროთიანთაგან ძებნასა სისხლისა ნებროთისსა. და ის-



წრადდეს იგინი მაგრებასა ციხე-ქალაქთასა შიშისათჳს ნებჲსა
თიანთასა.

ხოლო ვითარცა მოკუდა მცხეთოს, ძე ქართლოსისი, შთავარდა შური შორის შვილთა ქართლოსისთა: იწყეს ბრძოლად და კდომად ურთიერთას. რამეთუ უფლოსს, ძესა მცხეთოსისა, არა ერჩიდეს, არცა ხადოდეს უფლად, რომელი დატყევებულ იყო საყდართა ქართლოსისათა, რამეთუ მამისა მისისაგან მიცემულ იყო უფლობა ქართლოსიანთა. იწყეს ბრძოლად და კდომად ურთიერთას; და განაგრძელეს მათ შორის ბრძოლა, რომელ ჟამ სამე აღდგიან ამთგანნი ორნი ნათესავენი ერთსა ზედა, და სხუანი შეეწეოდინ რომელნიმე მას; და რომელნიმე კჳალად სხუანი აღდგეს ერთმანერთსა ზედა და სხუანი შეეწეოდინ. რომელსამე ჟამსა იქმნის მშუდობა მათ შორის, და კჳალად შეიშალნიან და ებრძოდინ.

და გაგრძელდა მათ შორის ესევეთარი საქმე, და არავინ იყო მათ შორის უწარჩინებულეს და უსახელოვანეს, არამედ აღგილითი აღგილად თავადნი იჩინიან. ხოლო ვინცა იყვის მცხეთას, რეცა თავადი იგი იყვის ყოველთა მათ სხუათა ზედა. და არცა სახელ-ედებოდათ მეფედ, არცა ერისთავად, არამედ მამასახლისი ეწოდებოდათ, და იგი იყვის მაზავებელ და ბჭე სხუათა ქართლოსიანთა. რამეთუ ქალაქი მცხეთა განდიდებულ იყო უმეტეს ყოველთასა, და უწოდდეს დედაქალაქად.

და მას ჟამსა დაივიწყეს ღმერთი, დამბადებელი მათი, და იქმნენ მსახურ მზისა და მთოვარისა და ვარსკულავთა ხუთთა, და მტკიცე და უფროსი საფიცარი მათი იყო საფლავი ქართლოსისი.

მას ჟამსა შინა განძლიერდეს ხაზარნი და დაუწყეს ბრძოლად ნათესავთა ლეკისათა და კავკასისათა. და ესე თარგამოსიანთა ყოველნი მას ჟამსა იყვნენ მშუდობით სიყუარულსა ერთმანერთისასა.

ხოლო შვილთა ზედა კავკასისთა იყო უფალ დურძუკ, ძე ტირეთისი. ეზრახნეს ესე ექუსთავე ნათესავთა თარგამოსიანთა, და ითხოვეს შეეღა ხაზართა ზედა. ხოლო შეკრბეს ყოველნი ნათესავენი თარგამოსიანნი, და გარდაველეს მთა კავკასია. და მოტყუენნეს ყოველნი საზღვარნი ხაზარეთისანი, და აღაშენნეს ქალაქნი პირსა ხაზარეთისასა, და წარმოვიდეს.

ამისა შემდგომად ხაზართა იჩინეს მეფე, და დაემორჩინეს ყოველნი ხაზარნი მეფესა მას ჩინებულსა მათსა. და წარმოიძღუნეს იგი და გამოვლეს ზღუსკარი, რომელსა აწ ჰქვან დარუბანდი. ვერ წინააღუდგეს თარგამოსიანნი, რამეთუ იყო სიმრავლე ურიცხვ ხაზართა, წარტყუენეს ქუეყანა თარგამოსიანთა, და შემუსრნეს ყოველნი ქალაქნი არარატისანი და მასისისანი და ჩრდილოსანი. და დაურჩეს ციხე-ქალაქნი თუხარისა, სამშულდე და მტუერისციხე, რომელ არს ხუნანი, შიდა-ქართლი და ეგრისი.

და ისწავეს ხაზართა ორნივე ესე გზანი, რომელ არს ზღუსკარი დარუბანდი და არაგუსკარი, რომელ არს დარიალა, და განამრავლეს ხაზართა გამოსლვა და ტყუენვა მათი და ვერღარა წინააღუდგეს. და მიერთვან იქმნეს ესე ყოველნი თარგამოსიანნი მოხარკე ხაზართა.

ხოლო ოდეს პირველ გამოვიდა ხაზართა მეფე და მოტყუენნა ქუეყანანი, რომელნი ზემოთ დამიწერიან, და გარდავლო მთა კავკასია. და იყო ძე მისი სახელით უობოს, და მისცა ძესა თუსსა ტყუე სომხითისა და ქართლისა. და მისცა ქუეყანა კავკასის ნაწილი, ლომეკის მდინარისა დასავლით, დასავლეთამდე მთისა.

და დაეშენა უობოს: და მათნი ნათესავნი არიან ოვსნი, და იგი არს ოვსეთი, რომელ ნაწილი იყო კავკასისა. ხოლო დურძუკ, რომელი უწარჩინებულეს იყო შვილთა შორის კავკასისთა, მივიდა და დაჯდა ნაპრალსა შინა მთისასა, და უწოდა სახელი თუსი დურძუკეთი. და მისცემდა ხარკსა მეფესა ხაზართასა.

ხოლო მასვე გზობასა მისცა მამისძმისწულსა მისსა ხაზართა მეფემან ნაწილი ლეკანისა, აღმოსავლით ზღუთგან დარუბანდისით მდინარემდე ლომეკისა. და მისცა ტყუე რანისა და მოვკანისა. და დაეშენა იგი მუნ, რომელ ნაწილი იყო ლეკანისი.

ხოლო ხოზონის, რომელ უწარჩინებულეს იყო ნათესავთა შორის ლეკანისთა, მივიდა და დაჯდა ნაპრალსა შინა მთისასა, აღაშენა ქალაქი და უწოდა სახელი თუსი ხოზანიხეთი.

და გარდაჯდეს მას შინა ქამნი მრავალნი. და ესე ყოველნი ნათესავნი იყვნეს მოხარკე ხაზართა.

ხოლო მიერთვან განძლიერდეს სპარსნი მიერ მზისა აღ-

მოსავლითგან, ნათესავნი ნებროთისნი. და გამოჩნდა ნათესავთა შორის ნებროთისთა კაცი ერთი გმირი, რომლისა სახელი აფრიდონ, „რომელმან შეკრა ჯაჭუთა ბევრასფი, გუელთა უფალი, და დააბა მთასა ზედა, რომელ არს კაცთშეუფალი“.

ესევეთარი წერილ არს ცხოვრებასა სპარსთასა. აფრიდონ ეუფლა ყოველსა ქუეყანასა სპარსთასა: ხოლო რომელთამე ქუეყანათა შეგზავნა ერისთავნი, კელადნი მისნი, და რომელიმე ქუეყანა მოხარკე ეყო. ამან წარმოგზავნა ერისთავი თუსი სპითა დიდითა, რომელსა სახელი ერქუა არდამ, შვილი ნებროთის ნათესავთა. მოვიდა ქართლად და შემეუსრნა ყოველნი ქალაქნი და ციხენი ქართლისანი. და მოსრა ყოველი, რაოდენი ხაზარი პოვა ქართლსა შინა.

ამან არდამ ერისთავმან აღაშენა ქალაქი ზღვსკარს, და უწოდა სახელი დარუბანდი, რომელი ითარგმნების „დაკშაკარი“ და მანვე მოზღუდა მცხეთა ქალაქი ქუთკირითა. და აქამომდე არა იყო ქართლსა შინა საქმე ქუთკირისა. და ამის გამო დაისწავლეს ქუთკირი. ამანვე არდამ მოჰკიდა კირი-ზღუდე ციხესა არმაზისასა და აქათ მტკურამდის, და წარმოზღუდა ცხერი არმაზისი ვიდრე მტკურამდე.

და ერისთავობდა არდამ მრავალთა წელთა. ხოლო ოდეს განუყო აფრიდონ ყოველი ქუეყანა სამთა ძეთა მისთა, მაშინ რომელსაცა ძესა მისცა სახლად სპარსეთი, და მასვე ხუდა წილად ქართლი, რომელსა სახელად ერქუა იარედ.

ხოლო შემდგომად არდამ ერისთავისა გარდაიცვალნეს დ ერისთავნი. მიერთგან უცალო იქმნეს ძენი აფრიდონისნი, რამეთუ იწყეს ბრძოლად ურთიერთას. და მოკლეს ორთა ძმათა იარედ, ძმა მათი. მაშინ პოვეს ჟამი მარჯუე ქართლოსიანთა.

ეზრახნეს ოვსთა, გარდამოიყვანეს ოვსნი და პოვეს ერისთავი სპარსთა ველსა გარე, და კნისობდა, და მოკლეს იგი. და რომელ პოვეს სპარსი, ყოველი მოსწყუდეს ოვსთა და ქართველთა, და განთავისუფლდეს ქართველნი, ხოლო რანი და პერეთი დარჩა სპარსთა.

და შემდგომად ამისა მრავალთა წელიწადთა კუალად განძლიერდეს სპარსნი. და განდიდნა მეფე სპარსთა, რომელსა ერქუა ქეკაბოს.

ხოლო მას ჟამსა იყო ვინმე ლეკეთს, კაცი მგრძნებელი, ნა-

თესავე ხოზანიხიზისი. და მან გრძნებითა თუსითა დააბრმავა
კაპოს მეფე და სპა მისი, და ვერ შევიდა ლეკეთს, უკუნი
და მაშინლა განუნათლდა თუალეზი. ამან ქეკაპოს კუალად მო-
ხარკე-ყენა ქართველნი და წარვიდა.

შემდგომად ამისსა რაოდენთამე წელიწადთა მოვიდა ამბა-
გი, ვითარმედ მოსე განვლო ზღუა ისრაელთა, და იზრდებიან
იგინი უდაბნოს მანანათა. განკურდეს ყოველნი, და მათ ყო-
ველთა წარმართთა აქეს ღმერთი ისრაელთა.

და შემდგომად ამისსა რაოდენთამე წელიწადთა უცალო
იქმნა ქეკაპოს, მეფე სპარსთა, რამეთუ იწყო ბრძოლა თურქ-
თა. მაშინ პოვეს ჟამი მარჯუე სომეხთა და ქართველთა, და
განუდგეს სპარსთა და განამაგრნეს ციხენი და ქალაქნი მათნი.
და შეერთნეს ყოველნი ნათესაენი თარგამოსიანნი.

შემდგომად ამისსა რაოდენთამე წელიწადთა გამოგზავნა
ქეკაპოს, სპარსთა მეფემან, ძე მისი, რომელსა ერქუა ფარაბო-
როტ, სპითა დიდითა სომეხთა და ქართველთა და ყოველთა
თარგამოსიანთა ზედა. ხოლო შეკრბეს ესე ყოველნი თარგამო-
სიანნი, მიეგებნეს და ეწყვნეს ადარბადაგანს, და იოტეს ფარა-
ბოროტ, და მოსრეს სპა მისი.

შემდგომად ამისსა მცირედთა წელთა კუალად გამოგზავნა
ამანვე ქეკაპოს ძისწული მისი, ძე შიოშ ბედნიერისა, რომელი
პოიკლა თურქეთს, ვითარცა წერილ არს წიგნსა სპარსთა
ცხოვრებისასა.

წარმოემართა ესე ძე შიოშისი, სახელით ქაიხოსრო. ვერ
წინააღუდგეს მას სომეხნი და ქართველნი, რამეთუ დიდი იყო
ძალი მისი. მოვლო ყოველი სომხითი და ქართლი, მოტყუენა
ყოველივე, იავარ-ყენა ყოველნი ციხენი და ქალაქნი, და დაუ-
ტევენა ერისთავნი, და აღაშენა ადარბადაგანს სახლი სალოცავი
სჯულისა მათისა, და წარვიდა.

და შემდგომად ამისსა რაოდენთამე წელიწადთა უცალო
იქმნა ქაიხოსრო მეფე, და იწყო ბრძოლად თურქთა, ეძიებდა
სისხლსა მამისა მათისასა. და პოვეს ჟამი სომეხთა და ქარ-
თველთა, განუდგეს სპარსთა და მოსრნეს ერისთავნი სპარს-
თანი, და განთავისუფლდეს.

ხოლო პასვე ჟამსა მოვიდეს თურქნი, ოტებულნი მისე
ქაიხოსროსგან. გამოვლეს ზღუა გურჯანისი, აღმოყვეს მტკუ-
ბრსა და მოვიდეს მცხეთას სახლი ოცდარვა. და ეზრახნეს მა-

მასახლისსა მცხეთისასა, აღუთქუეს შეწევნა სპარსთა ზედ
ხოლო მამასახლისიან მცხეთელმან აუწყა ყოველთა ქართველ-
თა. ინებეს დამეგობრება მათ თურქთა, რამეთუ აქუნდა შიში
სპარსთა, და შემწეობისათუს დაიმეგობრნეს თურქნი იგი გა-
მოსხმულნი, და განიყვანეს ყოველთა ქალაქთა შინა.

ხოლო უმრავლესნი მათგანნი მოვიდეს და პოვეს ადგილი
ერთი მცხეთას, დასავლით კერძო კლდეთა შორის გამოკუეთი-
ლი, ღრმა, და მოითხოვეს ადგილი იგი მცხეთელთა მამასახ-
ლისისაგან. მისცა და აღაშენეს იგი, მოზღუდეს მტკიცედ, და
ეწორდა მას ადგილსა სარკინე.

და იყვნეს ესე თურქნი და ქართველნი ნებისყოფელ ერთ-
მანერთისა, მოელოდეს მოსლვასა სპარსთასა, ამაგრებდეს ცი-
ხეთა და ქალაქთა. მას უამსა შინა სადათაც ვინ მივიდის ძურის-
მოქმედთაგან საბერძნეთით, გინა ასურით ოტებული, გინა ხა-
ზარეთით, ყოველნივე დაიმეგობრიან ქართველთა შემწეობი-
სათუს სპარსთა ზედა.

და გამოკდეს ამას შინა უამნი მრავალნი. მაშინ ნაბუქოდო-
ნოსორ მეფემან წარმოსტყუენა იერუსალემი, და მუნით ოტე-
ბულნი ურიანი მოვიდეს ქართლს, და მოითხოვეს მცხეთელთა
მამასახლისისაგან ქუეყანა ხარკითა. მისცა და დასხნა არაგუსა
ზედა, წყაროსა, რომელსა ჰქვან ზანავი. და რომელი ქუეყანა
აქუნდა მათ ხარკითა, აწ ჰქვან ხერკ ხარკისა მისთუს.

აქამომდის ქართლოსიანთა ენა სომხური იყო, რომელსა
ზრახვიდეს. ხოლო ოდეს შემოკრბეს ესე ურიცხუნი ნათესავნი
ქართლსა შინა, მაშინ ქართველთაცა დაუტევეს ენა სომხური.
და ამათ ყოველთა ნათესავთაგან შეიქმნა ენა ქართული.

და იპყრეს სჯული უბოროტესი ყოველთა ნათესავთასა.
რამეთუ ცოლქმრობისათუს არა უჩნდათ ნათესაობა; და ყო-
ველსა სულიერსა ჭამდეს; საფლავი არა იყო, მკუდარსა შეს-
ჭამდეს.

შემდგომად ამისსა რაოდენთამე წელიწადთა აღმოვიდა ძე
სპარსთა მეფისა ვაშტაშაბისი, სახელით სპანდიატ-რვალი, გო-
ლიათი იგი და სახელოვანი. ხოლო ვერ წინააღუდგეს სომეხნი
და ქართველნი, არამედ განამაგრნეს ციხენი და ქალაქნი, და
მოელოდეს მოსლვასა მისსა. ხოლო მოვიდა რა იგი აღარბა-
დაგანს, ეწია ამბავი სპარსთა, რამეთუ მოკლეს მამისმამა მისი
თურქთა და შემოვიდეს თურქნი სპარსეთად. მაშინ დაუტევა



სპანდიატ ბრძოლა სომეხთა და ქართველთა, შეიქცა თუფნად
 ზედა ძებნად სისხლსა მამისმამისა მისისასა. და განთავისუფ-
 ლდეს სომეხნი და ქართველნი.

შემდგომად ამისსა რაოდენთამე წელიწადთა მეფე იქმნა
 სპარსეთს ძე სპანდიატისი, რომელი არს სახელით ბარამ, რომ
 მელი იცნობების არდაშრობით. ესე განდიდნა უფროს ყო-
 ველთა მეფეთა სპარსთასა. ამან დაიპყრა ბაბილოვანი და ასუ-
 რეთი, მოხარკე-ყვნა ბერძენნი და ჰრომნი. და მაშინ ქართველ-
 ნი მოხარკე-იყვნეს მისდავე. და იყვნეს ქართლს ესრეთ აღრე-
 ულ ესე ყოველნი ნათესავნი, და იზრახებოდა ქართლსა შინა
 ექუსი ენა: სომხური, ქართული, ხაზარული, ასურული, ებრა-
 ული და ბერძული. ესე ენანი იცოდეს ყოველთა მეფეთა ქარ-
 თლისათა, მამა და დედათა.

3. შემოვცლა ალექსანდრესი

ესე ალექსანდრე გამოჩნდა ქუეყანასა საბერძნეთისასა, ქუ-
 ეყანასა, რომელსა ჰქვან მაკედონი, ძე ნიკტანებისი, მეგვპტე-
 ლისა, ვითარცა წერილ არს ამბავი მისი წიგნსა ბერძენთასა.

ამან ალექსანდრე დაიპყრა ყოველნი კიდენი ქუეყანისანი.
 ესე გამოვიდა დასავლით, და შევიდა სამხრით, შემოვიდა
 ჩრდილოთ, გარდამოვლნა კავკასნი და მოვიდა ქართლად. და
 პოვნა ყოველნი ქართველნი უბოროტეს ყოველთა ნათესავთა
 სჯულითა. რამეთუ ცოლქმრობისა და სიძვისათუს არა უჩნდა
 ნათესაობა, ყოველსა სულიერსა ჭამდეს, მკუდარსა შესჭამდეს,
 ვითარცა მგეცნი და პირუტყუნნი, რომელთა ქცევისა წარმო-
 თქმა უკმარ არს და იხილნა რა ესე ნათესავნი სასტიკნი წარ-
 მართნი, რომელთა-იგი ჩუენ ბუნთურქად და ყვიჩაყად
 უწოდთ, მსხდომარენი მდინარესა მას მტკურისასა მიხუევით,
 დაუკვრდა ესე ალექსანდრეს, რამეთუ არარომელნი ნათესავნი
 იქმოდეს მას. და ენება რათამცა აღმოფხურნა იგინი ქალაქე-
 ბისა მისგან, არამედ მას ეამსა ვერ უძლო, რამეთუ პოვნა ცი-
 ხენი მაგარნი და ქალაქნი ძლიერნი. კუალად გამოვიდეს სხუ-
 ანი ნათესავნი ქალდეველნი, და დაეშენნეს იგინიცა ქართლს.

შემდგომად ამისსა განძლიერდა ალექსანდრე და დაიპყრა
 ყოველი ქუეყანა, და აღმოვიდა ქუეყანასა ქართლისასა. და



პოვნა ციხე-ქალაქნი ესე ძლიერნი შუაქართლ: წუნდა, ხერ-
თსი მტკურისა, ოძრვე მოკიდებული კლდესა დადოსსა, თუ-
ხარისი მდინარესა ზედა სპერისასა, რომელსა ჰქვან ჭოროხი,
ურბნისი, კასპი და უფლისციხე, ქალაქი დიდი მცხეთა და
უბანნი მისნი, სარკინე, ციხედიდი და ზანავი, უბანი ურიათა,
და რუსთავი, და დედაციხე სამშულდე, და მტურისციხე, რომელ
არს ხუნანი, და კახეთის ქალაქნი. ამათ ყოველთა ციხე-
ქალაქთა შინა პოვნა კაცი სასტიკად მბრძოლნი და განუყო
ლაშქარი თსი და ყოველთა ამათ ციხე-ქალაქთა გარემოად-
გინნა, და თვთ დადგა მცხეთას. და დაუდგინნა ლაშქარი იმი-
ერ და ამიერ, ზემოთ და ქუემოთ, და თვთ დადგა ქსანს ზედა,
იდგილსა, რომელსა ჰქვან ნასტაკისი.

1 ხოლო მტურისციხესა და თუხარისსა არა ჰბრძოდა, რამე-
თუ ვერ შეუძლებდა დაპრობად. ხოლო სსხუანი ესე ციხენი
და ქალაქნი დაიპყრნა ექუს თუე. ხოლო სარკინელთა ბუნ-
თურქთავანთა აგინეს მეფესა. განუწყრა ალექსანდრე და არ-
ლარა ინება ზავი, და ვედრება მათი არა შეიწყნარა, და რქუა
მათ: „ვინათგან მაგინეთ მე, ესე არს ნაცვალი თქუენი, რათა
დაგვოცნე ყოველნი“. და მოიცვა ქალაქი სარკინე, და ვერა
სადეთ განერა ერთიკა კაცი. ხოლო სარკინელთა შესჭირდა,
რამეთუ ჰბრძოდა თერთმეტ თუე. იწყეს ფარულად კლდესა
კაფა, და განკურთეს კლდე იგი, რომელი ღბილ იყო და ად-
ვილად საკურთელი. და განკრბეს კურელსა მას სარკინელნი
ლაშე, და შეივლტოდეს კავკასიად, და დაუტევეს ცალიერად
ქალაქი.

დაიპყრა ალექსანდრე ყოველი ქართლი, და მოსრნა ყო-
ველნი იგი ნათესავნი აღრეულნი ქართლს მყოფნი, და უცხო-
ნი იგი ნათესავნი მოსრნა და დაატყუევნა, და დედანი და ყრმა-
ნი უტეხნი, თხუთმეტისა წლისა უმცროსნი; და დაუტევენა ნა-
თესავნი ქართლოსიანნი, და დაუტევა მათ ზედა პატრიკად სა-
ხელით აზონ, ძე იარედოსისი, ნათესავი მისი ქუეყანით მაკე-
დონით, და მისცა ასი ათასი კაცი ქუეყანით პრომიით, რომელ-
სა ჰქვან ფროტათოს. ესე ფროტათოსელნი იყვნეს კაცი ძლი-
ერნი და მკნენი, და ეკირთებოდეს ქუეყანასა პრომისასა. და
მოიყვანნა ქართლად, მისცა აზონს პატრიკსა. და დაუტევა
ქართლს ერისთავად აზონ, და მის თანა სპანი იგი, მპყრობე-
ლად ქართლისა.

და უბრძანა ალექსანდრე აზონს, რათა პატივ-სცემდეს მასა და მთოვარესა და ვარსკულავთა ხუთთა, და ჰმსახურებდენ ღმერთსა უხილავსა, დამბადებელსა ყოველისასა. რამეთუ მას ეამსა არა იყო წინასწარმეტყუელი და მოძღუარი სჯულისა ჰეშმარიტისა, რომელმანცა ასწავა და ამხილა, არამედ თვით მოიგონა სჯული ესე ალექსანდრე, მეფობასა შინა მისსა ყოველსა ქუეყანასა სჯული ესე დაუდგა. და წარვიდა ალექსანდრე.

ხოლო ამან აზონ მოარღვენა ზღუდენი ქალაქსა მცხეთასა საფუძვლითურთ, და დაუტევნა ოთხნი იგი ციხენი, რომელნი მოსდგმიდეს პირსა ქართლისასა: თავადი ციხე, რომელ არს არმაზი; და ერთი ციხე დასასრულსა არმაზისა ცხვრისასა; და ერთი თავსა ზედა მცხეთისასა; მეოთხე ციხე, დასავლით, მცხეთა მტკუარსა ზედა. და ესენი მომტკიცნა, და განაგნა იგინი ლაშქრთა. და ყოველთა ქართლისა ქალაქთა მოარღვენა ზღუდენი, და დაიპყრნა საზღვარი ქართლისანი, ჰერეთითგან და ბერდუჯის მდინარითგან ვიდრე ზღუადმდე სპერისა. და დაიპყრა ქართლსა ზედა ეგრისიცა, და მოხარკე-ყვნა ოსნი, ლეკნი და ხაზარნი.

და ვითარ წარვიდა ალექსანდრე ეგუპტედ, აღაშენა ქალაქი ალექსანდრია, და თორმეტ წლამდის მოვლო ყოველი ქუეყანა, თორმეტსა წელსა შინა დაეპყრნეს ყოველნი კიდენი ქუეყანისანი. და მეთოთხმეტესა წელსა ალექსანდრიას შინა მოკუდაო იგი, უსწორო დიდი კელმწიფე. და ვითარ მოკუდებოდა იგი, სიცოცხლესავე შინა მისსა განუტევნა ყოველნი მთავარნი, რომელნი შეპყრობილ და დამონებულ იყვნეს მისგან. და იგინი წარვიდეს თვსთესად ქუეყანად, ვითარცა ბრძანებულ იყო.

მერმე მოიყვანნა ოთხნი კაცნი, ტომნი მისნი, რომელნი იყვნეს სახელით: ანტიოქოზ, ჰრომოს, ბიზინტიოს და პლატონ.

და მისცა ანტიოქოზს ასურასტანი და სომხითი, და კერძო აღმოსავლეთისა უჩინა მას. და მან აღაშენა სახელითა მისითა ქალაქი ანტიოქია.

ხოლო ჰრომოსს მისცა თრმიკოსი, და უჩინა კერძო დასავლეთისა. და მან აღაშენა ქალაქი ჰრომი.

და ბიზინტიოსს მისცა საბერძნეთი და ქართლი, და უჩინა კერძო ჩრდილოსა. და მოუწერა წიგნი ანდერძი აზონ პატრიკსა, ერისთავსა ქართლისასა. რათა მსახურებდენ იგი ბიზინ-

ტიოსს. და მან აღაშენა ქალაქი ბიზინტია, რომელსა აწ ჰქვან კონსტანტინეპოლი.

ხოლო პლატონ დაუტევა ალექსანდრიას. და მოკუდა ალექსანდრე.

ხოლო ამან აზონ დაუტევა სჯული ალექსანდრეს მოცემული, იყყო კერპთმსახურებად, და შექმნა ორნი კერპნი ვეცა-ლისანი: გაცი და გაიმ. და მონებდა იგი ბიზინტიოსს, მეფესა საბერძნეთისასა. იყო კაცი ძნელი და მესისხლე, და ესე დააწესა და ამცნო სპათა მისთა, ვითარმედ: „ყოველმან ქართველმან ერმან, რომელმან პოვოს საქურველი, მოკალთ იგი“. და ჰყოფდეს ჰრომნი იგი ესრეთ ქართველთა ზედა, და ვინცავინ გამოჩნდის ქართველთაგანი ქმნულ-კეთილი და ასაკოვანი, მოკლიან იგი. და იყო ჭირი დიდი ნათესავსა ზედა ქართველთასა. და ეს აზონ მათ ჰრომოთაცა ზედა იყო მესისხლე, და მოესრნეს მრავალნი მათგანნი.

4. [ცხოვრება ზარნავაზისი]

მას ჟამსა იყო ჭაბუკი ერთი მცხეთას ქალაქსა შინა, რომელსა ერქუა სახელი ფარნავაზ. ესე ფარნავაზ იყო მამულად ქართველი, ნათესავი უფლოს მცხეთოსის ძისა, და დედულად სპარსი ასპანელი. და იყო იგი ძმისწული სამარისი, რომელი მოსლვასა მას ალექსანდრესსა მცხეთელ მამასახლისი ყოფილ იყო.

ესე სამარ და ძმა მისი, მამა ფარნავაზისი, მოკლულ იყო ალექსანდრესგან. ხოლო დედასა ფარნავაზისსა წარეყვანა ფარნავაზ, სამისა წლისა ყრმა, და შელტოლვილ იყო კავკასიად. და მუნ აღზრდილ იყო და მოსრულ იყო მცხეთას, მამულსა თესსა.

ხოლო ესე ფარნავაზ იყო კაცი გონიერი, მკედარი შემმართებელი და მონადირე ჯელოვანი. და იმაღვიდა იგი სიკეთესა თესსა აზონის შიშისაგან. ხოლო მონადირეობითა მისითა იქმნა მეტნიერ აზონისა, და შეიყუარა იგი აზონმან მონადირეობისათს. ევედრებოდა ფარნავაზს ღედამისი: „შვილო ჩემო, ეკრძაღე აზონს და ნურარას იჩინებ თავისა შენისა სიკეთესა, ნუუკუე მოგკლან შენ“.



და იყო შინი და ძრწოლა მას ზედა. და ვითარ განმეორებულნი
 შინი აზონისი მათ ზედა, რქუა ფარნავაზს დედამან მისმან:
 „შვილო ჩემო, დაუტევე საყოფელი მამათა შენთა და წარმოყ-
 ვანე მამულსა ჩემსა ასპანს, ძმათა ჩემთა თანა, და განერე შენ
 ცოცხალი ჳელისაგან აზონისა.“

და დაამტკიცეს განზრახვა ესე, წარსლვა ასპანისა. ჳირ-უჩ-
 ნდა ფარნავაზს დატეგება საყოფელსა მამათა მისთასა, არამედ
 შინისაგან დიდისა დაამტკიცა წარსლვა.

მაშინ იხილა ფარნავაზ სიზმარი, რეცა იყო იგი სახლსა ში-
 ნა უკაცურსა, და ეგულვებოდა განსლვა და ვერ განვიდა. მა-
 შინ შემოვიდა სარკუმელსა მისსა შუქი მზისა და მოერტყა
 წელთა მისთა, და განიზიდა და განიყვანა სარკუმელსა მას. და
 ვითარ განვიდა ველად, იხილა მზე ქუე-მდაბლად, მიჰყო კელი
 მისი, მოჰპოცა ცუარი პირსა მზისასა და იცხო პირსა მისსა.
 განიღძა ფარნავაზ და განუკვრდა, და თქუა: „სიზმარი იგი
 ესე არს, მე წარვალ ასპანს, და მუნ კეთილსა მივეცემი“.

ხოლო მას დღესა შინა განვიდა ფარნავაზ და ნადირობდა
 შარტო, და დევნა-უყო ირემთა ველსა დილომისასა. და ივლ-
 ტოდეს ირემნი ღირღალთა შინა ტფილისისათა. მისდევდა
 ფარნავაზ, სტყორცნა ისარი და ჰკრა ირემსა. და მცირედ წარ-
 გლო ირემმან და დაეცა ძირსა კლდისასა. მივიდა ფარნავაზ
 ირემსა ზედა; და დღე იგი მწუხრი გარდაცდა, და დაჯდა ირემ-
 სა მის თანა, რათამცა დაყო მუნ ლამე და დილეულმცა წარ-
 ვიდა.

ხოლო კლდისა მის ძირსა ქუაბი იყო, რომლისა კარი აღ-
 მოქმნულ იყო ქუთა ძუელად, და სიძუელითა შეჰქმნოდა ღარ-
 დუევა შენებულსა მას. მაშინ დაასხა წუმა მძაფრი: ხოლო
 ფარნავაზ აღმოიღო ჩუგლუგი და გამოარღვა კარი ქუაბისა
 მის, რათამცა მუნ შიგა დაიმშრალა წუმისა მისგან, და შევიდა
 ქუაბზა მას და იხილა მუნ შინა განძი მიუწდომელი, ოქრო და
 ვეცხლი და სამსახურებელი ოქროსა და ვეცხლისა მიუწდო-
 მელი.

მაშინ ფარნავაზ განკვრდა და აღივსო სიხარულითა. და
 მოეგონა სიზმარი იგი, და დაჰკრძალა კარი ქუაბისა ეგრეთვე.
 და მსწრაფლ წარმოვიდა და უთხრა დედასა თუსსა და ორთა
 დათა მისთა. და მასვე ლამესა წარმოვიდეს სამნივე იგი სა-
 ჳედრებითა და ჳურტლებითა, და იწყეს გამოკრებად განძისა

მის და დაფლვად სიმარჯუესა თუსსა. ხოლო ვითარ განთენდეს ბოდის, კვალად ეგრეთვე აღმოქმნიან კარი ქუაბისა მის. და ესრეთ გამოკრიბეს განძი იგი ხუთ ღამე და დაიგულეს სიმარჯუესა მათსა.

მაშინ ფარნავაზ წარგზავნა მონა თუსი ქუჯის თანა და რქუა: „მე ვარ ნათესავი უფლოს მცხეთოსის ძისა, და ძმისწული სამარა მამასახლისისა, და არს ჩემ თანა ხუასტაგი დიდძალი, აწ ინებო, რათა მით ხუასტაგითა მოვიდე შენ თანა, და ვიყვნეთ ჩუენ ძმა და ვიქმაროთ ჩუენ ხუასტაგი იგი ორთავე. გამოთუნდეთ ჩუენ მტერად აზონ ერისთავსა, და სუემან ჩუენმან გუცეს ჩუენ ძლევა კეთილი“.

მაშინ განიხარა ქუჯი სიხარულითა დიდითა და რქუა: „აღდეგ და მოვედ ჩემ თანა, და ნუ შურობ ხუასტაგსა შენსა, და ხუასტაგითა შენითა განგიმრავლნე სპანი შენნი, ვიდრე გამოვჩნდეთ მტერად აზონისა, მაშინ განიხარონ ყოველთა ქართველთა აწყუედითა მისგან და მიწყუედულთა. და ვგონებ, რომელ ჰრომთა მათგანნიცა გამოგუერთნენ, რამეთუ ურიცხუნი აწყუედით არიან მათგანნიცა აზონისგან“.

მაშინ ფარნავაზ ფარულად წარვიდა სიხარულითა, და რომელი შესაძლებელ იყო განძისა მისგან წარიტანა თანა, და დედაცა და დანი მისნი მის თანა. და მივიდა ქუჯის თანა და რქუა მას ქუჯი: „შენ ხარ შვილი თავთა მათ ქართლისათა, და შენ გმართებს უფლობა ჩემი. აწ ნუ შურობ ხუასტაგსა შენსა, რათა განგამრავლნეთ სპანი; და უკეთუ მოგუეცეს ძლევა, შენ ხარ უფალი ჩუენი და მე ვარ მონა შენი“.

მაშინ შეიერთნეს და ეზრახნეს ოვსთა და ლეკთა. ხოლო მათ განიხარეს, რამეთუ არა სთნდა ხარკისა მიცემა აზონისა, და გამოჰყვეს ოვსნი და ლეკნი, და განიმრავლნეს სპანი. ეგრისით შეკრბეს ურიცხუნი სპანი და მომართეს აზონს. ხოლო აზონმან მოუწოდა სპათა თუსთა და შემოკრიბნა.

მაშინ ათასი მკედარი რჩეული ჰრომთა მათგანი, რომელთა ბოროტი წაჰკიდებოდა აზონისაგან, განუდგეს აზონს და მოვიდეს წინაშე ფარნავაზისა. მაშინ ყოველნი ქართველნი განუდგეს აზონს. ხოლო სპანი რომელ დარჩეს აზონს, ვერღარა მიენდო მათ, რამეთუ ყოველთა ზედა ბოროტის მოქმედ იყო. წარვიდა აზონ და მივიდა კლარჯეთს, და გამაგრდა იგი სიმაგრეთა შინა კლარჯეთისათა.

ხოლო მოვიდა ფარნავაზ მცხეთას და დაიპყრნა ოთხნობიანი ციხენი მცხეთისანი. და მასვე წელიწადსა შინა დაიპყრა ყოველი ქართლი თვნიერ კლარჯეთისა.

ამან ფარნავაზ წარავლინნა მოციქულნი წინაშე მეფისა ანტიოქოს ასურასტანისა, და წარსცა ძღუენი დიდძალი. და აღუთქუა მას მსახურება, და ითხოვა მისგან შეწევნა ბერძენთა ზედა. ხოლო ანტიოქოს შეიწყნარა ძღუენი მისი, და უწოდა შვილად თესად, და წარმოსცა გვრგვნი. და უბრძანა ერისთავთა სომხითისათა, რათა შეეწეოდინ ფარნავაზს.

ხოლო წელსა მეორესა აზონ მოირთნა სპანი საბერძნეთით, განძლიერდა ფრად და მომართა ფარნავაზს. ხოლო ფარნავაზს განემრავლნეს მკედარნი ქართლისანი. მოუწოდა მათ და უკმო ქუჯის და ოვსთა. და შეკრბეს ესე ყოველნი, და მოერთნეს ერისთავნი ანტიოქოზისნი სომხითით. და ესე ყოველნი შეკრიბნა ფარნავაზ და მიეგება ნაქალაქევსა თანა არტანისასა, რომელსა ერქუა მაშინ ქაჯთა ქალაქი, რომელ არს ჰური. და ეწყვნეს მუნ, და იქმნა ბრძოლა დიდძალი. და მოსწყდეს ორგნითვე ურიცხვ. ხოლო იძლიენეს ბერძენნი ფარნავაზისგან ივლტოდა ბანაკი მათი და მოკლეს აზონ, და ურიცხუნი სპანი მათნი მოსრნეს და ტყუე-ქმნნეს.

და წარვიდა ფარნავაზ და მოტყუენა საზღვარი საბერძნეთისა ანძიანძორა, და ეკლევით შემოიქცა. მოვიდა კლარჯეთს და დაიპყრა კლარჯეთი, და წარმოვიდა მცხეთად სიხარულითა დიდითა. ხოლო სიმდიდრესა ზედა მისსა დაერთო ხუასტავი ჭონისცა. და იქმნა სიმდიდრე გარდარეული:

ხოლო ეგრისწყალს ქუემით დარჩა ბერძენთა, რამეთუ მკვდრთა მის ადგილისათა არა ინებებს განდგომა ბერძენთა. მაშინ ფარნავაზ მისცა დაჲ თჳსი ოვსთა მეფესა ცოლად, და მეორე დაჲ თჳსი მისცა ქუჯის ცოლად. და მისცა ქუჯის ქუეყანა ეგრისწყალსა და რიონს შუა, ზღუთგან მთამდე, რომელსა შინა არს ეგრისი და სუანეთი, და დაამტკიცა იგი ერისთავად მუნ. და მან ქუჯი აღაშენა ციხე-გოჯი.

მაშინ ფარნავაზ უშიშ იქმნა ყოველთა მტერთა თჳსთაგან და მეფე იქმნა ყოველსა ქართლსა და ეგურსა ზედა. და განმრავლნა ყოველნი მკედარნი ქართლოშიანნი, განაწესნა ერისთავნი რვანი და სპასპეტი.

ერთი გაგზავნა მარგუს ერისთავად, და მისცა მცირით

მითიდან, რომელ არს ლიზი, ვიდრე ზღვრადმდე ევრისისა, რი-
ონს ზემოთ. და ამანვე ფარნავაზ ალაშენნა ორნი ციხენი, შო-
რაპანი და დიშნა.

და გაგზავნა მეორე კახეთისა ერისთავად, და მისცა არაგუ-
თგან ვიდრე ჰერეთამდე, რომელ არს კახეთი და კუხეთი.

მესამე გაგზავნა ხუნანისა ერისთავად, და მისცა ბერდუჯის
მდინარითგან ვიდრე ტფილისამდე და გაჩინათამდის, რომელ
არს გარდაბანი.

მეოთხე გაგზავნა სამშუღდის ერისთავად, და მისცა სკვრე-
თისა მდინარითგან ვიდრე მთამდე, რომელ არს ტაშირი და
აბოცი.

მეხუთე გაგზავნა წუნდის ერისთავად, და მისცა ფანვარი-
თგან ვიდრე თავადმდე მტკურისა, რომელ არს ჯავახეთი და
კოლა და არტანი.

მეექვსე გაგზავნა ოძრჯის ერისთავად, და მისცა ტასისკა-
რითგან ვიდრე არსიანთამდის, ნოსტისთავითგან ზღუამდის,
რომელ არს სამცხე და აჭარა.

მეშვიდე გაგზავნა კლარჯეთის ერისთავად, და მისცა არსი-
ანითგან ზღუამდე. და მერვე, ქუჯი, იყო ერისთავი ევრისისა.

ხოლო ერთი დაადგინა სპასპეტად და მისცა ტფილისითგან
და არაგუთგან ვიდრე ტასისკარამდე და ფანვარადმდე, რომელ
არს შიდაქართლი. და ესე სპასპეტი იყო შემდგომადვე წინაშე
მეფისა. მთავრობით განაგებდის ყოველთა ერისთავთა ზედა. ხო-
ლო ამათ ერისთავთა ქუეშე, ადგილთა და ადგილთა, განაჩინნა
სპასალარნი და ათასისთავნი, და მათ ყოველთაგან მოვიდოდა
ხარკი სამეფოთ და საერისთავოთ.

ესრეთ განაწესა ესე ყოველი ფარნავაზ მიმსგავსებულად
სამეფოსა სპარსთასა. და მოიყვანა ცოლი დურძუქელთა, ნათე-
სავი კავკასისი.

ამან ფარნავაზ მოზღუდა ქალაქი მცხეთა მტკიცედ, და ყო-
ველნი ქალაქნი და ციხენი ქართლისანი, მოოკრებულნი აღექ-
სანდრესგან, ამან ალაშენნა.

და ვერლარა იძიეს შური ბერძენთა მის ზედა, რამეთუ
უცალო იყვნეს ბერძენნი ბრძოლისაგან ჰრომთასა.

და ამანვე ფარნავაზ შექმნა კერპი დიდი სახელსა ზედა
თქსსა: ესე არს არმაზი, რამეთუ ფარნავაზს სპარსულად არმაზ
ერქუა. ამართა კერპი იგი არმაზი თავსა ზედა ქართლისაჲ,



და მიერთებან ეწოდა არმაზი კერპისა მისთვის. და ქმნა რება დიდი კერპისა მისთვის აღმართებულისა.

ოცდაშვიდისა წლისა მეფე იქმნა, და სამეოცდახუთ წელ მეფობდა ნებიერ. და მსახურებდა იგი ანტიოქოსს, მეფესა ასურასტანისასა. და ყოველნი დღენი მისნი, რამ დაჯდა, მშვდობით დაყვნა, და აღაშენა და განავსო ქართლი.

ხოლო თუენი გაზაფხულისა და სთულისა არსანი დაყვნის მცხეთას, სამეფუფოსა ქალაქსა; და თუენი ზამთრისანი დაყვნის გაჩიანთა; ხოლო თუენი ზაფხულისანი - წუნდას. და უამითი უამად მივიდის ეგრისს და კლარჯეთს, და მოიკითხნის მეგრელნი და კლარჯნი, და განაგის ყოველი საქმე დაშლილი.

ხოლო იგი პრომნი ათასნი მკედარნი, რომელნი აზონისგან მოერთნეს ფარნავაზს, რომელი ზემოთ ვაკსენეთ, იგინი განყვნა კევთა და ქუეყანათა შინა, იპყრნა იგინი კეთილად, რამეთუ ბრძოლასა მას აზონისსა მკნედ იყვნეს. და უწოდა მას სხელად აზნაურნი.

და რათგან წარვიდა ალექსანდრე, არღარა ჭამდეს კაცსა თვნიერ რომელ შესწირიან კერპსა მსხუერბლად. იყო განსუენება და სიხარული ყოველსა ქართლსა ზედა მითობისათვის ფარნავაზისსა და იტყოდეს ამას ყოველნი: «გვამდლობთ სუესა ჩუენსა, რამეთუ მოგუცა ჩუენ მეფე ნათესავთაგან მამათა ჩუენთასა და აღგვიკადა ხარკი და ჭირი უცხოთა ნათესავთაგან. და ესე ყოველი აღასრულა ფარნავაზ პიბრძნითა და სიქუელითა, სიმკნითა და სიმდიდრითა.

ჩუთა ძე და უწოდა სახელი საურმაგ.

და ესე ფარნავაზ იყო პირველი მეფე ქართლსა შინა ქართლოსისა ნათესავთაგანი. ამან განავრცო ენა ქართული, და არღარა იზრახებოდა სხუა ენა ქართლსა შინა თვნიერ ქართულისა. და ამან შექმნა მწიგნობრობა ქართული.

და მოკუდა ფარნავაზ, და დაფლეს წინაშე არმაზის კერპისა.

[5. უარნავაზიანი მეფენი]

და ამის წილ მეფე იქმნა ძე მისი საურმაგ.

მას უამსა შინა ზრახვა-ყვეს ერისთავთა ქართლისათა და თქუეს: «არა კეთილ არს ჩუენდა, რათამცა ვმსახურებდეთ ნა-

თესავსა ჩუენსა, არამედ ვიყოთ ერთად, და მოვკლათ ჩუენსა საურმაგ, და ვიყვნეთ ჩუენ თავისუფალ, ვითარცა ვიყვენით პირველ, და მივსცემდეთ ხარკსა ვინცა-ვინ გამოჩნდეს მძლე. რამეთუ ესრეთ ყოფითა უფრო განვისუენებთ“. განამტკიცეს განზრახვა და მოკლვა საურმაგისი.

ხოლო იგრძნა საურმაგ, და წარვიდა ფარულად და ივლტოდა, წარიტანა თანა დედამისი და მივიდა ქუეყანასა ღურძუქთასა დედისშმათა მისთა თანა.

მაშინ ჰრომთა იგი აზნაურნი წარვიდეს და მივიდეს ღურძუქეთსვე, და რქუეს საურმაგს: „დიდი კეთილი დგას ჩუენ ზედა მამისა შენისა. ამისთვის ვართ ჩუენ მტკიცე ერთგულე-ბასა შენსა“.

მაშინ საურმაგ ეზრახა ოვსთა მეფესა, მამისა დისწულსა მისსა, და ითხოვა შეწევნა. ხოლო იგი სიხარულით წარვიდა შეულად მისა, და საურმაგ შეიკრიბა ღურძუქეთიცა, და წარმოემართა ქართველთა ზედა. და ვერვინ წინააღუდგა მას. და დაიპყრა ქართლი, და მოსრნა განდგომილნი მისნი; და რომელთამე შეუნდო, ხოლო დაამდაბლნა ქართლოსიანნი და წარჩინებულ-ყვნა აზნაურნი, ხოლო განმრავლებულ-ყვნა ღურძუქნი, ნათესავნი კავკასისნი. ხოლო ტყუენვასა მას ხაზართასა ყოველნივე მშუდობით დარჩომილ იყვნეს, სიმაგრისაგან ქუეყანისა, და ვერლარა იტევდა ღურძუქეთი.

მაშინ ამან საურმაგ წარმოიყვანა იგინი ყოველთა კავკასის ნათესავთა ნახევარნი, და რომელნიმე მათგანნი წარჩინებულ-ყვნა, და სხუანი დასხნა მთიულეთს, დიდოეთითგან ვიდრე ეგრისამდე, რომელ არს სუანეთი, და ესენი დაიპყრნა მისანდობელად თჳსად, დედუღნი.

და დაჯდა საურმაგ მცხეთას მეფედ. და უმატა ყოველთა სიმაგრეთა მცხეთისა და ქართლისათა. და მან შექმნა ორნი კერბნი, იინინა და დანანა, და ამართნა გზასა ზედა მცხეთისასა.

და მსახურებდა იგი მეფესა ასურასტანისასა. და მოიყვანა ცოლი სპარსი, ასული ბარდაველის ერისთვისა. და ესხნეს მის თანა ორნი ასულნი, და არა ესუა 'მე. მაშინ მოიყვანა სპარსეთით შვილი ნებროთისი, ნათესავითგან ცოლისა მისისა, დედის დისწული, და დაიპყრა იგი შვილად, რომელსა ერქუა სახელი მირვან. და მისცა ასული თჳსი ცოლად, ქალაქი გაჩიანი და

საერისთავო სამშუღდისა. და ერთი ასული მისცა ძესა ქუეყანულსა, მამის დისწულსა თესსა.

მეფობდა საურმაგ ბედნიერად მრავალთა წელთა. და მოკულდა საურმაგ, და მეფე იქმნა მის წილ შვილებული მისი მირვან.

ესე მირვან იყო ტანითა სრული, შუენიერი, ძლიერი, მკნე და ქუელი. ამისსა მეფობასა დურძუკთა დაივიწყეს საყუარული ფარნავაზისი და საურმაგისი; და გარდამოვიდეს დურძუკეთს მყოფნი, და გაერთნეს თანა ჭართალეთსა მსხდომნი კავკასიანნი, მოტყუენეს კახეთი და ბაზალეთი.

მაშინ მირვან მეფემან მოუწოდა ყოველთა ერისთავთა ქართლისათა, და შემოკრიბნა ყოველნი სპანი, მკედარი და ქუეითი, და ყოველნი კავკასიანნი იყვენენ სარწმუნოდ მორჩილებასა ზედა მირვანისსა, რომელნი გარდამოვლინებულ იყვნეს საურმაგ მეფისაგან, თუნიერ ჭართალთასა. შემოიკრიბნა ესე ყოველნი და წარემართა დურძუკეთს. შეკრბენ დურძუკნი და დაუდგეს სიმაგრეთა ზედა გარდასავალთა გზასა მას.

მაშინ მირვან გარდაკდა ცხენისაგან, მივიდა ქუეითთა თანა თესთა, და წარუძღუა წინა ქუეითთა, ზურგიტ შემოადგინნა მკედარნი, და მოვიდა კართა მათ შინა, ვითარცა ჯიქი სიფიცხითა, ვითარცა ვეფხი სიმკნითა, ვითარცა ლომი ზახილითა. იქმნა მათ შორის ბრძოლა ძლიერი. ხოლო მირვანს ვერ მკუეეთდა მახვილი დურძუკთა, ვითარცა კლდესა სიპსა, და დგა უძრავად, ვითარცა კოშკი მტკიცე. და გაგრძელდა მათ შორის ბრძოლა, და მოსწყდა ორგნითვე ურიცხვ, ხოლო იძლიენენ დურძუკნი და ივლტოდეს. მიუდგეს უკან ქართველნი, მოსრნეს და ტყუე-ქმნეს. და შევიდა მირვან დურძუკეთს, და მოაოკრა დურძუკეთი და ჭართალი. და შეაბნა კარნი ქუტირითა. და უწოდა სახელად დარუბალ, და დაჯდა მირვან მცხეთას, მეფობდა ნებიერად და უშიშად.

იყო კაცი მიმნიჭებელი კეთილინა უხუად, და შეიყუარეს იგი ყოველთა მკვდრთა ქართლისათა. და მსახურებდა იგი მეფესა ასურასტანელთასა.

ამის ზე მიიცვალა ანტიოქისა მეფობა ბაბილონს. და მას შემსა შინა ვეფე იქმნა სომხითს რომელსა ერქუა არშაკ. ეზრახა მირვან არშაკს, და მისცა ასული თუმი ძესა არშაკისსა, არ-

შაკს. და მოკულდა მირვან, და მეფე იქმნა მის წილ ძე მისი ფარნაჯომ.

ამან ფარნაჯომ მეფემან უმატა ყოველთა ციხე-ქალაქთა შენება, და ამან აღაშენა ციხე ზადენი, და შექმნა კერპი სახელით ზადენ, და ამართა ზადენს. და იწყო შენებად კახეთს ქალაქსა ნელქარისსა, რომელ არს ნეკრესი.

ამისა შემდგომად შეიყუარა სჯული სპარსთა, ცეცხლისმსახურება, მოიყვანნა სპარსეთით ცეცხლისმსახურნი და მოგუნი, და დასხნა იგინი მცხეთას, ადგილსა მას, რომელსა აწ ჰქვან მოგუთა, და იწყო ცხადად გმობად კერპთა. ამისთვის მოიძულეს იგი მკვდრთა ქართლისათა, რამეთუ დიდი სასოება აქუნდათ კერპთა მიმართ. მაშინ შეითქუნეს ერისთავნი ქართლისანი უმრავლესნი, და წარავლინეს მოციქული წინაშე სომეხთა მეფისა და რქუეს: „მეფე ჩუენი გარდაცადა სჯულსა მამათა ჩუენთასა, არღარა მსახურებს ღმერთთა მპყრობელთა ქართლისათა, შემოიღო სჯული მამული და დაუტევა სჯული დედული. აწ არღარა ღირს არს იგი მეფედ ჩუენდა. მოგუეც ძე შენი არშაკ, რომელსა უვის ცოლად ნათესავი ფარნავაზიანთა, მეფეთა ჩუენთა. გუაშუეღე ძალი შენი, და ვაოტოთ ფარნაჯომ, შემომღებელი ახლისა სჯულისა, და იყოს მეფედ ჩუენდა ძე შენი არშაკ და დედოფლად ჩუენდა ცოლი მისი, შვილი მეფეთა ჩუენთა“.

მაშინ სთნდა სომეხთა მეფესა განზრახვა ესე. გაგზავნა მოციქული მათი პასუხითა კეთილითა და რქუა მათ: „უკუთუ ქეშმარიტად უბიწოთა გულითა გნებავს მეფედ თქუენდა ძე ჩემი, თქუენ ყოველთა ერისთავთა მომეცით მე მძევალი, და მიგცე ძე ჩემი მეფედ თქუენდა, და ყოველითავე ნიჭითა აღგავსნე“.

მაშინ ერისთავთა ქართლისათა უმრავლესთა მისცეს მძევლები და განაცხადეს განდგომა ფარნაჯომისი. მაშინ სომეხთა მეფე ყოველითა ძალითა მისითა წარმოემართა ქართლს. ხოლო ფარნაჯომ მეფემან მოუწოდა სპარსთა და მოიყვანნა სპარსნი ძლიერნი და, რომელნიმე დარჩომოდეს, შემოკრიბნა ქართველნიცა. ხოლო ერისთავნი ქართლისანი განდგომილნი მიეგებნეს სომეხთა მეფესა ტაშირს, და მუნ შეკრბა სიმრავლე სომეხთა და ქართველთა. ხოლო ფარნაჯომ მიეგება მუნვე ტაშირს.



იქმნა მათ შორის ბრძოლა ძლიერი, მოსწყდა ორგანიზაცი-
ურციხე, რამეთუ იძლია ფარნაჯომ სომეხთა და ქართველთა
და მოიკლა ფარნაჯომ და მოსრეს სპა მისი. ზოლო ძე ფარნა-
ჯომისი მირვან, წლისა ერთისა ყრმა, წარიყვანა მამამძუძემან
მისმან, და ივლტოდა სპარსეთს. ზოლო სომეხთა მეფემან მოს-
ცა ძე თუსი არშაკ.

დაჯდა მეფედ არშაკ, და დაიპყრა ყოველი ქართლი; და მე-
ფობდა იგი ნეზიერად, და უმატა ყოველთა სიმაგრეთა ქარ-
თლისათა. და უმეტეს მოამტკიცნა ზღუდენი ჯავახეთს, ქალაქ-
სა წუნდას.

მოკლდა არშაკ, და მეფე იქმნა ძე მისი არტაგ.

და ესე მეფე არტაგ ორ წელ ოდენ მეფობდა. და მეორენა
წელსა მეფობისა მისისასა მოვიდეს ერისთავნი სპარსთანი,
სპითა დიდითა, ძიებად სისხლისა ფარნაჯომისა და სპათა მათ
სპარსთასა, რომელნი აწყუედილ იყვნეს ფარნაჯომის თანა.
ვერ წინააღუდგა მათ არტაგ, მეფე ქართველთა, რამეთუ დიდ
იყო ძალი სპარსთა, არამედ განამაგრნა ციხენი და ქალაქნი.
და მოვლეს სპარსთა ყოველი ქართლი, და მოაოჯრნეს ველნი,
არამედ ციხე-ქალაქნი ვერარომელი წარიდეს, და წარვიდეს.

მოკლდა არტაგ და დაჯდა მის წილ ძე მისი ბარტომ.

ამან მეფემან ბარტომ უმატა ზღუდეთა მცხეთისათა და
ყოველთა სიმაგრეთა ქართლისათა.

ზოლო აღზარდეს სპარსთა ძე ფარნაჯომისი მირვან, რომე-
ლი სიკუდილსა მას ფარნაჯომისსა წარეყვანა მამამძუძესა მის-
სა, რომელი ვაკსენეთ პირველ. ესე მირვან იყო კაცი ქუელი,
მკნე მკედარი, და მრავალგზის გამოიცადა იგი ბრძოლასა
თურქთა და არაბთასა.

ამან მირვან შეკრიბნა სპანი ძლიერნი სპარსეთს, წარემარ-
თა ქართლს, და მოუგზავნა მოციქული ერისთავთა ქართლისა-
თა, და რქუა მათ: „მოივსენეთ სიყუარული მამიმამისა, მირ-
ვანისი, და კეთილი მისი თქუენდა მომართ. დაღაცათუ მამიმან
ჩემმან შემოილო სჯული უცხო თქუენ შორის, და მისგანცა
გაქუენდა კეთილი. სამართლად მოიკლა მამაჩემი, რამეთუ ვერ
კეთილად იპყრა სჯული მამათა თქუენთა, და აწ ნუ არს საუ-
რავი და შიში გულსა თქუენსა სიკუდილისათუს მამისა ჩემი-
სა, რამეთუ სჯულისა დატევებისათუს მოჰკლვენ მამანი შვილ-
თა და ძმანი ძმათა, და არა იძიების სისხლი სჯულისა დატევე-

ბისათეს მოკლულთა. მე ვარ შვილი მეფეთა თქუენთა ფარნა-
ვაზიანთა. დადაცათუ აღზრდილ ვარ სპარსთა თანა, არამედ
ვარ მე სჯულსა ზედა მამათა თქუენთასა, და ვესაგ მე ღმერთ-
თა მპყრობელთა ქართლისათა, და სასოებითა მათითა წარმარ-
თებულ ვარ ძიებად მამულისა ჩემისა, აწ ითუალეთ ჩემგან
დიდება და კეთილი“.

ხოლო ერისთავთა ქართლისათა არა შეიწყნარეს ბრძანება
მირვანისი, არამედ ყოველნი მივიდეს წინაშე ბარტომ მეფისა.
ხოლო მცირედნი ვინმე ქართველნი, არა წარჩინებულნი, წარ-
ვიდეს და მიერთნეს მირვანს.

ხოლო მეფემან ბარტომ შემოიკრიბნა ყოველნი სპანი ქარ-
თლისანი, და მოირთო ძალი სომხითით, და მიეგება იგი ხუ-
ნანს. და იპყრა იგი ზურგად, ქალაქი ხუნანი. მოვიდა მირვან
და დადგა მდინარესა ბერდუჯისასა. და აწყეს ბრძოლად, და
გამოჩნდეს ორთავე შორის მუნ ბუმბერაზნი. იყვნეს ყოველთა
დღეთა ბუმბერაზთა ბრძოლანი თუესა ერთსა: ოდეს მათ
სძლიან, და ოდესმე ამათ სძლიან.

ხოლო ამას თუესა შინა ერთსა ამან მირვან თავის-თავითა
მოკლა ცამეტი ბუმბერაზი ქართველთა და სომეხთაგანი. და
არავინ გამოჩნდა ქართველთაგანი და სომეხთაგანი მძლე მირ-
ვანისი; და ვერცადა თუთ ბარტომ მეფე ებრძოდა მას, რამე-
თუ არა იყო ბარტომის თანა გოლიათობა.

მაშინ ბარტომ მეფემან განაწყენა სპანი თუსნი, და მიმართა
ყოვლითა სპითა მირვანს, და მუნით მირვან მოეგება სპითა
ყოვლითა. და იქმნა ბრძოლა ძლიერი მათ შორის. მოსწყდა
ორგნითვე ურიცხვ. და იძლივნეს სომეხნი და ქართველნი
სპარსთაგან, და მოკლეს ბარტომ, მეფე ქართველთა.

ხოლო ამას ბარტომ მეფესა არა ესუა ძე, არამედ ასული
ერთი, და სიცოცხლესავე მისსა მოეყვანა ეგრისით ძისწული
ქუჯისი, სახელით ქართამ, რომელსა შესდგმიდა ფარნავაზიან-
ობა, ფარნავაზის დისა ქუჯის ცოლისაგან და დედისა მისისა,
საურმაგის ასულისა ქუჯის ძისცოლისაგან. და ამის ქართამისდა
ეგრისით მიეცა ასული თუსი ცოლად ბარტომ მეფესა, და აღე-
ლო ესე შვილად. და ესე ქართველთა სათნოებისათეს ექმნა
ბარტომს, რამეთუ ქართველთა დიდი სათნობა აქუნდა ფარ-
ნავაზიანთა მამართ; და არა უნდა სჯუსა ნათესავისა მეფობა,
რომელსამცა არა შესდგმიდა ფარნავაზიანობა.

ხოლო ესე ქართამ, ძედ შვილებული ბარტომ მეფისა, ასულ-
ვე წკობასა მოიკლა ბარტომის თანა. ხოლო ცოლი მისი, ასუ-
ლი ბარტომისი, უძლები დარჩა, იელტოდა და წარვიდა სომ-
ხითს, და მუნ შვა ყრმა, და უწოდა სახელად ადერკი, და
იზარდებოდა იგი მუნ.

ხოლო ვითარ მოკლა მირვან ბარტომი, და შემოვიდა ქარ-
თლად და დაიპყრა ყოველი ქართლი; და რომელნი დაშთომილ
იყვნეს ერისთავნი ქართლისანი ციხეთა და სიმაგრეთა შინა,
მისცა მათ ფიცი და აღთქმა, და გამოიყვანნა ყოველნი; და
მძლავრებით გამოიყვანა ცოლი ბარტომისი სამშულდით და
შეირთო ცოლად, რომელი შვილი იყო არშაკუნიანთავე. და
დაჯდა იგი მცხეთას.

და ნებიერად მეფობდა მცირედ ქამ და მოკუდა. და დაჯდა
მის წილ ძე მისი არშაკ.

ხოლო ესე არშაკ მეფე იყო დედით არშაკუნიანი და მამით
ნებროთიანი და ფარნავაზიანი. ამან არშაკ განაშორა ნელქარ,
ქალაქი კახეთისა, რომელ არს ნეკრესი, და ჰმატა სიმაგრესა
უფლისციხისასა. და იყო ესე ძლიერი ძალითა, დიდი და გო-
ლიათი.

ხოლო ესე ადერკი, ძე ქართამისი, ასულისწული ბარტომ
მეფისა, რომელი ვაჟსენეთ ზემოთ, აღზარდეს სომხითს. და
იყო კაცი ასაკით შუენიერი, ტანით დიდი და გოლიათი, მრავ-
ალგზის გამოცდილ იყო ბრძოლასა სომეხთა და ასურთასა,
და მას მოეკლა მრავალი ბუმბერაზი, და სახელოვანქმნილ იყო
იგი.

ამან ადერკი მოითხოვნა სპანი სომეხთა მეფისაგან, და
მოსცნა მას, და წარმოემართა არშაკს ქართველთა მეფესა ზე-
და, დედისძმასა თუსნა. ხოლო არშაკ შემოკრიბნა ყოველნი
ერისთავნი ქართლისანი, მოირთო ძალი სპარსეთით და მიე-
გება წინა.

და შეკრბეს ორნივე სპანი თრიალეთს და დაიბანაკეს მახ-
ლობელად ერთმანერთისა. სთხოვა ბრძოლა თავისთავ არშაკ
ადერკის, ხოლო ადერკი სიხარულით აღიჭურა საქურველითა
მშუენიერითა, და აღჯდა ტაიზა და რქუა სპათა თუსთა: „განმი-
მაგრეთ. ხურგით კერძო ჩემი, და ნუ შესაძრწუნდენით“. და
განვიდა ეგრეთღჳ ჯიშტა; შიშტა და განვიდა განწყობილთა
შორის.



ადიზახნეს ორთავე კმითა სასტიკითა, და მიეტევენს ურთიერთს. და იწყეს ორთავე გურემად ოროლითა, და ვერაჲ ჰკუთედეს საქურველსა ერთმანერთისასა. და ბრძოლისა სიგრძესა შინა განუტყდა ოროლები, აღმოიღეს ჩუგლუგები და იწყეს ბრძოლად ჩუგლუგებითა. ოდეს უხეტქიან ჩუგლუგი იგი საქურველსა ზედა მათსა, ჰგუანდის კმა იგი კმასა მის უროს მკედლისასა, რომელი ეცემის გურდემლსა; და კმა ზახილისა მათისა მსგავს იყო ქუხილისა.

მაშინ ვერ სძლეს ურთიერთს, დაშურეს და უკუდგეს იმიერ და ამიერ. შეღამდა დღე იგი და განისუენეს ორთავე, და დილეულ კუალად გამოვიდეს და აღიღეს მშულდები, და იწყეს რბევად და სრვად ერთმანერთისა. ჰკრა ადერკი ისარი მკერდსა არშაკისსა და ვერღარა უფარა სიმაგრემან საქურველისამან; განვარდა ზურგით, და ჩამოვარდა არშაკ ცხენისაგან.

შემოიქცა ადერკი მსწრაფლ, და მივიდა სპათა თანა სომხითისათა, და რქუა მათ: „გაფუცებ ღმერთთა თქუენთა, ნუ განმარტებთ მახულთა თქუენთა ქართველთა ზედა, რამეთუ მამულნი არიან ჩემნი. და აწ მე ვარ მეფე მათი, ძალითა და შეწევნითა თქუენითა“. ისმინეს სომეხთა ვედრება მისი და დაადგარეს ადგილსა ზედა.

შემოიქცა და მოვიდა ადერკი მახლობელად ქართველთა სპათისა. და კმა-უყო კმითა მალლითა: „მე ვარ შვილი მეფეთა თქუენთა, და სუესა ჩემსა მოუცემია მეფობა ჩემდა. აწ მიიღეთ ჩემგან კეთილი და სიხარული. აჰა ესერა აღარა მოუშვენე სპანი სომეხნი თქუენ ზედა“.

მაშინ მიუგეს ქართველთა: „შენ გამოსჩნდი უმჯობესი ყოველთა შორის ნათესავთა ფარნავაზისთა. რათგან მოკუდა მეფე ესე ჩუენი, აწ შენ ხარ მეფე ჩუენი; და ვმადლობთ სუესა ჩუენსა, რამეთუ მოგუცა საზღვარად მეფისა ამის ჩუენისა შვილივე მეფეთა ჩუენთა, გოლიათი და სახელოვანი“.

და გარდაჯდეს ყოველნი ქართველნი, დაცუვეს პირსა ზედა თუსსა და თაყუანი-სცეს ადერკის. და მშუდობით შეკრბეს ერთად სომეხნი და ქართველნი და სპარსნი რანისანი, და მოიღეს ქართველთა გურგუნი არშაკისი, და დაადგეს ადერკის და წარმოიყვანეს.

და ამან ადერკი დაიპყრა ყოველი ქუეყანა ქართლი და ეგრისი. და მოსცა სომეხთა მეფემან ასული თუსი ცოლად და



დაჯდა მცხეთას და მეფობდა კეთილად: ოცდაათის წლისა მეფობდა. და იქმნა და ორმოცდაჩვიდმეტ წელ მეფობდა.

ხოლო პირველსავე წელსა მეფობისა მისისასა იშვა უფალი ჩუენი იესო ქრისტე, ბეთლემს ურიასტანისასა. და მოვიდეს მისსა მოგუნი ძღუენისა შეწირვად, და მათ მოგუთა შესლვასა იერუსალემს ნოვიდა ამბავი მცხეთას, ვითარმედ „სპარსთა იერუსალემი წარტყუენესო“. და ურიანა რომელნი მცხეთას იყვნეს, იქმნა მათ შორის გლოვა და ტირილი. და შემდგომად მეორენა წელსა სხუა მოვიდა ამბავი, ვითარმედ „სპარსნი იგი არა წარტყუენვად მოვიდეს იერუსალემს, არამედ აქუნდა ძღუენი ყრმისა ვისმე შობილისათს“. და განიხარეს ურიათა მცხეთელთა.

და შემდგომად ამისსა, ვითარ გარდაჯდეს წელნი ოცდაათნი, მოვიდეს მოციქულნი ურიათა იერუსალემით ურიათა თანა მცხეთელთა, ვითარმედ: „რომლისათს-იგი მოვიდეს მოგუნი და შეწირეს ძღუენი, აღზრდილ არს იგი და იტყვს თავსა თვისსა ძედ ღმრთისა. და აწ წარმოგვვლენიან ჩუენ მოციქულნი ყოველთა თანა ურიათა, რათა მოვიდეს მეცნიერნი სჯულისანი, და განვიკითხოთ და განვბრჭოთ მას ზედა. და აწ თქუენ-განცა წარმოვიდეს მეცნიერნი სჯულისანი მანდით“.

და წარვიდეს აქათ ელიოზ მცხეთელი და ლონგინოზ კარსნელი. და მუნ დახუდეს ჟუარცმასა უფლისასა და მათ მოიდეს ჭუნით კუართი უფლისა, ელიოზ მცხეთელმან და ლონგინოზ კარსნელმან, ვითარცა წერილ არს ესე განცხადებულად მოქცევასა ქართლისასა.

ხოლო ამან ადერკი მეფემან უმატა სიმაგრეთა ქართლისათა, ქალაქთა და ციხეთა, და უმეტეს მოამტკიცნა ზღუდენი ქალაქისა მცხეთისანი, წყლისა იმიერ და ამიერ. და ამისვე ადერკის მეფობასა შინა მოვიდეს ათორმეტთა წმიდათა მოციქულთაგანნი ანდრია და სუმონ კანანელი აფხაზეთს და ეგრისს. და მუნ აღესრულა წმიდა სუმონ კანანელი ქალაქსა ნიკოფსისასა, საზღვარსა ბერძენთასა. ხოლო ანდრია მოაქცივნა მეგრელნი და წარვიდა გზასა კლარჯეთისასა.

ხოლო ვითარცა ესმა მეფესა ადერკის მეგრელთაგან სჯულისა დატეგება, განუწყრა და წარავლინა ერისთავნი მისნი, და იძულებით კუალადვე მიაქცივნა მეგრელნი და დამალნეს ხატნი და ჟუარნი, და შერიხნა მეფე ადერკი ერისთავსა

კლარჯეთისასა, რომელ მშუდობით განუტევა ანდრია მოციქული.

ხოლო ამისვე ადერკის მეფობასა გამოჩნდა კჳალად მეფობა სპარსეთისა. რამეთუ რადგან შესრულ იყო ალექსანდრე და განერყუნა სპარსეთი, აქა უამადმდე არღარა დაჯდომილ იყო მეფე სპარსეთს, რამეთუ ადგილთა და ადგილთა იყვნეს ერისთავნი სპარსეთისა.

მაშინ შეკრბეს ერისთავნი სპარსეთისანი და დასუეს მეფედ აელაღან ბრძენი. მაშინ სომეხნი და ქართველნი იყვნეს მორჩილ აელაღანისი სპარსთა მეფისა, და ვიდრე ადერკის მეფობამდე ერთი დაჯდის ქართველთა მეფედ, რაზომცა მრავალნი იყვნიან შვილნი მეფეთანი.

ხოლო ამას ადერკის ესხნეს ორნი ძენი, რომელთა ერქუა სახელად ერთსა ბარტომ და მეორესა ქართამ. და ამათ განუყო ყოველი ქუეყანა თუსი: მისცა ქალაქი მცხეთა და ქუეყანა მტკუარსა შიდაქართლი, მუხნარით კერძო ქალაქი და ყოველი ქართლი მტკუარსა ჩრდილოთ, ჰერეთითგან ვიდრე თავადმდე ქართლისა და ეგრისისა — ესე ყოველი მისცა ბარტომს ძესა თუსსა, ხოლო არმაზით კერძო ქალაქი, მტკუარსა სამხრით ქართლი, ხუნანითგან ვიდრე თავადმდე მტკუარისა, და კლარჯეთი ყოველი მისცა ქართამს ძესა თუსსა. და მოკუდა ადერკი.

და მეფობდეს შემდგომად მისსა ძენი მისნი. ხოლო ამათსა მეფობასა უესპასიანოს ჰრომთა კეისარმან წარმოტყუენა იერუსალემი, და მუნით ოტებულნი ურიანი მოვიდეს მცხეთას და დასხდეს ძუელთავე ურიათა თანა, რომელთა თანა ერთნეს შვილნი ბარაბასნი, რომელი ჯუარცმასა უფლისასა განუტევეს ურიათა უფლისა ჩუენისა იესოს წილ.

და მეფობდა ესე ბარტომ და ქართამ მშუდობით და სიყუარულსა ზედა ერთმანეთისასა. ესუა ძე ბარტომს, რომელსა ერქუა კაოს, და ქართამს ესუა ძე სახელით ფარსმან. და მოკუდეს ადერკის ძენი ბარტომ და ქართამ. და შემდგომად მათსა მეფე იქმნეს შვილნი მათნი: არმაზს — ფარსმან და შიდა ქართლსა — კაოს.

ხოლო ადერკისითგან ვიდრე ამათ მეფობამდე იყვნეს მორჩილებასა შინა სომეხთა მეფისასა. და უმეტეს არმაზელნი მეფენი შეეწეოდეს სომეხთა ყოველთა მტერთა მათთა ზედა. მაშინ მეფე იქმნა სომხითს დიდი იგი მეფე იარვანდ. და დაივი-

წყა მან კეთილი ქართულთა, ემძღვრა ფარსმანს არმაზელს, და მოუღო საზღვარსა ქართლისასა ქალაქი წუნდა და არტანი მტკუარამდე. და დასხნა წუნდას შინა კაცი მკეცი, ნათესავნი დევთანი, და უწოდა წუნდასა სახელად ქაჯატუნი, რომელი-ესე ითარგმანების დევთა სახლად. და ვერ იძებნეს მეფეთა ქართლისათა საზღვარი, და მოკუდეს მწუხარებასა შინა დიდსა ფარსმან და კაოს.

და დასხდეს მეფედ შემდგომად მათსა შვილნი მათნი, არმას აზორკ და შიდაქართლსა არმაზელ.

ხოლო ესე მეფენი არმაზელ და აზორკ იყვნეს კაცი მკნენი და შემმართებლნი. და შეითქუნეს ესენი, და განიზრახეს ძიება საზღვართა ქართლისათა. მაშინ მოკლა სუმბატ ბივრიტიანმან იარვანდ, მეფე სომეხთა, და დასვა მეფედ ძმა იარვანდისი, რომელსა ეწოდებოდა სახელად არტაბან. მაშინ ამათ მეფეთა ქართლისათა აზორკ და არმაზელ მოუწოდეს ოვსთა და ლეკთა, და გარდამოიყვანნეს ოვსთა ბეფენი, ძმანი ორნი გოლიათნი, სახელით ბაზუკ და აბაზუკ, სპითა ოვსეთისათა. და მათ გარდამოიტანნეს თანა პაჭანიკნი და ჯიქნი. და გარდამოვიდა მეფე ლეკთა და გარდამოიტანნა დურძუკნი და დიდონი. და ამათ მეფეთა ქართლისათა შემოკრიბნეს სპანი თვისნი და შეკრბა ესე ყოველი სიმრავლე ურიცხვ, და სიმარჯვთ ფართულად შეკრბეს, ვიდრე შეკრბებოდეს სპანი სომეხთანი. და შევიდეს ესენი სომხითს და უგრძელად წარმოსტყუენეს შირაკუანი და ვანანდი ბაგრევანამდე და ბასიანამდე, და შეიქცეს და ჩატყუენეს დაშტი ვიდრე ნახჭევანამდე, და აღიდეს ტყუე და ნატყუენავი ურიცხვ, და აღივსნეს ყოველითავე ხუასტავითა, და გამოვლეს გზა ფარისოსისა.

მაშინ სუმბატ ბივრიტიანმან მოუწოდა სპათა სომხითისათა, და შეკრბეს მსწრაფლ სომეხნი და დევნა-უყვეს. ხოლო ესე ყოველნი ჩრდილონი განსრულ იყვნეს მტკუარსა და მისრულ იყვნეს კამბეჩოანს, და დაებანაკა იორსა ზედა, და განიყოფდეს ტყუესა და ნატყუენავსა. მაშინ სუმბატ წარავლინა მოციქული და რქუა: „რომელი აღგიღია ნატყუენავი სომხითით, პირუტყუ, ოქრო, ვეცხლი და ნაქსოვი, ყოველი მომინიჭებია თქუენდა; და რომელი დათხეულ არს სისხლი სომეხთა თქუენ მიერ, იგიცა უძებნელ იყოს თქუენ ზედა; გარნა რომელი აწე გყავს კაცი ტყუედ, განუტევეთ და წარვედით



მშულობით, განმდიდრებულნი და აღსავსენი ყოვლითავე“. ხელმოწერა
ლო მათ პასუხი მიუგეს ესრეთ ვითარმედ: „არა სხუად შემო-
ცედით სომხითს, არამედ ძიებად შენდა და ვერა გპოვეთ შენ.
და აწ მოვედ ჩუენდა, მიიდე ნაწილი შენი, თუ არა, მოვიდეთ
შენდა, სადაცა იყო და ვერ განერე კელთაგან ჩუენთა ცო-
ცხალი“.

მაშინ სუმბატ ბივრიტიანმან განვლო მტკუარი. და ბაზუკ
ოვსთა მეფემან სთხოვა მუქარა, მიუგზავნა მოციქული და
ითხოვა თავის-თავ ბრძოლა. ხოლო სუმბატ აღიჭურა და აღ-
ჯდა ვარსამატსა თუსსა და განვიდა განწყობილთა შორის. და
მუნით გამოვდა ბაზუკ. და აღიზრახეს ორთავე და მიეტევნეს.
და სცა სუმბატ ჰოროლნი სარტყელსა ზედა, და განავლო
ზურგით წყრთა ერთი, აღილო ცხენისაგან და დასცა ქუეყანასა
ზედა. მაშინ მიეტევა აბაზუკ შუელად ძმასა თუსსა, ხოლო
მოსწუადნა სუმბატ ჰოროლნი იგი, მიეგება და ეგრეთვე მასცა
სცნა და განავლო, აღილო და დასცა ქუეყანასა ზედა. და
თქუა: „ესე სომეხთა დედათა და მამათა, ყრმათა ჩულთათჳს,
რომელნი თქუენ მოსრენით“. მაშინ სპათა მათ ყოველთა ოვს-
თა, ლეკთა და ქართველთა, და ყოველთა მათ ჩრდილოთა ნა-
თესავთა ერთპირად აღიზახნეს და თქუეს: „ვინათგან მოკლნეს
ძმანი ისი ორნი, თავნი გოლიათობისა ყოვლისანი, სიკუდილი
ჩუენი არად შესარაცხელ არს“.

და უფრომსად განბოროტნეს და შეკრბეს ყოველნი სპა-
სალარობასა ქუეშე არზოკ და არმაზელისსა, ქართველთა მე-
ფეთასა, და ყოველნი მიეტევნეს სუმბატს და სპათა სომხითა-
სათა. მაშინ იქმნა ბრძოლა დიდძალი მათ შორის, და გაგრძელ-
და მათ შორის ბრძოლა სამ ქამითგან ვიდრე მეცხრედ ჟამამდ-
დე. და მოსწყდა ორგნითვე ურიცხვ, და აღჯდა მტუერი, და
ზნელ იქმნა ვითარცა ღამე, და აღრეულ იყვნეს ერთგან და
ვერღარა იცნობდეს ერთმანერთსა მტუერისა მისგან.

მაშინ იძლია ბანაკი ჩრდილომსა სომეხთაგან, მეოტ იქმნეს
და დაიფანჩნეს ყოველნივე, მიუდგა სუმბატ, მრავალთაგან
მრავალთა მოწყლული, და სდევნა ღამემდე. და მოსრნა ყო-
ველნი ოვსნი და ლეკნი, რომელთაგან მცირედნი დაურჩეს;
ხოლო ქართველნი უფრო დარჩეს სამეოტოთა გზათა მეცნი-
ერებისაგან. და შემოიხუეწნეს ორნივე მეფენი ქართლისაჲ
მცხეთას, მოწყლულნი.

მაშინ სუმბატ გამარჯუებული შემოვიდა ქართლად და მოაოტრა ქართლი, რომელი პოვა ციხეთა და ქალაქთა გარე; ხოლო ციხე-ქალაქთა არა ჰბრძოდა, რამეთუ არა მზა იყო მსწრაფლ გამოსლვისაგან. არამედ აღაშენა ციხე ქუეყანასა ოძრქვეისასა, რომელსა ეწოდების სამცხე, ადგილსა, რომელსა ჰქვან დემოთი, მოკიდებულად მთასა დადოსსა. და დაუტევნა მას შინა ლაშქარნი შემწედ წუნდელთა და მბრძოლად ოძრქვეელთა და წარვიდა.

ხოლო მეფენი ესე ქართლისანი, არზოკ და არმაზელ, სიფიცხლითა გულისა მათისათა არა შეუშინდეს, არამედ განამაგრნეს ციხენი და ქალაქნი თუსნი, განწირნეს ყოველნი ველნი ქართლისანი და არა დასცხრეს კირთებისაგან სომეხთა ზედა.

და იწყეს ოვსთა ძებნა სისხლისა მათისა სომეხთა ზედა, გარდამოვიდოდეს ქართლად და დაემეგობრნეს ქართველთა, და აღერივნეს ერთად ოვსნი და ქართველნი. და მარადის ბრძოდეს სომეხთა.

და იყო ოძრქვეს ქალაქსა შინა ერისთავი მეფისა არმაზელისი, აზნაურთაგანი, და იგი დადგრომილ იყო სარწმუნოებით ერთგულებასა ზედა არმაზელისსა, და მას შეეწეოდეს მეგრელნი. ხოლო წუნდელნი და დემოთელნი შეეწეოდეს ერთმანერთსა, და დაუცხრომელად იბრძოდეს. და უფროსი ბრძოლა მათი იყვის მდინარესა ზედა, რომელსა ჰქვან ნოსტე.

და იყო კლარჯეთს ერისთავი არზოკ მეფისა, აზნაურთავეგანი. და იგი ავნებდის საზღვართა სომხითისათა, ქუეყანასა ბარხლისასა, რომელ არს ტაო, და ვერავინ შევიდოდა მავნე კლარჯეთს. რამეთუ შეუვალი და მაგარი იყო ტყითა და კლდითა, და მკვდრნი კლარჯეთისანი იყვნეს კაცნი მკურცხნი და მკედარნიცა.

ხოლო თვთ მეფენი ქართლისანი მცხეთით გაემართოდნენ სომხითს გზასა აბოცისსა, და მარადის ესრეთ ჰკირთებდეს ქართველნი. მაშინ წარმოემართა ძალითა თუსითა ყოვლითა არტაბან, მეფე სომეხთა, და სპასპეტი მისი სუმბატ ბივრიტიანი. ხოლო ქართველთა განამაგრნეს ციხენი და ქალაქნი, და მოირთეს ძალი ოვსეთით და განავსნეს ციხენი და ქალაქნი. და მოვიდეს სომეხნი და დადგეს მცხეთას, და ჰბრძოდეს ხუთ

თუე. და დღეთა ყოველთა იყვის ბრძოლა ბუმბერაზთა. მაშინ შესჭირდა ქართველთა და ოვსთა, ითხოვეს მშუდობა, და აღუთქუეს მორჩილება და არღარა ძიება სისხლისა და ზღვარისა. მაშინ ისმინა სომეხთა მეფემან ვედრება მათი. და ქმნეს ფიცი და აღთქმა, და დაიმონნა ქართველნი და ოვსნი სომეხთა მეფემან, და წარვიდა.

ხოლო გარდაცდეს ამას შინა წელნი რაოდენნიმე. და აღშენდა ქართლი მოოკრებული სომეხთაგან. მაშინ უცალო იქმნეს სომეხნი, რამეთუ იწყეს ბრძოლა სპარსთა და ბერძენთა. და პოვეს მას შინა უამი მარჯუე ქართველთა და ოვსთა, იწყეს კირთებად სომეხთა. რამეთუ სპანი სომეხთანი ყოველნი და ორნი ძენი მეფისანი და სუმბატ იყვნეს ბრძოლად სპარსთა. და ვითარ განამრავლეს ქართველთა და ოვსთა ცნება სომეხთა, მაშინ არტაბან მეფემან შეკრიბნა სპანი, რომელნი შინა დარჩომოდეს, და მისცნა ძესა თუსსა ზარენს, და წარმოგზავნა ქართველთა ზედა.

ხოლო შეკრბეს ქართველნი და ოვსნი, და მიეგებნეს ქუეყანასა ჯავახეთისასა. და ეწყუნეს და სძლიეს ქართველთა და ოვსთა, და აოტეს ზარენ, ძე სომეხთა მეფისა, და მოსარეს სპამისი ყოველი და სდევენეს საზღვართამდე სომხითისა; მიეწივნეს ზარენს, ძესა მეფისასა, და შეიპყრეს იგი ტბისა მის პირსა, რომელსა რქვან ცელი, და უკმოიყვანეს.

ხოლო ოვსთა ჰნებვიდა მოკლვა მის ზარენისი სისხლისათჳს მეფეთა მათთასა, არამედ ქართველთა დაიცვეს ცოცხლებით ძიებისთჳს საზღვართა მათთასა, და დასუეს ჰყრობილად ციხესა დარიალანისსა. ვერ ძებნეს სომეხთა, რამეთუ უცალო იყვნეს სპარსთაგან.

მაშინ წელსა მესამესა მოვიდა სუმბატ ბივრიტიანი და ორნი ძენი მეფისანი, არტავაზ და ტიგრან, ყოვლითა სპითა სომხითისათა. მაშინ მეფეთა ქართლისათა უბრძანეს ქუეყანასა მათსა შელტოლვა ციხეთა და ქალაქთა, და მთელუღეთთა განამაგრნეს ციხენი და ქალაქნი. ხოლო მოვიდეს სომეხნი და დადგეს თრიალეთს. და აღდგეს მათ შორის მოციქულნი და დაიზავნეს; მისცეს ქართველთა ძე მეფისა შეპყრობილი, და აღუთქუეს შეწივნა ესრეთ: „უკუეთუ ვინ აღდგეს მტერი თქუენ ზედა და მოღმართ გებრძოდის, ჩუენ ორნივე მეფენი თავითა ჩუენითა და სპითა ჩუენითა თანადაგიდგეთ და გიშუე-

ლოთ; და უკუეთუ კულად ვისმე მიღმართ ჰბრძოდით, ათას-ათასითა მკედრითა ქურვილითა შეგეწოდით“. და ესეცა აღუთქუეს ქართველთა, ვითარმედ: „ქალაქსა ამას ჩუენსა დრამა არტაბან მეფისა ხატითა დავსცეთო“.

ხოლო ამისთვის სომეხთა უკმოსცეს საზღვარი ქართლისა, ქალაქი წუნდა და ციხე დემოთისა, ჯავახეთი და არტანი. და მიერთვან იქმნეს მოყუარე სომეხნი. და ქართველნი და ოვს-ნი. და სამნივე ერთობით ბრძოდეს მტერთა.

და აღესრულნეს არზოკ და არმაზელი, ნუგეშინის-ცემულნი დიდად. რამეთუ სიმკნითა მათითა უკუმოიხუნეს სა-ზღვარნი ქართლისანი.

და შემდგომად მათსა მეფობდეს შვილნი მათნი: არმაზს — ამაზასპ და შიდაქართლს — დეროკ.

და შემდგომად მათსა მეფობდეს შვილნი მათნი: არმაზს — ფარსმან ქუელი და შიდაქართლსა — მირდატ.

აქამომდე ესე მეფენი ყოველნი ორ-ორნი იყვნეს მოყუ-რობასა ზედა: ერთგან მოყუარენი ვისნიმე და ერთგან მტერნი ვისნიმე. მაშინ ამან მირდატ ქართველმან მოიყვანა ცოლი სპარსი, ნათესავი მეფეთა, და წუევეთა სპარსთათა მტერ ექ-მნეს ფარსმან ქუელსა არმაზელსა, და განიზრახა მუხთლად სიკუდილი ფარსმან ქუელისა. და მოხდა მირდატ ფარსმან ქუელსა სახლსა თუსსა რეცა მიჯლიშად და განცხრომად. რომელი-ესე უთხრა ვინმე ფარსმანს და განაკრძალა. ხოლო იგი არღარა მივიდა.

მიერთვან იქმნეს მტერ ურთიერთას, და მირდატს შეეწე-ოდეს სპარსნი, ხოლო ფარსმანს სომეხნი. და ესე მირდატ იყო კაცი ურვილი და მოსისხლე, ხოლო ფარსმან ქუელი იყო კაცი კეთილი და უხუად მომნიჭებელი და შემნდობელი, ასაკითა შუენიერი, ტანითა დიდი და ძლიერი, მკნე მკედარი და შემ-მართებელი ბრძოლისა, უშიში ვითარცა უკორცო და ყოველი-თავე უმჯობესი ყოველთა მეფეთა ქართლისათა, რომელნი გარდაცვალებულ იყვნეს უწინარეს მისსა. ესე უყუარდა მირ-დატის კერძთაცა ქართველთა და სძულდა მირდატ მესისხლე-ობისა და შედგრობისა მისისათუს. და გამოერთნეს უმრავლეს-ნი მირდატისაცა კერძნი, ემძლავრა ფარსმან ქუელი და აოტა მირდატ მეფე. და წარვიდა მირდატ სპარსეთად.

ხოლო იყო მაშინ სპასპეტი ფარსმან ქუელისა, ეგრეთვე

ქუელი და გოლიათი, სახელით ფარნავაზ, ესე ფარნავაზ ძუძუძუა და მისი ძუძუძუა იყო ფარსმანისი, სარწმუნო, ერთგული და მისანდობელი. და იგი დაადგინა შიდაქართლსა, ადგილსა მირდატიისა. და ყოვლადვე იყვის ფარნავაზ სპასპეტი ქართლსა შინა, ხოლო მეფე ფარსმან ქუელი იარებოდის და განაგებდის სამეფოსა თსისა.

მაშინ მირდატ გამოიყვანნა სპარსნი, სპანი ძლიერნი, და მომართა ფარსმანს, ხოლო ფარსმან შემოიკრიბნა სპანი ქართლისანი, და მოირთო ძალი სომხითით, და მიეგება იწროთა რკინისკევისათა. და იწყეს ბრძოლად ბუმბერაზთა დღეთა მრავალთა. და უკეთუ გამოჩნდის ბუმბერაზი სპარსთა შორის, რომელსა ვერ ებრძოდინ ბუმბერაზნი ქართლისა და სომხითისანი, მას ზედა განვიდის თვთ მეფე ფარსმან, ანუ სპასპეტი მისი ფარნავაზ, და ესრეთ აჯობიან და სძლიან. და მას ბრძოლასა შინა მოკლა ფარსმან მეფემან ჩუდმეტი ბუმბერაზი სპარსთა, ხოლო სპასპეტმან მისმან ფარნავაზ მოკლა ოცდასამი.

მაშინ იყო სპარსთა შორის კაცი ერთი გოლიათი, სახელით ჯუმბერ, რომელი ლომსა კელითა შეიპყრობდა. და მან სთხოვა ბრძოლა თავის-თავ მეფესა ფარსმანს. ხოლო ფარსმან ქუელი სიხარულით აღიჭურა და განვიდა. და აღიზახნეს ორთავე კმითა სასტიკითა, და მიეტევნეს ურთიერთას, და იწყეს ბრძოლად კრმლითა. და ვმა ბრძოლისა მათისა ემსგავსა ვმასა ქუხილისა და ტეხისასა. აჯობა ფარსმან, ჩამოავდო და მოკლა, და მოიქცა სპისა თსისა კერძო, და ვმა-ყო კმითა მალლითა და რქუა მათ: „აჰა, ლომნო მძუნვარენო, ცხოვარნი დასეტყუნნი!“

მაშინ მიეტევნეს ქართველნი და სომეხნი სპარსთა ზედა, აოტნეს და მოსწყუდნეს და ტყუე-ყვნეს ურიცხვნი, და წარვიდა მირდატ მეოტი სპარსეთადვე. და წელსა მეორესა კულად მოვიდა მირდატ სპითა უძლიერესითა. ხოლო ფარსმან ქუელმან შემოიკრიბნა სპანი თსნი, მკედარნი და ქუეითნი, და დადგა მცხეთას ქალაქსა შინა, რამეთუ არა ჰყვეს სპანი მირდატის სპათა ოდენნი. მოვიდა მირდატ და დადგა ჯაქუს, და ეგრეთ ყოველთა დღეთა იბრძოდინ ბუმბერაზნი. და ბრძოლასა მას შინა მოკლა ფარსმან მეფემან თავის-თავ თორმეტი ბუმბერაზი, ხოლო სპასპეტმან ფარნავაზ თექუსმეტი ბუმბერაზი.

მაშინ ფარსმან მეფემან სიფიცხითა გულისა თსისათა არ-

ღარა განახა სიმრავლე სპარსთა, არამედ განვიდა ქამსა ადისასა სპითა თუსითა, და დაესხა. და მოსცა სუემან მისმან ძლევა: აოტა ბანაკი მათი და მოსწყუნდა ურიცხუნი. და წარვიდა მირდატ მეოტი სპარსეთადვე. და მიერთგან განითქუა სახელი ფარსმან ქუელისა და სპასპეტისა მისისა ფარნავაზისი. და წინამძღუარ ექმნა იგი სპათა ქართლისა და სომხითისათა. და იწყო ბრძოლად სპარსთა და შესლვად სპარსეთს. და ვერღაროდეს ვინ წინააღუდგა ფარსმან ქუელსა.

მაშინ სპარსთა გება-ყვეს სიმარჯუე ესე, რამეთუ მოიყვანეს მზარეული ერთი, და აღუთქუეს მას კეთილი დიდი, და რქუეს ესრეთ, ვითარმედ: „წარვედ და შეეწყნარე ფარსმან ქუელსა, და წარიტანე შენ თანა წამალი სასიკუდინე, და შეუზავე საჭმელსა თანა მისსა და შეაჭამე“. ხოლო წარვიდა მზარეული იგი და ყო ეგრეთ, ვითარცა უთხრეს სპარსთა მათ. და ესრეთ მოკლა ფარსმან მეფე ქუელი.

მაშინ იქმნა გლოვა და ტირილი, და ტყება ყოველთა ზედა ქართველთა წარჩინებულთგან ვიდრე გლახადმდე. და იტყებდეს ყოველნი თავთა თუსთა ყოველთა შინა ქალაქთა და დაბნებთა, რამეთუ დასხდიან მგოსანნი გლოვისანი, და შეკრბიან ყოველნი და აქსენებდიან სიმკნესა და სიქუელესა, და სიშუენიერესა და სახიერებასა ფარსმან ქუელისასა, და იტყოდინ ესრეთ: „ვამ ჩუენდა, რამეთუ მოგვძინა სუემან ბოროტმან, და მეფე ჩუენი, რომლისაგან კსნილ ვიყვენით მონებისაგან მტერთასა, მოიკლა იგი კაცთა მგრძნებელთაგან, და აწ მივეცენით ჩუენ წარტყუენვად ნათესავთა უცხოთა“.

მაშინ გამოვიდეს სპარსნი, და გამოიტანეს თანა მირდატ, და დაიპყრეს ქართლი, და მისცეს მირდატს ნაწილი მისი. ხოლო ნაწილი ფარსმანისი თუთ დაიჭირეს, და დაუტევეს ერისთავი არმაზს. ხოლო ფარნავაზ სპასპეტმან წარიყვანა ცოლი და ძე ფარსმან ქუელისა, და ივლტოდა, და მივიდა სომხითს. რამეთუ სომეხთა მეფისა ასული იყო ცოლი ფარსმანისი. და დაიპყრეს ქართლი მირდატ და ერისთავმან სპარსთამან. ხოლო მეგრნი დაადგეს ერთგულობასა ფარსმანის ძისასა.

ხოლო მას ქამსა მოყუარე იყვნეს სომეხნი და ბერძენნი. მაშინ სომეხთა მეფემან მოირთო ძალი ბერძენთაგან, და წარმოემართა ბრძოლად სპარსთა და ქართველთა. მიერთნეს მეგრნი, და შეკრბა სიმრავლე ურიცხვ. მაშინ მირდატ და ერისთავ-



მან სპარსთამან მოირთეს ძალი სპარსეთით. ხოლო სომეხნი და ბერძენნი და მეგრნი შთავიდეს შიდაქართლს, და მუნ მიეგებნეს სპარსნი და ქართველნი მდინარესა ზედა, რომელსა ჰქვან ლიახუ. და მუნ იქმნა ბრძოლა მათ შორის ადგილსა, რომელსა ჰქვან რეჯაჲ. და მოსწყდა ორგნითვე ურიცხუ, იძლივნეს სპარსნი და ქართველნი, და მოკლეს მირდატ და ერისთავი სპარსეთისა, და მოსრნეს სპანი მათნი.

და დასუეს მეფედ ძე ფარსმან ქუელისა, რომელსა ერქვა ადამი. და სამ წელ ოდენ მეფობდა და მოკუდა. და დარჩა ძე მისი წელიწდისა ერთისა ყრმა; და ვიდრე აღიზარდებოდა ყრმა იგი, მეფობდა დედა ადამისი, ცოლი ფარსმან ქუელისა, რომელსა სახელი ერქვა ლადანა.

და ვითარ აღიზარდა ძისწული ფარსმან ქუელისა, სახელით ფარსმანვე, მეფობდა იგი.

ხოლო მეფობდა ესე ფარსმან ყოველსა ქართლსა ზედა, და ესუა ძე, და უწოდა სახელად ამაზასპ. და შემდგომად ამისსა მოკუდა ფარსმან. და შემდგომად მისსა მეფობდა ძე მისი ამაზასპ.

ესე ამაზასპ იყო კაცი ძლიერი და დიდი გოლიათი, მსგავსი ფარსმან ქუელისა. და ამისსა მეფობასა გარდამოვიდეს ოგსნი, სპანი დიდნი, გზასა დვალეთისასა. ხოლო ვერ იგრძნა ამაზასპ მეფემან გარდამოსლვა ოგსთა ვიდრე გარდამოვლამდე მთისა. მოვიდეს ოგსნი და დადგეს ლიახუსა ზედა რვა დღე განსუენებად, და არასადა განვიდა მარბიელი, რამეთუ ქალაქისა მცხეთისა შემუსრვად მოსრულ იყვნეს.

მაშინ ამაზასპ მოუწოდა ყოველთა ერისთავთა ქართლისათა. და მოვიდეს ერისთავნი აღმოსავლისანი: ერისთავი კახეთისა, ერისთავი ხუნანისა, ერისთავი სამშუღდისა. და შემოკრბეს მკედარნი სპასპეტისანი; და ვიდრე მოსლვამდე დასავლეთისა ერისთავისა, მოვიდეს ოგსნი ჩრდილოთ კერძოთა ქალაქისათა, რომელ არს მუხნარი.

მაშინ ამაზასპ მეფემან განავსნა ციხენი და კარნი მცხეთისანი ლაშქრითა და იყო სიმრავლე ქუეითთა მცხეთელთა, რომელნი კართა და ზღუდეთა სცვიდეს; მათგან კიდე, რომელი გარე მემორად განვიდოდეს, იყო ოცდაათი ათასი ქუეითი ყოვლადვე. და მაშინ სხუა რომელი ჰყვა მკედარი ათი ათასი, და განვიდა ამაზასპ და განაწესნა ქუეითნი იგი არაგუსა იმიერ



და ამიერ სიმაგრეთა შინა კართასა, ხოლო მხედრითა ლაშქროსნა
 თა განვიდა ადგილსა, რომელსა ჰქვან საფურცლე. და
 ზურგად ქალაქი და ქუეითნი იგი, რომელ დაეყენნეს კართა
 შინა.

და იწყეს ბრძოლად ბუმბერაზთა. და განვიდა ამაზასპ
 მშულდითა, და იწყო სროლად გულითა ფიცხელითა და მკლავითა
 ძლიერითა; ეზომ შორით ისროდა, რომელ დამართებითა
 მდგომთა ოვსთაგან არა შეიტყუებოდა და არცა ინახებოდა
 სიშორითა, თუ ყოვლად აქუს მშულდი. და მან ჰკრის ისარი,
 რომელსა ვერ დაუდგის სიმაგრემან საქურველისამან. და მას
 დღესა შინა ამაზასპ თავის-თავითა მოკლა ბუმბერაზი თხუთ-
 მეტი რჩეული და ცხენი მრავალი. და სხუათაცა ბუმბერაზთა
 ამაზასპისათა მოკლნეს ბუმბერაზნი მრავალნი ოვსთანი; და
 დასდვეს დიდი ვნება ოვსთა ზედა.

მას დღესა შინა შემოვიდა ამაზასპ ქალაქად მკედრითა სპი-
 თა, ხოლო ქუეითნი იგი დგეს მუნვე ადგილსა ზედა კართა ში-
 ნა. და ლამესა მას მოემატნეს მკედარნი, რომელნი ვერ მოე-
 ტანნეს თანა ერისთავთა მათ სისწრაფითა.

და ვითარ განთენდა, კუალად განვიდა მუნვე ამაზასპ და
 აღიხუნა ოროლნი. და გამოვიდა ოვსთაგან კაცი ერთი, რომელსა
 ერქუა სახელი ხუანხუა; იგი გამოჩეულ იყო სპათა შორის
 ოვსთასა. აღიზახნეს ორთავე და მიეტევნეს ურთიერთას;
 და ბირველსავე მისლევასა სცნა ოროლნი ამაზასპ და
 განავლო ზურგით, და მოკლა იგი. და აღმოიკადა ჯრმალი, და
 მიეტევა სხუათაცა ბუმბერაზთა, და მოკლნა ორნი სხუანიცა,
 შემოიქცა და შემოვიდა ქალაქად მკედრებითურთ. ხოლო ქუ-
 ეითნი დგეს მუნვე კართა შინა, და მას ლამესა კუალად მოე-
 მატნეს მკედარნი.

ხოლო განიზრახნეს დასხმა ოვსთა; და განვიდა და დაესხა
 ოვსთა, განთიადისა ჟამსა, მკედრითა და ქუეითითა ყოვლითა,
 სძლია და აოტა ბანაკი მათი, და მოკლა მეფე ოვსთა, და მოს-
 რა ყოველი სიმრავლე მათი.

და წელსა მეორესა მოირთო ძალი სომხითით, და შეკრიბ-
 ნა სპანი თჳსნი ყოველნი, და გარდავიდა ოვსეთს. და ვერვინ
 წინააღუდგა და მოტყუენა ოვსეთი, და მოვიდა შინა გამარჯუ-
 ებული.

და შემდგომად ამისსა შეექმნა სილაღე, და იწყო მესისხ-

ლეობად, და მოსწყუდნა მრავალნი წარჩინებულნი. და ამისთვის მოიძულეს იგი ერმან ქართლისამან. და მტერ ექმნა იგი სომეხთა, და შეიყუარა სპარსნი.

მაშინ განდგეს ერისთავნი დასავლეთისანი ხუთნი: ორნი ერისთავნი ეგრისისანი, ერთი ოძრჯისა, ერთი კლარჯეთისა და ერთი წუნდისა. ეზრახნეს ესენი სომეხთა მეფესა, და ითხოვეს ძე მისი მეფედ, რამეთუ დისწული იყო ამაზასპისი. მაშინ სომეხთა მეფე ძალითა მრავლითა წარმოემართა ქართლად, და მოირთო ძალი საბერძნეთითცა. და ეზრახნეს ოვსთაცა, ხოლო ოვსნი სიხარულითა წარმოვიდეს, რამეთუ მესისხლე იყო ამაზასპ მათი. და გარდამოვლეს გზა თაკუერისა, და მოვიდეს ერისთავთა თანა ეგრისათა.

მაშინ ამაზასპ მოუწოდა სპარსთა, და მოვიდეს სპარსნი ძლიერნი და შეკრიბნა ქართველნიცა, რომელნი დაარჩომოდეს. მაშინ ოვსთა და მეგრთა გარდამოვლეს მთა მცირე, და შეკრბეს იგინი და ერისთავნი ქართლისანი განდგომილნი, და მოვიდეს ესე ყოველნი წინაშე სომეხთა მეფისა.

ხოლო წარმოემართა ამაზასპ, და მოეგება იგი გუთისკევს. და არავინ იბოვა ეგეოდენთა მათ სპათა შინა ბერძენთა, სომეხთა, ოვსთა, მეგრთა და ქართველთა მარტოდმბრძოლი ამაზასპისი, არამედ ეწყვნეს ურთიერთას სპანი იგი. და იქმნა ბრძოლა მათ შორის: იძლია ამაზასპ, და ივლტოდა სპა მისი. და მოკლეს ამაზასპ, და მოსრეს სპა მისი, და დაიპყრეს ქართლი. და დაუტევა სომეხთა მეფემან ძე თვისი ქართლისა მეფედ, რომელსა სახელი ერქუა რევ, დისწული ამაზასპისი.

ამან რევ მოიყვანა ცოლი საბერძნეთით, ასული ლოლოთეთისა, სახელით სეფელია. და ამან სეფელია მოიტანა თანა კერპი, სახელით აფროდიტოს, და აღმართა თავსა ზედა მცხეთისასა.

ესე რევ მეფე დაღაცათუ იყო წარმართი, არამედ იყო მოწყალე და შემწე ყოველთა ჰირვეულთა: რამეთუ სმენილ იყო მისდა მცირედ რამე სახარება უფლისა ჩუენისა იესო ქრისტესი, და აქუნდა რამე სიყუარული ქრისტესი. და ამან მეფობასა შინა მისსა არლარავის უტევა ქართლსა შინა ყრმათა კლვა, რომელსა-იგი ამისსა უწინარეს და პირველ კერპთა მიმართ შესწირვიდეს მსხუერპლად ყრმათა; და ვიდრე იგი იყო მეფედ, არლარავინ კვლიდა ყრმათა კერპთათჳს, არამედ ცხუ-

რისა და ზროხისა შეწირვა განუწყესა. ამისთვისცა ეწოდა მას რევ მართალი, და მეფობდა ესე რევ კეთილად, და მოკუდა რევ.

და შემდგომად ამისა მეფობდა ძე მისი ვაჩე.

და შემდგომად ვაჩესა მეფობდა ძე ვაჩესი ბაკურ.

და შემდგომად ბაკურისა მეფობდა ძე ბაკურისი, მირდატ.

და შემდგომად მირდატისა მეფობდა ძე მისი ასფაგურ.

ამან ასფაგურ აღაშენა ციხე-ქალაქი უჯარმა.

ხოლო ალექსანდრეს მეფობითგან ესე ყოველნი მეფენი მეფობდეს ქართლს და იყვნეს კერპთმსახურ. და ესე ასფაგურ იყო უკანასკნელი მეფე ფარნავაზიანთა ნათესავისა. და ამის ზე მეფე იქმნა სპარსეთს ქასრე ანუშარვან სასანიანი, რომელმან მოსრნა მეფენი აელაღანიანი, რომელი იცნობებდის არღა-შირობით, ვითარცა წერილ არს ცხოვრებასა სპარსთასა.

ხოლო სომხითს მეფე იქმნა კოსარო. და ამან კოსარო სომეხთა მეფემან უწყო ბრძოლად ქასრე მეფესა სპარსთასა, და შეეწეოდა მას ასფაგურ, მეფე ქართველთა, და ამან ასფაგურ განუხუნის კარნი კავკასიანთანი და გამოიყვანის ოვსნი, ლეკნი და ხაზარნი, და მივიდის კოსარო მეფისა თანა სომეხთასა ბრძოლად სპარსთა.

და პირველსავე შესლვასა სპარსეთად ეწყო ქასრე, მეფე სპარსთა, და აოტეს იგი და მოსრეს სპა მისი. და მიერთვან ვერღარა წინააღუდგა ამათ მეფე იგი სპარსთა, და განამრავლეს შესლვა სპარსეთად და ტყუენვა სპარსეთისა.

ხოლო დაესრულნეს მეფენი ქართლისანი ფარნავაზიანი.

[6. შვიდმოცულს სპარსთა მართლს და მფობას მირიანისი, ძახრემს კიხსა]

ვითარ იოტეს სომეხთა და ქართველთა და ჩრდილოსა ნათესავთა მეფე სპარსთა, და განამრავლეს შესლვა სპარსეთს და ოკრება სპარსეთისა; და ვერღაროდეს წინააღუდგა მეფე სპარსთა. მაშინ მეფემან სპარსთამან, სავსემან მწუხარებითა, მოუწოდა მთავართა სოფლებისათა პატიახშთა და ერისთავთა სოფლებისათა, და ყო განზრახვა. და ეძიებდა ღონებასა ბოროტისა მის მოწეგნულისასა, და აღუთქმიდა ნიჭსა დიდსა და პატივსა, რომელმან უძლოს და უძიოს ღონე შურისგებისა.

ხოლო კრებულსა მას შორის იყო წარჩინებული ერთი მთავარი. სახელით ანაკ, ნათესავისაგან კოსაროს სომეხთა მეფისა. აღუდგა იგი, წარმოდგა და თქუა: „ოტებულ არს სპა ჩუენი კო-

საროს სომეხთა მეფისაგან, აწყუედილ არიან მკედარნი ჩუქნი, და დასდებია შიში და არწოლა მათი სპარსთა ზედა, და განძლიერებულ არიან იგინი, და ვერ ძალ-გვც წინააღდგომად მათდა. აჲ ესე არს განზრახვა ჩემი, რათა მმუდობითა და ვედრებითა და ხარკისა მიცემითა დავამშუდოთ კოსარო მეფე“. ესე რომელ თქუა ანაკ, არა გულითა თქუა, არამედ სიმარავლესა მას უფარვიდა გულისა მისისა განზრახვასა. მიეახლა მეფესა და რქუა თვსაგან: „უწყოდე, რამეთუ არა ესე არს განზრახვა ჩემი, რომელ ვთქუ, არამედ ღირს-მყავ მარტოდ ზრახვად შენ წინაშე, და ვაუწყო მეფობასა შენსა გულის-ზრახვა ჩემი“. მაშინ წარჩინებულთა მათ იზრახეს თვს-თვსად წინაშე მეფისა და წარვიდეს. მაშინ ფარულად მოუწოდა მეფემან ანაკს, და რქუა მეფესა ანაკ: „მეფე, ცხოვნი უკუნი სამდე, მე გიძიო ღონე შურისგებისა კოსაროს ზედა. წარვიდე მის თანადედაწულით ჩემითურთ, და მომენდობის იგი ნათესაობისათვს, და სუემან შენმან მოავლინოს კეთილად, და მოგვლა მეფე იგი, და დავდვა თავი ჩემი შენთვს“.

სინდა განზრახვა ესე მეფესა. და მოკლეთა ღღეთა წარმოვიდა ანაკ და ძმა მისი დედაწულითა მათითა რეცა განდგომად სპარსთა მეფისაგან. და მოვიდა საზღვართა სომხითისათა, ქალაქსა, რომელსა რქუან ხილახილა, საზამთროთა აღგილთა სომეხთა მეფეთასა. იხილა რა მეფემან კოსარო, დიდითა პატივითა შეიწყნარა, რამეთუ ყოვლითავე სიმარჯვთა მოსლვასა მისსა სარწმუნოდ აჩუენებდა; და ხედვიდა მეფე, რამეთუ ყოვლითა სახლეულითა მისითა მისდა მოემართა, მაშინ მეფემან მისცა მას პატივი, მეორედ მისსა საყდარსა აღიყვანა სიხარულით და განსუენებით. დაყვეს რა ღღენი ზამთრისანი, და მოიწივნეს ღღენი ზაფხულისა არისანი, და განდიდნეს მდინარენი, წარმოვიდა მეფე მუნით და მოვიდა არარატისასა ქალაქსა, და განმზადებულ იყო კოსარო მეფე კუალად შესლვად სპარსეთს. მაშინ ღღესა ერთსა განვიდა მეფე ნადიროზად, და გაჰყვეს თანა ანაკ და ძმა მისი, და იპყრნეს მახულნი ლესულნი ფარულად საწუმარსა ქუეშე სტეოედსა; და პოვენ დრო და მოკლეს მეფე და ივლტოდეს. ხოლო დევნა-უყვეს მთავართა სომხითისათა, და მოუსწრეს ვიეთმე ჳიდსა და რომელთამე მოუსწრეს ფონსა, დაიწყუდინეს იწროსა შინა; და გერვინ წაუვიდეს, და მოკლნეს იგინიცა. და მოსრნეს ყოველ-

ნი ნათესავნი მათნი, თუნიერ დაწეთეს ორნი შვილნი მათნი რომელნიცა აღიხუნეს მამამძღუძეთა მათთა: ერთი შეივლტოდა საზღვართა საბერძნეთისათა და მეორე საზღვართა სპარსეთისათა.

ვითარცა ესმა ამბავი ესე სპარსთა მეფესა ქასრეს სასანიანსა, აღივსო სიხარულითა და წარმოემართა ყოვლითა ძალითა მისითა; მოვიდა პირველად სომხითს და დაიპყრა სომხითი, მოსრა და ტყუე-ყო ყოველი ნათესავი სომეხთა მეფისა. ხოლო ერთი ძე კოსარო მეფისა, მცირე ყრმა, შეივლტოდა საზღვართა საბერძნეთისათა, და მუნ იზარდებოდა, რომელსა ერქუათრდატ. მაშინ ვითარცა დაიპყრა სომხითი სპარსთა მეფემან და შემოვიდა ქართლად, წარვიდა ასფაგურ ქართველთა მეფე ოვსეთს, რათამცა მოიმატნა სპანი ოვსეთით და განამაგრნა ციხე-ქალაქნი. ხოლო რაჟამს შევიდა ასფაგურ ოვსეთს, ეწია სიკუდილი და მოკუდა მუნ.

ამას ასფაგურს არა ესუა ძე, არამედ ასული ერთი. მაშინ შეკრბეს ყოველნი ერისთავნი ქართლისანი მცხეთას ქალაქსა სპასპეტისა თანა, რომელსა ერქუა მათეან. ზრახვა-ყვეს ერთბამად სავესეთა მწუხარებითა და თქუეს: „არა ვაუფლოთ გულთა ჩუენთა მწუხარება, რათა არ მიგუელოს გონიერება, გარნა ვიძიოთ ღონე ჭირთა და განსაცდელთა ჩვენთათვის“. მაშინ თქუა მათეან სპასპეტმან: „უკუეთუმცა იყო ჩუენ თანა ძალი ეზომი, ჩუენმცა მესამედთა სპარსთა შევესწოებოდეთ, დამ-ცა-ვისხენით თავნი ჩუენნი სიკუდილად და წინააღუდეგით მათ. და თუმცა დარჩომილ იყო მკვდრი მეფისა ჩუენისა ანუ ნათესავი მეფეთა ჩუენთა, რომელიმცა ღირს იყო მეფობასა, დავდევითოქა ციხე-ქალაქთა შინა, დავსხენითმცა თავნი ჩუენნი სიკუდილად და ვჭამეთცა ჯორცი კაცისა, ვითარცა პირველ მამათა ჩუენთა. არამედ მოწვენადსა ჟამსა ესრეთ მოუვლენია, რამეთუ მოიკლა სპარსთაგან დიდი იგი მეფე სომხითისა, წაღებულ არს სომხითი, რომელსა ეკიდა სამეფო ჩუენი, და აღუღია პირი მისი სპარსთა მეფესა შთანთქმად ყოვლისა ქუეყანისა. არავინ არს ჩუენ თანა წინააღმდგომი მისი და დარჩომილ ვართ ჩუენ ობლად, ვითარცა ცხოვარნი უმწყემსონი. აწ ესე არს განზრახვა ჩემი, რათა მივაგოთ წინა მეფესა სპარსთასა მორჩილება და ვითხოვოთ მისგან წყალობა და ვითხოვოთ მისგან ძე მისი მეფედ ჩუენდა, და ვევედრნეთ, რათა შერთოს

ცოლად ძესა მისსა ასული მეფისა ჩუენისა ასფაგურისი. ვაუ-
წყოთ ქალისა მის ნათესაობა ქართლოსიანთა და ნებროთიან-
თა და დიდებულთა არშაკუნიანთა და მეფეთა ჩუენთა ფარნა-
ვაზიანთა, და ვითხოვოთ მისგან დამპირვა სჯულსა ზედა მამა-
თა ჩუენთასა, და ვითხოვოთ ჩუენ თანა არა აღრევა სპარსთა
და წარჩინებულად პყრობა ჩუენი. ნუჟკუე შეიწყნაროს ვედ-
რება ესე ჩუენი, და ყოს ესე ყოველი ჩუენ ზედა და უკუეთუ
სჯულსა მამათა ჩუენთასა მიგუდებდეს, და ჩუენ ზედა სპარს-
თა წარჩინებულ-პყოფდეს, და ნათესავსა მეფეთა ჩუენთასა
მოსწყუედდეს, მაშინ სიკუდილი უმკობეს არს თავთა ჩუენ-
თათჳს ვიდრე მონახვასა ესევეითარისასა. დავსხნეთ თავნი ჩუ-
ენნი ციხეთა და ქალაქთა შინა და მოვსწყუედთ ყოველნი“.

მაშინ დაემოწმნეს ყოველნი ერისთავნი ზრახვასა მათჳს
სპასპეტისასა და წარგზავნეს მოციქული წინაშე სპარსთა მე-
ფისა, და მოაკნენეს ესე ყოველი, რომელი განზრახა.

ხოლო გამოიკითხა სპარსთა მეფემან პირველად ქალაქინა
მცხეთისა, და უთხრეს სივრცე და სიმაგრე მისი და მახლობე-
ლობა ხაზართა და ოვსთა. და კუალად გამოიკითხა გუარანთე-
საობა ასფაგურის ასულისა, და უთხრეს ნათესაობა ნებროთი-
ანთა და არშაკუნიანთა და ფარნავაზიანთა. კეთილად სთნდა
სპარსთა მეფესა, და შეიწყნარა ვედრება ქართველთა. რამეთუ
თუთცა უკეთესად გამოარჩია მცხეთას დასუმა ძისა მისისა
მეფედ. რამეთუ ყოველთა ქალაქთა სომხითისა და ქართლისა-
თა, რანისა და მის კერძოთა, ყოვლისა უფროსად და უმაგრე-
სად გამოარჩია და მახლობელად ჩრდილოთა მტერთა, რათა
ჰბრძოდის მათ მუნით და იპყრობდეს ყოველთა კავკასიანთა.
აღუსრულა ყოველი იგი სათხოველი ქართველთა, და მისცა
ყოველსა ზედა ფიცი და აღთქმა. და მოვიდა მცხეთას და მი-
ეგება მათჳს სპასპეტი და ყოველნი ერისთავნი ქართლისანი.
მაშინ მოიყვანეს ასული ასფაგურ მეფისა სამშუღლით, რო-
მელსა ერქუა აბეშურა, და შერთო იგი სპარსთა მეფემან ძესა
თუსსა, რომელი მუნ თანაპყვა შუდისა წლისა, ნაშობი მკველი-
სა, რომელსა ერქუა სპარსულად მიჰრან, ხოლო ქართულად
მირიან. ესე მირიან იგი არს, რომელმან ჟამსა სიბერისა მისი-
სასა იცნა ღმერთი დამბადებელი, და შეიწყნარა სახარება მო-
ციქულთა წმიდისა ნინოს მიერ, და იქმნა აღმსარებელ წმიდი-
ნა სამებისა და თაყუანის-მცემელ ჯუარისა პატიოსნისა.

აწ ვაქსენოთ ცხოვრება მირიანისა, ძისა ქასრე არღაშინისი
სი სასანიანისა.

ვითარცა შეიწყნარა მეფემან ქასრე ვედრება ქართველთა,
და შეპრთო ძესა მისსა მირიანს ასული ქართველთა მეფისა
და მისცა ქართველთა მეფედ ძე მისი და დასუა მცხეთას. და
მისცა ქართლი, სომხითი, რანი, მოვაკანი და ჰერეთი. და იყო
მირიან მაშინ წლისა შუდისა. და თანაჰყვა ქასრე მეფესა დედა
მირიანისი და არა დაუტევა იგი მირიანის თანა, რამეთუ უყუ-
არდა დედა იგი მირიანისი ვითარცა თავი თვისი, არამედ დაუ-
ტევა მამამძუძედ და განმგებლად წარჩინებული ერთი, რო-
მელსა ერქუა სახელად მირვანოზ. და დაუტევა ორმოცი ათა-
სი მკედარი სპარსი რჩეული, და არა დახსნა ქართლისა საზღ-
ვართა სპარსნი იგი ფიცისა მისთვის, რომელ ფიცებულ იყო
ქართველთად, არამედ დახსნა ჰერეთს და მოვაკანს და სომხითს.
ხოლო უბრძანა მირვანოზს, რათა სპარსთა მათგანი რჩეული
შუდი ათასი მკედარი ყოვლადვე ქალაქსა შინა იპყრეს მცვე-
ლად ძისა მისისა. და ესრეთ დაეზავა ქართველთა, რათა კარ-
ნი და ციხენი და ქალაქნი ყოველნი იპყრნეს ლაშქრითა სპარ-
სითა: და სხუა სიმრავლე სპარსთა არა იყოს ქუეყანასა შინა
ქართლისასა თანაღრეულად; „და იყოს შვილი ჩემი ორსავე
სჯულსა ზედა: მამათა ჩუენთა ცეცხლისმსახურებასა და თქუენ-
თა კერპთასა“, რამეთუ პირველვე ამას ზედა მოეცა ფიცი.

და წარვიდა მეფე და წარიხუნა ყოველნი ჯეგნი კავკასიან-
თანი და დახსნა ყოველგან მთავარნი, და უბრძანა მათ ყოველ-
თა, რათა იყვნეს მორჩილ ძისა მისისა მირიანისსა, და უბრძანა
მირიანს, ძესა თვისსა, და მამამძუძესა მისსა მირვანოზს, რათა
პბრძოდიან ხაზართა, და წარვიდა მეფე სპარსეთად.

ხოლო ამან მირვანოზ ჰმატა ყოველთა სიმაგრეთა ქართ-
ლისათა და უმეტეს ყოველთასა მოამტკიცნა ზღუდენი ნეკრე-
სისა ქალაქისანი. და აღიზარდა მირიან მსახურებასა მას შინა
შუდთა მათ კერპთასა და ცეცხლისასა. ხოლო შეიყუარნა ქარ-
თველნი, და დაივიწყა ენა სპარსული და ისწავა ენა ქართუ-
ლი. და ჰმატა შემკობა კერპთა და ბომონთა, კეთილად იპყრნა
ქურუმნი კერპთანი, და ყოველთა მეფეთა ქართლისათა უმე-
ტეს აღასრულებდა მსახურებასა მას კერპთასა, და შეამკო
საფლავი ფარნავიზისი. ხოლო ესე ყოველი ქართველთა სათ-
ნოებისათვის ჰმენა, და კეთილად იპყრნა ქართველნი ნიჭითა და

ყოველითა დიდებითა. და შეიყუარეს იგი ყოველთა ქართველთა უმეტეს ყოველთა მეფეთასა. და მეფობდა ესრეთ მირიან მცხეთით გაღმართ ქართლს, სომხითს, რანს, პერეთს, მოვაკანს და ეგრს.

ხოლო იქმნა რა მირიან თხუთმეტისა წლისა, მოუკუდა ცოლი, ასული ქართველთა მეფისა, და ამას ზედა დაესრულა ქართლს შინა მეფობა და დედოფლობა ფარნავაზიანთა მეფეთა. მაშინ მწუხარე იქმნეს ყოველნი ქართველნი სიკუდილსა ზედა დედოფლისა მათისასა, არამედ დაადგრეს ერთგულებასა ზედა მირიანისსა, რამეთუ არღარავინ იყო ყოვლადვე ნათესავი ფარნავაზიანთა, რომელიმცა ღირს იყო მეფობასა ქართველთასა. და ესრეთ შეიტკბეს ამის მიზეზისათუს მეფობა მირიანისი.

ხოლო მირიან მეფემან ჰმატა კეთილსა ქართველთასა, და მოიყვანა ცოლი საბერძნეთით, პონტოით. ასული ილილოტოსისი, სახელით ნანა. და იწყო ბრძოლად ხაზართა, და მარადის ჰბრძოდის: ოდესმე გაადგიან მირიანს ლეკნი და მათ გამოიყვანიან რა ხაზარნი თანაშემწედ მათდა, მიეგების მათ წინა მირიან პერეთს ანუ მოვაკანს და მუნ ეწყეს მათ; და ოდესმე დღურძუკთა და დიდთა მოირთნიან და გამოიყვანიან ხაზარნი, მაშინ ეწყეს და ვეროდეს სძლეს ხაზართა, და ყოვლადვე მირიან სძლის. და ესრეთ მრავალგზის გარდაიქადა წყობა ხაზართა.

და უფროსი ლაშქრობა მისი იყვის დარუბანდს. რამეთუ მოვიდინ ხაზარნი და მოადგიან დარუბანდს, რათამცა წარიდეს და განაღეს კარი ფართო, და მუნით იწყეს გასლვად სპარსთა ზედა. ხოლო ოდეს მოვიდინ ხაზარნი დარუბანდს, მაშინ წარვიდის მირიან შუელად დარუბანდისა: ოდესმე უომრად მიჰრიდინ ხაზართა მათ მირიანს, და ოდესმე ბრძოლითა აოტნის.

ხოლო ვითარ იქმნა მირიან წლისა ორმოციისა, მაშინ მოკუდა მამამისი, სპარსთა მეფე. და დაჯდა შემდგომად მისსა მეფედ სპარსეთს ძმა მირიანისი უმრწემესი, რომელსა ერქუა ბარტამ. და ვითარცა ესმა ესე მირიანს, მოუწოდა ყოველთა სპათა მისთა, შეიკრიბნა და წარემართა ბაღდადს, რათამცა დაჯდა საყდართა მამისა მისისათა. მაშინ ძმამან მისმან შეიკრიბნა სპანი ურიცხუნი და მიეგება ბრძოლად ჳევსა მას ზედა

ნახიბისასა. და ვითარცა იხილეს მოხუცებულთა და მარხაპანთა სპარსეთისათა, ვითარმედ მახული დაეცემის ურთიერთას, აღდგეს მათ შორის მოციქულად და ბქედ, და დასჯარდეს ორნივე მეფენი ბჭობასა მათსა. და დასხდეს რა ბჭობად, შაჰინ მირიან იტყოდა სარჩლად: „პირმშო შვილი ვარ მე მამისა ჩემისა და საუფლისწულოდ ებოინეს ქუეყანანი უცხონი მკლავითა წახმულნი, და მუნ ყოველნი დღენი ჩემნი დამიყოფიან ბრძოლასა შინა ხაზართასა, და მრავალგზის სისხლითა ჩემითა დამიცავს სპარსეთი ხაზართაგან. ამისთვის ჩემი არს საყდარი მამისა ჩემისა“.

ხოლო ბარტამ იტყოდა ამისთვის, ვითარმედ: „თუმცა პირმშო მირიან არს, არამედ ნაშობი არს მკველისა, და ნაშობსა მკველისასა ეყოფის სუედ, რომელ მან მიხდომიან სამეფონი. ხოლო მე ნაშობი ვარ ჰინდოთა მეფისა ასულისა, სპარსთა დედოფლისა, და მოვისმენია ანდერძი მამისა ჩემისა, და მოვინახვს, რამეთუ კელითა მისითა დამადგა გურგვნი თავსა ჩემსა“.

ხოლო მათ გაბჭეს და მისცეს მეფობა სპარსეთისა ბარტამს, ხოლო მირიანს გულის-სადებად მისცეს ბარტამისგან ჯახირეთი, და შაჰის ნახევარი, და ადარბადაგანი. და ესე ყოველი ქართლს, სომხეთს, რანს, ჰერეთს და მოვაკანს ზედა მოუტრთეს. და წარმოვიდა მირიან. ხოლო ვიდრეღა მირიან ჯერეთ იყო მუნ, გარდამოვლეს ოვსთა ფეროშ და კავტია და განრყუნეს ქართლი. ხოლო მირიან გარეს-გარ გარდავიდა ოვსეთს, მოტყუენა ოვსეთი და მიუწია ხაზარეთამდი, და გარდამოვლო გზა დვალეთისა და მოვიდა შინა.

და შემდგომად ამისსა რაოდენთამე წელთა ჩვეულებებისაგებ მოვიდეს ხაზარნი ბრძოლად დარუბანდისა. ხოლო მირიან წარვიდა შუელად დარუბანდისა, და ვიდრე იგი მუნ იყო წყობად ხაზართა, მაშინ უკუე მეფე გუთთა სპითა ურიცხვთა შევიდა საბერძნეთს. ხოლო მეფე ბერძენთა შეკრბა სპითა დიდითა და წინააღუდგა. მაშინ მეფემან გუთთამან სთხოვა თავის-თავ ბრძოლა კეისარსა. ხოლო კეისარსა ვერ ძალ-ედგა ბრძოლა მისი. ხოლო მაშინ მუნ იყო იგი სპათა თანა ბერძენთასა ძე კოსაროს სომეხთა მეფისა, სახელით თრდატ, რომელი ვაქსენეთ ზემოთ: აღზრდილ იყო იგი საბერძნეთს, და იყო იგი გოლიათი. მას ჟამსა შინა იყო იგი სპასთა თანა ბერძენთასა, და იგი გამოარჩიეს ყოველთა სპათა ბერძენთა, და შემო-

სენ იგი შესამოსლითა და საჭურველითა კეისრისათა, კეისრისაზედ გაუგზავნეს ბრძოლად გუთთა მეფესა. განოვი-
და მუნით გუთთა მეფე და მიეტევნეს ურთიერთს ბრძოლად:
სძლო თრდატ და კელად შეიპყრა, და იოტეს ბანაკი ვუთთა.
ხოლო კეისარმან მისცნა სპანი თრდატს და გამოგზავნა სომ-
ხოს, მამულსა თუსსა. გამოვიდეს სომხითს და გამოასხნეს
სპარსნი ერისთავნი მირიანისნი.

! მაშინ მირიან შეიქცა წყობისაგან ხაზართასა, და მოიყვანა
სპარსეთით თუსი მისი, ნათესაეი მეფეთა, სახელით ფეროზ:
და მან მოიტანა თანა სპა დიდი. და ამას ფეროზს მისცა მირი-
ან ასული თუსი ცოლად და მისცა ქუეყანა ხუნანითგან ბარდა-
ვამდე. მტკურისა ორივე კერძო, და დაადგინა იგი ერისთავად
მუნ. და სხუაცა ძალი მოირთო სპარსეთით და უწყო ბრძოლად
თრდატს. ხოლო ოდეს მოირთის ძალი თრდატ საბერძნეთითა
და მომართის მირიანს, და მას ვერ ძალ-ედვის წინააღდგომად,
და გაამაგრნის ციხენი და ქალაქნი, და მოვლის თრდატ ქუე-
ყანა მისი. და ოდეს განძლიერდის მირიან სპარსეთით, მაშინ
ვერ წინააღდგის თრდატ, და მოვლის მირიან სომხითი. და
ესრეთ დაუცხრომელად იყვის შფოთი მათ შორის წელთა მრ-
ვალთა, და არავინ იპოვა ოდეს სპარსთა შორის მართოდმბროძ-
ლი თრდატისი. და სახელოვან იქმნა იგი ყოველსა ქუეყანასა,
და სძლო ყოვლადვე მბრძოლთა მისთა. ვითარცა წერილ არს
ამბავი მისი ცხორებასა სომეხთასა.

! შემდგომად ამისა მეფე იქმნა სპარსეთს მესამე ძმა მირი-
ანისი და ბარტამისი, რომელმან მოუვლინა მირიანს მოციქუ-
ლი და რქუა: „რათა შეეკრბეთ, და გარდავლოთ სომხითი, და
შევიდეთ საბერძნეთად“. მაშინ გამოვიდა სპარსთა მეფე, და
შიეგება მირიან, და შეკრბა სიმრავლე ურიცხვ, ვითარცა თი-
ვანი ველთანი და ფურცელნი ხეთანი სიმრავლითა. და გარდაე-
ლეს სომხითი და ვერ წინააღდგა თრდატ, არამედ განამაგრნა
ციხე-ქალაქნი. და წარტყუნეს სომხითი და შევიდეს საბერ-
ძნეთად. და ვერ წინააღდგა მათ ბერძენთა მეფე კოსტანტი-
ნე და შთავარდა მწუხარებასა დიდსა.

! და ვითარ იწყეს ტყუენვად საბერძნეთისა, მაშინ არწმუნეს
მეფესა კოსტანტინეს კაცთა ვიეთმე ღმრთისმსახურთა და
რქუეს ვითარმედ: „ვიხილეთ საკვრველება ქრისტესი და
სლევა მტერთა მოსავთა მისთაგან, ვითარ ყოველნი მოსავნი

ქრისტესნი წარძღუანებითა ჯუარისათა სძლევენ მტერთა მათთა“.

ხოლო კოსტანტინე მეფემან ირწმუნა მათი, ვითარცა წერილ არს ესე განცხადებულად მოქცევასა ბერძენთასა, ხათელ-ილო კოსტანტინე, და წარმოიძღუანა სახე ჯუარისა, და ეწყო მტერთა სპარსთა მათ ურიცხუთა სპითა მცირითა, და ძალითა ქრისტესითა აოტა ბანაკი მათი, და მოსრა სიმრავლე მათი.

და ივლტოდეს ორნივე იგი მეფენი მცირედითა მკედრითა, და მიუდგა უკანა კოსტანტინე, და შევიდა საზღვართა მათთა. და სპარსთა მეფე შევიდა სპარსეთად მეოტი, ხოლო მირიან დადგა ქართლად და განამაგრნა ციხე-ქალაქნი. უღონო იქმნა მირიან და შეეშინა სრულიად ოტებასა ქართლით, რამეთუ აწყუედილ იყვნეს წყობასა მას შინა ყოველნი წარჩინებულნი მისნი, სპარსნი და ქართველნი. და ამისთვისცა წარგზავნა მოციქული წინაშე კოსტანტინე მეფისა, და ითხოვა მისგან მშუდობა, და აღუთქუა მას მსახურება და განდგომა სპარსთაგან და შემოდგომა მისდა. რომელი ესე სთნდა კოსტანტინეს, რამეთუ შიში აქუნდა კუალადცა სპარსთა მეფისაგან და შემწეობისათვის დაეზავა მირიანს. და აღიყვანა შვილი მირიანისი მძევლად, რომელსა ერქუა ბაქარ, და დაამოყურნა თრდატ და მირიან, და ამზახნა ურთიერთას. რამეთუ მოსცა თრდატ ასული თვისი, რომელსა ერქუა სალომე, ძესა მირიანისსა ცოლად, რომელსა ერქუა რეგ. და განუჩინა საზღვარი მირიანს და თრდატს ესრეთ: რომელთა ქუეყანათა მდინარენი დიან სამზრეთით და მიერთვიან რავსსა, ესე ქუეყანანი თრდატის კერძად დაყარნა; და რომლისა ქუეყანისა მდინარენი ჩრდილოთ დიან და მიერტვიან მტკუარსა, ესე მირიანის კერძად დაყარნა. და ესე რა განუყო კოსტანტინე მეფემან და შუამდგომელ ექმნა მათ, და წარვიდა თვსად სამეფოდ.

და მეფობდა მირიან მუნ ქართლს, რანს, ჰერეთს და მოვაკანს. და აქუნდა ეგრისიცა ვიდრე ეგრისწყლამდე; და მისცა ძესა მისსა რეგს საუფლისწულოდ კახეთი და კუხეთი, და დასუა იგი უჯარმას, რეგ და ცოლი მისი სალომე, ასული თრდატისი, და ცხოვნდებოდეს იგინი უჯარმას. ხოლო ფეროზს, სიძესა მირიანისსა, აქუნდა ქუეყანა, რომელი ზემო თავსა ვაკსენეთ მიცემულად მირიანისგან, და იყო იგი მუნ ერისთავად.

მას უამსა მოსრულ იყო წმიდა და ნეტარი დედა და ემბაზი ჩუენი ნინო, და დაეყო მცხეთას შინა სამი წელი და განეცხა-

და ქება ქრისტეს სჯულისა, და იქმოდა ვურნებათა თუნეიჭ წამლისა, და კვამაღლად იწყო ქებად სჯულსა კემშარიტსა ქრისტეს ღმრთისა ჩუენისასა.

7. მოქცევა მირიან მეფისა და მის თანა ყოვლისა ქართლისა ჳმიდისა და ნეტარისა ღმრთისა ჩუენისა ნინო მოციქულისა მიერ

პირველად ვაცხენოთ ცხოვრება წმიდისა და ნეტარისა დედისა ჩუენისა და ყოვლისა ქართლისა განმანათლებელისა ნინო მოციქულისა, რომელი ესე თუთ მანვე ნეტარმან მოგვთხრა ჟამსა აღსრულებისა მისისასა, რომელი აღწერა მორწმუნემან დედოფალმან სალომე უჯარმელმან, ძისცოლმან მირიან მეფისამან, ასულმან თრდატ სომეხთა მეფისამან.

და იყო მათ ჟამთა შინა, ოდეს წმიდა გიორგი კაბადუკელი იწამა ქრისტესთვის, იყო კაბადუკით ქალაქით კაცი ვინმე, მთავართა შესაბამი მონა ღმრთისა, სახელით ზაბილონ. და ესე წარვიდა ჰრომედ წინაშე მეფისა მსახურებად და ნიჭისა მოღებად მისგან. და მათვე დღეთა შინა კაცი ვინმე იყო კოლასტრას შინა, და ესხნეს მას ორ შვილ, ძე და ასული: და სახელი ძისა მისისა იობენალი, ხოლო ასულისა სოსანა. და აღესრულნეს მეუღლენი იგი, და დარჩეს და-ძმანი იგი ობლად, და აღდგეს და წარვიდეს იგინი ქალაქად წმიდად იერუსალემად. და იმედ-ყვეს იმედი იგი ყოველთა ქრისტიანეთა წმიდა აღდგომა, და მივედრნეს მუნ. ვინაცა ძმა ესე იობენალი მიემთხვა დევტალარობასა, ხოლო დაჲ იგი მისი სოსანა მსახურება და ნიაფორსა სარა ბეთლემელსა.

ხოლო ესე ჭაბუკი კაბადუკელი, სახელით ზაბილონ, რომელი ვაცხენეთ, მიიწია ჰრომედ წინაშე მეფისა. და აღდგომილ იყვნეს მას ჟამსა ბრანჯნი ბრძოლად ჰრომთა, ველსა ზედა პატალანისასა. და მოსცა უფალმან ძალი ზაბილონს, ჭაბუკსა მას კაბადუკელსა, უძლეველი, და კმნა წინააღდგომა მტერთა მიმართ უზომოთა, და აოტნა ბრანჯნი, და შეიპყრა მეფე ბრანჯთა და ყოველნი იგი მთავარნი მათნი, და მიიყვანნა იგინი წინაშე მეფისა. ხოლო მეფემან განაწესა სიკუდილი მათი. მაშინ იწყეს ტირილად ბრანჯთა მათ, და ევედრებოდეს ზაბილონს:

„მოგუეც პირველად სჯული თქუენი და შეგუყვანენ ტაძარსა ღმრთისა თქუენისასა, და მაშინდა იყვენ სიკუდილი ჩუენი, რამეთუ შენვე გვპყრენ და შენვე ყავ ესე ჩუენ ზედა, და უბრალო იქმნე სისხლისა ჩუენისაგან, ახოვანო“.

ხოლო ზაბილონს ვითარცა ესმა ესე, მსწრაფლ აუწყა მეფესა და პატრიაქსა სიტყუა მათი. და მოსცეს ნათელი კელსა ქუეშე ზაბილონისსა. და შეიყვანეს ტაძარსა შინა ღმრთისასა, აზიარნეს წმიდათა საიდუმლოთა, კორცსა და სისხლსა ქრისტესსა, და უჩუენნეს მათ დიდებანი იგი მოციქულთანი.

და დილეულ ადრე ადგეს ბრანჯნი იგი, და შეიმოსეს ნამოსელი სამკუდრო, და განვიდეს ადვილსა მას კაცისსამკლველოსა და სისხლისდასათხვეველსა, ილოცვიდეს და კმადლობედეს ღმერთსა ნათლისღებისათუს და იტყოდეს: „ჩუენ სიკუდილსა შინა უკუდავ ვართ, რამეთუ ღირს-გუყვნა ღმერთმან ესევითარსა დიდებასა მიღებად საგზალსა მას დაუღვევნელსა, კორცსა და სისხლსა ქრისტეს ძისა ღმრთისა უკუდავისასა, რომელი უმაღლეს არს ყოველთა მათთა და უქუესკნელეს ყოველთა უფსკრულთა, რომელი იგი არს კურთხეულ უკუენისამდე. ხოლო ვაი ნაშობთა ჩუენთა, ნაყოფთა ზიმწარისათა და მკუდრთა ბნელისათა“. და კმობდეს: „მოვედინ მეკრმლე და აღიზუენ თავნი ჩუენნი ჩუენგან“.

ამას რა ხედვიდა ზაბილონ, აღიძრა გონებითა და ტიროდა მწარედ. რამეთუ ვითარცა ცხოვართა თავნი მათნი წარკუეთად მოიდრიკნეს, და მოსიკუდიდ მიეპყრნეს, და ვითარცა კრავთა შეილთა მათთა საწყალობელად იგლოვდეს.

მაშინ მოწყალე ქმნული მათთუს შევიდა ზაბილონ წინაშე მეფისა და გამოითხოვნა იგინი მეფისაგან სამკუდროდ შეკაზმულნი, და მიმადლნა მეფემან და რქუა: „მიმინიჭებია იგინი შენდა, და, რააცა გნებავს, უყავ მათ“. და განუტევნა იგინი.

ხოლო იგინი ევედრებოდეს ზაბილონს, რათა წარყვეს ქუეყანასა მათსა და მისცენ სჯული ქრისტესი, ნათლისღება წყლითა ყოველსა ერსა მათსა. ხოლო მან ისმინა ვედრება მათი, და მოითხოვა მღდელი პატრიაქისაგან; და ბრძანება მოილო მეფისაგან. და წარვიდეს სიხარულით.

და ვითარ მიეახლნეს დღისა ერთისა სავალსა, მივიდა წინა ამბავი, ვითარმედ: „მეფე ცოცხალი არს, მოვალს, და ყოველნი მთავარნი მის თანა“. მაშინ შეიძრნეს ათნი საერისთავონი;

ხოზამა, ხოზა, გაახილაჯა, ტენებაგა, ხინგარავი, ზიჯა, ზაგა, ზადა, ზარმა და თმონიდი სამეფო. და მიეგებვოდეს ესე ყოველნი მდინარესა ზედა დიდსა და ღრმასა.

და განყო მეფემან ერი იგი და დაადგინა წყალსა იმიერ და ამიერ. და აკურთხეს მღდელთა მათ წყალი იგი, და შთაქდა ყოველი ერი იგი წყალსა მას, განიბანნეს და აღმოვიდეს აღმოსავალსა ერთსა, და დასდებდა ზაბილონ კელსა თუსსა ყოველსა მას ერსა. და იყო მუნ ათ დღე. და აზიარნა ერნი იგი ყოველნი საიდუმლოსა ქრისტესსა, დაუტევნა მღდელნი და განუწესა ყოველი წესი ქრისტიანობისა.

ამისა შემდგომად იქმნა მათგან, დაუტევა მშუდობა ყოველთა და წარვიდა, ნიჭითა დიდითა, პრომედ, და განიზრახა გონებასა თუსსა: „წარვიდე იერუსალემად და ვამსახურო ნიჭი ესე ჩემი ადგილთა ღმრთისათა“. წარვიდა იერუსალემს და, ვითარ მიიწია იერუსალემად, განუყო ყოველი იგი მონაგები თუსი გლახაკთა, მცნებისათჳს ღმრთისა. და აიხილა, რამეთუ ბირველკსენებული იგი დევტალარი პატრიაქ ქმნილ იყო; და ფრიად დაიშვიტებინეს ურთიერთას ზაბილონ და პატრიაქი იგი.

მაშინ რქუა სარა ნიაფორმან პატრიაქსა ესრეთ, ვითარმედ: „ესე ზაბილონ, მამა და ემბაზი ბრანჯთა, კაცი სრული ღმრთისმოწივობითა და სიბრძნითა არს ყოველადვე; მიეცე უკუე დაა შენი სოსანა ცოლად მისდა. ვინაცა სთნდა წმიდასა პატრიაქსა განზრახვა ესე სარა ნიაფორისა, და მისცა სოსანა ცოლად ზაბილონს, და წარვიდა ზაბილონ თუსად ქალაქად კოლასტრად.“

ესე წმიდა ნინო, მოძლუარი ქართლისა, მათგან იშვა ოდენ მხოლოდ, თუნიერ სხუსა შვილისა. და აღზარდა დედამან მისმან სოსანა მსახურებასა შინა გლახაკთასა.

ხოლო ვითარ იქმნა ნინო თორმეტისა წლისა, მაშინ განუყიდეს მშობელთა მისთა ყოველივე, რაცა აქუნდა, და წარვიდეს იერუსალემად და განუყვეს გლახაკთა. ხოლო მირა-იწინეს იერუსალემად, მაშინ ზაბილონ დაიწერა ჯუარი პატრიარქისაგან და იქმნა ცოლისაგან თუსისა, და შეიტკბო მკერდსა თუსსა ასული თუსი წმიდა ესე ნინო, და დაყარნა, ვითარცა წყარონი, ცრემლნი თუალთაგან პირსა მისსა და რქუა: „შენ მხოლოდ ასულო ჩემო, ესერა დაგიტეობ ობლად ჩემგან და



მიგათულავ შენ მამასა ზეცათასა და ყოველთა მზრდველსა ღმერთსა. რამეთუ იგი არს მამა ობოლთა და მსაჯული ქრისტიანთა. ნუ გეშინინ, შვილო ჩემო, ხოლო შენ მარიამ მაგდანელი-სა შური აღიღე ქრისტეს სიყუარულისათჳს და დათა მათ ლაზარესთა. და უკუეთუ შენ ეგრეთ შეიყუარო იგი, ვითარცა მათ შეიყუარეს, მან ეგრეთვე მოგცეს შენ ყოველივე, რაცა ითხოვო მისგან“.

ხოლო ესე რა თქუა, დაუტევა ამბორის-ყოფა საუკუნო და წარვიდა წიად იორდანესა კაცთა მათ თანა ველურთა, სადა იგი ყოფა მისი უწყის ღმერთმან, ყოვლისა მეცნიერად დაშბა-ფებელმან.

ხოლო დედა იგი ნინოსი მისცა პატრიარქმან მსახურად გლახაკთა დედათა და უძღურთა. და წმიდა ნინო მსახურებდა ნიაფორსა სომეხსა დვინელსა ორ წელ, და ჰკითხვიდა ყოვ-ლადვე ცნებათა მათჳს ქრისტესთა: ჯუარცმისა, დაფლვისა და აღდგომისა მისისა, და სამოსლისა მის და ტილოთა და სფ-დარისა, და ჯუარისა და სხჳსა ყოვლისავე შემდგომითი შემ-დგომად გამოეძიებდა, რამეთუ არვინ ყოფილ-ყო და არცა-ვინ იყო შორის იერუსალემისა სწორ მისსა მეცნიერებითა სჯულისა, ძუელისა და ახლისათა, ყოველსავე ზედამიწევნით. ხოლო იწყო უწყებად მისა და რქუა: „გხედავ, შვილო ჩემო, ძალსა შენსა ვითარცა ძალსა ლომისა ძუისასა, რომელი იზა-ხებნ ყოველთა ზედა ოთხფერკთა, გინა ვითარცა ორბი დედა-ლი, რომელი აღვიდის სიმადლესა ჰაერთასა უფროს მამლისა, და ყოველი ჳმელი გუგასა შინა თუალისა მისისასა მცირინა მარგალიტისა სწორად შეიყვანის, განიხილის და განიცადის საჳმელი მისი ცეცხლებრ. ხოლო იხილის რა, მიუტევენინ ფრთენი და მიეტევის მას ზედა. ეგრეთვე სახედ იყოს ცხოვ-რება შენი წინამძღურებითა სულისა წმიდისათა“.

ხოლო აწ ვიწყო და მიგითხრა ყოველივე. რამეთუ ოდენ იხილეს ღმერთი იგი უკუდავი კაცთა მოკუდავთა ქუეყანასა ზედა, რომელი მოსრულ იყო მოწოდებად წარმართთა, ვითარ-ცა თუთ უნდა ჳსნა სოფლისა, იწყო კეთილის-ყოფად ჰურიი-თა: მკუდართა აღდგინებად, ბრმათა ახილვად, სნეულთა გან-კურნებად. რომელი ესე შეიშურგეს და შეიზრახნეს, და წა-რავლინეს სტრატოტონი ყოველსა ქუეყანასა მსწრაფლ მოს-

ლვად ჰურიათა და თქუეს, რამეთუ: „აჰა, ესერა წარვწყდმე-
ბით, მოვედით და შემოკერბით ყოველნი“.

მაშინ მოიწივნეს ყოვლით ქუეყანით კაცნი ურიცხვნი, სწავლულნი სჯულსა მოსესსა, რომელნი-იგი წინააღუდგეს სულსა წმიდასა, და რა-იგი ჯერ იყო ყოფად ქრისტესა, მათ აღასრულეს: რამეთუ ჯუარს-აცუეს და სამოსელსა მისსა ზედა წილი იგდეს, და ზუდა წილითა მით ჩრდილოელთა მცხეთელთა მოქალაქეთა კუართი იგი უკერავი. ხოლო დაფლეს რა მათ ჰურიათა ქრისტე, და დაკრძალეს და დაბეჭდეს საფლავი იგი მისი. არამედ იგი აღდგა, ვითარცა თქუა პირველად, და ტილონი იგი პოვნეს საფლავსა მას შინა. ვითარ განთენა, ესე ყოველი წარმოიცა. და მოვიდა პილატეცა და ცოლი პილატესი ქრისტეს საფლავად. და ტილონი იგი, ვითარ პოვნეს, მოიხუნა ცოლმან პილატესმან და წარვიდა მსწრაფლ პონტოდ, სახლად თუსად, და იქმნა მორწმუნე ქრისტესა.

ხოლო შემდგომად ჟამთა რაოდენთამე მივიდეს ჯელთა ლუკა მახარებლისათა, და დასხნა მან იგინი სადაცა თუთ უწყის. ხოლო სუდარი არა იპოვა, დაღაცათუ თქუეს ვიეთმე პეტრენთვის, ვითარმედ: „ველ-ეწიფა ახუმაღო და აქუნდეს მასო“. არამედ განცხადებულად არა გუთხრეს, ვითარ სხუა იგი. ხოლო ჯუარნი იგი ამასვე ქალაქსა შინა იერუსალემსა დამარხულ არიან, გარნა აღგილი მათი არავინ უწყის; ოდეს ინებოს ღმერთმან, გამოჩნდნენ იგინიცა. ვითარცა ესმა ესე ყოველი წმიდასა ნინოს ნიაფორისაგან, მაშინ შეწირა ღმრთისა მადლობა და აკურთხა. და კუალად ჰკითხა მას, თუ „სადა არს ჩრდილოსა იგი ქუეყანა, სადათ-იგი მოსრულთა მათ ჰურიათა წილ-ზუდა და წარიღეს სამოსელი იგი უფლისა ჩუენისა იესო ქრისტესი“. მიუგო და რქუა ნიაფორმან, ვითარმედ: „არს აღმოსავლეთით ქალაქი სახელით მცხეთა, ქუეყანა ქართლისა და სომხითისა — მითუღეთი საწარმართო, არამედ ჟამსა ამას უტიკთა საჯელმწიფოდ შექმნილ არს იგი“.

ხოლო მათ დღეთა შინა მოვიდა დედაკაცი ვინმე ეფესოთ თაყუანის-ცემად წმიდისა აღდგომისა, და ჰკითხვიდა დედაკაცსა მას ნიაფორი, ვითარმედ: „ელენე დედოფალი ეგრეთსავე ცთომილებასა და ბნელსა შინა არსა?“. ხოლო მან რქუა ესრეთ, ვითარმედ: მე ვარ მკევალი მათი და მეცნიერი განზრახვასა მათსა ყოველსა, ცხადსა და დაფარულსა, და უწყი

მე მისი, რამეთუ აქუს მას დიდი წადიერება ქრისტეს სჯობილად და ნათლისღებისათსა“.

ხოლო ესმა რა ესე დედაკაცისა მისგან წმიდასა ნინოს, რქუა ნიაფორსა ესრეთ, ვითარმედ: „წარმგზავნე მე და მივიღე წინაშე დედოფლისა ელენესა, ნუჟუე მივიახლო მის წინაშე სიტყვს-გებად ქრისტესთსა“. ხოლო ნიაფორმან აუწყა პატრიარქსა წადიერება ესე და საქმე ნინოსი. ხოლო დედისძმამან მოუწოდა წმიდასა ამას ნინოს, დისწულსა თსსა, და დაადგინა იგი აღსავალსა წმიდისა საკუროთხევლისასა; და დასხნა კელნი მისნი წმიდანი მკართა მისთა ზედა, სულთ-ითქუნა ცად მიმართ სიღრმითა გულისა მისისათა და თქუა: „უფალო, ღმერთო საუკუნეთათ, კელთა შენთა შევედრებ ობოლსა ამას შვილსა დისა ჩემისასა, და წარვაკვლინებ ქადაგებად ღმრთეებისა შენისა, რათა ახაროს აღდგომა შენი; სადაცა სათნო-იყო სრბა მისი, ექმენ, ქრისტე ღმერთო, ამას მოგზაურ, ნავთსადგურ, მოძღუარ და ენა მეცნიერ, ვითარცა-იგი წინათა მათ მოშიშთა სახელისა შენისათა“.

და უჯმნა დედისაგან თსისა ამბორის-ყოფითა განშორებისათა და გამოსახა მას ზედა სასწაული ჭუარისა; და ესრეთ ლოცვითა ღმრთისა მიმართ და კურთხევითა განუტევა.

და წარემართა წმიდა ნინო დედაკაცისა მის თანა, ეფესოთ მოსრულისა, და ვითარ მიიწინეს სამეფოსა ჰრომს სახიდ დედაკაცისა, რომლისა-იგი თანამოგზაურ იქმნა, პოვეს მუნ დედოფალი ვინმე მეფეთა ნათესავი, სახელით რიფსიმე, და დედამძღმე მისი გაიანე, მონასტერსა შინა ქალწულთასა, რომელთა ქრისტეს აღსარებისათს სუროდა და ელოდეს იერუსალემით ნათლისღებასა.

მაშინ დედაკაცმან მან მოიყვანა წმიდა ნინო და მისცა წმიდასა რიფსიმეს, და აუწყა საქმე მისი, რომელი-იგი იხილა რა ქრისტესმოყუარემან რიფსიმე, სიხარულით შეიტკბო და შეიწყნარა სახიდ თსსად, წინაშე მისსა, წმიდა ნინო კელითგან მის დედაკაცისა თანამოგზაურისა.

და ესრეთ იყოფოდა რა მის თანა წმიდა ნინო, მასვე შინა წელიწადსა ნათელი-ლო რიფსიმე, რომლისათს იგი სურვიელ იყო; მის თანა გაიანეცა დედამძღმემან მისმან და სსუათა მათ სახლეულთა მისთა, რიცხუთა ორმოცდაათმან სულმან სსუამან; და უმრავლესთა მათგანთა კელსა ქუეშე წმიდისა ნინოსსა

ნათელ-იღეს. და წარვიდეს ესე ყოველნი მონასტერსა თვისსა,
და იყო მათ თანა წმიდა ნინო ორ წელ.

მათ დღეთა შინა გამოგზავნნა კეისარმან ძებნად ქალისა
ქმნულ-კეთილისა და შუენიერისა, რათამცა უპოვეს ღირსი
ცოლად მისა. და ვითარ მოიწივნეს მონასტერსა მას ქალწულ-
თასა მეძიებელნი იგი, და იხილეს რიფსიმე, და განიცადეს ხა-
ტი მისი და გამოიკითხეს გუარი მისი, რამეთუ არავინ იყო
მსგავსი რიფსიმესი სახითა. და გამოსახეს ხატი მისი ფიცარსა
ზედა, და წარგზავნეს წინაშე კეისრისა. სთნდა კეისარსა და
აღივსო სიხარულითა, და განაწესა აღსრულება ქორწილისა
მრავლითა სიხარულითა. რომლისთვისცა მსწრაფლ წარავლინ-
ნა მოციქულნი და განმგებელნი ყოველთა შინა საბრძანებელ-
თა მისთა, რათა ყოველნი ძღუნითა შემოკრბენ და დიდითა
სიხარულითა მოვიდენ ბრძანებასა მეფისასა და ქორწილსა სა-
მეუფოსა.

ხოლო იხილეს რა ყოვლად წმიდათა მათ დაფარული იგი
მანქანება მტერისა და ისარნი მისნი განკურვებულნი, რომ-
ლითა-იგი ისწრაფდა სისრად წმიდათა ქალწულთა, იურკოდეს,
რამეთუ ჭური რისხვისა იპოვა მეფე, ვითარცა გუელი რომელ
სამოთხესა შინა მსახრველ ექმნა, ეგრეთვე აქა მსგავსად მისსა
უსჯულო ესე, რომელსა აქუნდა შეგინებული თაყუანის-ცემა
ბილწთა და საძაგელთა კერპთა.

ხოლო იხილეს რა ნეტარმან რიფსიმე, გაიანე და სხუათა
მათ წმიდათა და ყოვლად ქებულთა დედათა განსაცდელი ესე
მათ ზედა მოწივნულად, მაშინ მოიკსენეს მათ უბიწო იგი აღ-
თქმა და ღირსი ქებისა მარტოებით ცხოვრება, რომელსა-იგი
იყვნეს განსწავლულ, და გოდებით ტიროდეს გამოხატვით შეს-
წავებისა მისთვის წინაშე მეფისა უსჯულოსა შუენიერებისა
წმიდისა რიფსიმესა, რომელი-იგი გამოეხატა და წარგზავნეს.
ილოცვიდეს დაუცხრომელად და უფიცხელესთა კანონთა შეა-
ყენეს თავნი მათნი, ევედრებოდეს ღმერთსა ყოვლად მოწყა-
ლესა მრავლითა ვედრებითა. და ერთობით განზრახვითა ურ-
თიერთას ყოველთავე დაუტევეს ქუეყანა იგი ფარულად ორ-
მოცდაცამეტმან სულმან.

და მოვიდეს ლტოლვილნი არეთა სომხითისათა, ადგილსა
მას, რომელსა ჰქვან ახალქალაქი, უალერეს შენებულსა, რო-
მელ არს დვინი, საყოფელი სომეხთა მეფისა. და შევიდეს მუნ

საწინაბელთა ვენაჯისათა, რომელი შენებულ არს ჩრდილოთ კერძ და აღმოსავალით, და იზარდებოდეს მუნ შინა კელთ-საქ-მრისაგან ვაჭრობით.

ხოლო კვისარი აღივსო მწუხარებითა და წარავლინა კაცნი ყოველთა ადგილთა მოძიებად მათდა. მაშინ მოიწივნეს მოციქულნი კვისრისანი წინაშე თრდატ სომეხთა მეფისა და მართუეს წიგნი კვისრისა, რომელსა წერილ იყო ესრეთ:

! „თუმამპრობელი კვისარი საყუარელსა ძმასა და მეგობარსა და თანამოსაყდრესა ჩემსა თრდატს გიკითხავ. უწყებულ იყავნ ძმობა შენი და თანაშემწეობა, რომლისათჳს-იგი ყოვლადვე გუევენების შეცთომილისა მისგან ქრისტიანეთა ნათესავისა. რამეთუ ყოვლადვე შეურაცხ იქმნების ჩუენი უფლება მათისაგან კრებულისა, და საწუნელ არს ჩუენი ჯელმწიფება მათგან. რამეთუ იგინი ჯუარცმულსა ვისმე მომკუდარსა მსახურებენ და ძელსა თაყუანის-ცემენ, და ძულეებსა კაცთასა პატივ-სცემენ, და თავისა მათისა სიკუდილი უფლისა მათისათჳს დიდებად შეურაცხიეს და არა ეშინის ჰურიათაგან და ჰურიათა ჯუარცმულისაგან ეშინიან და შეცდომილ არიან; მეფეთაც აგინებენ, ღმერთთა შეურაცხ-ჰყოფენ, და ძალსაცა ნათლისა მზისა და მთოვარისასა და ვარსკულაფთასა არად შერაცხენ, არამედ შექმნულად იტყუან მათ ჯუარცმულისა მის მიერ. და ესრეთ მიაქციენ ქუეყანა, ვიდრემდის მამანი დედათაგან და დედანი მამათაგან ცოცხლივ განეშორნეს. დაღაცათუ დიდითა ქადებითა და ფრიადითა სატანჯველითა მოვსწყუდენით, არამედ კულადცა უფროსად განმრავლდეს. ხოლო აწ შემემთხვა მე ხილვად ნათესავისა მათისაგან ჰაბუკი ერთი ქალი, და განვიზრახე მოყვანება მისი ცოლად ჩემდა. ხოლო მას არა თუ ვითარცა მეფისა გული უთქმიდა სურვილებად ჩემდა, არამედ საძულელადცა და არაწმიდად შემრაცხეს. რომლითაცა მეოტ იქმნეს ფარულად ჩემგან. და კერძოთა ქუეყანისა შენისათა წარმოსრულ არიან. უწყებულ იყავნ შენდა, ძმარ ჩემო, მოიძიეთ იგინი და, პოვნე რა, მისთანანი იგი სიკუდილით მოაკუდიენ. ხოლო რომელი-იგი შეაცთუნეს, შუენიერი ხატითა და სახელით რიფსიმე, ჩემდა წარმოავლინე. და უკუეთუ შენ გთნდეს, თავისა შენისათჳს იგულე, რამეთუ არავინ იპოვა სხუა, მსგავსი მისი, იონთა სოფელსა შინა. და ცოცხლებით იყავნ ღმერთთა მსახურებით.“

ხოლო ვითარცა წარიკითხა თრდატ ბრძანება ესე კეისრისა, მსწრაფლ იწყო ძიებად მათდა, და პოვნა იგინი საწნეხელთა მათ შინა პირველქსენებულთა.

და იხილა რა რიფსიმე, აღივსო გულისთქმითა და განიხარა სიხარულითა დიდითა, და განიზრახა ცოლად მოყვანება მისი. ხოლო არა ერჩდა წმიდა რიფსიმე. მაშინ იწამა იგი, დედამძუძე მისი გაიანე და სხუანი მრავალნი მათთანანი, ვითარცა წერილ არს წამება მათი და სასწაული მოქცევასა შინა სომეხთასა, რამეთუ მადლითა ღმრთისათა იქმნა მეფე თრდატ ეშუად. ხოლო რომელნიმე მათ წმინდათაგანნი დაიძალნეს და ივლტოდეს.

მაშინ ესე წმიდა ნინო დაიძალა ეკალთა შორის ვარდისათა, რომელი-იგი ჯერეთ არა ყუთოდა მას ჟამსა. და ოდეს-იგი აღმოვიდოდეს სულნი წმიდათა მათ მოწამეთანი, იხილა წმიდამან ნინო სტეფანეს მსგავსი დიაკონი, ჩამომავალი ოლარითა ნათლისათა; და ჳელთა მისთა აქუნდა სასაკუმეველე, რომლისაგან გამოვიდოდა კუამლი სულნელებისა, რომელი ცათა დაფარვიდა, და მის თანა სიმრავლე ერთა ზეცისათა. და მათ შეერთნეს სულნი წმიდათა მოწამეთანი.

რომელი ესე იხილა რა ესრეთ წმიდამან ნინო. ღალად-ყო ესრეთ: „უფალო, უფალო, რად დამიტეობ მე შორის ასპიტთა და იქედნეთა“. მაშინ ჳმა ესმა ზეგარდამო, რომელი ეტყოდა, ვითარმედ: „ესრეთვე იყოს წარყვანება შენი, ოდეს ეგე ეკალი, რომელი არს გარემოს შენსა, ყოველი იქმნს ვარდისფურცელ სურნელ. აღდეგ და ვიდოდე ჩრდილოთ კერძო, სადა-იგი არს სამკალი ფრიად და მუშაკი არა“.

და წარმოვიდა მუნით წმიდა ნინო და მოვიდა ორბანთად, საზღვართა სომხითისათა, და მუნ დაიზამორა ჳირთა შინა მრავალთა. და თუესა მეოთხესა, რომელ არს ივნისი, წარმოემართა და მოიწია მათთა ჳავახეთისათა, სადა-იგი მივმთხუტბასა დიდსა გარდამდინარესა, რომელსა ჳქვან ფარავნა. ხოლო მიხედნა რა მუნით, და იხილნა მთანი ჩრდილოსანი; რამეთუ დღეთა მათ ზაფხულისათა იყვნეს სავსენი თოვლითა და ჳაერთა სასტიკითა. და შეძრწუნდა წმიდა ნინო და თქუა: „უფალო, უფალო, მიიღე სული ჩემი ჩემგან“.

და დაყო მუნ ორი დღე და ითხოვა საზრდელი მეთევზურთაგან, ტბასა მას შინა მონადირეთასა. და მწყემსნიცა იყვნეს



მასვე ადგილსა და ჭუმილვიდეს საჭუმილავსა ღამისას
წყსოსა მათსა ზედა; და ხადოდეს ღმერთთა მათთა არმასს და
ზადენს. და აღუთქმიდეს მათ შესაწირავთა: „ოდეს მოვიდეთ
მშველობითო“.

ხოლო წმიდა ნინო მეცნიერ იყო მცირედ ენასა სომხურსა,
რამეთუ პირველ ესწავლა ნიაფორისგან, და პოვა მწყემსთა
მათ შორის სომხურად მზრახველი და ჰკითხა მას, ვითარმედ:
„რომლისა სოფლისანი ხართ?“ ხოლო მან მიუგო და რქუა,
ვითარმედ: „დაბით ელარბინით და საფურცლით, და ქინძა-
რელნი, რაბატელნი-დიდისა ქალაქისა მცხეთისანი, სადა ღმერთ-
ნი ღმერთობენ და მეფენი მეფობენ“. და ჰკითხა თუ „სადათ არს
მცხეთა?“ ხოლო მწყემსმან მან ესრეთ ოდენ აუწყა, რომელ
შდინარე გასდის ტბასა ამას მცხეთას მისლვად.

ხოლო წმიდამან ნინო დაიდგა ლოდი სასთუნალ, დაწვა და
დაიძინა გარდასადინელსა მის ტბისასა. და ვითარ-იგი ეძინა,
მოვიდა კაცი ერთი ჩუენებით, ასაკითა ზომი და თმითა ნახე-
ვარომოსანი. და მოსცა მან წიგნი დაბეჭდული წმიდასა ნინოს
და რქუა: „მიართუ ესე მცხეთას მეფესა მას წარმართთასა“.
ხოლო წმიდამან ნინო იწყო ტირილად და ვედრებად მისა:
„უფალო, მე დედაკაცი ვარ უცხო და უმეცარი, და არცა ვე-
ცი ენა, ვითარ მივიდე უცხოთა ქუეყანასა და უცხოთა ნათე-
სავთა თანა“. მაშინ კაცმან განუტსნა წიგნი იგი, და მისცა
კითხვად, და წერილ იყო ჰრომაელებრ და ბეჭედი იყო იესო-
სი. დაწერილ იყვნეს წიგნსა მას შინა ათნი სიტყუანი.

ა. სადაცა იქადაგოს სახარება ესე, მუნცა ითქუას დე-
დაკაცი ესე.

ბ. არცა მამაკაცება არს, არცა დედაკაცება, არამედ
ითქუენ ყოველნი ერთ ხართ.

გ. წარვედით და მოიმოწაფენით ყოველნი წარმართნი
და ნათელ-სცემდით მათ სახელითა მამისათა, და ძისათა, და
სულისა წმიდისათა.

დ. ნათელი გამობრწყინდა წარმართთა ზედა დიდებად
ერისა შენისა ისრაელისა.

ე. სადაცა იქადაგოს სახარება ესე სასუფეველისა,
მუნცა ითქმოდინ ყოველსა სოფელსა.

ვ. რომელმან ითქუენი ისმინოს და შეგიწყნარნეს, მე

შემიწყნარა; და რომელმან მე შემეწყნაროს, შეიწყნაროს მოგმაცლინებელი ჩემი.

ზ. რ ა მ ე თ უ ფრიად უყუარდა მარიამ უფალსა, რამეთუ მარადის ისმენდა მისსა სიტყუასა ჭეშმარიტსა.

მ. ნ უ გ ე შ ი ნ ი ნ მათგან, რომელთა მოწყუდნენ ვორცნი თქუენნი, ხოლო სულისა ვერ შემძლებელ არიან მოწყუედად.

თ. რ ქ უ ა მარიამ მაგდანელსა იესო: „წარვედ, დედაკაცო, და ახარე დათა და ძმათა ჩემთა“.

ი. ს ა დ ა ც ა ქადაგებდეთ სახელითა მამისათა, და ძისათა და სულისა წმიდისათა.

ვითარცა წარიკითხნა სიტყუანი ესე წმიდამან ნინო, იწყო ვედრებად ღმრთისა მიმართ და გულისხმაყო, ვითარმედ ზეცით იყო ჩუენება იგი. და აღიხილნა თუალნი ზეცად და ზვალისაგან ითხოვა შეწევნა მისი.

და შემდგომად ამისსა წარემართა მდინარესა მას ტბისასა, და იყო დინება მისი დასასვლელით კერძო. და მიუდგა გზათა ძნელთა და ფიცხელთა, ნახნა ჭირნი დიდნი გზათაგან და შიში დიდი მკვეცთაგან, ვიდრელა მიიწია ადგილსა მას, სადა წყალმან აღმოსავლით იწყო დინება. და მიერიტგან იქმნა ლხინება მისი, რამეთუ პოვნა მუნ მოგზაურნი, რომელთა თანა მიიწია სანახებსა ქართლისასა, ქალაქსა მას, რომელსა ეწოდების ურზნისი, სადა-იგი იხილა ერი უცხოთა თესლთა ღმერთთა მსახური; რამეთუ ცეცხლსა, ქვათა და ძელთა ღმერთად თაყუანისცემდეს. რომლისათუსცა შეეუტრვა სულსა ამის წმიდისასა და შევიდა ბაგინსა ჰურიათასა ენისათუს ებრაულისა, და დაყო მუნ თუე ერთი, და განიცდიდა ძალსა ამის ქუეყანისასა.

მაშინ დღესა ერთსა აღიძრნეს ერნი დიდნი მით ქალაქით, წარმშვალნი დიდად ქალაქად სამეუფოდ, მცხეთად, მოვაჭრებად საკმართა რათამე და ზორვად წინაშე არმაზ ღმრთისა მათისა. და წარჰყვა წმიდა იგი მათ თანა. ხოლო ვითარ-იგი მიიწივნეს ქალაქად მცხეთად, წიად მოგუთასა კიღსა ზედა, და დადგეს მუნ. და ხედვიდა წმიდა ნინო ცეცხლისმსახურთა მათ ერთა მოგუებასა და ცთომასა; და ტიროდა წმიდა ნინო წარწყმედასა მას ზედა მათსა, და იგლოვდა უცხოებასა თუსსა.

და აჰა ესერა, ზვალისა დღე იყო კმა ოხრისა და საყურისა; გამოვიდა ერი ურიცხვ, ვითარცა ყუთვილნი ვეღისანი, და ზა-

რი საშინელი გამოვიდოდა, და ჯერეთ მეფე არღა გამოვიდოდა.
იყო. და ვითარ მოიწია ეამი, იწყო სივლტოლა და მი-და-მო-
მალვა ყოვლისა კაცისა, შიშითა საფარველსა თუსსა შეივლტოდა.
და აჰა, მყის გამოვიდა დედოფალი ნანა, და ნელიად მოვიდო-
და ერი. და შეამკუნეს ყოველნი ფლოცნი თუთოფერიითა სა-
მოსლებითა და ფურცლითა. და იწყო ყოველმან ერმან ქებად
მეფისა. მაშინ გამოვიდა მირიან მეფე საზარელითა და თუალ-
შეუდგამითა ხილვითა.

და ჰკითხა წმიდამან ნინო დედაკაცსა ვისმე ჰურიასა, ვი-
თარმედ: „რა არს ესე?“ ხოლო მან რქუა: „ღმერთი ღმერთთა
არმაზ მიუწესს, რომელ არა არს მისსა გარეშე სხუა კერპი“. მა-
შინ მყის უკუე წარვიდა წმიდა ნინო ხილვად არმაზისსა. და აღი-
ვსნეს მთანი იგი ღროშებითა და ერითა, ვითარცა ველნი ყუა-
კელითა.

ხოლო წმიდამან ნინო შეუსწრო ციხედ არმაზად, და დადგა
იგი მახლობელად კერპისა მის ნაპრალსა ზღუდისასა. და ხედ-
ვიდა საკურველებასა მიუწდომელსა და ენითა გამოუთქმელსა,
ვითარღა იყო ზარის-აღსაქდელი იგი შიში მეფეთა, მთავართა
და ყოვლისა ერისა წინაშე კერპთა მათ წარმოდგომილთა. და
იხილა წმიდამან ნინო, რამეთუ დგა კაცი ერთი სპილენძისა,
და ტანსა მისსა ეცუა ჯაჭვ ოქროსი, და თავსა მისსა ჩაბალახი
მყარი, და თუალნი ესხნეს ზურმუხტი და ბივრიტი, და ჳელთა
მისთა აქუნდა კრმალი ბრწყინვალე, ვითარცა ელვა, და იტყუ-
ოდა ჳელთა შინა. უკუეთუ ვინმე შეეხებოდა, თავი თუი სიკუ-
დილად განწირის და იტყუნ: „მ ჩემდა, ნუუკუე და-სამე-ვაკ-
ლე დიდებასა დიდისა ამის ღმრთისა არმაზისსა, ანუ შე-სამე-
ვსცეთ სიტყუად ებრაელთა განა, გინა მოგუთა თანა სმენისა;
და რომელ იტყუნ უცებნი უცხოსა ვისთვისმე ღმრთისა, ნუ-
უკუე ბოოს რამე ბიწი და მცეს მე მახული იგი მისი, რომლი-
საგან ეშინის ყოველსა“. და შიშით თაყუანი-სცემენ მას.

და კუალად იყო მარჯუენით მისსა კაცი ოქროსი და სახე-
ლი მისი გაცი; და მარცხენით მისსა უდგა კაცი ვეცხლისა, და
სახელი მისი გაიმ, რომელნი-იგი ღმერთად უჩნდეს ერსა მას
ქართლისასა.

მაშინ ტიროდა და სულთ-ითქუმიდა ნეტარი ნინო ღმრთი-
სა მიმართ ცთომათა მათათუს ქუეყანისა ჩრდილოსა, მიფარ-
ვისა მათგან ნათლისასა და უფლებასა მათ ზედა ბნელისასა;

რამეთუ მიხედნა მეფეთა მათ დიდძალთა და ყოველთა მთავართა, რომელნი ცოცხლებით შთაენთქნეს ჯოჯოხეთსა, დაეტევა დამბადებელი, და ქუათა და ძელთა, სპილენძსა და რვალსა განჭედილსა ღმერთად თაყუანი-სცემენ და ესენი იცოდეს ყოვლისა შემოქმედად. მაშინ მოეცენა სიტყუა იგი, რომელი ამცნო იობენალ პატრიაქმან, წმიდამან მამამან, ვითარმედ: „მამაკაცსა სრულსა წარგავლინებ, და მიწევნად ხარ ქუეყანასა უცხოსა და ნათესავთა დარაგეველ ზეფელ ბაკადულ, რომელ არს ბრანჯულად: „კაცთა ღმრთისმკდომთა“.

მაშინ აღიხილნა ზეცად და თქუა: „უფალო, მრავლითა ძალითა შენითა გეცრუვნეს მტერნი შენნი და მრავლითა სულგრძელებითა შენითა იქმან, რასაც იქმან და მოიგონებენ მტუერნი ესე ქუეყანასა ზედა. არამედ ნუ უგულუბელს-ჰყოფ, რამეთუ ხატი შენი არს კაცი, რომლისათვისცა ერთი წმიდისა სამებისანი კაც იქმენ და აცხოვნე ყოველი სოფელი, და მოხედენ წყალობით ამათცა ზედა ნათესავთა, და შერისხენ სულთა ამათ ურჩთა სოფლისმპყრობელთა და მთავართა ბნელისათა, და შთაქედენ ადგილთა ძნელთა. და მიჩუენე მე, უფალო, ღმერთო მამისა და დედისა ჩემისაო, მტევალსა ამას შენსა და ნაშობსა მათსა, რათა იხილონ ყოველთა კიდეთა ქუეყანისათა მაცხოვრება შენი და რათა ჩრდილო ბლუარსა თანა იხარებდეს და ყოველმან ენამან მხოლოსა ღმერთსა თაყუანის-გცეს ქრისტეს იესოს მიერ, ძისა შენისა, რომელსა შუენის მადლობა და დიდების მეტყუელება“.

და ვითარცა დაასრულა ლოცვა ესე წმიდამან ნინო, და წამის-ყოფა იყო ოდენ თუალისა — აღდგეს დასავლით ქარნი და ჰაერნი, და კმა-სცეს ქუხილითა, კმითა საზარელითა, და გამოჩნდეს ღრუბელნი მოსწრაფედ ნიშნითა საშინელითა. და მოიღო ნიაგმან დასავლისა-მზისამან სული ჯერკუალისა მწარისა და ნავლისა მყრალისა. რომელი ესე იხილა რა სიმრავლემან ერისამან მათ ზედა მომავალად, მაშინ ივლტოდა ყოველი კაცი ქალაქად და სოფლად. მიეცა დრო, ვიდრემდის შეესწრნეს კაცნი საყოფელთა მათთა შინა. და მეყსეულად მოიწია რისხვისა იგი ღრუბელი, მწარედ სასტიკი, და მოიღო სეტყუა ლიტრისა სწორი ადგილსა მას ოდენ ზედა, საყოფელსა კერპთასა. და დააწულილნა კერპნი იგი და დამუსრნა, დაარღვნა ზღუდენი ქარმან სასტიკმან და შთააბნივნა კლდეთა ნაპ-

რალსა. ხოლო წმიდა ნინო დარჩა მშუდობით აღგილსა მას
სადა პირველ შესრულ იყო.

ხოლო დღესა მეორესა გამოვიდა მირიან მეფე და ყოველი იგი ერი, ეძიებდენ ღმერთთა მათთა და არა ჰპოვებდენს. რომლისათჳს-იგი დაეცა მათ შიში და ძრწოლა. და იგლოვდენ გულფიცხელი ერი იგი და იტყოდეს, ვითარმედ: „ქალდეველთა ღმერთი ითრუჯან და ჩუენი ესე ღმერთი არმაზ ყოვლადვე მტერ არიან: ამან სამე მას ზედა ზღუა მოაქცია, და აწ მან შური იძია და მის მიერ მოიწია ესე“. ხოლო რომელნიმე იტყოდეს: „რომლისა ღმრთისა ძალითა თრდატ მეფე ეშუად იქმნა და მისვე ღმრთისა ძალითა კაცად იქმნა, და მან უკუე ღმერთმან მოაწია ესე. რამეთუ სხუა ღმერთი ვერ შემძლებელ არს ესევეითარისა ქმნად“. ესევეითარსა ამან იტყოდეს, რამეთუ ვინათგან თრდატ მეფე ქრისტეს ძალითა ეშუად ქმნილ იყო, და ქრისტეს ძალითვე კჳლად კაცად მოქცეულ იყო. მიერთგან ქება-დიდება ქრისტესი არღარა ფარულად ითქმოდა ქართლს შინა, რამეთუ მადლსა ღმრთისასა ეწყო მიფენად აღმოსავლეთს.

ხოლო მასვე დღესა რისხვისასა, ოდეს დასცხრა სეტყუა იგი და ქარი სასტიკი, მაშინ გამოვიდა წმიდა ნინო კლდისა მისგან ნაპრალისა და პოვა თუალი იგი ბივრიტი, აღიღო და წარმოვიდა წინა კერძო დასასრულსა მის კლდისა ცხურისასა, სადა ყოფილ იყო ძუელი ციხე, და მუნ დგა ხე ერთი ბრინჯისა, შუენიერი, მაღალი და რტომრავალი, სადა-იგი ყოფილ იყო ბარტამ მეფისა საგრილი და განსასუენებელი. და მივიდა ხენა მას ქუეშე, გამოიწინა ნიში ქრისტეს ჯუარისა და ილოცვიდა მუნ ექუს დღე. და მადლობდა ღმერთსა და ევედრებოდა, რათა მოხედნეს წყალობით ერსა მას შეცთომილსა და იქსნეს ეშმაკისაგან. ხოლო ოდეს იქმნა ესე, ეამი იყო მეექუსე, და დღე მეექუსე და თჳსა მის, ოდეს-იგი ევმანოელ თაბორსკ მამისა ხატი უჩუენა თავთა მათ მოწაფეთა და თავთა მათ წინასწარმეტყუელთა.

მაშინ მოვიდა სეფექალი ერთი, სახელით შროშანა და იხილა იგი ხესა მას ქუეშე; განკვრდა და მოიყვანა ბერძულად მეტყუელი დედაკაცი, და ჰკითხა გზა მისი. ხოლო წმიდამან ნინო აუწყა და უთხრა ყოველი გზა და საქმე მისი, თუნიერ ხოლო დედაძმათა მისთა არა აუწყა, რამეთუ ტყუედ უთხრა თავი თჳსი. მაშინ შეეწყალა შროშანან უცხოებისა მისთჳს,

ზღვესნეს თუალნი ცრემლითა და აიძულებდა მას, რათაჲმ წარყვა სახიდ სამეფოდ. ხოლო წმიდამან ნინო არა ინტყა წარსლვა მის თანა, და წარვიდა შრომანა.

შემდგომად ამისა მესამესა დღესა ჩამოვიდა ქართლად, გამოვლო მტკუარი და მიმართა სამოთხესა მას მეფისასა, სადა-იგი არს სუეტი იგი ღმრთივ აღმართებული და ეკლესია საკათალიკოზო, და მი-რა-ვიდა კარსა მას სამოთხისასა, იხილა სახლი მცირე სამოთხისა მცველისა. შევიდა წმიდა ნინო, და ჯდა მას შინა დედაკაცი, რომლისა სახელი ანასტო. და ვითარცა იხილა დედაკაციმან მან, აღდგა მოეხუა და შეიტკბო ვითარცა მეცნიერმან, დაჰბანა კელნი და სცხო ზეთი, მოართუა პური და ღვინო, და დაყო მის თანა წმიდამან ნინო ცხრა თუე.

ხოლო იყვნეს ესე ანასტო და ქმარი მისი უშვილო და ზრუნვიდეს ფრიად უშვილოებისათს. მაშინ იხილა წმიდამან ნინო ჩუენებასა შინა: მოვიდა კაცი ნათლისფერი და რქუა, ვითარმედ: „შევედ სამოთხესა მავას, ბაბილო არს მცირე ნაძუთა ქუეშე, საუფლო შეზავებული, მიწა აღილე მის ადგილისაგან, შეაქამე კაცთა მავათ და ესუას შვილი. ყო ეგრეთ წმიდამან ნინო და რქუა მათ: „ძალითა ქრისტეს ძისა ღმრთისათა დაუსაბამოსათა, რომელი თანამოსაყდრე არს მამისა და სულისა წმიდისა და ქსნისათს ჩუენისა განკაცნა, ჯუარს-ეცუა, დაეფლა და აღდგა მესამესა დღესა, და ამალდა ზეცად და დაჯდა მარჯუენით მამისა და კუალად მოვალს დიდებითა განსჯად ცხოველთა და მკუდართა, მან მოგცეს გულისხმის-ყოფა“. და აუწყა ყოველი გზა ქეშმარიტი.

მაშინ ცოლ-ქმართა მათ აღიარეს ქრისტე და დაემოწაფნეს ფარულად. მაშინ წმიდამან ნინო ქალაქისა ზღუდეთა გარეგნით ბოვა ქოჩი ერთი ბრწამი მაყულისა, სადა აწ არს საკურთხეველი ზემოსა ეკლესიისა საეპისკოპოსო, და იგი შექმნა საყოფელად თვსა. და შექმნა ჯუარი ნასხლევისა და აღმართა ქოჩსა მას ქუეშე, და მარადის ილოცავნ დღე და ღამე დაუცხრომელად, და მსახურებდეს ცოლ-ქმარნი იგი, და იყვნეს დაკურვებულ ღუაწლთა მისთა, მარხვასა, და ლოცვასა, და მღუძარებასა.

და მრავალჯის მოვიდის უბანსა ურიათასა ენისათს ებრაულისა და გამოძიებისათს კუართისა უფლისა, რომელ ასმიოდა იერუსალემს ნიაფორისგან, ვითარმედ: „კუართი უფ-



ლისა მცხეთელთ ჰურიათა წარუღიაო“. ამისთვის გამოეცხადებოდა ჰურიათა მათ თანა, რათამცა ცნა რამე საქმე კუართისა ჰურიათა და პოვა ჰურია ერთი მღდელი, სახელით აბიათარ, და უქადაგა მას და ასულსა მისსა სიდონიას სახარება უფლისა ჩუენისა იესო ქრისტესი. ზოლო მათ რწმენა და დაემოწაფნეს, იგინი და ექუსნი დედანი სხუანი ჰურიანი. და აღიდეს უღელი სწავლისა წმიდისა ნინოსი თვნიერ ნათლისღებისა, რამეთუ ათა იპოვებოდა მღდელი, რომელმანმცა ნათელ-სცა, და ფართლად იყვნეს მოწაფე მისი. და პყოფდა კურნებათა და საკურველებათა ძალითა ქრისტესითა: მრავალნი განრღუეულნი განკურნნა რეცა მიზეზითა წამლისათა.

და ესრეთ იქცეოდა მცხეთას ქალაქსა შინა სამ წელ ოდენ; და მათ ჟამთა შინა იყო შესლვა მირიან მეფისა და ძმისწულისა მისისა, დიდისა სპარსთა მეფისა, საბერძნეთად, ოდეს კოსტანტინე ბერძენთა მეფემან ძალითა ქრისტესითა და წინამძღურებითა ჟუარისათა იოტნა მეფენი და სპანი მათნი ურიცხუნი მოსრნა.

თქმული აბიათარ მღდელისა რომელი დაემოწაფა წმიდასა და სანატრელსა ნინოს

«მე, აბიათარ მღდელი, ვიყავ წილით ხუედრებული მის წელიწადისა, ოდეს წმიდა ესე და ნეტარი ნინო მოვიდა მცხეთად. და მასვე ჟამსა მოწევენულ იქმნა ჩემდა წიგნი ანტიოქიით ჰურიათაგან მღდელთა, რომელსა შინა წერილ იყო ესრეთ, ვითარმე: „სამად განხეთქა ღმერთიან მეფობა ისრაელისა. აჰა ესერა, წინასწარმეტყუელნი ჩუენნი დასცბრეს, და რომელსა სული აწუევდა, აღესრულა ყოველი და განვიბნიენით ჩუენ ყოველსა ქუეყანასა, და ჰრომთა დაიპყრეს ქუეყანა ჩუენი; გტიროდით ჩუენ ერთიუერთ, რამეთუ განგარისხეთ შემოქმედი ღმერთი. აჰ განიბილენ წიგნნი მოსესნი და სიტყუა იგი, რომელი დამიწერა ჩუენ ესე ყოველი, ვითარმე: „რომელი იტყოდის ქუეყანასა ზედა თავსა თუსსა ძედ ღმრთისად, მოკუედინო“. ანუ მე უკუე შევსცეთით ნაზარეველისა იესოს სიკუდილისა? რამეთუ ვხედავთ, ოდეს პირველ მამათა ჩუენთა შესკოდინ ღმერთსა და ყოვლად დაივიწყიან იგი, და მისცნის იგი კელმწიფებასა ძნელსა და ტყუეობასა; და ოდეს მოიქცი-

ან და ღალად-ყვიან, მსწრაფლ განარინნის იგინი ჭირისაგან.

„ესე შვდგზის ვიცით წერილისაგან. ხოლო აწ ვინათგან კელი შეახეს მამათა მათ ჩუენთა ძესა მას დედაკაცისა მწირისა-სა და მოკლეს იგი, აღიღო ღმერთმან კელი წყალობისა მისისა ჩუენ ზედა და განხეთქა მეფობა ჩუენი, განმაშორნა ტაძარსა მისსა წმიდასა და უგულუბელს-ყო ნათესავი ჩუენი სრულიად. და არს მით ეამითგან სამასი წელი და უმეტესცა, რომელ არა ისმინა ვედრება ჩუენი და არცაღა ყო ლხინება ჩუენი. რომლისათჳს საგონებელ-გზჩნს, ვითარმედ ნუუკუედა ზეცით იყო განგება“. ესევეითარი განმრავლდა მოწერილი.

«ხოლო მე, ვითარცა მესმა ესე, ვიწყე კითხვად დედაკაცისა მის ნინოსგან ქრისტესთჳს, თუ ვინა იყო იგი, ანუ რომლისა მიზეზისათჳს იქმნა კაც ძე ღმრთისა. მაშინ აღაღო ბირი თჳსი წმიდამან ნინო, ვითარცა ჯურღმულმან აღმომდინარემას, და იწყო სიტყუად საუკუნითგან, და წიგნთა ჩუენთა ზეპირით აღმოიტყოდა და განმიმარტებდა, და ვითარცა მძინარესა განმალჳებდა და ვითარცა დასულუბულსა გონიერ-მყოფდა, და მამათა ჩუენთა შემაწყალებდა, და სჯულისა ცვალებასა დამაჯერებდა, ვიდრემდის მრწმენა სიტყუათა მისთა: იესო ქრისტე ძე ღმრთისა, ვნება მისი და აღდგომა, მეორედ მოსლვა მისი საშინელი და სადა-იგი არს მოლოდება წარმართთა. მე და შვილი ჩემი ღირს ვიქმნენით მოღებად საპკურებელსა მას განსაწმედელსა ცოდვათაგან, ემბაზისა წყალსა, რომელსა ინატრიდა დავით და ვერ ეწიფა. და მესმა კმა ახლისა სჯულისა, ეჴა საგალობელთა, რომელსა ინატრიდა დავით. და ღირს ვიქმნენით ზიარებად ჯორცსა და სისხლსა ქრისტეს ძისა ღმრთისასა, და კრავსა ცოდვათათჳს სოფლისათა შეწირულსა, რომლისა ტკბილ არს გემოს-ხილვა მისი. და ამას ზედა, უფალო, ყავ განსლვა ჩემი ჯორცთაგან ჩემთა. და კულად მრავალნი სასწაულნი იხილნა თჳლმან ჩემმან მცხეთას, წმიდისა ნინოს მიერ დღეთა ჩუენთა».

თქმული მისივე აბიათარ მღდელისა

კუართისათჳს უფლისა ჩუენისა იესო ქრისტესისა

«მე, აბიათარ, მიგითხრობ თქუენ თხრობასა მას, რომელი მეუწყა და ყურითა ჩემითა ვისმინე მამისა და დედისა ჩემი-

საგან და რომელი წიგნთაგანცა უწყვი. რამეთუ მათცა და მშობელთაგან თვსთა მოთხოვრებით და სმევით უწყოდეს ესრეთ, ვითარმედ: ოდეს-იგი ჰეროდე მეფობდა იერუსალემს, მაშინ გუესმა ესრეთ, ვითარმედ „იერუსალემი სპარსთა და იპურესო“. რომლისათვის-იგი იქმნა გლოვა და წუხილი ჰურიათა ზედა ქართველთა, მცხეთელთა მკვდრთა, ბოდელთა მდდელთა, კოდისწყაროელთა მწიგნობართა და სობის კანანელთა თარგმანთა — ესე ყოველნი აღიძრნეს სივლტოლად. ხოლო შემდგომად მცირედთა დღეთა მოვიდა ღალადისი ნუგეშინის-ცემისა, ვითარმედ: „სპარსნი არა დაპყრობად მოვიდეს იერუსალემისა, არამედ საჭურველისა წილ აქუნდა ოქრო სამეუფო, და მური მსწრაფლმკურნალი წყლულებათა და გუნდრუკი სულამო. და ეძიებდეს ყრმისა ვისმე შობილსა, ძესა დავითისსა, რეცა პოვეს მწირი ერთი, მწირისა დედაკაცისაგან შობილი უყამოდ და უადგილოსა ადგილსა. და ესენი მის ყრმისა მოვიდეს თაყუანის-ცემად, და შეწირეს მისა ძღუენი იგი“. და იქმნა სიხარული დიდი ყოველთა ზედა ჰურიათა ქართველთა.

1 «ხოლო შემდგომად ამისა, ვითარ გარდაცდა ოცდაათი წელი, მაშინ მოუწერა ანა მდდელმან იერუსალემით მამისამისა ჩემისა ელიოზის თანა ესრეთ, ვითარმედ: „იგი, რომლისათვის სპარსნი მეფენი ძღუენითა მოვიდეს, აღზრდილ არს იგი და ჰასაკსა საზომსა მიწეგნულ არს, და თავსა თვსსა ხადის ძედ ღმრთისად. მოვედით ყოველნი სიკუდილსა მისსა, რათა აღესრულოს მცნება მოსესი“. და წარვიდა აქათ ელიოზ, მამისამამა ჩემი, კაცი მოხუცებული; და ესუა მას დედა ტომისაგან ელია მდდელისა, და ესუა მას დამ ერთი. და ევედრებოდა ელიოზს დედამისი ესრეთ: „წარვედ, შვილო, წოდებასა მეფისასა და წესსა სჯულისასა; ხოლო რომელსა-იგი განიზრახვენ, ნუ შეერთვინ ცნობა შენი, ნუ შვილო. რამეთუ იგი არს სიტყუა წინასწარმეტყუელთა და იგავი ბრძენთა“. და წარვიდა ელიოზ მცხეთელი და ღონგინოზ კარსნელი, და მუნ დახუდეს ჭუარცმასა უფლისასა.

1 «ხოლო ოდეს დამსტუალეს უფალი და ჰასანიკმან კუერითა დაჰკრა სამსტუალთა, აქა დედასა ელიოზისსა ესმა, და იკრჩხილნა და თქუა: „მშვდობით, მეფობათ ჰურიათათ, რამეთუ მოჰკალთ თავისა თქუენისა მაცხოვარი და იქმნენით მკლველ

შემოქმედისა. ვაი თავსა ჩემსა, რომელ არა წინავე მოვკუედი, რათამცა არა სმენილ იყო ყურთა ჩემთა“. და ამას ზედა შეი-
სუენა.

ხოლო კუართი იგი უფლისა წილით ზედა მცხეთელთა: წარმოიღო ელიოზ, და მოიღო მცხეთას. და მიეგება დაამისი, წესუარული ცრემლითა: მოეხვა ყელსა ძმასა თუსსა და მოუ-
ლო სამოსელი იგი იესოსი, შეიტკბო მკერდსა თუსსა და მსწრაფლ სულნი წარკდეს, სამითა ამით ტკივილითა: ქრისტეს სიკუდილისათუს, და დედისათუს, და ძმისათუს, რომელ ეზიარა სისხლსა უფლისასა.

მაშინ იყო საკურველი დიდი და შეშფოთება მცხეთას ში-
წა. რამეთუ განკურდა თვთ დიდი მეფე ადერკი და ყოველი სიმრავლე ერისა და მთავართა. და სთნდა მეფესა ადერკის სა-
მოსელი იგი, გარნა საკურველებისა მისგან ზარგანკდილ და შეშინებულ იქმნა იგი და არა ინება გამოღება კელთაგან მის მკუდრისათა, რომელსა-იგი მაგრიად და სურვილით შემოემ-
კრდა. და ელიოზ დამარხა დაამ თუსი, და კელთა აქუნდა სამო-
სელი იგი უფლისა. და არს ადგილი იგი, რომელი უფალმან უწყის.

შემდგომად მრავალთა წელიწადთა ძისწულისშვილმან ადერკი მეფისამან, მეფემან არმაზელ, ძიება ყო სამოსლისა მის ჰურიათა თანა და არა პოვა. რამეთუ აუწყეს ესე ყოველი, რომელი იყო, და არავის უწყის ადგილი იგი თვნიერ ამისა, რომელ „არს მახლობელ ნაძუსა მის ლიბანიით მოღებულისა და მცხეთას დანერგულისა და აღორძინებულისა“. რამეთუ მრავალგზის ბრძანა დედამან ჩუენმან, წმიდამან ნინო, რათამ-
ცა მოვიძიეთ სამოსელი იგი, გარნა მასცა ესდენ მიეთხრა: „არს ადგილი იგი, რომელსა ზედა ენანი კაცთანი არა დადუმ-
დენ გალობად ღმრთისა მიმართ“. ხოლო სახლი ელიოზისი იყო ქალაქსა დასავალით, წიალ მოგუთასა, კიდსა ზედა.

მათ დღეთა შინა მრავალგზის იხილა ჩუენება წმიდამან ნინო მკირედსა მას მირულებასა მისსა მუტლთა მიწთა ზედა, რეცა მოვიდიან მფრინველნი ცისანი, ფერითა შავნი, და შთა-
ვიდიან მღინარესა მას შინა, განიბანნიან და განსპეტაკნიან, და აღვიდიან სამოთხესა მას, ბაბილოსა მოისთულებდიან და ყუა-
ვილსა მას ძოვდიან, და ესრეთ მოწლედ და სურვილით წმი-
დისა ნინოსდა მივლენ, რეცა მისი არს სამოთხე იგი, გარემო-



ადგიან ქვილით შუენიერად. ესე უთხრა წმიდამან ნინო წაფესა თვისსა სიდონიასა, ასულსა აბიათარისსა. ხოლო ნია რქუა წმიდასა ნინოს: „უცხოო და აქა შობილო ტყუეო და ტყუეთა მქსნელო, უწყვი, რამეთუ შენ მიერ მოიწია ახალი ესე ყამი, და შენ ძლით ისმის ამბავი იგი ძუელი, მამათა ჩუენთა ნაქმარი ზეცისა მის კაცისა ზედა, უბრალოსა მის სისხლისა უსამართლოდ დათხევა, რომლითაცა იქმნა ჰურიათა სირცხული: ცისკიდეთა განზნევა, მეფობისაგან დაცემა, ტარისა მის წმიდისა მიღება, ერისა უცხოსა წოდება და დიდება მათი მათდა მიცემად: იერუსალემ, იერუსალემ, ვითარ განვიმარტვან ფრთენი შენნი და შეიკრებ ყოველთა ცისკიდისა ნათესავთა ფრთეთა შენთა ქუეშე. აჰა, აქაცა მოსრულ არს დედაკაცი ესე, რომელმან შესცვალოს ყოველი წესი ამის ქუეყანისა“. და კულადცა მიექცა წმიდასა ნინოს და რქუა: „ჩუენება ესე შენი არს, რამეთუ აღგილი ესე შენ მიერ იქმნეს სამოთხე“.

ხოლო ვითარ მოვიდა შირიან მეფე საბერძნეთით, ოტეზული კოსტანტინე მეფისაგან, და ვიდრე მოსლვამდე მისა განცხადა წმიდასა ნინოს ქადაგება ქრისტეს სჯულისა. რამეთუ იტყოდა იგი კამაძლად, ვითარმეფე: „გაპოვენ მკვდრნი ჩრდილოსანი ცთომასა შინა“, და გამოაჩინა ჯუარი იგი ნახსლევისა, და მით იქმოდა საკვრველებათა დიდთა. რამეთუ განრღუეული ნი განკურნის თნიერ წამლისა, შეხებითა ჯუარისათა. და მის თანა ქადაგებდეს მოწაფენი მისნი, რომელნი პირველ ფარულად დაემოწაფნეს, შუდნი დედანი, ნათესავნი ჰურიათანი: სიდონია, ასული აბიათარისი, და ექუსნი სხუანი; და სამოთხისა მცველნი იგი ცოლ-ქმარნი, და აბიათარ მღდელი, ახალი იგი ჰავლე, რომელი უშიშად და დაუცხრომელად ქადაგებდა სჯულსა ქრისტესსა, რომელი ფრიად მეცნიერ იყო ძუელისა სჯულისა, და ახალი ესე სჯული ესწავა წმიდისა ნინოსაგან და უმეტეს ნინოსსა ამხილებდა ყოველსა კაცსა სჯულსა ქეშმარიტსა.

მაშინ აღიძრნეს ჰურიანი აბიათარს ზედა, რათამცა ქვა დაკრიბეს მას. ხოლო შირიან მეფემან მიაგლინა მსახურნი და განაჩინა აბიათარ სიკუდლისაგან, რამეთუ შირიან მეფესა აქუნდა სურვილი ქრისტეს სჯულისა. რამეთუ ასმიოდა სასწაული ქრისტეს სჯულისა საბერძნეთით და სომხითით, და არა

დაბრკოლებდა იგი ქადაგებად ნინოს და მოწაფეთა მისთა. არამედ ჰბრძოდა ეშმაკი, მტერი იგი უჩინო, და ვერ დაატყობდა. ცებდა აღსარებასა ქრისტესსა. ხოლო ნანა დედოფალი გულფიცხელ იყო უმეტეს და შეურაცხ-პყოფდა ქადაგებასა მას; ხოლო წმიდა ნინო ილოცვიდა დაუცხრომელად საყუდელსა მას თვისსა მაყუალთა მათ ქუეშე. და დაკრვებულ იყვნეს წარმართნი იგი ლოცვასა მისსა და მღუპარებასა. და უცხო-უჩნდა საქმე იგი; იწყეს გამოკითხვად მისა, ხოლო იგი აუწყებდა ძუელთა და ახალთა წიგნთა, და განაბრძნობდა უგუნურთა და უგულისხმთა მათ, და შთაუგდებდა გულსა მათსა სიყუარულსა ქრისტესსა.

და იყო ესრეთ სამ წელ, ვინაცა განაცხადა ქადაგება ქრისტესი და დაიმოწაფნა მრავალნი. მაშინ იყო ვინმე — ყრმაწული, უფალი მძიმისა სენისა, და მიმოაქუნდა დედასა მისსა კართი კარად, რათამცა პოვა მეცნიერი ვინმე კურნებისა, და პყომცა სარგებელი მისი. და შეისწავეს იგი ყოველთა და არაოდეს პოგეს სარგებელი კურნებისა ყრმისა მისთვის. და მკურნალთაცა რქუეს დედაკაცსა მას, ვითარმედ: „არა სარგებელ-ეყვის ყრმასა მაგას“. ხოლო დედაკაცი იგი იყო წარმართი, გულფიცხელი, და მარადის სძაგებნ სჯულსა ქრისტიანეთასა, და აყენებდის სხუათაცა მისლვად და კითხვად წმიდისა ნინოსა. ხოლო ვითარცა სასოწარკვეთილ იქმნა მკურნალთა მიერ, მოვიდა და დავარდა წინაშე წმიდისა ნინოსსა, და ევედრებოდა კურნებასა ყრმისასა. მაშინ რქუა წმიდამან ნინო: „კურნება, რომელი კაცთაგან არს, მე არარა ვყო; ხოლო ღმერთმან ჩემმან ქრისტემან მოსცეს ყრმასა მაგას კურნება, რომელი ყოველთაგან განწირულ არს“. და რომელსა კილიქსა ზედა მარადის ილოცავნ წმიდა ნინო, მას ზედა დადება უბრძანა ყრმისა მის, და იწყო ვედრებად ღმრთისა მიმართ. და მასვე ეამსა განიკურნა ყრმა იგი და განცოცხლებული მისცა დედასა მისსა. ხოლო დედამან ყრმისამან აღიარა ქრისტე და თქუა: „არა არს სხუა ღმერთი თვნიერ ქრისტესსა, რომელსა ქადაგებს ნინო“. და დაემოწაფა წმიდასა ნინოს, და შეუდგა კუალსა მისსა, და აღიდებდა ღმერთსა.

მაშინ დედოფალი ნანა შევარდა სენსა დიდსა და მწარესა, რომლისა კურნება ვერაიენ შეუძლო. რამეთუ ყოველთა კელთვანთა მკურნალთა წარმოაკალიერნეს წამალნი მათნი და



ვერ შეუძლეს კურნება მისი, უღონო იქმნეს და სასოწარკვეთილ. ხოლო აუწყეს ვიეთმე დედოფალსა, ვითარმედ: „**განმარტყა** კაცისა მის ჰრომისა ტყვისა მიერ, რომელსა ჰქვან ნინო, ლოცვითა მისითა მრავალნი სნეულნი განიკურნებინა“. მაშინ უბრძანა მსახურთა თუსთა, რათა მოიყვანონ ნინო.

მივიდეს მსახურნი დედოფლისანი, და პოვეს წმიდა ნინო ქოჩისა მას ქუეშე მაყულისასა, ილოცვიდა ეამსა მეექვსესა, და მიუთხრეს ბრძანება დედოფლისა. ხოლო წმიდამან ნინო რქუა: „**არა ბრძანებულ არს ჩემდა, რათა განვიდე, სადა შუება ჩუენი არა არს, არამედ დედოფალი მოვედინ საყოფელსა ამას ჩემსა, და ჭეშმარიტად განიკურნოს ძალითა ქრისტესითა**“. ხოლო მსახურთა მათ მიუთხრეს დედოფალსა თქმული იგი ნინოსი. მაშინ დედოფალი გულსმოდგინედ ეტყოდა მათ: „**შემიძახადეთ მე ცხედარი და მიმიყვანეთ მისსა**“. მაშინ წარიყვანეს ცხედრითა მსახურთა მათ, და ძე მისი რევ, და სიმრავლე ერისა მის თანა.

ვითარ მივიდეს საყოფელსა მას წმიდისა ნინოსსა, და დადგეს დედოფალი კილიკსა მისსა ზედა. იწყო წმიდამან ნინო ლოცვად და ვედრებად ღმრთისა მიმართ მყოფარ ეამ, და მოილო ჭუარი იგი, რომელი აქუნდა, შეახო თავსა, ფერკთა და მჯართა ჭუარისსახედ, და მეყსეულად განიკურნა, და აღდგა განცოცხლებული. და ჰრწმენა ქრისტე და თქუა: „**არა არს სხუა ღმერთი, თვნიერ ქრისტესა, რომელსა ქადაგებს ტყუე ესე დედაკაცი**“. და მიერთვან შექმნა იგი მეგობრად თუსად შინაურად, და მარადის ჰკითხავნ და გამოიწულილავნ სჯულსა ქრისტესსა, და ასწავებნ წმიდა ნინო და აბიათარ, ახალი ბავლე, და ასული მისი სიდონია. და იქმნა დედოფალი მორწმუნე და იცნა ღმერთი ჭეშმარიტი.

და ჰკითხვიდა დედოფალსა მეფე, ვითარ-იგი მეყსეულად განიკურნა და უთხრობდა დედოფალი ყოველსა მას, რომელი იქმნა მის ზედა, ვითარ-იგი თვნიერ წამლისა, ლოცვითა და შეხებითა ჭუარისათა განიკურნა. და სიმრავლე იგი ერთა, რომელთა ეხილვა, დაამტკიცებდეს სიტყუასა მას დედოფლისასა.

მაშინ მირიან მეფე განკურდა და იწყო გამოძიებად სჯულსა ქრისტესსა, და მრავალგზის ჰკითხავნ ჰურიაციოფილსა მას აბიათარს ძუელთა და ახალთა წიგნთასა, და იგი აუწყებდა ყო-

ველსა. და წიგნიცა რომელი ჰქონდა მირიან მეფესა ნებრო-
თისი, და მასცა წიგნსა შინა პოვა წერილი ესრეთ: აღშენებასა
მას გოდლისასა კმა იყო ზეცით ნებროთის მიმართ, რომელი
ეტყოდა: „მე ვარ მიქაელ, რომელი დადგინებულ ვარ ღმრთი-
სა მიერ მთავრობასა ზედა აღმოსავალისასა; განვედ ქალაქით
მაგით, რამეთუ ღმერთი ჰფარავს ქალაქსა მაგას. ხოლო უკუა-
ნასკნელთა ჟამთა მოვიდეს მეუფე იგი ცისა, რომლისა-იგი
შენ გნებავს ხილვა ერსა შორის შეურაცხსა. შიშმან მისმამ
განაქარვნეს გემონი სოფლისანი; მეფენი დაუტეობდენ მეფო-
ბასა და ეძიებდეს სიგლახაკესა; მან გიხილოს ქირსა შინა და
გიკსნეს შენ“. მაშინ გულისხმა-ყო მეფემან მირიან, რამეთუ
ძუელნი წიგნი და ახალნი ეწამებოდეს და ნებროთის წიგნიცა
დაამტკიცებდა, და შეექმნა სურვილი ქრისტეს სჯულისა. და
ბრძოდა მტერი იგი უჩინო, აყენებდა აღსარებად ქრისტესა,
გულსა შთაუგდებდა სასოებასა კერპთასა და ცეცხლისასა.
არამედ მარადის ევედრებინ დედოფალი აღსარებასა ქრის-
ტესსა. და იყო მეფე დედოფლისა მოქცევითგან წელიწადსა
ერთსა ორგულებასა შინა. ხოლო ასწავებდა ერსა დაუცხრომე-
ლად წმიდა ნინო, და არავის აუწყებდა, თუ „ვინ ვარ, ანუ სა-
დათ მოვალ“, არამედ ტყუედ იტყოდა თავსა თუსსა.

შემდგომად ამისა მოგვ იგი მთავარი სპარსი, სახელით
ხუარა, სნეულ იყო, სულითა უკეთურითა ფიცხელად იგუემე-
ბოდა, და სიკუდილსა მიახლებულ იყო, და იყო მთავარი იგი
ნათესაისაგან მირიან მეფისა. მაშინ ევედრნეს წმიდასა ნინოს
ნანა დედოფალი და მეფე, ხოლო მეფე იხილვიდა საქმესა მის-
სა მცირედ ორგულებით. ეტყუნ წმიდასა ნინოს: „რომლისა
ღმრთისა ძალითა იქმ კურნებასა ამას, ანუ ხარ შენ ასული
არმაზისი, ანუ შვილი ზადენისი, უცხოებით მოხვედ და შეუფ-
რდი, და ზედა-აც მათ წყალობა შენი და მიგანიჭეს ძალი კურ-
ნებათა, რათა მით სცხოვნდებოდი უცხოთა ქუეყანასა. დიდე-
ბულმცა არიან უკუნისამდე! ხოლო შენ წინაშე ჩუენსა იყავ
ვითარცა მაწოებელი ერთი შვილთა ჩუენთა და პატივცემულ
ქალაქსა ამას შინა. არამედ უცხოთა ამას სიტყუასა ნუ იტყვ,
ჰრომთა მათ შეცდომილთა სჯულსა, ნუცა გნებავს ყოვლადვე
თქმად. რამეთუ აჰა ესერა, ღმერთნი დიდნი, სოფლის მპყრო-
ბელნი, მზისა მომფენელნი, წყმისა მომცემელნი და ქუეყანისა
ნაშობთა გამომზრდელნი ღმერთნი ქართლისანი, არმაზ და ზა-

დენ, ყოვლისა დაფარულისა გამომეძიებელნი, ძუელნი ღმერთ-
 ნი მამათა ჩუენთანნი, გაცი და გაიმ, — იგინი იყვნეს სარწმუ-
 ნებელად კაცთა მიმართ. აწ უკუეთუ განკურნო მთავარი ესე,
 განგანდიდრო და გყო შენ მკვდრ მცხეთას შინა, მსახურად
 არმაზისა. დადაცათუ ჰაერითა მით და სეტყუთა მოიწია მის ზე-
 და შემუსრვა მისი, არამედ იგი აღგილი უძლეველ არს. ესე
 არმაზ ქართველთა და ქალდეველთა ღმერთი ითრუჯან ყოვ-
 ლადვე მტერ არიან: ამან მას ზედა ზღუა შემოადგინა, და მან
 ამას ზედა ესევეთარი ურვა მოაწია, ვითარ აქუს ჩუეულება
 სოფლისმპყრობელთა. და კმა გეყავნ ჩემგან ბრძანება ესე“.

მიუგო ნეტარმან წინო: „შენ მეფე, სახელითა ქრისტესი-
 თა და ვედრებითა დედისა მისისათა და მის თანა ყოველთა
 წმიდათათა, მოავლინენ შენ ზედა ღმერთმან, ცისა და ქუეყა-
 ნისა შემოქმედმან, დაბადებელმან ყოვლისა დაბადებულისა-
 მან, დიდისა და დიდებულისა მისისა და აურაცხელისა მრ-
 ვალმოწყალეებისაგან მოავლინენ შენ ზედა, ვითარცა საკმილი-
 საგან ნაბერწყალი ერთი მადლისა მისისა, რათა სცნა და გუ-
 ლისხმა-პყო სიმაღლე ცისა და ნათელი მზისა, სიღრმე ზღვისა
 და სივრცე ქუეყანისა და საფუძველი მისი, და უწყებულ იყო
 შენ, მეფე, ვინ შემოსნის ცანი ღრუბლითა და ქუხნ კმითა ჰა-
 ერისათა, და იძრვინ ქუეყანა სიმძლავრითა მისითა, და რბიან
 მუხის-ტუხანი, და კუალსა მისსა ეგზების ცეცხლი გულის-
 წყრომითა მისითა. ანუ ოდეს შეიძრას ვეშაპი იგი დიდი ზღუ-
 ხთა შინა, შეიძრის ყოველი ქუეყანა, ვიდრემდის დაირღვან
 მთანი მყარნი, კლდენი და ქვანი. და მეცნიერ-გყავნ შენ ამას
 ყოველსა მიწევანად, რამეთუ ღმერთი არს ცათა შინა, უხილავ
 არს თავადი იგი ყოველთა დაბადებულთაგან, თუნიერ ძისა მი-
 სისა, რომელი მისგან გამოვიდა, და ქუეყანასა ზედა გამოჩნდა
 ვითარცა კაცი, რომელმან აღასრულა ყოველი, რომლისათვის
 მოსრულ იყო, და აღვიდა მათვე სიმაღლეთა მამისა თანა. და იზი-
 ლა მხოლოდ დაუსაბამო, რომელი მაღალ არს და მდაბალთა ხე-
 ლავს, და მაღალნი იგი შორით იცნის. მეფეო, ახლოს არს მიხ-
 ლება შენი ღმრთისა მიხედვად, რამეთუ არს ქალაქსა ამას შინა
 სასწაული ერთი: სამოსელი ძისა ღმრთისა აქა არს, და ხალენისა
 მის ელიასი თქუეს ვიეთმე აქავე ყოფა: და მრავალნი სასწაულნი
 არიან, რომელნი ღმერთმან გამოაჩინენეს. და აწ მე მთავარი ესე
 შენი განკურნო ძალითა ქრისტეს ღმრთისა ჩემისათა და ჭუარ-

თა ვნებისა მისისათა, ვითარცა დედოფალი განგეჲურნე სენისაგან დიდისა. და რა-იგი ვაუწყე მას, ჰყოფს იგი, რათა სულიცა თვისი განაბრწყინვოს და ერიცა თვისი მიაახლოს ღმერთსა“.

და მიჰგუარეს მას მთავარი იგი, და მოვიდა დედოფალიცა იგი სამოთხესა მას შინა, ნაძუთა მათ ქუეშე; და დაადგინა იგი აღმონაველით, სცნა კელნი აპყრობად და ათქუმიდა სამგზის: „ვიჯმნი შენგან, ეშმაკო, და შეუდგები ქრისტესა ძესა ღმერთისასა“. და ტირიდა ნინო სულთქმითა სულისა თვისისათა, და ითხოვდა ღმერთისაგან შეწევნასა კაცსა მას ზედა. და იყვნეს მოწაფენი მისნი მუნვე ერთ დღე და ორ ღამე. და მსწრაფლ განვიდა მისგან სული იგი ბოროტი. და დამოწაფნეს ნინოს სახლით და ერთიერთ მისით, და აღიდებდეს ღმერთსაა.

თქმული სიღონია დედაკაცისა

რომელი იყო მოწაფე ნინოსი, რომელი ესე იხილა და დაიწერა მოქცევა სასწაულითა მირიან მეფისა, და შევრდიმა ნინოსი აღსარებისათჳს ქრისტესისა, ჭუარისა აღმართებისათჳს, ეკლესიათა აღშენებისათჳს და მას შინა სასწაულთა მისთათჳს.

„და იყო დღესა ერთსა ზაფხულისასა, თუესა ივლისსა ოცსა, დღესა შაბათსა, განვიდა მეფე ნადირობად მუხნარით კერძო, და მოუკდა უჩინო იგი მტერი, ეშმაკი, და შთაუგდო გულსა სიყუარული კერპთა და ცეცხლისა; და იგონებდა ყოველსა მსახურებასა მათსა და მახვლითა მოწყუედასა ყოველთა ქრისტიანეთსა. და რქუა მეფემან ოთხთა თანამზრახველთა მისთა: „ღირს ვართ ჩუენ ღმერთთა ჩუენთაგან ბოროტის-ყოფასა, რამეთუ უდებ ვიქმნენით მსახურებასა მათსა და მიუშუთ ჩუენ ქრისტიანეთა გრძნეულთა ქადაგებად სჯულსა მათსა ქუეყანისა ჩუენსა: რამეთუ გრძნებითა ჰყოფენ საცერცველებათა მათ. აწ ესე არს განზრახვა ჩემი, რათა ბოროტად მოვსრნეთ ყოველნი მოსაგნი ჭუარცმულისანი და უმეტეს შეუდგეთ მსახურებასა ღმერთთა მათ მპყრობელთა ქართლისათა; გამხილოთ ნანას, ცოლსა ჩემსა, შენანება და დატეობა სჯულსა ჭუარცმულისასა, და თუ არა მერჩიდეს, დავივიწყო სიყუა-

რული მისი და სხუათავე თანა წარვწყმდილო იგიცა“. და დამეძინა
ტკიცეს განზრახვა მისი თანამზრახველთა მათ, რამეთუ შევკრიფეთ
ვალედ იყვნეს იგინი საქმესა ამას, და ნებვიდა პირველითგან
და ვერ იკადრებდეს განცხადებად.

ხოლო მეფემან მოვლო ყოველი სანახები მუხნარისა და
აღვიდა მთასა ზედა თხოთისასა მალალსა, რათამცა მოიხილა
კასხად და უფლისციხედ. განვიდა თხემსა მთისასა. შუასამხრი-
სა ოდენ დაბნელდა მზე მთასა ზედა და იქმნა ვითარცა ღამე
ბნელი, უკუნი, და დაიპყრნა ბნელმან არენი და ადგილნი. და
განიბნივნეს ურთიერთას ჭირისაგან და ურვისა.

და დაშთა მეფე მარტო, და იარებოდა მათა და მალნარ-
თა შეშინებული და შეძრწუნებული. და დგა ერთსა ადგილსა
და წარეწირა სასოება ცხორებისა მისისა. და ვითარცა მოვეო
თავსა თუსსა ცნობასა, და განიზრახვიდა ესრეთ გულსა თუსსა:
„აჰა, ესერა, ვხადე ღმერთთა ჩემთა და არა ვბოვე ჩემ ზედა
ლხინება. აჲ, რომელსა-იგი ქადაგებს ნინო ჭუარსა და ჭუარ-
ცმულსა და ჰყოფს კურნებასა, მისითა მოსაგობითა, არამცა
ძალ-ედვა ესნა ჩემი ამის ჭირისაგან? რამეთუ ვარ მე ცოცხ-
ლივ ჩოჯობეთსა შინა და არა უწყვი, თუ ყოველისა ქუეყანი-
სათუს იქმნა დაქცევა ესე, ანუ თუ ჩემთუს ოდენ იქმნა. აჲ, თუ
ოდენ ჩემთუს არს ჭირი ესე, ღმერთო ნინოსო, განმინათლე
ბნელი ესე და მიჩუენე საყოფელი ჩემი; და აღვიარო სახელი
შენი, და აღვმართო ძელი ჭუარისა და თაყუანის-ვცე მას და
ადგაშენო სახლი სალოცველად ჩემდა, და ვიყო მორჩილ ნი-
ნოსა სჯულსა ზედა ჰრომთასა“.

ესე ყოველი რა წართქუა, განთენა და გამობრწყინდა მზე.
და გარდაჯდა მეფე ცხენისაგან, დადგა მასვე ადგილსა, განიპყ-
რნა კელნი აღმოსავლით ცად მიმართ და თქუა: „შენ ხარ
ღმერთი ყოველთა ზედა ღმერთთა და უფალი ყოველთა ზედა
უფალთა, ღმერთი, რომელსა ნინო იტყუს; და საქებელ არს
სახელი შენი ყოველისა დაბადებულისაგან, ცასა ქუეშე და ქუ-
ეყანასა ზედა. რამეთუ შენ მივსენ მე ჭირისაგან და ვანმინათ-
ლე ბნელი ჩემი. აჰა ესერა, მიცნობიეს, რამეთუ გინდა ესნა
ჩემი, ლხინება და მიახლება შენდა, უფალო კურთხეველი. ამას
ადგილსა აღვმართო ძელი ჭუარისა, რომლითა იდიდებოდის
სახელი შენი და ივსენებოდის საქმე ესე სასწაული უკუნისამ-

დე“. და დაისწავა ადგილი იგი და წარმოემართა. იხილეს ნათელი და მოერთო ერი განზნებული. ხოლო მეფე დაღადავდა: „მიეცით ღმერთსა ნინოსსა დიდება, რამეთუ იგი არს საუკუნითგან ღმერთი და მას მხოლოსა შუენის დიდება უკუნისამდე“.

ხოლო ნანა დედოფალი და ყოველი ერი განვიდა მიგებებად მეფისა. რამეთუ ესმა პირველ წარწყმედა და კუალად მოსლვა მშუდობით, და მიეგებოდეს ქინძარას და ღართას. ხოლო ნეტარი ნინო დადგომილ იყო ლოცვასა მწუხრისასა მაცულოვანსა მას შინა, ჩვეულებისაგებრ მისისა, ჟამსა თუსსა, და ჩუენ მის თანა ორმეოცდაათი სული. და ვითარცა მოვიდა მეფე, იძრვოდა ქალაქი, და კმითა მალლითა დაღადავდა მეფე: „სადა არს დედაკაცი იგი უცხო, რომელ არს დედა ჩემი და ღმერთი მისი მკსნელი ჩემი“. და ვითარცა რქუეს, თუ: „აქა მაცულოვანსა არს და ილოცავს“, მოვიდა თვთ მეფე და ყოველი იგი ლაშქარი, გარდაჯდა მეფე ცხენისაგან და ეტყოდა ნინოს: „აწ ღირს ვარ სახელის-დებად ღმრთისა შენისასა და მკსნელისა ჩემისასა?“ ხოლო წმიდა ნინო ასწავებდა და ეტყოდა მსწრაფლ თაყუანის-ცემად აღმოსავალით და აღსარებად ქრისტეს ძისა ღმრთისა.

მაშინ იყო გრგვნა და ტირილი ყოვლისა კაცისა, ოდეს ხედედეს მეფესა და დედოფალსა ცრემლოვანთა. და ხვალისა დღე წარავლინნა მოციქულნი საბერძნეთად მირიან მეფემან წინაშე კოსტანტინე ბერძენთ მეფისა და წიგნი ნინოსი ელენე დედოფალსა წინაშე. და აუწყეს ესე ყოველი სასწაული ქრისტესმიერი, რომელი იქმნა მცხეთას შინა მირიან მეფესა ზედა, და ითხოვნეს მოსწრაფებით მღდელნი ნათლისღებისათს. ხოლო წმიდა ნინო და მოწაფენი მისნი ქადაგებდეს ერსა მას ზედი დღე და ღამე დაუცხრომელად, და უჩუენებდეს გზასა ქრისტესა სასუფეველისასა».

თქმული მისივე აღშენებისათს ეკლესიისა

«ოდეს წარემართა მეფე და ყოველი ერი ქრისტიანობასა მოსწრაფებით ვიდრე მღდელთა მოსლვადმდე, რქუა მეფემან წმიდასა ნინოს: „მესწრაფების მე აღშენებად სახლსა ღმრთისასა; სადა აღვაშენო?“ რქუა წმიდამან ნინო: „სადაცა მეფეთა გონება მტკიცე არს“. რქუა მას მეფემან: „მიყუარან მე მაცუ-

აღნი ესე შენნი და მუნ მნებავს გონებითა ჩემითა, გარნა არა გყო ესრეთ, არამედ არა ვრიდო სამოთხესა მას სამეფუფოსა, და ნაძქთა ამით სიმაღლესა, და ბაბილოთა ამით ნაყოფიერებასა, და ყუავილთა სურნელებასა. რამეთუ ჩუენება რომელი იხილე შენ მფრინველთა მათ ფრთითა უშუერიითა განზანა წყლითა და განსპეტაკება ბრწყინვალედ, და დასხდომა მათი ხეთა მათ ზედა სამოთხისათა და კმობა მათი კმითა ტკბილითა, — ჭეშმარიტად სამოთხე ესე კორციელი წარმწყმედელი შეგუეცვალოს სამოთხედ საუკუნოდ, და მუნ აღვაშენოთ სახლი ღმრთისა სალოცველად ჩუენდა ვიდრე მოსლვადმდე მდდელთა საბერძნეთით“. და მეყსეულად მოილო ძელი და ასწრაფებდა ხუროთა, და მოჰკუეთა ნაძქ იგი და ნაძქსა მისგან შემზადნა შვდნი სუეტნი ეკლესიისანი. და ვითარ აღაშენეს კედელი იგი ძელითა და აღმართნეს ექუსნი იგი სუეტნი თვს-თვსად, ხოლო სუეტნი იგი უდიდესი, რომელი საკვრველ იყო ხილვითა, საშუალ ეკლესიისა შესაგდებელად განმზადებული, ვერ შეუძლეს აღმართებად მისა. და აუწყეს მეფესა საკვრველი იგი ყოვლად ვერ-ძრვა ადგილითცა სუეტისა მის.

მაშინ მოვიდა მეფე სიმრავლითა ერისათა. და მოიხუენეს მრავალღონენი მანქანანი, და სიმარჯვთა და ერისა სიმრავლისა ძალითა ეცადნეს აღმართებად და ვერ შეუძლეს. და იყო დავჯრვებულ მეფე და სიმრავლე ერისა, და იტყოდეს: „რა-მე არს ესე“? და ვითარ იქმნა მწუხარი, წარვიდა მეფე სახიდ თვსად, შეწუხებული დიდად. ხოლო წმიდა ნინო და ათორმეტნი მოწაფენი მისნი დედანი დაადგრეს სუეტსა მას თანა. ხოლო სანატრელი იგი გოდებდა, სუეტსა მას ზედა დაადინებდა ცრემლთა მისთა.

ვითარცა შუალამე ოდენ იქმნა, წარმოიქცეს ორნივე ესე მთანი, არმაზ და ზადენ, რეცა თუ ჩამოირღუეს და დააყენნეს წყალნი ორთავე: და მტკუარმან გარდამოხეთქა და წარჰქონდა ქა ქი, და შეიქმნეს ჳმანი საზარელნი ტყეებისა და გოდებისანი; და ეგრეთვე არაგვ გარდამოკდა ციხესა ზედა, და იქმნებოდეს საზარელნი გრგვინანი. შეეშინა დედათა მათ და ივლტოდეს. ხოლო ნეტარი ნინო დალადებდა: „ნუ გეშინინ, დანო ჩემნო, მთანი მუნვე ჰგიან, და წყალნი მუნვე დიან, და ერსა ყოველსა სძინავს. ხოლო ესე რომელ რეცა მთანი დაირღუეს, სამართლად გეჩუენების, რამეთუ ურწმუნოებისა მთანი დაირ-

ლუეს ქართლს შინა. და წყალნი რომელ დაეყენნეს, სისხლი იგი ყრმათა, კერბთა მიმართ შეწირული, დაეყენოს. ხოლო ჳმა ესე ტყეებისა არს ეშმაკთა სიმრავლისა, რამეთუ იგლოვენ იგი თავსა თვსსა, რომელ არიან მეოტ ამით ადგილით ძალითა მალისათა და ჳუარითა ქრისტესითა. მოიქეციით და ილოცეველით ღმრთისა მიმართ“. და მეყსეულად დასცხრეს ჳმანი იგი, და იყო არარა.

და დადგა წმიდა ნინო, განეპყრნეს ჳელნი და ილოცვიდა ღმრთისა მიმართ და იტყოდა: „რათა არა დაებრკოლოს საქმე ესე, რომელსა წარმართებულ არს მეფე“. კჳალად ვიდრე არა ეყივლა ქათამსა სამთავე კართა ქალაქისათა, დასცა ჳარსა ლაშქარმან ძლიერმან: დაღეწნეს კარნი და აღივსო ქალაქი სპარსითა ლაშქრითა; და შეიქმნა ჳმა ჳარის-საჯდელი, ჳრზინვა, და ყივილი, და კვლა. და აღივსო ყოველი ადგილი სისხლითა, და მოვიდა სიმრავლე ჳახილითა და მახულითა, და სხუათა მათ შიშისაგან დადნებოდეს ჳორცნი და ვანილია სული მათი. ტიროდეს ნათესაეთა თვსთა.

და მსწრაფლ ისმოდა, ჳმობდეს რა ძლიერად: „მეფე სპარსთა, მეფეთ-მეფე ხუარანხუარა ბრძანებს: ყოველი ჳურთია განარინეთ პირისაგან მახვლისა“. ესე რა მესმა, და მოვეგე თავისა ცნობასა; და შეორგულდით მე და ათნივე იგი ჩემთანანი, და მოახლებულ იყვნეს მახვლოსანნი გარემოს ჩუენსა, სცემდეს და კლვიდეს.

და ისმა ჳმა ძლიერი — „მირიან მეფე შეიპყრესო“. გარემოიხილა მენემან მოღუაწემან და თქუა: „ესე რომელ ყივის, ვიცი რომელ აწ სამე დიდად სჭირს; და ვმადლობ ღმერთსა, რომელ ესე ნიშანი მათისა წარწყმედისა არს, და ქართლისა ცხოვრებისა, და ამის ადგილისა დიდებისა“. და ნუგეშინისგუცემდა, ვითარცა მოძღუარი ჳელოვანი, ჳეშმარიტად მოძღუარი და მოციქული ქრისტესი.

მიექცა ერსა მას მომავალსა და რქუა: „სადა არიან მეფენი სპარსთანი ხუარა და ხუარანხუარა, საბასტანით გუშინ წამოხვედით, მალე სამე მოხვედით და დიდი სამე ლაშქარი ხართ, ძლიერად დაღეწეთ ქალაქი ესე, და მახული დაეცათ, ქართა და ნიავთა წარგულაღეთ ბნელით ჩრდილოთ კერძო, მათათა და კედართა. აჳა, მოვიდა რომელსა თქუენ ევლტით“. და განძრა ჳელი ჳუარისსახედ და მეყსეულად უჩინო იქმნეს ყო-
მ. ქართლის ცხოვრება



ველნი იგი. და იქმნა დაყუდება დიდი, და დედანი იგი ნატრადეს ღმერთსა.

ხოლო ვითარცა ცისკარი აღელებოდა, და მიერთლა ყოველთა მათ დედათა. ხოლო მე, სიდონია, მღვდარე ვიყავ. და იგი დგა ქელ-განპყრობით. აჰა ესერა, ზედამოადგა ჭაბუკი ერთი ნეტარსა მას, ყოვლად ნათლითა შემკობილი, შებლარდნილი ცეცხლის ზეწრითა, და რქუა რამე სამნი სიტყუანი. ხოლო იგი დაეცა პირსა ზედა თუსსა, და ჭაბუკმან მან შეპყო ქელი სუეტსა მას და აღმართა და წარიღო სიმაღლესა შინა. და განკვრებულნი მიგეახლე მას და ვარქუე ესრეთ: „დედოფალო, რა არს ესე?“ ხოლო მან მრქუა: „მოიდრიკე თავი ქუეყანად“, და ტირილად იწყო ზარისა მისგან. და მცირედისა ეამისა შემდგომად აღდგა და აღმადგინა და განვეშორენით მას ადგილსა. ხოლო დედანი ვითარ იყვნეს კიდე, იხილეს მათცა სუეტი იგი, ცეცხლისსახედ ჩამოვიდოდა და მოახლდებოდა ხარისხად მონაკუეთსა ზედა ძირსა ნაძუსასა.

ვითარცა რიქურაჲუ ოდენ იყო, აღდგა მეფე გულგდებულნი ურვათაგან, მიხედნა სამოთხესა მას და დაწყებულსა ეკლესიასა, სადა-იგი მტკიცე იყო გონება მისი, იხილა ნათელი, ვითარცა ელვა აღწევნული ცად სამოთხით მისით. იწყო სრბად და მკვრცხლ მოვიდოდა, და ყოველი სიმრავლე სახლისა მისისა და ყოველი ერი ქალაქისა მოვიდა მის თანა.

ვითარცა იხილეს საკვრველი იგი, ნათლითა ბრწყინვალე სუეტი ჩამოვიდოდა ადგილად თუსად, რეცა ვითარცა ზეცით, და დადგა ხარისხსა მას ზედა, და დამეყარა ჯელით შეუხებულად კაცთაგან. და ნეტარ იყო მას ეამსა შინა, რამეთუ, რა იგი იქმნებოდა, შიშითა და სიხარულით აღივსო მცხეთა ქალაქი, და დიდადეს მდინარენი ცრემლთანი მეფეთა და მთავართა და ყოველსა ერსა. სულთქმითა სულისა მათისათა აღიდებდენ ღმერთსა და ნატრიდეს ნეტარსა ნინოს. და იქმნეს სასწაულნი დიდნი მას დღესა შინა.

პირველად მოვიდა ჰურია ვინმე, ბრმა შობითგან; მიეახლა სუეტსა მას და იქმნა მხედველ მუნქუესევე, და აღიდებდა ღმერთსა. მეორე სეფეწული მოვიდა ყრმა, ამაზასპანი; იღვა რგისა წლისა. მოიღო დედამან მისმან სარწმუნოებით და დადგა ცხედრითა წინაშე სუეტსა მას ნათლისასა, და ნანდულვე ნათლისასა. ეგედრებოდა ნინოს: „მოხედენ, დედოფალო, ძესა

ამას ჩემსა, სიკუდილად მიახლებულსა. რამეთუ ვიცი ღმერთი ღმერთთა იგი არს, რომელსა შენ ჰმსახურებ და ჩუენ გჰქადაგებ“. მაშინ წმიდამან ნინო შეახო კელი სუეტსა მას, დასდვა ყრმასა მას და რქუა: „გრწმენინ იესო ქრისტე, ძე ღმრთისა, ცხოვრებისათჳს ყოვლისა სოფლისა ჯორცითა მოსრული; განიკურნე ამიერითგან და აღიდებდი მას, ვისმან ძალმან განგკურნა“. და მსწრაფლ აღდგა ყრმა იგი, ვითარცა უტკივნელი. და დაეცა შიში დიდი მეფესა და ყოველსა ერსა. და თუთოსახენი სნეულნი მოვიდოდეს და განიკურნებოდეს, ვიდრემდის მეფემან შეუქმნა საბურველი ძელისა გარემოს სუეტსა მას, და დაფარა ხედვისაგან. და ეგრეთვე შეეხებოდეს ერნი სართულსა მას და განიკურნებოდეს. მსწრაფლ იწყო მეფემან და განასრულა ეკლესია სამოთხესა შინა.

და ვითარცა მიიწივნეს მოციქულნი მირიან მეფისანი კოსტანტინე ბერძენთა მეფესა წინაშე, და მიუთხრეს ყოველი, რაცა იქმნა. მაშინ აღივსო სიხარულით მეფე და დედამისი, ელენე დედოფალი; პირველად ამისთვის, რამეთუ მადლი ღმრთისა მიეფინებოდა ყოველთა ადგილთა და ჯელსა ქუეშე მათსა ნათელს-იღებდა ყოველი ქართლი. შემდგომად ამისთვის განმხიარულდეს, რამეთუ დაიდასტურეს მირიან მეფისაგან სრულიად მოწყუედა სპარსთა და მტკიცედ მიღება სიყუარულისა მათისა. და აღიდებდეს და ჰმადლობდეს ღმერთსა. და წარმოგზავნა მღდელი ჭეშმარიტი იოვანე ეპისკოპოსად, და მის თანა მღდელნი ორნი და დიაკონნი სამნი. და მოუწერა მირიანს კოსტანტინე მეფემან წიგნი ლოცვისა და კურთხევისა ღმრთისა მადლობისა. და წარმოსცა ჯუარი და ხატი მაცხოვრისა, და მის თანა ნიჭი დიდი. და ელენე დედოფალმან მოუწერა წიგნი ქებისა და ნუგეშინის-ცემისა.

მოიწია იოვანე ეპისკოპოსი და მის თანა მღვდელნი და დიაკონნი და მოციქულნი მცხეთად, და აღივსნეს სიხარულითა მეფე და დედოფალი და ყოველი ერი მათი, რამეთუ სურვიელ იყვნეს ყოველნივე ნათლისღებისათჳს. მაშინ მსწრაფლ გაგზავნა ბრძანება მირიან მეფემან ყოველთა თანა ერისთავთა, სპასალართა და ყოველთა პირთა სამეფოსათა მოწოდებად წინაშე მისსა; და მსწრაფლ მოიწივნეს ყოველნი ქალაქად.

მაშინ ნათელ-იღო მეფემან ჯელსა ქუეშე წმიდისა ნინოსსა, და შემდგომად დედოფალმან და შვილთა მათთა ჯელსა

ქუეშე მათ მღდელთა და დიაკონთასა. და შემდგომად ამისა აკურთხეს მდინარე მტკუარი, და ეპისკოპოსმან შემზადა აღვლ-
ლი ერთი, მიწურვით კიდისა კარსა მოგუეთისასა, სადა ეო-
ფილ იყო სახლი ელიოზ მღდელისა, და მუნ ნათელ-სცემდა
წარჩინებულთა თათოსა. და ეწოდა ადგილსა მას მთავართა
სანათლო. ხოლო ქუენოთ მისსა, მდინარისავე პირსა, ორგან,
ორნი იგი მღდელნი და დიაკონნი ნათელ-სცემდეს ერსა. და
ნიატყდებოდა ერი იგი ურთიერთას მოსწრაფებით და ეველ-
რებოდეს მღდელთა, რათა პირველად მას ვისმე ნათელ-სცეს.
და ესრეთ სურვიელ იყო ერი იგი ნათლისღებისათჳს, რანეთუ
ესმინა ქადაგება წმიდისა ნინოსი, რომელსა იტყუნ: „ყოველმან
რომელმან არა ნათელ-ილოს, არა პოვოს მან ნათელი საუკუ-
ნო“. და ამისთვის მოსწრაფე იყვნეს ნათლისღებად ყოველნი
იგი. და ესრეთ სახედ ნათელ-ილეს ყოველმან ერმან და სიმ-
რაველმან ქართლისამან, თუნიერ ხოლო არა ნათელ-ილეს მთი-
ულთა კავკასიანთა, არცა მოვიდეს მოფენასა მას ნათლისასა,
არამედ დაადგრეს ბნელსა შინა ეამ რაოდენმე. და ჰურითა
მცხეთელთა არავე ნათელ-ილეს, გარნა ბარაბიანთა ნათელ-ილეს
ორმოცდაათმან სახლმან და იქმნეს ქრისტიანე ჭეშმარიტ.
ამისთვისცა დიდ იქმნეს იგინი წინაშე მეფისა; და მიუბოძა მათ
დაბა, რომელსა ჰქუნ ციხედიდი. არამედ არა ნათელ-ილო ფე-
როზ, სიძემან მირიან მეფისამან, რომელსა ჰქონდა რანი ბარ-
დავამდინ მიცემულად მირიან მეფისაგან; არცა ერმან მისმან
ნათელ-ილო, არამედ კორციელ ოდენ მსახურებდა მირიან მე-
ფისა.

მაშინ წარავლინა მირიან მეფემან ეპისკოპოსი იოვანე და
მის თანა წარჩინებული ერთი წინაშე კონსტანტინე მეფისა, და
ითხოვა ნაწილი ძელისა ცხოვრებისა, რომელი მას ოდენ ეამსა
გამოეჩინა ღმრთისმოყუარესა ელენე დედოფალსა. და იათოვ-
ნა მღდელნი მრავალნი, რათა განავლინნეს ყოველთა ქალაქთა
და ადგილთა და ნათელ-სცემდეს ერსა, რათა მსწრაფლ ნა-
თელ-ილოს ყოველმან სულმან ქართლისამან. და ითხოვნა
ქეთხურონი აღწენებისათჳს ეკლესიათა.

ვითარ მიიწივნეს წინაშე კონსტანტინე კეისრისა, სიხარუ-
ლით მოანიჭა ნაწილი ძელისა ცხოვრებისა, და ფიცარნი იგი,
რომელთა ზედა ფერკნი დამატუალულ იყვნეს უფლისანი და
სამსტუალნი კელთანი. და წარმოგზავნნა მღდელნი და ჰურთა-

ნი ფრიად მრავალნი: რამეთუ კოსტანტინე მეფემან მეფობასა შინა მისსა აღაშენა წმიდა ეკლესია, ტაძარი ღმრთისა ხუთასი. და მოსცა განძი დიდძალი ეპისკოპოსსა იოვანეს და უბრძანა: „სადაცა ჯერ-იჩინო ადგილთა ქართლისათა, აღაშენენ ეკლესიანი სახელსა ზედა ჩემსა; და ნიჭნი ესე დაამკვდრენ ქალაქთა ქართლისათა“.

და წარმოვიდა ეპისკოპოსი და მის თანა მოციქული. და ვითარ მოიწივნეს ადგილსა, რომელსა ჰქვან ერუშეთი, და დაუტევნა ხურონი საქმედ ეკლესიისა: დაუტევნა განძი და სამსკუთალნი უფლისანი და წარმოვიდა. და დაუტევნა წუნდას ხურონი და განძი და, რაჟამს ეწყო ოდენ ეკლესიასა, წარმოვიდა და მოვიდა მანგლისს, და იწყო ეკლესიასა შენება; და დაუტევნა ფიცარნი იგი უფლისანი.

მაშინ შეწუხნა მირიან მეფე ამისთვის, რამეთუ პირველ სრა სამეფოსა ქალაქსა მოვიდეს, არამედ სხუათა ქალაქთა და ადგილთა იწყეს შენებად ეკლესიათა და დაუტევნეს ნაწილნი. ხოლო მოვიდა წმიდა ნინო წინაშე მეფისა და რქუა: „ნუ სწუხ, მეფეო, რამეთუ ესრეთ ჯერ-არს: სადაცა მოვიდოდნიან, დასთესვიდენ სახელსა ღმრთისასა. ხოლო არს ქალაქსა აშას შინა სამოსელი იგი დიდებული უფლისა“.

მაშინ მოიყვანა მეფემან აბიათარ მღვდელი და მის თანა ჰურიანი მრავალნი, და გამოიკითხა მათგან კუარათისა მისთვის. ხოლო მათ მიუთხრეს ყოველი, რომელი ზემო წერილ არს. მაშინ აღიპყრნა კელნი მირიან მეფემან და თქუა: „კურთხეულ ხარ შენ, უფალო იესო ქრისტე, ძეო ღმრთისა ცხოველისაო; რამეთუ პირველთგანვე გინდა ქსნა ჩუენი ეშმაკისაგან და ადგილისა მისგან ბნელისა. ამისთვის სამოსელი იგი შენი წმიდა წარმოეც წმიდით ქალაქით იერუსალემით ებრაელთა მათ, ღმრთეებისა შენისაგან უცხოქმნილთა, და მომეც ჩუენ უცხოთა ნათესავთაგან“.

და წარემართა მეფე და ყოველი ქალაქი მტკიცედ ქრისტიანობასა. იწყეს ხუროთა შენებად ეკლესიისა გარეგნით ზღუდესა, მაყუალთა მათ ზედა, საყოფელსა წმიდისა ნინოსსა, სადა აწ არს ეკლესია საეპისკოპოსო. მაშინ თქუა წმიდაიან ნინო: „კურთხეულ არს უფალი ღმერთი იესო ქრისტე და მამა უფლისა ჩუენისა იესო ქრისტესი, რომელმან მოავლინა სიტყუა მისი წმიდა ზეციითგან მაღალთათ, თუთ ძლიერისაგან

საყდრისა გარდამოსრული ქუეყანად მდაბლად, შობილია ბუნებად
ქუელად თესლისაგან დავითისა, დედაკაცისაგან მარტოდ შო-
ბილისა, წმიდისა და უბიწოსა; რომელი სათნო ეყო მას მიზე-
ზითა, მიზეზი ცხოვრებისა ჩუენისა, რომელმან ცასა ქუეშე
ყოველივე განანათლა და მორწმუნენი აცხოვნნა; რომელი
იშვა ვითარცა კაცი, ნათელი ყოველთა, ხატი ღმრთისა მამისა,
და ვითარცა მსახურმან ვინმე სჯულისამან ნათელ-ილო წყლი-
ნაგან და სულისა, ჭუარს-ეცუა, დაეფლა და აღდგა მესამესა
დღესა, და აღჲდა სიმაღლესა მამისა თანა, და კუალად მო-
ვალს დიდებით; რომელსა შუენის ყოველივე დიდება, პატივი
და თაყუანის-ცემა თანა მამით და სულით წმიდითა.

ამაღლებისათვის
პატიოსნისა ჭუარისა

ვითარცა ნათელ-ილეს მეფემან, და დედოფალმან, და
შვილთა მათთა, და ყოველმან ერმან, მაშინ დგა ხე ერთი ად-
გილსა ერთსა, კლდესა ზედა ბორცუსა შეუვალსა, და იყო ხე
იგი შუენიერი ფრიად და სულნელი. და ესე საკურველება იყო
ხისა მისგან, რამეთუ ისარცემული ნადირი, რომელი მოვიდის
და ჭამის ფურცელი მისი და გინა თესლი მისი, განერის სიკუ-
დილისაგან, დაღაცათუ საკლავსა ადგილსა დიდად წყლულ
იყვის. ესე დიდად საკურველ-უჩნდის პირველთა მათ წარმართ-
თა, და აუწყეს ეპისკოპოსსა იოვანეს ხისა მისთჳს. ხოლო
ეპისკოპოსმან თქუა: „აჲა ესერა, ჭეშმარიტად პირველითგანვე
დამარხულ არს ქუეყანა ესე ღმრთისაგან მსახურად თჳსად,
რამეთუ ღმრთისაგან აღმოსცენდა ხე იგი დამარხული ქამისა
ამისთჳს. რამეთუ აწ მოეფინა მადლი ღმრთისა ქართლსა, და
მის ხისაგან ჯერ არს შექმნად ჭუარი პატიოსანი, რომელსა თა-
ყუანის-სცეს ყოველმან სიმრავლემან ქართლისამან“.

და წარვიდეს რევ, ძე მეფისა, და ეპისკოპოსი, და სიმრავ-
ლე ერისა, და მოჰკუეთეს ხე იგი და წარმოიღეს რტოთურთ
თჳსით. და მოაქუნდა ათსა ათეულსა კაცსა ზე-ზე რტოთურთ
და ფურცლითურთ შემოაქუნდა ქალაქად. და შემოკრბა ერი
ხილვად მწუანისფერობასა მან და ფურცლიანობასა, ქამსა
ზამორისასა, ოდეს ხხუა ყოველი ხე კმელ იყო, ხოლო ესე
ფურცელ-დაუცვენელი, სულამო და სახილველად შუენიერი.
და ძირსა ზედა აღმართეს ხე იგი კარსა ზედა ეკლესიისასა,

სამხრით, სადა ბერვიდა ნელი ნიავი, და შლიდა ფურცელთა მის ხისათა, და ძრვიდა რტოთა მისთა. და იყო ხილვა მისთვის შუენიერი, ვითარცა სმენით ვიცით, ხისა მის აღვისა.

ესე მოჰკუთუნეს მარტსა ოცდახუთსა, დღესა პარასკევსა. და დაადგრა ხე იგი ეგრეთ დღესა ოცდაჩუდმეტსა, და არა შეიცვალა ფერი ფურცელმან მისმან, ვითარცა დგა ძირსავე ზედა მისსა, თავსა ზედა წყაროსასა, ვიდრემდის ყოველნი ხენი მალნარისანი შეიმოსნეს ფურცლითა და ხენი ნაყოფისა გამომდებელნი შეიმოსნეს ყუავილითა.

მაშინ თუესა მაისსა ერთსა შექმნეს ჯუარნი ესე, და შუდსა ამის თვისასა აღმართნეს კელის-დადებითა მეფეთათა, სიხარულითა და წადიერებითა ყოვლისა ერისა ქალაქისათა, და იყვნეს ეკლესიასა შინა. იხილა ყოველმან ერმან ქალაქისამან ყოველთა მათ დღეთა: აჰა, ჩამოვიდის ჯუარი ცეცხლისა ზეცით და მისა გარემოს, მსგავსად გვრგვინისა ვარსკულავისათა, და დაადგრის ეკლესიასა ზედა ვიდრე განთიადმდე. და რიყურაყუ ოდენ გამოვიდიან მისგან ორნი ვარსკულავნი: ერთი წარვიდის აღმოსავალით და ერთი დასავალით; და იგი თავადი ეგრეთ ბრწყინვალედ, ნელიად-ნელიად, განვიდის მიერ კერძო არაგუსა, და დადგის ბორცუსა მას ზედა კლდისასა, ზემო კერძო ახლოს წყაროსა მას, რომელი აღმოაცენეს ცრემლთა წმიდისა ნინოსთა და მუნით აღიმაღლის ზეცად. და ესრეთ მრავალგზის იხილა ყოველმან ერმან მაცხოვარება ღმრთისა ჩუენისა. მაშინ იწყეს კითხვად ნეტარისა ნინოსა, თუ „რა არს, რომელ გამოვალს ბრწყინვალე ვარსკულავი, და ერთი წარვალს აღმოსავალით და ერთი დასავალით“. ხოლო მან თქუა: „განავლინენით კაცნი მათათა ზედა მალალთა აღმოსავალით ვიდრე კახეთის მთამდე და დასავალით ვიდრე სანახებამდე ამის ქალაქისა; და ოდეს გამობრწყინდენ მთიებნი იგი, ნახონ თუ სადა დადგენ, და მუნცა აღემართნენ ჯუარნი ესე ქრისტესნი“.

მაშინ ყო მეფემან ეგრე და შეიცვნა თავნი მთათანი მიწყებით. ხოლო დღე ესე იყო პარასკევი, და შაბათი განთენდებოდა. იყო იგივე სასწაული, და იქმნა ეგრეთვე, ვითარცა პირველ იქმნის. ხვალისა დღე მოვიდეს დასავალისანი, რომელნი დგეს მათათა ზედა ქუაბთა თავისათა, და მიუთხრეს მეფესა, ვითარმედ: „გამოვიდა ვარსკულავი იგი, ამაღლდა და მიიწია მთასა ზედა თხოთისასა, გარდასავალსა ზედა კასპისასა, დაად-

გრა ადგილსა ერთსა და ყოვლად უჩინო იქმნა“.

და ეგრეთვე მოვიდეს მითი კანეთისათ და თქუეს: „ღმერთსა ვარსკულავი აქათ მომავალი, და დაადგრა დაბასა ბოდესა კუხეთისასა“. მაშინ უბრძანა ნეტარმან ნინო: „წარბეზებით ორნი ჯუარნი და აღმართენით ერთი თხოთს, სადა-იგი განზილა ღმერთმან ძალი მისი, და ერთი მიეც სალომეს, მკვევალსა ქრისტესსა, და აღმართოს უჯარმას ქალაქსა. რამეთუ ბოდი, დაბა კუხეთისა, არა წინააღუდგეს ქალაქსა მეფეთასა, რამეთუ ერისა სიმრავლე არს მას შინა. ზოდის კულა დაბა თუთ იხილოს სათნო იგი ადგილი ღმრთისა“. და ყვეს ეგრეთ, ვითარცა უბრძანა დედოფალმან.

ხოლო ესე სასწაულითა ზეცისათა ჩუენებით ჯუარი პატროსანი მცხეთას იპყრეს, კელითა კაცობრივითა, და მივედით ბორცვსა მას ქუეშე: წყაროსა მას ზედა ათიეს ღამე, და ილოცეს ღმრთისა მიმართ, და ნეტარი ნინო ცრემლითა შეაზავებდა წყაროსა მას, და იქმნებოდეს კურნებანი და სასწაულნი დიდნი.

ხოლო ხვალისა დღე აღვიდეს კლდესა მას ზედა. და მივიდა ნეტარი იგი ბორცუსა მას ზედა, დაეარდა ქვათა მათ ზედა, ტიროდა თუთ იგი და მის თანა მეფენი და მთავარნი, და ყოველი სიმრავლე ერისა, ვიდრემდის მთანი კმა-სცემდეს. და დასდგა კელი ერთსა ქვასა და რქუა ეპისკოპოსსა: „მოვედ, რამეთუ შენდა ჯერ-არს და დასწერე ჯუარი ქვასა ამას“. და მან ყო ეგრეთ, და მუნ აღეშართა ჯუარი იგი დიდებითა მეფეთაგან. და მოდრკა ერი იგი ურიცხვ, და თაყუანი-სცეს ჯუარსა, და აღიარეს ჯუარცმული ჭეშმარიტად ძედ ღმრთისა ცხოველისად. და ჰრწმენა სამებით დიდებული ღმერთი.

ხოლო დიდნი იგი მთავარნი არა განეშორებოდეს ეკლესიასა წმიდასა, და სუეტსა ნათლისასა, და ჯუარსა მას ცხოველსა, რამეთუ ხედვიდეს სასწაულთა მათ უზომოთა და კურნებითა მათ მიუთხრობელთა. და დღესა კურიაკესა აღვსებინა ზატოკსა ყო * რიან მეფემან და ყოველმან მცხეთამან, შეწირეს შესაწირავი. იგი დღე განაწესეს ჯუარისა მსახურებად, აღვსებინა ზატოკი, ყოველმან ქართლმან მოდღენდელად დღედმდე. და იყო რაოდენისამე დღისა შემდგომად, მარტვილისა უკანას, იხილეს სასწაული დიდად საშინელი, დღესა ოთხზაბათისა: ამა ესერა, სუეტი ნათლისა, სახედ ჯუარისა, დგა ჯუარ-

სა მას ზედა, და თორმეტნი ვარსკულავნი, სახედ გვრგვინსა, გარემოს მისსა, ხოლო ბორცვ იგი კუმოდა სახედ სულნელად და დახედ და ხედვიდეს სასწაულსა ამას ყოველნი, და მრავალნი უღმრთოთაგანნი მოიქცეს და ნათელ-იდეს მას დღესა შინა. ხოლო ქრისტიანენი უფროს მორწმუნე იქმნებოდეს და აღიდებდეს ღმერთსა. მერმე კჳალად იხილეს სხუა სასწაული ჭუარისა, ვითარცა რა ცეცხლი დგა თავსა ზედა მისსა, შუდწილად მზისა უბრწყინვალესი, ზედა დაადგრა მას და, ვითარცა საკუმბილისა ნაბერწყალნი აღვლენ, ეგრესახედ ანგელოზნი ღმრთისანი აღვიდოდეს და გარდამოვიდოდეს მას ზედა. ხოლო ბორცვ იგი იძროდა ძლიერად და, ვითარცა სასწაული იგი დასცხრებოდა, ეგრეცა ძრვა იგი დასცხრებოდა. ვითარცა იხილეს სასწაული იგი, დაუკრდა ყოველთა, და უფროსად და უმეტესად აღიდებდეს ღმერთსა. და ვითარცა იქმნებოდეს წლითი წლად სასწაულნი იგი, და ყოველი ერი ხედვიდეს შიშით და ძრწოლით; მოვიდოდეს თაყუანის-ცემად გულსმოდგინედ.

მას ეამსა რევის, ძესა მეფისასა, ესუა ყრმაწული მცირე, და იყო სნეულ, და მიწევნულ იყო სიკუდილად. რამეთუ იგი ოდენ მხოლო ესუა მათ, მოიღო და დადვა იგი წინაშე ჭუარისა და ცრემლით იტყოდა: „უკუეთუ მომიბოძო ყრმა ესე ცოცხალი, აღვაშენო კუბო საყუდელად შენდა“. და მუნქუესვე განიკურნა ყრმა იგი, და განკურნებული და განცოცხლებული წარიყვანა. მერმე მოვიდა აღნათქუემისა აღმასრულებელად და ყო მადლისა მიცემა დიდითა სიხარულითა. და გულსმოდგინებით აღაშენა კუბო ჭუარისა მცხეთისა რევ, ძემან მეფისამან, და წლითი წლად მოვიდის და აღასრულის აღნათქუემი იგი მსხუერპლისა. და მიერიტვან უფროს მოვიდოდეს ყოველნი უძღურნი და სნეულნი, განიკურნებოდეს და სიხარულით აღიდებდეს ჭუარსა წმიდასა ქრისტესსა.

იყო ვინმე მამაკაცი ჭაბუკი, და ორნივე თჳალნი დასდგომოდეს. ჯდა იგი წინაშე ჭუარსა ქრისტესსა, და შემდგომად შუდისა დღისა აღეხილნეს თჳალნი: ხედვიდა და აღიდებდა პატროსანსა ჭუარსა.

მერმე დედაკაცი ვინმე იყო, მარადის გუემული სულისაგან უკეთურისა ეგეოდენ, რომელ ძალი და გონება მისი მიედო რვასა წელსა, და სამოსელსა თჳსსა დაიპებდა. და ვითარ მოიყვანეს და პატროსანსა ჭუარსა შეამთხვეს, შემდგომად თორ-



მეტისა დღისა განიკურნა და თვისითა ფერჯითა წარვიდა. და აღიდებდა ღმერთსა და თაყუანი-სცემდა პატიოსანსა ჭუარისა და კულად იყო ყრმა ვინმე მცირე: მეყსეულად დაეცა და მოკუდა. აღიღო იგი დედამან მისმან და დააგდო წინაშე ჭუარისა ყრმა იგი მომწყდარი, დილითგან მიმწუხრადმდე. ხოლო დედამისი ტირილით ილოცვიდა წინაშე ჭუარისა, და სხუანი ეტყოდეს: „წარიღე, დედაკაცო, და დამარხე, რამეთუ მომკუდარ არს, და ნულარა აწყინებ“. ხოლო მან არა წარიკუთეთა სასოება, არამედ უფროს და უმეტეს საწყალობელად ტირიდა და ილოცვიდა. ხოლო მწუხრის ჟამსა სულიერ იქმნა და თუ-ალნი აღეხილნეს. და შემდგომად შუდისა დღისა განიკურნა, და განცოცხლებული წარიყვანა ყრმა იგი დედამან მისმან. და აღიდებდა ღმერთსა.

იხილეს რა სასწაული და კურნება ყოვლად წმიდისა ჭუარისა, მრავალნი უშვილონი მოვიდოდეს და ითხოვდეს შვილიერებასა, და შვილმრავალ იქმნებოდეს, და შესაწირავთა და მადლთა ჰყოფდეს. არა თუ რომელნი მოვიდიან მათ ოდენ მიიდიან კურნება, არამედ რომელნი შორით ილოცვიდიან წმიდასა ჭუარისა, მუნქუესვე შეწვენითა მისითა მიიდიან მადლი, მძლე ექმნებიან მტერთა და მოსწრაფედ მოვიდიან შეწირვად მადლისა.

მრავალნი უკუე უღმრთონი ჰირსა შთაცვნიან, და რაჟამს ხადოდიან წმიდასა ჭუარისა, მუნქუესვე განერიან ჰირისაგან და მოვიდოდიან შემთხუევად პატიოსნისა ჭუარისა, და მსწრაფლ ნათელ-იდიან და აღიდებდიან პატიოსანსა ჭუარისა. მრავალნი უკუე, მრავალსა ჰირსა შთაცვნილნი, ძალითა პატიოსნისა ჭუარისათა განიკურნებოდეს პირად-პირადთაგან სატანჯველთა, მოივლტიედ ვედრებად და მყის განიკურნებიედ მოდღენდე-ლად-დღედმდე და აღიდებდეს მამასა ,და ძესა, და წმიდასა სულსა.

წ ი გ ნ ი

რომელი მოუწერა პატრიქმან ჰრომისამან და ბრანჯთა მეფემან ნინოს და მეფესა მირიანს და ყოველსა ერსა ქართლისასა

მათ დღეთა შინა მოვიდა წიგნი ჰრომით, წმიდისა პატრიქისა, ნინოს და მეფესა და ყოველსა ერსა ქართლისასა. და

მოავლინა ბრანჯი დიაკონი ქებისა შესხმად და კურთხევისა მიცემად, და ამის ნეტარისა ნინოსგან ლოცვისა წარღებად და მადლისა ზიარებად. აქუნდა წიგნი ბრანჯთა მეფისა ნინოსცა თანა: რამეთუ მამისა მისისაგან ნათელ-ვლო ბრანჯეთს. და ესე ყოველი მისმენილ იყო იერუსალემით და კოსტანტინეპოლით, ვითარმედ ქუეყანასა მას ქართლისასა მიეფინა მზე სიმართლისა. ამისთვის სანატრელი წიგნი მოუწერა, რათამცა ეუწყუნეს აქანი იგი სასწაულნი სუეტისა მის და მყოლოვნისა, და ძალი იგი კურნებისა. ესე ყოველი იხილა და მოისმინა სასწაულნი იგი ბრანჯმან დიაკონმან, რომელნი ქმნილ იყვნეს მცხეთას, და განკურვებულნი ადიდებდა ღმერთსა; წარიღო წიგნები და წარვიდა.

მაშინ რქუა მეფემან წმიდასა ნინოს და ეპისკოპოსისა: „მნებავეს ესრეთ, რათა იძულებით მახვლითა მოვაქცივნეთ მთელნი და სიძე ჩემი ფეროზ, და დავამონნეთ ძესა ღმრთისასა და ვათაყუანნეთ პატიოსანსა ჯუარსა“. მაშინ რქუეს: „არა ბრძანებულ არს უფლისაგან მახვლისა აღება, არამედ სახარებითა და ჯუარითა პატიოსნითა უჩუენოთ გზა ჭეშმარიტი, მიმყვანებელი ცხოვრებად საუკუნოდ, და მადლმან ღმრთისამან განანათლოს ბნელი იგი გულთა მათთა“.

და წარვიდა წმიდა ნინო და ეპისკოპოსი იოვანე, და მათ თანაწარატანა მეფემან ერისთავი ერთი. მივიდეს და დადგეს წობენს, და მოუწოდეს მთელთა, პირუტყუთა სახეთა მათ კაცთა, ჭართალელთა, ფხოელთა, წილკანელთა და გუდამაყრელთა. და უქადაგეს მათ სჯული ქრისტიანეთა ჭეშმარიტი, მიმყვანებელი ცხოვრებად საუკუნოდ. ხოლო მათ არა ინებეს ნათლისღება. მაშინ ერისთავმან მეფისამან მცირედ წარმართა მახული მათ ზედა, და ძლევით შემუსრნა კერპნი მათნი.

გარდამოვიდეს მუნით და დადგეს ქალეთს, და უქადაგეს ერწო-თიანელთა. ხოლო მათ შეიწყნარეს და ნათელ-იღეს. ხოლო ფხოელთა დაუტყვევს ქუეყანა მათი და გარდავიდეს თუშდათს. და სსუანიცა მთელნი უმრავლესნი არა მოიქცეს, არამედ დაუმძიმა მათ მეფემან ხარკი, ოდეს არა ინებეს ნათლისღება. ამისთვის წარკრბეს იგინი და შესცთეს, და რომელნიმე უქანასკნელ მოაქცივნა აბიბოს ნეკრესელ ეპისკოპოსმან და რომელნიმე მათგანნი დარჩეს წარმართობასავე შინა ღღესამომდე.

ხოლო წმიდა ნინო წარემართა წარსლვად რანს, მოქცეულ ფეროზისა. და ვითარცა მიეახლა კუსეთს, დაბასა ბოდისასა, დაყენა მუნ დღენი რაოდენნიმე. და მოვიდოდეს მისსა კახეთით, ჰკითხვიდეს და აღიარებდეს სწავლასა მისსა სიმრავლე ერისა. მაშინ დასნეულდა მუნ; და ვითარცა ცნა რევ, ძემან მეფისამან, და სალომე, ცოლმან მისმან, რომელნი ცხორებდეს უჯარმას, მოვიდეს ნინოსა და აცნობეს მეფესა და დედოფალსა. ხოლო მათ შიავლინეს ეპისკოპოსი იოვანე წარმოყვანებად წმიდისა ნინოსსა, ხოლო წმიდა ნინო არა ერჩადა. მაშინ წარვიდა თვთ მეფე და სიმრავლე ერისა. და შეკრბა მის ზედა სიმრავლე ერთა ძლიერთა. რამეთუ ხედვიდა ყოველი იგი ერი პირსა ნინოსსა, ვითარცა პირსა ზეცისა ანგელოზისასა, და მოსწყუედდიან ფესუსა სამოსლისა მისისა, მიიღებდეს და ემთხუეოდეს სარწმუნოებით, და იძულებით ევედრებოდეს ყოველნი დედოფალნი, გარემოს მსხდომნი, რომელთა გარდამოსდიოდეს ცრემლნი თულთაგან მათთა განშორებისათჳს მოძღურისა მათისა და მოღუაწისა, და სნეულთა მკურნალისა ჯელოვანისა.

და ეტყოდეს სალომე უჯარმელი და პეროქავრი სივნელი და მათ თანა ერისთავნი და მთავარნი ჰკითხვიდეს, თუ „ვინა ანუ სადათ მოხვედ ამა ქუეყანასა მაცხოვრად ჩუენდა? ანუ სადათმე იყო აღზრდა შენი? დედოფალო, მაუწყე ჩუენ საქმე შენი. რასა იტყვ ტყუეობასა, ტყუეთა მკსნელო სანატრელო? რამეთუ ესერა გვსწავიეს შენ მიერ, ვითარმედ ყოფილ არიან წინასწარმეტყუელნი პირველ ძისა ღმრთისა, და შემდგომად მოციქულნი თორმეტნი და სხუანი სამოცდაათნი, და ჩუენდა არაგინ მოავლინა ღმერთმან, გარნა შენ, და ვითარ იტყვ, ვითარმედ ტყუე ვარი მე? ანუ ვითარ უცხო?“

მაშინ იწყო სიტყუად წმიდამან ნინო და თქუა: „ასულნო სარწმუნოებისანო, მახლობელნო დედოფალნო ჩემნო. გხედავ თუენ, ვითარცა პირველთა მათ დედათა, ყოველთა სარწმუნოება ზედა ქრისტესსა, და გნებაეს გზათა ჩემთა ცნობა, გლახაკისა მკველისათა. აწ გაუწყოცა, რამეთუ ესერა მოსრულ არს სული ჩემი კორჯად ჩემდა, დამეძინების მე ძილითა დედისა ჩემისათა საუკუნოდ. არამედ მოიხუენით საწერელნი და დაწერეთ გლახაკი და უდები ცხოვრება ჩემი, რათა უწყოდინ შევითაცა თქუენთა სარწმუნოება თქუენი, და შეწყნა-



რება ჩემი, და სასწაულნი ღმრთისანი, რომელ გიხილვან“.

მაშინ მსწრაფლ მოიხუნეს საწერელნი სალომე უჯარმელ-
მან და პეროყავრი სივნიელმან: იწყო სიტყუად წმიდამან ნინო,
ხოლო იგინი წერდეს. და წამოუთხრა ყოველი, რომელი ზე-
მით დავერეთ, ცხოვრება მის წმიდისა და ნეტარისა: და შე-
გედრა მეფესა იაკობ მღვდელი, რათა შემდგომად იოვანესსა იგი
იყოს ეპისკოპოს. მაშინ იოვანე ეპისკოპოსმან შეწირა ქამი
და აზიარა წმიდა ნინო კორცსა და სისხლსა ქრისტესსა. და შე-
გედრა სული თვისი მეუფესა ცათასა, ქართლად მოსლვითგან
მისით მეთოთხმეტესა წელსა, ქრისტეს ამალღებითგან სამას
ოცდათურამეტსა წელსა, დასაბამითგანთა წელთა ხუთი-
ათას რვაასოცდათურამეტსა.

მაშინ შეიძრნეს ორნივე ესე ქალაქნი, მცხეთა და უჯარმა,
და ყოველი ქართლი, მიცვალებასა ნინოსსა. მუნ მივიდეს და
დამარხეს ძღვევით შემოსილი გუამი მისი ადგილსავე ზედა კუ-
ხეთს, დაბასა ბოდისასა, რამეთუ მუნ ითხოვა თუთ დაფლვა
მეფისაგან, შეხედვებითა ღმრთისათა: სიმდაბლისათჳს ქმნა
ესე წმიდამან, რამეთუ ადგილი იგი შეურაცხი იყო. და მწუხა-
რე იყო მეფე და ყოველნი წარჩინებულნი მუნ დაფლვასა მის-
სა, არამედ მცნებისა და ანდერძისა მისისა აღსრულებისათჳს
დაფლეს მუნ.

და ვითარ აღასრულა ესე ყოველი ღმრთივგანბრძნობილმან
მირიან მეფემან, განამტკიცა ყოველი ქართლი და ჰერეთი სარ-
წმუნოებასა ზედა სამებისა წმიდისასა, ერთარსებისა ღმრთისა
დაუსაბამოსასა, დამბადებელისა ყოვლისასა; და განმტკიც-
დეს სრულსა სარწმუნოებასა ზედა.

მაშინ კეისარსა კოსტანტინეს რომელ ჰყვა მძევალი, ძე მი-
რიანისი, რომელსა ერქუა ბაქარ, გამოგზავნა იგი მეფემან
კოსტანტინე ნიქითა დიდითა, და მოუწერა ესრეთ: „მე, კოს-
ტანტინე მეფე, თვთმპყრობელი, ახალი მონა ცათა მეუფისა,
პირველ ეშმაკისაგან წარტყუნული და მერმე გამოვსილი
დამბადებელისა მიერ, მოვსწერ შენდა ღმრთივგანბრძნობი-
ლისა და ჩემ თანავე ახალნერგისა, მორწმუნისა მეფისა მირი-
ანისსა. იყავ შენ თანა მშუდობა და სიხარული! ვინათგან იცან
შენ სამება ერთარსება, ღმერთი დაუსაბამო, დამბადებელი
ყოვლისა, არღარა მიჯნს მე შენგან მძევალი, არამედ კმა არს
ჩუენ შორის შუამდგომელად ქრისტე, ძე ღმრთისა, პირველ



ჟამთა შობილი, რომელი განკაცნა კსნისათჳს ჩუენისა, და არი მისი პატიოსანი, რომელი მოცემულ არს ჩუენდა მძღურად, გულითა მოსავთა მისთა, და შუამდგომლობითა ღმრთისა დამბადებელისათა ვიყვნეთ ჩუენ სიყუარულსა ზედა ძმებრივ. და შვილი შენი შენდავე მიმინიჭებუიეს, იხილე და განიხარე; და ღმრთისაგან მოვლინებული ანგელოზი მშვდობისა იყავნ შენ თანა მარადის; განდევნენ ღმერთმან დამბადებელმან ეშმაკი მატუური საზღვართაგან შენთა“.

მოვიდა ბაქარ, ძე მეფისა მირიანისი, და მოციქული კონსტანტინე მეფისა მცხეთას. აღივსნეს სიხარულითა მირიან მეფე და ნანა დედოფალი, და მადლობდეს ღმერთსა, ნიჭთა სრულთა მომცემელსა.

მაშინ მირიან მეფემან განასრულა ეკლესია საეპისკოპოსო და აღასრულა სატფურება მისი მრავლითა დიდებითა. და მოქცევითგან მირიან მეფისათ მეოცდახუთესა წელსა მოკულა ძე მისი რევი, სიძე თრდატ სომეხთა მეფისა, რომლისადავე მიეცა მეფობა სიცოცხლესავე მისსა. და დაფლეს აკლდამასავე, რომელი თვთ მასვე რევის აღეშენა.

და მასვე წელიწადსა დასნეულდა მირიან მეფე, რომელიცა აღესრულა. და მოიყვანა ძე მისი ბაქარ და ცოლი მისი ნანა, და რქუა ნანას: „აჰა, ესერა, მე წარვალ ვინაცა მოვედ, და გმადლობ მრავალმოწყალესა ღმერთსა, დამბადებელსა ცისა და ქუეყანისასა, რომელმან წარტყუენული ეშმაკისაგან მივსნა მე პირისაგან ჯოჯოხეთისა, და ღირს-მყო მე მარჯუენით მიწ თანა. შენ, ნანა, უკეთუ გეცესდა მოცალეება, ცხოვრებისა ჩემისა შემდგომად განყავ სამეფო განძი ჩუენი ორად, და მიილე სამარხავსა ნინოსა, განმანათლებელისა ჩუენისასა, ჟამთა შეცვალეებისათჳს, რათა არა შეირყიოს უკუენისამდე იგი ადგილი; რამეთუ მეფეთა საჯდომი არს, არამედ მწირ არს“. ეგრეთვე დავედრა ეპისკოპოსთა, რათა აღიღონ დიდება მის ადგილისა, „რამეთუ ღირს არს პატივისცემასა“.

ხოლო ძესა თჳსსა რქუა: „შვილო ჩემო, შეიცვალა ბნელი ჩემი წათლად და სიკუდილი ცხოვრებად. შენდა მომიცემია გურჯ ნი მეფობისა ჩემისა. ღმერთმან დამბადებელმან ცისა და ქუეყანისამან დაგამტკიცენ შენ სრულსა სარწმუნოებასა ზედა. იწურთიდი ყოვლადვე მცნებათა ძისა ღმრთისათა, და დაადგერ სრულიად მათ ზედა; და სახელსა ზედა ქრისტესსა სი-

კუდილი ცხოვრებად გიჩნდინ, რომლითა წარუვალი ცხოვრება მოიგო. და სადა პოვნე ვნებანი იგი ცეცხლისანი კერპნი, ცეცხლითა დაწუნ, და ნაცარი შეასუ რომელნი მათ ესვიდენ. და ესე შვილთაცა შენთა ამცენ, რამეთუ მე ვიცი იგი, რომელ კავკასიათაცა შინავე დაილევინ. ხოლო შენ ამას შეუდგე გულითა შენითა, და თავი შენი შევედრე ძესა ღმრთისასა, პირველ ჟამთა შობილსა, და განკაცებულსა, და ვნებულსა კსნისათჳს ჩუენისა. და წარძღუნებითა პატიოსნისა ჟუარისათა სძლო მტერთა, ვითარცა აქუს ჩუეულება გულითა მოსავთა მისთა. და პატივ-სცემდი სუეტსა მას ცხოველსა ღმრთივად-მართებულსა, და იყავნ ყოვლითურთ სასოება შენი მისა მიმართ, და იყავნ მისლვა შენი ძილად საუკუნოდ სარწმუნოებასა ზედა სამეზისასა“.

და მოაყვანებინა ჟუარი იგი წმიდისა ნინოსი, რომელი პირველითგან აქუნდა, და ჩამოჰკიდა გვრგვნი სამეფო ჟუარსა მას. და მოიყვანა ძე თჳსი ბაქარ. და თავსა მისსა გამოსახა სახე ჟუარისა; და აღილო გვრგვნი ჟუარისაგან და დადგა თავსა ძისა თჳსისასა: და აღესრულა მირიან მეფე, და დაეფლა ზემოსა ეკლესიასა, საშუალსა სუეტსა სამხრითსა, ჩრდილოთ კერძო. და მას სუეტსა შინა არს ნაწილი ღმრთივადმართებულისა მის სუეტისა. და მეორესა წელსა მოკუდა ნანა დედოფალი, და დაეფლა მასვე სუეტსა დასავალით, სადა მირიან მეფე დამარხულ იყო.

[8. მირიანის უამღგომი მიწანი ქართლისა]

და დაჯდა მეფედ ძე მისი ბაქარ, და იყო მორწმუნე, ვითარცა მამამისი. და ამან მოაქცივნა უმრავლესნი კავკასიანი, რომელნი ვერ მოექცივნეს მამასა მისსა. და შთავარდა შორის მისსა და სომეხთა მტერობა. რამეთუ სომეხნი ბაქარის ძმისწულის, რევის ძისა, თრდატ სომეხთა მეფის ასულისწულის მეფობასა ლამოდეს ქართლსა. ხოლო ესე ბაქარ ეზრახა სპარსთა მეფესა, მამის ძმისწულსა მისსა, დაემოყურა და გაუცვალა ქუეყანა დისი ძესა მისსა ფეროზს, რომელსა აქუნდა რანი ბარდავამდის მიცემულად მირიანისგან, და მისცა მის წილ სამშულდითგან მიღმართ ქუეყანანი ვიდრე თავადმდე აბოცისა. მა-



შინლა ნათელ-ილო ფეროზ და ერმან მისმან. და მოიროტქნა
 ლი ხუასროთავან და ეწყუნეს სომეხთა ჯავახეთს: სძლეს და
 აოტნეს სომეხნი.

მაშინ მეფემან ბაქარ, შუამდგომელობითა ბერძენთა მეფი-
 სა და სპარსთა მეფისათა, დაწერა კელით-წერილი ძმისწულთა
 მისთა და დედისა მათისა სალომესგან ესრეთ, ვითარმედ:
 „ვიდრემდის იყოს ნათესავი ბაქარისი, რომელსა ეძლოს პყრო-
 ბა მეფობისა, მისი იყო მეფობა, და არაოდეს ძებნონ მეფობა
 ნათესავთა რევისთა“.

მაშინლა მოიყვანნა ძმისწულნი მისნი და მისცა კუხეთი, და
 დასხნა რუსთავს ერისთავად. ამან ბაქარ ყოველნი დღეხა
 ცხოვრებისა მისისანი დიდსა სარწმუნოებასა შინა აღასრულნა,
 და განამრავლნა მღდელნი და დიაკონნი ყოველსა ქართლსა და
 რანსა ეკლესიათა მსახურებად. ამან აღაშენა ეკლესია წილ-
 კნისა. მოკუდა და დაეფლა ძმასავე თჳსსა თანა.

და დაჯდა მეფედ ძე მისი მირდატ, და მეფობდა დიდსა
 სარწმუნოებასა შინა. და მან აღაშენა ეკლესია თუხარისის ცი-
 ხესა შინა, რამეთუ გევსა კლარჯეთისასა არა იყო ეკლესია, და
 მუნ შინა დაადგინნა მღდელნი მოძღურად კლარჯთა. და მატა
 შემკობა და შენება ერუშეთისა და წუნდისა ეკლესიათა.

მაშინ ამის მირდატის მეფობასა იწყეს ქართველთა სუე-
 ტისა ცხოველისაგან ნაწილის გამოღებად და ქმნად ჯუარად,
 რამეთუ დიდნი სასწაულნი და კურნებანი იქმნებოდეს, სადაცა
 იყვის ნაწილი სუეტისა ცხოველისა. და არა აყენებდა მირდატ
 მეფე ნაწილისა გამოღებად, რამეთუ ეპისკოპოსმაცა ჭეშმა-
 რიტმან იაკობ ეგრეთ ჯერ იჩინა და თქუა: „მინიჭებულ არს
 უფლისაგან და ჯერ არს სუეტისა მის ღმრთივადმართებულისა
 ქმნა სახედ ჯუარისა“. და განეფინა ყოველთა აღგილთა ქარ-
 თლისათა ნაწილი სუეტისა ცხოველისა.

მაშინ ამან მეფემან მირდატ მისვე სუეტისაგან შექმნა ჯუ-
 არი ზომიერი, და რომელი დარჩა სუეტისა მისგან ცხოველი-
 სა, მას გარემოქმნა ქვითკირითა, და აღამაღლა ქვითკირი პირ-
 ველ სუეტისა ოდნად; და თავსა მის სუეტისასა აღმართა ჯუ-
 არი იგი, ძელი განმაცხოველებელი. და ყოველნი დღენი ცხოვ-
 რებისა მისისანი უშფოთველად აღასრულნა სარწმუნოებასა
 შინა დიდსა. და მის ზე მოკუდა იაკობ ეპისკოპოსსა, და დაჯდა

იობ სომეხი, ნერსე კათალიკოსისა დიაკონი. და მოკუდა მირიანის დატ მეფე.

და დაჯდა მეფედ ძე მისი ვარაზ-ბაქარ. და შეირთნა ორნი ცოლნი: ერთი — ასული თრდატისი, რევის ძისა, მირიანის ძისწულისა; და ერთი — ძისწული ფეროზისი, მირიანის ასულისწულისა.

და უშვნა რევის ძმისწულმან ორნი ძენი, რომელთა სახელები ერქუა მირდატ და თრდატ; ერთი უშვა ფეროზის ძისწულმან, რომელსა ერქუა ფარსმან.

ესე ვარაზ-ბაქარ მეფე იყო კაცი ურწმუნო და მოძულე სჯულისა, და ვერ იკადრებდა ერისაგან განცხადებად სჯულისა სიძულილსა, რამეთუ მოქცეულ იყო ქართლი და დიდსა სარწმუნოებასა შინა იყვნეს აზნაურნი და ყოველი ერი ქართლისა. და ვარაზ-ბაქარ შიშისა მათისაგან ვერ განაცხადებდა დატევებასა სჯულისასა; არასადა აღაშენა ეკლესია, არცარა მატა შენებულთა, და ყოველითავე იქცეოდა უსჯულოდ.

ამის ზე გამოგზავნა სპარსთა მეფემან ერისთავი სპითა დიდითა სომეხთა და ქართველთა ზედა ხარკისა დადებად. მაშინ სომეხთა მოგზავნეს ვარაზ-ბაქარისსა მოციქული და რქუეს, რათა შეკრბენ და მოირთონ ძალი ბერძენთაგან, და განახუნენ კარნი კავკასიანთანი, და გამოიყვანენ ოგსნი და ლეკნი, და წინააღუდგენ სპარსთა. და წარჩინებულნი თვისნიცა ეტყოდეს წინააღდგომისა სპარსთასა. არა ისმინა არცა სომეხთა, არცა წარჩინებულთა თვისთა. რამეთუ იყო იგი ჩუკენი და მოშიში: უკუჯდა იგი ჯეგსა კახეთისასა, და აღაშენა ციხე კიდარს, და განამაგრნა ციხე-ქალაქნი, და უბრძანა ყოველთა, რათა დამალნენ ჯუარნი.

და მოვიდეს სპარსნი პირველად სომხითს, და მოაოჯრეს სომხითი, და შემოვიდეს ქართლს. და აღაშენა ერისთავმან სპარსთამან ტფილისის კართა შორის ციხედ მცხეთისად. მაშინ ვარაზ-ბაქარ ეზრახა შევრდომით და ითხოვა მშუდობა. ხოლო ერისთავმან სპარსთამან რქუა მას: „პირველად მომეც რანი და მოვაკანი, რამეთუ საზღვართა სპარსეთისაგანთა არს, და მათი არს, რომელნი სრულიად შვილნი არიან სპარსთა მეფეთანი და სხენან საყდართა მამათა მათთასა; და თქუენდა კმა არს ქართლი, რომელნი ნაშობნი ხართ მკველისანი. გაქუხ-

დეს უკუე ქართლი და ხარკსა მისცემდეთ მეფეთა ხტმამაჲყოყთაჲს ვანთა“.

| მაშინ ვარაზ-ბაქარ ვერდარა პასუხი მიუგო შიშისაგან დიდისა, მისცა რანი და მოვაკანი, და განუკუეთა ხარკი, ხოლო ერისთავმან სპარსთამან მოსცა ციხე ტფილისისა და წარვიდა, და მიერთგან იქმნნეს სომეხნი და ქართველნი სპარსთა მოხარკენი.

| და ამისა შემდგომად განდგეს კლარჯნი ვარაზ-ბაქარისაგან და მიერთნეს ბერძენთა. და დაიპყრეს ბერძენთა თუხარისი და ყოველი კლარჯეთი ზღვთგან არსიანთამდე. და დარჩა ვარაზ-ბაქარს ქართლი თვნიერ კლარჯეთისა, და ჰერეთი და ეგრისი. მანვე ერისთავმან სპარსთამან წარიყვანა ტყუედ შვილნი ფეროზისნი, ასულისწულნი მირიანისნი, მორწმუნისა მეფისა, და ქუეყანა მათი საზღვარი ქართლისა მოსცა ვარაზ-ბაქარსვე. და მოკუდა ვარაზ-ბაქარ, და დარჩეს ძენი მისნი სამნი წუარილნი, რომელნი ვერ იპყრობდეს მეფობასა.

! მაშინ წარჩინებულთა ქართლისათა ზრახვა-ყვეს და დასუეს მეფედ სიმამრი ვარაზ-ბაქარისი, ძე რევისი, ძმისწული მირიანისი, კაცი მოხუცებული, სახელით თრდატ, და მისცნეს შვილნი ვარაზ-ბაქარისნი საზრდოდ, ასულისწულნი მისნი. ხოლო მესამესა შვილსა, მეორისა ცოლისასა, ზრდიდა ერისთავი სამშკლდისა, რომელსა ერქუა სახელი ფარსმან. ხოლო მეფობდა ესე თრდატ მოხუცებული კეთილად, იყო კაცი მორწმუნე, ბრძენი და გონიერი. ამან სიბრძნითა თვისითა დაამშუნა სპარსნი, გამოაჩინა ჯუარნი და შეკაზმნა ეკლესიანი. და ამის ზე მოკუდა ეპისკოპოსი იაკობ, და დასუა მის წილ ელია. და ხარკსა მისცემდა სპარსთა მეფესა. ხოლო მან გამოიღო რუსთავი და აღაშენა ეკლესია; და მანვე აღაშენა ეკლესია ნეერესისა. და მეფობდა უშფოთველად, და მოკუდა სარწმუნოებასა შინა დიდსა.

და დაჯდა მეფედ ძე ვარაზ-ბაქარისი, ძისწულისწული ფეროზისი, სახელით ფარსმან. რამეთუ იგი უხუცესი იყო ძმათა მისთა. და მოკუდა ელია ეპისკოპოსი, და დასუეს სუმონ. ესე ფარსმან იყო კაცი მორწმუნე, მკედარი შემმართებელი. ეზრახა მეფესა ბერძენთასა და ითხოვა მისგან შეწევნა; და აღასრულა თხოვა მისი კეისარმან. მაშინ განდგა და არღარა მისცა სპარსთა ხარკი; და განამრავლნა ჯუარნი, და განაახლნა ეკლესი-

სიანი ყოველსა ქართლსა შინა, და აღაშენა ეკლესია ბოლნისისა. და მცირედ ქამ შეფობდა და მოკუდა.

და დაჯდა მეფედ ძმა მისი მირდატ, ასულისწული თრდატი-
სი, ძე ვარაზ-ბაქარისი, მამულად ბაქარიანი, დედულად რევი-
ანი, ორითავე მირიანის ძეთა ნათესავი. და იყო ესე მირდატ
კაცი ტკეული, მკედარი შემმართებელი, ურწმუნო და უშიში
ღმრთისა, ლაღი და ამპარტავანი, და მინდობილი მკედრობასა
თჳსსა. არა მსახურა ღმერთსა, არცა აღაშენა ეკლესია, არცა
მატა შენებულთა, და სილაღითა მისითა მტერ ექმნა ბერძენთა
და სპარსთა. ბერძენთაგან ეძიებდა კლარჯეთს, საზღვარსა
ქართლისასა, ხოლო სპარსთა არა მისცემდა ხარკსა. მაშინ
სპარსთა მეფემან გამოგზავნა ერისთავი, რომელსა ერქუა უფ-
რობ, სპითა ძლიერითა, მირდატის ზედა. მაშინ მირდატ, სილა-
ღითა თჳსითა, არა ჰრიდა სიმრავლესა სპარსთასა, მცირედითა
სპითა მიეგება გარდაბანს და ეწყო: იოტეს და შეიპყრეს სპარ-
სთა; მოვიდეს ქართლად, დაიპყრეს ქართლი და განრყუნნეს
ეკლესიანი. ხოლო ნათესავნი მეფეთანი დარჩეს კვესა კახეთი-
სასა, და სუმონ ეპისკოპოსი მათ თანავე. ხოლო მირდატ წა-
რიყვანეს ბაღდადს და მუნ მოკუდა.

1. ცხოვრება და მოქალაქობა პანტაან პორბასლისა

მშობელთა და შემდგომად თუთ მის დიდისა და
ღმრთისმოყუარისა მეფისა, რომელი უმეტეს
სახელგანთქმული გამოჩნდა ყოველთა მეფეთა ქართლისათა

ვითარ-იგი შეიპყრეს ქართველთა მეფე მირდატ სპარსთა
წყობასა შინა, და წარიყვანეს ბაღდადს და მუნ მოკუდა. და
დაიპყრეს ქართლი სპარსთა, და განრყუნეს ეკლესიანი, და და-
მალეს ჭუარები ქართველთა. და ყოველთა შინა ეკლესიათა
ქართლისათა ცეცხლისმსახურთა სპარსთა აღაგზნეს ცეცხლი.

ხოლო ნათესავნი ქართველთა მეფეთანი დარჩეს ჳევსა კა-
ხეთისასა. და შემდგომად სამისა წლისა უცალო იქმნა სპარს-
თა მეფე, რამეთუ აღდგეს მტერნი აღმოსავალით.

მაშინ შეითქუნეს აზნაურნი ქართლისანი, მოიყვანეს და
დასუეს მეფედ მცხეთას ძე თრდატისი, ძმისწული მირდატი-
სი, მეფისა წარტყუნულისა, სახელით არჩილ.

ამან არჩილ მოიყვანა ცოლი საბერძნეთით, ნათესავი იუბი-
მიანოს მეფისა, სახელით მარიამ, და განაცხადა მტერობა
სპარსთა; გამოაჩინა ჭუარნი და მოკაზმნა ეკლესიანი; მოსრ-
ნა და განასხნა ყოველნი ცეცხლისმსახურნი საზღვართაგან
ქართლისათა; მოირთო ძალი საბერძნეთით და წარძლუანებითა
ჭუარისათა იწყო ბრძოლად სპარსთა.

მაშინ ერისთავი სპარსთა მეფისა, რომელი ერისთაობდა
რანს და მოვაკანს, ვიდრე არჩილის მეფობადმდე, მისივე გასა-
გებელი იყო ქართლი. ამან შეკრიბა სპა რანისა და მოვაკანისა
და აღარბადაგანისა, და მომართა არჩილს. ხოლო არჩილ, სა-
სოებითა და მინდობითა ღმრთისათა მიეგება საზღვართა ზედა
ქართლისა და რანისათა, ეწყო მუნ მდინარესა ზედა ბერდუ-
ჯისასა, და ძალითა პატიოსნისა ჭუარისათა მოსრნა და ტყუე-
ყვნა; შევიდა რანს, მოტყუენა და მოვიდა შინა გამარჯუებუ-
ლი. განავლინა ქადაგი ყოველსა შინა ქართლსა და რქუა ყო-
ველთა: „არა ძალითა ჩუენითა, არცა სიმკნითა, არცა სიბრ-
ძნითა, არცა სიმრავლითა სპათათა ვსძლეთ მტერთა, არამედ

ჯუარითა უფლისა ჩუენისა იესო ქრისტეს, ძისა ღმრთისასა, რომელმან მოგუცა წინამძღურად და საკურველად ჯუარი მისი პატიოსანი. აწ ყოველთა ქართველთა აღიდეთ სამება ერთარსება, ღმერთი დაუსაბამო, დამბადებელი ყოვლისა. შეწირეთ მადლობა, და მტკიცემცა არიან გულნი თქუენნი სარწმუნოებასა ზედა სამებისა წმიდისასა. და ყოველთა ქართველთა შეწირეს მადლობა ღმრთისა მიმართ, და განაახლნეს ეკლესიანი.

მაშინ არჩილ მეფემან აღაშენა ეკლესია სტეფანწმიდისა მცხეთას, კართა ზედა არაგვსათა, სადა იყვნეს კოშკნი მტკიცენი საბრძოლნი, რომელნი მასვე აღეშენნეს.

ესუა ძე არჩილს, და უწოდა სახელი მისი მირდატ. აღიზარდა ესე მირდატ, და დადგა ასაკსა მამაკაცობისასა. მირდატ იყო მორწმუნე და ღმრთისმსახური, ვითარცა მამამისი; და იყო იგი ქუელი და შემმართველი. ამან უმეტესად უწყობრძოლად სპარსთა, შესლვად და ტყუენვად რანსა და მოვაკანსა; რამეთუ მას ჟამსა უცალო იყო მეფე სპარსთა, და ბრძოდა იგი ინდოთა და სინდთა და აბაშთა, და ვერ შემძლებელ იყო სპისა დიდისა გამოგზავნად; და სპათა რანისა და მოვაკანისა და აღარბადაგანისათა ემძლავრებოდეს ქართველნი. წინამძღუარ ექმნის მირდატ სპათა მამისა თვისისათა, და მარადის ტყუენვიდის რანსა და მოვაკანსა.

მას ჟამსა შინა იყო რანს ერისთავად ბარზაბოდ, და ვეროდეს წინააღუდგებოდა იგი, არამედ განამაგრნის ციხენი და ქალაქნი, და შესლვასა ქართველთასა რანს, სადაცა ეწყუნიან სპარსნი ნაწყუედთა ლაშქართა, მტყუენველთა ქართველთა, მარადის სპარსნი იძლეოდნან. ხოლო ბარზაბოდს, ერისთავსა რანისასა, ესუა ასული ქმნულკეთილი, შუენიერი, რომელსა ერქუა საგდუხტ. უთბრეს მირდატს, ძესა არჩილისსა, სიშუენიერე მისი, და სმენითა სიშუენიერისა მისისათა ტრფიალ იქმნა მირდატ მის ზედა. მოაჯსენა მამასა თვისსა: „ვევედრები მეფობასა შენსა, მომგუარე ცოლად ჩემდა საგდუხტ, ასული ბარზაბოდისი, და შევქმნათ ჩუენ შორის მშჯდობა. დაღათუ ძალითა ქრისტესითა ჩუენ ვართ მძლენი, არამედ ვერა ავიხუამთ ციხეთა და ქალაქთა რანისათა. ნუუკუე იცალოს მეფემან სპარსთამან, და იძიოს ჩუენ ზედა შური, და მოაოჯზრნეს ეკლესიანი და საზღვარნი ჩუენნი. და აწ ამით განქარდეს მტერობა ჩუენ შორის; რამეთუ ჩუენთვს რაცა მოვავსენო მეფესა სპარ-

სთასა, უსმენს იგი. და ამით მტკიცედ და შეუწყველად ვაჟ-
რნეთ საზღვარნი ქართლისანი, და განმტკიცებს სჯული ქრის-
ტესი ქართლს, და არღარა შეიქმნას გულსა ქართველსა იქ
და გამობა სჯულისა ქრისტესისა მძლავრებისათუს სპარსთასა“.
ესე ყოველი სიყუარულისათუს ქალისა მირდატ წარმოთქუა.

მაშინ არჩილ მეფემან აღუსრულა ნება მისი. წარგზავნა
მოციქული ბარზაბოდისსა, და ითხოვა ასული მისი ცოლად
ძისა თვისისა. ხოლო ბარზაბოდ განიხარა სიხარულითა დიდითა,
რამეთუ მოოჯრებულ იყო ქუეყანა მისი და შესჭირვებოდა:
ითხოვა ფიცი და აღთქმა მშვიდობისათუს. და მისცეს ფიცი. და
მოსცა მან ასული თვისი ზითვითა დიდითა: მოიყვანეს მცხე-
თას და ქმნეს ქორწილი, შუება და განცხრომა დღეთა მრავ-
ალთა. და მისცა მეფემან სამშულდე ძესა თვისსა საერისთავო-
თა მისითა, და მუნ დასხდეს მირდატ და საგდუხტ.

ხოლო ამან საგდუხტ დედოფალმან გამოიკითხა სჯული
ქრისტესი: რამეთუ ქმარმან მისმან მოპგუარნა კაცნი სჯული-
სა მეცნიერნი, და უთარგმანეს სახარება უფლისა ჩუენისა იე-
სო ქრისტესი. და ამხილეს, რამეთუ ჭეშმარიტი ღმერთი ქრის-
ტე არს, რომელი განკაცნა ჯსნისათუს ჩუენისა. მაშინ საგდუხტ
გულისხმა-ყო და იცნა სჯული ჭეშმარიტი, დაუტევა ცეცხლის-
მსახურება, ნათელ-ილო და იქმნა მორწმუნე. და მან აღაშენა
სიონი სამშულდისა.

ამის არჩილის ზე გარდაიცვალნეს სამნი ეპისკოპოსნი: იო-
ნა, გრიგოლი და ბასილი. და ბასილისა შემდგომად ამანვე არ-
ჩილ დასუა ეპისკოპოსი, რომელსა ერქუა მობიდან. ესე იყო
ნათესავად სპარსი, და აჩუენებდა იგი მართლმადიდებლობასა.
ხოლო იყო ვინმე მოგუ უსჯულო და შემშლელი წესთა, და
ვერ უგრძნა არჩილ მეფემან და ძემან მისმან უსჯულოება მო-
ბიდანისი, არამედ ჰგონებდეს მორწმუნედ. და ვერცა განაცხა-
დებდა ქადაგებასა სჯულისა მისისასა შიშისაგან მეფისა და
ერისა, არამედ ფარულად წერდა წიგნებსა ყოველისა საცთუ-
რებისასა, რომელი შემდგომად მისსა დაწუა ყოველი წერილი
მისი ჭეშმარიტმან ეპისკოპოსმან მიქაელ, რომელი განიკუთა
კადრებისათუს ვახტანგ მეფისა.

ხოლო ამან არჩილ მეფემან ყოველნი დღენი ცხოვრებისა
მისისანი აღასრულნა სარწმუნოებასა შინა სამებისა წმიდისა-
სა, ეკლესიათა შენებასა, და ყოველსა ქართლსა შინა განამ-

რავლნა მღდელნი და დიაკონნი და მსახურნი ეკლესიათაჲ, და მოკუდა.

და დაჯდა მეფედ მის წილ ძე მისი მირდატ. და მეფობდა იგი, ვითარცა მამამისი, დიდსა სარწმუნოებასა შინა. მიუდგა დედოფალი საგდუხტ და შვა ასული, და უწოდა სახელი მისი ხუარამზე. კუალად ევედრებოდეს ღმერთსა მეფე მირდატ და დედოფალი საგდუხტ, რათა მოსცეს ძე. და შემდგომად ოთხისა წლისა საგდუხტ მიუდგა და შვა ძე, და უწოდა სახელი მისი სპარსულად ვარან-ხუასრო-თანგ, ხოლო ქართულად ეწოდა ვახტანგ. აღივსნენ სიხარულითა მშობელნი მისნი შობასა ყრმისა ამის ვახტანგისსა, და განავლინეს მახარობელი ყოველთა თანა ერისთავთა. და გამოიღეს ხუასტაგი დიდძალი, ოქრო და ვეცხლი, და განუყვეს გლახაკთა, და შეწირეს მადლობა ღმრთისა მიმართ, ლოცვითა და ღამის-თევითა დღეთა მრავალთა.

და შემდგომად ამისა მოხდა მეფემან ყოველთა წარჩინებულთა ქალაქად; და დღეთა მრავალთა ყო პურობა და განცხრომა, და ევედრებოდეს ყოველნი ღმერთსა აღზრდისათჳს ყრმისა ვახტანგისსა. მოითხოვა მეფისაგან საზრდოდ საურმაგ სპასპეტმან ვახტანგ, დიდითა ვედრებითა, ხოლო მიანიჭა მეფემან და მისცა ძე მისი ვახტანგ საურმაგს სპასპეტსა საზრდოდ. რამეთუ წესი იყო, რომელ შვილნი მეფეთანი წარჩინებულთა სახლსა შინა აღიზარდნიან. შემდგომად ამისსა, მეექუსესა წელსა, შვა საგდუხტ ასული სხუა, და უწოდა სახელი მისი მირანდუხტ. და მოითხოვა იგი საზრდოდ სპასალარმან კასპისამან, და მისცა იგი მეფემან; და წარიყვანა იგი ქალაქად კასპისა. და იზარდებოდა მუნ. შემდგომად ამისსა, წელსა მეორესა, მოკუდა მეფე მირდატ; და ღარჩა ვახტანგ შუდისა წლისა ყრმა.

მაშინ საგდუხტ დედოფალმან, შეწუხებულმან მამისა მისისა ბარზაბოდისგან „ნუჟუჟე შური იგოს მამამან ჩემმან ნაქმრისათჳს მამამთილისა და ქმრისა ჩემისა, რომელ ეგეოდენნი ზოროტნი მოიწივნეს მის ზედა, და ნუჟუჟე შური იგოს ჩემ ზედა დატეგებისათჳს სჯულისა, და წარწყმიდოს შვილი ჩემი, განწყუნას ქართლი და სჯული ქრისტესი წარწყმიდოს“ — ესე ყოველი მოიგონა და შთავარდა მწუხარებასა შინა დიდსა. ევედრებოდა ღმერთსა და განიზრახა წარსლვა წინაშე მამისა



მისისა და შევრდომა მისი. მოიყვანა ყოველნი ერისთავნი სპასპეტისა თანა, და ცრემლითა სიმწარისათა შევედრა ძე მისი სპასპეტსა და ყოველთა ერისთავთა.

და წარვიდა ბარდავს მამისა თვისისა თანა. განიღო თავი, დაუყარა მუკლნი, და აღმოყარა ძუძუნი მისნი, დაეარდა პირსა ზედა და დადვა პირი თვისი ფერკთა მისთა ზედა, დააღტობდა ფერკთა მამისა თვისისათა ცრემლითა და ითხოვდა მისგან შეწყალებასა და არაკსენებასა ნაქმართა მამამთილისა და ქმრისა მისისათა, და შენდობასა დატევებისათვის სჯულისა: და ევედრებოდა, რათა არა აიძულოს დატევება ქრისტეს სჯულისა, რამეთუ იგი არს ღმერთი ჭეშმარიტი. და ევედრებოდა, რათა იპყრას შვილი მისი მამულსა შინა მისსა, და მოურავ ექმნეს იგი სპარსთა მეფისა წინაშე.

მაშინ ბარზაბოდ, განმზადებულმან ბოროტის ყოფად ქართველთათვის, შეიწყალა ასული თვისი: არა აიძულა დატევება სჯულისა, და აღასრულა ყოველი თხოვა მისი. ხოლო სჯულისათვის ესრეთ რქუა: „იძულებით არცა ვის ქართველსა სხუასა დაგავდებინებ სჯულსა ქრისტესსა, არამედ მივგზავნენ ცეცხლისმსახურნი ქალაქსა თქვენსა და იყვენ მუნ ეპისკოპოსნი მათ ზედა სჯულისა ჩუენისანი. და ვინცა ქართველი ნებითა თვისითა აღირჩევდეს სჯულსა ჩუენსა, ნუ აყენებთ“. მაშინ საგდუხტ ერჩდა მამასა თვისსა შიშისაგან დიდისა. და აღუთქუა მინდობითა ღმრთისათა, და წარმოვიდა ქართლად.

მაშინ ბარზაბოდ წარმოგზავნა ცეცხლისმსახურნი მცხეთას და მათ ზედა ეპისკოპოსად ბინქარან, და დასხდეს მოგუთას. და საგდუხტ დედოფალი განაგებდა მეფობასა ძალითა და შეწყენითა მამისა თვისისათა. და მოკუდა ბარზაბოდ, მამა საგდუხტისი, და მის წილ დაადგინა სპარსთა მეფემან ძევე მისი ვარაზ-ბაკურ, ძმა საგდუხტ დედოფლისა. და მოკუდა საურმაგ სპასპეტი, მამამძუძე ვახტანგისი.

მაშინ მეფემან დაადგინა სხუა სპასპეტი, რომელსა ერქუა ჯუანშერ. ხოლო ბინქარან, ეპისკოპოსი ცეცხლისმსახურთა, ასწავებდა ქართველთა სჯულსა თვისსა, არამედ არავინ ერჩდა წარჩინებულთაგანი, გარნა წურილი ერი მიიქცა მრავალი ცეცხლისმსახურებასა.

და შეერია ქართლს წურილსა ერსა ცეცხლისმსახურება. ამისთვის მწუხარე იყო საგდუხტ დედოფალი, არამედ მძლავ-

რებისაგან სპარსთასა ვერას იკადრებდა. მაშინ მოყვებოდა მღვდელი ჭეშმარიტი საბერძნეთით, სახელით მიქაელ, და დაადგინა იგი ეპისკოპოსად ზემოსა ეკლესიასა, რამეთუ მობიდან ეპისკოპოსი გარდაცვალებულ იყო. და ესე მიქაელ ეპისკოპოსი წინააღმდეგ ბინქარან მაცთურსა, რამეთუ ასწავებდა ყოველთა ქართველთა სჯულსა ჭეშმარიტსა. ამან იპყრნა სარწმუნოებასა ზედა ყოველნი წარჩინებულნი ქართლისანი და ერიცა უმრავლესი, არამედ მცირედნი ვინმე წუთილისა ერისაგანნი მიიჭცეს ცეცხლისსახურებასა.

მაშინ ვითარ იქმნა ვახტანგ წლისა ათისა, გარდამოვიდეს ოვსნი სპანი ურიცხუნი და მოტყუენეს ქართლი თავითგან მტყუარისათ ვიდრე ხუნანამდე, და მოაოკრნეს ველნი. არამედ ციხე-ქალაქნი დაურჩეს, თვნიერ კასპისა. ხოლო კასპი ქალაქი შემუსრეს და ტყუე ყვეს, და წარიყვანეს დაჲ ვახტანგისი მირანდუხტ, სამის წლის ქალი. რომელ დაურჩეს წარტყუენველად ჰევენი ქარლისანი, კახეთი და კლარჯეთი და ეგრისი ჩავლეს რანისა და მოვკანისა, წარტყუენეს იგიცა და განვლეს კარი დარუბანდისა, რამეთუ თვთ გზა-სცეს დარუბანდელთა, და შევიდეს ოვსეთს გამარჯუებულნი.

მასვე ჟამსა გამოვიდეს ბერძენნი აფხაზეთით, რამეთუ ბერძენთა ჰქონდა ეგრისწყალს ქუემოთი კერძი ყოველი, და დაიპყრეს ეგრისწყლითგან ვიდრე ციხე-გოჯადმდე. მაშინ იქმნა გლოვა და წუხილი ყოველთა ზედა ქართველთა და იტყოდეს: „განვამრავლეთ ცოდვა ღმრთისა მიმართ, და არა კეთილად ვიპყართ სჯული ქრისტესი და წესი იოვანეს მცნებისა. სამართლიანად მოაწია ღმერთმან ჩუენ ზედა ესე რისხვა, რამეთუ მიგჟცნა ჩუენ წარტყუენვად უცხოთა ნათესაეთა, და მიგვლო ჩუენ საზღვარი ბერძენთაგან, ვითარცა მიულო ვარაზ-ბაქარს მეფესა კლარჯეთი. და იგი ცოდვითა ვარაზ-ბაქარისითა მოაწია, რამეთუ ვერ კეთილად ეპყრა სჯული ქრისტესი. ხოლო ესე არა მეფეთა ჩუენთა ცოდვისაგან იქმნა, არამედ ერისა ცოდვათაგან. აწ მეფე ჩუენი ყრმა არს, და არა გვვისჩუენ წინამძღუარი, რომელიმცა სასოებითა ქრისტესითა და წინამძღუარებითა ჟუარისათა წარგვძლუა ჩუენ. და ვიძიოთ ჩუენ შური პირველ ოვსთა ზედა, და შემდგომცა ვძებნეთ საზღვარი ქართლისა ბერძენთაგან“. ამას იტყოდეს ყოველნი ქართველნი და იყვნეს მწუხარებასა შინა დიდსა.

მაშინ ვახტანგ იზარდებოდა და ისწავლიდა მიქაელ ეპისკოპოსისაგან ყოველსა მცნებასა უფლისასა, და სიყრმისავე დღეთა შეიყუარა სჯული ქრისტესი უფროს ყოველთა მეფეთა ქართლისათა. და მწუხარე იყო იგი ამისთვის, რამეთუ შემორეოდა ქართლს ცეცხლისმსახურება ტყუეობისა და საზღვართა მიხუმისაგან. და უმეტეს იურვოდა სჯულისათუს გონებასა შინა, არამედ მძლავრებისაგან სპარსთასა ვერ იკადრებდა გამოცხადებად.

მაშინ ვითარ იქმნა ვახტანგ წლისა თხუთმეტისა, მოუწოდა ყოველთა წარჩინებულთა ქართლისათა, და შემოიკრიბნა ყოველნი ქალაქად. და განმზადა მეფემან სახლი ერთი და დაჯდა საყდართა ზედა მაღალთა, ხოლო ჟუანშერ სპასპეტი და ორნივე ეპისკოპოსნი დასხდეს საყდართავე, და სხუანი ყოველნი ერისთავნი დასხდეს სელებითა, და ათასისთავნი და ასისთავნი და ყოველი ერი წარმოდგეს ზე.

მაშინ მეფემან, ვითარცა მოხუცებულმან და ბრძენმან და ვითარცა აღზრდილმან ფილოსოფოსთა თანა, იწყო ზრახვად ვითა მალღითა და თქუა: „მეფეთა და ერთა ზედა მოიწევის განსაცდელი და ჭირი ღმრთისა მიერ ცოდვათა მათთაგან: ოდეს მორწმუნეთა აკლონ მსახურება ღმრთისა და გარდაჰქდენ მცნებასა, მოაწვეს ჭირთა ესევეითართა ზედა, რომელი აწ ესე მოიწია ჩუენ ზედა, ვითარცა რა მამა კეთილი წურთინ შვილსა კეთილად კეთილთა ზედა საქმეთა. და უკუეთუ არა კეთილად აღასრულებდეს სწავლასა მამისა თვისისასა, გუემს მამა იგი გუემითა და სწავლითა, რათა ისწავოს ყოველი კეთილი და იქმნას საჯმარ კეთილისა. ეგრეთვე გუწუართნა ჩუენ ღმერთმან, და მბადებელმან ცისა და ქუეყანისამან. ამისთვის გვკმს ჩუენ, რათა ვმადლობდეთ მოწყალებათა მისთა“. მაშინ ყოველთა მისცეს მადლი ღმერთსა.

კჳალად იწყო ზრახვად მეფემან ვახტანგ და თქუა ყოველთა წარჩინებულთა: „ისმინეთ ვმისა ჩემისა; და ღაცათუ ყრმა ვარ და არა გინახავს ჩემგან კეთილი, მამათა კჳლა ჩემთაგან გინახვან დიდნი კეთილნი და დიდებანი თქუენ, რომელნი დაღვინებულ ხართ მთავრობასა ზედა. აწ უკუეთუ გუაცოცხლებს ღმერთი, მოგხუდენ კეთილნი და დიდებანი, რომელნი არა გეხილნეს მამათა ჩემთაგან. აწ რომელსა გეტყვ თქუენ, და ღაცათუ ჩემ ზედა და თქუენ ზედა სწორად მოწევენულ არს განსაც-

დელი ესე, არამედ ესრეთ იპყართ, ვითარმცა არა მოწევნულ არს თქუენ ზედა, არამედ ჩემ ზედა ოდენ. და არა იყოს გულსა ჩემსა სიტყუა, თუ რომელ მოიწივნეს მათ ზედა განსაცდელნი, თვისისა შურის-გებისათჳს ჰყოფენ ამას. არამედ ყოველნი ჩემდა სამსახურებელად დავითუალო, ყოვლისათჳს კეთილი მოგაგო. და არა დავითმინო კიცხევა ოვსთა, არამედ სასოებთა და მინდობითა ღმრთისათა, სამებისა ერთარსებობა დაუსაბამოსათა, და წარძღუანებითა ჯუარისა მის პატიოსნისათა, რომელი მოცემულ არს წინამძღურად და საჭურველად გულითა მოსაგთა მისთა, ვიძიოთ შური ოვსთა ზედა. უკეთუმცა წარგუკიდებოდა ესე სპარსთა მეფეთაგან, ანუ ბერძენთა მეფისაგან, მო-მცა-ვითმინეთ. არამედ რა მოწევნულ არს ჩუენ ზედა ოვსთა კიცხთაგან, არა ჯამს დათმენა: სიკუდილი სჯობს თავთა ჩუენთათჳს.

მაშინ აღდგა ჯუანშერ სპასპეტი და თქუა: „ცხოვნი, მეფეო, უკუნი სამდე დიდებით და მტერთა შენთა ზედა ნება-აღსრულებით. ჰეშმარიტი ბრძანე, ცოდვათა ჩუენთა მიერ მოიწია განსაცდელი ესე ჩუენ ზედა, და სამართლად დაგუსაჯნა ღმერთმან: რამეთუ განვაპრავლეთ ცოდვა წინაშე მისსა. და გვლირს მადლობა ღმრთისა მიმართ: რამეთუ დიდსა პატიყსა ღირს ვიყვენით და არა ეზომსა, რომელ მოიწია ჩუენ ზედა; არამედ მრავალმოწყალემან არა შეცოდებათა ჩუენთა ოდენი პატიჲი მოგუაგო, და ამით კინიითა პატიჲითა გუწუართნა. და ჩუენ, მკვდრთა ქართლისათა, ამისთჳს დიდი მადლობა გვლირს ღმრთისა მიმართ. რამეთუ შენ, უმჯობესი ყოველთა მეფეთა ქართლისათა და მამათა შენთა უფროსი, ყოვლითავე სრული, მსგავსი ნებროთ გმირისა, გამოგაჩინა წინამძღურად ჩუენდა და მოცემულ ხარ ღმრთისა მიერ განმაქარვებელად ჰირთა ჩუენთა, ძუელთა და ახალთა. და უკუეთუ ცოდვანი ჩუენნი არა დასძლევენ, შენ მიერ მოველით განქარვებასა ყოველთა ჰირთა ჩუენთასა და უმეტეს წარმატებასა საზღვართა ჩუენთასა ყოვლისა ეამისასა, რამეთუ არავინ ყოფილ არს მამათა ჩუენთაგანი მსგავს შენდა. ცხოვნი, მეფეო, უკუნი სამდე, რათგან მოწევნულ არს ოვსთაგან ზუთსა ამას წელსა შინა, ყოფილ ვართ ჩუენ მწუხარებასა შინა დიდსა, ამისთჳს რამეთუ ყრმა იყავ, და არა ძალ-გედვა მკვდრობა და წყობათა წინამძღურობა, და არცა შინა მეფობისა განგება. აწ, მეფეო, და-

დაცათუ სრულ ხარ სიბრძნითა და ძალითა, სიმკნითა და მკვდრობისათჳს. ხოლო გზედავ სიბრძნესა შენსა: დაღაცათუ ყრმა ხარ, არამედ ძალი- გიც განგება მეფობისა, ხოლო კედრობისა და წყობათა წი- ნაგანწყობისა შენისა არა არს ჟამი. ესე არს განზრახვა ჩემი, რათა სიბრძნითა შენითა და კითხვითა დედისა შენისათა გა- მოარჩიე ერთი ვინ ჩუენგანი წინამძღურად სპისა ჩუენისა, და მიგუტენ ჩუენ ყოველნი მას, და ვიყვნეთ მორჩილ ვითარცა მამისა შენისა, და ძალითა სამებისა, ღმრთისა ერთარსებისათა, წარვიდეთ და ვიძიოთ შური. ხოლო შენ იყავ შინა და განა- გებდი მეფობასა. უკუეთუ ცოდვათა ჩუენთაგან ვიძლივნეთ ოვსთაგან, მეფობა შენი უენებელად დარჩეს; ხოლო უკუეთუ კუალად თავითა შენითა ცოდვათა ჩუენთაგან იძლიო, სრული- ად წარწყმდეს ქუეყანა ჩუენი, რამეთუ ნაცვალი შენი არა არს ქუეყანასა ზედა“. ესე თქუა ჯუანშერ სპასპეტმან და და- ემოწმეს ყოველნი წარჩინებულნი და ერისთავნი ზრახვასა მისსა.

მაშინ თქუა მეფემან: „ვითარ ხუდების სრულსა სიბრძნესა და ერთგულობასა შენსა, ეგრეთ წარმოსთქუ ყოველი, ჯუან- შერ, ხოლო მე არა ვარ მორჩილ ზრახვისა მაგის შენისა, რამე- თუ, რათგან მოწვეულ არს განსაცდელი იგი ჩუენ ზედა, ყო- ველნი დღენი ცხოვრებისა ჩემისანი მწუხარებასა შინა დამი- ყოფიან, ვითარცა მყოფსა ბნელსა შინა. და სიბრალული დისა ჩემისა განლევს გულსა ჩემსა ვითარცა მახული ცეცხლისა, და სიკუდილი მირჩევნია თავისა ჩემისა, ვიდრეღა სიცოცხლესა. არამედ მინდობითა ღმრთისათა და წინამძღურობითა ჯუარისა მის პატრონისათა თავითა ჩემითა წარვალ, და ვესავ მრავალ- მოწყალებათა მისთა, — არა გამწიროს და მომცეს ძლევა“.

მაშინ ვითარ ვერღარა დაუშლიდეს, მიემოწმნეს ყოველნი იგი წარჩინებულნი და თქუეს: „ცხოვნი, მეფეო, უკუნისამ- დე! იქმნეს განზრახვა შენი, ღმერთმან დამბადებელმან მოავ- ლინენ ანგელოზი მისი ძალად შენდა, და დასცენ ყოველნი მტერნი შენნი, დაამტკიცენ მეფობა შენი“.

და დამტკიცეს ლაშქრობა ოვსეთისა, და განიყარნეს ყო- ველნი სახლად თჳსად კაზმად. ხოლო ვახტანგ მეფემან წარავ- ლინა მოციქული წინაშე დედისძმისა მისისა ვარაზ-ბაკურისა,

რანისა ერისთვისა: აუწყა ლაშქრობა ოვსეთისა და ითხოვა მისგან შეწევნა. ხოლო მან სიხარულით აღუთქვა, რამეთუ ქუეყანა მისიცა ტყუე-ქმნილ იყო ოვსთაგან. ხოლო ვახტანგ მოუწოდა ყოველთა სპათა ქართლისათა; და შემოკრბეს ყოველნი და დაიბანაკეს მუხნარს და ხერკს, ამიერ და იმიერ არაგუსა; და იყო ასი ათასი მკედლარი და სამოცი ათასი ქუეითი, და გამოვზავენა ვარაზ-ბაკურ სპანი თვსნი თორმეტი ათასი მკედლარი. და ვახტანგ მეფე განვიდა ქალაქით მცხეთით, და განასრულნა სპანი თვსნი და განახნა: მოეწონნეს სიმრავლითა, ცხენკეთილობითა და მოკაზმულობითა, და იხილნა ყოველნი იგი მხიარულად და აზარვით, რამეთუ სავსენი იყვნეს შურითა ოვსთათა. აღივსო სიხარულითა და მადლობდა ღმერთსა. შემოვიდა ქალაქად, და აღასრულა შუდეული ერთი ლოცვითა, და მარხვითა; და ღამის-თევითა; და განუყო ხუასტაგი დიდძალი გლახაკთა. და დაუტევნა განმგებელად სამეფოსა თვსისა დედა მისი საგდუხტ და დამ მისი ხუარამზე, და დაწერა ანდერძი ესრეთ: „უკუეთუ არღარა შემოვიქცე ცოცხალი, დამ ჩემი ხუარამზე შეირთოს მირიან, რომელი ეყვოდა ვახტანგს მამის ძმისწულად, ნათესავისაგან რევისა, მირიანის ძისა, რომელი სიძე იყო თრდატ სომეხთა მეფისა, მან შეირთოს დამ ჩემი, და მან იპყრას მეფობა“. და ესე დაწერილი დედასა მისსა მისცა, და სხუასა არავის აუწყა. და იგი მირიან, მამის-ძმისწული მისი, დაუტევა მცხეთას.

წარვიდა ვახტანგ და დადგა თიანეთს. და მუნ მიერთნეს ყოველნი მეფენი კავკასიანნი ორმოცდაათი ათასი მკედლარი. და წარემართა სახელსა ზედა ღმრთისასა, განვლო კარი დარიალანისა. შესლვასა მისსა ოვსეთად იყო ვახტანგ წლისა თექუსმეტისა.

მაშინ მეფეთა ოვსეთისათა შეკრიბნეს სპანი მათნი და მოირთეს ძალი ზაზარეთით, და მოეგებნეს მდინარესა ზედა, რომელი განვლის დარიალანსა და ჩავლის ველსა ოვსეთისასა. და მასცა მდინარესა არავუ ჰქუან, რამეთუ ერთის მთისაგან გამოვალს თავი ორთავე: ქართლისა არავუსა და ოვსეთისა არავუსა.

და დაიბანაკეს ორთავე სპათა ამიერ და იმიერ, რამეთუ მდინარისა მის პირსა ორგნითვე ქარაფნი იყვნეს კლდისანი, ქალაკნი და ველოვანნი პირთა მდინარისათა. და განეკრძალნეს ერთმანეთისაგან, და დაიცივნეს გზანი ქარაფთანი, და დად-

გეს ეგრეთ შუდ დღე. ამას შვდსა დღესა ბრძოლა იყო ბუმბუკისა რაზთა მდინარესა მას ზედა. მაშინ ოვსთა რომელ ჰყვეს ნიჯადნი ხაზართანი, მათ თანა ერთო კაცი ერთი გოლიათი, სახელით თარჯან. გამოვიდა ესე თარჯან ხაზარი, და ვმა-ყო კმითა მალლითა, და თქუა: „გეტყვ თქუენ, ყოველთა სპათა ვახტანგისთა, ვინცა არს თქუენ შორის უძლიერესი, გამოვიდეს ბრძოლად ჩემდა“.

ხოლო ვახტანგ მეფესა რომელ ყვეს სპანი სპარსთა ნიჯადნი. მათ თანა ერთო კაცი ერთი, რომელსა ერქუა ფარსმან-ფარუხ: ამისდა ვერვის დაედგნეს ბრძოლასა შინა, რამეთუ მრავალი ლომი ჯელითა შეეპყრა. ესე განვიდა ბრძოლად თარჯანისად. და აღიზახნეს ორთავე, და მიეტევნეს ურთიერთას. და პირველსავე შეკრებასა უხეთქნა ვრმალი ფარსმან-ფარუხსა ჩაბალახსა ზედა, და განუპო თავი ვიდრე ბექთამდე. მაშინ დაჰმუნდა ვახტანგ და სპანი მისნი, რამეთუ არავინ დარჩა მათ შორის მსგავსი ფარსმან-ფარუხისი. შეძრწუნდეს ყოველნი იგი სპანი, და აღივსნეს მწუხარებითა.

და დაღამდა დღე იგი, და ვახტანგ შევიდა კარვად თვსად. და დადგა ლოცვად, და ცრემლითა ევედრებოდა ღმერთსა, და ვიდრე განთენებამდე არა დაჯდა ქუე ლოცვისაგან: ითხოვდა ღმრთისაგან შეწევნასა. და მინდობითა ღმრთისათა ეგულეზოდა თვთბრძოლა თარჯანისი, რამეთუ უშიშ იყო ვითარცა უჯორცო, და იმედი ჰქონდა ღმრთისაგან და ძალისა თვისისაგან.

ვითარ განთენა, კუალად შთამოვიდა თარჯან კიდესა მდინარისასა, აყუედრებდა კუალად, და ითხოვდა მუქარასა, და არავინ იპოვა სპათა შორის ვახტანგისთა მბრძოლი მისი.

მაშინ ვახტანგ რქუა სპათა თვსთა: „არა მინდობილ ვარ მე ძალისა ჩემისად და სიმცნისა ჩემისად, არამედ მინდობითა ღმრთისა დაუსაბამოსათა, სამებისა ერთარსებისა ყოველისა დამბადებელისათა განვალ თვთ ბრძოლად თარჯანისა“. მაშინ განკვრდეს წარჩინებულნი იგი, აყენებდეს ვახტანგს და მრავალღონედ ზრახვიდეს, რათამცა დააყენეს ბრძოლისაგან. რამეთუ ყრმა იყო ვახტანგ, და არა იცოდეს გამოცდილება მისი.

არა ერჩდა ვახტანგ, არამედ დაამტკიცა ბრძოლა მისი. გარდაჯდა ცხენისაგან და დავარდა ქუეყანასა ზედა, თაყუანისცა ღმერთსა, აღიპყრნა ჯელნი თვსნი და თქუა: „ჰე, უფალო, დამბადებელო ყოველისაო და შემმატებელო კეთილთაო, აღ-

მამაღლებელი მოსავთა შენთაო! შენ იყავ მწე ჩემდა. მამაღ-
ლინე ანგელოზი შენი ძალად ჩემდა, და დაეც უსჯულო ისი,
და არცხენე მგმობართა შენთა, რამეთუ არა ძალისა ჩემისად
მინდობილი ვარ, არამედ მოწყალებისა შენისად“. მოიქცა ვახ-
ტანგ და აღჯდა ტაიქსა თვისსა, და რქუა სპათა თვისთა: „ევედ-
რებოდით ღმერთსა და ნუ შეძრწუნდებით“. წარვიდა ვახ-
ტანგ, და დადგეს სპანი მისნი ზურგიით მისსა; შეძრწუნებულ-
ნი და სავსენი მწუხარებითა თვს-თვისსა სჯულსა ზედა ევედრე-
ბოდეს ღმერთსა.

მაშინ ვახტანგ ჩავლო გუერდი და შთადგა მდინარისა პირ-
სა; აქუნდეს ჳელთა ოროლნი. მოხედნა თარჯან და რქუა: „მე
გოლიათთა და გმირთა გამოცდილთა მბრძოლი ვარ, არა ყმა-
წურილთა, გარნა შენ ზედაცა დავიმდაბლო თავი ჩემი“. აღი-
ზახნეს და მიეტევენეს ურთიერთას, და პირველსავე შეკრებასა
სცნა ვახტანგ ოროლნი სარტყელსა ზედა; და ვერ უფარა სი-
მაგრემან საქურველისამან, და განვლო ზურგიით და მოკლა.

ხოლო ქართველთა ნუგეშინის-ცემულთა და სავსეთა სიხა-
რულითა აღიზახნეს ჳმითა საშინელითა, და შეწირეს მადლო-
ბა ღმერთისა მიმართ. ხოლო ვახტანგ მასვე ადვილსა გარდაჯდა
ცხენისაგან, და დავარდა მიწასა ზედა, თაყუანი-სცა ღმერთსა
და თქუა: „კურთხეულ ხარ შენ, უფალო, რომელმან მოავლი-
ნე ანგელოზი შენი და დაეც მტერი ჩემი; შენ ხარ აღმამაღლე-
ბელი მოსავთა შენთა; შენ ხარ, რომელმან აღადგინი ქუეყანი-
საგან გლახაკი და სკორეთაგან აღამალლი დავრდომილი“. მოჰ-
კუეთა თავი თარჯანს, აღჯდა და წარვიდა ლაშქართა თვისთა
თანა. და ყოველთა მათ სპათა ჳმითა აღწეენულითა შეასხეს
ქება ვახტანგს და მადლობდეს ღმერთსა.

და მეორესა დღესა სხუა გამოვიდა ბუმბერაზი ოვსთაგან,
რომელსა ერქუა ზაყათარ. იგი იყო გოლიათი; და რაჲთგან
დაეწყო მკედრობად, ვერვის დაედგნეს მისთვის ბრძოლასა ში-
ნა. და მოესრა ყოველი მბრძოლი მისი: რამეთუ იყო სიგრძე
მშულდინა მისისა თორმეტი მტკაველი და ისარი მისი ექუსი
მტკაველი. მოდგა ესე ზაყათარ პირსა მდინარისასა და ჳმა-
ყო ჳმითა მადლითა და თქუა: „ვახტანგ მეფეო, ნუ განლალ-
ნები შენ მოკლვისათვს თარჯანისა: არა ერთო იგი გოლიათთა
და ამისთვის მოიკლა იგი ყმაწურილისა მიერ. აწ უკუეთუ შენვე
გამოხუდე მბრძოლად ჩემდა, მოგხუდენ ჩემგან ბრძოლანი

ფიცხელნი, რომელთაგან ვერღარა განერე, თუ არა, ვინცა სპა-
თა შენთაგანი გამოვიდეს, მისთვისცა მზა ვარ“.

მაშინ პასუხ-უყო ვახტანგ ბაყათარს და რქუა: „არა ძალი-
თა ჩემითა ვსძლე თარგანს, არამედ ძალითა დამბადებელისა
ჩემისათა. და არა მეშინის მე შენგან, ვითარცა ძაღლისა ერ-
თისაგან, რამეთუ ძალი ქრისტესი ჩემ თანა, და ჯუარი მისი
პატიოსანი საჭურველ ჩემდა“. და განაწესნა ვახტანგ სპანი და
დაადგინა განმზადებულად; და აღჯდა ტაიჭსა შეჭურვილსა
ჯაფშინთა, და აღიღო ფარი მისი ვიგრის ტყავისა, რომელსა
ვერ ჰკუთუნდა მახული, და ჩავლო გუერდი, და მიდგა მახლო-
ბელად მდინარისა. კმა-უყო ბაყათარს და რქუა: „არა გამო-
ვალ მე მდინარესა, რამეთუ მეფე ვარ; არა მივეახლები მე
სპათა ოსეთისასა, რამეთუ წარწყმედითა ჩემითა წარწყმდე-
ბის სპა ჩემი ყოველი. ხოლო შენ მონა, ხარ, და წარწყმედითა
შენითა არა ეგნების სპათა ოსეთისათა, ვითარცა ძაღლისა
ერთისათა. გამოვედ მდინარესა ჩემ კერძო“. მაშინ ბაყათარ
ოვსმან აღასრულა სიტყუა მისი და რქუა: „მე, მომკლველმან
შენმან, გამოვლო მდინარე, არამედ პირისაგან მდინარისა უკუ-
დგე სამ უტევან“.

მაშინ ვახტანგ უკუდგა. გამოვლო მდინარე ბაყათარ, და
უწყო სროლად ისრითა. მაშინ ვახტანგ სიფიცხლითა თულთა-
თა, და სიმახულითა გონებისათა, და სიკისკასითა ტაიჭისა მი-
სისათა ირიდებდა ისარსა: რამეთუ შორსვე იხილის ისარი მო-
მავალი, და უხლდებოდა და სიმარჯვთ მიეახლებოდა. ამიერ
და იმიერ სპათაგან იყო ცემა ბუკებისა და დაბდაბთა. და იზახ-
დეს ჳმითა აღწევნულითა სპანი ორნივე, ქართველნი და ოვს-
ნი, რომლითა იძრვოდეს მთანი და ბორცუნნი. და ვერა ჰკრა
ისარი, ორისა ისრისაგან მეტი, ბაყათარ ფარსა ვახტანგისსა,
და ვერ ჰკუთუნა ყოვლად. და კულად ჰკრა სხუა ისარი ცხენ-
სა ვახტანგისსა, და გააგდო შიგა. და ვიდრე დაეცემოდა ცხე-
ნი ვახტანგისი, მიუჯდა ზედა და უხეთქნა ვრმალი მვარსა ბა-
ყათარისსა, და ჩაჰკუთუნა ვიდრე გულამდე.

მაშინლა დაეცა ცხენი ვახტანგისი, სწრაფით მიჰყო კელი
და შეიპყრა ცხენი ბაყათარისი. და პირველ დავარდა ქუეყა-
ნისა ზედა, და თაყუანი-სცა ღმერთსა, და შეწირა მადლობა
უმეტეს პირველისა. აღჯდა ცხენსა ბაყათარისსა, და მოდგა
მახლობელად სპათა თვსთა, და რქუა ჳმითა მადლითა: „მვენ

იყვენით და განძლიერდით, რამეთუ ღმერთი ჩუენ კერძო არს¹⁰.
ხოლო სპანი იგი წარემართნეს განაზადებულნი, ცხენ-
თორნოსასანი და ჯაჭუჩაბალახოსანნი, წინა კერძო და მათ უკა-
ნა ქუეითნი, და ქუეითთა უკანა სიმრავლე მკედართა, და ეს-
რეთ მიმართეს ოვსთა. ხოლო ოვსნი წარმოადგეს ქარაფსა ზე-
და და დაასხეს ისარი, ვითარცა წუშა მძლავრი.

მაშინ ვახტანგ მეფე მოქცეულ იყო სპასა მისსა ზურგით
რჩეულითა მკედრითა, უზახებდა და განაძლიერებდა და ნუ-
გეშინი-სცემდა სპათა მისთა. მაშინ წინა ცხენთორნოსანთა აღ-
ვლეს გზა ქარაფისა, აღდგეს ვაკესა, და აღუდგეს უკანა ქუე-
ითნი და შემდგომად სიმრავლე მკედართა. და იქმნა ბრძოლა
ძლიერი მათ შორის. ხოლო ვახტანგ უკუეთუ მარჯუენით კერ-
ძო იბრძოდის, მარცხენით კერძო ძრწოდინან; და უკუეთუ მარ-
ცხენით კერძო იბრძოდის, მარჯუენით კერძო ძრწოდინან. და
ეგოდენსა სიმრავლესა სპათასა იცნობებოდა კმა ვახტანგისი,
ვითარცა ლომისა; და თანა-ჰყვებოდეს მას ორნი მკედარნი:
არტავაზ ძუძუმტე, ძე საურმაგ სპასპეტისა, და ბივრიტიან-
სეფეწული. და იგინიცა იბრძოდეს მკნედ.

მაშინ იძლიენეს ოვსნი და იელტოდა ბანაკი მათი. მოისრ-
ნეს და ტყუე იქმნნეს, ხოლო უმრავლესი მეოტი ოვსთა მათ-
განი ცოცხალი შეიპყრეს უკმოვსნისათჳს ტყუეთასა, რომელნი
წარტყუენულ იყვნეს პირველ ოვსთაგან ქართველნი. ვითარ
უკმოიქცეს დევნისაგან, და დაიბანაკეს ბანაკსავე თჳსსა: სამ
დღე განისუენეს და შეწირეს მადლობა ღმერთისა მიმართ. და
მერმე განიბნიენეს ტყუენვად ოვსეთისა, შემუსრნეს ქალაქნი
მათნი და აღიღეს ტყუე და ნატყუენავი ურიცხვ.

და განვიდეს პაჭანიკეთს, რამეთუ მაშინ მუნ იყო პაჭანი-
კეთი მოსაზღვრედ ოვსეთისა, მდინარესა მას ოვსეთისასა წი-
ალ, და ჯიქეთი მუნვე იყო. შემდგომად ჟამთა მრავალთა იოტ-
ნეს პაჭანიკნი და ჯიქნი თურქთაგან; და წარვიდეს პაჭანიკნი
დასავლით კერძო. ხოლო ჯიქნი დაემკვდრეს ბოლოსა აფხაზე-
თისასა. და მოტყუენა ვახტანგ პაჭანიკეთი და ჯიქეთი, და შე-
იქცა, და მოადგა ოვსეთსავე. და მეფენი ოვსთანი შევლტოლ-
ვილ იყვნეს სიმაგრეთა კავკასისათა. აღდგეს მათ შორის მოცი-
ქულნი, და დაიზავენეს. და ითხოვეს ვახტანგისგან ოვსთა ნაც-
ვლად დისა მისისა ოცდაათი ათასი ტყუე ოვსეთისა, ყოველ¹¹
უკეთესი, რომელი სახელდებით თქუეს ოვსთა. და მისცა ვახ-



ტანგ ოცდაათი ათასი ტყუე დისა მისისათუნ, და ესე მთავრისაა
 ხოლო ტყუენი ქართველნი რომელ ჰყვეს ოვსთა ექუსსა
 მას წელსა, იგი ყოველნი უკმოიკსნა თუთო თუთოსათეს, და
 აღიღო მძევალი ოვსთაგან და მძევლისათუნ მისცა სხუა ტყუე
 ოცდაათი ათასი, და რომელი უკმოიკსნა ტყუე ქართლისა,
 რიცხვთ სამასორმოცდაათი ათასი, და რომელ დარჩა ტყუე
 ოვსი ამათ განტეობილთაგან კიდე თუალვით ექუსსასორმოც-
 დაათი ათასი თუნიერ ბაჭანიკთა და ჯიქთასა. და ესე ყოველი
 აღესრულა ოთხ თუე.

მაშინ მეფემან განუტევენა ნიჯადნი იგი სპარსთანი და მე-
 ფენი კავკასიანთანი ნიჭითა დიდითა, წარმოგზავნა დაი მისი
 მირანდუხტ და ტყუე იგი ყოველი გზასა დარიალისასა, და თუთ
 სპითა დიდითა ქართლისათა წარმოვიდა გზასა აფხაზეთისასა.
 სულგრძელად და უშიშად იწყო ბრძოლად ციხეთა აფხაზეთი-
 სათა. რამეთუ მეფე ბერძენთა ლეონ დიდი უცალო იყო ბრძო-
 ლისაგან სპარსთასა, და ვერშემძლებელ იყო სპათა გამოგზავ-
 ნად აფხაზეთს; და სამ წელ წარტყუენსა ყოველნი ციხენი აფ-
 ხაზეთისანი ვიდრე ციხე-გოჯამდე. და მოვიდა სახლსა მისსა,
 ქალაქსა სამეუფოსა მცხეთას. გაეგება წინა დედამისი, და და-
 ნი მისნი, და სიმრავლე ქალაქისა მამათა და დედათა მიუფენ-
 დეს საჯელთა და სამოსელთა მათთა ფერკთა ქუეშე მისთა. და
 აყრიდეს თავსა დრამასა და დრაჰკანსა, და აღწეენულითა კმი-
 თა შეასხმიდეს ქებას; რამეთუ არარომელსა მეფესა ექმნა ეგე-
 ვითარი ძლიერი წყობა.

მაშინ ვახტანგ მეფემან შეწირა მადლობა ღმრთისა მიმართ
 მრავლითა ლოცვითა და ღამის-თევეითა, და გლახაკთა მიცემი-
 თა, და გასცა ნიჭი ერსა თუსსა, და წარჩინებულ ქმნა მკე-
 დარნი, მსახურნი მკნედ და გამოცდილნი წყობასა მას შინა
 ოვსთასა. და წარსცა ძღუენი ნატყუენავისა მისგან დედისძმი-
 სა მისისა თანა ვარაზ-ბაკურისა: მონა ათასი, ცხენი საჯედარი
 ათასი, ჯდალი ცხენი ათასი. და კუალად წარსცა წინაშე სპარს-
 თა მეფისა მონა ათი ათასი, ცხენი საჯედარი ათი ათასი, ცხენი
 ჯდალი ათი ათასი, ესე ყოველი მიუძღუანა სპარსთა მეფესა ჯე-
 ლითა ბინქარან ეპისკოპოსისათა, და ითხოვა სპარსთა მეფისა-
 გან ასული ცოლად; ხოლო სპარსთა მეფემან მოსცა ასული
 მისი ცოლად, რომელსა ერქუა ბალენდუხტ. და მოსცა სომხი-
 თი და ყოველნი მეფენი კავკასიანნი ზითვად და მისწერა მის

თანა წიგნი, რომელსა პატრუცავსა წერილ იყო ესრეთ: „ურ-მისდისგან, ყოველთა მეფეთა მეფისა, ვახტანგის მიმართ, ვარან-ხუასრო-თანგისა, ათთა მეფეთა მეფისა ახოვანისა“. და მოუწერა მან ბრძოლა კეისრისა, რამეთუ კეისარი განსრულ იყო ბრძოლად სპარსთა.

მაშინ ვახტანგ აუწყა ყოველთა სპათა მისთა და ყოველთა მეფეთა კავკასიისათა. შემოკრბეს და დადგეს მტკუარსა იმიერ და ამიერ, ვითარ ორასი ათასი. და მოერთო ვარაზ-ბაკურ, დედისძმა მისი, ერისთავი რანისა, ბრძანებითა სპარსთა მეფისათა, სპითა ადარბადაგანისათა, რანისა და მოვაკანისათა, ვითარ ორას ათასითა მკედრითა.

მას ჟამსა იყო ვახტანგ წლისა ოცდარობისა; და იყო იგი უმაღლეს კაცთა მის ჟამისათა, და უშუენიერეს სახითა და ძლიერი ძალითა, რომელ ჭურვილი ქუებითი ირემსა მიეწიის, უპყრის რქა და დაიჭირის, და ცხენი ჭურვილი აღიღის მგართა ზედა და მცხებით აღვიღის ციხესა არმაზისასა. და მარტო იყო იგი ძე მამისა მისისა, და ერთი დაჲ მისი ხუარამზეცა იყო ძლიერი და შუენიერი. და ნათესავისაგან მირიან მეფისა მორწმუნისა ვახტანგ და დანი მისნი დარჩომილ იყვნეს: იგინი იყვნეს ნათესავნი ბაქარ მირიანის ძისა.

ხოლო მირიან და გრიგოლ იყვნეს ნათესავისაგან რევისა, მირიანისვე ძისა, და აქუნდა მათ კუხეთი, და ცხოვრდებოდეს რუსთავს ციხე-ქალაქსა. რამეთუ შემცირებულ იყვნეს ურთიერთსა კლვითა.

მირიან მეფისითგან ვიდრე ვახტანგ მეფისამდე გარდაცვალეზულ იყო ნათესავი რვა და მეფენი ათნი, და წელიწადი ასორმოცდაჩუდმეტი, ხოლო ეპისკოპოსნი წესსა ზედა ჭეშმარიტსა გარდაცვალეზულნი რვანი, ხოლო სხუანი შემშლელნი წესისანი.

წარემართა ვახტანგ შესლვად საბერძნეთად. და მიიწივნეს სომხითს, და მოერთნეს პეროჟა-კაფას, სადა-იგი ციხე აეგო ბირველქსენებულსა ფეროზს, ერისთავნი სომხითისანი: სიენელი არევ, ასფურაგნელი ჟუანშერ, ტაროვნელი ამაზასპ გრიგოლის შენებულისა ქალაქისაგან, თრდატ ნათესავისაგან დიდისა თრდატისა. და მოადგეს ციხე-ქალაქსა, რომელსა ერქუა კარახპოლა, ხოლო აწ ეწოდებინ კარნუ-ქალაქი. და ბრძოდეს მას, ხოლო ვერ შეუძლეს დაპყრობად, რამეთუ იყო იგი ზღუ-

დითა მალლითა სამითა. და დაუტევენს ორნი ერისთავნი ერთითა თორმეტი ათასითა ბრძოლად ქალაქისად.

წარვიდა ვახტანგ პონტოს და მოაოგრნა გზასა ქალაქნი სამნი: ანძორეთი, ეკლეცი და სტერი. და მოადგეს ლაშქარნი პონტოსა ქალაქსა დიდსა ზღუსკიდესა; და ბრძოდეს სამ თუე, და მიუწია ლაშქარმან ვიდრე ქალაქისა მის კოსტანტინისა. ხოლო სპარსნი რომელთა ჰპოვებდეს ეკლესიისა მსახურთა, დაჰკლვიდეს; ხოლო ვახტანგ მეფემან ამცნო სპათა სომხითისათა და ყოველთა სპარსთა, რათა არავის ჰკლვიდენ მოწესეთაგანსა, არამედ ტყუე ჰყოფდენ, და რქუა მათ:

„მამისმამა ჩემი მირიან ოდეს შემოჰყუა მეფესა სპარსთასა, ძმისწულსა თუსსა, ბრძოლად ბერძენთა ზედა, ესევეთარსა უყოფდეს მოწესეთა და ეკლესიისა მსახურთა, და იძლიენს ძლევითა ბოროტითა ურიცხუნნი სპანი მცირეთა ლაშქართაგან. მიერთვან მიიღეს საზღვარი ესე ბერძენთა ჩუენ, ქართველთაგან, აღმოსავალით ზღუსა ამის. ხოლო წყობა პირველთა მეფეთა იყო ანძიანძორს, სადა უკუე აწ არს საფლავი დიდისა მოძღურისა გრიგოლისი, და მუნით იოტნეს მეფენი ჩუენნი. ხოლო ჩუენ ათისა დღისა სავალი ჩამოგვვლია, ჩრდილოთ მოქცეულ ვართ. და ჩვენცა ვართ სჯულსა ზედა ბერძენთასა აღმსარებელ ქრისტესა, რომელ არს ღმერთი ჭეშმარიტი ყოველთა.

„ანუ არა გასმიანა სასწაულნი, რომელნი იქმნეს კოსტანტინეს ზე მეფისა წარძღუანებითა ჯუარისათა, ანუ რომელნი ქუეყანასა ბერძენთასა იქმნეს სასწაულნი ივლიანეს ზე მეკერპისა მეფისა? — ვითარ იგი ისარმან ზეცისამან მოკლა, და შეკრბეს სპანი ბერძენთანი და ივბიმიანოს აჩინეს მეფედ, ხოლო მან არა თავს-იდგა ვიდრემდის არა დამუსრნეს კერპნი და აღმართნეს ჯუარნი, და მას ზედა დაარქუეს გვრგვნი მეფისა; ხოლო ანგელოზმან უფლისამან აღილო გვრგვნი და დაადგა თავსა ივბიმიანოსსა, ჭეშმარიტსა მეფესა. და ემა იყო ზეცით, რომელი ეტყოდა სპარსთა მეფესა ხუასროთანგსა: «დაეცადენით ბრძოლად ივბიმიანოსისა, რამეთუ ძალითა ჯუარისათა უძლეველ არს». და მიერთვან იქმნეს მოყუარე მეფე და ხუასრო, ვიდრემდის ორნივე იგი შეიცვალნეს.

„ანუ თქუენ, მკვდრთა მაგათ სომხითისათა არშაკუნიანთა, ზატიაზშთა ბივრიტიანთა, არა გავსოვანა საქმენი გრიგოლი

პარტევილისანი და წინააღმდეგობითა მისთა, თრდატ მეფისა, არშაკუნიანისა — ვითარ დასცა ზუაობისაგან და იქმნა იგი ეშუად? არამედ გრიგოლი მოაქცია იგი, და მიერთვან იქმნა იგი მუშაკ ეკლესიათა, და ეკლესია დიდი აღაშენა თრდატ ზურგითა თვისითა, რამეთუ იყო იგი გმირი. ხოლო თქუეს, მკვდრო ქართლისანო, ნათესავნო მეფეთა ქართლისათანო, რომელნი დღეს მთავრობასა ზედა დადგინებულ ხართ ჩუენ, მეფეთაგან, რომელნი ვართ ნათესავნი ნებროთ გმირისანი, რომელი უწინარეს ყოველთა მეფეთა გამოჩნდა ქუეყანასა ზედა, რომელი ლომსა ძალითა ვითარცა თიკანსა მოიყვანებდა, კანჯართა და ქურციკთა ქუეითი იპყრობდა. რამეთუ ეზომ განდიდნა ძალი მისი, რომელ დაემორჩილნეს ყოველნი ნათესავნი ნოესნი, ვიდრემდის შეუძლო ქმნად ქალაქი, რომლისა ქვად შექმნა ქვა ოქროდ, და ხარისხად ვეცხლი, და გარემოს მისსა მოიქმოდა აგურითა და კირითა, ხოლო ქუდნი კართა და სარკმელთანი იაკინთისა და ზურმუხტისანი შექმნა; რამეთუ მათისა ნათლისაგან ვერ შეუძლებდა დაბნელებად ღამე. და ქმნა მას შინა ტაძრები და კოშკები, რომელ ვერ შესაძლებელ არს გაგონებად თქუენდა, მოუგონებელ არს თვთოეულისა სიბრძნე მისი, რომელი მიეცა მას ვიდრემდის აღმართა სამისა დღისა სავალსა, რომელი ექმნა აღსავალად ხარისხად ზღუდეთა ზედა. და ენება, რათა აღვიდეს ცად და იხილნეს მყოფნი ცისანი. ხოლო ვითარცა განვლო საზღვარი ჰაერისა და შევიდა საზღვარსა ვარსკულავთასა, ვერღარა უძლებდეს საქმედ მოქმედნი, რამეთუ დადნებოდა ოქრო და ვეცხლი; რამეთუ მუნით გამო ვიდრემდე არს ჳელმწიფება ცეცხლისა ეთერისა მის, რომელი ეგზების მძლავრად სამყაროსა ქცევისაგან. და ესმა მუნით საზრახავი შუდთა გუნდთა ზეცისათა, რომლისაგან შესულბეს ადამიანნი. და იქმნა ყოველი კაცი თუთო ნათესავითურთ მეტყუელ თუთო ენასა, და არღარა ერჩიდეს ურთიერთას ზირსა მოყუსისა თვისისასა, და წარვიდეს.

ხოლო ნებროთს ენითა სპარსულითა რქუა: „მე ვარ მიქაელ ანგელოზი, რომელი დადგინებულ ვარ ღმრთისა მიერ მთავრობასა ზედა აღმოსავლისასა. განვედ ქალაქით მაგით, რამეთუ ღმერთი ჰფარავს ქალაქსა მაგას ვიდრე გამოჩინებამდე სამოთხისა. რომელი-ესე დგას მახლობელად ნაშენებსა მაგას შენსა, რომელსა შორის არს მთა ესე, რომლისაგან აღ-



მოვალს მზე და გამოვლენ მისგან ორნი მდინარენი: და გეონი. რამეთუ გეონსა გამოაქუს სამოთხით ხე სულხელი და თივა, რომელი შეეზაგების მუშკსა. აწ წარვედ შენდა. და დაჯედ ორთავე მდინარეთა შორის, ეფფრატსა და ჯილასა, და განუტევენ ნათესავნი ესე, ვითარცა ვინ ინებოს, რამეთუ წარუტელებიან უფალსა. ხოლო მეფობა შენი მეფობდეს ყოველთა ზედა მეფეთა, არამედ ქამთა უკანასკნელთა მოვიდეს მეუფე ცისა, რომლისა შენ გნებავს ხილვა მისი, ერსა შორის შეურაცხსა; შიშმან მისმან განაქარხნეს გემონი სოფლისანი, მეფენი დაუტეობდენ მეფობასა და ეძიებდენ სიგლახაყესა. მაშინ გიხილოს შენ ჭირსა შინა და გიქსნეს ღმერთმან.

და დაუტევეს ყოველთა ქალაქი და წარვიდეს. და დაუტევესა ჰინდურად მზრახველნი ჰინდოეთს, სინდნი — სინდეთს, პრომნი — პრომს, ბერძენნი — საბერძენეთს, აგ და მაგუგ — მაგუგეთს, სპარსნი — სპარსეთს; ხოლო პირველი ენა ასურებრი იყო, და ესე არიან შუდნი ენანი, რომელნი ნებროთისამდე ზრახვიდეს. ამისთვის მოგიოხხარ, რომელ მამათა ჩუენთა დაფარულად ეპყრა წიგნი ესე, ხოლო მე შურმან საღმრთოჲმან მაიძულა თქმად ამისსა, ამის მიერ შეიწყნარა მამამან ჩუენმან მირიან სახარება ქრისტესი ნინოს მიერ.

„ანუ არა ქრისტესი მოსლვამდე მიიღებდეს მამანი ჩუენნი ხარკსა, და მუნითგან მოუძღურდით, ესერა ბერძენნი მიღმართ ბრძენან? და მან იხილა ნებროთ ჯოჯოხეთსა შინა და იქსნა: იგი არს პირველი ყოველთა მეფეთა, და დანიელცა ეწამების, ვითარმედ მიქაელ დადგინებულ არს ძალად სპარსთა. და თქუენ, ყოველთა ქართველთა, იხილენით სასწაულნი ესე, რომელ ქმნა ნინო. ანუ ჰგონებთ, ვითარმედ ბერძენნი განწირნა ღმერთმან? არა უმეტესნი ქუეყანანი სპარსთანი მათ შემუსრნეს და მათ შემოურთვან, და დღეს მეექუსე თუე არს, რამთგან ასმიეს კმა ლაშქრობისა ჩუენისა; ქცეულ არს კეისარი, რამეთუ ასმიეს შემოსლვა ჩუენი, და აწ მოახლებულ არს ბრძოლად ჩუენდა. აწ უკუე ყოველნი ნათესავნი უფალსა ღმერთსა მსახურებდით და დასცხერიით ვნებათაგან ეკლესიისათა“.

და ვითარცა ესე ყოველი წარმოთქუა, განავლინა ქადაგი, რათა ყოველნი მოწესენი გამოვიდენ სამალავთაგან მათთა, და ტყუენი განუტევენ, და სადაცა ენებოს წარვიდენ. და გა=

მოვიდა სიმრავლე მღვდელთა და დიაკონთა, მოწესეთა მონა-
 ზონთა და ენკრატისტთა, ქუაბებით და მთათაგან, და უმრავ-
 ლესნი პონტო ქალაქით, რამეთუ შეიწრებულ იყო ქალაქი ოთხ
 თუე ოდენ.

და მათ თანა იყვნეს ორნი კაცნი: პეტრე მღვდელი, მოწა-
 ფეთაგან გრიგოლი ღმრთისმეტყუელისათა რამეთუ საფლავსა
 მისსა ზედა მღვდლობდა და სამოელ მონაზონი. წარდგეს წი-
 ნაშე ვახტანგისსა მადლისა მიცემად განტევებისათს ტყუეთა-
 სსა და განთავისუფლებისათს ეკლესიათასა და მღვდელთასა.
 და ვითარ წარმოთქუეს ლოცვა, სთნდა მეფესა და მოიხილნა
 იგინი, და უბრძანა შემოსლვად ყოველთა ტყუეთა და მოწესე-
 თა, განტევებულთა მისგან უძღურთა, რამეთუ ყოველნი უძ-
 ლურნი ქალაქით გამოსრულ იყვნეს. უძღურთა მისცა საკედ-
 რები და ჭაბუკთა სამ-სამი დრაჰკანი, და განუტევნა. ხოლო
 პეტრე მღვდელი და სამოელ მონაზონი მის თანა დაიჭირნა.

და ვითარ წარვიდეს სპანი იგი კარვად თუსად, და მეფე შე-
 ვიდა სერობად, რქუა მეფემან პეტრეს: „სთნდამცა ღმერთსა
 საქმე ესე ჩემი, რამეთუ დაიცვენ ეკლესიანი და განუტევენ
 ტყუენი“.

რქუა პეტრე: „იტყოდის მონა შენი წინაშე შენსა კადნიე-
 რად, ანუ მიგცემდე ქებასა სიცრუვისასა“.

რქუა მას მეფემან: „იტყოდე, რამეთუ არას ვეძიებ გარნა
 მხილებასა, რათა განვერნეთ სიცრუვისაგან“.

რქუა პეტრე: „ეკლესიანი კორცთანი უფროს არიან წინაშე
 ღმრთისა, ვიდრე ეკლესიანი ქვათანი. ეკლესია ქვათა ოდესმე
 დაირღუეს, და აღაშენიან მითვე ქვითა; ხოლო ეკლესიანი
 კორცთანი ოდეს დაირღუენ, ვერგინ შემძლებელ არს განკურ-
 ნებად, ვერცა მკურნალი და ვერცა მეფე. აწ რაოდენნი გუამნი
 კაცთა მართალთანი დაგიცემიან, რომელსა იტყვს სისხლი-
 სათს აბელისსა: ყოველი სისხლი ნოეს რღუნითა განიწმიდა; და
 სისხლისა მისთს ზაქარიასსა, ბარუქის ძისა, მიუგო ყოველი
 შეურაცხება ჰურიათა, ვითარცა იტყვს ესაია: აღიღე და წარ-
 წყმიდე ყოველი წული მათი, ტიტოს და სპასიანოსის მიერ,
 ანუ არა აღმოგიკითხავსა წიგნთაგან მოსესთა, რაჟამს ისრაი-
 ტელმან ისიძვა უცხოთა თესლსა თანა, რაოდენი სული მოკუდა
 ერთისა მის სიძვისათს? აწ უკუე სპათა შენთაგან რაოდენნი
 ქალწულნი განხრწნილ არიან, ტაძარნი ღმრთისანი“.

და რქუა მეფემან: „არა ხედავ, ვითარ-იგი ივბიმიანოს და ცვისათჳს ეკლესიათასა იყო ივლიანეს თანა უკეთურისა? და თუ დაბრკოლდეს კაცი, უმჯობეს არს დაცემა სრულთადა.“

რქუა პეტრე: „არა დაბრკოლებულსა და გცემ, არამედ დაცემულსა აღგადგინებ, ვითარცა დავით საცთურისაგან ურია-მსა; და არა მნებავს შენი, რათა იყო ვითარცა კაცი, რომელი მარჯუენით იქმნ და მარცხენით არღუევს; და არცა ვითარცა რომელნი პირითა მათითა აკურთხევდენ, და გულითა მათითა სწყევდენ და ავინებდენ, არამედ ვითარცა მეფენი კეთილად კსენებულნი, რომელთა დაიპყრეს სოფელი ესე და სასუფეველსა არა განეშორნეს: დავით, სოლომონ და კოსტანტინე, ივბიმიანოს და ყოველნი მსგავსნი მათნი. ხოლო რა არს მსგავსება შენი ივბიმიანოსისსა, და ვინ არს შენ ზედა უფალ, რომელმცა კრმალი მისი იყო კისერსა შენსა ზედა, ვითარცა-იგი ივბიმიანოსისსა ივლიანესი? ანუ სადა გვენო შენ ვითარცა ივბიმიანოსს ივლიანესგან? ანუ ვის ხედავს ღმერთი, რომელი შენ ზედა უფალ-ყო და პქონდამცა პასუხი შენსა სიმართლესა წინაშე ღმრთისა. არა უკუე შენ უფალ-გყო ამით ყოველთა ზედა, და შენ შეგიდგინა ყოველნი. ამიერთგან ითხოვოს ღმერთმან ყოველი ჴელთაგან შენთა საქმე ბოროტისა, და შენ მიგავოს არა თუ შეინანო.“

რქუა მეფემან: „მნებავს განმართლება თავისა ჩემისა, ხოლო სიმართლით შენ დამსაჯე უმსჯავროებასა ჩემსა.“

რქუა პეტრე: „ვინათგან გზა ეც შეწამებად, ცოდვა შენი განგეშორა შენგან. ხოლო აწ გითხრა გულის-სიტყუა შენი; არა უმეცრებამან აღგძრა ბრძოლად ძეთა ზედა ღმრთისათა, არამედ შუელისათჳს ნათესავისა შენისა სპარსთასა. და არა უწყია, რამეთუ ბერძენნი ნათესავნი ღმრთისანი არიან აღთქმისა მისთჳს, რაჟამს უწოდა მათ შეილაღ ღმრთისა და მოსცა მათ ბეჭედი, რომლითა შემუსრა ჯოჯოხეთი და არს იგი ჟუარი?“

რქუა მეფემან: „აწ რა გნებავს შენ?“

რქუა მას პეტრე: „მნებავს, რათა შენ მიერ აღგზებულნი ესე ციცხლი შენვე დაშრიტო და მეგობარ იყო კვისრისა, ვითარცა დღესამომდე იყავ სპარსთა.“

მიუგო მეფემან: „ესე მნებავს, რათა მიჩუენოთ ლოცვიითა თქუენითა ამას ღამესა კვისარი და მე შეკრებულნი, და რო-

მელ ზრახვად არს ჩუენ შორის სიყუარულისა ყოფა, და ვცხადებ მე, ვითარმედ სთნავს ქრისტესა ზრახვა ესე შენი ჩემდა მობართ“.

რქუა პეტრე: „დამძიმდა თხოვა ესე შენი ჩემ ზედა, რამეთუ ესე არს კაცთა რჩეულთა, რომელ არიან ვითარცა ანგელოზნი სრულითა საქმიითა, და არიან ამათ კლდეთა შორის, და ესევეთარი მათგან ეგების საქმედ, რომელსა შენ ითხოვ. მომეც მე დრო, რათა წარვიდე და ვევედრო მათ, და უთხრა ბრძანება შენი, და ლოცვითა მათითა აღესრულოს განზრახვა შენი; არამედ შეუტაცე გჯინს თავი ჩუენი, რამეთუ კაცნი ვართ ცოდვილნი, ნუუკუე სილაღედ იხილოს ღმერთმან“.

შერისხნა მას სამოელ მონაზონმან და რქუა: „მღდელო, საქმე ღმრთისასა ვითარცა საქმესა კაცთასა ზრახავ, ანუ არა აღმოგიკითხავსა, ვითარ ეტყვს ღმერთი პალეკარპოსს — უკეთუცა არა დაბრკოლდებოდეს ანგელოზნი კაცთა სათნოებისათვს, ყოველთამცა ქალაქთა შინა ჟუარს ვეცუ, რათა ყოველნი ვაცხოვნნე? ანუ-მე უფროს არს აქაბ, მეფე ისრაელისა, მეფესა ქრისტიანეთასა, რომელსა ეტყვს ესაია — ითხოვე სასწაული სიმაღლედ, ანუ სიღრმედ, და მისთვის თქუა: მიუდგეს ქალწული? ანუ გინ რქვა ისრაიტელსა — რაცა ითხოვო სახელითა ჩემითა, მოგეცეს? ისო რქუა სამყაროსა ცისასა „მოიქმეც“, და სამსა ჭდესა მოიქცა იგი. აჲ სიტყუა სიმდაბლისა შენისა კეთილ არს, პეტრე, არამედ საბრკოლებელ არს მცირედ მორწმუნეთა კაცთა. ხოლო შენ, მეფეო, მცირედ შეგუეწიე ჩუენ სარწმუნოებითა, რამეთუ ლოცვამან ჭირვეულისა ამის ქალაქისამან ყოს ნება შენი“. და წარვიდეს წმიდანი იგი სადგურად თვსად.

ხოლო მეფემან მყოვარ ეამ ილოცა და დაწვა. და მირუღებდასა შინა მისსა, აჰა, უკუე მოვიდა დედაკაცი იგი, რომელი იყო წმიდა ნინო, და რქუა: „აღდეგ, მეფეო, და განკრძალულად მიეგებვოდე, რამეთუ ორნი მეფენი ზეცისა და ქუეყანისანი მოვლენ შენდა“. და რეცა მიხედნა, და იხილა პირველ სახე ქალაქისა, ვითარ არს კოსტანტინეს; და მიიწია იგი სწრაფით და იხილნა ორნი საყდარნი: ერთსა ზედა მჯდომარე ჭაბუკი, საჭურველითა, გვრგვონსანი; და მეორეთა საყდართა იხილა მოხუცებული მჯდომარე ზეწრითა სპეტაკითა, და თავსა ზედა ედვა გვრგვნი ნათლისა, არა ოქროსა, და ფერკთა მისთა

თანა ჯდა ნინო; და კელი ვახტანგისი მარჯუენა ეპყრა ბეჭედი მდღელსა და მარცხენა სამოელს მონაზონსა. და რქუა სამო-
ელი: „შეუჯრდი პირველად დიდსა იმას მთავარსა ზეცისასა
გრიგოლის“. მივიდა და თაყუანი-სცა. და რქუა გრიგოლი:
„რა ესე ჰყავ ბოროტი, კაცო, რამეთუ მოაოკრე ბანაკი ჩემი,
და მკეცთა შეაჭამენ საცხოვარნი ჩემნი. უკეთუმცა ორნი ეგე
არა, რომელნი გუერდით გიდგან, და დედაკაცისა ამისთვის
სათნოსა, რომელი მარადის იღუწის მარიამის თანა თქუ-
ენტვს, — შურ ვიგემცა შენგან, ვითარცა მამათა შენთაგან,
რომელნი ესვიდეს ცეცხლსა შეიმწუფელსა და არა ბრწყინვალე-
ბასა განმანათლებელსა ყოველთასა“. და მისცა კელი და ამ-
ბორს-უყო, რეცა და მიჰყო კელი გვრგვნსა ნათლისასა, რეცა
ეგვეითარივე გვრგვნი მისცა ვახტანგს, და რქუა: „დაარქუ ეგე
პეტრეს“. და აღილო პეტრე მისგე გვრგვისაგან რეცა უდარესი,
და დაარქუა ზამოელს მონაზონსა. და რქუა ნინო ვახტანგს:
„აწ უკუე მივედ მეფისა და მიიღე ნიჭი შენი“. მივიდა მეფი-
სა, და ამბორს-უყვეს ურთიერთას, და ადგილ-სცა საყდართა
თვისთა, და დაისუა იგი თანა. და მისცა ბეჭედი კელისა მისი-
საგან, რომლისა იყო თუალი ფრიად ნათელი, და რქუა კეი-
სარმან: „უკუეთუ გნებავს, რათა მოგცე გვრგვნი, აღუთქუ ვინ
ესე დგას ჩუენ ზედა, რათა ჰბრძოდი მტერთა მისთა და მიიღე
მისგან გვრგვნი“. მოიხილა ვახტანგ და იხილა ჯუარი, რომელ-
სა ფრთეთა მისთა ზედა აქუნდა გვრგვნი, და უმეტესად ხილ-
ვამან ჯუარისამან დასცა შეძრწუნება, რამეთუ უსაშინელეს
იყო ზარი მისი, და დადუმნა. ხოლო აღდგა ნინო და მიხედნა
პეტრეს კერძო და სამოელისა, და ერთითა პირითა თქუეს:
„ჩუენ ვართ თავსმდებნი, ვითარმედ უმეტეს ყოველთასა წა-
რემართოს, მ ჯუარო უძლეველო“. და მიჰყო კელი კეისარმან,
და მოილო გვრგვნი ჯუარისაგან, და დაარქუა გვრგვნი იგი
ვახტანგს თავსა.

და იწყებ გამოსლვად, რეცა ჯმა ყო ეპისკოპოსმან სამგზინს,
და თქუა: „ვახტანგ, ვახტანგ, ვახტანგ! უმეტეს მორწმუნე იყო
შენ ყოველთა შორის ნათესავსა სპარსთასა“. მეორედ: „შენ-
გან აღეშენენ ეკლესიანი და განეწესნენ ეპისკოპოსნი და ეპის-
კოპოსთა მთავარი“. და მესამედ: „გვრგვნიცა წამებისა მიილო“.
და გამოვიდა, რეცა მოუწოდა ძილსავე შინა პეტრეს და სამო-
ელს, და უთხრობდა ძილსავე შინა ჩუენებასა, და იგინი აუქსნი-

დეს: „რომელი-იგი იხილე საყდართა ზედა გვრგვინოსანი ნათ-
ლითა, იგი არს დიდი მოძღუარი გრიგოლი; და მან რომელ
მომცა მე გვრგვინისა მისგან, მომცა ეპისკოპოსთა მთავ-
რობა; და მე რომელ მივეც გვრგვინისა ჩემისაგან მოყუ-
ასსა ჩემსა, ჩემ მიერ ყოფად არის ეპისკოპოსად; და რო-
მელ ნახე გვრგვინთა ოქროსათა ქურვილი, იგი არს კეისარი;
და რომელ მოგცა შენ ბეჭედი, მოგცეს შენ ასული ცოლად,
და ყოველი საზღვარი ქართლისა მისგან უკმოღებული მოგ-
ცეს; ხოლო გვრგვინი ჭუარისაგან რომელ მოგცა, ვრცელნი
ღუაწლნი გარდაიკადნე შეწევნითა ჭუარისათა; ხოლო მოძღუ-
არმან ჩუენმან რომელ სამგზის გივმო, სამნი ნიჭნი გითხოვნა
ღმრთისაგან, რათა შენ მიერ ჭეშმარიტება დაემტკიცოს ქარ-
თლისა კათალიკოსთაგან და ეპისკოპოსთა, და სძლევდე მტერ-
თა ვიდრე დღედმდე აღსრულებისა შენისა. ხოლო აღსრულე-
ბასა შენსა გვრგვინი წამებისა მიიღო ბრძოლასა შინა, ჳელთა
მტერთასა არა შეპვარდე. ესე ყოველი აღესრულოს ვიდრე მო-
უძღურებადმდე შენდა და სიბერედმდე“.

1 ვითარცა განილჳა მეფემან ვახტანგ, მადლობდა ღმერთსა,
რომელმან ყოველივე გამოუცხადა, და მოუწოდა მსწრაფლ
პეტრეს და სამოელს, და რქუა: „რა იხილეთ?“ ხოლო მათ
რქუეს: „იტყოდე, მეფე: ერთი მარჯუენით და ერთი მარცხე-
ნით ვდევით, რაჳამს შენ საყდართა მსხდომარეთა წინაშე კე-
ისრისა და ღმრთივგამომეტყუელისა სდევ; და კჳულად იგივე
დედოფალი ჩუენი დაამშუდებდა მოძღუარსა მას განძვნებულ-
სა შენ ზედა, და მიგცემდა შენ ჳელთა მისთა“.

და რქუა მათ მეფემან: „დუმენით, წმიდანო, რამეთუ ყო-
ველივე ჩემ თანა გიხილავს. აწ ვითარ გნებავს თქუენ ქალა-
ქისა ამის საქმე, რომელი შემუსრვად მიწეენულ არს? ანუ რა
ვყოთ ტყვისა ამისთვის, რომელი უმეტეს არს ბევრ ათასისა, რო-
მელი არს ჳელთა ჩუენთა? აწ უკუე სწრაფით განვიდეს აქათ
ქადაგი, ვითარმედ სპარსთა მეფე წარმომართებულ არს ქუე-
ყანად ჳაზირეთად, და გამოვლეს ფილისტიმი კჳალსა მეფისა
კეისრისასა, რომელმან მოაოკრა ქუეყანა სპარსთა, და სპარს-
თა მეფემან ვერ უძლო ბრძოლად. ხოლო კეისარმან ვითარცა
ცნა, ვითარმედ ჩუენ მოვედით ქუეყანასა მათსა, მოისწრაფის
ბრძოლად ჩუენდა, და ვხედავთ რეცა სპარსთა მეფე მოვალს
ძალით ჩუენდა. და ვიცით, ვითარმედ სპანი სპარსთანი სომ-

ხითისა და ქართლისა სპათა უმრავლეს არიან, და არავინ არს
ჩუენ შორის ჭეშმარიტი ძორწმუნე; რომელნი დანერგნა მამა-
მან ჩუენმან მირიან, გინა თრდატ, დედით ნათესავმან ჩემმან,
აქა ამათ ყოველთა სარწმუნოება ვიცით, რამეთუ საცხე არს
საცთურითა. ნუჟუკუე გამოცხადებასა საქმისა ჩემისასა გან-
წყრეს დედისძმა ესე ჩემი, და ვეწყვენეთ ურთიერთას და ვიქ-
მნეთ საცინელ ყოველთა მტერთა ჩუენთა. არამედ ესე ვყო,
რეცა მოვიდენ სპანი ჩუენნი და მაუწყონ ჩუენ მოსლვა კეის-
რისა, და მას ზედა უკუერიდოთ ჩუენ. პირველვე საქმე ესე
ვაუწყოთ, ოდეს მოვიდეს და მოგუეახლოს ჩუენ კეისარი; მა-
შინ ვითარცა იზრახოს სიწმიდემან შენმან, ეგრეთ ვყოთ და
არცა ერთი ტყუეთა მისთაგანი დააკლდეს“.

და წარვიდა პეტრე კეისრისა, ხოლო სამოელ დადგა წინა-
შე მეფისა. ხოლო ხვალისა დღე მოვიდა რეცა დიასპანი და
უქადაგა მეფესა, ვითარმედ სპანი ბერძენთანი შემოვიდეს
კონსტანტინეპოლედ. და მოუწოდა მეფემან ვახტანგ დედის-
ძმასა თუსსა და ყოველთა მეფეთა, და რქუა: „რასა იტყუთ, რა-
მეთუ უწყით სიმრავლე სპათა ბერძენთა, და ვერაგობა წყობი-
სა მათისა, და სიმარჯუე ზღუათა შინა ნაევებითა. ესერა შევი-
დეს იგინი სპარსეთს, ქუეყანასა გმირთა და გოლიათთასა, და
მათ ვერ უძლეს წყობად. აწ მეშინის, ნუჟუკუე სპანი ნაევებითა
მოვიდენ, შეიპყრან გზა ჩუენი და მოგუწყუდნენ ჩუენ, ვითარ-
ცა ბაქსა შინა. არამედ აღვდგეთ აქათ და დავიბანაკოთ ზღუასა
სამხრით კერძო, რათა გუაქუნდეს ჩუენ გზაჭირისა და ლხინისა“.

აღიყარა ლაშქარი გარემოს ქალაქისა, და ვლეს ხუთისა
დღისა საველი სამხრით კერძო, და დადგეს სპერით კერძო.
და განვიდეს მყოფნი ქალაქისანი, მიწვენულნი სიკუდილად,
და მისცეს მადლი ვახტანგს, და მისცეს ძლუენი ათასი ლიტრა
ოქრო და ხუთასი თავი სტავრა, და განვიდა ერი იგი მშვდო-
ბით სავაჭროსათუს და სავპრისა.

ხოლო ვითარცა მივიდა პეტრე წინაშე მეფისა კეისრისა,
და უთხრა ყოველი იგი. ხოლო კეისარმან განიხარა ფრიად,
და ყოველი რომელი ეხილვა ჩუენებასა შინა, მისცა მას ზედა
ნება ვახტანგს. და წარმოავლინა პეტრე მღდელი, და მიუძმცრო
აღთქმითა და ფიცითა ძლიერითა, რათა სწორ იყოს მეფობისა
მისისა. არამედ ორთავე სპათა დასცნენ სპარსნი, რომელნი
იყვნეს ვახტანგის თანა, არა აღვიდენ საბრძანებელთა მათთა-

გან, ოდეს შეკრბენ ვახტანგ და იგი. ხოლო ვიდრე პეტრე და მოციქულნი მოვიდოდეს ვახტანგისა, კეისარი შემოვიდა კონსტანტინედ და წარმოავლინა ხუთასი დრომონი, რომელსა შინა ისხდა ხუთას-ხუთასი კაცი, და უბრძანა, რათა მიეახლნენ ვახტანგს და დადგენ თვნიერ ბრძოლისა. და წარმოემართა კეისარი გზასა პონტოსასა რვაასი ათასითა კაცითა. და ვითარ მოეახლნეს სპანი იგი ზღვსანი, უნდა სპარსთა წყობა მათი, ხოლო მეფე აყენებდა, და არა მიუშენა ბრძოლად.

ხოლო ვითარცა შეართუეს ძღუენი მოციქულმან კეისრისამან და პეტრე, ჰქონდა სიტყუა საიდუმლო და კუალად ჰქონდა სიტყუა საერო. და თქუა ცხადად, ვითარმედ: „ნუ ივლტი, დადგე ვიდრე ჩემად მოსლვამდე, რათა რომელნი-ეგე შენ თანა არიან სპარსნი, რომელნი დაგუბრჩეს შესლვასა ამას ჩუენსა სპარსეთს მოუწყუედელად, მოვსწყუდნეთ ეგენიცა“.

ხოლო საიდუმლოდ მოართუეს მას ჯუარი და გვარგვნი შუამდგომელად, და შესამოსელი ტანისა მისისა, და თქუა: „რა შეგვკრბეთ, მიგცე ციხე თუხარისი და საზღვარნი ქართლისანი“. ხოლო მისცა ვახტანგ მეფემან პასუხი საეროდ, ვითარმედ: „არარომლისა მიზეზისათჳს მოვედით აქა, გარნა წყობისა შენისათჳს, აწ მოვედ აქა, და თუ არა, ჩუენ მოვიდეთ კონსტანტინედ“. და ფარულად ამცნო და რქუა: „რომელი არა შუენის შენსა ღმრთისმოყუარებასა, რომელი შენ არა ჰყო, სხუასა ნუ აწუეგ, რამეთუ დადრობა არა კელ არს კაცთა პატიოსანთა. დაღათუ აწ შენ მიგცნე სპარსნი, არა უკუე განცრუედესა სახელი ჩემი? და უმეტეს ჩუენსა აქუს მრავალთა მათგანთა სიყუარული ქრისტესი, არამედ შიშისაგან მათისა ვერ გამოაცხადებენ. აწ ბრძანე, რათა საქმე ესე ჩუენი მშვდობით ვყოთ, ვითარცა ივბიმიანოს და ყოველთა სპარსთა. ხოლო შემდგომად ამისა, რაჟამს გაწყდეს საქმე ჩუენი, უმარჯუენადრე შეგყარნე იგინი კელსა შენსა, და ნუმცარა იქმნების საქმე უშუერი, და ნუცა საქმე შფოთისა თქუენ მიერ, რათა არა დაეცნენ პირითა მახვლისათა ერნი თქუენნი, რამეთუ ერნი თქუენნი განლაღებულ არიან ჯობნასა ზედა სპარსთასა, ხოლო სპარსნი არავე შეშინებულ არიან, არამედ შურითა თქუენითა წადიერ არიან წყობასა: ანუმცა მოკუდეს, ანუმცა იძიეს შური სისხლთა მათთა. ხოლო სპანი ესე შენნი თუ მიღმართ ჰბრძანან, მემცა უბრალო ვარ“.



და წარვიდა მის თანა მოციქულად ვარაზ-ვაჰრ, მამა მისისა ძმა, და სამოელ მონაზონი. ხოლო კეისარი მოყვ-
ნულ იყო პონტოდ ქალაქად, და პონტოელნი გამოსრულ იყ-
ვნეს მიგებებად, და შეასხმიდეს ქებასა და ვახტანგ მეფისა
მადლობასა, რამეთუ უკუერიდა მათ და არა მისცნა იგინი სი-
კუდილად. ვითარცა მიიწივნეს მოციქულნი ვახტანგ მეფისანი
ქალაქად, მართუეს ძღუენი მუთაკალი მუშკი, ხუთასი ამბარი
და ათასი ლიტრა ალვა. და განსრულ იყო გუნდი მეფისა ვახ-
ტანგისი ალაფობად, და მიეტევნეს მათ მკვრცხლნი ბერძენთა-
ნი, და მათ თანა შეკრებულნი კევთა და ქალაქთა მკედარნი
ვითარ სამანი ათასი.

ხოლო ვახტანგ მეფე აყენებდა მიიძულებად სპათა მათ მე-
ალაფეთა, ვიდრე არა მივიდა დედისძმა მისი, ერისთავი სპარს-
თა, და რისხვით რქუა ვახტანგს: „მ გუელო და ნათესავო ას-
პიტისაო! არა უწყია, რამეთუ დედა მამისა შენისა ბერძენი
იყო, ნათესავი ივბიმიანოსისი? და გძლო შენ ბუნებამან მამის-
დედისა შენისამან, და სიყუარული ჭუარცმულისა მის კაცისა
მომკუდარისა გიპყრიეს, და გნებავს შეყენება ჩუენი კელსა
ბერძენთასა“. ხოლო ვახტანგ რქუა: „აჰა, შენ და ბერძენნი,
და იხილო ძალი კაცისა მის მომკუდარისა და ცოცხლისა მის
სასოსა შენისა“. და სცეს საყვირსა და განვიდეს ყოველი სომ-
ხითი, და სპარსნი, და მეფე დარუბანდისა. ხოლო მეფე ვახ-
ტანგ და ქართველნი განვიდეს ხედვად და დადგეს. და აღჯდა
მეფე პილობა ზედა თეთრსა, და ეწყვნეს იგინი ზღუსკიდესა
მას, რომელ არს ქალაკი, რიყე ხერთვისისა. მისლვამდე სპარს-
თა ლაშქრისა მოეკლა ბერძენთა ერისა მისგან ოცდაშვიდი ათა-
სი, და განძლიერდა ბრძოლა, და მოკლეს დედისძმა ვახტანგი-
სი, ერისთავი სპარსთა, და მოკლეს იაჯაჯ, მეფე ლეკთა, და
მრავალნი ერისმთავარნი, და იძლია ბანაკი აღმოსავლეთისა.
იყო ბერძენთა სპასალარი პალეკარპოს ლოლოთეთი, დისწული
მეფისა. და იყო იგი ძლიერი, და მას მოეკლნეს ძლიერად
მბრძოლნი სპარსთანი და ესეცა ერისთავი მანვე მოკლა.

მაშინ გარდამოკდა მეფე ვახტანგ ეტლთაგან და თქუა: „არა
რომელი ჩუენ გუნდა, გარნა რომელი ღმერთსა სთნდა, რამე-
თუ ჩუენ ვიტყოდით მშვდობასა, არამედ სილაღემან სპარსთა-
მან აგინა ღმერთსა, და ღმერთმან შურ-იგო, და მოკლეს ერის-
თავი რანისა, რომლისათჳს ყოველი სპარსეთი ვითარცა მო-

ოკრებბასა სპარსეთისასა იგლოვს. აწ დამდაბლდა სილაღს სპარსთა, მოიყვანეთ ჭუარი და წარვიძღუანოთ, რათა რომლითა გუძღვედენ მითვე იძლივნენ, და იქმნენით ძედ ძლიერებისად, და ნუ-ვინ ბრძავთ ურთიერთას სხვსა მიერ, და ნუ ეძიებთ ძლივესა მტერთასა; არამედ იყვნენ კელნი თქუენნი ვითარცა კელნი ჩემნი, რათა არა ვიძლივნეთ სრულად. არა ხოლო თუ აქა ვდევნეთ, არამედ ვიდრე აღარბადაგანამდე; ვითარცა იდევნიან ყორანნი მართუეთაგან თუსთა“.

და მოიყვანა პეტრე მღვდელმან ჭუარი, და რქუა მეფემან: „დადგე წინაშე პირსა მტერისასა და ერისა ჩუენისასა, და არქუ ყოველთა — «თაყუანის-ეცით ჭუარსა და ესძლოთ მტერსა, და რომელმან არა თაყუანი-სცეს, მოკალთ“. და უბრძანა დემეტრეს, ერისთავსა თუსსა, და ჭუანშერს სპასპეტსა, რათა მიჰყვენ ჭუარსა თანა. და ქადაგი კმობდა ძლიერად: „რომელმან არა თაყუანი-სცეს ჭუარსა, მოკუედინ“. და მივიდოდეს ყოველნი ერნი, და თაყუანი-სცემდეს, და დადგებოდეს წინაშე ჭუარსა. ხოლო ბორზო მოვაკნელმან მეფემან თქუა: „არა დაუტეობ ნათელსა შემწუელსა, და არა თაყუანის-ვეცემ ძელსა მამელსა, რომელი განშუენებულ არს ოქროთა და ანთრაკითა“, და სცა მას ლახუარი ჭუანშერ სპასპეტმან, და დაეცა მძორი მისი. მიერთგან არღარავინ იკადრა ვმობად ჭუარისა, და აღთქმით ეტყოდა ერი იგი მეფესა ვახტანგს: „უკუეთუ შემეწიოს ჩუენ ჭუარი, არღარა იყოს ჩუენდა სხუა ღმერთი გარნა ჭუარცმული“.

და გარდაჯდა მეფე და თაყუანი-სცა მას, და ყოველმან ერმან მის თანა. და თქუა მეფემან: „აჩუენე ძალი შენი ერსა ამას შენსა ურწმუნოსა, რათა მოიყვანე სარწმუნოებად, უფალო ღმერთო, მორწმუნენი შენნი; დაღაცათუ მოკუედენ, არამედ ცოცხალ არიან, და ცხოველნი შენნი შენ ცხოველისაგან ძლიერ არიან. და სპანი იგი ბერძენთანი ამოვიდეს ვითარცა ელვა. ხოლო პალეკარბოს ვითარცა მგელი სისხლითა აღმოსვრილი და ვითარცა ლომი განძნებული მოიზახდა და შეურაცხ-ჰყოფდა სპათა მათ. ხოლო მეფემან რქუა: „ვინ არს თქუენ შორის კაცი, რომელი ეწყოს იმას და სწორ იყოს მეფობისა ჩემისა“. წარვლო ქადაგმან ორგზის, და ვერვინ იკადრა ყოვლად სიტყუად.

მაშინ თქუა ვახტანგ: „არა ძალითა განძლიერდების კაცი,

არამედ ღმერთმან მოსცის ძალი. და მე ვესაგ ძალსა შენსა, და ვითარცა დავით განვალ ნიშითა ჯუარისათა; მომეც ძალი ვითარცა დავითს გოლიათსა ზედა, რამეთუ ესეცა მაყუედრებულად და შეურაცხებით მოუკდა ჯუარსა შენსა; რაჟამს იხილა ჯუარი აღმართებულად ძალად ჩუენდა, არა ივლტოდა მისგან, არამედ სასოებითა ძალისა მისისათა განვიდეს ბრძოლად“. და თქუა: „იხილი, ღმერთო, ამპარტაენი და დაამდაბლი; კულად იხილი ჭირვეული და იცნო. ხოლო ისი შეურაცხად მიჩნს და არა მეშინის, რამეთუ ძალი შენ მიერ მოცემულ დიდ არს, რომლითა ვსძლო; არამედ მეშინის მე შენგან, რამეთუ მდაბალთა კმანი ისმინნი და შენ გხადი შემწედ ჩემდა“.

აღმოიკადა კრმალი და შეამთხვა ჯუარსა, და განვიდა შორის განწყობილთა მათ, და თქუა: „არა ჰბრძვენ ლომი კარსა, რამეთუ მე მეფე ვარ და შენ მონა, არამედ დავდვა თავი ჩემი ერისა ამისთვის სიმდაბლით, რათა რწმენეს ძალი ჯუარისა“. და მოეტევა პალეკარპოს. ხოლო ვახტანგ მსუმბრიად და ნებასა მიეახლებოდა. და აღიზახნეს ორთავე მათ კანწყობილთა კმითა საშინელითა, და იყო კმა იგი ვითარცა კმა ქუხილისა, რომლითა შეიძრა ქუეყანა. და დასცა ლახუარი პალეკარპოს ფარსა ვახტანგისსა, რომელი იყო ვიგრის ტყავისა, და განავლო ფარსა ვითარ წყრთა ერთი, რამეთუ იყო სიმსხო ლახურისა ვითარ მკლავი კაცისა. და მისცა ფარი იგი მეფემან ლახუარსა მისსა, და მიეტევა პირისპირ, და სცა კრმალი ჩაბალახსა ზედა და განაბო თავი მისი ვიდრე ბეჭთამდე. და მიჰყო კელი და უპყრა თავისა მისინა ნახევარი, და მოილო წინაშე ჯუარისა, და თქუა: „ყოვლისა განდგომილისა შენისა ესე იყავნ ნაწილი“.

და მიეტევენეს სპანი ვახტანგისნი სპათა ბერძენთასა, და აოტნეს იგინი, და აღიჭრნეს გუნდ-გუნდად, და მიაწყუდინეს ზღვსპირსა; და არავინ განერა მათგანი, გარნა რომელი შეესწრა ზღუად და ივლტოდეს ნავითა. მას დღესა შინა მოსწყდა სპათაგან ვახტანგისთა ორმოცდასამი ათასი, და სპათაგან ბერძენთასა მოსწყდა სამოცდათორმეტი ათასი; და შეიპყრეს ტყუედ მათგანი ასოცდახუთი ათასი.

და ვითარცა მოიქცენ სპანი იგი ვახტანგისნი და მივიდეს გუამსა ზედა ვარაზ-ბაკურისსა, ვახტანგის დედისძმისასა, იგლოვეს და შემურეს იგი საბრითა და მურითა, და წარსცეს ბარდავად.

ხოლო მეფემან ვახტანგ მოუწოდა ყოველთა სპათა, და უბრძანა მოყვანება ყოველთა ტყუეთა, და მოიყვანნეს დაუკლებელად: და იყო ერთრიცხვად ყოველი მამაკაცი და დედაკაცი შუდასოთხმოცი ათასი. და წარსცა იგი ყოველი წინაშე კეისრისა, ჯელითა ნასრესითა და ადარნასესითა, ვრისთავთა მისთათა. და მიწერა წიგნი, ვითარმედ: „სიბრძნე ღმრთისა მიუწოდომელ არს, და სიბრძნესა კაცთასა და ნებასა სძლევს ნება ღმრთისა. მე უწყი, რამეთუ არა არს ნება შენი საქმესა ამას, რომელი-ესე იქმნა პალეკარბოსისაგან, არცა თუ იყო ნება ჩემი, რომელი ესე ქმნა დედისძმამან ჩემმან, და ორნივე ესე ძვრის-მოქმედნი ძვრმანვე მოინადირნა. ამისთვის ყო ესე ღმერთმან, რათა ახალნერგნი ესე მოიყვანეს სარწმუნოებად შიშსა მისსა, ვითარცა-იგი უძღვებისა შვილისათვის ყო საქმე განსაცნობელი. ხოლო თქუენ პირმშონი შვილნი ხართ ღმრთისანი, და მარადის მისნი ხართ. აწ მწუხარება ესე დედისძმისა ჩემისა, დისწულისა თქუენისა მიერ ნუგეშინის-ვეც, რაეამს ვიძიე შური მკლველთა მისთა. ხოლო თქუენ ნუგეშინის-გეცით ერისა ამისთვის, რომელი იცნა ღმერთმან შუდასოთხმოცი ათასი. და უკუეთუ ბრძანებამდე მიმთხუევად ჩემდა, გამოისწრაფე; და უკუეთუ არა მოციქულითა განაგე საქმე ჩუენი. რამეთუ დამძიმდა დგომა ჩუენი ქუეყანისა ამისთვის მოოკრებულისა“.

ხოლო ვიდრე მისლვამდე მოციქულთა ფრიად მწუხარე იყო კეისარი. არამედ რაჟამს უთხრეს, ვითარმედ ტყუე პირველ შეპყრობილი და ტყუე ერისაგან მეოტისა ყოველი დაუკლებელად განუტეობია, მაშინ განიხარა ფრიად და ყოველთა დაუტევეს მწუხარება. და შეჯდა მეფე ნავსა და განვიდა სამასითა დრომონითა, სუბუქად გამოვიდა ზღვსკიდესა, და მოუწოდა ვახტანგს; და ყვეს ურთიერთას აღთქმა და ფიცი, და განაგეს საქმე წინდობისა. და უკუმოსცა კეისარმან საზღვაროუ ქართლისა, ციხე თუხარისი და კლარჯეთი ყოველი, ზღვთგან ვიდრე არსიანთამდე, და ჯევინი რომელნი მოსდგმანან ლაღთა.

და გამოიკითხა კეისარმან საზღვარი საბერძნეთისა, ქუეყანა ზღვსპირისა, რომელ არს აფხაზეთი, და რქუა ესრეთ: „ეგრისწყლითგან ვიდრე მდინარედმდე მცირისა ხაზარეთისა — ესე საზღვარი არს საბერძნეთისა ალექსანდრობითგან, რომელი აწ შენ მივიღია მკლავითა ჩუენგან. აწ იგი უკუმოგუეც, და ოდეს წარიყვანებდე ცოლსა შენსა, ასულსა ჩემსა, მაშინ



მოგცე მისგან ქუეყანა“. და დაუწერა ეგრისწყალსა და სურასა შუა ქუეყანა ზითვად, და სხუა აფხაზეთი უკუტანგ ბერძენთა.

და წარმოვიდა ვახტანგ გზასა კლარჯეთისასა, და სპანი მისნი განუტევნა გზასა სომხეთისასა. და ვითარ მოიწია თუხარისად, მიხედნა და შეუყუარდა ციხე, და თქუა: „ქეშმარიტად თუ ხარ შენ ციხე“. და ვითარცა წარმოვიდა, იხილა კლდე შუა კლარჯეთსა, რომელსა სოფელსა ერქუა არტანუჯი. და მოუწოდა არტავაზს, ძუძუსმტესა მისსა, და დაადგინა იგი ერისთავად; და უბრძანა, რათა ააგოს ციხე არტანუჯისა; და უბრძანა, რათა გამონახოს კეცსა მას შინა ადგილი სამონასტრე და აღაშენოს ეკლესია, და ქმნეს მონასტრად, ვითარცა ეხილვნეს მონასტერნი საბერძენეთისანი. და რქუა არტავაზს: „უკუეთუ განძლიერდენ სპარსნი ჩუენ ზედა, საყუდელი ჩუენი აქა ყოფად არს“.

ხოლო არტავაზ აღაშენა ციხე არტანუჯისა, და მონასტერი რომელ არს ოპიზა, და სამნი ეკლესიანი: დაბა მერისა, შინდობისა და ახიზისა. და განაახლა ციხე ახიზისა, და ქმნა იგი ქუაბად.

და ვითარ წარმოვიდა ვახტანგ და მოვიდა ქალაქად თუსად მცხეთად, იყო სიხარული დიდი და მადლისა მიცემა ღმრთისა, რამეთუ მოვიდა იგი მშვიდობით. და მისცა ნიჭი დიდი ერსა თუსსა.

ხოლო მეფემან სპარსთამან ვითარცა ცნა, ვითარმედ მიიქცა ვახტანგ ბერძენთა კერძო, შეიქცა სპარსეთად და მოკუდა. და დაჯდა მეფედ ძე მისი, და ვიდრე მოიწიფებოდა იგი, წარკვდა ამას შინა წელიწადი სამი.

ხოლო ვახტანგ მეფესა უშვნა ცოლმან ძე და ასული მარჩბივად, და მოკუდა შობასა შინა ბალენდუხტ დედოფალი, ასული სპარსთა მეფისა. ხოლო ვახტანგ უწოდა ძესა თუსსა სახელი სპარსულად დარჩილ და ქართულად დარჩი. მაშინ ვახტანგ მეფემან ვერ მოიცალა მოყვანებად ცოლი ბერძენთა მეფისა ასული, და ვერცა კათალიკოსისა და ეპისკოპოსთა; რამეთუ მოელოდა იგი სპარსთა მეფისა მოსლესა: ამაგრებდა ციხეთა და ქალაქთა, და ჰკაზმიდა მკედართა, და განამზადებდა ბრძოლად სპარსთა. მაშინ შეაგდო საპყრობილესა შინა ბინქარან მაცთური, ეპისკოპოსი ცეცხლისმსახურთა, და მოსრნა და

განასხნა ყოველნი ცეცხლისმსახურნი საზღვართაგან ქართლი-
სათა.

ხოლო სპარსთა მეფე შემდგომად სამისა წლისა წარმოე-
მართა ბრძოლად ვახტანგისად, და მოიწია ინდაბრიანთა, და
დაიბანაკა მუნ. ხოლო ვახტანგ წარავლინა ბერძენთა მეფისა
თანა და მიუძღვნო, ვითარმედ: „აჰა, დღე იგი, რომელ აღმით-
ქუამს, ვითარმედ სპარსნი შემოვანწყუდივნენ ჯელსა შენსა; აჰა
ესერა, მომიყვანებთან იგინი შუა საზღვართა ქართლისათა და
ყოველი კაცი მათ თანა ვითარ სამასი ათასი. რამეთუ ჰგონებ-
და იგი განმრავლებასა სპათა მისთასა სომხითით და მეფეთა-
გან კავკასიანთასა, ხოლო მათ ვერ იკადრეს განრთვად მისა.
რამეთუ რომელთამე მათგანთა აქუნდა სასოება ჯუარცმული-
სა, ხოლო რომელნი იძლივნეს ეშმაკისაგან, მეფენი დარუბან-
დისანი გაერთნეს. აწ აღმისრულებიეს აღთქმა ჩემი, რომელა
აღმითქუამს: რამეთუ სადაცა მიპოვნიეს სახლი ცეცხლისა,
დაძვისია ფსლითა, და მოგუნი და მზირნი მათნი მიმიცემიან
სატანჯველსა ბოროტსა, და მაცოტური ბინქარან მივეც საპყ-
რობილესა, და სიკუდილისაგან გარდაიხუეწა. მან უკუე მოიყ-
ვანა სპარსნი ქართლად, და დავსუ ეპისკოპოსად მიქაელ, კაცი
სარწმუნო. ხოლო ბინქარან, ვითარცა მოიწია საზღვართა ქარ-
თლისათა, მოკუდა. აწ სწრაფით წარმოემართნენ სპანი შენნი,
რათა აჰა შინა დაეცნენ ყოველნი მტერნი ჯუარისანი, და მოი-
ცალო შენ ყოველთა მტერთა შენთაგან, ხოლო უკუეთუ ჩუენ
გუძლოს, განძლიერდეს იგი და შემოვიდეს საზღვართა შენთა
გზასა შიმშატისასა“.

ხოლო ვიდრე მიიწოდეს მოციქულნი ვახტანგ მეფისანი,
წარსრულ იყო კეისარი ქუეყანით ხაზარეთით კერძო, რომ-
ლისაგან ვერ მოიცალებდა მოსლვად ქართლად. მაშინ ვახტანგ
განაძლიერნა ციხენი ქალაქისანი, და ურჩეულესი მბრძოლი
ერისა მისისა ვითარ ასი ათასი მკედარი და ასი ათასი ქუეითი
იპყრა მის თანა, და დაუბანაკა მათ დიდმით ვიდრე ქართლის
კართამდე, და სპარსთა დაიბანაკეს ცხენისტერფითგან ჩაღ-
მართ.

ხოლო ვახტანგ განაფართა კიდი მოგუეთისა ვითარ სამოცი
მგარი ქცევისათეს მას ზედა სპათასა. ხოლო მეფე და ჯუანშერ
სპასპეტი დადგეს მცხეთას, და ნასრა და მირდატ დაუტკვნა
სპათა ზედა სომხითისა და ქართლისათა, რომელნი დგეს არმა-



ზით კერძო. და რა ბრძოლიან სპარსნი არმაზით კერძო
თით განვიდიან; და რა განვიდის ლაშქარი იგი მიერ კერძო
მცხეთით, ეწყუნთან არაგუსა ზედა. და ოდესმე განვიდიან ფო-
ნი მტკვრისა და შეიბნიან ფონსა ზედა ტფილისისასა, და რო-
მელსამე დღესა მათ სძლიან და რომელსამე დღესა ამათ.

ხოლო ვახტანგ მეფესა შეეკმინა ჩაბალახი ოქროსი, და გა-
მოესუა წინათ მგელი და უკანათ ლომი; და რომელსა კერძა
იდლეოდინ ქართველნი, მუნიოცა მინმართის და მოსრის სპისა
მისგან სპარსთასა, ვითარცა ლომმან კანჯარნი. მიერიოთვან ვერ-
ღარა შეუძლებდეს სპარსნი წყობად მისა, რამეთუ დაისწავ-
ლეს იგი, რომელსა ეწერა მგელი და ლომი, და ვითარცა იბი-
ლიან ვახტანგ, თქვან: „დურ აზ გორგასაღ“, რომელ არს ესე:
„მირიდეთ თავსა მგლისასა“. და მის მიერ სახელ-ედდა ვახტანგ
მეფესა გორგასაღ.

განგრძელდა მათ შორის ბრძოლა ოთხ თუე ოდენ. და მო-
ვიდა მოციქული კეისრისაგან, და მოართუა ძლუენი ვახტანგს,
და მოჰგულარა სპათაგან ბერძენთასა ოთხმოცი ათასი მკედარი,
და მოუწერა ვახტანგს, ვითარმედ: „შევექეც წყობასა ხაკანისა-
სა, და მოვივლენია შენდა ოთხმოცი ათასი მკედარი, და მომი-
წერია ლეონისდა: უკუეთუ გიკმდეს შენ ლაშქარი, წინაშე შენ-
სა არს მელიტენითვან ვიდრე ლამედმდე და მოღმართ ვიდრე
კარნუ-ქალაქამდე, და მიბრძანებია ლეონისდა წინაშე შენსა
იყოს“.

და მოწვევულ იყო ლაშქარი ბერძენთა ჯავახეთს. ხოლო ვი-
თარცა ცნა სპარსთა მეფემან ბერძენთა მოსლვა შუელად მათდა,
იწყო ზრახვად ვახტანგისა. მიუმცნო მოციქულსა მისსა და
რქუა: „რასათჳს მოვსწყდებით ურთიერთას, ძმანი კაცი ვართ,
შვილნი ნებროთისნი? უკუეთუ ცეცხლი არს ღმერთი, შე-უკუე-
ეწიენ იგი; ხოლო ჩუენ დავადგრეთ სიყუარულსა ზედა მამათა
ჩუენთასა. ხოლო თვთოეული ჩუენგანი სათნოსა სულისა
თჳსისასა ჰმსახურებდეს“.

ვითარცა მოვიდა მოციქული და უთხრა ვახტანგ მეფესა
ყოველი შეთულილობა სპარსთა მეფისა, და სთნდა ვახტანგს
და ყოველსა ერსა მისსა. და მისცა ნიჭი ვახტანგ მეფემან, მი-
უვლინა მოციქული მისი და რქუა: „გიხილავს ძალი ჯუარისა,
რამეთუ ყოველთა მეფეთა მოგუაქუნდა ხარკი ვიდრე გამოჩი-

ნებადმდე ჯუარცმულისა. რაჟამს გამოჩნდა იგი, მძლე გექმნენს ყოველნი თაყუანის-მცემელნი მისნი წინაშე მისსა, და მონარკენი შენნი ბერძენნი მოღმართ გბრძანან, და მოაოჯრენს სამსახურებელნი ცეცხლისანი. აწ, უკუეთუ გუბრძოდი ჩუენ დატეობისათჳს სჯულისა, მოგკუდდეთ ჩუენ მისთჳს, ვითარცა იგი მოკულდა ჩვენთჳს, და მან აღმადგინნეს ჩუენ. ხოლო უკუეთუ აღასრულო სიტყუა შენი და არა იყოს ცეცხლი ღმერთად შენდა, და იყოს ღმერთად ჩუენდა ქრისტე, მამად და უფლად გხადო შენ. დაღაცათუ ჩუენ პირმშონი ვართ, არამედ თქუენ სხდეთ საყდართა ზედა მამისა ჩუენისათა“.

ვითარცა უთხრეს სიტყუა ვახტანგისი, შეიწყნარა და წარსცა ძღუენი გორგასალსა ძლიერად, და მის თანა გვრგვინი ანთრაკონი, და ჟამი დადგეს შეკრებისა. აღიყარა მეფე სპარსთა, და უკუდგა რუსთავად, და გამოვიდეს ივინი განთიად და დადგეს ველსა კალაისასა: რამეთუ ტფილისი სოფელი და კალაიცა მოოჯრებულ იყო მაშინ. ხოლო მეფე ვახტანგ დადგა ჯაჭუს, და შეკრბეს მასვე ველსა ორნივე მეფენი, და მოიკითხეს ურთიერთას, და ყვეს აღთქმა თავისთავისა სჯულსა ზედა გარდაუვალ. და მოხადა მას დღესა სპარსთა მეფე გორგასალმან ლაშქრითურთ თჳსით ტფილისად, და უძღუნა გორგასალმან მკეველი ათასი, მონა ხუთასი, სტავრა სკარამანგიო ხუთასი, ბიზიონი ზუზმა ხუთასი, კდალი ცხენი ათი ათასი, ცხენი ბარგისა ხუთასი, ჯორი სამასი, ზროხა ოთხი ათასი, ცხუარი ათი ათასი, და დღესა მესამესა მივიდა გორგასალი მის თანა და თანა წარიტანა ლეონ, ანთიპატი კეისრისა, და ყვეს განზრახვა. და აზრახა ანთიპატმან გორგასალსა, რათა ყოს მშუდობა შორის კეისრისა და ხუასროსა, რამეთუ ეშინოდა ბერძენთა — ნუუკუთე შევიდენ საბერძნეთად სპარსნი და მოაოჯრონ იგი, რამეთუ სპანი საბერძნეთისანი ყოველნი იყვენს ხაზარეთს.

და რქუა ხუასრო გორგასალსა: „ითხოვე ჩემგან რაცა გნებავს თავისა შენისათჳს, ანუ სხუსა ვისთჳსცა გნებავს“. ხოლო გორგასალმან რქუა: „მნებავს, რათა იყოს მშუდობა შენ შორის და კეისრისა“. რქუა ხოსრო: „დამძიმდა თხოვა შენი ჩემ ზედა: რამეთუ ბერძენთა რაჟამს პოვიან ჟამი ჩუენ ზედა, არა ყვან წყალობა. და მე ამით ვყავ სიყუარული შენ ზედა, რათა შევიდე საბერძნეთად და შური ვიძიო მათგან. და აჰა, მო-



ციქული ხაზართა მეფისა მეათე დღე არს, რამეთუ მისივე
 არს, და შენ არა უწყი მიზეზი მტერობისა ჩუენისა. ხოლო მე
 მიგიბრძა სილალე მათი ჩუენ ზედა, და მერმე ვყო ნება შენი,
 ვინათჳან აღგიტქუ ფიცითა ძლიერითა, ვითარმედ არა ვყო
 უნებელი შენი“. და თქუა, ვითარმედ: „შენ უწყი, რამეთუ
 ზღუასა მოღმართ ჩუენი არს საზღვარი, განუყოფელი ნოე-
 სითჳან, და აწ იგი მბრძავს ჩუენ ჯაზირსა და შამსა და მოოკ-
 რებულ არიან ქალაქნი, ხოლო შამი სამეფო ჩუენი არს. არა-
 მედ ჯაზირისა ნახევარი, განწესებული მამათა ჩუენთა, შენი
 არს ხუედრი, და მიუღებებს იგი ბერშენთა, და მე ესერა შევი-
 დოდე უკმოღებად მისა. აწ რომელი ნაწილი მამათა შენთა
 არს, შენ განუყავ, შენ იცი და ბერძენთა. ხოლო სხუა ჯაზი-
 რისა მომცენ მე ბერძენთა, და რომელი ვითხოვე მე შენგან“.

ხოლო ვითარცა ესმა ესე ლეონ ანთიპატსა, განიხარა
 ფრიად და თაყუანი-სცა ორთავე მეფეთა, და თქუა: „ხუთნი,
 ქალაქნი ჯაზირისანი შენდავე იყვნენ, შენკერძნი, რამეთუ ნა-
 ხევარი სიკილიისა, რომელი მოგუელო შენგან, უკუტკეთ, და
 დღეთა ჩუენთა იყავნ მშუდობა შორის შენსა და მისსა“.

და თქუა მეფემან: ვინ უწყის, თუ დასჯერდეს ბერძენთა
 მეფე ქმნულსა ჩუენსა. და თქუა ლეონ: „რაჲამს წარმომაველი-
 ნა მე ძალად ამის მეფისა, რქუა მეფესა ჩუენსა მონაზონმან
 ვინმე ღმრთისმცნიერმან, ვითარმედ სთნავს ღმერთსა მშუდო-
 ბა სამთავე ამათ მეფეთა. და იქმნაცა ეგრე. ხოლო კეისარმან
 უბრძანა მწიგნობარსა და დაწერა წიგნი ზავისა. და აჰა, აჰა
 არს აღწერილი წიგნი მისი“.

ვითარცა ესე თქუა, წარიკითხეს წიგნი იგი, და წერილ იყო
 ფიცით: „თუნიერ მისსა, რომელი მოსცა სპარსთა მეფემან
 იგბიმიანოსსა, არა ვძებნო თქუენ ზედა“. და მოუწოდა სპარ-
 სთა მეფემან ხაზართა მეფისა მოციქულსა, და უთხრა მან
 აღზრუნეა სპარსთა ბერძენთა ზედა. მაშინ მოილო სპარსთა მე-
 ფემან ქარტა და დაწერა კელითა თუსითა წიგნი ბერძენთა მეფი-
 სა სიყუარულისა, და ჩინება საზღვართა, და სიკილიისა
 უკუცემისათუს. მისცა ფილისტიმი საზღვრითა იერუსალემი-
 სათა. და თქუა, ვითარმედ: „ქალაქი სჯულისა თქუენისა არს
 იერუსალემი“. და მისცა გორგასალსა ნიჭი: ალვა ლიტრა სამი
 ათასი, ამბარი ლიტრა ხუთასი, მუშკი ლიტრა ხუთასი, ტაიჭი

ცხენი სამი ათასი, სამოსელი ხუასროვანი ათასი და ხაზდი სამი ათასი.

და წარვიდა ვახტანგ შინა; ხვალისა დღე მოუვლინა მეფემან ვახტანგს ბარზაბან, საკუთარი მოზიდანი, და რქუა ესრეთ გორგასალს: „რომელი გინდა ჩემგან, მე ვქმნე. აწ განაგე საბრძანებელი შენი, ვითარცა ვნებავს: მიავლინენ დასტურნი და მიითუალენ ქალაქნი შენნი, რომელნი მიმცენ შენ და კეისარსა. ხოლო ბარზაბანისდა მიბრძანებია მისლვა კეისარისა ნითუალვად ქუეყანათა და ქალაქთა თქუენთა. ხოლო შენ უწყვი, რამეთუ საქმესა ამას ჩუენ ზედა განროსხნენ სპარსნი მოხუცებულნი, რამეთუ მათ ეგონა ჩემ მიერ შემუსრვა საბერძნეთისა, ხოლო მე დღეს საზღვართა ჩემთაგან ორი სამეფო მივანიჭე. აწ ესე არს სათხოველი ჩემი, რათა დაე შენი მომცე ცოლად, და შენ წარმოხვდე ჩემ თანა ქუეყანასა მამულსა ჩუენსა, რათა ჰნახნენათესავენი შენნი და შენ შემწე მეყო მე თავითა შენითა მტერთა ჩემთა ზედა, აბაშთა და ელამთა, პინდოთა და სინდთა, რამეთუ უძვრესი ბოროტი და დამდაბლება მეფობისა ჩემისა მათ ყვეს. აწ ოდეს მოხვდე ჩემ თანა, და ესრეთ რქუა მოხუცებულთა და მარზაპანთა ჩემთა, რამეთუ სიყვარული ვყავ ჩემი და მოყუარეთა ჩემთა, რამეთუ ესრეთ ინება მამან ჩემმან ვახტანგ მეფემან. რომელნი ქუეყანანი მივცენით, მათითავე შემწეობითა მოხარკე ვყვენით მტერნი ჩუენნი, და ამით დავაცხროთ გულისწყრომა მათი ბერძენთა ზედა. ხოლო შენ თავითა შენითა მინებ ძალად ჩემდა, არამედ სპანი შენნი ავღილსავე იყვნენ“.

მაშინ ვახტანგ მოუწოდა თანამზრახველთა თვსთა, და ესრახა ლეონ ანთიპატი ესრეთ, ვითარმედ: „დიდ არს კეთილი შენი ბერძენთა ზედა, უფროს მეფეთა მათ, რომელნი სხენან საყდართა მათთა, რამეთუ შენ დასცევ ქალაქი პონტოსა შემუსრვისაგან, და შენ მიანიჭე შვდასოთხმოცი ათასი სული, და დღეს შენ მიერ მიეცემის ჯაზირა და ფილისტიმი, რომელი მშუდობით არარომელსა მეფესა ბერძენთასა შეუპყრიეს. და მართალ არს ხუასრო, უკუეთუ არა ჰყო მის თანა სათნოება, უქმრად შერაცხოს იგი ერმან მისმან; დაღაცათუ მან არა გითხრა, მიღმართ ვაძლიოთ, რამეთუ ესე არს სრული სიყუარული; მე მიგცე ლაშქრისა ჩემისაგან ათი ათასი კურვილი და მე



წარგვყვე მოციქულთა შენთა თანა წინაშე კეისრისა, ვით მოგვერთო ჯაზირას სპითა ძლიერითა“.

ესე განაზრახა ლეონ ანთიპატმან. და სთნდა მეფესა ვახტანგს და ყოველთა წარჩინებულთა მისთა განზრახვა მისი; და მისცა სპარსთა მეფესა დამ მისი ვახტანგ მეფემან ცოლად, რომელსა ერქუა მირანდუხტ, რომელი წარტყუენულ იყო ოვსთაგან და გამოგესნა ვახტანგს. ხუარაშზე ამისთჳს არა მისცა, რამეთუ დაწინდებულ იყო სომეხთა პატიახშისა. და მოიყვანა ვახტანგ ძე მისი, რომელსა ერქუა სპარსულად დარჩილ, ხოლო ქართულად დაჩი. იყო ხუთისა წლისა, და დაადგა გვრგვნი, და დაუტევნა მეფედ, და დაუტევნა მის თანა შუდნი; წარჩინებულნი მისნი:

პირველად ჯუანშერ სპასპეტი, მპყრობელი შიდაქართლისა და მფლობელი ყოველთა ერისთავთა; და დემეტრე, ერისთავი კახეთისა და კუხეთისა; და გრიგოლი, ერისთავი ჰერეთისა; და ნერსარან, ერისთავი ხუნანისა; და აღარნასე, ერისთავი სამშუღდისა; და სამნადირ, ერისთავი შიდაეგრისა და სუანეთისა; და ბაკურ, ერისთავი მარგვსა და თაკურისა.

და ამათ შეჰვედრა ძე თჳსი დაჩი, და უბრძანა აღშენებაჲ უჯარმისა და მუნ შინა ზრდა დაჩი მეფისა, რამეთუ სიმარჯუედ გამოხახა იგი ნადირთა და ცხოვართათჳს. და წარიტანნა თანა ოთხნი წარჩინებულნი მისნი: არტავაზ, ერისთავი კლარჯეთისა; და ნასარ, ერისთავი წუნდისა; და ბივრიტიან, ერისთავი ოძრკისა; და საურმაგ, ეჯიბი მისი დიდი; და მათ თანა ათი ათასი მკედარი ლაშქრისა მისისა დარჩიული.

და ლეონ ანთიპატმან დაუტევა ლაშქრისა მისისაგან ათი ათასი ზერძენი, და თჳთ წარვიდა წინაშე კეისრისა. და ვახტანგ მეფემან წარატანა თანა მოციქულად არტავაზ, ერისთავი კლარჯეთისა; და წარსცა ყოველი ნიჭი წინაშე კეისრისა, რომელი მიენიჭა მეფესა ხუასროს; გარნა სტავრები და ტაიჭები დაიჭირა თავისათჳს, და სხუა ყოველი წარსცა და უბრძანა არტავაზს, რათა ჯაზირას მოერთოს ლეონ ანთიპატისა თანა.

ხოლო ვახტანგს ევედრნეს დედა და დამ მისი ხუარაშზე, რათა წარიტანნეს თანა და ილოცოს იერუსალემს. წარიტანნა, და წარვიდეს ვახტანგ მეფე და ხუასრო გზასა აღარბადანისასა; და მუნით წარვიდეს ვახტანგ და დედა და დამ მისი იერუსალემს, და ხუასრო ელოდა ანტიოქიას. შევიდეს და

ილოცეს წმიდასა აღდგომასა, და მოილოცნეს ყოველნი აღვილინი წმიდანი, და ბევედარნეს წმიდასა აღდგომასა, შეწირეს შესაწირავი დიდი და წარმოვიდეს ანტიოქიას.

ხოლო ლეონ, ანთაპატოსი კეისრისა, და არტავაზ, ერისთავი ვახტანგისი, მოვიდეს ოცი ათასითა მკედრითა რჩეულითა, და მოართუეს ხუასროს კეისრისაგან ძღუენი მიუწდომელი და ვახტანგს ნიჭი მიუწდომელი. და მოემცნო კეისარსა მოციქულთად სიხარული და მადლისა მიცემა ღმრთისა, და ვახტანგის ქება და მადლი მიუწდომელი. და მოემცნო ვახტანგისად: „და მიბრძანებინეს ლეონისდა ესრეთ, რათა იყოს შიშსა და ბრძანებასა შენსა ქუეშე ვითარცა ჩემსა“. და შეკრბა ვახტანგის საბრძანებელსა ქუეშე ბერძენი და ქართველი და სომეხი ორმოცდაათი ათასი მკედარი რჩეული.

მაშინ უბრძანა სპარსთა მეფემან ვახტანგს: „ვინათგან დედა და დამა შენი აქამდის დამაშურალ არიან, მოვიდენ იგინიცა სამეფოდ ჩემდა, რათა ერთობით აღვასრულოთ სიხარული ჩუენი. მერმე თუ ინებონ წარსლვა ქართლს, წარვიდენ იგინი გზასა რანისასა. ხოლო თუ ინებონ ლოდინება შენი, გელოდიან ურავას ქალაქსა შინა“.

სთნდა უკუე ვახტანგს ბრძანება ხუასროსი, და წარიტანნეს თანა და წარემართნეს. და წარგზავნა სპარსთა მეფემან მოციქული წინაშე ყოველთა წარჩინებულთა სპარსეთისათა, და მოუთხრა ესე ყოველი. ხოლო მათ განიხარეს სიხარულითა დიდითა. რამეთუ ცეცხლებრ ეგზებოდეს ბრძოლისათჳს ჰინდოთა, სინდელთა, და აბაშთა, და ჯორჯანთათჳს. და მივიდეს ბაღდადს, და მოეგებნეს ყოველნი წარჩინებულნი სპარსეთისანი სიხარულითა დიდითა. და აღასრულეს ქორწილი სამეფოდ, ექუს თუე განცხრომითა და განსუენებითა მიუწდომელითა. და შემდგომად ქორწილისა მისცა ნიჭი დიდძალი დედასა და დასა ვახტანგისსა, და წარმოვიდეს ურავას. და პატივისცემდა ვახტანგს ყოველი ერი სპარსეთისა ვითარცა ხუასროს, მეფესა მათსა, და მერმე წარემართნეს მტერთა ზედა.

პირველად მივიდეს ჯორჯანეთს, და წარმოტყუენეს ჯორჯანეთი, და ყოვლად უმკვდრო ყვეს. და დასხნეს ადგილსა მათსა ნათესავნი სპარსთანი. და მიერთგან იქმნნეს ჯორჯანნი გლეხად, რომელნი აწ არიან მებეგრენი სპარსთანი.

და მუნით შევიდეს ჰინდოეთად, და მუნ იქმნნეს ბრძოლა-



ნი ძლიერნი და თვითთვით. და იყო მუნ წესად: რომელმან
 ცა მათგანმან სძლის, ივლტინ მის წინაშე ბანაკი. ხოლო
 ტანგ მეფემან მოკლა ბუმბერაზი თხუთმეტი მუნ შინა, რო-
 მელთა დაეცნეს მრავალნი გოლიათნი სპარსთანი. და დაყვეს
 ბრძოლასა შინა ჰინდოეთისასა სამი წელი, და წარმოტყუენეს
 უმრავლესნი ქუეყანანი ჰინდოეთისანი, არამედ მტყიცენი ცი-
 ხე-ქალაქნი ვერ განტეხნეს, რამეთუ ზღუდეთა შინა იყვნეს.
 და წარმოიღეს ხარკი ჰინდოთა მეფისაგან; მუშკი ლიტრა ათა-
 სი, ამბარი ეგზომივე, ალვა ნავი ათი, თუალები იაკინთი და
 ზურმუხტი ნავი ერთი, და მის თანა საფირონი თვითსახე, ოქ-
 რო აქლემი ასი, გეცხლი აქლემი ხუთასი.

და მუნით შევიდეს სინდეთს. მაშინ სინდთა მეფემან ვაყო
 ერი თვისი ციხეთა და ქალაქთა შინა; და რომელსაცა კერძაჲ
 განვიდიან სპარსნი მტყუენაენი, გამოუტდიან სინდნი ციხეთა
 და ქალაქთაგან და დასდვიან ცნება დიდი სპარსთა ზედა, და
 მოსწყდა ურიცხვ ერი სპარსთაგანი. ხოლო ძალითა ქრისტესი-
 თა არასადა იძლიენეს ვახტანგის სპათაგანნი, და ყოვლადგე
 მძლედ გამოჩნდეს მტერთა ზედა, და მკნედ მბრძოლად გამოჩ-
 ნდეს ოთხნი იგი წარჩინებულნი ვახტანგისანი და ლეონ ბერ-
 ძენი; რამეთუ მათ დასცნეს მრავალნი მკნედ მბრძოლნი ბუმ-
 ბერაზნი სინდთანი. ხოლო სინდთა მეფე იყო ქალაქსა შინა
 სინდიას. მაშინ ყოვლითა ძალითა მათითა მივიდეს სინდიას,
 და მუნ მოხუდეს ბრძოლანი ძლიერნი, და დღეთა ყოველთაჲ
 გამოვიდეს თუთ სინდთა მეფე, რამეთუ იყო იგი მკნე გოლია-
 თი და შემმართველი, და გამოიტანნის მკედარნი სინდეთისა-
 ნი, და იყვის ბრძოლა ბუმბერაზთა; რომელსამე დღესა მათ
 სძლიან და რომელსამე მათ. და სინდთა მეფემან სძლო თავის-
 თავითა ყოველთა ბუმბერაზთა მბრძოლთა მისთა, და არა მი-
 ლედეს იგი და ვახტანგ ბრძოლასა შინა დღეთა მრავალთა.

მაშინ სინდთა მეფემან ველსა მას ზედა, კართა ქალაქისა-
 თა, ღამე თხარა მოხრებლი დიდი დასამალავად შიგა მკედარ-
 თა, და სიმარკვთ დაუტევენა გზანი გამოსავალნი, და ჩაადგინნა
 მუნ შინა მკედარნი ათნი რჩეულნი. და დილასა ადრე გამოგ-
 ზავენა ბუმბერაზი ერთი. და მას დღესა ხუედრი იყო ვახტან-
 გისი კართა ცვისათჳს. და მიდგა ესე ბუმბერაზი და სთხოვა
 ბრძოლა თავისთავ, რათამცა წარიტყუა და შეჰკადა მკედართა
 მათ ზედა. მაშინ საურმაგ, ეჯიბი ვახტანგისი, განვიდა და

რქუთა: „არა ხარ შენ კადნიერ ბრძოლად მეფისა, არამედ იმეფობისა და მისი მონასა“, და მიეტევა. ხოლო სინდელი იგი გაიქცა, და მისდევდა საურმაგ ჩვეულებსაებრ: რამეთუ მრავალგზის ბრძოლილ იყო ველსა მას ზედა. და ვითარ წარკდა და მალულთა მათ მკედართა, გამოუტდეს ზურგით მისსა და იგი მეოტი შემოიქცა. ხოლო საურმაგ სცნა ჰოროლი წინასა მას და მოკლა, ხოლო ათთა მათ მოკლეს საურმაგ.

მაშინ მიეტევა თვთ ვახტანგ მეფე და მის თანა სამნი იგი წარჩინებულნი მისნი: არტავაზ, ბიურიტიან და ნასარ, და მათ თანა ლეონ ბერძენი. ხოლო სინდელი იგი ივლტოდეს, და მისდევდა ვახტანგ მოყუსითურთ ვიდრე კართამდე ქალაქისათა, და სინდნი იგი შეივლტოდეს ქალაქად. მაშინ ვახტანგ საესე მწუხარებითა შეიქცა, და იგლოვდა გუამსა ზედა საურმაგისსა, ვითარცა ძმისა საყუარელისასა. რამეთუ თანაზრდილ იყო მისი, ძმისწული მამამძღვისა მისისა, არტავაზის მამისა, ერთგული, მისანდობელი და ქუელი.

მაშინ სინდთა მეფე გამოდგა კართა ქალაქისათა, და კმა ყო კმითა მადლითა, და რქუთა: „ვახტანგ მეფეო, მსგავსი ხარ შენ ყუავისა მის უგუნურისა, რომელმან ჰოვა ქორი მოწყალელი და გაგლეჯილი არწივისაგან, რომელსა ვერ ეძლო აფრენა და მიახლოებულ იყო სიკვდილსა. და არა ქმნა ყუავმან მან ვითარცა წესი არს ყუავისა. რამეთუ სხუამან ყუავმან ოდეს იხილის ქორი, იწყის კმამაღლად-ყივილი, და ასმინის სხუათაცა, და დაესხის სიმრავლე ყუავთა ქორსა, რათამცა განიოტეს საყოფელთაგან მისთა, და უშიშადმცა დაყვენეს დღენი მათნი, რამეთუ პირუტყუთაცა იციან სარგებელი თავისა მათისა.“

არა ქმნა ყუავმან ესევეთარი, არამედ შეიწყალა ქორი იგი, ვითარცა კეთლისყოფელი მისი; დაუტევა ზრდა მართეთთა თვსთა, და მარადის უკრებნ მკალსა და გუელსა, რამეთუ სხუსა შეპყრობა არა ძალ-უც ყუავსა, და მით ზრდიდა ქორსა. ვითარცა მოეზარდნეს ქორსა მას ფრთენი, თქუა გონებასა თვსსა: „ესერა დღეთა მრავალთა გაზრდილ ვარ მკალითა და გუელითა, და არა მომცემია ძალი მამა-დედათა ჩემთა, რამეთუ მკალითა ვერ განვძლიერდები. თუმცა ძალ-მედგა მიწევნა მფრინველთა და მით გამოზრდა თავისა ჩემისა, არამედ შევიპყრა ყუავი ისი, მზრდელი ჩემი, შევქამო და განვისუენო ორ დღე: მომეტეს ძალი და ვიწყო წესისაებრ ნადირობად, მამათა

ჩუენთაებრ“. რომლისათვისცა აღასრულა ესე, შეიპყრა იგი და შექამა. მიერთგან იწყო ნადირობად დიდთა და მალეთა მფრინველთა. არა მიეცა ყუავსა მას ქება მოწყალეობისა მისთვის, არამედ უგუნურად და თავისა მკვლელად ითქმის. არცა მიეცა ქორსა მას ყუედრება უწყალოებისა და კეთილის-უჭსენებლობისა; რამეთუ იგი არს გუარი და წესი ქორისა: განილეოდა და მოკუდებოდა მკალითა, და ქმნა წესისაებრ, და განერა სიკუდილისაგან. ხოლო ყუავმან მან არა წესისაებრ ქმნა, და მითცა მოკუდა.

აჲ სპარსნი, რომელნი პირველთაგან მოაქამომდე და წამართ მიუტუნისამდე მტერნი არიან ჯუარისმსახურთანი, ჟამსა შინა, უღონოებით, ლიქნით ყვიან სიყუარული; და ოდეს ეცის ჟამი, არა ყვიან წყალობა და კეთილის-ქსენება. ესე, ბევრის-ბევრეულჯერ ქმნილი, გუასმიეს წიგნთაგან. და ოდეს იხილენ სპარსნი ჩემ მიერ შეცნინებულნი, არა ჰყავ იგი, რომელი ჯერ იყო შენდა საქმედ, სიხარული და მადლისა შეწირვა ღმრთისა შენისა, და ზრახება სხუათაცა ნათესავთა, და მტერთა აღზრუნა სპარსთა ზედა, და შეწევნა მტერთა სპარსეთისათა. არა ჰყავ ესევითარი, არამედ დაგიტეობიეს საყოფელი მამათა შენთა, და წინამძღუარ ქმნილ ხარ სპასა დიდსა საქრისტიანოსა საბერძნეთისასა, და მოგივლია ორისა წელიწდისა გზა, და მოსრულ ხარ ძალად სპარსთა, რათაცა განძლიერდეს, და მოიწყუნეს, და წარგწყმიდეს შენ და ქუეყანა შენი, და დაიბყრეს წარსაწყმედელად ყოველთა ჯუარისმსახურთა. ქეშმარიტად ამას იმზადებ თავისა შენისათვის და ყოველთა ჯუარისმსახურთათვის. რად ვთქუ მე შენთვის ყუავისა იგავი? რამეთუ მეფე ხარ თვთმპყრობელი და ახოვანი, და ნებითა შენითა მიგიცემია თავი შენი მონად მტერთა შენთა. და ვითარ არა უგუნურად ვთქუა თავი შენი?“

მაშინ ვახტანგ რქუა: „გეგონა შენ, ვითარმედ სიბრძნით გამოხანულად იზრახე, არამედ ცრუ არიან სიტყუანი ეგე შენნი. მე გითხრა და გაუწყო ქეშმარიტი: უგუნურო, მსგავს ხარ შენ თავგვსა მის მთხუნველისა, რომელსა არა ახენ თვალნი, და საყოფელი მისი არს მიწასა ქუეშე; და არა უწყის ბრწყინვალება მზისა და მუენიერება ველთა; და დაჯერებულ არს იგი ცხოვრებასა თვისსა. რამეთუ ეგეოდენი ჰგონიეს მას ცხოვრება ყოველთა იძრვისთა, ვითარსა ცხოვრებასა თვთ არს; და



არა სურვილ არს ხილვად ნათელსა და შუენიერებასა ცისა ქუეყანისასა.

ეგრეთვე შენ ბრმა ხარ გონებისა თვალითა, და ყრუ ხარ გონებისა ყურითა: არა ხედავ, არცა გესმის, და არცა უწყი ცხოვრება სულიერი; და არცა სურვიელ ხარ შენ მისლვად ცხოვრებასა მას საუკუნოსა, ნათელსა მას დაუსრულებელსა, დიდებასა მას მოუგონებელსა და მიუწოდებელსა. და არცა იცნობ შენ ღმერთსა შემოქმედსა ყოვლისასა, რომლისა მიერ შეიქმნა ყოველივე.

არ მიქმნია მოსვლა ამას ქუეყანასა დიდებისათვის ამა სოფლისა, არცა მსახურებისათვის სპარსთა მეფისა, არამედ მსახურებისათვის ღმერთისა დაუსაბამოსა, სამებისა ერთარსებისა, დამბადებლისა ყოველთასა, დიდებისათვის მერმისა საუკუნოსა დაუსრულებელისა. რამეთუ ჩემითა აქა მოსლვითა ბირველად გამომიჯნია იერუსალემი, წმიდა ქალაქი, სადა დადგეს ფერკნი უფლისა ჩუენისა იესოს ქრისტესნი, და მუნ აღასრულა ყოველივე ჯსნისათვის სულთა ჩუენთასა. და შემდგომად ყოველი საქრისტიანო დამიჯსნია მოოჯრებისაგან, რამეთუ მისცემოდა ჟამი სპარსთა მეფესა მოტყუენვად ყოვლისა საქრისტიანოსა.

დაღათუმცა ქუეყანა ჩემი დაცულ იყო ძალითა ქრისტესითა და სიმჯნითა სპათა ჩემთათა, არამედ უცალო იყვნეს ბერძენნი და ვერ წინაღუდგებოდეს. და ესრეთ ჯერ არს ჩუენ ქრისტეს მოსაგთაგან, რათა ერთისა მოყუსისა ჩუენისათვის დაეღვათ სული ჩუენი. ხოლო ბევრისა-ბევრეული სული დაჯსნილ არს ჩემითა აქა მოსვლითა, და ამისთვის მიქმნიეს ესე, რათა ღმერთმან დამბადებელმან შეიწიროს მსახურება ესე ჩემი, და აღმისუბუქნეს ცოდვანი ჩემნი. და რომელ სთქუ შენ, თუ „მოიწყონ რა სპარსთა, მტერ ექმნებიან ქრისტიანეთა“, მე ძალითა და შეწევნითა ქრისტესითა ჟამსა ამას დამიჯსნიან ქრისტიანენი ჭირისაგან დიდისა, და უკანას ღმერთმან დამბადებელმან წყალობა ყოს კულად მოსავთა მისთა ზედა.

დაღათუმცა არა იყო მიზეზი ქრისტიანეთა ჯსნისა, და თვთ ძალად სპარსთა მოსრულ ვიყავ აქა. ჯერ იყო ესეცა ბირველად ნათესაობისათვის და შემდგომად ამისთვის, დაღაცათუ არა ჭეშმარიტსა სჯულსა ზედა არიან სპარსნი, არამედ მეცნიერნი არიან ღმერთისა დამბადებლისანი, და რწამს ცხოვრება



სულიერი. ხოლო თქვენ სრულიად უმეცარნი ხართ ღმრთისა-
ნი და უგულისხმო, ვითარცა ცხენი და ჯარი. ვითარ ^{საქართველო}
არამცა მსახურებად შეიწირა ღმერთმან დამბადებელმან ყოვ-
ლისამან.

და საწყუთოსაცა ამის საქმეთაგან საძაგელ არს გონება
შენი. რამეთუ ქორმან დადარმან, რომელმან შექამა ყუავი იგი,
მზრდელი მისი, აწებ ნაქმარსა მისსა. ხოლო ბუნება ჩუენი ესე
არს, რათა კეთილისმყოფელისა ჩუენისათჳს დაუდგათ სული
ჩუენი, და მოვიგოთ მადლი ღმრთისაგან, და ეპოვოთ ცხოვრე-
ბა საუკუნო, და სოფელსა ამას მოვიგოთ ქება კაცთაგან. და
სახელსა ზედა ღმრთისასა და მცნებათა მისთათჳს თუ მოვკუ-
დეთ, უკუდავნივე ვართ, და სიკუდილისაგან ცხოვრებად მი-
ვიცვალებით“.

მაშინ რქუა სინდთა მეფემან: „ცუდ არს სიგრძე ზრახვისა
ჩუენ შორის, არამედ რომელ სთქუ შენ, თუ „სახელისათჳს
ღმრთისა ჩემისა მოვკუდე, სიკუდილისაგან ცხოვრებად მივიც-
ვალები“, მაშა უკუეთუ კაცმან უწყოდის მის ზედა მომავალი
დიდება და კეთილი, ჯერ არს ესრეთ, რათა ისწრაფოს მიმთხ-
უევად სუფევისა მის. აწ უკუე ქეშმარიტად უწყი სუფევად
მისლვა შენი. გამოვედ ბრძოლად ჩემდა, რათა ჩემ მიერ მივიც-
ვალო დღეს სიკუდილისაგან ცხოვრებად, რამეთუ წარჩინებუ-
ლი ისი შენი წარმოგივლენია წინამორბედად შენდა, რათა
განვიმზადოს სადგური შენი“.

რქუა ვახტანგ: „აწინდელი სიკუდილი არა მიჩნს სიხარუ-
ლად, რამეთუ ცოდვილი ვარ, და არა სრულიად აღმისრულე-
ბია მცნება ღმრთისა, და არა სრულიად აღმივოციან ცოდვანი
ჩემნი სინანულითა, არამედ ძალითა ქრისტესითა არა მეშინის
მე შენგან სიკუდილისა; რამეთუ იგი არს მფარველი ჩემი,
რომლისა მიერ დაცულ ვარ ყოვლადვე; და მრავალმოწყალე-
მან ღმერთმან, მრავლითა ძალითა მის-მიერითა, ჩემ მონისა
მისგან მოგკლას მგმობარი მისი, და სული შენი წარვიდეს
ბნელსა მას გარესენლსა, ცეცხლსა უშრეტსა“.

მაშინ გამოვიდა სინდთა მეფე, და ვახტანგ რქუა მოყუასთა
თჳსთა: „ღმერთსა ევედრენით, და ზურგიოთ კერძი ჩემი განმი-
მარეთ“.

და განვიდა ვახტანგ, და ორთავე მათ აქუნდა ჰორო-
ლები. მაშინ იწყეს რბევად მრგულივ ნავარდსა, და ღონესა
ეძიებდნენ ორნივე, რათამცა შეჰყვეს წუერსა ჰოროლისასა.

მაშინ დაიუბა სინდთა მეფემან შეყოლა ვახტანგის ჰოროღსა და წუერისა და შეუტევა, რათამცა სცნა ჰოროღნი. ხოლო სიმენითა და სიციხესასითა ტანისა მისისათა მიუდრკა ვახტანგ ჰოროღსა და წარჭდა, და შემოუმრგლო ვითარცა გრიგალმან და სცნა ჰოროღნი სინდთა მეფესა ბექსა მარცხენასა. ვერ უფარა სიმაგრემან საჭურველისამან, და იწყლა წყლულებითა დიდითა, რამეთუ წინათ განავლო წყრთა ერთი. და ჩამოიჭრა სინდთა მეფე, და მივიდა ზედა ვახტანგ, ჩაპყო კელი და უპყრა ფერკი მისი, და თრევით მიიღო წინაშე სპარსთა მეფისა.

მაშინ ყოველმან სპამან კმითა მადლითა შეასხეს ქება ვახტანგს, და აღივსო სიხარულითა სპარსთა მეფე და ყოველი ბანაკი მისი. და მოვიდოდეს ყოველნი წარჩინებულნი წინაშე ვახტანგ მეფისა ძლუნითა, და შესწირვიდეს ძლუნსა. მაშინ, სპარსთა მეფემან მოიყვანა მკურნალი კელოვანი და დაადგინა ზედა სინდთა მეფესა, რათა განიკურნოს წყლულებისაგან, და მის მიერ წარიღოს ყოველი სინდეთი. ხოლო სინდთა დაიჭირეს ნაცვლად მეფისა მათისა ძე მისი.

მაშინ მეფემან ვახტანგ აზრახა სპარსთა მეფესა განტეგება სინდთა მეფისა, აღება ხარკისა და მძევალთა, რამეთუ ვერ წარიღებდეს სინდეთსა. არამედ სთნდა სპარსთა მეფესა განზრახვა ვახტანგისი: განუტევა სინდთა მეფე, აღიღო მისგან ხარკი ორი ეგზომი, რომელი აეღო ჰინდოთაგან, და ორნი შვილნი მძევლად. და ესე ხარკი სინდთა სპარსთა მეფემან ყოველი მიანიჭა ვახტანგს.

მაშინ მეფე იგი სინდთა დაემოყურა ვახტანგს სიყუარულითა დიდითა: პირველად ამისთვის, რომელ, ოდეს შევარდა კელთა ვახტანგისთა, არა მოკლა და ცოცხლებით მიიყვანა წინაშე სპარსთა მეფისა; და შემდგომად ამისთვის, რამეთუ ვახტანგის მიერვე განთავისუფლდა ტყუეობისაგან. და უძღუნა ვახტანგს ძლუნნი მიუწოდებლად დიდძალი. და წარმოვიდეს სინდეთით წელსა მეოთხესა სინდეთს შესღვისა, და დარჩომოდეს მოუოკრებელად ქალაქნი სინდეთისანი: სინდილა, თოფორი, კიმრაი,

და მოვიდეს მუნით აბაშეთს. ხოლო აბაშნი მსხდომარე იყვნეს ქუეყანასა, რომელსა მოსდგმიდა წყალი და ლერწმონანი, რომელსა ვერ იარებოდა ნავი, და ვერცა ოთხფერკი, არამედ საზღვართა ზედა არს სპარსთასა, და სულგრძელად ჰბრძოდეს, რამეთუ წყალი იგი რომელ შესდიოდა, გარდაუბ-

დეს, და ლერწმობანი იგი დაწუეს ცეცხლითა, და წარმოტყუენ
ნეს აბაშეთი ყოველი. და განყენა მეფემან სპარსთამან აბაშნი
ორად: და ნახევარნი დაუტევნა ადგილსაჲ ზედა, და ნახევარ-
ნი წარმოიყვანნა ვითარ სახლი ათასი, და განყენა იგინი ადგი-
ლითი ადგილად. და ესე არიან ქურდნი, ნათესავენი იგი რომელ
წარმოტყუენნა აბაშთაგან.

და წარმოვიდა ვახტანგ წელსა მერვესა შესლვით მისითგან
სპარსეთად ვიდრე ანტიოქიამდე, და მოვიდა ურაჰად. ხოლო
სპარსთა მეფე აძლევედა ვახტანგს ცოლად თვსთაგან მცფეთასა.
ხოლო ვახტანგ რქუა: „არა ჯერ არს ჩემგან ორთა ცოლთა
ბყრობა, რამეთუ მივის მე ცოლი ასულა კეისრისა“. დაუმ-
ძიბდა ესე მეფესა ხუასროს, არამედ ვერარა რქუა, ხოლო ვახ-
ტანგ მშუდობით პოვნა დედა და დაამ მისი, და წარმოვიდეს
ვიდრე განსაყოფელსა ბერძენთა და სომეხთასა.

და წარვიდა ლეონ ბერძენი და სპა მისი შიმშატად. ხოლო
ვახტანგ წარავლინა მოციქული წარმოყვანებად ცოლისა მისი-
სა, და პეტრესთვის კათალიკოსისა და სამოელ ეპისკოპოსისა.
წარმოვიდა ვახტანგ ქართლად, და მიეგება ძე მისი დაჩი და
მის თანა ყოველნი სპასალარნი, და მათ თანა ეპისკოპოსნი. და
ვითარცა ცნა ეპისკოპოსმან, ვითარმედ წარავლინა მეფემან
მოციქული მოყვანებად კათალიკოსისა და ეპისკოპოსთა, და-
უმძიბდა მას ზედა. და იწყო რეცა ამბოხებად და მიზეზობად,
და მიუვლინა მეფესა და რქუა, ვითარმედ: „შენ დაგიტეობია
ქრისტე და ცეცხლსა ესავ“. ხოლო ვახტანგ მოუვლინა, ვითარ-
მედ: „ძალითა ქრისტესითა შევედ და სიმართლით გამოვედ
ძალითავე ქრისტესითა, და უბრალო ვარ, ღმერთმან იცის! მაგ-
რა წარმიდენნია მოციქული მოყვანებად კათალიკოსისა და
ეპისკოპოსთა“.

და ვითარცა ესმა ესე ეპისკოპოსსა, დაიდასტურა; და ჰგო-
ნებდა, რათა შფოთითა დააცადოს საქმე იგი მოსლვა მათი, და
ტრულ-ყო მეფე და ყოველნი სპანი მისნი. ხოლო მეფემან
თქუა: „დადაცათუ უბრალო ვართ, სიმდაბლე ჯერ არს ჩუნ-
გან“. და მივიდა მეფე, და ვარდაჯდა სავედარსა, რათამცა შე-
უმთხვა ფერკთა ეპისკოპოსისათა. და განძრა მან ფერკი, და
მიამთხვა პირსა მეფისასა ფანდაკითა და შემუხრა კბილი მისი.
ხოლო მეფემან თქუა: „სილაღე ესე ამპარტავნებისა არს საც-
თური ეშმაკისა; უკუეთუ სიმრავლემან ცოდვათა ჩემთამან

აღგძრა, არა გაქუს კელმწიფება ბოროტისა, არამედ შენდობი-
 სა, ვითარცა იტყვს სახარება, ვითარმედ: „არა დაშრიტო პატ-
 რუკი მგზნებარე, არცა განსტეხო ლერწამი დაჩეჩქული“. ხო-
 ლო შენ ჰგონებ ვითარცა შენითა სივერაგითა ჩუენ დაგუა-
 ცადენ სიყუარულსა ქრისტესსა. მაშინ გამოჩნდა ცხადად,
 რაყამს გესმა უმთავრესისა შენისა ქართლად მოყვანება, და
 აღეგზენ შურითა ბოროტად, ვითარცა იუდა პეტრესითა; რა-
 მეთუ შენ ხარ ვითარცა იუდა, ხოლო ეკლესია ვითარცა პეტ-
 რე. ვერცხლისმოყუარე ხარ შენ, რამეთუ შენცა მეგუადრუცე
 ხარ ქრისტესი. აწ მიავალინო შენ პატრიაქისა კონსტანტინე-
 პოლედ და, ვითარცა ჭერ-იყოს, განგიკითხოს“.

და წარსცა იგი დიასპანთა, და მის თანა კბილი მისი, და
 შეუთუალა, რათა კათალიკოსი და თორმეტნი ეპისკოპოსნი
 სწრაფით წარმოავლინენ. და მათ შორისმცა არს პეტრე კა-
 თალიკოსად და სამოელ ეპისკოპოსად, და სხუანი ვინცა
 სთნდენ. და ვითარცა მიაწიეს მიქელ ეპისკოპოსი, რქუა მათ
 პატრიაქმან: „ვინათგან დაიბნია სისხლი შენ მიერ ქუეყანასა
 ზედა, არღარა ღირს ხარ შენ ეპისკოპოსად, და კადრებისათჳს
 მეფისა თანაგაც შენ სიკუდილი, ვითარცა იტყვს: „დაემორჩი-
 ლენით თქუენ მეფეთა, რამეთუ არა ცუდად კრმალ აბიეს, რა-
 მეთუ ღმრთისა მიერ მთავრობს, ვითარცა ლომი შორის ცხო-
 ვართა“. და ექსორია-ყვეს მიქელ ეპისკოპოსი მონასტერსა
 მღვმარეთასა.

და წარავლინეს პეტრე მღდელი და სამოელ მონაზონ-
 ანტიოქიას. და მიუწერეს ანტიოქიისა პატრიაქსა მეფემან და
 პატრიაქმან კონსტანტინეპოლელმან ესრეთ, ვითარმედ: „პირ-
 ველად, დასაბამსა ქართლის მოქცევისასა დედაკაცისა პრომა-
 ელისა ნინოს მიერ, განივლინა აქათ ეპისკოპოსი, რამეთუ შო-
 რის სპარსთა და ბერძენთა შფოთი იყო, და მით ვერ მოაწიეს
 საქმე ესე ჯერისებრ სჯულისა: რამეთუ ჩუენ უწყით, ვითარ-
 მედ ქართლი და აღმოსავლეთი და ჩრდილო მაგის წმიდისა
 საყდრისანი არიან, ვითარცა განაწესეს მოციქულთა სახარება-
 სა შინა, რომელ არს უწინარესობა“. და მიუწერეს ყოველი
 საქმე დიდისა ვახტანგ მეფისა, ვითარმედ: „ეპისკოპოსი იგი,
 რომელი მათ მიერ დადგინებულ იყო, უკუუვადგინეთ, და დღეს
 იცოდეთ ახალნერგად ჭეშმარიტად ქართლი. აწ ორნი ესე მათ-
 ნი თხოილნი აკურთხენ, სხუანი თორმეტნი, ვინცაგინ შენ გე-



ნებოს, იგინი აკურთხენ. და ჩუენდა წარმოვიდენ, ნიჭითა და საკმრითა ყოვლითა განუტევენთ“. და მან პატრიარქმან აკურთხნა თორმეტნი ეპისკოპოსნი და პეტრე კათალიკოსად.

და მოვიდეს კოსტანტინეპოლედ, და მეფემან მისცა ნიჭი დიდძალი, და ასული თვისი მისცა, სახელით ელენე, მეფესა ვახტანგს, და გამოავლინა იგი სპითა დიდითა ვიდრე საზღვართამდე სომხითისათა. და მიეგება ვახტანგ მეფე, და შეიქცეს სპანა ბერძენთანი. და წარმოვიდეს მცხეთად.

ხოლო მცხეთას მეფემან ვახტანგ აღაშენა ეკლესია მოციქულთა სუეტი ცხოველი, და უპყრა სუეტსა შინა სამხრით ადგილსა მას, სადა-იგი დაცემულ იყო ეკლესია, რომელ არს სიონი დიდი. და მუნ შინა დასუეს პეტრე კათალიკოსად და სამოელ ეპისკოპოსად მცხეთასავე საეპისკოპოსოსა.

და დასუა ერთი ეპისკოპოსად კლარჯეთს, ეკლესიასა ანისისასა; ერთი არტანს ერუშეთს; ერთი ჯავახეთს, წუნდას; ერთი მანგლისს; ერთი ბოლნისს; ერთი რუსთავს; ერთი ნინოწმიდას, უჯარმისკარსა, რომელი გორგასალსა აღაშენა; ერთი ქერემს, მისსავე აღშენებულსა, და მუნ ქმნა ქალაქი ერთი შორის ორთავე ეკლესიათა, რომელი-იგი მანვე აღაშენა; ერთი ჩელეთს, რომელი სოფელსა შუა აღაშენა; ერთი ხორნაბუჯს და ერთი აგარაკს, რომელ არს ხუნანს გამართებით.

შემდგომად მისსა აღაშენა ეკლესია ნიქოზისა საგზებელსა თანა ცეცხლისასა და დასუა ეპისკოპოსი, სადა-იგი ეფლა გუამი წმიდისა რაყდენისი, რომელი იწამა სპარსთა მიერ წყობასა ვახტანგისსა.

ესე რაყდენ იყო მამამძღვე ვახტანგის ცოლისა, რომელი-იგი პირველ მოეყვანა სპარსთა მეფისა ასული; და მოიქცა იგი ქრისტიანედ, და იქმნა იგი დიდად მორწმუნე; და იყო იგი ბრძოლასა მას შინა ძლიერ, შეიპყრეს იგი სპარსთა და აიძულებდეს, რათამცა უარ-ყო ქრისტე. ხოლო მან წმიდამან აღირჩია წარუვალი იგი დიდება და იწამა ქრისტესთვის.

და ესხნეს ვახტანგს ბერძნისა ცოლისაგან სამ ძე და ორ ასულ. ხოლო ძესა მისსა პირმშოსა პირველისა ცოლისასა, დაჩის, მისცა ქალაქი ქერემისა და ნეკრესისა, და ქალაქი კამბეჩოვანისა, რომელ არს ხორნაბუჯი; და ყოველი ქუეყანა

მტკუარსა აღმოსავლით. და თვთ ვახტანგ დაჯდა უჯარმოს, და აღაშენა იგი ნაშენებითა უზომოთა. და დაჲ მისი ხუარამზე მისცა ბაკურს ცოლად, პატიახშსა სომხითისასა.

და ვითარცა წარვდეს ამას შ-ნა უამნი რაოდენნიმე, მოკუ- და ხუასრო, მეფე სპარსთა, და დაჯდა მის წილ ძე მისი ხუას- რო. და განძლიერებულ იყვნენ სპარსნი, რამეთუ ყოველნი მტერნი მათნი დაემორჩილნეს შესლვითა ვახტანგისითა, და წარმოემართა იგი ბრძოლად ბერძენთა, და მოუვლინა გორგა- სალსა მოციქული და რქუა: „მოკუდა მამაჩემი, და მეფე-მყო, მე ყოველმან ერმან მისმან საყდართა მისთა ზედა. და ეს- რეთ მიბრძანეს მოხუცებულთა ჩემთა, რათა მივიღე წინაშე შენსა და ვერჩდე ბრძანებასა შენსა, და შენ წარმიძლუე ჩუენ, მეფეო, წინამძღურად ჩვენდა შესლვასა ამას ჩუენსა საბერ- ძნეთად. და მომეც ასული შენი ცოლად, რათა ვიყო მე ვი- თარცა ერთი შეილი შენთაგანი“. და ვითარცა მოვიდა მოცი- ქული წინაშე ვახტანგ მეფისა, და ვახტანგ აშენებდა ქალაქსა ტფილისისასა და საფუძველი ოდენ დაედვა.

და ვითარცა უთხრა მოციქულმან შეთუღილობა ხუასრო მეფისა, თქუა მეფემან: „ამისთვის თქუან: მკედელო, გამახუე მახული შენი, რათა მსწრაფლ განეწონოს ასოთა შენთა“. მაშინ ვახტანგ დღეთა მიწევნულ იყო ვითარ სამოციისა წლისა და თქუა ესრეთ: „უთხართ მეფესა ხუასროს: პირველად განემზა- დე ბრძოლად ჩუენდა, და ეგრე შევედ საბერძნეთად, რამეთუ ძალნი, რომელნი იქმნნეს, ყოველნი ძალითა ჭუარისათა იქმ- ნეს. აწ ცხოვრება ჩუენი იყავნ სასოებითა ჭუარცმულისათა“.

და წარავლინა ქადაგი, რათა დაუტეონ სოფლები და ქალა- ქები, რომელი იყო არაძლიერი, და შეივლტოდინ კავკასიანთა და კახეთად, რამეთუ კახეთი ტყე იყო და შეუვალი მტერისა მიერ. ხოლო დაჩი მეფე და დისწული მისი გარდავიდეს კახე- თად, და შედგეს ჯეგსა ლოპოტისასა, ქუეყანასა მას კლდითა მოზღუდვილსა და იყვნეს სოფლისა მის კაცი ცეცხლისა და წყლის მსახურ, და სავსე იყო ჯევი იგი სიმრავლითა კაცთათა ვიდრე ნოსრამდე, ხოლო გორგასალისა ცოლი და შვილნი — უჯარმისკევსა. და წინასა ციხესა თვთ შედგა, და მის თანა ჭუანშერ და ადარნაყ. ხოლო მცხეთას დემეტრე და ნერსე და ზივრიტიანი დაუტევა, წარავლინა მოციქული და მიუშცნო კეისარსა.



და მოვიდა ხუასრო მეფე და შემუსრნა ქალაქი კამბეჯონსკი და ქერმისა ციხე, და ველისციხე. და ვითარცა მოიწივნეს კახეთად, დაიბანაკეს იორსა ზედა. ხოლო სპანი ვახტანგისნი დადგეს ველსა ზედა, გარემოს ციხე-ქალაქსა, სადა ჰქვან დარფაკა. და შეიბნეს იორსა ზედა, და სამ დღე ყოველთა დღეთა იბრძოდეს, და დაეცემოდა ორთავე სპათაგან ურიცხვ. მაშინ ვახტანგ მოუწოდა პეტრე კათალიკოსსა და რქუა: „უწყოდე, რამეთუ არა ხარკისა მიცემისათჳს გუბრძვანან, არამედ ქრისტეს დატეობისათჳს. აწ მე ესე განმიზრახავს, რამეთუ ცხოვრებასა ჩემსა სიკუდილი უმჯობეს არს სახელსა ზედა ქრისტესსა, რათა სასუფეველი გუაქუნდეს, აღთქმული მათ თანა, რომელთა ეტყჳს: „რომელმან წარიწყმიდოს თავი თჳსი ჩემთჳს, მან პოოს იგი“.

რქუა მას პეტრე კათალიკოსმან: „გიხილვან საქმენი, რომელნი არავინ ნათესავთა შენთაგანმან იხილნა, შეწევნანი ქრისტესმიერნი. რამეთუ უწყის სიბრძნემან შენმან, ვითარმედ მტერი იგი გამომცდელი ჩუენი აცილობს ღმერთსა ჩუენთჳს ვითარცა იობისთჳს; რამეთუ ღმერთი მიუშუებს მოძულებულთა მათ თჳსთა წარწყმედად, ხოლო შეყუარებულთა თჳსთა განღმრთობად. იყავ შენ, ვითარცა გაზრახოს ღმერთმან, დაღაცათუ არა მოჰკუდეთ, მოგკუდეთ“. და ამით სიტყჳთა ამხილა, ვითარმედ წყობასა მას არა დარჩეს, და რქუა: „არა-ხოლო-თუ ქართლი მიეცეს განსარყუნელად, არამედ იერუსალემიცა, რომელ არს მშობელი ყოველთა შვილთა ნათლისათა“.

და რქუა მეფემან: „დადეგ ეკლესიასა შინა რაჲდენ წმიდისასა, რომელი რაბატსა შინა უჯარმოსასა აღმიშენებებს; და ვეკუ, ვითარმედ ყოველნი ქალაქნი გარემოს უჯარმოსა იძლივნენ, რამეთუ მტკიცენი და ძლიერნი ზღუდენი აქა დავსხენით“. და ყო ეგრე კათალიკოსმან. ხოლო ეპისკოპოსნი ყოველნი წმიდანნი მუნ შეკრბეს.

და იყო ლაშქარი ვახტანგისი ორასორმოცი ათასი, ხოლო სპარსთა — შუდასორმოცი ათასი. და განყო ვახტანგ ლაშქარი მისი სამად: და კლდით კერძო მოავლინა ქუეთით; და ერთ კერძო მოავლინა პატიახშნი და სპასპეტი; და სადათ სპარსთა მეფე იყო, მუნით თჳთ მივიდა ვახტანგ ვითარ ასი ათასითა სპითა.

ლამესა ნისლისაგან განცისკრებულსა ოდენ დაესხა ვახტანგ სპარსთა ზედა და რჭუა ყოველსა ერსა მისსა: „ყოველი კაცი, რომელი დარჩეს სიკუდილისაგან და მტერთა ჩუენთაგანისა თავი ანუ კელი არა გამოიტანოს, ჩუენ მიერ მოკუედინ იგი“. და ცისკარი რა აღედებოდა, დაესხა და შველო ვიდრე პალატამდე მეფისა. შვევიდა კარავსა შინა მეფისასა და მეფე შეესწრა ცხენსა ზედა, და ძე მისი ბარტამ მოკლა და მოჰკუეთო თავი მისი. და მუნ შინა სპარსმან ეინმე სცა ისარი მკერდსა ვახტანგისსა, და იყო ბრძოლა ვიდრე შუადღემდე. სძლო ვახტანგ სპარსთა მათ, და მოკლა მათგანი ვითარ ასოცდაათი ათასი, ხოლო სპათაგან ვახტანგისთა მოკუდა ვითარ ოცდარვა ათასი. და წარმოიღეს ნატყუენავი ცხენი ვითარ ასი ათასი, და სრულიად ვერ იოტნეს სიმრავლისაგან. და აიყარა მუნით სპარსთა მეფე, და ჩადგა რუსთავს. და დამძიმდა წყლულება ვახტანგისი, რამეთუ შეწუჟულ იყო ისარი ფირტუად. და წარვიდა უჯარმოს, და უბრძანა სპასალართა ქართლისათა, რათა ადგილსავე დადგენ.

ცნეს სპარსთა, რამეთუ დამძიმდა ვახტანგ წყლულებისაგან, მოაოკრეს ტფილისი და არმაზი ქართლი, ხოლო მცხეთა ვერ დაიპყრეს, გარნა რომელი ზღუდესა გარეგნით იყო, მოაოკრეს, რომელი-იგი მუხნარით და არაგუსა ხერთვისსა იყო.

ხოლო ბერძენთა მეფე, სიმამრი ვახტანგისი, მოკუდა და დაჯდა მეფედ ზენონ, ძე მისი. და გამოვიდა სპერად, გამოსლვად ქართლს. და ვითარცა ცნა სიმძიმე ვახტანგისი, დაადგრა კარნუ-ქალაქსა. და მივიდა მუნ ხუასრო, და შეიბნეს ხუასრო და კეისარი კარნიფორას. და დაივოცა ორთაგანვე სპათა, რომელ იქმნა სისხლისა მდინარე; და მის მიერ ეწოდა ადგილსა მას კარნიფორა, რეცა სისხლისა მუცელი. და ვერ სძლეს ერთმანერთსა, რამეთუ სპანი ორთანივე დაივოცნეს, და შეიქცა ხუასრო გზასა ქართლისასა.

ხოლო ვახტანგ შეიტყო სიკუდილი თავისა თვისისა, და მოუწოდა კათალიკოსსა, და ცოლსა თვისსა, და ძეთა და ყოველთა წარჩინებულთა, და თქუა: „მე ესერა წარვალ წინაშე ღმრთისა ჩემისა, და ვმადლობ სახელსა მისსა, რამეთუ არა დამაკლო გამოჩრეულთა წმიდათა მისთა. აწ ვამცნებ თქვენ, რათა მტკიცედ სარწმუნოებასა ზედა სდგეთ და ეძიებდეთ ქრისტესთვის



სიკუდილსა სახელსა მისსა ზედა, რათა წარუვალი მოიგოთ“.

და რქუა ყოველთა წარჩინებულთა: „თქუნენ, მკედრონო ქართლისანო, მოიკსენენით კეთილნი ჩემნი; რამეთუ პირველად სახლისა ჩემისა მიერ მიიღეთ ნათელი საუკუნო, და მე კორციელებრითა დიდებითა გადიდენ თქუნენ. ნათესავთა ჩემთა და სახლსა ჩუენსა ნუ შეუტრაცნ-ჰყოფთ, და სიყუარულსა ბერძენთასა ნუ დაუტეობთ“.

და რქუა ძესა თვსსა დაჩის: „შენ ხარ პირმშო შვილი ჩემი, შენდა მიმიცემია გურგუნი მეფობისა ჩემისა, და ნაწილად ძმათა შენთა მიმიცემია ტასისკართგან და წუნდითგან ვიდრე სომხითამდე და საბერძნეთამდე, საზღვარი აფხაზეთისა, რომელი მოცემულ არს ეგრისწყალსა და კლისურასა შუა, იგი თვთ ძმათა შენთა დედისა არს, იგი აქუნდეს მათ, და იყვენენ შენდა ერისთავად მორჩილებასა ქუეშე ნათესავისა შენისასა“.

და მოუწოდა ნასარს, ერისთავსა წუნდისასა, და არტავაზს, ერისთავსა კლარჯეთისასა, და ბივრიტიანს, ერისთავსა ოძრკისასა, და მათ მიათულა ცოლი თვისი ელენე და შვილნი მისნი, რომელთა ერქუა ლეონ და მირდატ, და შეავედრნა მათ სამივე ერისთავთა ცრემლითა და შეხედვებითა ღმრთისათა.

მაშინ წარჩინებულთა და ყოველსა ერსა ზედა დღე იყო სახელოსა, და იტყუებდეს ყოველნი თავთა თვსთა, ისხმიდეს ნაცარსა, და ყოველნი ინატრებდეს სიკუდილსა თავისა თვისასასა; და ჯმისაგან ტირილისა და გოდებისა იძრვოდა ქუეყანა; და მორწმუნე ერი ჰნატრიადა მეფესა, რამეთუ ქრისტესთვის მოიკლა. და მოკუდა ვახტანგ, და დაეფლა მცხეთას, საკათალიკოსოსა ეკლესიასა შინა სუეტსა თანა, რომელსა შინა არს ღმრთივ-აღმართებულისა სუეტისაგან დაპყრობით.

[2. ვახტანგის შვიდგონი მეფენი ქართლისა]

და დაჯდა საყდარსა მისსა ძე მისი დაჩი. ხოლო ცოლი და ორნი ძენი ვახტანგისნი წარიყვანნეს სამთა მათ ერისთავთა, და დაიპყრეს დასავლეთი ქართლისა, რომელი მისცა ვახტანგ. და დასხდეს წუნდას ქალაქსა ზაფხულის, და ზამთრის იყვნინ ოძრკეს. და არა ეწოდა მათ მეფედ, არამედ ერისთავთა მთავ-

რად, და იყვნეს მორჩილებასა ძმისა მათისა დაჩი მეფისასა.¹ ხოლო ამან დაჩი მეფემან იწყო შენებად ქართლისა, რამეთუ მოოჯრებულ იყვნეს ყოველნი კეცინი ქართლისანი, თვნიერ კახეთისა და კლარჯეთისა და ეგრისისა. და განასრულნა ზღუდენი ტფილისისანი, და, ვითა ებრძანა ვახტანგს, იგი შექმნა სახლად სამეუფოდ.

და მოკუდა პეტრე კათალიკოსი და დაჯდა სამოელ და მეფემან მას მიათულა მცხეთა, რამეთუ ეგრე ებრძანა მეფესა ვახტანგს. ამანვე მეფემან დაჩი დაპატიჟა მთეულთა კახეთისათა, რათა აღიარონ ქრისტე, ხოლო მათ არა ინებეს, და განდგეს ყოველნი ნობატელნი.

ხოლო ორთავე მათგან ძეთა ვახტანგისთა, ნაშობთა ბერძნისა ცოლისათა, მოკუდა რომელსა ერქუა ლეონ, და დარჩა მირდატ ოდენ. ამას მირდატს დაევაჭრა ძმა მისი დაჩი: მეფემან გაუცვალა ქუეყანა, და აღილო მირდატისგან ეგრისწყალსა და კლისურას შუა, მირდატის დედული საზღვარი საბერძნეთსა, და მისცა ნაცვლად ჯავახეთი ფარაენითგან მტკურამდე. დაიპყრა მირდატ, ძემან ვახტანგისმან, ფარაენითგან და ტასიკართგან ვიდრე ზღუამდე სპერისა, და ერისთავობდა მუნ; და იყო მორჩილ დაჩი მეფისა, ძმისა თვისისა. ამან აღაშენა ჯავახეთს ეკლესია წყაროსთავისა. და მოკუდა დაჩი მეფე.

და დაჯდა მეფედ ძე მისი ბაკურ. და მოკუდა ბაკურ.

და დაჯდა მეფედ ძე მისი ფარსმან. და მოკუდა კათალიკოსი სამოელ, და დაჯდა კათალიკოსად თავფეჩაგ. და მოკუდა თავფეჩაგ. და დაჯდა კათალიკოსად ჩერმაგ.

და ვახტანგისითგან მოაქამომდე ესე მეფენი მშვიდობით იყვნეს, და შვილნი მირდატისნი კმონებდეს შვილთა დაჩისთა.

ამის ფარსმანის მეფობასა მოვიდეს სპარსნი, მოაოჯრეს ქართლი და რანი. ხოლო ფარსმან, მეფემან ქართველთამან, ითხოვა სპარსთ მეფისაგან, რათა არა მოაოჯრნეს ეკლესიანი და იპყრას ქართლი სჯულისა ზედა ქრისტესსა. რამეთუ მას ეამსა ბერძენნი უცალო იყვნეს: დასავლით მტერნი აღდგომილ იყვნეს, და ვერ შემძლებელ იყვნეს შეწევნად ქართველთა და წინააღდგომად სპარსთა. მაშინ სპარსთა მეფემან ისმინა ვედრება მისი და დაიცივნა ეკლესიანი. და ფარსმან დაუწერა მას მორჩილება და მსახურება, და წარვიდა სპარსთა მეფე.

მოერითგან განიყვნეს ნათესავნი ვახტანგ მეფისანი. რამე-



თუ შვილნი დაჩისანი ჰმსახურებდეს სპარსთა, ხოლო შვილები მირდატისნი დაადგონ მოთხილენასა ბერძენთასა.

მოკუდა ფარსმან და დაჯდა მეფედ ძმისწული მისი, რომელსა ერქუა ფარსმანვე.

და იყო იგი მორწმუნე ვითარცა მამისძმა მისი, და ჰმატა ყოველთა ეკლესიათა შემეკობა.

და მოკუდა კათალიკოსი ჩერმავე, და ამანვე ფარსმან მეფემან დასუა საბა. აქათგან არღარა მოიყვანებდეს კათალიკოსსა საბერძნეთით, არამედ ქართველნი დასხდებოდეს, წარჩინებულთა ნათესავნი. და მოკუდა კათალიკოსი საბა, და მანვე მეფემან დასუა კათალიკოსად ევლავიოზ.

მისვე ფარსმანის ზე მოვიდა იოვანე შუამდინარით, რომელსა ეწოდა ზედაზადნელი, განმანათლებელი ქართლისა და განმწმედელი სჯულისა, მაშენებელი ეკლესიათა, რომელმან ქმნა სასწაულები და ნიშები მრავალი, მან და მოწაფეთა მისთა, რომელთა განაკვრენეს ყოველნი ქართველნი. დაიწერა ცხოვრება და სასწაულნი მათნი და დაისხნეს ეკლესიათა შინა ქართლისათა.

და მეფობითგან მირიან მეფისათა ვიდრე მეორისა ფარსმანისა გარდადდეს წელი ორასორმოცდაათნი. და მეფენი გარდაიცვალნეს ი-დ. და ვახტანგისითგან კათალიკოსნი გარდაიცვალნეს რვანი და მოკუდა ფარსმან, და დაჯდა მეფედ ძე მისი ბაკურ.

ესე ბაკურ იყო მორწმუნე და მაშენებელი ეკლესიათა. ამან განამრავლნა ეკლესიანი და მღვდელნი სამეფოსა შინა თესსა. და განწმიდა ქართლი ყოველისა ურწმუნოებისაგან.

და მოკუდა კათალიკოსი ევლავიოზ, და მანვე მეფემან დასუა კათალიკოსი მაკარი.

ამასვე ეამსა მეფობდა სპარსეთს, რომელსა ერქუა ურმიზდ.

და მასვე ეამსა იყო სომხითს კაცი ერთი, შვილი მთავართა, სახელით ვასქენ. და ესუა მას ცოლი, მთავართა შვილი, რომელსა ერქუა შუშანიკ, ასული ვარდანისი. ხოლო ამას ვასქენს ეუფლა ეშმაკი და განიზრახა მიქცევა ცეცხლისმსახურებად: წარვიდა წინაშე სპარსთა მეფისა, და დაუტევა სჯული ქრისტესი, და იქმნა ცეცხლისმსახურ. ხოლო სპარსთა მეფემან წარმოგზავნა იგი ნიჭითა დიდითა ერისთავად რანისა. ვითარ მოვიდა და ცნა ცოლმან მისმან შუშანიკ ქმრისა მისისა-

გან დატევება ქრისტეს სჯულსა, არღარა ერჩიდა იგი ცოლსა და შვილსა და დაივიწყა სიყვარული ქმრისა თვისისა, და ყოველგვარი გულითა შეუდგა იგი ქრისტესა აღსრულებად მცნებათა მისთა.

მაშინ ვასქენ შეუდგა მრავალღონედ, პირველად ლიქნითა და ვედრებითა, და ნიჭისა მიცემითა; შემდგომად შეაგდო სატანჯველთა შინა დიდთა, რომელ სიგარძისაგან ვერ დავწერენ ღუაწლნი წმიდისა შუშანიკისნი. და მოკლა იგი ქმარმან მისმან ვასქენ, ერისთავმან რანისამან.

მაშინ ბაკურ, მეფემან ქართველთამან, მოუწოდა ყოველთა ერისთავთა მისთა, და შემოკრიბნა ლაშქარნი ფარულად, და წარემართა ვასქენს ზედა პარვით. რამეთუ ვასქენ ველსა გარედგა კიდესა მტკუარისასა, სადა მიერთვის მდინარე ანაკერტისა მტკუარსა, დაესხა და შეიპყრა ვასქენ. დაჭრეს წურილად და ასონი მისნი დამოჰკიდეს ხესა. ხოლო გუამი წმიდისა შუშანიკისი წარმოიღეს დიდითა პატივითა, და დაფლეს ცორტავს.

ამან ბაკურ მეფემან წარგზავნა მოციქული წინაშე სპარსთა მეფისა, აუწყა ესე ყოველი, და ითხოვა მისგან შენდობა. მაშინ სპარსთა მეფემან განიზრახა გონებასა თვისსა, და თქუა: „უკუეთუ შევერისხნე ქართველთა, განერთნენ იგინი ბერძენთა“. და შენდობა აღიარა: გამოგზავნა მოციქული ბაკურისი პასუხითა კეთილითა; რამეთუ ყოველი გმობა და ბრალობა ვასქენ მოკლულისა უბრძანა, და ამართლა ბაკურ სიკუდილსა მისსა. და წარმოგზავნა რანს და მოვაკანს სხუა ერისთავი, რომელსა ერქუა დარელ და უბრძანა, რათა კეთილად მეგობრობდეს ქართველთა

და მოკუდა კათალიკოსი მაკარი, და მანვე მეფემან დასუა სკმონ კათალიკოსად, და მოკუდა ბაკურ, და დარჩეს შვილნი მისნი წურილნი, რომელნი ვერ იპყრობდეს მეფობასა.

მაშინ მეფემან სპარსთამან ურმიზი მისცა ძესა თვისსა რანი და მოვაკანი, რომელსა ერქუა ქასრე ამბარგეზი. მოვიდა და დაჯდა ბარდავს, და უწყო ზრახვად ერისთავთა ქართლისათა: აღუთქუა კეთილი დიდი, და დაუწერა საერისთავოთა მათთა მამულობა შვილითი შვილამდე, ად ესრეთ წარიბირნა ლიქნითა და განდგეს ერისთავნი და თსთსად ხარკსა მისცემდეს ქასრე ამბარგეზსა.

და შვილნი ბაკურისნი დარჩეს მთეულეთს კახეთისასა; და ნათესავნი მირდასტისნი, ვახტანგის ძისანი, რომელნი მთავ-

რობდეს კლარჯეთს და ჯავახეთს, ივინი დარჩეს კლდეთაჲსი კლარჯეთისათა. სხუა ყოველი ქართლი, სომხითი და ასტუგანი დაიპყრეს სპარსთა და ჰბრძოდეს ბერძენთა.

შემდგომად ამისა მცირედთა წელთა იქმნეს შოთონი დიდნი სპარსეთს შინა, რამეთუ შევიდა თურქთა მეფე სპარსეთს შინა; მოვიდეს ბერძენნი, ეწყუნეს სპარსთა შუამდინარესა, აოტნეს და შევიდეს სპარსეთს, და იწყეს ტყუევნად სპარსეთისა. მაშინ ქასრე ამბარვეზმან დაუტევა რანი და ქართლი, და წარვიდა შუელად მამისა თჳსისა.

ესრეთ რა უცალო იქმნეს სპარსნი, მაშინ შეითქუნეს ყოველნი ერისთავნი ქართლისანი, ზემონი და ქუემონი, და წარგზავნეს მოცაქული წინაშე ბერძენთა მეფისა, და ითხოვეს, რათა უჩინოს მეფე ნათესავთაგან მეფეთა ქართლისათა და რათა იყვნენ ერისთავნი იგი თჳს-თჳსსა საერისთავოსა შეუტყუალებელად.

მაშინ კეისარმან აღასრულა თხოვა მათი, და მოსცა მეფედ მისწული მირდატისი, ვახტანგის ძისა, ბერძნის ცოლისაგან, რომელსა ერქუა გუარამ, რომელი მთავრობდა კლარჯეთს და ჯავახეთს.

ამას გუარამს მოსცა კეისარმან კურაპალატობა, და წარმოგზავნა მცხეთას.

და შვილნი ბაკურ მეფისანი, ნათესავნი დაჩისნი, ვახტანგის ძისანი, რომლისადა მიეცა მეფობა ვახტანგ მეფესა, ივინი დარჩეს კახეთს. და დაიპყრეს კუხეთი და პერეთი იორითგან, და დასხდეს უჯარმოს, და იყვნეს მორჩილებასა გუარამ კურაპალატისასა.

მაშინ კეისარმან წარმოსცა განძი დიდი გუარამ კურაპალატისა თანა, და უბრძანა, რათა მით განძითა გამოიყვანნეს ჩრდილოს ლაშქარნი, და შეერთნეს თანა სპანი ქართველთანი, და შეგზავნნეს სპარსეთს. ხოლო გუარამ ყო ეგრე: გამოიყვანნა ოგსნი, დურძუქნი და დიდონი, და წარუძღუენნა წინა ერისთავნი ქართლისანი. შევიდეს ადარბადაგანს, და უწყეს ტყუენვად. და ესევეთარნი ჭირნი და უცალოებანი მოიწიენეს სპარსთა ზედა.

მაშინ გამოჩნდა სპარსეთს კაცი ერთი, რომელსა ერქუა ბარამ ჩუბინი. ესე ეწყო თურქთა, სპარსეთს შემოსრულთა, ვითარცა წერილი არს ვანცხადებულად ცხოვრებასა სპარსთა-

სა, მოკლა საბა, თურქთა მეფე, და აოტა ბანაკი მათი. ხოლო სპანი იგი ბერძენთანი, რომელნი შესრულ იყვნეს სპარსეთსა შვიტყეს და წარვიდეს შინა. და ჩრდილონი იგი, გუარამ კურაპალატისა შეგზავნილნი, წარმოვიდეს იგინიცა შინა; რამეთუ ვინათგან მოიცალეს სპარსთა თურქთაგან, შეშინდეს, და დაეცა შიში და ძრწოლა ქართველთა სპარსთაგან.

და ამან გუარამ კურაპალატმან იწყო ციხეთა და ქალაქთა მაგრებად.

და კულადცა წყალობა-ყო ღმერთმან ქრისტიანეთა ზედა, და სხუა შუღლი დავარდა სპარსეთს: რამეთუ იგივე ბარამ ჩუბინი გაადგა სპარსთა მეფესა, და დასწუნეს თუალნი ურმიზდ მეფესა ცოლისძმათა მისთა, და იწყეს ბრძოლად ჩუბინმან და ქასრე. იოტა ქასრე ჩუბინისაგან, და წარვიდა საბერძნეთს. და კეისარმან მავრიკ მოსცა ასული თსი ცოლად ქასრეს, და მოსცა სპა მისი და წარმოგზავნა ჩუბინსა ზედა. იოტა ჩუბინი სპარსეთით, და ქასრემან დაიპყრა სპარსეთი.

მაშინ მავრიკ კეისარმან იურვა ქართველთათჳს ქასრეს თანა, და რქუა: „ვინათგან დაუტეობია ქართველთა კერპთმსახურება, მუნითგან მორჩილნი ბერძენთანი არიან; რამეთუ ეამსა შინა მძლავრებისაგან თქუენისა იქმნის განრყუნილ ქართლი, თუ არა სამართალი თქუენი არა არს ქართლსა ზედა. აწ ბრძანებითა ღმრთისათა, ვინათგან სრულსა სიყუარულსა ზედა ვართ მე და შენ, და ქართლი ჩუენ შორის იყავნ თავისუფალ მშვიდობით: მე ვარ მწე და მოურავი ყოველთა ქართველთა და ყოველთა ქრისტიანეთა“.

მაშინ ერჩდა სპარსთა მეფე კეისარსა, და განთავისუფლდეს ქართველნი. და ესე გუარამ კურაპალატი დადგა მორჩილებასა ზედა ბერძენთასა.

იყო კაცი მორწმუნე და მაშენებელი ეკლესიათა. ამან იწყო ეკლესია ჭუარისა პატროსნისა; და აქამომდე ჭუარი ველსა ზედა იყო, და ქმნა ეკლესია წელთამდის ოდენ.

და მეფობდა კეთილად და უშფოთველად. არამედ ერისთავნი ქართლისანი ვერ სცვალნა საერისთვოთაგან მათთა, რამეთუ სპარსთა მეფისაგან და ბერძენთა მეფისაგან ჰქონდეს სიგელნი მკვდრობისათჳს საერისთავოთა მათთა, არამედ იყვნეს მორჩილებასა გუარამ კურაპალატისასა.

და მოკუდა კათალიკოსი სუმონ და დაჯდა სამოელ. და კუდა კათალიკოსი სამოელ და დასუეს სამოელვე.

ამანვე გუარამ კურაპალატმან განაახლა საფუძველი ტფილისისა სიონისა.

რამეთუ ნათესაენი მორწმუნისა მირიან მეფისანი ყოველნი ეკლესიათა მაშენებელნი იყვნეს. და მოკუდა გუარამ კურაპალატი.

[ა. ქართლის მრისთავთა მთავრები]

და დაჯდა ძე მისი სტეფანოზ. მეფობისა სახელი ვერ იკადრა სპარსთა და ბერძენთა შიშისაგან, არამედ ერისთავთა მთავრად ხადოდეს. და მოკუდა სამოელ კათალიკოსი, და ამან სტეფანოზ დასუა ბართლომე კათალიკოსად. ხოლო ესე სტეფანოზ იყო ურწმუნო და უშიში ღმრთისა, არა ჰმსახურა ღმერთსა, არცა ჰმატა სჯულსა და ეკლესიათა.

და ამის ზე იქმნა შფოთი დიდი საბერძნეთს: რამეთუ მავრიკ კეისარსა განუდგა ფოკას მკედარი, და მოკლა მავრიკ კეისარი და შვილნი მისნი. და დაიპყრა საბერძნეთი ფოკას მკედარმან. მაშინ სიძემან კეისარისამან, სპარსთა მეფემან ქასრე, იწყო ძებნად სისხლსა სიმამრისა და ცოლისძმათა მისთასა, შესლვად და ტყუევნად საბერძნეთისა. განძლიერდა ბერძენთა ზედა, და ვერ წინააღუდგა ფოკას კეისარი. ხოლო სტეფანოზ, მთავარი ქართლისა, შეუშინდა მეფესა სპარსთასა, განუდგა ბერძენთა და მიექცა სპარსთა.

მას ქამსა მანვე მეფემან ქასრე წარმოტყუენა იერუსალიეში და წარიყვანა ძელი ცხოვრებისა; და შემდგომად ამისა აღიღო ღმერთმან კელი წყალობისა ქასრესგან: შეიპყრა იგი ძემან თვსმან, შესუა იგი საპყრობილესა, და მოკუდა სენითა ბოროტითა.

ხოლო ამის სტეფანოზის ზე მცხეთას მოაკლდებოდა და ტფილისი განძლიერდებოდა, არმაზი აღოვრდებოდა და კალა აშენდებოდა. და ძმა სტეფანოზისი, სახელით დემეტრე, აღაშენებდა ეკლესიასა კუარისა პატაროსისასა. რამეთუ სენიცა იყო მის თანა ბოროტი, და ვერ შემძლებელ იყო განშორებად კარსა ეკლესიისასა. და სტეფანოზ მთავრობდა ყოველსა



ქართლსა ზედა, და დაჯდა იგი ტფილისს, და ჰმორჩილებდა იგუ სპარსთა.

ხოლო შემდგომად ამისა რაოდენთამე წელიწადთა გამოჩნდა საბერძნეთს კაცი ერთი, თჳსი მავრიკ კეისრისა, სახელით ერაკლე. ამან მოკლა ფოკას კეისარი, და დაიპყრა საბერძნეთი. განძლიერდა იგი და მიიყვანნა დასავლეთით თურქნი, და შეკრიბნა სპანი ურიცხუნი, და წარმოემართა სპარსეთად ძებნად ძელისა ცხოვრებისასა. და მოვიდა პირველად ქართლს.

ამან სტეფანოზ არა ინება განდგომა სპარსთაგან, და განმაგრნა ციხე-ქალაქნი, და დადგა ტფილისსა შინა. მოვიდა ერაკლე მეფე და მოადგა ტფილისსა. ხოლო სტეფანოზ იყო ქუელი მკედარი და შემმართებელი; დღეთა ყოველთა გამოვიდის კართა ქალაქისათა და ებრძოდის ბერძენთა. მაშინ უკუე მას წყობასა შინა ჩამოაგდეს სტეფანოზ და მოკლეს. და დაიპყრა კეისარმან ტფილისი.

ხოლო ციხესა კალისასა დარჩეს კაცნი, და არა მოერთნეს მეფესა; და ციხით გამოღმართ ციხისთავმან აგინა მეფესა და რქუა: «ვაცისა წუერნი გასხნენ და ვაცბოტისა კისერი გაქუს». მაშინ ბრძანა მეფემან: «დალაცათუ კაცმან ამან ბასრობით მრქუა მე ვაცბოტობა, არა არს ცუდ სიტყუა მისი». და მოიღო წიგნი დანიელ წინასწარმეტყუელისა და პოვა მას შინა წერილი ესრეთ: «გამოვიდეს ვაცი დასავლისა, და შემუსრნეს რქანი ვერძისა აღმოსავლისანი». მაშინ განიხარა მეფემან და დაიდასტურა, რამეთუ ყოველივე განემარჯუებოდა სპარსთა ზედა.

მაშინ კეისარმან მოუწოდა ძესა ბაკურისსა, ქართველთა მეფისასა, ნათესავსა დაჩისასა, ვახტანგის ძისასა, რომელი ერის მამობდა კახეთს, რომელსა ერქუა ადარნასე, და მისცა მას ტფილისი და მთავრობა ქართლისა. და დაუტევა მის თანა ერისთავი, რომელსა ერქუა ჯიბლა, და უბრძანა ბრძოლა კალისა, და თუთ წარემართა მეფე ბრძოლად სპარსთა.

ხოლო მცირედთა დღეთა წარიღეს კალა და შეიპყრეს ციხისთავი იგი. ამან ერისთავმან პირველად პირი დრაჰკნითა აღუვსო, რომელ სიტყვთა შენითა კეისარმან განიხარაო. და შემდგომად ამისა ტყავი გაჰკადა, და კეისარსა უკანა მისწია გარდაბანს: კადრებისათჳს მეფისა უყო ესე.

და ესევეითართა სიკუდილითა წარეგნეს სტეფანოზ და მსახურნი მისნი. ამისთჳს უყო ესე ღმერთმან მთავარსა მას



სტეფანოზს, რამეთუ არა მინდობითა ღმრთისათა ცხოვნიდა: აორწმუნეთა ემტერებოდა და ურწმუნოთა მოყუბუნებულნი იქნა.

მაშინ კჳალად წარიდეს ბერძენთა საზღვარი ქართლისა: სპერი და ბოლო კლარჯეთისა, ზღვსპირი. და შვილნი სტეფანოზისნი დარჩეს კლდეთა შინა კლარჯეთისათა, სხუა ყოველი ქართლი დააპყრა ადარნასე ბაკურის ძემან მთავრობით, და მეფობასა სახელი ვერცა მან იკადრა. და ერისთავნი იგი თუსთუსსა საერისთვოსა შინა მკვდრობდეს შეუცვალებლად, და მორჩილებდეს ადარნასე მთავარსა.

ხოლო ერაკლე მეფე შევიდა სპარსეთს, და მოკლა ხუასრო მეფე, და წარიღო ბაღდადი, და წარმოიყვანა ძელი ცხოვრებისა. უკმოიარა გზა ქართლისავე მეშუდესა წელსა, რაითგან ჩაევლო. და ეკლესია ჯუარისა პატიოსნისა და სიონი ტფილისისა განესრულნეს ადარნასე ქართლისა მთავარსა.

მაშინ ერაკლე მეფემან წარიხუნა მანგლისით და ერუშეთით ფერკთა ფიცარნი და სამსჭუალნი უფლისა ჩუენისა იესოს ქრისტესნი, რომელნი მოცემულ იყვნეს კოსტანტინესგან მირიანისდა.

შეწუხნა ადარნასე, ქართლისა მთავარი, და ევედრებოდა კეისარსა, რათა არა წარიხუნეს ნიჭნი იგი ღმრთისამიერნი. არა ისმინა კეისარმან ვედრება მისი და წარიხუნა.

ხოლო ამისა ადარნასეს ზე გარდაიცვალნეს სამნი კათალიკოსნი: იოვანე, ბაბილა და თაბორ.

მოკუდა ადარნასე, და დადგა ძე მისი სტეფანოზ.

ესე სტეფანოზ იყო უმეტეს ყოველთა ქართლის მეფეთა და მთავართა მორწმუნე და განმწმედელი სჯულისა, მაშენებელი ეკლესიათა. და მან მოადგნა ზღუდენი ეკლესიასა ჯუარისა პატიოსნისასა, და აღაშენნა დარბაზნი, და დაუწერა კრება ყოველთა პარასკევთა, და მუნ შეკრბიან ყოველნი ეპისკოპოსნი და მღდელნი მის ადგილისა და არისანი კათალიკოსის თანა, წინაშე პატიოსნისა ჯუარისა; აღიდიან პარასკევი, ვითარცა დიდი პარასკევი. ხოლო საკათალიკოსოსა არიან კრებანი ყოველთა ზუთშაბათთა და აღიდიან წმიდა სიონი, ვითარცა დიდსა ზუთშაბათსა, საიდუმლოსა თანა ჯორცითა და სისხლითა ქრისტესითა. ხოლო მცხეთას საეპისკოპოსოსა არს ყოველთა სამშაბათთა კრება და ჯსენება პარველმოწამისა სტეფანესი და ყოველთა მოწამეთა, დიდისა მისგან ძლიერებისა სპარსთასა

რომელ წამებულ იყვნეს, და აბიბოს ნეკრესელ ეპისკოპოსის
რომელმან მოაქცივნა უმრავლესნი მთელნი არაგუსა აღმოსავლეთისა
სავლითნი. ხოლო პატიოსანი გუამი მისი დადევს მცხეთას,
საეპისკოპოსოსა, სამარხავსა ეპისკოპოსთასა. და დღესასწა-
ულსა მისსა უფროს ყოველთა დღესასწაულთასა შეკრბიან და
ადიდებდიან ღმერთსა.

მათ ყამთა გამოჩენილ იყო მოჰამად, ნათესავი ისმეელისი,
მოძღუარი სარკინოზთა სჯულისა, და ყოველი არაბია და იამ-
ანეთი დაიპყრა. და მოკუდა იგი, და დადგა მის წილ ამობიქარ,
და შევიდა სპარსეთს. რამეთუ გინათგან შესრულ იყო ერაყ-
ლე მეფე სპარსეთს, და განერყუნა სპარსეთი; და არლარავინ
იყო წინააღმდეგომი სპარსეთს. ამან ამობიქარ აგარიანმან დაი-
პყრა სპარსეთი, შევიდა ბაღდადს და მძლავრობით დაატეობი-
ნა უმრავლესთა ცეცხლისმსახურება, და მოაქცივნა სარკინო-
ზად. და მოკუდა იგი, და დადგა მის წილ ომარ, და უმეტეს
განძლიერდა იგი.

უთხრეს მეფესა ერაკლეს, ვითარ შემოვლენ აგარიანნი შა-
მად და ჯაზირეთად, რომელ არს შუამდინარე. და გამოვიდა
ერაკლე ფილისტიმად, რათამცა ეწყო მუნ. ხოლო იყო მუნ
მონაზონი ვინმე, კაცი ღმრთისა, და მან რქუა მეფესა: „ივლ-
ტოდეთ, რამეთუ უფალმან მისცა აღმოსავლეთი და სამხრეთი
სარკინოზთა, რომელ არს თარგმანი მისი სარას ძალთა“. და
მონაზონისა მის სიტყუთა ესე უთხრეს ერაკლე მეფესა ვარსკ-
ულავთმრიცხველთა და სრულთა მისანთა. აღაშენა ერაკლე
მეფემან სუეტი და დაწერა მას ზედა: „მშუდობა შუამდინარეო
და ფილისტიმო, ვიდრემდის წარქდეს შუდნი შუდეულნი“.
შუდეულისათჳს ესრეთ პოვეს ყამი განსაზღვრებული ფილო-
სოფოსთა ჰერმის ტრისმეჯისტონის წიგნთა შინა სარკინოზ-
თათჳს, რომელ არს ორასორმოცდაათი წელი.

მაშინ ყოველნი ნათესავნი ბერძენთანი წარჩინებულნი
ჰფლვიდეს ქუეყანათა შინა განძთა, რათა რაყამს გამოვიდენ,
პოვნენ განძნი იგი და არლარა ნახონ ჭირი წაღებისა და ყუა-
ლად გამოღებისა.

და აღმოვლო ერაკლე კეისარმან გზა რანისა და მეორედ
შემოვიდა ქართლად. და რქუა ნათესავსა სპარსთასა, რომელ-
ნი შემოლტოლვილ იყვნეს სარკინოზთაგან: „უკუეთუ უწყით,
ვითარმედ დასრულდა მეფობა თქუენი; დაუტევეთ ჩრდილო



და შემოგედით ჩუენ თანა“. და მათ დაუტევეს ქუეყანა და დაფლნეს განძი მათნი; რომელნიმე წარპყვეს და რომელნიმე დადგეს, და შეიტანნეს ყოვლისა საგანძურისა გუჯარნი. და რა გუჯარი დაწერეს, აღწერეს ნათესავი თუნი და ქუეყანა, და დადგეს, რათა ოდეს სოვიდენ ბერძენნი, მით გუჯართა მოიძიენენ ნათესავნი მათნი და თუთოეულად განუყონ ქუეყანა და განძი.

ხოლო სტეფანოზს ესხნეს ორნი ძენი არჩილ და მიპრ. და განუყო ყოველი ხუასტაგი სამეფოსა მისისა, საგანძური ოქროსა და ვეცხლისა და თუალთა პატიოსანთა: და ნახევარი წარიღო ქუეყანასა ეგრისსა და წარიყვანა ძე თუნი პირმშო მიპრ; და ნახევარი საქონელისა მისისა მისცა არჩილს, უმარწემესსა ძესა თუსსა. ხოლო არჩილ დაჰფლა საგანძური უფროსი ჰევსა კახეთისასა; ხოლო სამსახურებელნი ოქროსა და ვეცხლისანი ჰევსა უჯარმოსასა, და საგანძური ქართლისა და ჭავჭავთისანი დასხნა გორს, რომელი მანვე ერაკლე განაჩინა სამალავად განძთა მათთუს, რომელნი თანა ვერ წარჰქონდეს. სახელი გორისა მის არს ტონთიო, რომელ არს თარგმანებათ „მთა ოქროსა“. და დასუა მას ზედა ტილისმი, რათა ვერვინ შეუძლოს გამოღებად. ხოლო საგანძური ყოველთა ქართლისა ეკლესიათანი დაფლნა აჩრდილსა დიდისა სიონისასა მცხეთასა. და შემდგომად მცირედთა ჟამთა შევიდა არჩილცა ეგრადვე, რამეთუ მოიწია ამირა აგარიანი ქართლად, რომელსა ერქუა მურვან ყრუ, ძე მომადისი, რომელი წარმოვევლინა ეშიმს, ამირმუმლსა ბაღდადელსა, ძესა აბდალ-მელიქისსა, ნათესავისაგან ამათისა. ამისთვის ეწოდა მეორედ ყრუ, რომელ არა მიითუალვიდა სიტყუჟასა განმზრახთასა.

და ყოველნი მთავარნი და პატიახზნი, ნათესავნი ერისთავთა და წარჩინებულთანი შეიმეოტნეს კავკასიად, და დაიძალნეს ტყუთა და ღრეთა. და მოვლო ყრუმან ყოველი კავკასია, და დაიპყრა კარი დარიელისა და დარუბანდისა, და შემუსრნა ყოველნი ქალაქნი და უმრავლესნი ციხენი ყოველთა საზღვართა ქართლისათა.

და ვითარ ცნა, რამეთუ მეფენი ქართლისანი და ყოველნი ნათესავნი მათნი წარვიდეს ეგრისად და მუნით კუალად მიიცივალნეს აფხაზეთად, შეუდგა კუალსა მათსა. შემუსრნა ყოველნი ქალაქნი და სიმაგრენი ეგრისის ქუეყანისანი. და ციხე

იგი სამზღვდუდ, რომელ არს ციხე-გოჯი, შემუსრა, და შეველო
ზღუდუდ იგი საზღვარი კლასურისა. და მოსლვასა მისსა კათა-
ლიკოსი იყო თაბორ.

და ვითარცა შეველო ყრუმან კლასურა, რომელი მას ეამსა
იყო საზღვარი საბერძნეთისა და საქართველოსა, და შემუსრა
ქალაქი აფშილეთისა ცხუმში. და მოადგა ციხესა ანაკოფისასა,
რომელსა შინა არს ხატი ყოვლად წმიდისა ღმრთისმშობელი-
სა, არა კაცობრივთა კელითა დაწერილი, არამედ ზეგარდამო,
რომლისათჳს არავინ უწყის — ვინა იგი მოსრული იბოვა
თავსა ზედა მის გორისასა, რომელსა მოსდგამს სამხრით ზღუა
და ჩრდილოთ ჭალაკი მწყურნები. მუნ შინა იყვნეს მაშინ მე-
ფენი ქართლისანი მირ და არჩილ; ხოლო მამა მათი გარდაცვა-
ლებულ იყო და დამარხულ ეგრესა შინა. და ერისთავი კეის-
რისა ლეონ შესრულ იყო ციხესა შინა სობლისასა, რომელ
არს გარდასავალსა ოვსეთისასა. და ვერვინ შემძლებელ იყო
წყობად ყრუსა, რამეთუ იყვნეს სპანი მისნი უფროს და უძ-
რავლეს ჭალაკთა ეგრისათა.

მაშინ რქუა არჩილ ძმასა თჳსსა მირს: „მიწყუდებულ არს
ციხე-ქალაქი ესე შემუსრვად. და უკუეთუ შეგვპყრნენ ჩუენ
კელად, გამოიკითხნეს ყოველნი საგანძურნი ნამალეგნი, რო-
მელნი იგი დავფლენით ქუეყანასა ჩუენსა, მონაგებნი მირიან
ღმრთივგანბრძნობილისანი, და კუალად ვახტანგ ღმრთივგან-
ბრძნობილისა მეფისანი, და ყოველთა შვილთა მათთანი, რო-
მელთა გუშვნეს ჩუენ. და იგიცა ითხოვოს, რომელი დამალა
ერაკლე მეფემან, რომლისა აღწერილი ყოველი დავდევით
ორთა მათ თანა გვრგვნთა ზურმუხტისა და იაგუნდისა ძოწე-
ჟლისათა, რომელნი იგი გამოიტანნა მამამან ჩუენმან, დიდმან
მეფემან ვახტანგ, ინდოეთით და სინდეთით, დავფლენით იგი-
ნი უჯარმოს, მახლობელად შორის ორთა მათ კოშკთა უმცვე-
ლოთა, და ყოველი იგი აღწერილ არს გონებასა ჩემსა. და შენ
წარიხუენ ორნი იგი გვრგვნნი, ოქროსა და ანთრაქისანი: ერ-
თი მირიან მეფისა და ერთი ვახტანგისი, რომელი მოუძღლუნა
სპარსთა მეფემან ვახტანგს, ყოველსა თანა ოქროსა და ვე-
ცხლსა, რომელი აჰკიდა სატურთავსა ხუთასსა და მკვრცხლსა
ორი ათასსა; და შენ და მამამან ჩუენმან დასდევით იგი ქუ-
თათისს და ციხე-გოჯს. ხოლო მე გვრგვნნი იგი ჩემნი და გუ-
ჯარნი ტყავისანი მარტოდ დავსხენ. აჲ, უკუეთუ მოვკუდეთ!

განძი იგი ყოველი უცნაურად ღარჩხვს, და განოსლვა-ბნელება-
ბნეობაა ძიება-ყოს კენისარმან ნათესავისა ჩუენისათჳს, და
მოსცეს მეფობა და განძიცა იგი. აჲ უკუე არა ვიქმნეთ ჩუენ
მიზეზ მოოკრებისათჳს ქართლისა და საბერძნეთისა, არამედ
განვიდეთ და ვეწყუხნეთ ზღუთ კერძოსა ამას გუერდსა შინა.
და თუ ენებოს ღმერთსა, ერთიანა იოტოს ათასი და ორითა
ბევრი“.

და მივიდეს წინაშე წმიდისა მის ხატისა ყოვლად წმიდისა
ღმრთისმშობელისასა, თაყუანი-სცეს შევრდომით და იტყო-
დეს: „განვალთ სასოებითა ძისა შენისა და ღმრთისა ჩუენისა-
თა, რომელი იშვა შენგან, მისა შეწირე ოხა ჩუენთჳს, და თა-
ნამავალ მეყანე ჩუენ წყალობა შენი“. და იყო მათ თანა სიმრავ-
ლუ მცირედ ტაძრეულისა მათისა და ნათესავი ერისთავთა და
ბატიახშთა, ათასი ოდენ, ზოლო სპათაგან აფხაზთა მბრძოლი
ორი ათასი. და ვიდრე განთენებამდე მოავლინა უფალმან სარ-
კინოზთა ზედა ხორზაკი ბლუარისა, და გუემნა იგინი სატლითა
სისხლისათა. და ეჩუენა მას ღამესა არჩილს ანგელოზი უფლი-
სა, რომელმან რქუა მას: „წარვედით და ეწყუენით აგარიანთა,
რამეთუ მიმივლენია მათ ზედა გუემა სასტიკად მომსრველი,
კაციტგან მიპირუტყუეთამდე. და გან-რა-ხუდეთ, გესმეს ბანა-
კით მათით-კმნ ვაებისა და ტირილისა. ზოლო თქუენ მგნე
იყვენით და განძლიერდით სასოებითა ღმრთისათა“ და ვი-
თარცა განთენდებოდა, ისმა ბანაკით მათით კმა ტირილისა
და გოდებისა.

მაშინ უკუე განვიდეს სასოებითა ღმერთისათა წყობად
მათდა: და ეწყუენეს, და მოსცა უფალმან ძლევა მცირედთა
ერთა ქრისტიანეთა; და მოსწყდა სატლითა სარკინოზთაგან
ოცდათხუთმეტე ათასი, ზოლო მახულითა — სამი ათასი. და
იწყლა მირ მაზრაკითა ფერდსა, ზოლო ქრისტიანეთაგან მას
დღესა შინა მოკლეს კაცი სამოცი, და სარკინოზთა ცხენი დაე-
ცა ვითარცა ქალაკი და ჩაპყრიდეს ყოველსა მას ზღუად.

მაშინ იხილა აგარიანმან ვინმე ჩუენება, რომელსა ეტყოდა
რეცა მოციქული მათი: „მოუტემია ღმერთსა ძლევა ჩუენდა
ვიდრე აღსრულებამდე ათთა მეფეთა, ვითარცა რქუა აბრა-
ამს და აგარს ღმერთმან, არამედ ეკლესიათა წმიდათა და კაც-
თა ღმრთისმსახურთა ეკრძალებოდეთ, ვითარცა-იგი გამცენ
კურანსა შინა ჩემსა“. მსწრაფლ აღიყარნეს და უკუენ იქამს

კულაძე თვსა. და ვითარცა აღიარეს ციხე-გოჯი, და დაიბანაკეს წყალთა მათ ზედა ორთა, მსგავსად ერთისა, და ვარდამოვდა წუპა ფიცხელი, აღდგეს მდინარენი სასტიკად; და მიმართა უმცროსმან წყალმან სპასა აბაშთასა, და წარიღო მათგან მკვრცხლი ოცდასამი ათასი. და მიმართა უფროსმან წყალმან მკუდართა, რომელთა-იგი ბანაკი იყო უქალაქე, რომელნიმე იელტოდეს ადგილითა და რომელნიმე ხეთა ზედა გაჯდეს, და წარღო ცხენი ოცდათხუთმეტი ათასი. და მიერთვან სახელ-ეღვა ორთა მათ მდინარეთა: ერთსა ცხენისწყალი და ერთსა აბაშა.

და აღიყარა მუნით და შეკოვლო გზა გურიისა. და განვლეს სპერისა, და სიმრავლისაგან არა შეჩენილ იყო დაკლება. ზოლო უწინავე დასჭირეს კუდები ცხენთა მათთა, რამეთუ თივისაგან ვერ ითრევდეს.

ზოლო იქმნა მას ქამსა განრყუნოლ ქუეყანა ქართლისა, სომხითისა და რანისა და არღარა იბოვებოდა ნაშენები, არცა საჭამადი კაცთა და პირუტყუთა ყოვლადვე. და წარავლინეს მოციქული წინაშე ბერძენთა მეფისა მირ და არჩილ და ლეონ, ერისთავმან აფხაზეთისამან, და აუწყეს ესე ყოველი, რაცა იქმნა ღმრთისა მიერ კელითა მათითა. ზოლო მან წარამოსცა ორი გურგენი და გუჯარი მირსა და არჩილს, და მოსწერა მათ თანა, ვითარმედ: „თქუენი იყო მეფობა, სიმკნე და სიბრძნე ქართლსა შინა. აწ დაღაცათუ იდეგნებით ჩუენთანა მსახურებისათუს ქუარისა, მოქცევასა ჩუენსა, ვითარცა აღმიოქუა ჩუენ ღმერთმან ჩუენთანავე იდიდნეთ. არამედ დაადგერიოთ სიმაგრეთა შინა თქუენთა, ვიდრემდის წარჯდეს წელიწადნი მათნი სამასნი; რამეთუ ორასმეგრეასესა წელსა განივლთოს მეფობა მათი და განსრულებასა მესამასისა წლისასა მოეცეს ძალი მეფობასა ჩუენსა, და შევმუსრნეთ აგარიანნი, და ყოველნი მათნი ამალღებულნი დამდაბლდენ, და ჩუენ თანა მადიდებელნი ამალღდენ“.

და მოუწერა ლეონს ესრესახედ: „ყოვლადვე საზღვართა ქართლისათა ჩუენგან ქმნილ არს ვნება და მეფეთა მათთაგან ჩუენდა მომართ თანადადგომა და რგება. აწ ესე მესამე მსახურება და რგება დადგეს ჩუენ თანა საყდარსა ამას სამეფოსა: პირველად ნათელი მიიღეს ჯელსა ქუეშე ჩუენსა; კულად შემუსრვისაგან დაარჩინეს დიდი ქალაქი პონტოსა, და შორის

ჩუენსა და შორის სპარსთა ყვეს მშუდობა. რამეთუ რგვე ვახტანგ მეფე შუამდგომელ იქმნა, და კრმლითა მისითა უკმო- ულო სამეფოსა ამას პალესტინე და ორი ნაწილი ჯაზირეთისა. აწ თუმცა ღმერთსა არა მაგათ მიერ დაებრკოლა ბოროტი ეგე მტერი, შემო-მცა-სრულ იყო ვიდრე კოსტანტინეპოლედმდე. და შვილთა შორის ნებროთისთა წარჩინებულ-ყვნა დაეოთხან ეგენი, რამეთუ არა მოაკლდეს ნათესავსა მაგათსა ბრძენი გუ- ლისხმისმყოფელი და მბრძოლი, ვითარცა-ესე მოგვთბრობს ჩუენ აღწერილი გუჯარი, რომელსა შინა აღწერილ არიან მე- ფენი, წარჩინებულნი ტომებით და სოფლებით მათით. ხოლო შენდა მიბრძანებებს ერისთავობა აფხაზეთისა შენ და შვილთა შენთა და მომავალთა შენთა მიუტუნისამდე. არამედ კეთილად ბატიგ-სცემდი მეფეთა და ერთა მაგათ ქართლისათა, და ამიერ- რითგან ნულარამცა კელგეწიფების ვნებად მათდა და საზღვარ- თა მათთა ეგრისათა, ვიდრემდის იყვნენ მანდა ანუ განვიდენ მანდით“.

ხოლო მირ დამძიმდა წყლულებისა მისგან მოსიკუდიდ, და რქუა ძმასა თვისსა არჩილს: „მე ესერა წარვალ, ძმაო, მამათა ჩუენთა თანა; არამედ წარმეც და დამფალ საფლავსა მამათა- ვე ჩუენთა თანა. და შენ გაუწყო ადგილი საგანძურთა ჩუენთა ნამალევთა სადა არს. და არა მივის ძე-წული შვილთა მკვდრად, არამედ მისხენ შუდნი ქალნი. აწ შენ ხარ მკვდრი სახლისაგან მეფობისა ჩუენისა, მირიან მეფისა. და შენ თუო უწყვი, ვითარმედ ქალი, შვილი ჩუენი, არა მივსციოთ ერისთავ- თა ჩუენთა ცოლად. ანუ მივსციოთ მეფეთა, ანუ მო-ვინმე-ვი- დის სპარსთაგან ნათესავი მეფეთა, ვითარცა ფერთზ, რომელ- სა მისცა მირიან მეფემან ასული მისი ცოლად. და ჩუენ შემ- ცირებულ ვართ, რამეთუ შენ ხარ უცოლო, და მე ვარ უძეო. აწ რათგან მოიყვანნიან მამათა ჩუენთა ცოლნი ასულნი ერის- თავთა ჩუენთაწი, მისცენ მათ ასულნი ჩემნი და განუყვანდით ქუეყანანი ქართლისანი: ნახევარი შენ და ნახევარი მათ. ხო- ლო საუბუცესოდ რომელ მქონდა, მომიცემია შენდა, და მქონდეს საუბუცესოდ: ეგრისი, სუანეთი, თაყუბრი, არგუეთი და გურია. ხოლო კლარჯეთი და შუამთიულები მიეც ასულთა ჩემთა, ზათა მუნ შინა იყვნენ ეამთა ამათ ბოროტთა. და მამა- ცა ჩუენი მოკულდა შფოთსა ამას შინა და ვერ წარვეციოთ იგი მკხეთას, წარსცენ ძუალნი მისნი და დაპოლენ საყდარსა ქუ-

თათისსა, რათა იპოვოს იგი საწამებელად სამკვდროსა ჩუენისა და შენ დაადგერ აქა და ემოყურებოდი ბერძენთა, ვიდოეჲდის განქარდეს ბნელი ესე“.

და მოკულდა მირ, და წარმოსცეს მცხეთას, და დაფლეს ზემოსა ეკლესიასა, შესავალსა კარისასა.

ხოლო არჩილ მოუწოდა ერისთავთა ქართლისათა, და მისცნა ძმისწულნი მისნი:

ერთი მისცა მამის ძმისწულსა მისსა, შვილსა გუარამ კურაპალატისასა, რომელსა ჰქონდა კლარჯეთი და ჯავახეთი;

მეორე მისცა პატიახზსა, ნათესავსა ფეროზისსა, რომელი მთავრობდა თრიალეთს, ტაშირს და აბოცს;

მესამე მისცა ნერსეს ნერსიანსა, რომელი-იგი იყო წარჩინებული ვახტანგ მეფისა;

მეოთხე მისცა ადარნასეს ადარნასიანსა, და ორთავე ამათ განუყო ზენასოფელი, რომელ არს ქართლი;

მეხუთე მისცა ვარზმანს, და მისცა კოტმანითგან ქუთაღისკევამდე; იყო ესე ვარზმან ნათესავი სპარსთა ერისთავისა ბარდაველისა, რომელი იყო დედისმამა ვახტანგ მეფისა;

მეექუსე მისცა ჯუანშერს ჯუანშერიანსა, რომელი-იგი იყო ნათესავი მირიან მეფისა, შვილთაგან რევისთა, და მისცა ჯუარი და ხერკი, და ყოველი მთიულეთი, მანგლისისკევი და ტფილისი.

ხოლო ნაწილი არჩილისი იყო განზოგადებით გამონაყოფი ყოველთა ამათ ჳევთაგან. და ვითარ იხილეს, რამეთუ ჯუანშერს უმეტესი ნაწილი მისცა, დაუმძიმდა მცირედ რამე სხუათა მათ. და განუტეგნა მთავარნი ესე ცოლებითურთ თჳსათჳსად ადგილად.

ხოლო არჩილ მოუწოდა ლეონს და რქუა: „ქუთთხელ იყავნ შენ უფლისა მიერ, რამეთუ კეთილად იღუაწუე სტუმრობა ჩუენი, და დამიცვენ ჩუენ ადგილთა შენთა მშკდობით: გარნა აწ უწყიეს შენება ადგილთა ჩუენთა კლისურიტგან აღმართ. წარვალ და დავეშენები ციხე-გოჯს და ქუთათისს. აწ ითხოვე თავისა შენისათჳს რა გნებავს ჩემგან, ნაცვლად კეთლისა მსახურებისა შენისა“.

ხოლო ლეონ რქუა: „მომცა მე კეისარმან ქუეყანა ესე მკვდრობით კეთილად სიმჳნითა თქუენითა. ხოლო ამიერიტგან არს ესე მამულობით სამკვდრებელ ჩემდა კლისურიტგან ვიდ-



რე მდინარე დამდე დიდად ხაზარეთად, სადა დასწუდებოდა მისი მკვლელები. რი კავკასიისა ამის. შემართე მეცა მონათა შენთა თანა, რომელნი-ესე დღეს ღირს-ყვენ შვილად და ძმად შენდა. არა მინდა ნაწილი შენგან, არამედ ჩემიცა ესე შენდავე იყოს“.

მაშინ მისცა ლეონს ცოლად ძმისწული მისი გუარანდუხტ და გვრგენი იგი, რომელი ბერძენთა მეფესა წარმოეცა მირის-თვს. და ყვეს აღთქმა და ფიცი საშინელი, ვითარმედ არა იყოს მტერობა შორის მათსა, არამედ ერჩიდეს ლეონ არჩილს ყოველთა დღეთა მისთა.

წარმოვიდა არჩილ და დაემკვდრა ეგრისს ვიდრე შორაბნადმდე. და განაგნა ყოველნი ციხენი და ქალაქნი, და აღაშენა ციხე საზღვარსა ზედა გურიისა და საბერძნეთისასა. და წარკდა ამით შინა წელიწადი თორმეტი, და იწყო შენებად ქართლმან. ხოლო განრყუნელ იყო საყოფელად მცხეთა. გარდამოვიდა არჩილ ეგრისით, და დაჯდა ნაციხარსა კიდრისასა.

მაშინ მოვიდა მისა მთავარი ერთი, რომელი იყო ნათესავი-საგან დავით წინასწარმეტყუელისა, სახელით ადარნასე, დისწული ადარნასე ბრმისა, რომლისა მამა მისი მზახებულ იყო ბაკრატონიანთადვე, და ბერძენთა მიერ დადგინებულ იყო ერისთავად არეთა სომხითისათა, და ტყუეობასა მას ყრუისასა შთასრულ იყო იგი შვილთა თანა გუარამ კურაპალატისთა კლარჯეთს, და მუნ დარჩომილ იყო. ითხოვა არჩილისგან და რქუა: „უკუეთუ ინებო და მყო მე ვითარცა მკუდრი შენი, მომეც ქუეყანა“. და მისცა შეულავერი და არტანი.

ამისა შემდგომად მოვიდა არჩილ კახეთად, და ყოველთა ტაძრეულთა მისთა მიუბოძა კახეთი, და აზნაურ-ყვნა იგონი, აღაშენა ეკლესია საძმორს, შეირთო ცოლი ასული გუარამ კურაპალატისა, რომელი იყო შვილთაგან ვახტანგ მეფისათა, ბერძნის ცოლისა ნაშობთა. და დაჯდა წუქეთს, და აღაშენა კასრი, და კვესა ლაკუსტისასა აღაშენა ციხე. და პოვნა წუქეთს მთავარნი, რომელთადა მიეზოძა ვახტანგ მეფესა წუქეთი, და იყო მაშინ რომელი ერისთავობდა თუშთა და ზუნთთა ზედა და ყოველთა წარმართთა მის მთისათა, სახელით აბუხუასრო, და არა ინება მისგან წაღებად წუქეთი. და აღაშენა ციხე-ქალაქი ერთი ნუხბატს ორთა წყალთა შუა. ხოლო ნუხბატელნი უწინარეს იყვნეს კაცნი წარმართნი და მკეციხუნები

სანი, არამედ ყრუსა მოესრა სიმრავლე მათი. და იძულებულია
მონათლნა არჩილ იგინი.

განძლიერებულ იყვნეს სარკინოზნი ქუეყანასა რანისასა;
დაეპყრა გაზირი და სობხითი, და ჰბრძოდა მასლამა ბერძენ-
თა. ხოლო ძმისწულნი ადარნასე ბრმისანი, რომელთა დასწუ-
ნეს შამისძმასა თუალნი, წარმოვიდეს ტარონით შაკიხად, სამ-
ნი ძმანი, და დაემკვდრნეს მუნ, ბრძანებითა არჩილისითა,
რამეთუ ყოველი პირი კავკასიისა, რანით კერძი, უმკვდრო
ქმნილ იყო. ხოლო ჰერეთი და კახეთი ჭალაკთა და ტყეთა-
გან უკეთე დაჩრომილ იყო, და დაემკვდრნეს სამივე იგი ძმანი
გიდრე გულგულამდის.

მასვე ეამსა პატიახზნი ვინმე არა შეეშუნეს კლარჯეთს,
სხუად წარვიდეს ნახევარნი მათგანნი, და შეიპყრეს კლდე
ერთი ტაოს, რომელსა ერქუა კალმახი, და აღაშენეს ციხედ.
ხოლო ნახევარნი მოვიდეს კახეთად არჩილის თანა. ერთსა
მათგანსა მისცა ცოლად ნათესავისაგან აბუხუასროსა, რამეთუ
დაქურივებულ იყო იგი და არა ესუა ქმარი, და მიუბოძა წუ-
ქეთი ციხით და კასრითურთ. ეამთა მათ დაეცადნეს სარკინოზ-
ნი შემოსლვად ქართლად ყრუსა წარსლვითგან წელიწადსა
ორმოცდამეთესა. აქა ეამამდე არღარა შემოვიდოდეს, არა-
მედ მიიღებდეს ნარკსა ერისთავთაგან.

და ესხნეს არჩილს ძენი ორნი: ჯუანშერ და იოვანე, და
ისულნი ოთხნი: გურანდუხტ, მარიაშ, მირანდუხტ და შუშან.

ესე არჩილის წამება, და მეფეთა ცხოვ-
რება, და ნიწოს მიერ ქართლის მოქცევა
ლეონტი მროველმან აღწერა.

**წამება წმიდისა და ღიღებულისა მოწამისა
როველი იყო მუჟა ქართლისა**

და ვითარ გარდაცდეს წელიწადნი ორმოცდაათნი, კჳალად მოვიდა ჭიჭნაუმ, ძე მოჰამადისი, მოაოჭრა და შემუსრა ყოველი შენებული ქართლისა, და მიმართა შესლვად კახეთად, რათამცა მოაოჭრა და ყოვლითურთ უმკვდრო-ყო. და იყო შიში დიდი შეფეთა და მთავართა და ყოვლისა ერისა, და არა შემძლებელ იყვნეს წინააღდგომად: რამეთუ რამთგან განერყუნა ქუეყანა ესე ყრუსა, დაღაცათუ გარდავლნა ეამნი მრავალნი მშუდობით, არღარა მოგებულ იყო კჳალსა თუსსა.

ხოლო წმიდამან არჩილ განიზრახა გონებასა თუსსა, სიმკნითა გულისა მისისათა, რათა მივიდეს და ნაზოს, და ითხოვოს მისგან მშუდობა ქუეყანისა და დაცვა შეურყეველად ეკლესიათა და არა დაპატყეება დატყეებისათჳს სჯულისა. მინდობითა ღმრთისათა აღირჩია თავისა თუსისა და სულისა დადება საჯსრად ქრისტიანეთა, აღდგა და მივიდა ჭიჭნაუმს თანა, რომელსა ეწოდა ასიმ.

ხოლო მან ვითარ ცნა მისლვა მისი, მიეგება სიზარტულით, და მოიკითხა დიდითა დიდებითა. დაყვეს დღე იგი ერთობით. აქო სიკეთე მისი, შეუყუარდა სისრულე ასაკისა მისისა და უმეტესად შეენიერება პირისა მისისა. შემდგომად მცირედთა დღეთა იწყო ლიქნით სიტყუად, აღუთქმიდა ნიჭთა და აწუევდა დატყეებასა ქრისტეს სჯულისასა და მიტყევად სარკინოზად. ხოლო წმიდამან არჩილ ყოვლადგე არა თავს-იდგა სიციბილი მისი, და მტკიცითა გონებითა მიუგო და რქუა: „ნუ იყოფინ; თუმცა სიტყუათა შენთა გისმინე, ანუთმცა დაუტყევე ქრისტე ღმერთი ცხოველი, რომელი-ოვი არს ღმერთი ქეშმა-რიტი, რომელმან ვსნისათჳს ჩუენისა კოპციითა სიკუდილი დითმინა, — და უკუეთუ გისმინო შენი, უწყოდე, რომელ მოგკუდე სიკუდილითა რომლითა გიტანჯებოდი საუკუნოდ. გარნა უკუეთუ შენ მოშკლა, აღვდგე ვითარცა ღმერთი ჩუენი და მის თანაცა ვიდიდო“.

ესმა რა ესე ყოველი უსჯულოსა მას და იხილა სიმტკიცე მისი უქცეველი, დაუკრდა ფოიად და უბრძანა შეპყრობა მისი და შეყენება საპყრობილესა, რათა ღონისძიებითა მიჰქცოს; რამეთუ არა სთნდა სიკუდილი მისი სიშუენიერისათვის ხატისა მისისა და სიმაღლისათვის ასაკისა მისისა. და ვითარ შეაყენეს საპყრობილესა, აკურთხევდა ღმერთსა და ითხოვდა შეწევნასა მისგან, რათა მოწყალებითა მისითა ღირს-ყოს მიმთხუევად და მკვიდრ-ყოფად ნათელსა დაუსრულებელსა ყოველთა თანა წმიდათა, რომელთა ღმრთისათვის სიკუდილითა უკუდავება მოიგეს.

მაშინ უკუე წარმოდგა წინაშე ასიმისა მთავარი ერთი გარდაბანელი მიქცეული სარკინოზად, რომლისა მამისძმა მოეკლა წინართა და მკლველნი მისნი განერინნეს მშუდობით პაპსა არჩილისსა, ადარნასე მეფესა. ამისთვის უკუე შური იგო გარდაბანელმან და რქუა ასიმს: „არა უწყია, თუ ვინ არს ესე არჩილ? ესე არს ძე სტეფანოზისი, ნათესავი დიდისა მეფისა ვახტანგისი, რომელი იყო ნათესავისაგან მირიანისა, ძისა ქასრესა. და ესე იყო მამისა თვისისა თანა, რაჟამს-იგი დაჰვლვიდეს საგანძურთა სამეფოსა ქართლისათა; და იგიცა იცის, რომელ ერაკლე მეფემან დაფლნა საგანძურნი თვისნი; რამეთუ ერაკლეცა უჩუენებდა, სადაცა დაჰვლვიდა“.

ესმა რა ესე ყოველი ასიმს, მოუწოდა კუალად არჩილს და რქუა: „უწინ თვალ-გახუენ ქმნულკეთილობისა შენისათვის, რამეთუ ფრიადცა ქმნულკეთილ ხარ. ხოლო აწ მითხრეს შენთვის, რამეთუ შვილი ხარ დიდთა მეფეთა ხუასროანთა. არამედ აწ უფროსად განსდიდნენ წინაშე ჩემსა, უკუეთუ ისმინო ჩემი, და იყოს სამეფო შენი შენდავე, და საგანძურნიცა მამათა შენთანი მოგანიჭნე შენვე. პირველად მიჩუენენ საგანძურნი მეფეთა ბერძენთანი, მოიქცე სჯულსა ჩემსა, და იქმენ სარკინოზ, და სპასალარ-გყო შენ ქუეყანასა ზედა ქართლისასა და მეფე და უფალ ერთა ზედა ქართლისათა“.

მაშინ მიუგო და რქუა წმიდამან არჩილ: „უწყოდე მტკიცედ, რამეთუ მცირე ვიყავ ასაკითა, ოდეს-იგი განვლო ქუეყანა ესე ერაკლე მეფემან. ხოლო მამამან ჩემმან და ძმამან დასხნეს ყოველნი საგანძურნი ციხესა მას, სადათ-იგი შეიქცა ყრუ ამირა და აწ აქუს იგი ბერძენთა. ხოლო მე არა დაუტეო



უფალი ღმერთი ჩემი, არცა განეცდო წარუვალი იგი მსწრაფლ წარმავლისა ამისთვის“.

მიუგო და რქუა ასიმ: „შენ უკუე იყავ დაცემასა მას სარკინოზთასა აფხაზეთს შინა?“.

რქუა წმიდამან არჩილ: „მე ვიყავ მაშინ, რაჟამს დასცნა იგინი ღმერთმან“.

რქუა ასიმ: „რომელმან ღმერთმან დასცნა სარკინოზნი?“

მიუგო წმიდამან არჩილ და რქუა: „ღმერთმან ცხოველმან, რომელ არს შემოქმედი ცისა და ქუეყანისა და რომელ-იგი მოვიდა ზეცით ქუეყანად კსნისათჳს ნათესავისა კაცთასა, და სიკუდილითა თჳსითა აღგუადგინა და უკუდაგება მოგუანიჭა; მან უკუე დასცნა და დაამდაბლნა იგინი“.

მაშინ რქუა ასიმ წმიდასა არჩილს: „რომლისა ღმერთი მოკუდავი არს და სასოება ცხოვრებისა მოკუდავისა მიმართ აქუს, ჯერ-არს მისიცა სიკუდილი“.

და უბრძანა თავისა მოკუეთა და აღსრულება წმიდისა არჩილისი, და არა ჰრიდა სიკეთესა მისსა, არცა შეირცხვნა დიდებისაგან წარჩინებულებისა მისისა. და განიყვანეს ფარე და მოჰკუეთეს თავი მისი თუესა მირკანისსა, რომელ არს მარტი, ოცსა მის თჳსსა. და შეჰვედრა სული დამბადებელსა თჳსსა. აღირჩია სიკუდილი უკვდავებისა მომატყუებელი, შეცვალა მცირედისა ქამისა ესე მეფობა საწუთოსა სიხარულად საუკუნოდ. ღირს იქმნა განწყობილსა შორის წმიდათასა და ახოვანთა მოწამეთასა წარდგომად წინაშე ღმრთისა და მათ თანა გვრგუნოსანი იხარებს წინაშე სამებისა წმიდისა.

ხოლო ვითარცა აღესრულა წმიდა მოწამე, მოვიდეს ღამისა მას გოდერძიანნი ტბელნი და მათ თანა სსუანიცა აზნაურნი მამეანნი, და მოიპარეს გუამი წმიდისა მოწამისა არჩილისი, წარმოიღეს და შემურეს დიდითა ბატვიითა, და დამარხეს ნოტიკორას, მის მიერ აღშენებულსა ეკლესიასა. ხოლო ცოლმან მისმან მიუბოძა სოფლები მათ, რომელთა მოიღეს გუამი წმიდისა არჩილისი კახეთს შინა სამკვდრებელად.

წიგნი ესე წამებისა მისისა იპოვა ესრეთ სულმცირედ აღწერილი, რომელ ქამთა შლილობითა ჯერისაებრ ვერვის აღწერა.



ხოლო წიგნი ესე ქართველთა ცხოვრებისა ვიდრე ვახტანგისამდე აღწერებოდა ქაშითი ქაშად. ხოლო ვახტანგ მეფისითგან ვიდრე აქამომდე აღწერა ჭუანჭერ ჭუანჭერიანმან, ძმის წულის ქმარმან წმიდისა არჩილასმან, ნათესავმან რევისმან, შირიანის ძისამან. მიერთვან შემდგომთა მომავალთა ნათესავთა აღწერონ ვითარცა იბილონ და წინამდებარემან ჩაშქან უწყებად მისცეს გონებასა მათსა ღმრთივ განბრძნობილისა.

[მატიანე ქართლისა]

[1. არჩილის შამღვრევი მთავრები ქართლისა]

შემდგომად ამისა, რაჟამს აღესრულა წმიდა მოწამე არჩილ, დაშთეს შვილნი მისნი იოვანე და ჯუანშერ. წარვიდა იოვანე ეგრისად და წარიტანა თანა დედა და ორნი დანი თჳსნი. ხოლო ჯუანშერ და ორნი დანი მისნი დაშთეს ქუეყანასა ქართლისასა და კახეთისასა. არამედ უმრწემესი დაამ მისი იყო სახითა შუენიერ. და მიესმა სიშუენიერე მისი ხაზართა მეფესა ხაკანს; მოუგზავნა მოციქული და ითხოვა შუშან ცოლად, და უქადა შეუელად სარკინოზთა ზედა. რაჟამს მოიწია მოციქული ხაკანისა, მიუმცნო ჯუანშერ ძმასა თჳსსა და დედასა. ხოლო მათ არა ინებეს და უთხრეს: „უკუეთუ უღონო იქმნეს ყოფა ჩუენი, უმჯობეს არს, რათა შევიდეთ საბერძნეთად და მივმართოთ ქრისტიანეთა, ვიდრედა რა შეიგინოს შვილი ჩუენი წარმართთა მიერ“. და შუშანცა აგინა ხაზართა მეფესა.

შემდგომად სამისა წლისა მოგზავნა ხაკანმან სპასალარი თჳსი ბლუჩან; გამოვლო გზა ლეკეთისა და შემოვიდა კახეთად; მოადგა ციხესა, რომელსა შინა იყვნეს ჯუანშერ და დაამ მისი შუშან, და მცირედთა დღეთა წარიდო და ტყუე ყვნა იგინი; შემუსრა ქალაქი ტფილისი, წარტყუნა ქართლი და ყოველი ესე ქუეყანა.

და ვითარ წარემართა გზასა დარიალანისასა, დღესა ერთსა რქტა შუშან ძმასა თჳსსა: „უმჯობეს არს ჩემთვის სიკუდილი, რათა ღირს მყოს შე უფალმან წმიდათა დედათა თანა, ვიდრეღარა შევიგინო წარმართთა მიერ“. და ჰქონდა მას ბეჭედი აღმოუვლო მას თუალი და მოწოა იგი: რამეთუ იყო თუალსა მას ქუეშე შამალი სასიკუდინე, და მუნქუესვე მოკუდა.

წარვიდა ბლუჩან ხაკანისა, მიჰგუარა ჯუანშერ და მიუთხრა სიკუდილი ღისა მისისა შუშანისი. ხოლო იგი განუწყრა არამიტანებისათჳს გუამისა მისისა, რომლისა წადიერ იყო ხილვად. შეიპყრეს ბლუჩან და მოაბეს ყელსა საბელი, და განხილვად სცენ ორთა ცხენოსანთა იმიერ და ამიერ, და მოსწყვდეს

თავი მისი ბოროტად. და ვითარ დაჰყო ჯუანშერ წელიწადნი შუკდი, განუტევა ნიჭითა დიდითა ხაქანმან და წარმოგზავნა ქუეყანად თჳსად.

ხოლო ამიერითგან იწყო შემცირებად მეფობამან დიდთა მეფეთა ხუასროანთამან. პირველად, უფლება სარკინოზთა განდიდნა და მიერითგან მიეცა ყოველი ესე ქუეყანა ესამითა ესამად რბევასა და ოკრებასა. მეორედ, იქმნა სიმრავლე მთავართა ქუეყანასა ქართლისასა და შეერია ბრძოლა, იქმნეს მტერ ურთიერთას. და უკუეთუ ვინმე გამოჩნდის შვილთა შორის ვახტანგისთა, რომელიმცა ღირს იყო მეფედ, იქმნის შემცირებულ სარკინოზთაგან. რამეთუ დაიპყრეს ქალაქი ტფილისი აგარიანთა, შექმნეს სახლად საყოფლად თჳსად; მიიღებდეს ხარკსა ქუეყანისა ამისგან, რომელსა ჰქვან ხარაჯა. რამეთუ განგებითა ღმრთისათა სიმრავლისათჳს ცოდვათა ჩუენთასა განდიდნა ნათენავი აგარიანთა.

ხოლო ამან ჯუანშერ შეირთო ცოლი ნათესავი ბაგრატიონითა, ასული ადარნასესი, სახელით ლატავრი, და აბრაღა დედამან მისმან მოყვანება მისი ცოლად; არათურე კეთილად მეცნიერი იყო, ვითარმედ არიან იგინი ნათესავნი დავით წინასწარმეტყუელისანი, რომელი-იგი კორციელად მამად ღმრთისად იწოდა. და ვითარ იხილა ძისცოლი თჳსი, შეუყუარა და, აკურთხა და დალოცა.

და ვითარ გარდაცდეს ამას შინა წელიწადნი მრავალნი, მოვიდა ამირა აგარიანი, რომელი მთავრობდა სომხითს, ქართლს და ჰერეთს, სახელითა ხუასრო; ამან აღაშენა ტფილისი ქალაქი, მოკრებული ხაზართაგან.

ხოლო რაჟამს მოუძღურდეს ბერძენნი, გადგა მათგან ერისთავი აფხაზთა, სახელით ლეონ, ძმისწული ლეონ ერისთავისა, რომლისად მიეცა სამკვდროდ აფხაზეთი. ესე მეორე ლეონ ასულისწული იყო ხაზართა მეფისა, და ძალითა მათითა გაადგა ბერძენთა, და იპყრა აფხაზეთი და ეგრისი ვიდრე ლიხამდე, სახელ-იდგა მეფე აფხაზთა, რამეთუ მიცვალებულ იყო იოვანე და დამერებულ იყო ჯუანშერ. და შემდგომად ამისა ჯუანშერცა მიიცვალა.

არამედ სიცოცხლესავე ჯუანშერისა იცვალა ადარნასე ბაგრატიონიანმან ნასამალი კლარჯეთისა, შავშეთისა, აჭარისა, ნიგალისა, ასისფორისა, არტანისა და ქუმოსა ტაოსა, და ცი-



ხეთაგანცა რომელნი ჰქონდეს შვილისშვილთა ვახტანგ მამულთაგან
სათა. და წარვიდა ადარნასე კლარჯეთად და მუნ მოკვდა.

[2. ბრძოლა მარტლსა ზემდა]

შემდგომად სიკუდილისა ადარნასესისა განადიდა უფალ-
მან მეფობა აშოტ კურაპალატისა: ხოლო ეუფლა ქართლს და
სახლგართა მისთა. რამეთუ მათვე ეამთა შესრულ იყო მასლამა
საბეოძნეთად, და შეიქცა მოუძღურებული და განწბილებუ-
ლი. მაშინ ბერძენთა მეფემან მოუბოძა კურაპალატობა აშოტს,
და მოუძღურებულ იყვნეს სარკინოზნი, და განდიდნა აშოტ
კურაპალატი. ხოლო ტფილისს არაეინ დარჩა სარკინოზთაგანი
თენაერ აღი შუაბის ძისა. და გრიგოლი მთავრობდა კახეთს.

მას ეამსა გამოილაშქრა აშოტ კურაპალატმან, და უშუელა
თევდოსი აფხაზთა მეფემან, ძემან მეორისა ლეონისმან, რო-
მელი-იგი სიძე იყო აშოტ კურაპალატისა. მოვიდა გრიგოლ
კახეთით, და გრიგოლს უშუელეს მთიულთა და წინართა
და ამირამან ტფილელმან. და შეიბნეს ქსანსა ზედა აშოტ და
გრიგოლ. გააქციეს გრიგოლ, მთავარი კახეთისა, და დაიპყრეს
ქუეყანა, რომელი ჰქონდა ქართლისაგან. და დაიპყრა აშოტ
კლარჯეთითგან ვიდრე ქსნამდე.

შემდგომად ამისსა მოვიდა ხალილ იზიდის ძე არაბიელი, და
დაიპყრა სომხითი, ქართლი და ჰერეთი, და მოკლეს აშოტ კუ-
რაპალატი გარდაბანს, ეკლესიასა შინა, და სისხლი მისი, რო-
მელი მაშინ დაითხია, აწცა იხილვების-ვითარცა ახალი.

ხოლო კულადცა ეუფლნეს სარკინოზნი ქართლსა და ეი-
თარ წარვიდა ხალილ, დაუტევა ამირად აღი შუაბის ძე. მას
ეამსა შეითქუნეს გარდაბანელნი და განაჩინეს ქორეპისკოპო-
სად დაჩი, ძე იოვანე ქუაბულის ძისა და შემდგომად ამისსა
დასუეს ქორეპისკოპოსად სამოელ დონაური. კულად მეო-
რედ მოვიდა იგივე ხალილ არაბი. შეეზნეს გარდაბანელნი, გა-
ვაზს; და გააქციეს ხალილ, და მოსწყდა სიმრავლე ფრიადი.
კულად დაჯდა ამირად ტფილისს საჰაკ ისმაელის ძე. ხოლო
ხალილ მოვიდა მესამედ, და მოკლეს ჯავახეთს. და ძე მისი მო-
ჰამად მოვიდა ქართლს. მოერთო მას ბაგრატ, ძე აშოტ კურა-
პალატისა, და მისცა მას ქართლი.

გამოვიდა საპაკ, ამირა ტფილელი, ლაშქრითა და დარგის
რეკს, ხოლო მოჰამად და ბაგრატ წარიღეს უფლისციხე. და
მოვიდეს კახნი გარდაბანელნი შუელად საპაკისა; შეიბნეს რეკს
და იყო ბრძოლა მათ შორის: არცა იგინი გაიქცეს და არცა
იგინი, ვიდრემდის გაიყარნეს. აიყარა მოჰამად და წარვიდაჲ
ბარდავს.

აქა ქამამდის გარდასრულ იყვნეს წელიწადნი მოჰამადის გა-
მოჩინებითგან, რომელმან სარკინოზთა სკული დაუდგა, ორას-
ცხრამეტნი.

მაშინ მოვიდა ბუღა თურქი, მონა, ბაღდადით, რომელი
გამოეგზავნა ამირ-მუმნსა, სპითა დიდითა: შემუსრა ყოველი
სომხითი და ტყუე ყვნა ყოველნი მთავარნი მათნი. და მოვიდა
და მოადგა ქალაქსა ტფილისსა, რამეთუ არა მორჩილობდა
ამირა საპაკ: მოკლა საპაკ, შემუსრა ტფილისი. დაწუა ცეცხლი-
თა და მოატრნა ყოველნი არენი მისნი.

და თევდოსი, მეფე აფხაზთა, გამოვიდა წინააღმდეგოდ მი-
სა, და დადგა კუერცხობს. ხოლო ბუღა, ვითარცა ცნა, წარავ-
ლინა ზირაქ, სპასალარი თვისი, და ბაგრატ, ძე აშოტ კურაპა-
ლატისა: შეიბნეს და გააქცივნეს აფხაზნი, და მოსწყდა სიმ-
რავლე ურიცხვ. და თევდოსი მეფე წარვიდა მეოტი ვზასა
დვალეთისასა.

კულად უკუმოქცეულთა დაუდგეს წინა გარდაბანელნი
ჯუარისგუერდსა, და ავნეს დიდად ლაშქარსა. ვითარ ცნა ბუ-
ღა, აღიყარა მუნით და მოვიდა ქართალეთს, და დადგა მუნ
შინა; აღიყვანნა მთიულთაგან მძევალნი, კაცი სამასი, და ლა-
მონა შესლვასა ოვსეთად, და შევიდა ცხავატამდის. ხოლო
აბულაბაზ სომეხთა ერისთავმან და გუარამ აშოტის ძემან მიუ-
წერეს მთიულთა, რათა არა შეუშუან. ხოლო მათ დაწირნეს
მძევალნი მათნი. უშუელა დმერთმან: რამეთუ მოვიდა თოვლი,
დაუდგეს წინა და შეებნეს. მოსცა დმერთმან ძლევა, და მოკუ-
და ურიცხვ ერი სარკინოზთა; და ცხენმან მათმან ძოვა იელი,
და დაიკოცა ფრიად. ხოლო სიმრავლისაგან ლაშქრისა არა
აჩნდა დაკლება, რამეთუ იყო სიმრავლე შისი ვითარ ასოც
ათასი.

შეიქცა გარე და დაიზამთრა ბარდავს. და შეიპყრა ხუციას
გინმე ძე, რომელი გამოთავრებულ იყო, და შემუსრა გარდაბანი,
განაღო კარი დარუბანდისა და გამოიყვანნა ხაზარნი, სახლი სა-

მასი, და დასხნა იგინი შანჭორს. დარიალანით გამოიყვანა
ოვსნი ვითარ სახლი ასი, და დასხნა იგინი დმანისს, და ენება
ზაფხულის შესლვა ოვსეთად. ხოლო ამირ-მუმნმან ვითარ ცნა,
ვითარმედ ხაზართა, ტომთა მისთა, ზრახავს, მოუვლინა ბულას,
რათა დაუტეოს ქართლი ჰუმედს, ხალილის ძესა. და წარვი-
და ბულა, და ამირობდა ჰუმედ, ხალილის ძე. და გარდაადგინა
ამირამან მან ჰუმედ და დაადგინა ისე შიხის ძე, ნათესავი
ჰუმედისივე.

და ქორეპისკოპოსი იყო გაბრიელ დონაური, ძმა სამოელ
ქორეპისკოპოსისა. და წარვიდა ისე, და მოვიდა სხუა ამირა,
აბრაჰამ. და მოვიდა კულად ამირად ხალილის ძე ჰუმედ, და
უფროს ნებიერად დაიპყრა ყოველი ესე ქუეყანა; სომხითი,
ქართლი და რანი.

და წარვიდა ხალილის ძე, და დადგა ამირად კაცი საჰაიის
მონათავანი, სახელით გაბულოც. ხოლო გუარამ, ძემან აშოტ
კურაპალატისამან, შეიპყრა გაბულოც და წარსცა საბერძნე-
თად: რამეთუ განდიდებულ იყო გაბულოც და დაემორჩილნეს
გარდაბანელნი.

და ბრძოდა აშოტ მამისძმისწულსა მისსა, ძმასა გუარამის-
სა. ხოლო გუარამს დაეპყრა ჯავახეთი, თრიალეთი, ტაშირი და
აბოცი, და არტანი. და ჰბრძოდა სარკინოზთა: ზოგჯერ სძლის
გუარამ და ზოგჯერ სარკინოზთა. ხოლო გუარამ განუყვნა ქუე-
ყანანი ძმათა თუსთა აღარნასეს და ბაგრატს, და აბოცი განუ-
ყო ცოლისძმასა თუსსა სომეხთა მეფესა.

მას ქამსა გამოვიდა გიორგი, აფხაზთა მეფე, ძმა თეოდო-
სესი და დემეტრესი, ძე ლეონისი; დაიპყრა ქართლი და დაუ-
ტევა ერისთავად ჩიხას ძე დემეტრესი, და ვითარ გარდაიცვა-
ლა გიორგი აფხაზთა მეფე, დარჩა ძე დემეტრესი მცირე, რო-
მელსა ერქუა ბაგრატ, რომელი იცნობების ექსორიაქმნილო-
ბით. და ცოლმან გიორგი მეფისამან მოკლა ძე დემეტრესი,
ერისთავი ჩიხისა. და ეცრუა იგი ივანე მთავარსა შავლიანსა,
და შთაადგეს ბაგრატ ზღუასა. ხოლო ლმერთმან განაბრინა იგი,
და მიიწია ქალაქად კოსტანტინეპოლედ. და მოჰგუარა მეფე-
მან იოვანე ძესა თუსსა აღარნასეს ცოლი, ასული გუარამ აშო-
ტის ძისა. და მოკლდა იოვანე, მეფე აფხაზთა, და მეფობდა მის
წილ ძე მისი აღარნასე. და შეიპყრნა ლიბარიტ ქუეყანანი

თრიალეთისანი, ალაგო ციხე კლდეკართა და იპატრონა დავით ბაგრატიის ძე.

ხოლო ნასრა, ძე გუარამისი, და გურგენ იყენეს აფხაზთა კერძ, ხოლო დავით და ლიპარიტ უშუეღღეს სომეხთა, და იბრძოდეს სომეხნი და აფხაზნი ქართლსა ზედა. მას ჟამსა მონაზონ იქმნა გუარამი.

და ვითარ მოკუდა კახთა ქორეპისკოპოსი გაბრიელ დონაჟური, დაჯდა ქორეპისკოპოსად ფადლა არევემანელი, კაცი ბრძენი და საქმის მეცნიერი.

მას ჟამსა, ვითარცა მოიტყუა ნასრა ძემან გუარამისმან დავით ძე ბაგრატიისი, მამის ძმისწული მისი, და მოკლა იგი.

ხოლო ნასრას შეუკრბეს მტერად სომეხნი, ლიპარიტ და ქართველნი, და აშოტ ძმა დავითისი, და მათ თანა სარკინოზნი. და შეეზნეს ნასრას და გააქციეს, და მიუხუნეს ციხენი. და წარვიდა საბერძნეთს წინაშე ბერძენთა მეფისა.

და მოკუდა გუარამ ძე აშოტისი, და დამარხეს ოპიზას, მეორედ მისგან აღშენებულსა.

ხოლო ბაგრატი, ძე აფხაზთა მეფისა დემეტრესი, შესრულ იყო საბერძნეთად, კოსტანტინეპოლედ, და მოსცა ბერძენთა მეფემან ლაშქარი, და მოგზავნა ზღვთ და ნავითა შემოვიდა აფხაზეთად, და მოკლა ადარნასე, ძე იოვანესი, და დაიპყრა აფხაზეთი და შეირთო ცოლი მისი ცოლად, ასული გუარამისი; და გამოიყვანა ბაგრატი აფხაზთა მეფემან ნასრა ცოლისძმა მისი საბერძნეთით და მისცა ლაშქარი მისი. ხოლო ნასრა შეიპყრნა სამნი ციხენი სამცხეს: ოძრკე, ჭუარისციხე და ლომსიანთა, გუარამისივე აღშენებული.

მოვიდეს გურგენ და ადარნასე, ძე დავითისი; უშუეღღეს სომეხთა, შეიზნეს მტკუარსა ზედა; იძლიენეს აფხაზნი, მოკლეს ნასრა და ბაყათარ, მთავარი ოგსი, და ერისთავი აფხაზთა.

ხოლო ფადლა-ქორეპისკოპოსი განძლიერდა და დამორჩილნა გარდაბანელნი, და შემდგომად მისსა დაჯდა კვრიკე ქორეპისკოპოსად; და იპყრობდეს ქართლს აზნაურნი.

მას ჟამსა გამოვიდა კოსტანტი აფხაზთა მეფე, დაიპყრა ქართლი, და ემტერა სომეხთა მეფე სუმბატ ტიეზერაკალი; გამოილაშქრა სპითა დიდითა, და მოადგა უფლისციხესა, და მოიღეს პალან-კურდანი, აღმოაგეს ზემო კერძო და წარიღეს

ცახე ჯერკითა. ხოლო კეთილად იმზახნეს სუმბატ და ტი, და უკუემოსცა უფლისც. ანე და ყოველი ქართლი.

ხოლო ამისსა შემდგომად მოვიდა ამირა აგარიანი, სახელით აბულ-კასიმ, ძე აბუ-საჯისა, რომელი გამოეგზავნა ამირ-მუმნსა სპითა დიდითა და ურიცხვთა, რომელთა არა იტევდა ქუეყანა. რამეთუ მოვიდა პირველად სომხითს, და მოსრა ყოველი სომხითი, სივნეთი, ვაეძორი და ასფურაგანი. და სუმბატ სომეხთა მეფემან ვერ დაიდგნა ზარისა მისისაგან, და წარმოვიდა მუნით მეოტობით და მიმართა მათა აფხაზეთისათა, და მუნ იყოფოდა.

და მოვიდა აბუ-საჯის ძე ტფილისს, და მას ეამსა ამირა იყო ჭაფარ, ძე ალისი. მოვიდა და მოადგა უჯარმოს. შიგადგა სამასი კაცი, და ჰბრძოდეს მრავალთა დღეთა. და ვითარ იხილეს, რამეთუ ვერ დაუდგმიდეს, დააგდეს ღამე და გარდაიხუეწნეს: რომელნიმე წარგედეს და რომელთაჲ ეწვივნეს და დაქოცნეს. ვითარცა ცნეს ბოქორმელთა ცისოვანთა წაღება უჯარმისა, დააგდეს ციხე და გარდაიხუეწნეს. რაჲმს მოვიდეს, ბოვეს იგი უკაცური და თქუეს: „რომელი ბაკი იყო, მუნ შინა ფიცხლად შეგუებნეს; და რომელი ციხე არს, იგი უკაცურად დაუვდიათ“. აღადეს ბოქორმა და დაიჭირეს ციხედვე, და უჯარმის ზღუდენი დაარღვენეს.

ხოლო კვრივე ქორეპისკოპოსმან ვითარ იხილა, რომელ არა იყო ღონე მისი, მიენდო ფიცითა, მოვიდა და ნახა; და ჰკითხა მან: „ვინ გაწვა აქა მოსლვა?“ და უთხრა: „მაწვა დედამან ჩემმან“. და თქუა: „არა ვატკინო გული ერთისა შემხედვარისა“. და შეუყუარდა სიკეთისა მისისათუს და განუტევა, გარნა ბოქორმა თვთ დაიჭირა.

შემდგომად ამისა შემოვიდა ქართლად, და მოაოკრა ქართლი; და ვიდრე იგი შემოვიდოდა, მოარღვენეს ზღუდენი უფლისციხისანი, რომელ არა დაიშვირონ. შევიდა მუნით სამცხეს, და მოაოკრა სამცხე და ჯავახეთი, მოადგა ციხესა თმოგვსასა. და ვითარ იხილა სიმტკიცე მისი და სიმაგრე, აიყარა მუნით, მოვიდა ყუელს, მოადგა გარე და უწყო ბრძოლად.

იყო მუნ შინა ჭაბუკი ერთი, სახელით გობრონი; ებრძოდა შიგნით გამოღმართ ყოველთა დღეთა მოყუასთა თუსთა თანა. და ვითარ წარიღეს ციხე იგი, შეიპყრეს წმიდა გობრონი და

აწამეს, რომლისა წამება მისი ვრცელად აღწერა წმიდამან მამამან ჩუენმან სტეფანე მტბევარ ეპისკოპოსმან.

აღიყარა მუნით და წარვიდა დვინად ქალაქად. მოვიდეს და უთბრეს, ვითარმედ სუმბატ მეფე შევიდა ციხესა კაპოეტისასა; მსწრაფლ აღიყარა და მიუშინო ლაშქარსა თვსსა, რათა ყოველი კაცი, რომელი პოვონ ცოცხალი, გამოიყვანონ მის წინაშე. მოვიდა და მოადგა ციხესა კაპოეტისასა; და ციხოვანთა დედაწული რომელი პოვა გარეგნით, დაიპყრა კელთა. ამისთვის გამოსცეს ციხე და შეიპყრეს სუმბატ; წარიყვანა დვინს, ჩამოჰკიდა ძელსა და მოკლდა.

შემდგომად ამისა, ვითარ გარდაცდეს წელნი რაოდენნიმე და მოეშენა ქუეყანა, მაშინ უკმო კვრიკე ქორეპისკოპოსმან კოსტანტი აფხაზთა მეფესა; ჩავიდეს პერეთად და მოადგეს ციხესა ვეჟინისასა. აფხაზთა მეფე მოადგა ზედათ კერძო, და კვრიკე ქუემოთ. და ვითარ მისწურეს წაღებად, მაშინ აღარნასე პატრიკი მოვიდა, პარასკევის ჯუარსა მიუპყრა ზავის პირი, მოსცა აფხაზთა მეფესა არიში, გავაზნი, და კვრიკეს ორჭობი. ვითარ დაიზაუნეს, და შემოიქცეს. მოვიდა კოსტანტი აფხაზთა მეფე, ილოცა ალავერდს წმიდის გიორგის წინაშე, და შემოსა ხატი მისი ოქროთა. ხოლო ლაშქარი მისი უმრავლესი წარაგლინა გზასა გარესა და ფრიად პატივ-სცა კვრიკე ქორეპისკოპოსმან, და წარვიდა ქუეყანად თვსად.

შემდგომად მცირედთა დღეთა გარდაიცვალა კოსტანტი, აფხაზთა მეფე, და იშლებოდა ქუეყანა აფხაზეთისა ყამ რაოდენმე. რამეთუ ესხნეს ძენი ორნი კოსტანტი მეფესა; ერთი უხუცესი და მეორე, რომელი უშვა მეორემან ცოლმან, უმრწემესი. უხუცესსა ერქუა გიორგი, უმრწემესსა ბაგრატ. და იყო მათ შორის ბრძოლა ფიცხელი, რომელი თვთოეფლად ჰპოვო ცხოვრებასა მათსა.

ხოლო ესე ბაგრატ სიძე იყო გურგენ ერისთავთ-ერისთავისა; უშუელდა გურგენ ყოვლითა ძალითა მისითა. ვიდრე არა მიიცვალა ბაგრატ, არა იყო მშვიდობა. და შემდგომად სიკუდილისა მისისა მიიღო სრულობით მეფობა აფხაზთა გიორგი მეფემან. იყო იგი სრული ყოვლითა სიკეთითა, სიმწნითა და ახოვნებითა; ღმრთისმოყუარე იყო, უმეტეს ყოველთა მამუნებელი ეკლესიათა, მოწყალე გლახაკთა, უხვ და მდაბალი, და ყოვლითა კეთილითა და სათნოებითა სრული. ამან განაგნა და



განაწყუნა ყოველნი საქმენი მამულსა და სამეფოსა, და აღაშენა საყდარი ჭყონდიდისა, შექმნა საეპისკოპოსოდ, და განაშენა იგი ნაწილთა სიმრავლითა წმიდათა მარტულთათა.

მას ჟამსა გარდაიცვალა კვრიკე ქორეპისკოპოსი, და დაჯდა ქორეპისკოპოსად ფადლა, ძე კვრიკესი; ამან აღაგო ციხე ლოწობანთა. ამასვე ჟამსა მოვიდეს სარკინოზნი, რომელთა ჟემობდეს საჯობით, და მოტყუენეს კახეთი, და დაწუეს ჯუარი და მცხეთა, და შეიქცეს; და წარვიდეს და წარიტანეს თანა ჯუარი პატიოსანი დაჭრილი. და შეედვათ სნება მუცლისა, და გულისხმა-ყვეს, რომელ ჯუარისაგან ეგნოთ. შეკრიბნეს ნაწილნი და წარმოსცნეს ჯუარსა. ჩაკრიბნეს ბუდესა შინა და აღმართეს ადგილსავე თვისსა.

და პერეთსავე, მეფობამდე იშხანიკისსა, პირველნი ყოველნი იყვნეს მწუალებელნი; ხოლო იშხანიკ დისწული იყო გურგენ ერისთავთ-ერისთავისა, და დედაამან მისმან მოაქცივნა მართლმადიდებელად, დინარ დედოფალმან. და საღართა დაეპყრა მამონ ბარდავი და ადარბადაგანი.

ხოლო გიორგი აფხაზთა მეფემან მისცა ქართლი ძესა თვისსა უხუცესსა კოსტანტის.

და ვითარ დაყო სამი წელიწადი, იწყო მტერობად მამისა თვისისა და ძებნად მეფობისა. და ვითარ გამოცხადნა საქმე მისი, შედგა იგი უფლისციხეს და შეუდგეს თანა ტბელნი და სხუანი მრავალი აზნაურნი.

ხოლო გიორგი მეფემან ვითარ დაიდასტურა განდგომა მისა თვისისა, და გამოილაშქრა ყოვლითა ძალებით თვისითა, და მოიყვანნა ტაოელნი მეფენი და ფადლა ქორეპისკოპოსი, და მოადგეს უფლისციხეს. და ბრძოდეს მრავალთა დღეთა და ვერარას აგნებდეს ციხესა, რომელ მრავლად დგეს შავნით. ზოგსა დღესა შეიბნინა ცხენითა, და ზოგსა დღესა ქუეითი.

მამონ გიორგი მეფემან იბირნა აზნაურნი საზუერელნი ესრესახედ: „გამოვედ, ჩუენ წარვიყვანოთ აფხაზეთად, შენ დაჯედ მეფედ და მამაშენი დარჩეს გარეგნით“. ხოლო მან დაიჯერა და მიენდო, გარნა აზნაურნი იგი, რომელნი უდგეს თანა, უშლიდეს საქმესა ამას, და მან არა ისმინა მათი. ვამოვიდა დამე ტიფითა მტკუარსა, და ვითარ განეწურა პირსა მტკუარისასა, ვერღარა დაითმინეს და მიეტევენს შეპყრობად. და ვითარ იგრძნა ზაკულება მათი, შეაქცივნა ტიფნი გარეჲ

რათამცა შევიდა ციხესავე. ვერღარა დაიმორჩილნეს ტივნი და ჩაკდეს ადგილსა, სადა ტივნი დადგებოდეს. შეიქმნა კმა, გამოვიდა მეფე და ყოველი ლაშქარი; დაიცვეს ციხე გარეშეყო. და რაჟამს განთენა, იწყეს ძებნად. ხოლო იგი გამოსრულ იყო წყლით, და შესრულ იყო ნაპრაღსა კლდისასა, და მუნ დამალულ იყო. პოვა იგი კაცმან ვინმე უნდომან, შეიპყრეს და მოპყარეს მეფესა, და მეფემან გააპატიჟა ბოროტად: პირველად თუალნი დასწუნეს და მერჲე გამოყუერეს, და მოკლდა. ხოლო აზნაურნი, რომელნი დგეს ციხესა შინა, მინდობით გამოიყვანნა, და ტბელნი განუტევენა მშვდობით, და გაგზავნნა იგინი ასფურავანს.

გარდაიცვალა ფადლა ქორეპისკოპოსი, და დაჯდა კვრიკე ქორეპისკოპოსად. ამისა შემდგომად გადგეს აზნაურნი გარდაბანელნი, იწყეს ზრახვად გიორგი მეფისა. გამოილაშქრა გიორგი მეფემან, ჩავიდა კახეთად, მოსწუა და ასწყვდა, და წარვიდა თვსადგე ქუეყანად. კულად დადგა ატენს. და ძე მისი ლეონ იყო ერისთავად ქართლისა; და აწვა ყოველი ლაშქარი კულად შთასლვად კახეთად. ვითარ ცნა კვრიკე, რამეთუ ვერ დაუდგებოდა, მოვიდა მათ წინაშე. და კულად ენება გაპარვა ზაკთ, შეიპყრა კელთა და წარვიდა კახეთად, რათამცა დედაწული მისი აკრიბა კელთა. გარდაეხუეწნეს, რამეთუ აცნობეს აზნაურთა ქართველთა.

მოერთო შურტა, ძმა კვრიკე ქორეპისკოპოსისა, გიორგი მეფესა, და მოუტანა თანა ციხე მისი უჯარმო; და ეუფლნეს სხუათაცა ციხეთა კახეთისათა თვნიერ სამთა ციხეთა: ნახჭევანისა, ბოჭორმისა და ლოწობანთა.

ლოწობანნი ჰქონდეს ივანე არშის ძესა, და გამავრდა შიგან, გაწირა პატრონი. აუგეს შურისციხე და დაუყენეს შიგან ლაშქარნი. და ციხე მარანისა ჰქონდა მაშინ ხახუასა, არშის ძესავე, ძმასა ივანესსა; ლამოდა მსგავსად ძმისა თვისისა მკლავითა დაჭირვასა. მივიდა მეფე, უბრძანა შებმა ლაშქართა. ხოლო მათ წარიღეს გერჯითა და ხახუა მოიყვანეს შეპყრობილი წინაშე მეფისა; და მეფემან წარსცა პყრობილად ჯიქეთს.

ციხე ნახჭევანისა ჰქონდა ფადლას, ძესა კვრიკესსა. იგიცა გამავრდა შიგან. ვითარ იხილა კვრიკე ქორეპისკოპოსმან, რამეთუ არღარა იყო ღონე მისი, ითხოვა სიმტკიცე ცოცხლებით გაგზავნისა, და დაულოცა კახეთი გიორგი მეფესა. ხოლო ლე-



ონ, ძე მეფისა, არა ლაშოდა განტევებას კვრიკესსა, არცა პირველ შეპყრობასა იყო ნება მისი, გარნა არა უსძიბია მაჰამან მისმან. და კვრიკე ესე პირთ ითხოვა, რათა მას ზამთარსა არა აღიღონ ციხე ბოჭორმა, და შემდგომად აღვსებისა წარვადეს და ნება-სცეს. ამისთვის აღიღეს ციხე ნახჭევანისა და შვილი ერთი უმრწემესი, დავით, მძევლად, და განუტევეს დღესა ლაშპრობასა.

წარვიდა მეფე აფხაზეთად, და შევიდა კვრიკე ბოჭორმას; ეკახმოდა და ლაშოდა შემდგომად აღვსებისა წარსლვასა. მაშინ შეეზრახნეს აზნაურნი ქართველნი და მათ თანა კახნი: გოდერძი მგდღეური, მამა ყანჩაელი, დაჩი კორინთელი, დაჩი და ივანე სხვლოსელნი, სარა და გრიგოლ ძმანი ფხუენელნი, და მათ თანა ორმოცდაათი აზნაური სხუა, და მიერთნეს კვრიკეს. დაუწყეს ბრძოლად ციხეთა, და მცირედთა დღეთა წარახუნეს ციხენი ყოველნი; დაარღვენეს შურისციხე და ლოწობანთა, და კჳალად ეუფლა კვრიკე მამულსა თჳსსა.

მოვიდეს და უთხრეს გიორგი მეფესა წადება კახეთისა. დაუძძიმდა დიდად, და აბრალა ყოველთა ვინცა-ვინ აწვა გაშუება კვრიკე ქორეპისკოპოსისა. და ვითარ ამას შინა ვარდაჯდა ზამთარი, კჳალად გაგზავნა ლაშქარი თჳსი, და ძე მისი ლეონ უჩინა წინამძღურად. და მივიდა და მოწუა კახეთი, და მასვე ლაშქრობასა შინა მოართუეს ამბავი: მიცვალება დიდისა და ღმრთისმოყუარისა გიორგი მეფისა. მაშინ მოუწოდა ლეონ კვრიკე ქორეპისკოპოსსა; და შეკრბეს ბაზალეთს, ტბისა პირსა, თუთო ცხენოსნითა, და იუზნეს დღე ერთი, ვიდრემდის განუცხადა მიცვალება მამისა თჳსისა. და აჰვიდა სიყუარული, და უქადა ძისა მისისა სიძობა. და ვითარცა ესმა ესე კვრიკეს, გარდაჯდა ცხენისაგან, და თაყუანის-ცემითა მისცა მადლი, და განიხარა ზავი და სიყუარული, და უფროს პირი მზახობისა.

შეიქცა ლეონ და ეუფლა მამულსა და სამეფოსა თჳსსა, რამეთუ მაშინვე შთავიდა აფხაზეთად. და განადიდა უფალმან ღმერთმან მეფობა მისი მსგავსად მამისა მისისა. იყო იგიცა ღმრთისმოყუარე და სავსე ყოვლითა კეთილითა. ამან აღაშენა ეკლესია მოქცხა და შექმნა საყდრად საეპისკოპოსოდ, აკურთხა და განასრულა ყოვლითა განგებითა. და ვითარ ეუფლა მამულსა თჳსსა, აღუსრულა აღთქმა თჳსი კვრიკე ქორ-

ეპისკოპოსსა, და მისცა ასული თუნი ცოლად ძესა მისსა. და შემდგომად მცირედისა მოკუდა ასული ლეონისი.

კჳალად იწყო მტერობად კვრიცესა და ძებნად კახეთისა; გაილაშქრა სპითა დიდითა, ჩადგა არაგვსპირსა, ასწყუდა მუხნარი, ხერკი და ბაზალეთი, და მასვე ლაშქრობასა დასნეულდა, შეიქცა გარე და მოკუდა.

შემდგომად მისსა დაჭდა დემეტრე მეფედ, ძმა ლეონისი, და ეუფლა ქართლსა. და ვითარ მოიწყო სამეფო თუნი, გარდაცდეს ამას შინა ქაშნი. და იყო ძმა მისი თეოდოსი საბერძნეთს, უკმეს კაცთა ვიეთმე ამის ქუეყანისათა, რათა გამოვიდეს ძმასა თუსსა ზედა. რამეთუ სიცოცხლისავე დიდისა გიორგი აფხაზთა მეფისასა გაეგზავნეს ორნი შვილნი საბერძნეთს, თეოდოსი და ბაგრატ, რათა მუნ იზრდებოდნენ, ამისთვის რათა შემდგომად სიკუდილისა მისისა არა იყოს მათ შორის ბრძოლა და კდომა.

გამოვიდა თეოდოსი საბერძნეთით, მოვიდა სამცხეს, და დადგა მარგის მერეს, უკმობდა მესხთა აზნაურთა, იკრებდა ლაშქართა და ლამოდა მკლავითა თუსითა აღებასა მამულისა თუსისასა. ხოლო დემეტრე მეფემან წარავლინა ლაშქარი თუსი, დაესხნეს უგრძობლად და გააქციეს თეოდოსი. წარვიდა ქართლს და მიმართა აღარნასეს, ძამელსა მთავარსა; შეიყვანეს იგი ძამის ციხესა და მუნით გამოღმართ ეძიებდა საქმესა თუსსა.

მაშინ დემეტრე მეფემან მიგზავნა ლაშქარი თუსი, მოადგეს ციხესა ძამისასა, და ჰბრძოდეს სამ თუე ოდენ. და ციხით გამოღმართ ევენებოდეს ფრიად. და ვითარცა მისჭირდა ციხივანთა, ითხოვეს ფიცი და სიმტკიცე, რათა განუტეონ თეოდოსი და წარვიდეს მშვიდობით. და მათ მიინდვეს იგი, და გაგზავნეს მშვიდობით. წარვიდა წინამე დავით კურაპალატისა, და მუნ დაყო წელიწადი ერთი.

და კჳალად წარმოვიდა ტაოთ და მოვიდა კახეთად. მაშინ მოუგზავნა მოციქული დემეტრე მეფემან თეოდოსის და კვრიცე ქორეპისკოპოსსა და რქულა: „რათგან მოვიდა ძმა ჩემი საბერძნეთით, არა დაილევის ჩუენ შორის ბრძოლა, სიტყუთა კაცთათა; აწ შუამდგომლობითა შენითა მომანდეგ ძმა ჩემი, და მიყვენთ ორნივე სწორად უფალ მამულსა ჩუენსა, ვითარცა მიყვენით უწინარეს მე და ლეონ; და აღადე ჩემგან სიმტკიცე

და შუამდგომელი, და შენგან დიდად დავიმაღლო საქმეებზე და ვითარცა კოივე ქორეპისკოპოსთან სიტყუა დემეტრე ძეფოსა, მოიყვანა თეოდოსი და აწვა მინდობა მისი, და ეტყოდა: „მე ვიყო მეძიებელი სისხლისა შენისა“ და თეოდოსი მიანდო ძმასა თუსსა და ვავზავნა.

მაშინ წარიყვანეს იგა ფიცითა და სიმტკიცითა, რომლითა ეფუცნეს წინაშე სუეტსა ცხოველსა კათალიკოსი, მღდელთ-მოძღუარნი და დიდებულნი ყოველნი. და ვითარ მოვიდა თეოდოსი წინაშე ძმისა თუსისა, დაყვნა დღენი მცირედნი. ხოლო დემეტრე მეფემან დაივიწყა შუამდგომლობა ღმრთოსა და კაცთა, და შემართა ფიცთა გატეხა: შეიპყრა თეოდოსი და დასწუნა თუალნი. და ვითარ იხილეს ესე მყოფთა მამულისა მისისათა, ძიება ყვეს ძმისა მათისა, რომელსა ერქუა ჩალა-მეფე, და ვერ შეუძღეს ამისი ქმნა, რამეთუ დემეტრე მეფე იყო მკნე და ახოვანი. და რაჟამს აღესრულა დემეტრე მეფე, იხილეს ყოველთა მკვდრთა ქუეყანისათა, რომელ არღარა დარჩა მკვდრი აფხაზეთისა და ქართლისა, გამოიყვანეს თეოდოსი, და დასუეს მეფედ.

მაშინ მოვიდეს კახნი და მოადგეს უფლისციხესა. და იყო მათ ქამთა ერისთავი ქართლისა ივანე მარუშის ძე, კაცი ძლიერი და ერმარავალი. ამან წარავლინა მოციქული წინაშე დავით კურაპალატისა; აწვა, რათა გამოიღამქროს ძალითა მისითა, აღიღოს ქართლი: ანუ დაიმქიროს თვთ, ანუ უბოძოს ბაგრატს, ძესა გურგენისსა, ასულისწულსა გიორგი აფხაზეთა მეფისასა, რომელსა იყოდა დედულად აფხაზეთი და ქართლი. ესევე ივანე მარუშის ძე ეძებდა ბაგრატს მეფედ. და ვითარცა მოიხმინა დავით კურაპალატმან სიტყუა ივანე მარუშის ძისა, წარმოემართა ძალითა თუსითა ყოველითა, და მოვიდა ქართლად. და რაჟამს ცნეს მოსლგა მისი კახთა, წარვიდეს ვითარცა მეოტნი და დაუტევეს ქართლი.

მოვიდა დავით კურაპალატი, ჩამოდგა ქუაჯურელთა; მოეგება წინა ქართლის ერისთავი ივანე მარუშის ძე, აღიღო მისგან უფლისციხე, და მიუბოძა ბაგრატს და მამასა მისსა გურგენს, რამეთუ არა ესუა შვილი დავით კურაპალატსა, და ბაგრატი, ძე გურგენისი, ჭაეზარდა შვილად თუსად.

ესე დავით კურაპალატი უმეტეს განდიდნა ყოველთა მეფეთა ტათსთა.

რამეთუ იყო პირველად ღმრთისმოყუარე და გლახაკთმოყუარე, მდაბალი, მშვიდი და ძურუტსენებელი, ეკლესიათა მამულებელი, ტკბილი, უხუ, კაცთმოყუარე და ფიქოსანთმოყუარე, ყოველთათვის კეთილისმყოფელი და სავსე ყოვლითა კეთილითა. ამან აღაშენა მონასტერი და საყდარი ღმრთისა, წმიდა ეკლესია ხაზულისა.

და ვითარ შეიქცა მუნით გარე, დაუტევნა უფლისციხეს გურგენ და ძე მისი ბაგრატ. მას ჟამსა იყო ბაგრატ ჯერეთ ასაკითა თვისითა უსრულ, ამისათვის თანაგანმგებელად დაუტევა მამამისი გურგენ. შემოკრიბნა ქართველნი აზნაურნი და უბრძანა: „ესე არს მკვდრი ტაოსი, ქართლისა და აფხაზეთისა, შვილი და გაზრდილი ჩემი, და მე ვარ მოუტრავი ამისი და თანაშემწე; ამას დაემორჩილენით ყოველნი“. და დაყვნა დღენი მცირედნი და წარვიდა ტაოს.

[3. სპარსელებს მიჰყვები]

ვითარ წარკდეს ამას შინა ჟამნი რაოდენნიმე, იწყეს კულად მდებრობად ზაკულებით, ვითარცა არს ჩუეულემა ქართლისა აზნაურთა: შეეუბნეს ნაქურდველთა და საბოტარელთა, და მოიყვანნეს ლაშქარი კახეთით; და გასცეს უფლისციხე, და შეიპყრეს გურგენ და ძე მისი ბაგრატ და დედოფალი გუარანდუხტ, წარიყვანეს კახეთად.

რაჟამს ცნა ესე დავით კურაპალატმან, დაუძიძინდა ფრიად, გამოილაშქრა ყოვლითა ძალითა მისითა, მოვიდა თრიალეთს შთასლვად კახეთად. და რაჟამს ცნეს კახთა, მოუგზავნეს მოციქული და მოუტყრეს პირი ზავისა: განუტევენს გურგენ და ბაგრატ და დედოფალი გუარანდუხტ, და შეუტციეს ქართლი და უფლისციხე, ხოლო წირქუალისციხე და გრუი თვთ დაიჭირეს. მას ჟამსა ეპყრა უფლისციხე და ქართლი გუარანდუხტ დედოფალსა. ესე გუარანდუხტ დედოფალი ასული იყო ღიორგი აფხაზეთა მეფისა და დედა ბაგრატისი.

და ვითარ გარდაჰდა ამას შინა წელიწადი სამი, და მეფობდა აფხაზეთს თეოდოსი მწუხარე. განირყუნა ქუეყანა იგი და შეიცვალა ყოველი წესი და განგება, პირველთა მეფეთაგან

ქნწესებული. იხილეს რა წარჩინებულთა მის ქვეყანაში,
იყვნეს ყოველნი ერთობით შწუხარებასა შინა დიდსა.

ამანვე ივანე მარტუშის ძემან ინება, რათა მოიყვანოს ბაგ-
რატ მეფედ აფხაზეთისა. და მის თანა ყოველთა დიდებულთა,
ერისთავთა და აზნაურთა აფხაზეთისა და ქართლისათა გამოი-
თხოვეს ბაგრატ მეფედ დავით კურაპალატისგან. ხოლო მან
დიდითა იძულებითა ძნელად აღასრულა თხოვა მათი; ვითარცა
ვთქუ პირველად, უშვალო იყო დავით კურაპალატი, და ბაგ-
რატ გაეზარდა შვილად, მპყრობელად ორისავე კერძისა ტაო-
სა. გარნა რაჟამს უმკვდრო ქმნილ იყო ქვეყანა ქართლისა და
აფხაზეთისა, მოსცა მათ სიმტკიცითა და მძევლითა.

შთაიყვანეს იგი აფხაზეთს, დალოცეს მეფედ და დაემორ-
ჩილნეს ყოველნი ბრძანებასა მისსა: რამეთუ განსრულებულ
იყო ასაკითა. და ვითარ გარდაკდა ამას შინა წელიწადი ორი,
იწყო განგებად და საურავად და განმართებად ყოველსა საქმე-
სა მსგავსად პაპისა მისისა, დიდისა გიორგი მეფისა, გინა თუ
უმეტესადრე ვთქუა, რამეთუ ყოვლითურთ მიემსგავსებოდა
ქცევასა გამხრდელისა თვისისა, დიდისა მეფისა დავით კურა-
პალატისასა, და იხილვებოდა მის თანა ყოველი საქმე კეთი-
ლისა. გამოგზავნა თეოდოსი მეფე, დედისძმა მისი, ტაოს წი-
ნაზე დავით კურაპალატისა, რამეთუ ესე საქმე გამონახა უმ-
ჯობესად, რათა ყოველთა კაცთა, დადთა და მცირეთა, სასოე-
ბა კეთილისა, გინა შიში უწესოებისათჳს მისა მიმართ აქუნ-
დეს.

შემდგომად ამისსა გარდამოვიდა ქართლს, რათა განაგნეს
საქმენი დაშლილნი ქართლისანი. მოვიდა და დადგა თილუაჲ.
ხოლო მას ქამსა აზნაურთა ქართლისათა რომელთამე არა ენე-
ბა გარდამოსლვა მისი, რამეთუ თითოეულად განაგებდეს
საქმეთა ქართლისათა, დაღაცათუ იყვნეს მორჩილებასა შინა
გუარანდუხტისასა.

იწინამძღურეს ქავთარ ტბელი, მოეგებნეს ბრძოლად და და-
უდგეს თავსა ზედა მოღრისასა. იხილა რა ბაგრატ აფხაზეთა
მეფემან, აღუზახნა სპათა თჳსთა, მივიდეს და შეეგბნეს. იოტ-
ნეს ქართველნი: რომელნიმე დაჯოცნეს, რომელნიმე დაიპყრ-
ნეს და სხუანი კუალად მეოტნი გარდაიხვეწნეს და დაიფან-
ჩნეს. მოვიდა უფლისციხეს, აღიღო ციხე დედისაგან თვისსა,
დაყვნა დღენი და განაგნა მცირედ საქმენი ქართლისანი; წარი-

ყვანა დედა თუნი და წარვიდა ქუეყანად აფხაზეთისა. და ვინა
თარცა კელოვანმან მენავეთმოძღუარმან განაგო ყოველი საქმე
აფხაზეთისა; რამეთუ მცირედ ამხილის ყოველთა, ვინ უკვე
პოვის ურჩი, და მისსა ადგილსა განადიდის ერთგული და ძი-
სანდობელი თუსი.

და ამას შინა გარდაჭედეს წელიწადნი რაოდენნიმე. იყო მას
ქანსა ერისთავად კლდეკართა რატი, და ჰქონდა ციხე ატენისა
და ქართლისაგან მტკუარსა სამხრით-კერძო ყოველივე, თრი-
ალეთი, მანგლისკევი და სკვრეთი; არა მორჩილობდა კეთი-
ლად ბაგრატ მეფესა.

შეკრიბა უცნაურად სპა თუსი ყოველი ბაგრატ მეფემან და
გამოვიდა ქართლს: ენება შეპყრობა რატი ერისთავისა. მაშინ
უკვე აუწყეს მსწრაფლ დავით კურაპალატსა და უთხრეს ესრე-
საზედ: „არა სადა წარვალს სხუაგან, არამედ განმზადებულ
არს სიკუდილად შენდა. და შეკაზმულ იყო გურგენ, მამა ბაგ-
რატისი, მისლვად შვილისა თუსისა თანა. ხოლო დავით კურა-
პალატი წარმოვიდა მსწრაფლ, მოუწოდა ლაშქარსა თუსსა და
უკმო ყოველთა მეფეთა სომხითისათა. და მაშინ ჯერეთ ცო-
ცხალ იყო პაპა ბაგრატისი, ბაგრატ ქართველთა მეფე; იგიცა
მოვიდა დავით კურაპალატისა წინაშე, რამეთუ ეშინოდა ძისა
თუსისა გურგენისგან წაღებასა მეფობისსა. მოვიდეს და დად-
გეს დღივს სპითა დიდითა, რომელთა არა იყო რიცხვ, და
გაგზავნა ლაშქარნი გურგენს ზედა. მიეგზენეს წინა გურგენს,
და შეიბნეს გარდათხრილთა, თავსა შავზეთისასა; გააქციეს
გურგენ, და შთაიხუეწა მეოტი, და შევიდა ციხესა წეფთისასა.

მას ქანსა მოსრულ იყო ბაგრატ თრიალეთს; დადგა კარუ-
შეთს. გაგზავნა მდციქული, განახნა ლაშქარნი და იხილა, რო-
მელ ძალითა არა ეგებოდა წინააღდგომა დავით კურაპალატი-
სა. მაშინ დაუტევნა სპანი თუსნი ადგილსა ზედა, და თუთ
მარტო მივიდა წინაშე მისსა; ითხოვა შენდობა და აუწყა, ვი-
თარმედ: „სხუსა არა რომლისათუს მოვედ, გარნა არა მორჩი-
ლებისათუს რატისა“. ხოლო მან გაგზავნა და უბრძანა ესრეთ
„მიუხრეს, რომელ სიკუდილად ჩემდა გამოსრულ იყავ, გარნა
აწ ვსცან დასტური, რომელ უბრალო ხარ. არამედ მითავი-
სუფლებიხარ რატის ზედა; დაიმორჩილე ვითაცა სახედ გწა-
დიან“.

მაშინ წარმოვიდა სიხარულითა საცხტე, და წარვიდა მას

ქამსა აფხაზეთადგე, რათა ვერ უგრძნას რატი და უგრძნე-
ულად მივიდეს ოდეს არა გონებდეს. ვითარ მოიწია ქაძი
ზამთრისა, მოვიდა ძალითა თუსითა ყოვლითა და მოადგა
კლდეკართა. იხილა რა ესე რატი, გამოვიდა გარე და გამოი-
ტანა შვილი მისი ლიპარიტ თანა, შევედრა ბაგრატ აფხაზთა
მეფესა, და მისცა ციხე თუსი ბაგრატს, და თვთ დაჯდა მა-
მულსა თუსსა არგუეთს.

კუალად ვითარ წარკდეს ამას შინა ქამნი რაოდენნიმე და
ვითარ ვთქუ პირველგე, მოიწყუნა და განაგნა ყოველნი საქ-
მენი აფხაზეთისანი: ურჩინ თუსნი შეცვალნა დიდებისაგან და
ადგილთა მათთა დაადგინნა ერთგულნი და მოსწრაფედ მორ-
ჩილნი ბრძანებათა მისთა. და წარემატა ყოველთა მეფეთა
აფხაზეთისა და ქართლისათა ყოვლითა განგებითა. და განამ-
რავლა ლაშქარი თუსი უმეტეს ყოვლისა ქამისა.

გამოილაშქრა ყოვლითა სპითა თუსითა, გარდამოვიდა
ქართლს, წარგზავნა მოციქული კახეთს, ითხოვნა ციხენი ქარ-
თლისანი, რომელნი მათ ჰქონდეს. მას ქამსა იყო ქორეპისკო-
პოსი დავით. ხოლო მან არა ინება მოცემა ციხეთა, არაძედ
მიუმცნო ესრეთ: „უკუეთუ ეძიებ ციხეთა, იყოს ჩუენ შორის
დამჯერებელ მკლავი და ომი. ხოლო მე წინა მოგეგებო ქსანსა
ზედა“.

განუწყრა ბაგრატ, აფხაზთა და ქართველთა მეფე და კუ-
რაპალატი. იყო მას ქამსა დღივს, რამეთუ განაგებდა საქმეთა
ტაოსსა და ქართლისათა, რომელ მაშინ თვთვე ეპყრა ტაო
მიცვალეზასა ზედა მამისა მათისა გურგენ მეფეთ-მეფისა. წარ-
გზავნა კაცი მოსწრაფედ, აწვა სპათა აფხაზეთისა და ქართ-
ლისათა, და თვთ წარემართა ზემოთა ლაშქრითა, გაიარა თრია-
ლეთი, გავლო კიდი მცხეთისა. და მიერთნეს თანა აფხაზნი
და ქართველნი. დადგა თიანეთს, და იწყო შემუსრვად კახეთი-
სა. და ვერ წინააღუდგა დავით, რამეთუ იყო ძალი მისი
ურცილჳ; იწყო ბრძოლა ციხეთა და მას ქამსა აღილო ქუეყანა
ჰერეთისა, და განაჩინა მთავრად აბულალ და წარმოვიდა შინა.

და მათვე ქამთა, რაქამს წარმოვიდა ბაგრატ აფხაზთა მეფე,
კუალად მიიქცეს კაცი ჰერეთისანი და მიერთნეს დავითს;
ბდილო დავით ჰერეთი. შემდგომად მცირედისა ქამისა მიი-
ცვალა. კუალად გამოვიდა ყოვლითა სპითა თუსითა ბაგრატ,
აღილო მეორედ ჰერეთი. დაიჭირა დინარ დედოფალი თუსად,

იწყობ ძებნად კახეთისა, და ძალითა მისითა მიუწდომელითა
 ორ წელ წარიხუნა ყოველნი ციხენი კახეთისანი. შეაწყუდი
 კვრიკე ბოჭორმას, და დაუყენა ციხესა გარეშემო მცველნი
 წელიწდამდი, წარიღო ბოჭორმაცა. და დაიპყრა სრულიად ჰე-
 რეთი და კახეთი, წარმოიყვანა კვრიკე და დაიჭირა თვისსა კარ-
 სა ზედა.

მას ეამსა განდიდნა ფადლონ, ამირა განძისა, იწყობ კირთე-
 ბად ერისთავთა ჰერეთისა და კახეთისათა, ეამითი ეამად მე-
 კობრობით და ბარვით რბევად და ტყუენვად ადგილათა ადგი-
 ლად. ხოლო იხილა რა დიდმან მეფემან ბაგრატ კადნიერება
 მისი, დიდად შეძრწუნდა და აღივსო შურიითა. განეშადა ყოვ-
 ლითა სპითა მისითა, წარგზავნა მოციქული წინაშე გაგიკ შა-
 ჰანშა სომეხთა მეფისა; აწვა, რათა იძიოს შური ფადლონის-
 გან. ხოლო მან განიხარა სიხარულითა დიდითა, მოსწრაფედ
 მოუწოდა ყოველთა სპათა თვისთა, წარმოემართა და მოვიდა
 წინაშე ბაგრატ აფხაზთა მეფისა. შეკრბეს ორნივე ძორაკერტსა;
 მიმართეს ფადლონს, დიდად განლაღებულსა, მოძულესა ქრის-
 ტიანეთასა, რომელი-იგი ყოვლითურთ ეციებდა წარწყმედასა
 ყოველთა ჯუარისმსახურთასა. და ვითარ იხილა ძალი მათი
 უძლეველი, შეუშინდა, წარვიდა და მიმართა სიმაგრეთა შეს-
 ლგად.

ამან დიდმან და ყოვლითურთ ძლევამემოსილმან მეფემან
 ბაგრატ წარმოტყუენა ქუეყანა რანისა, მოადგა ქალაქსა შან-
 ქორსა, დაუდგნა ფილაკაენი, და მცირედთა დღეთა დაღეწ-
 ნეს ზღუდენი შანქორისანი. ხვალისა დღე ეგულეზოდა შემუხ-
 რვად და წარტყუენვად ქალაქისა მის. მას ღამესა მოუვლინა
 მოციქული ფადლონ, იახოვა შენდობა; აღუთქუა დღეთა შინა
 სიცოცხლისა მისისათა მსახურება, გაუყუეთა ხარაჯა და დაუ-
 წერა თავის-თავითა ლაშქრობა მტერთა მისთა ზედა. მაშინ
 უბრძანა და შემოკრიბნა ყოველნი დიდებულნი წინაშე მისსა;
 უბრძანა ბირველად, რათა დაიჭირონ ქალაქი იგი ძალითა მა-
 თითა. იხილეს და განიცადეს, და მოავსენეს, რომელ ვერვის
 ძალედგა, და უფროს ამისთვის, რომელ სხუათა ყოველთა სა-
 ლაშქროთა საქმეთაგან უცალო იქმნებოდეს.

კუალად უბრძანა და განიზრახა დაზავება ფადლონისი. და
 მათ ყოველთა, სიბრძნითა მათითა, გამოარჩიეს და უმჯობესად
 აწვეს ზავი, უბრძანა და გაგზავნა მოციქული, და მისგან აუწყა

ზაფხულის ტერიტორია. მაშინ ფაქტობრივად განიხილეთ სიხარულითა და სიბრძნითა, აღასრულეთ ყოველი რევი, სიტყვით აღმოქმედებული, საქმით: უძღვეთა ბიბლიის დიდი და მარჯვენა, აღაგონეთ ყოველი დიდებული ნიჭითა მოქმედებითა, და წარმოვიდა შინა გაგამარჯვებულა.

ამანვე დიდებულ მეფემან აღაგონა საყდარი ბედისა, და შექმნა საყდარად საეპისკოპოსოდ, მოცეალა მუნ გუდაყვსა საეპისკოპოსო, შეწირა სოფელნი მრავალნი ყოველთა კვეთა და ადგილთა, განასრულა ყოველითა განგებითა, შეამკო ყოველითა სამკაულითა ეკლესია, აკურთხა და დასუა ეპისკოპოსი. უკუეთუ ვისმე ენებოს განცდად და გულისხმის-ყოფად სიმადლისათჳს დიდებისა მისისა, პირველად განიცადოს სამკაული ბედისა ეკლესიისა, და მისგან გულისხმა-ყოს, რომელ არავინ ყოფილ არს სხუა მეფე მსგავსი მისი ქუეყანასა ქართლისასა და აფხაზეთისასა.

ამანვე აკურთხა ეკლესია ქუთათისისა განგებითა დიდითა და მიუწოდებელითა. რამეთუ შემოკრიბნა მახლობელი ყოველი კელმწიფენი და კათალიკოსნი, მღვდელთმოძღუარნი და ყოველთა მონასტერთა წინამძღუარნი, და ყოველი დიდებული ზემონი და ქუემონი, მამულისა და სამეფოსა მისისა მყოფნი, და სხუათა ყოველთა საკელმწიფოთანი.

ესე ბაგრატი, აფხაზთა და ქართველთა მეფე წარებათა ყოველთა კელმწიფეთა ყოველითა განგებითა. ამისდა შემოვინედ და ამისდა მოაჯედ შეიქმნეს ყოველი კელმწიფენი, მახლობელი და მოთაული მამულისა და სამეფოსა მისისანი, მოლაშქრედ ვითარცა თჳსნი და მისანდობელნი. და დაუშორებელნი ღმერთმან ყოველი მტერი და წინააღმდეგონი მისნი; მომავლა დღეთა მისთა მშუდობა და დიდი დაწყნარება ქუეყანისა. და უკუეთუ ვინმე ინებოს თუთოეულად წარმოთქმად ყოველთა განგებულებათა მისთა, მოუძლიერდეს ძალი მისი, რომელთაგან მცარედი წარმოვთქუ ქამთა სიგარძისაგან არადაციწყებისათჳს.

და ვთქუა ესეცა, რომელ შემდგომად დიდისა მეფისა ვახტანგ გორგასალისა არავინ გამოჩენილ არს სხუა მსგავსი მისი დიდებითა და ძალითა, და ყოველითა გონებითა; ეკლესიათა მაშენებელი იყო, გლახაკთა მოწყალე და სამართლის მოქმედი ყოველთა კაცთათჳს.

მეფობდა ოცდათექვსმეტ წელ და გარდაიცვალა შემოკობილი შუკობა მუხეხიერითა, ქოთხიგონსა ორსოცდაათოთხმეტსა, თუესა მისსა შუდსა, დღესა პარასკევსა. და იყო დღეთა მიცვალებნისა მისისათა ტაოს. და წარმოიღო გუამი მისი ზუადმან ერისთავთ-ერისთავმან, და დამარხა ბედიას.

შემდგომად მისსა მეფე იქმნა ძე მისი გიორგი. და იყო იგოცა სავესე ყოვლითა სიკეთითა.

ხოლო ესე გიორგი ეუფლა ყოველსა მამულსა და სამეფოსა თვისსა ეამსა ოდენ სიყრმისა და სიჭაბუკისა მისისასა, რამეთუ იყო, რაჟამს მეფე იქმნა, წლისა თორმეტისა.

ხოლო მეშუდესა წელსა მეფობისა მისისასა გამოვიდა ბასილი, მეფე ბერძენთა, მას ზედა ყოვლითა სპითა საბერძნეთისათა და უცხოეთსლითა ურაცხვთა. ხოლო გიორგი მეფე განვიდა სპითა დიდითა წინააღდგომად მისსა. და დაიბანაკეს ორთავე ქუეყანასა ბასიანისასა მრავალდღე, და არა მიმართეს ბრძოლად ურთიერთას. მორიდა გიორგი მეფემან, მოვიდა და დაწუა ქალაქი ოლთისი. და მუნით მოვიდა კოლას, და გამოუდგა კუალსა, და მოუდგა უკანა ბასილი, მეფე ბერძენთა. და შეკრბეს უკანამავალნი გიორგისნი და წინამავალნი ბასილისნი, და იქმნა ბრძოლა დიდი სოფელსა, რომელსა რქვან შირიშნი. და მოისრნეს ორკერძოვე მრავლად, მოკლნეს ერისთავნი და დიდებულნი: რატი, ძე ლიპარიტისი, და ხურსი. და გვანად ეწია კმა გიორგი მეფესა, ვითარმედ ომი არს უკანამავალთა ზედა. მაშინ უბრძანა სპათა თვსთა და აღიჭურნეს მსწრაფლ. განვიდა თვთ გიორგი მეფე, რამეთუ ახოვან იყო და უშიში ყოვლითურთ ვითარცა უკორცო, და მის თანა სიმრავლე სპისა მისისა. და მოვიდა მუნით ბასილი მეფე ყოვლითა სპითა მისითა. შეკრბეს იმიერ და ამიერ, იქმნა ბრძოლა დიდი, და მოისრნეს ბერძენნი ფრიად, და წარმოიღეს ავარი. ეზომ გაგრძელდა მათ შორის ბრძოლა, რომელ სივლტოლად განემზადა ბასილი მეფე.

ხოლო ვითარ სულმოკლე იქმნეს ქართველნი, მორიდეს და წარმოვიდეს. წარმოუდგეს უკანა ბერძენნი და დავოცნეს ურაცხუნი პირითა მახვლისათა. მოუწია ლაშქარმან არტანსს, ტყუე ყვეს და მოაოკრეს არტანი. და რაჟამს წარვიდა გიორგი მეფე თრიალეთს, წარმოუდგა უკანა, ასწყუდა ქვეყანა ჭავჭავთისა და გარდავიდა თრიალეთს. კუალადცა დაეახლნეს



ურთიერთას, რამეთუ განძლიერდა გიორგი მეფე და მისი ძალი კახეთისა და ჰერეთისა, გარნა დაუშალეს შებმა მეორედ.

შეიქცა ბასილი მეფე თრიალეთით, უკუმოიარა ჯავახეთი და არტანი. და კულად უბოროტესადრე შურისგებით მოაოკრნა ქუეყანანი იგი; წარვიდა და დაიზამთრა ქუეყანასა ხალდისასა, მახლობელად ქალაქსა ტრაპიზონთასა. და ვიდოდეს მათ შორის მოციქულნი ზავისა და სიყუარულისათჳს.

მას ეჟამსა იქმნა დიდი განდგომილება საბერძნეთს. შეიერთნეს სპასპეტი და წარვეზი, ძე ფოკას განდგომილისა და წარიდგინეს ქუეყანა აღმოსავლეთისა. და დიდად შეძრწუნდა ამისთვის ბასილი. გარნა პატივ-სცა ღმერთმან მასვე, და მოკლა წარვეზი ქსიფე; და გადგეს რომელნი მირთულ იყვნეს. ხოლო ქსიფეს მიეგო ცრუობა წარვეზისა: რამეთუ შეიტყუეს ციხესა დალასანოსთა სისხლისათჳს ფოკას ძისა, შეიბყრეს და მოჰკუარეს ბასილი მეფესა, და მან ექსორია ყო კუნძულსა რომელსამე. და მისთანათა მრავალთა მოჰკუეთა თავი მახვლითა, რომელთა თანა იყო ფერის, ძე ჯოჯიკისი, ნათესავით ტაოელი, და სხუანი იყვნეს ბერძენნი.

კულად შემოიქცა ბასილი, მოვიდა ბასიანს, ითხოვდა ქუეყანათა და ციხეთა, და აღუთქმიდა ზავსა და მშუდობასა. ცნა რა გიორგი მეფემან წარავლინა ზვადი ერისთავი სპითა მისითა და უბრძანა, რათამცა ზავის მიპყრობითა მცირედ-ხან დაიმჭირვა ადგილსა, და თვთ წარუდგა უკანა სპითა ძლიერითა. და განიზრახვიდა ესრეთ: „უკუეთუ ინებოს ზავი ბასილი მეფემან იქმნეს ესრეთ; და უკუეთუ ინებოს ომი, განვემზადნეთ მისთვისცა“. ხოლო რომელთა არა უნდა ყოფად მშუდობისა, იწყეს განმზადებად ბრძოლად. და მივიდეს ბასილი მეფესა ზედა დაბანაკებულსა, რომელსა უწოდიან სუნდაქსად.

იწყეს ბრძოლად და აოტეს ზოგი ლაშქრისა მისისა. განუწყრა ბასილი მეფე, უბრძანა მოყვანებად ძელისა ცხოვრებისა, და მანდილი წმიდა დადვა ქუეყანასა ზედა, და თქუა: „უკუეთუ მიმცე კელთა მტრისათა, არღარა ვიყო თაყუანის-მცემელი თქუენდამი უკუნისამდე“. და ვითარ გაგრძელდა მათ შორის ბრძოლა, კულადცა მეოტ იქმნნეს სპანი ქართველთანი და წარმოვიდეს მეოტად, მოიხრნეს ურიცხუნი პირითა მახვლისა-

თა; და რომელნიმე ტყუე იქმნეს. და წარიღეს ავარი დიდძალი და განძი სამეფო, რომელი ჰქონდა თანა.

და წარმოუდგა უკანა ბასილი მეფე. ხოლო კუალადცა იწყეს ზავად, ვითარცა პირველ; რამეთუ შიში დიდი აქუნდა საბერძნეთით განდგომისა. და ყვეს მშუდობა და დაიზავნეს, და მისცა გიორგი მეფემან მძევლად ძე თვის ბაგრატ წელიწადისა სამისა და ციხენი რომელ პირველ გაეცნეს აზნაურთა დაუცალნა და მისცნა; სხუანიცა ციხენი პირველ მიცემულნი და უკანის თოთხმეტნი; და ქუეყანა, რომელი ჰქონდა დავით კურაპალატსა ტაოსთა, ბასიანს, კოლა-არტანთა და ჭავჭავთს. ხოლო რომელნიმე ამა ქუეყანათაგან ეკლესიანი, სოფელნი და ადგილნი დაულოცნა გიორგი მეფესა. და წარვიდა ბასილი მეფე და თანა წარიყვანა ბაგრატ უფლისწული მძევლად ძე გიორგი მეფისა ჩუენისა. აღუთქუა ფიცითა აღთქმა, ვითარმედ: „წელსა მესამესა გამოგვიზავნო ძე შენი“. და იყო სამ წელ ქალაქსა სამეფოსა კოსტანტინეპოლეს. და წელსა მესამესა გამოგზავნა, ვითარცა აღუთქუა.

რაცაჲს მოიწია მამულსა და სამეფოსა თვისსა, მოჰყვა თანა კატახანი აღმოსავლეთისა ვიდრე საზღვართამდე მამულისა მისისა. და ვითარ შეიქცა გარე, მოეწია სწრაფით მანდატურა და მოართუა კატახანსა წიგნი კოსტანტინე მეფისა, რომელსა წერილ იყო ესრესახედ, ვითარმედ: „განგებითა ღმრთისათა მიიცვალა სანატრელი ძმა ჩემი, ბასილი მეფე, და ნაცვლად მისსა ვიქმენ მე მეფედ ყოველსა საბერძნეთსა. აწ უკუე, სადაცა მიწევნულ იყოს განსაგებელსა ჩემსა ბაგრატ, ძე გიორგი აფხაზთა კელმწიფისა, შეაქციეთ სწრაფითა დიდითა, რომელ მოიწიოს წინაშე ჩუენსა“.

ხოლო მან, ვითარცა წარიკითხა ბრძანება მეფისა, ენება, რათამცა შეაქცია გარე ბრძანებისაებრ მისისა. შეიქცა სწრაფთ, დევნა უყო უკანა. რაცაჲს მიეახლა, იხილა, რომელ სიმრავლე დიდძალი მიგებებულ იყო წინა: დიდებულნი, ერისთავნი და აზნაურნი ტაოელნი, მესხნი და ქართველნი, რომელთა არა იყო რიცხუ სიმრავლისა მათისა. შეიქცა გარე და უთხრა მანდატურსა, რომელი მიწეულ იყო: „უკუეთუ ძალგიც შენ, აქციე, ჩემგან კულა ესე აღარა ეგების“.

შ, დიდი საკურგვლება და მოწყალება ღმრთისა! ვითარ მკეს ვანერა მართალი კელთაგან მათთა, რომელთა ენება



ზაკვთ შექცევა მისი. და თუ ვისმე გენებოს განცდად თართა, შეწვევნითა ღმრთისამიერითა იხილეთ და გახილეთ ურიცხუნი კელის აპრობანი ღმრთისამიერინი ამას დიდსა ბაგრატს აფხაზთა მეფესა ზედა, რომელნი არავის ზედა მოწვევნილ იყვნეს სხუსა მეფისა, რომლისათუს ჟამსა და ჟამსა გაუწყოს წინამდებარემან სიტყუებან.

ვითარ უკუე მოიწია წინაშე მამისა თუსისა გიორგი მეფისა, სახლად მათდა ქუთათისს, იხილეს მშობელთა მისთა შვილი მათი მსგავსი განუცდელისა და მიუთხრობელისა სიკეთისა მათისა, ყოვლითურთ შუენიერი, რომლისა სიკეთისა მისისათუს შეუძლებელ არს კაცთაგან მითხრობა. იხილეს რა, განიხარეს სინარულითა მიუთხრობელითა და შეწირეს მადლობა ღმრთისა მიმართ. იყო ქრონიკონი მას ჟამსა ორასორმოცდახუთი.

შემდგომად ორისა წლისა გარდაიცვალა გიორგი მეფე, სავსე ყოვლითა სიკეთითა, ჟამსა ოდენ სიყრმისასა, რომელ არავინ გამოჩენილ იყო მსგავსი მისი მამათა შორის მისთა ახოვნებითა, ჭაბუკობითა და სიქუელითა, ტანითა და სახითა, ცნობითა, და სავსე ყოვლითა განგებითა საჯელმწიფოთა, ქრონიკონსა ორასორმოცდამუდსა, თუესა აგუსტოსა თექუსმეტსა, ქუეყანასა თრიალეთისასა, ადგილსა, რომელსა ეწოდებოდა მყინვარნი გინა იწრონი. და დაუტევა გლოვა და მწუხარება ყოველთა მკვდართა მამულისა და სამეფოსა მისისათა. იგლოვდეს ყოველნი სიკეთისა, და სიჭაბუკისა, და ახოვნებისა მისისათუს. წარიყვანეს და დამარხეს საყდარსა ქუთათისსა.

ესხნეს შვილნი ოთხნი: ძენი ბაგრატ და დემეტრე, და ასულნი გუარანდუხტ და კატა; მეხუთე შვილი მათი მართა მოცვალეზელ იყო. შემდგომად მიცვალეზისა დიდისა მეფისა გიორგისსა, მასვე ჟამსა მეფე იქმნა ბაგრატ ყოველსა მამულსა და სამეფოსა მისსა ზედა, ზემოსა და ქუემოსა, წელიწდისა ცხრისასა.

მასვე ჟამსა წარვიდეს აზნაურნი ტაოელნი საბერძნეთს: ვაჩე კარციის ძე და ბანელი ეპისკოპოსი იოვანე, და მათ თანა სიმრავლე აზნაურთა ტაოელთა. ხოლო კოსტანტინე მეფემან მოქცევასა ოდენ წელიწდისასა გამოგზავნა პარკიმანოზნი ლაშქრითა ურიცხუთა, მოვიდა და ჩამოდგა, და მოაოკრნა იგივე ქუეყანანი, რომელნი ბასილი მეფესა მოეოკრნეს. მოვიდა თრიალეთს ციხესა ქუეშე კლდეკართასა; მას ჟამსა ჰქონდეს

ლიბარიტ ერისთავთ-ერისთავსა, ძესა ლიბარიტისასა. შემოკ-
ჩიბნა სსუანიცა აზნაურნი, დაუდგეს განძათა და შეებნეს ციხე-
სა ქუეყე. რაჟამს იხილა პარკიმიანოზმან, რომელ გერას ავნებ-
და, შეიქცა გარე. მასვე ჟამსა წარვიდა ჩანჩახი ფალელი სა-
ბერძენთს, მისცა ციხე გარყლობისა, მიერთო ბერძენთა, და
აჩვენან ჰოლოლას ძემან მისცა ბერძენთა ციხე წერეფთისა.

რაჟამს იხილა საბა, მტბევარმან ეპისკოპოსმან, რომელ
შავშეთს არლარა იყო სსუა ღონე, ააგო ციხე თავსა ზედა ტბე-
თისასა, დაიჭირა ქუეყანა შავშეთისა, ქმნა დიდი ერთგულტბა
ბაგრატ აფხაზთა მეფისათეს. პატივ-სცა ღმერთმან და ვერ
წარუდგეს ქუეყანა მტერთა. რანეთუ მას ჟამსა გავზავნა პარ-
კიმიანოზმან და პროედროსმან იოვანე ბანელი ხარტულარი,
წარიყვანა თანა ვალანგი ლაშქრითა დიდითა, და მისცა თანა
დემეტრე კლარჯი, ძე სუმბატისი, რეცა შესატყუევენლად ქუე-
ყანისა კაცთათეს, და ამით მიზეზითა მოიქცეს მრავალნი კაცნი
მის ქუეყანისანი წურილისა ერისაგან. შემოვიდა მასვე ციხესა
შინა ეზრა ანჩელი, და რომელნი აზნაურნი გამოჩნდეს ერთგუ-
ლად, შეუდგეს მასვე ციხესა შინა და გამაგრდეს ფრიად.

ხოლო ციხე არტანუჯისა ჰქონდა იოვანეს ერისთავსა აბუ-
სერსა, და მათ ჟამთა ქუეყანათა ამით შინა იქმნნეს ბრძოლა-
ნი და შუღლნი და მი-და-მონი მრავალნი. და ვითარ დიდად
იღვლეებოდა ქუეყანა ესე, კუალადცა პატივ-სცა ღმერთმან
ბაგრატს, აფხაზთა და ქართველთა მეფესა. ეწია სენი სასიკუ-
დინე კოსტანტინე მეფესა. მოუწერა პარკიმიანოზს პროედროსსა,
უკმო შეღმართ. ხოლო იგი წარემართა მსწრაფლ და, ვიდრე
მოვიდოდა, მიიცივალა კოსტანტინე მეფე. და რაჟამს მიიცივა-
ლებოდა, დასუა სსუა მეფე, სახელით რომანოზ, და შერთო
ცოლად ასული თუსი ზოია.

შემდგომად ამისსა, წელსა მესამესა, წარვიდა დედოფალი
შარიაჲ, დედა ბაგრატისი, აფხაზთა მეფისა, საბერძენთად ძიე-
ბად მშუღობისა და ერთობისა, და კუალად ძიებად პატივისა
კურაპალატობისა ძისათეს თუსისა, ვითარცა არს ჩუეულება და
წესი სახლისა მათისა, და მოყვანებისათეს ძისცოლისა.

და ვითარცა მიიწია საბერძენთად წინაშე ბერძენთა მეფი-
სა, აღუსრულა ყოველი სათხოველი სიხარულით: მოსცნა ფიც-
ნი და სიმტკიცენი ერთობისა და სიყუარულისათეს, დაუ-



წირონა ოქრობეჭედნი, მოსცა ბატივი კურაბალატობისა
 მოსცა ცოლად ბაგრატიოსს ელენე დედოფალი.

მო-რა-იწია მარიამ დედოფალი მამულსა ძისა თუხისასა,
 ქუთუყანასა ტაოს, მოართუა ბატივი კურაბალატობისა; აღასრუ-
 ლეს ქორწილი, უკუთხეს გვრგვნი ბანას.

და შემდგომად მცირედისა ქამისა მიიყვალა ელენე დე-
 დოფალი ქუთათისს შინა, და შეირთო ცოლად ბაგრატ მეფე-
 მან ბორენა დედოფალი, ოვსთა მეფისა ასული, დაა დორდო-
 ლელისა.

და ამისსა შემდგომად სხუაცა ძე დარჩა გიორგი მეფესა
 ანაკოფიას შინა, ოვსთა მეფისა ასულსა მეორესა ცოლსა თანა.
 და აზნაურთაგან იყო მათ შუა ში-და-მო საუბარი, და ყრბა
 მცირე იყო, სახელით დემეტრე. ვერცა გაამეფეს, თუცა ვის
 გულსა ედგა, და გერცაღა გამოინდგეს ბაგრატ მეფემან და
 დედამან მისმან, არცაღა თავადთა დიდებულთა ამის სამეფო-
 სათა. და ვერღარა დაიდგნა და წარვიდა სამეფოსა მისგან, და
 მიმართა ბერძენთა მეფესა, და წარუტანა თანა ანაკოფია. და
 მიერითგან წარუტადა ანაკოფია აფხაზთა მეფესა მოაგაჟა-
 მადმდე.

და შემდგომად ამისა მოირჭუნა და ეუფლა ზემოსა და ქუ-
 ემოსა თავის მამულსა ზედა ბაგრატ.

და დიდი ფადლონ ავად იქცეოდა, და სწუნობდა ყოველთა
 შოთაულთა ამის სამეფოსათა. და ვიდრე ყრმაღა იყო ბაგრატ,
 შეკრბეს ლაშქარი ამის სამეფოსანი, იპირნეს ლიპარიტ და
 ივანე აბაზას ძე; მოვიდა დიდი კურიკე, რანთა და კაბთა მეფე,
 დაგით სომეხთა მეფე, და ჯაფარ ამირა ტფილელი, რამეთუ
 ესე ყოველნი პირობითა კურიკესითა შეკრებულ იყვნეს
 ეკლესს ფადლონს ზედა; გააქციეს ფადლონ და აუწყუდეს
 ლაშქარი, აიღეს აგარი და განძი ურაცხ. მიერითგან ვიდრე
 სიკუდილაამდე შეპავდა ფადლონ.

და სიმცირესავე შინა ბაგრატ მეფისასა ლიპარიტ ლიპარი-
 ტის ძემან და ივანე აბაზის ძემან, ქართლის ერისთავმან, მუ-
 ხათგუერდსა გამოიტყუეს ტფილელი ამირა ჯაფარ, და შეიპყ-
 რეს, და დიდი ხანი დაყვეს ბატიმრობასა შინა, და წარუღეს
 ბართუსი. შეიწყალა აფხაზთა მეფემან და გაუტევა ტფილისს
 ზედა ამირად; და მიერითგან დარჩა მტერობა ლიპარიტეთ და
 ამირას შუა.

და შემდგომად მცირედისა ეამისა აზრახა ლიპარიტ ბაგრატიონსა წადება ტფილისისა. მოადგა ტფილისსა მტკუარსა ამიერიით, ზემოთ და ქუემოთ, აფხაზთა მეფისა ლაშქარნი, და წყალსა იმიერიით, ისნით კერძო, მოადგეს ლაშქარნი კახნი და ჰერნი. მას ეამს მოკლულ იყო დიდი კახთა მეფე კვრიკე ოვსისა ვისმე მონისა მიეო, რამეთუ წყობასა შინა ოვსთა მეფე ურდუბრე მოეკლა კვრიკე მეფისა. და მესისხლეობით მოიკლა კვრიკე მეფე ნადირობასა შინა, ფიდრაზისგორთა, ოვსისა მონისა მიერ.

მას ეამსა იყო მეფე კახეთს გაგიკ, ძე დავით სომეხთა მეფისა სამშულდარისა და ძორაკერტელისა, დისწული კვრიკესი და ბრძოდეს ორ წელ ტფილისსა. და მას ეამსა იყო ამირად ჯაფარ, ძე ალისი. და ესრე შეაჭირვეს ტფილელთა, რომელ ლიტრა ვირის ჯორცი ხუთას დრამად ასყიდის, და ვერღარა დაუდგმიდეს შიმშილთა და ბრძოლათა ძლიერთა. ტფილელთა განიზრახეს მოცემა ტფილისისა. და ამის ქალაქისა ბრძოლასა შინა წაუხუნეს ციხენი ორბეთი და ფარცხისი აფხაზთა მეფისა ლაშქართა. და ამირა შეეკაზმა თავის ლაშქრითა, შემოხადა ტივები და ნავები დამით წარსლვად განძას ლაშქარიას თანა ფადლონის შვილსა. და რომელთამე დიდებულთა აფხაზთა მეფისათა ლიპარიტისაგან ფარულად გააზრახეს მეფესა არა განძება ამირასი, და ფარულად ლიპარიტისაგან დაჰკიდეს ზავი ამირასა, გამოაცხადეს და დაამკვდრეს ამირა ტფილისსავე ზედა. და იბირნა აფხაზთა მეფემან კახნი, აშოტ მთავარი მარილილი, დისიძე კვრიკე მეფისა, და ხახულაგურნი ჯუარისციხითა; და მოეყარა აფხაზთა მეფე ქალაქსა და ემტერა კახთა. და მიერიოთვან შეიქმნა ლიპარიტ ქუეგამხედვარად თავის პატრონისაგან.

გაილაშქრა აფხაზთა მეფემან კახეთს, შეება და შეუჯდა მთასა ზედა მიქელ-გაბრიელთასა. და წყობასა შინა შეიპყრნა: სტეფანოზ ვარჯანის ძე, პანკისისა ერისთავი; და ვაჩე, ძე ჭურგენ ბერისა, ხორნაბუჯის ერისთავი; და ჯედი, დისწული გოდერძისა, შტორის ერისთავი და მაჭელისა. გარდადგა თანეთს და დაწუა დარბაზი ბოდოჯისა, სახლი სახელოვანი, დიდისა კვრიკე მეფისა აგებულნი. და ესე ერისთავნი ქენებით აძლეუდეს ცახეთა მათთა; და ვერღარა ჩავიდეს კახეთს და შემოიქცა, რამეთუ ლიპარიტ იწყო საურავთა გუერდქცეულთა.



შემდგომად მცირედისა ქამისა გამოიყვანა ლიპარიტის ძეგლი მეტრე, ძმა ბაგრატიისი, საბერძნეთით ბერძენთა შეფისა ლიპარიტისა და მიერთნეს სხუანიცა ვინმე დიდებულნი და აზნაურნი. მოვლეს ზემო ქუეყანა და ჩამოვიდეს ქართლს, მოადგეს ატენს, არე-არე მოწუეს ქართლი.

და ჰყვეს ლიპარიტს კახნი და ბერძენნი, და ვერ წაიღეს ატენი, რამეთუ ციხეთა უფალნი კაცნი მტკიცე იყვნეს ერთგულობასა ზედა ბაგრატიისა, თუნიერ ფარსმან თმოგველისა და ბეშქენ ჯაყელისა, თუხარისისა ერისთავისა. გავიდეს ჯავახეთს და იწყეს ახალქალაქისა ზღუდეთა შენებად, რამეთუ მას ქამსა უზღუდო იყო. არე ზამთრისა მოწვევულ იყო; ბერძენთა ენება შედმართ წასლვა. დაეზავა ლიპარიტ აფხაზთა მეფესა; უბოძა მეფემან ქართლის ერისთავობა. წარივიდეს ბერძენნი საბერძნეთად და წარიტანეს დემეტრე თანა.

და კუალად განძლიერდა და მოირჭუნა ბაგრატი მეფემან თავის მამულსა ზედა. და დააგო სუემან ბაგრატიისმან ქამი; მოერთო ვესტი ცხრითა ანისისათა, თუნიერ ამბერდისათა. და მოსცეს ანელთა ანისი ბაგრატიის დედასა, რამეთუ მამულად ეყვოდეს სომეხნი — სენაქერემ სომეხთა მეფისა ასული იყო მარიამ დედოფალი, ბაგრატიის დედა.

იყო ქამი გაზაფხულისა და ბაგრატი აფხაზეთს იყო; მოადგა ანაკოფიას და მისწურა წასაღებელად. და მოვიდეს ტფილელნი ბერნი, რამეთუ მის ქამისა პირველ მომკუდარ იყო ტფილელი ამირა ჯაფარ. უქადეს ქალაქი და უკმეს სასწრაფოდ. წამოვიდა და მოაყენა ანაკოფიას გარე ქუთაბულელ ჰაჰას ძე ოთალო აფხაზეთისა ლაშქრითა. ამოიარა და მოვიდა ქუთათისს, და მოიყენა ქუთათისისა სამოქალაქოსა ლაშქარი, და გურიელნი აზნაურნი და ლომსიანნი მოიყვანა ხუფათსა, და უდგნეს ფილაკავანნი და ბრძოდეს. და მოიარა მეფემან და მოვიდა ქართლს, და მოვიდეს სხუანი მკმობელნი ბერნი ტფილელნი.

წარიმართა ტფილისად და მოეგებნეს ქალაქის ბერნი, დარბაზის ყმანი, ცხენოსანნი დიდმისა ველსა, და ყოველი ერთი ქუეითი დაკაზმული უმედუელსა, და დედათა და მამათა სიმრავლე იყო მოედანს. და იყო კმა ბუკთა და დუმბულთა ორკერძოვე საშინელი, რომლისა კმითა იძრვოდა ქუეყანა; და იყო სიხარული ორკერძოვე განსაკვრებელი. შეიყვანეს და

მოავლეს ქალაქი, ასხმიდეს დრამასა და დრაჰკანსა, და მოართუნეს კლიტენი ქალაქისანი, და შეიყვანეს საამიროოსა დარბაზსა. დაჯდა მეფე ბაგრატ საურავად. აღიხუნა კოშკნი კართანი თავის კაცითა, და აღიღო ციხე ქალაქისა დარიჯელი, და ორნივე კოშკნი წყალყინისანი და თაბორი, და დაადგინნა შიგან ლაშქარნი თვისნი და ერისთავნი. ხოლო ისწელთა ჩაადგეს კუდი და არა მოსცეს ისნი; დაუღვნეს ფილაკავანნი, და ბრძოდეს ისნსა, და ესროდეს ისარსა. და ისნის ველსა მოვიდეს კახთა მეფე ვაგაკ და ერისთავთ-ერისთავი გოდერძი, და ყოველნი დიდებულნი კახეთისანი დარბაზობად ბაგრატ მეფისა წინაშე და მშუდობისა ძებნად. მაშინ ტანვიდა ბაგრატ მეფე ველსა ისნისასა, მოიყვანნა კახნი და ითაყვანნა, მისცა მშუდობა და განუტევნა. და იყო სიხარული და მშუდობა და საურავი დღითი დღე შემატეხისა.

და ვითარ ამას შინა გარდაჯდეს დღენი ზაფხულისანი, და კვალად იწყო ლიპარიტ მათვე ფიცხელთა საურავთა. და გამოიტყუენა ანისით დედოფლისაგან აბუსერი, ერისთავი არტანუჯისა, და ხიხათა და ციხისჯუარისა და აწყურის ციხის პატრონი, და ივანე ერისთავი, ივანე დადიანი და გუარამ გოდერძის ძე, ბექისციხისა პატრონი, — და შეიპყრნა იგინი ანისის კარსა. და დაავდო ტფილისი მეფემან, და გავიდა ჯავახეთსა.

ამის შემდგომად გამოიყვანნა მაწყურელმან მესხნი, განძითა ბაგრატისათა, შეუღად მეფისა. და მეფე დგა დრტილას-ხოლო ლიპარიტ შეკრიბნა კახნი და მოადგა ფოკათა. გამოიქცა მაწყურელი მეფესა ბაგრატს და შეეზრახა ლიპარიტს. ვითარცა ცნა ესე მეფემან, ზამთრისა ბუქთა საშინელთა გარდაიარა შავშეთი და ჩავიდა ქართლს.

და ლიპარიტ გამოიყვანნა ახლად საბერძნეთით დემეტრე, ძმა ბაგრატ მეფისა. ბერძენთა მეფისა განძი და ლაშქარი შემწე იყო. და განხეთქნა ამის სამეფოსა კაცნი: რომელნიმე წარუდგინნა დემეტრეს, და რომელნიმე დარჩეს ბაგრატის ერთგულობასა შინა. და ძე ლიპარიტისი ივანე მძევლად დარჩა ბაგრატის კელთა შინა, და ითხოვა იგი ბაგრატისგან, და ნაცვლად გაუშუა აბუსერი თავის ციხითა მშუდობით. და იყვნეს თანამდგომ ლიპარიტისსა კახნი ძალითა მათითა, და დავით სომეხთა მეფე ძალითა მისითა. და განძლიერდა იგი ძალითა ძა-

თითა ამას კერძოსა ქართლისასა. და იყო ში-და-მო
ტელოვნებისა.

და მოვიდეს გარანგნი სამი თასი კაცი, და დააყენა ბაშყ
გარდამოიტანა თანა შუდასი კაცი. და მოვიდა ბაგრატ შიდათ
ლაშქრითა; და ამით გარანგთა მესხნი გერდარა მოილოდინნეს,
მივიდეს, და შეიბნეს თავსა სასირეთისა ქაღლისასა; გაიქცა ში-
და ლაშქარი. და ომსა ამასგე შეიბყრეს აბუსერის და სხუანიცა
დიდებულნი მის თანა, გერდარა უძლეს ბრძოლად გარანგთა;
მისცნა ლიპარიტ ბაშტანი და წინა მათსა ბურსა უკაზმიდეს;
და ეგრეთ ლიხნი გარდავლეს.

და ამისა ბიძველ მომკუდარ იყო ძმა ბაგრატისი დემეტ-
რე. და შემდგომად გატყვევისა შეშინდა ბაგრატ სამეფოსა და
მამულისა მისისა განხეთქილობასა. და უქმნა მუდარა ლიპა-
რიტს, და მცირედითა ცხენოსნითა მივიდა ლიპარიტის თახა
ზოვლეს. და რა ცნა ლიპარიტ მისლგა მისი, არა ნახა, ვარიდა
მუნით; შეიქცა მეფეცა და წარვიდა აფხაზეთს.

და შემდგომად მცირედისა ეამისა სულა ერისთავმან კალ-
მახისამან, გრიგოლ ერისთავმან არტანუჯისამან შეაერთეს სი-
ტყუა და შეიწვევნეს მათ თანა სხუანიცა აზნაურნი მესხნი, და
უკმეს მეფესა ბაგრატს. და წარმოემართა ლაშქრითა, ვარდა-
შოვლო გზა რკინისჯუარისა, და შეგრბეს არყისციხეს. ცნა
ესე ლიპარიტ და შეგრიბა თავისი ლაშქარი, და მოირთნა კახ-
ნი და სომეხნი, და ბერძენიცა თანავე პყვეს. და მიუკდა
უგრძნეულად არყისციხეს, და შეიბნეს. და სძლია ლიპარიტვე,
და გააქცია მეფე, შეიბყრეს სულა, კალმახისა ერისთავი, და
მრავლითა ტანჯვითა და ძელსა გასუმითა სთხოვეს კალმახი, და
არა მისცა. მასგე ომსა შეიბყრეს გრიგოლ, ძე აბუსერისი; და
სთხოვეს არტანუჯი სიკუდილისა ქადებითა, და მისცა. მოირ-
ტუნა ლიპარიტ ზემოსა ქუეყანასა და აღიხუნა ციხენი, და
მიიერთნა თავადნი კაცნი, და გარეს-გარე წარვიდა ლიპარიტ
მითვე ლაშქრითა დვინად, და ულაშქრა ბერძენთა მეფესა დვი-
ნელსა ზედა, და შემოიქცა თავის ქუეყანად.

და შემდგომად წელიწდისა მოქცევისა გამოჩნდეს თურ-
ქნი სულტნისანი ბარაპიმ-ილმისანი ქუეყანასა ბასიანისასა. ვა-
მოვიდა ბერძენთა მეფისა ლაშქარი, და უკმეს ლიპარიტს. და
წარვიდა ლიპარიტ შუელად ბერძენთა ყოვლითა ლაშქრითა-
ამის ზედაჲს კერძისათა. შეიბნეს ორდროსა და უკუემიასა ქუ-

ემოთ, და გააქციეს ყოველი სხვა საბერძნეთისა და ლიბარიტისა თურქთა. იქმნა მოსრვა დიდი, და შეიპყრეს ლიბარიტ და წარიყვანეს ხუარასანს სულტანსა თანა. დიდებულთა ამის სამეფოსათა და შვილთა ლიბარიტისთა, ივანე და ნინია, იძებნეს უშიშოება და გამოიყვანეს მეფე მეფედ და კულად მოიქცუნა და შეიპყრა შვილნი ლიბარიტისნი; აიღო უფლისციხე და გამოუშვა ივანე.

და დადგომილ იყვნეს განძას ქუეყანასა თურქნი, და წასადებელად მიეწურა განძა. გამოგზავნა თავისა ნაცვლად ბერძენთა მეფემან ლიხტური ლაშქრითა დიდითა, და აწვეს ბაგრატ ყოვლითა ლაშქრითა მისითა, და წაჰყვა თანა. დაეპართნეს თურქთა; და მივიდეს განძას კარსა, და მირიდეს თურქთა, და დაარჩინეს განძის ქუეყანა, და შემოიქცეს მშვდობით. და ამისსა შემდგომად კულად უკმეს ტფილელთა და მოსცემ ტფილისი ბაგრატს, და შეიყვანეს შინა, და იყო სიხარული და მშვდობა დიდი.

ამისსა შემდგომად დაექსნა ლიბარიტ თურქთა, და შეძოვიდა ანისს. დაადგო ბაგრატ ტფილისი ლიბარიტის გზითა, იღმოვლო ქართლი და მოვიდა ჯავახეთს. განძლიერდა ლიბარიტ, რამეთუ მსახურებისათჳს ბერძენთა მეფისა ტყუექმნილ იყო; წარვიდა საბერძნეთს, და წახა ბერძენთა მეფე, და მოირთო ბერძენთა მეფისაგან ძალი. და ვერღარა დაუდგა ბაგრატ.

ამისსა პირველ სუმოდა ძე მისი გიორგი ბაგრატს, დაუტევა ქუთათისს მეფედ სამეფოსა ზედა აფხაზეთისასა და წარვიდა საბერძნეთს. მას ეამსა იყო ბერძენთა მეფე კოსტანტინე მონომახნი. და ლიბარიტის სათნოთა სწრაფით ვერღარა შემოიქცა ბაგრატ თავის მამულსა ზედა; და დაყო მუნ სამი წილიწადი დიდსა დიდებლასა და პატივსა შინა.

ვიდრელა იყო ბაგრატ საბერძნეთს, ითხოვა ლიბარიტ ძე ბაგრატისი, გიორგი, მეფედ, რათა მოსცეს იგი დედამან მისმან და დიდებულთა მის ქუეყანისათა. მოიყვანეს საყდარსა რუისისასა და აკურთხეს მეფედ. და მოიყვანეს მზრდელად მასა ლიბარიტ და პატრონად დაი ბაგრატისი გუარანდუხტ დედოფალი, კაცი სრული და უნაცვალო სახითა, სიბრძნითა, სიუხუთა, ღმრთისმსახურებითა და ყოვლითა სიკეთითა. და შემდგომად მცირედისა ეამისა მოითხოვა გუარანდუხტ ბაგრატ ბერძენთა მეფისაგან, და გამოგზავნა ბერძენთა მეფემან



დიდითა დიდებითა, ნიჭითა და განძითა მიუწდომელითა. მკერდგება ყოველი ლაშქარი აფხაზეთისა ზღვს პირსა, ხუფათს. დამსჯელი სიხარული და ღმრთის მაღლობა დიდი, ბრძანა და შემოვიდა სახლად თვსად ქუთათისს.

და ლიპარიტ მოირტუნა ზემოსა კერძა დაუკლებელად, და იყო მოყუარედ მისა ხუარასანს დოღლღებგ სულტანი და საბერძნეთს ბერძენთა მეფე, და ზრდიდა ბაგრატის ძესა გიორგის მცირესა სახელითა მეფობისათა. ხოლო ბაგრატს აქუნდა ლისხა ქუემოთი კერძი დაწყობით.

და მცირედისა ქამისა შემდგომად ამის სამეფოსა დიდებულთა მოეწყინა პატრონობა ლიპარიტისი. სულა კალმახელი და ყოველნი მესხნი გამოექცეს ლიპარიტს, და შეიპყრეს დღივს ლიპარიტ და ძე მისი ივანე, ხოლო ნიანია გარდაეხუეწა და მიმართა კლდეკართა; და არა შეუშუეს მამისა მისისა ციხოვანთა, და წარვიდა ანისს ბერძენთა თანა. ხოლო ლიპარიტ და ივანე პყრობილნი სულა წარიყვანნა კალმახს. და მსწრაფლ ვაგზავნა სულა მეფისა წინაშე სულთა ზედა მკმობელსი. ხოლო გუარანდუხტ და გიორგი, ძე ბაგრატისა, დგეს ღრტილას, და რა ცნეს შეპყრობა ლიპარიტისი, შეიყვანეს ახალქალაქსა და მუნ მოილოდინეს ბაგრატ სულთა ზედა. მოვიდა ბაგრატ და ამის მსახურებისა ნაცვლად მეფემან უბოძა სულას მამულობით ციხისჭუარი და ოძრჯე ბოდოკლდითა, და სხუაცა მრავალი საქონელი და სამღვდელთმოძღვრონი, და რაცა უნდა.

მოვიდა მეფესა წინაშე სულა ჯავახეთს, და მოჰკუარნა ლიპარიტ და ივანე პყრობილნი, და მოაკვინნა; კელთა აღიხუნა ლიპარიტეთგან ციხენი არტანუჯი და ყუელი, უფლისციხე და ბორთვისი. ხოლო კლდეკარნი მტკიცედ ეპყრნეს ციხოვანთა; რამეთუ მუნ შიგან დგა ანამორი, მწიგნობართუხუცესი ლიპარიტისი. მიიყვანეს თრიალეთს, ამოთა თხოვითა არა მოსცნეს ციხოვანთა კლდეკარნი, აღმართნეს ძელნი და გაასხნეს მას ზედა ლიპარიტ და ივანე, და განწარნეს სიკუდილად. და შემდგომად დღეთა რაოდენთამე მოიმტკიცეს მეფე და დიდებულნი ამის სამეფოსანი ციხოვანთა ლიპარიტისთა მშუდობით გაშუებისათუს ლიპარიტისა და ივანესა. მოსცნეს კლდეკარნი; გამოიღო თავისი ხუასტავი და ჩაიკუნა ჩოვანი ლიპარიტ, და შეჰვეღრა ძე თვისი ივანე მეფესა. დარჩა არგუეთის

მამული ივანეს. ეფუცა ლიპარიტ მეფესა შეუცოდლობის
თვის, და გაუშუტეს და წარვიდა სამეფოსა.

და შემდგომად მცირედისა ქამისა გაიბარა და წარვიდა
ივანე საბერძნეთს და დაყვნა მუნ წელნი რაოდენნიმე. და წი-
ანია მოკუდა ანისს ბერძენთა ყმობასა შინა; და ივანეს უჟურვა
თავის მამამიან ბაგრატს თანა.

და თვთ ბაგრატცა გამოიზიდნა და გამოიყვანა ამას სამე-
ფოსა, და უბოძა მამული არგუეთისა და ქართლისა, და ჰმო-
ნებდა ერთგულობით. და იყო თავად თავადთავე თანა ამის
სამეფოსათა და სპასალარ სიკეთითა მისითა. ხოლო ლიპარიტ
შიიცვალა საბერძნეთს სამეფოსა ქალაქსა კოსტანტინეპოლეს,
და წარმოიყვანეს დიდითა დიდებითა ერთგულთა და გაზრ-
დილთა მისთა, მოიყვანეს და დამარხეს კაცხს, სამარხავსა მა-
მათა მათთასა.

და შორიჭუნა ბაგრატ და განძლიერდა უფროს ყოველთა
მეფეთა მის ქუეყანისათა. და ამან წარიხუნა ყოველნი ციხენი
ჭერეთისა და კახეთისანი, თუნიერ კუეტარისა და ნახჭევანისა.
და შემდგომად ამისსა იქმნნეს დიდნი საქმენი და აღძრვანი
დიდთა მეფეთანი.

[4. თურქთა შემოსვლა]

ამის მეფობისა ქამთა შინა გამოვიდა სულტანი არფასარან,
მეფე სპარსეთისა, დასხმიმ გუარად. უგრძნეულად მოვიდა და
შემუსრა კანგარი და თრიალეთი, და დღესა ერთსა მარბიელ-
მან მისმან მიუწია ყუელისყურსა, გარდავიდა შავშეთს, კლარ-
ჯეთს და ტაოს ვიდრე ფანასკერტამდე. და მასვე დღესა ჩამო-
უწია თორს და ღვესკევს, და თვთ დადგა თრიალეთს სამ
დღე.

რამეთუ მას ქამსა მომავალი იყო მეფე ტაოთ, და თანა
ჰყვანდეს დედა, და დაა, და ძე მისი გიორგი; დადგრომილ
იყვნეს ხეკრებულთა. და აყრისა მისისა ქამსა მოუტდა ლაშქა-
რი სულტანისა; მოვიდეს და წარმოადგეს ქედსა ზედა. ხოლო
ივანი ჩამოესწრნეს ქართლს. წავიდეს ჯავახეთს და მოადგეს
ახალქალაქს, რამეთუ მესხნი აზნაურნი და ზემოსა კერძისანი
ძლიერად დგეს ახალქალაქს, და ბრძოდეს სამ დღე, რამეთუ



არა ზღუდითა მტკიცითა განსრულებულ იყო ახალქალაქი. ვერღარა დაუდგმოდეს ბრძოლათა ძლიერთა, აღიჭურვნი მსუოფნი ქალაქისანი, და განახუნეს კარნი, და შეეზნეს ძლიერად, მოსრწეს ბირითა მახულისათა. და შევიდეს ქალაქად თურქნი და ტყუე ყვნეს ურიცხუნი სულნი ქრისტიანეთანი; აღიდეს განძი და ტყუე ძლიერი, და შეიღება წყალი ახალქალაქისა სისხლითა.

და მოუვლინა ახალქალაქით მოციქული სულტანმან ბაგრატ მეფესა; აჰკიდა მზახობა და სთხოვა დისწული ცოლად. და მიიტკა სულტანი ანისად, შემესრა და წაიღო ანისი, მოსრწნა და ტყუე ყვნა ურიცხუნი სულნი, და წარვიდა ქუეყანად თჳსად სპარსეთად. და ანისი წარუღო ბერძენთა და მისცა მანუქას, ძესა აბულასვარისსა.

ხოლო დისწული ბაგრატი, რომელსა ითხოვდა სულტანი, იყო მშისწული სომეხთა მეფისა კურიკესი. სთხოვა ბაგრატ და არა მოსცა სომეხთა მეფემან. მიღზავნა ბაგრატ მოციქულად დიდძალად ერისთავი ვარაზ-ბაკურ გამრეკელი. იბირნა კაცნი სომეხთა მეფისანიცა, და სამშულდეს შემოწავალი სომეხთა მეფე კურიკე და მმა მისი სუმბატ შეიპყრეს ქუეშის ქალასა, და აცნობეს ბაგრატს. და წარვიდა ქვაკურელთათ მსწრაფლ, და მოგუარნეს პყრობილნი კლდეკართა ქუეშე. სთხოვა სამშულდე და არა მოსცეს, რამეთუ ერთი მმა მათი აღარანსე შესრულ იყო სამშულდეს. ხოლო მიიყვანეს სამშულდეს და ამართეს ძელი, და გასუეს სომეხთა მეფე კურიკე სამ დდე; ითხოვეს მშუდობა და მოსცეს სამშულდე. ხოლო მოსრულ იყვნეს ორნი ერისთავნი სომეხთა მეფისანი: ლუკის ერისთავი და კაჭეაქარისა. აძლედა და მოსცემდა სამთა ციხეთა სუმბატ, მმა კურიკესი; ოფრეთს და კოშკსა და ვარზაქარსა. ხოლო შეეწყვანეს ბაგრატ მეფესა; მისცნა და უთავისუფლნა ყოველნი ციხენი თვნიერ სამშულდისა; და არცა სხუანი ციხეთა უფალნი, კაცი დიდებულნი, შემოუშვნა, არამედ სამშულდე ოდენ თურვა სახლად თჳსად, და ეგრეთვე მონებდეს სომეხნი.

ხოლო დიდმან ბაგრატ მეფემან გაათხოვა ასული თჳსი მართა და შერთო ბერძენთა მეფესა.

ხოლო შემდგომად ამისსა გაათხოვა დისწული თჳსი და შერთო სპარსთა მეფესა სულტანსა. და შემდგომად სამისა წლისა გამოვიდა სულტანი, შემოვლო რანი და უგრძნეთლად

შევიდა ჰერეთად. და მის ქუეყანასა დიდებულნი იყვნეს მორთულ თულ და ერთგულ ბაგრატიანსა. და მას ჟამსა იყო მცირედი საქონლითა მეფე კახეთისა აღსართან, ძე გაგიკისი. და ყოველთა დაყარნეს ციხენი მათნი, და ივლტოდეს კავკასიად. და იყო ბაგოატ გალაშქრებული აღებად კახეთისა, და ლაშქარი მისი წინა გაგზავნილი იყო ვეჟინის ერისთავსა თანა წირქუალელსა. შემოიქცეს მშუდობით, და უამბეს შემოსლვა სულტანისა და დაყოა ციხეთა. შემოიქცა სწრაფით და მოვიდა ქუეყანად თქვად ქართლად.

ხოლო აღსართან მიერთო სულტანსა. მიუძღუნა ძღუენი დიდი, დაუტევა სჯული, დაიცუთა წინა, აღუთქუა ხარაჯა; და მისცნა ყოველნი ციხენი დაყრილნი სულტანმან მასვე; და რომელნი აფხაზთა მეფისა კაცთა დაეყარნეს, და რომელნი თვთ აღსართანისთა, მისცნა ყოველნი. და შემდგომად სამისა კვირისა წარმოემართა აფხაზთა მეფესა ზედა. და მიერთნეს სომეხთა მეფე კვირიკე, და ტფილელი ამირა, და აღსართან; შემოჰყვეს ქართლს თანა ჭაჭუთა. გაუშუეს მარბიელი ცისკრად, და სამწუხროდ აღივსო ყოველი ქართლი, თუესა დეკემბერსა ათსა, დღესა სამშაბათსა, ხოლო ქრონიკონი იყო ორასოთხმოცდარვა.

და იყო ქართლს შინა პური და ღვინო ფრიადი. და დაყო ექუსი კვრა, და იწყო ოკრებად და ჯოცად კაცისა, და გარდავიდა მარბიელი მისი არგუეთს. მიუწიეს და დაარბივეს ვიდრე სუერის ციხემდე. და მოისრა ურიცხვ სული ქრისტიანეთა და ტყუე იქმნა; და იქმნა საძაგელ ქუეყანა ქართლისა სახილველად კაცთა: მოოჯრდეს ყოველნი ეკლესიანი და სიმრავლითა მორთისათა არღარა დაედგმოდეს ქუეყანასა თუალნი; და ცოდვითა ჩუენთა მოსაგებელსა რისხვასა ღმრთისასა ზეცით ცაჲ წამებდა, და სისხლის მწუმელი ღრუბელი აღმოსავლეთით მოედინა ქართლსა ზედა; და იქმნა დამე უკუნი, ვითარცა ნათელი დღისა. და იყო ზილვა მისი საშინელი და შესაძრწუნებელი, და არე-არე სისხლის წუმა ეხილვა კაცთა. და იქმნა ზამთარი სასტიკი; რომელი გარდაეხუეწა და მიმართა მთათა, მოსწყდა იგიცა სიფიცხისაგან ზამთრისა. ხოლო ყოველსა ქართლსა შინა დადგა ლაშქარი, და თვთ თავადი სულტანი დადგა კარბსა, და მერმე ჩამოდგა შერთულთა და აჭირვა სიძნელემან ზამთრისამან და ზუქთა ძლიერთა.



და მაგზავნა მოციქულად ივანე, ძე ლიპარიტისი, მეფე ბაგრატ ძიებად მმუდობისა. ხოლო სულტანმაა შეაქცა აფხაზეთად ბაგრატი, სთხოვა ხარაჯა და უქადა მმუდობა. ხოლო სიფოცხლისაგან ზამთრისა ვერღარა მოილოდინა და წარვიდა ქართლით. და ჩამავალმან წარულო ტფილისი და რუსთავი, და მისცა ფადლონს, განძისა პატრონსა. არათუ მეფეთა ჩუხეთა მტერობისათჳს ოდენ ამოსწყუდა ტფილისი და რუსთავი ამის საჰეფოსა, არცა ამისთჳს ქმნა, თუშცა იგი აბი-რანი ორგულად დადგომილ იყვნეს კარსა მისსა ზედა, არამედ კეთილისა და მსახურებისა ნაცვლად ბოროტსა უყოფდიან ყოველსა კაცსა, რამეთუ მინდობილ იყვნეს იგინი მალსა უღმრთოებისა მათისასა, და იყვნეს იგინი ყოველით კერძო მცბიერ. და ამის ქართლისა ოკრებასა შინა იყო ლაშქრისა მისისა სიმრავლე ხუთასი ათასი.

და წარვიდა სულტანი ქუეყანად თჳსად. და ვითარცა მოიწია არე გაზაფხულისა, შეიქმნა სიმდიდრე წყალთა ძლიერი, და მტკუარი ვერღარა ეტია ნადინებსა თჳსსა, მოეფინა ველთა და წარილო მრავალი სული, რომელი დარჩომოდა სულტანსა.

და ამისა შემდგომად იწყო ფადლონ ამპარტავანებასა და ჟრჯუებასა, და სიახლესა ტფილისისა სადა სადმე გამოყვანებასა კელოსანთასა. და ვითარცა იქმნა გაზაფხული, გარდამოვიდა მეფე ქართლად და ჩადგა დიდგორთა, რამეთუ საზაფხულო მეფეთა სადგომი არს ადგილი იგი. ხოლო ფადლონ არად შერაცხა დიდგორთა დგომა მეფისა. წარმოემართა ლაშქრითა, ოცდაცამეტი ათასითა კაცითა, მოვიდა ტფილისს და დაიბანაკა ველსა ისნისასა. ხოლო მუნ დაუტევნა კარავნი და აღმთველო ღამე ყოველ მუხნარისა, და არბივნა ქართლისა ნაპირნი.

ხოლო ცნა ტფილისით გაღმართ აფხაზთა მეფემან ქართლისა ვნება, წარმოსლვა ფადლონისი, გამოგზავნა ხილვად ივანე ძე ლიპარიტისი, და ნიანია ძე ქუაბულისი, და მურვან ჯაყელი, ერისთავი ყუელისა, და მათ თანა სხუანიცა აზნაურნი მცირედნი რჩეულითა ლაშქრითა. ხოლო ქართლს ვერღარა ჩამოესწრნეს, შექცეულთა გაუსწრეს მუხნარს შინა წილკნის გორთა თანა. უკანასა კერძა შეებნეს და პირველსავე კრძლი-სა მოკიდებასა გააქციეს ფადლონ. და მიადგა ფადლონს ლაშქარი გაქცეული ზრამსა ნარეკუაგისასა, მიჰვოცდეს და

იპყრობდეს აფხაზთა მეფისა ლაშქარნი, და აღმოვიგო ხრამბი იგი ცხენითა და კაცითა.

და ზედა ლაშქარმან მეოტმან გასლვა იწყო შობოს ტყით, და ყოველთა ტყუთაგან და ძიბუნართაგან, ვითა ქუთისა მართუეთა, გამოჰკრებდეს დამალულსა ლაშქარსა ფადლონისსა ბაგრატის ლაშქარნი. და შემოუსწორეს წინა იქროსა დართისასა, და მცირედნი ვინმე გაესწრნეს და სდევნა ლაშქარმან ბაგრატისმან ვიდრე მთამდე ხერკისა. მოსრეს და ტყუე ყვეს ლაშქარი ფადლონისი. ხოლო ფადლონ თხუთმეტისა ოდენე ცხენოსნითა წარვლო გზა წილენისა, და შიებუა პირსა არაგვისასა, და გაჰდა ნარდუევთა გზით ერწოდ, და რქუა თავი თუსი მოციქულად, ვითარმედ: „ფადლონის მოციქული ვარ და მახარობლად მივალ აღსართანის თანა; აფხაზთა მეფისა ლაშქარი გავაქციეთ“.

დასუდა კაცი ვინმე მეცნიერი, რომელი იცნობდა ფადლონს, და რქუა: „არა ხარ შენ მოციქული, არამედ ხარ ამირათ-ამირა ფადლონ“.

და რქუა კაცსა მას ფადლონ: „მიიდე ჩემგან ოქრო და ვეცხლი დიდძალი და საკარგავნი მრავალნი, და ნუ შემიწამებ; გარდაამიყვანე მინდორად და წამომყვე თანა“.

რქუა მას კაცმან: „ვერ ვიქმ საქმესა მაგას, რამეთუ მკუდრი ვარ ამის ქუეყანისა. აწ ისმინე ჩემი და მომიყვე თანა, და მე მიგიყვანო აღსართანის თანა, და მან გაგზავნოს ქუეყანასა შენსა“.

ნებსით არა უნდა ესე ფადლონს, არამედ ერწოდ ვერდარა შემძლებელ იყო წარსვლად. წარუძღუა კაცი იგი და მიჰვლარა ქალეთს ისაჲ ტოლოშელის ძესა, აზნაურსა მესხსა. ხოლო რა ცნა ფადლონის კარად მისლვა, გაძარცუა ერისა ფადლონისი, გარდაყარნა ცხენსა და დაიჭირნა ჳელთა, და გასუა ჳორსა ფადლონ. და არა იქსენა ისაჲ მკუდრობა აფხაზთა მეფისა, რომელმცა აფხაზთა მეფისაგან გაქცეული ფადლონ შეიპყრა, და შეგულარა ბოჭორმას ბაგრატისთვის. არამედ მსწრაფლ წარიყვანა და მიჰვლარა აღსართანს თელავს. ხოლო აღსართან მსწრაფლ წარიყვანა ხორნაბუჯს, რამეთუ აფხაზთა მეფისაგან ეშინოდა უკანა ჩამოდგომისა. მოუპყრეს ხორნაბუჯს ფადლონ, და მისცა ხორნაბუჯი. წარიყვანეს არადეთად და მისცა არადეთი აღსართანსვე.



ხოლო ბაგრატ შეშინდა გაშუებასა ფადლონისასა, მისცა
 ბოქორმა და ქჯარმო კათბა, და წამოიყვანა ფადლონ. გასტყვე-
 ძელსა და მოუპყრეს ტფილისსა; და აღეს კირვეულად ტფი-
 ლისი, რამეთუ მუნ შინა მდგომი კაცი თვთ გამირებასა ლა-
 მოზდა, და არა დაიჭირა ბაგრატ თავისად ტფილისი, არამედ
 დამანისს დატვევებულს სითლარაბი ძებნა, შემოიყვანა ტფილი-
 სად, და მისცა მას ტფილისი, ხოლო თავისად აღიხუნა ციხენი-
 რუსთავი, ფარცხისი, აგარანი, გრიგოლწმიდანი, ქავაზინი, და
 ორმოცდოთხი ათასი დრაჰკანი, და მძევალნი ძმისწული მისი
 ძე მანუჩასი, და სამთა თავადთა განძისათა.

და მოგზავნა სულტანმა სარანგი აღხაზი, და მისითა შუამ-
 დგომლობითა და სიტყუთა სულტანისათა დაეხავა ბაგრატ და
 განუტევა ფადლონ, და გაგზავნა საკელმწიფოსა თვსსა განძსა,
 და წარაყვა სარანგი თანა.

და მოართუნეს გაცით კლიტენი, და აღიღო აღხაზთა მეფე-
 მან გაცი. შემდგომად ამისსა ფადლონმა გატეხნა ფიცნი და
 შუამდგომლობანი დიდისა სულტანისანი, და მოიპარა ქავაზი-
 ნი. და შემდგომად მისსა მეფე აღხაზეთს იყო, მოვიდა ფად-
 ლონ და მოადგა აგარათა; და მისცა ციხისთავმან აგარანი. და
 მსწრაფლ აღმოვიდა მეფე, მივიდა და მოადგა აგარათა. და წა-
 რისუნა აგარანი.

და გამოიყვანა დორდოლელი, ოვსთა მეფე, ორმოცი ათა-
 სითა კაცითა ოვსითა, და წარუძღუნა ძე მისი გიორგი კურა-
 პალატი და მოაჭრა განძა, და აღიღო ტყუფე და ნატყუენავი
 ურიცხვ, და გაგზავნა თავის სამეფოდ. ამისა შემდგომად აღი-
 სურვილს დიდმან ოვსთა მეფემან დორდოლელმან დისიძისა
 მათისა ბაგრატისა სევასტოპისათვს, და ითხოვა დარბაზობა
 ბაგრატისგან. ხოლო ბაგრატ ნება სცა და მხიარულად წარ-
 მოემართა ოვსთა მეფე ყოვლითა თავადითა ოვსეთისათა, და
 აღმოვლო გზა აღხაზეთისა და მოვიდა ქუთათისს. და ნაზა და
 მათი დედოფალი, დედა გიორგი კურაპალატისა; რამეთუ გი-
 ორგი კურაპალატი გებულ იყო უწინა, და მოიყვანეს
 ქართლს. და მეფე დგა ტინისკადის ქალასა, ნადარბაზევს, და
 მოეგება წინა დიდითა ზიემითა და პატივითა.

შეკრბეს ერთგან კერუთა ზედა. და იყო სიხარული და ჯმა
 ზუკთა და დუშმულთა საშინელი და მიუწლომელი. და დაყვეს
 ერთგან დღე თორმეტი, და განისუენეს ყოვლითა განსუენები-

თა და სიხარულითა. და მიზეზითა ზამთრისათა გაისწრაფეს, და მისცა ნიჭი და საბოძვარი მეფესა და ყოველსა დიდებულსა ოვსეთისასა. გაგზავნა და წარვიდეს სიხარულითა.

და შემდგომად ამისსა არებდა სულტანი მოციქულთა, და უკრებდა ძლუნთა ბაგრატ მეფესა, ამოთა ენითა სთხოვდა ხარაჯასა. ხოლო არა დაიდვა ბაგრატ მეფემან ხარაჯა, არამედ ავლენდა იგიცა მოციქულთა, და უკრებდა იგიცა ძლუნსა. და იყო მათ შორის სიტყვთ სიყუარული.

და შემდგომად მცირედთა წელიწადთა სამშულდის ტბათა მდგომსა ბაგრატ მეფესა დაეცა საღმობა მუცლისა, და ჩადგა მარაბდათა. და გაუძნელდა საღმობა, და ტახტითა წარმოიყვანეს, და თანა ჰყვა გიორგი კურაპალატი და ყოველნი დიდებულნი მისნი. ხოლო გიორგი კურაპალატი გაგებულ იყო წინა, და მოიყვანეს ქართლს მეფე, და ყოველნი დიდებულნი მისნი მუნ მოვიდეს. და მოვიდა დედა მისი მარიამ დედოფალი, და ცოლი მისი ბორენა, და ასული მისი მარიამ. და შემდგომად მცირედთა დღეთა მიათულა ძე მისი გიორგი კურაპალატი მეფედ დიდებულთა ამის სამეფოსათა, და ყოველნი შეჰვედრნა მას, და რქუა დედასა თუსსა: „დედაო, მეწყალი შენ. რამეთუ ყოველნი შობილნი შენნი წარგუქციენ წინა და ეგრეთღა შენ მოჰკუდები“. და შემდგომად ამისსა მიაცვალა თუენსა ნოემბერსა ოცდაოთხსა, ქრონიკონსა ორასოთხმოცდაოთრმეტსა.

და ამისვე ბაგრატის სიკუდილისა ჟამსა შინა მოიკლნა სულტანი კაცისა ვისგანმე, ბერისა თურქისაგან, თავის ლაშქართა ხარჯასა შინა. გაევილო ჭეონი შუდასი ათასითა კაცითა, გაელაშქრა თურქთა მეფესა ზედა, სამარკანდისა სიხლესა ციხესა რომელსამე მოადგა; და მოიკლა მის ციხისა პატრონისა თურქისა მიერ. და ვერღარა შეესწრა თურქი იგი ციხესა, და დაჭრეს უწყალოდ მახვლითა. და ვერღარა ცნეს ბაგრატ და სულტანმან ერთმანერთისა სიკუდილი.

შემდგომად ამისსა დაჯდა ძე ბაგრატისი გიორგი კურაპალატი მეფედ.

და არა აფრინდა ყოველსა შინა მამულსა მისსა ერთიკა ქათამი, და დიდითა დიდებითა და პატივითა წარიყვანეს და დამარხეს ჰყონდიდს. ესე მეფე ბაგრატ წელიწადისა ცხრისა მეფე იქმნა, და აღესრულა წლისა ორმოცდათექუსმეტისა. ესე



ზაგრატ პირველ იყო კურაპალატი, და შემდგომად ნოველისი მოსი, და მერმე იქმნა სევასტოს. იყო კაცი სახითა უმეფეობისა რესი ყოველთა კაცთასა, სრული სიბრძნითა, ფილოსოფოსი ენითა, სვანი ბედიითა, უმდიდრესი ყოველთა მეფეთა აფხაზეთისათა, მოწყალე შეცოდებულთათჳს, უხუ ალაგთა ზედა. ხოლო ეპთა მისთა ქუეყანასა დაწყნარება არა ჰქონდა: ეკლესიანი და გლეხნი, აზნაურნი და გლახაკნი ვერ იკითხვებოდეს.

ხოლო გიორგი მეფე იყო მოწყალე და განმკითხველი გლახაკთა, კაცი საშიში და უუხუესი ყოველთა მეფეთა აფხაზეთისა, და პურად უკეთესი ყოველთა კაცთასა, ცხენოსან-მშუღლოსანი რჩეული.

და შემდგომად მამისა მისისა დაყო მშუღობით ზამთარი ერთი და ზაფხულისა ნახევარი. ხოლო შემდგომად თავადთა ამის სამეფოსათა ნიანიი ქუაბულის ძემან, და ივანე ლიპარიტის ძემან, და ვარდან სუანთა ერისთავმან, რეცა თუ იკლეს რამე სიყრმითა გიორგი მეფისა, და აუშალეს ქუეყანა: ივანე მოირთნა კახნი და დადგა ქსნის პირსა; და ნიანიი წარუღო ქუთათისისა საქურჭლე და შედგა ქუთათისს შიგა, და ვარდან გაადგინნა სუანნი ავისა მოხარკულნი, დაარბიეს და ამოსწყუდეს საეგრო.

ხოლო გიორგი მეფემან სძლო სიკეთითა, სიბრძნითა, და ძკრუცსენებელ იქმნა: უბოძა ივანეს სამშუღდე; და ძესა ივანესსა ლიპარიტს მასცა ლოწობანნი ნაცვლად რუსთავისა, რომელი მიეცა კახთა; და ნიანიის თმოგვ და სხუანი საქონელნი რჩეულნი; ვარდანს უბოძა ასკალანა და ოთაღო ჭაჭამ ძესა, ივანეს სიტყვთ, უბოძა... და ყოველივე ერთგული და ორგული დაფარა წყალობითა, და დაიწყნარა მეფობა თჳსი გიორგი მეფემან.

კუალად გადგა ივანე ლიპარიტის ძე, და ცნა გიორგი მეფემან. ქუთათისით გარდამოვიდა სამცხეს, მოირთნა მესხნი, გარდამოიარა და მივიდა სამშუღდისკარსა. მუნ მოიყვანა კახთა მეფე აღსართან. ვერ დადგა ივანე ცხებშიგან, მირიდა მათთა სამხრისათა. და მას ვერწყობილობასა შინა წაიხუნა ლოწობანნი ლიპარიტისაგან აღსართან. მოეყარა სამშუღდესა, გარდადგა ჯავახეთს, და მოიყვანა მეფეთ-მეფემან გიორგი მათ წინაშე, და დაიფიცნეს ეკრანთას, და დაიმტკიცა ივანე კლდეკართა და სამშუღდესა ზედა.



ქვალადცა გადგა ივანე, ვამოსტყუა გაგი ციხოვანთა გიორგი მეფისათა, და მიჰყოდა ფადლონსა, ვახშის პატრონსა. და მოვიდა სულტანი მალიქშა მტერად ყოველთა ქრისტიანეთა. მიაგება ივანე ძე მისი ლიპარიტ წინა, შეაწყნარა სულტანსა, და დაყო მის თანა მცირედი ხანი და გამოეპარა. და მოვიდა სულტანი, და მოადგა სამშულდესა, და წარუღო სამშულდე, და ტყუე იქმნა ივანე თავითა, ცოლითა და შვილისშვილითა და ყოველთა აზნაურთა დედაწულითა, და დაიჭირა სამშულდე სულტანმან და მუნ დგომასა მოარბია ქართლი, წაიღო ტყუე და ხატყუენავი ურიცხუ, და შეიჭცა გარე. და აიღო განძა, და დაადგო სარანგი თავადად განძას და ბრძოლად ქუეყანისა ყოვლისა, ორმოცდარვა ათასითა კაცითა. შედგა ფადლონ ციხეთა მაგართა, და ვერ დაუდგნა, გამოიყვანეს და დააპატიმრეს იგიცა.

შემდგომად მცირედისა ხანისა შეკრბა სარანგი ყოველითა ლაშქრითა მისითა და განძისათა, დვინისა და ღმანისისა ამირათა თანადგომითა, და მომართა გიორგი მეფესა. შეკრბა გიორგი მეფეთ-მეფე ყოველითა სპითა მისითა, ზემოთა და ქუემოთა, და მოიყვანა მათ წინაშე აღსართან, კახთა მეფე, და დაჰმართეს ერთმანერთსა. განაძლიერა ღმერთმან გიორგი მეფე; წარძღუანებითა პატიოსნისა ჯუარისათა მიუტნა ზედა, ფარცხისს ქუემოთ, და იოტა ბანაკი სარანგისი; გააქცია და ასწყუდა: იყო ქამი მწუხარისა, და სიღამემან დაარჩინა ნეშტი სარანგის ლაშქრისა, და შემოიქცა უკლებლად და მშუდობით მეფეთ-მეფე გიორგი თავისა სამეფოსა.

და შემდგომად ამისსა მომადლა ღმერთმან მძლავრებისაგან ბერძენთასა წახმულნი ციხენი. წაუხუნა ბერძენთა ანაკოფია, თავადი ციხეთა აფხაზეთისა, და მრავალნი ციხენი კლარჯეთისა, შავშეთისა, ჯავახეთისა და არტანისა. და შემდგომად ამისსა ესეცა მომადლა ღმერთმან, აღიღო ქალაქი კარისა, ციხე-ქუეყანა, და სიმაგრენი ვანანდისა და კარნიფორისანი, და იოტნა თურქნი მის ქუეყანისანი.

[ცნობრება მემკვიდრე-მემკვიდრე და მემკვიდრე]

ამისა შემდგომად მოვიდა სულტანი მალიქ-შა, მოადგა სამ-
შუადღესა და წარიღო, და ივანე ძე ლიპარიტისი ტყუე-პყო,
მოაოკრა სომხითი და წარვიდა. ხოლო მასვე წელსა მოვიდა
სარანგი ძალითა სულტანისათა, ჩამოადგა სამშულდის ბარს; და
შიგიდეს ლაშქარნი გიორგი მეფისანი, შეიბნეს ფარცხისს,
სძლიეს სპათა გიორგისთა და იოტნეს სპარსნი, რამეთუ დიდი
ძლევა მოსცა ღმერთმან გიორგის.

და წარვიდა მეფე გიორგი მამულსა თვსსა ტაოს, და მოვი-
და ბანას.

ხოლო მუნ მოვიდა წინაშე მათსა ზორვარი აღმოსავლისა
გრიგოლ ზაქურიანის ძე, რომელსა ჰქონდეს ოლთისნი, და
კარნუქალაქი, და კარი, და დიდად განიხარეს და განისუენეს.
და მოსცა გიორგი მეფესა კარის ციხე-ქალაქი და მისი მიძ-
გომი ქუეყანა, და განიყარნეს. ხოლო მეფემან გიორგი დაუ-
ტევნა კარს აზნაურნი შავშნი და წარმოვიდა შინა. ხოლო გან-
ძლიერებასა თურქთასა დაუტევნეს ბერძენთა ქუეყანანი მათნი,
ციხენი და ქალაქნი, რომელ აღმოსავლეთს ჰქონდეს, და წარ-
ვიდეს. რომელნიცა აიხუნეს თურქთა და დაემკვდრნეს მას
შინა. და ვინათგან მეზობლობით მოეაზლნეს საზღვართა ჩუ-
ენთა, განმრავლდა შიში და ჰირი მათგან ჩუენ ზედა. რამეთუ
იწყეს მიერთგან რბევად, ტყუენვად და მოოკრებად, წუად,
სრვად და ტყუეობად ჩუენ ქრისტიანეთა.

რამეთუ მათ ეამთა შინა გიორგი მეფესა, ყუელს გარე-
დგომასა, დაესხნეს უგრძნეულად თურქნი დიდნი, რომელთა
თავადი იყო აჰმად, ამირა ძლიერი და მაგრიად მოისარი, რო-
მელსა მას ოდენ ეამსა აელო კარი. მოვიდეს ესენი შინაგანცე-
მითა ქრისტიანეთათა, აოტეს გიორგი მეფე და სპა მისი
ურციხუ.

ხოლო საჭურჭლენი დიდნი და სამსახურებელნი სამეფოთა
ტაბლათანი, ოქროსა და ვეცხლისანი, ბაგრატეულნი სას-
მურნი და სამწყდონი პატისანნი, კარავნი სამეფონი და ყო-
მელთა დიდებულთა აიხუნეს იავარად და წარვიდეს. ხოლო გი-

ორგი მეფე წარვიდა მეოტი აჭარით აფხაზეთად. მათ უკუე
ლაშქართა, ესევეთარითა ალაფითა სავსეთა მიმავალთა, წინა
დაემთხვენეს ამირანი დიდნი, ისა ბარი და აბუ-იაყუბ, და მათ
თანა სიმრავლე ურცხვ თურქთა, საბერძნეთს მიმავალთა. რომელთა
იხილეს რა ესეოდენი სიმრავლე ოქროსა და სიმდიდრი-
სა, რომელი ჰქონდა, და ცნეს მეოტობა გიორგისი, და ესმაცა
მათგან, ვითარმედ: „რად წარხვალთ საბერძნეთად? აჰა ქუე-
ყანა საქართველო, უკაცური და სავსე ესევეთარითა სიმდიდ-
რითა“. ხოლო მათ მყის მოაქცივნეს გზანი მათნი და მოეფინ-
ნეს პირსა ყოველისა ქუეყანისასა, ვითარცა მკალნი.

და დღესა ივანობისასა ასისფორნი და კლარჯეთი ზღვის-
პირამდის, შავშეთი, აჭარა, სამცხე, ქართლი, არგუეთი, სამო-
ტალაქო და ჰყონდიდი აღივსო თურქითა. მოისრა და ტყუე
იქმნა ამათ ქუეყანათა მკუდრი ყოველი. და მასვე ერთსა დღე-
სა დაჰუეს ქუთათისი, და არტანუჯი, და უდაბნონი კლარჯე-
თისანი. და დაყვეს ამათ ქუეყანათა შინა თურქთა ვიდრე
მოსლვადმდე თოვლისა, მოჰამეს ქუეყანა და მოსწყუდეს, თუ
სადღა ვინ დარჩომილ იყო ტყეთა, კლდეთა, ქუაბთა და კუ-
რელთა ქუეყანისათა. და ესე იყო პირველი და დიდი თურქო-
ბა; რამეთუ ქრთნივონი იყო სამასი. ხოლო თუ ვინმე მთიუ-
ლეთს ანუ სიამგრეთა სადამე ვინ დაშთა კაცი, ზამთრისასიფი-
ცხითა, უსახლობითა და შიმშილითა ეგრეცა მოისრა.

და განგრძელდა ესევეთარი ჭირი ქრისტიანეთა ზედა; რა-
მეთუ არესა თანა ვახაფხულისასა მოვიდიან თურქნი და მათ-
ვე პირველთა საქმეთაებრ იქმოდინ, და ზამთრის წარვიდიან.
და არა იყო მათ ქამთა შინა თესვა და მკა: მოოკრდა ქუეყანა
და ტყედ გარდაიქცა; და ნაცვლად კაცთა მკეცნი და ნადირნი
ველისანი დაემკუდრნეს მას შინა. და იყო ჭირი მოუთმენელი
ყოველთა ზედა მკუდრთა ქუეყანისა, შეუსწორებელი და აღმა-
ტებული ოდესვე ყოფილთა სმენილთა და გარდასრულთა
ოკრებათასა. რამეთუ წაიდიანი ეკლესიანი შექმნეს სახლად
ჰუნეთა თესთა, ხოლო საკურთხეველნი დმრთისანი აღვილად
არაწმიდებისა მათისა. და მდღელნი რომელნიმე თვთ შეწარ-
ვისავე შინა საღმრთოსა მსხუერპლისასა მუნვე მახვილითა შე-
წორულ იქმნეს და სისხლინი მათნი აღირიცნეს მეუფისათა თა-
ნა. და რომელნიმე მწარესა ტყუეობას. მიცემულ იქმნეს,
მოხუცებულნი არა შეწყალებულ იქმნეს, ხოლო ქალწულნი



გინებულ, ქაბუკნი დაკუთვებულ, ხოლო ჩჩულნი მიმეცხულებულ
 ცეხული უცხო და მბრძოლი, რომლითა მოიწყობნენ
 ნებული ყოველი, მდინარენი სისხლთანი, ნაცვლად წყლისა
 ნაკადულთა, მრწყევლნი ქუეყანისანი. და რათა თუთ მათ იე-
 რემიასათა ვიტყოდით, რამეთუ ამან ოდენ კეთილად უწყოდა
 ეამისა ამის ჯეროვანი გოდება, ვითარმედ: „ძენი სიონისანი,
 პატოხსანნი და ბოროტისა გამოუცდელნი, უცხოთა გზათა
 ტყუეობისათა მოგზაურობენ. ხოლო გზანი სიონისანი იგლო-
 ვენ არაყოფისათვის შა ზედა მედღესეასწაულეთასა. და გელ-
 ნი დედათა მოწყალეთანი არა საზრდელისა შვილთა მიცემად
 მოქმედებენ, არამედ საზრდელ თუსსა ჰყოფენ თუთ თუსთა მათ
 საყუარელთა“. და ესენი ესრეთ და ფარადცა უძრეს.

ამათ რა საქმეთა ესრეთ ხედვიდა მეფე გიორგი და რამე-
 თუ არასადათ იყო ღონე ქსნისა და შეწევნისა, არცა რა დამკს-
 ნელი ამათ ძვრთა, რომელ მოეცვა პირი ყოვლისა ქუეყანისა,
 რამეთუ ძალი ბერძენთაცა შემცირებული იყო, და რომელნი
 ქუეყანანი მათ აღმოსავლეთს ჰქონდეს ზღუასა გარეთ, ყოვე-
 ლი თურქთა დაეპყრა. მაშინ ჰყო განზრახვა დიდებულთა
 თუსთა თანა, და დაამტკიცეს წარსვლა მალალსა სულტანსა მა-
 ლიქშას წინაშე.

და ესრეთ დადვა სული თუსი და სისხლი ქრისტიანეთა
 ქსნისათუს. და მინდობითა ღმრთისათა და წარძღუანებითა
 ძელისა ცხოვრებისათა წარვიდა ასპანს, ნახა სულტანი და
 შეწყნარებულ იქმნა მისგან ვითარცა შვილი საყუარელი.

რამეთუ იყო კაცი იგი მალიქშა ვითარცა სიდიდითა კიდე-
 თა მპყრობელობისათა შეუსწორებელ, ეგრეთვე სახითა სიტ-
 კობისათა და სახიერებითა აღმატებულ ყოველთა კაცთასა,
 რომლისანი მრავალ არიან და სხუანიცა ურიცხვნი საცნაურე-
 ბანი, მართალმსაჯულობანი, მოწყალებანი, ქრისტიანეთა სი-
 ყუარულნი, და, რათა არა განგვარძოთ სიტყუა, ყოვლად
 უბოროტო რამე გონება ყოვლით კერძო აქუნდა. ამისთვისცა
 ყოველი სათხოველი აღუსრულა მეფესა გიორგის, უმეტესცა
 სასოებნისა. და სამეფო მისი განათავისუფლა ზედამარბეველ-
 თაგან და მოსცა კახეთი და ჰერეთი, გარნა ხარაჯა ითხოვა სა-
 მეფოსა მისისა, რომელსა აიღებდეს ეამთა მრავალთა. და ესრე
 განდიდებითა და მრავლითა დიდებითა გამოგზავნა თუსად სა-
 მეფოდ და წარმოაყოლნა სპანი დიდნი, რათა წარვლონ გზა

მშუდობისა და რათა აართვან კახეთი, და ქანსა სთულისასა მოვიდეს კახეთად და მოადგეს ციხესა ვეყინისასა და, ვიდრე ჩიძოდესდა, მოვიდა თოვლი.

ხოლო მეფესა გიორგის მოეკენა ნადირობა აჯანეთისა, არღარას ზრუნვიდეს სხუასა, არცა ელოდა აღებასა ვეყინისასა და კახეთისა, არამედ ლაშქართა თურქთასა, რომელ ჰყუდა, მისცა ნიჭად სუჯეთი და ყოველი ქუეყანა იორისპირი კახეთი, რომელი მოოკრდა მუნ დღეინდელად დღედმდე. ხოლო თვთ გარდავლო მთა ლიხთა და მთავიდა აფხაზეთად.

მათ ქამთა კახთა მეფე აღსართან წარვიდა მალიქშას წინაშე, დაუტევა ქრისტიანობა და შეეძინა საარკინოზთა სჯულსა, და ამით ღონითა აიღო სულტანისაგან კახეთი. ამათ ესევეთართა ქამთა არავე დამშუდნა ქუეყანა, არცარა იქმნა ლხინება კაცთა უკეთურებისათს მკვდრთა მისთასა, რამეთუ ყოველმან ასაკმან და ყოველმან პატივმან ყოვლითურთ შესცოდეს ღმერთსა და მიიქცეს გზათაგან წრფელთა ყოვლისა მიმართ უკეთურებისა, და ბუნებით მოწყალე და სახიერო ღმერთი ესეოდენ განარისხეს, ვიდრემდის თვთ მოიხადეს განჩინება რისხვისა, ქადებული უსჯულოთათს ესაიას მიერ მტყუელი-სა ესრეთ: «გაა ნათესაჲსა ცოდვილსა, ერი რომელი საესე არს უსჯულოებითა, კუალითგან ფერკთათ ვიდრე თავადმდე, არა არს მას შინა სიცოცხლე, არცა ბრძულ, არცა შესახუვეღ» და შემდგომნი: «ამისთვის ქუეყანა თქუენი ოკერ, ქალაქნი ცეცხლითა მომწუარ, სოფელთა თქუენთა უცხოთესლნი მოსქამდენ, და მოოკრებულ და დაქცეულ არს ერისაგან უცხო-ტომთასა».

ესე ყოველი მოიწია, და თვალითა ჩუენითა ვიხილეთ და ფრიად უფროს ამათ წარმოთქმულთასა, რამეთუ ვითარმცა ვინ გამოთქუა თითოეულად რომელი დღეთა ჩუენთა მოიწია ჭირი. ამას ყოველსა ზედა არავე დასცხრა გულისწყრომა უფლისა ჩუენ ზედა, რამეთუ არა შევიანანეთ, არცა გულისხმაჲ გყავთ, არცა ჯეროვნად მოვიქცეთ გზათა მიმართ უფლისათა. ამისთვისცა ქუეყანით მავალთა ბოროტთა ზედა სხუანიცა საშინელებანი ზეგარდამონი, ღმრთისა მიერ მოვლინებულნი გუემანი მოიწიენეს ქუეყანასა ჩუენსა ზედა, რათა არა თქუან მცოდველთა, ვითარმედ: «ესე აღძრვანი წარმართთანი არა ცოდვათა ჩუენთათს იქმნეს, არცა ღმრთისა მიერ მოიწივ-

ნეს, არამედ შეცვალე მათა რათამე ეამთათა და დამთხვევა აღორვისა საქმეთათა“.

ამისთვისცა დღესა აღვსებთა თვთ მას აღდგომასა უფლისა ჩუენისა იესო ქრისტესსა, რომელსა შინა სინაორულსა და განსუენება ქერ იყო, მოხედნა უფალმან რისხვითა და შეიბა ქუეყანა საფუფეგლითურთ, ესეოდენ სასტიკად, ვიდრე-დის მთანი მაღალნი და კლდენი მყარნი სახედ მტუერისა დაიგალნეს, ქალაქნი და სოფელნი დაიბრუნეს, ეკლესიანი დაეცხეს, და სახლნი დაინთქნეს და დაზულეს, და იქმნეს საფლავ მას შინა მკუდრთა. რომელთა თანა თმოგვცა დაიქცა და დაიპყრნა ქუეშე კახაბერი ძე ნიანიასი ცოლითურთ. და განგრძელდა ესევეითარი ძრვა ქუეყანისა საშინელი ვიდრე წელიწდამდის, რომელსა შინა მოსწყდა სიმრავლე ურიცხვ.

მაშინ რისხვასა შინა მოიკსება წყალობა მან, რომელი „სწავლის ყოველსა შვილსა, რომელი უყუარს, მოაქუდინებს და აცხოვნებს“, რომელი მზა არს წყალობად, უფროს მამისა მოწყალისა, რამეთუ წერილისაებრ: „არათუქცა უფალმან დამიტევა ჩუენ თესლი, ვითარცა სოდომნიცა შევიქმნენით და გომორელთამცა მივემსგავსენით“. რამეთუ ამიერთგან იწყეს ნიავთა ცხოვრებისათა მობერვად და ღრუბელთა მაცხოვარებისათა აღმოქურობად, ვინათგან ათორმეტ წელ ამათ თუთოსახეთა ქირთა განგრძობითა ბნელსა უკუენსა შინა იწყო აღმოცისკრებად მზემან ყოველთა მეფობათამან, დიდმან სახელითა და უდიდესმან საქმითა, სახელწოდგამმან დავით, ღმრთისა მამისამან, და თვთ სამეოცდამეთურამეტემან შვილმან ამის დავითისმან, დავით.

მას ეამსა იყო ჰასაკითა თეკუსმეტისა წილსა, ხოლო ქრონიკონი სამას და ცხრა. ამას მარტოდ შობილსა გიორგიმან თვთ მამამან დაადგა გვრგვნი მეფობისა და, უქეშმარტესი ვთქუათა, „თვთ მამამან ზეცამან პოვა დავით, მონა თუაი, და საცხებელი მისი წმიდა სცხო მას. რამეთუ კელი მისი შეეწეოდა მას, და მკლავმან მისმან განაძლიერა იგია; წყალობა და ქეშმარტება შეემოსებოდა მას; და ეუზუშთაეს ყო ფეო უფროს ყოველთა მეფეთა ქუეყანისათა“ ვიდრემდის „დავსდვა ზღუასა ზედა კელი მისი და მდინარეთა ზედა მარჯუენე მასი“. გარნა შრომითა ფრიადითა და ღუაწლითა ძლიერითა მრავალ-

თა დღითა შემდგომად იქმნა ესე, ვითარცა წინამდებარე მახიტყუამან ცხად-ყოს.

რამეთუ მეფე იქმნა რა დავით, მოოკრებულ იყო ქართლი და თუნიერ ციხეთა სადამე არასადა იყო კაცი სოფელსა შინა, არცა არა შენებულობა. და მათ ეამთა შინა ჰქონდეს თრიალეთი და კლდეკარნი და მიმდგომი მისი ქუეყანა ივანე ლიპარიტის ძესა, და მეფესა დავითს წინაშე იყო რეცა ერთგულად. ეგრეთვე ნიანია კახაბერის ძეცა და სხუანიცა აზნაურნი მცირედ-მცირედ შემოკრბიან დაშთომილნი სადავე და სოფლებადცა იწყეს შთამოსლვად და დასხდომად.

და იყო მაშინ საზღვარი სამეფოსა მთა მცირე ლიხთა, და სადგომი სამეფო წაღულისთავი. და თდესცა ნადირობა უხდის ქართლისა ჭალათა, ანუ ნაჭარმაგვეს, რომელი ყოველად აღსავსე იყო ირემთა და ეშუთა მიერ, ხოლო ცხენკეთილნი კაცნი ჩამოგზავნიან და გაინახიან; ეგრეთლა ჩამოვიდიან ნადირობად ვაკესა.

ხოლო ამა ვითარებასა შინა გარდაჰდა წელიწადი ოთხი, მოკუდა სულტანი მალიქშა და ივანე ლიპარიტის ძე ამირამან იწყო მათვე მამულაპაურთა კუალთა სლვა, რამეთუ ზაკუდა წინაშე მისსა მოპოვნებად უსჯულოებისა. დაღათუ ქრისტიანე იყო სახითა, გარნა ორგულეობა და სიძულილი პატრონთა გუარისაგან მოაქუნდა გონებითა. და ვინათგან გულისხმის-ყოფა არა ინება კეთილისა, დადგა ყოველსა გზასა არაკეთილსა.

ამას რა ესევითარებასა ხედვითა დავით, ინება გაწურთა მისი, ამისთვისცა პყრობილ ყო იგი ეამ რაოდენმე, რომელი კმა იყო განსასწავლელად გონიერისა ვისმე. და ესრეთ მომტკიცებული მრავალთა და მტკიცეთა ფიცთა მიერ და ერთგულობისათვის ღმრთისა შუამდგომელად მომცემი განუტევა იგი. და მითვე დიდებითა აღიდა და არა შეუცვალა. რამეთუ კეთილმან არა თუ მართალსა, არამედ არცადა თუ ბოროტსა ადვილად აბრალის, ვინათგან სიბოროტედ არა განსწავლულ არს, არცა მეჭუელ.

ხოლო იგი ვითარცა ძალდი მიექცა ნათხევარსა და ვითარცა ღორი ინწუბა სანგორელსა მწურისასა: განაცხადა მტერობა და უკეთურებასა იწურთიდა საწოლსა ზედა თუსსა. იხილა რა მშვედმან და ღმრთიეგანბრძნობილმან მეფემან დავით, რამეთუ კუდი ძალდისა არა განემართების, არცა კირჩხიბი მართლად



ვალს, მეორესა წელსა კვალად შეიპყრა, ორ წელ ბურობე
ყო, და საბერძნეთს გაგზავნა. და მუნ განეტუა ცხორებაჲსა.

ამას ეამსა გამოვიდეს ფრანგნი, აღიღეს იერუსალემი და ანტიოქია, და შეწევნითა ღმრთისათა მოეშენა ქუეყანა ქართლისა, განძლიერდა დავით და განამრავლნა სპანი და არლარა მასცა სულტანსა ხარაჯა, და თურქნი ვერლარა დაიზამთრებდეს ქართლს. რამეთუ ვიდრე აქამომდე ზამთრისა მოწევნასა თანა ფალანგებითა მათითა ჩამოდვიან ჰავჭალას და დიღომს, ჩაღმართ მტკუერისა და იორის პირთა, რამეთუ მათი იყო სადგური.

კახეთს მეფობდა კურიკე, კაცი მეფობისავე თანა მეფე-ქმნილი ვნებათა ზედა და ჭეშმარიტი ქრისტიანე. მოსცა ეამე ღმერთმან მეფესა დავითს და წარუღო კურიკეს ციხე ზედაზადენი. ქრონიკონი იყო სამას ოცდასამი. და წარებატებოდა დიდებითა და განმარჯუებულობითა. რომელთა თანა ესეცა იქმნა: მოკუდა რატი, ძე ლიპარიტისი, კაცი ორგული და ნანდულვე ნაშობი იქედნისი. ესრეთ დასრულდა სახლი ბაღვივაშთა, სახლი განმამწარებელთა, რამეთუ სუა უკანასკნელი თხლე რისხვისა, სასუმელი ცოდვილთა ქუეყანისათა. და არლარავინ დაშთა საყოფელთა მათთა მკედრი, რამეთუ აღიგნა უსჯულოება მამათა მათთა წინაშე უფლისა, და მამული მათი აღიღო მეფემან.

და შემდგომად წელიწდისა ერთისა მიიცვალა მეფე კურიკე, და დასუეს კახთა მეფედ ძმისწული კურიკესი აღსართან, რომელსა არარა ჰქონდეს ნიჭნი მეფობისანი, რამეთუ იყო ცუნდრუკი რამე, უსჯულო და უმეცრად უსამართლო, და ყოვლად წინაუკმო მამისძმისა მისისა.

მას ეამსა ვანიცადა მეფემან გონებისა თუალითა და კეთილად გულისხმა-ყო საქმე, რომლითა მოიმაღლებდა ღმერთსა და სარგებელი დიდი იქმნებოდა.

რამეთუ წმინდანი ეკლესიანი, სახლნი ღმრთისანი, ქუბა ავაზაკთა ქმნილ აყენეს, და უღირსთა და უწესოთა მამულობით უფროს ვიდრე ღირსებით დაეპყრნეს უფროსნი საეპისკოპოსონი, ვითარცა ავაზაკთა, და მათნივე მსგავსნი ზუტეცნი და ქორეპისკოპოსნი დაედგინნეს, რომელნი ნაცვლად სჯულთა საღმრთოთა უსჯულოებასა აწურთიდეს მათ ქუეშეთა ყოველთა. და თვთ სახლით უფლისათ და მღღელთავან გამოვი-

დოდა ყოველი უსჯულოება და ცოდვა, რომელთა თუალი ღმრთისა ხედვიდა ყოველთა და განრისხებულ იყო, ცითარცა ზემო ვთქვთ.

და რამეთუ არა სწორ არს ცოდვა მღდელისა და მკედრისა, არცა ერისა და მღდელთმთავრისა, არცა მწყემსისა და სამწყსოსა, ვითარცა წერილ არს: «მონამან რომელმან იცოდის ნება უფლისა თვისისა და არა განემზადოს წებისაებრ მისისა, იგუემოს ფრიად». ამით უკუე ესეცითართა და დიდთა წყულუღებათა კურნებად შემოკრება ერი მრავალი: რამეთუ სამეფოსა თვისისა კათალიკოსი, მღდელთმთავარი, მტულაბანოენი, მოძღუარნი და მეცნიერნი შემოკრიბნა წინაშე მისსა ეამსა და ადვილსა ჯეროვანსა, და დღეთა მრავალთა ფრიადითა გამოწულილვითა კეთილად გამოიძიეს და ყოველი ცთომი განმართეს, კეთილი და სათნო ღმრთისა წესი ყოველი დაამტკიცეს, უღირსად გამოიჩინებულნი განკუთვნეს, და შეაჩუენნეს, გარდამოსთხინეს საყდართაგან, დაღათუ ძნელა იყო ესე, რამეთუ იყვნეს კაცნი მთავართა და წარჩინებულთა შვილნი, რომელთა უწყესოდ დაეპყრნეს საყდრები; და მათ წილ ჭეშმარიტნი მწყემსნი და სათნონი ღმრთისანი დაადგინნეს, და ძეგლი შეუნიერნი ჭეშმარიტისა სარწმუნოებისა აღწერეს, მიმდგომი და ნოწამე წმიდათა ათორმეტთა კრებათა, და ესრეთ ყოველნი ნიჭითა სამეფოთა წარგზავნნეს თათოეული სახიდ თვსად. და ესეცა მიმსგავსებულად დიდისა კოსტანტინესსა აღასრულა მეფემან დავით უწინარეს ყოველთა კეთილთა საქმეთა თვსთა, რომლისა სანაცვლოდ იხილეთ, თუ რა განაგო ღმერთმან გულთმეცნიერმან, უძილმან მცველმან ისრაელისამან.

რამეთუ ესე აღსართან, კახთა მეფედ ქსენებული, შეიპყრეს ჰერთა დიდებულთა, არიშიანმან და ბარამ, და დედისძმამან მათმან ქავთარ ბარამის ძემან, და მოსცეს მეფესა. და აღიხუნა მეფემან ჰერეთი და კახეთი, და ერწუხს ქმნა წყობანი დადნი და ქმაგასმენილი იგი დიდი ძლევა, რომელ მცირედითა ლაშქრითა და განწილულითა ერთთა დაჯოცნა სულტანისა იგი ურიცხუნი სპანი, ათაბაგი განძისა და უმრავლესი კახთა და ქუეყანისა ერი, მტერთავე თანა გარემოდგომილი ჩუენდა. ესეოდენ ადვილად და მოსწრაფედ კელთ-უსხნა ღმერთმან საკვრველებათამან, რომელ ერთი ათასთა არა თუ სდევდა, არამედ კელითა იპყრობდა, და ორთა არა თუ წარეკცივნეს

ბეგრნი, არამედ სამალავთათ თვთ მათვე ტყეთა და ღრეთა
ტყუედ მოპყვანდეს ყოველნი.

ხოლო თვთ მეფე არა თუ ვითარცა სხუა ვინმე ზურგით
უდგა ოდენ სპათა თუსთა, ანუ შორით უზახებდა, ვითარცა
ერთი მთავართაგანი ვინმე, არამედ უპირატეს ყოველთასა
თვთ წინა უფიდაოდა, და ვითა ლომი შეუზახებდა კმითა ძალ-
ლითა, და ვითა გრიგალი მი-და-მო იქცეოდა; და თვთ გოლით-
თებრ მიმართებდა და მკლავითა მტკიცითა დაამკობდა ახო-
ვანთა, სრვიდა და დასცემდა წინა დამთხუეულთა ყოველთა,
ვიდრემდის ფრიადისა ცემისაგან არა თუ ვითარცა ძუელსა
დავითს ელიაზარის კელი კრპლისა ვადასა ოდენ დაეწება,
არამედ კრპლით მისით უკომოდინართა სისხლითა წელნი
აღსავსე ესხნეს, რომელი შემდგომად ომისა გარდაკდისა და
სარტყლისა განჯსნისა საცნაურ იქმნა, ქუეყნად რა დაითხიჟ
ესეთდენისა მტკნარისა სისხლისა შეყინებულისა, რომელსა
პირველ განხილვისა თვთ მისგან ვგონებდით გამოსრულად. და
მას დღესა სამნი ცხენნი გამოუკლნეს და მეოთხესადა ზედა
მჭდომიან სრულ ყო მის დღისა ომი. და ესე მრავლისაგან
ყოვლად მცირედი და კინი წარმოვთქვთ.

ესრეთ რა თვთმპრობელობით დაიპყრა ჰერეთი და კახე-
თი, და ნებიერად აღიხუნა ციხენი და სიმაგრენი მათნი, მზე-
ებრ მიჰვირა წყალობა ყოველთა ზედა მკუდრთა ქუეყანისათა,
და ვინათგან ღმერთი ესრეთ განაგებდა საქმეთა დავითისთა,
და წარუმართებდა ყოველთა გზათა მისთა, და მოსცემდა ეჟ-
მიითი ეჟამად ძლევათა საკურველთა, და უძლოდა ძალითი ძა-
ლად, — არცა იგი უდებებდა განმრავლებად ტალანტთა, არა-
მედ სრულითა გულითა მსახურებდა, და მათ იქმოდა, რომელ-
ნი ნებისა ღმრთისად დაამტკიცნის და სათნოყოფილად მისდა
იღუჩნდის, ვითარცა აწ ითქუას.

რამეთუ მოიგონა აღშენება მონასტრისა და დაამტკიცა
რომელიცა გამოირჩია მადლმან საღმრთომან ადგილსა ყოვ-
ლად შუენიერსა და ყოვლითურთ უნაკლულოსა, რომელსა
შინა ვითარცა მეორე ცაი გარდაართხა ტაძარი ყოვლად წმი-
დისა და უფროსად კურთხეულისა დედისა ღმრთისა, რაბამ
რამე აღმატებული ყოველთა წინანდელთა ქმნულთა, რომელია
ზეშთა ჰმატს შუენიერებასა ყოველთასა, სივრცითა და ნივთ-

თა სიკეთითა და სიმრავლითა, და მოქმენულობისა შეუსწორებ-
ლობითა, რომელსა აწ თანამოწმობით ხედვენ თუაღნი ყო-
ველთანი. და აღავსო სიწმიდეთა მიერ პატიოსანთა ნაწილთა
მიდათასა, და წმიდათა ხატთა მიერ და სიწმიდისა სამსახუ-
რებელთა ყოვლად დიდებულთა და სხუათა ნივთთა ძნად სა-
მოვნელთა.

ამათ თანა დასახნა მუნვე დიდთა და ხოსროანთა მეფეთა
ტაბტნი და საყდარნი, სასანთლენი და კიდელნი ფერადფე-
რადნი იავარად მოხმულნი თჳსნი. და კუალად გვრგვინი და
ნაწიკანი, ფიალანი და სასუმელნი, რომელნი მოუხუნა მეფეთა
არაბეთისათა, რაეამს თუთ იგინიცა ტყუედ მოიყვანნა, მასვე
ტაძარსა შინა შეწირნა ღმრთისა საჯსენოდ და სამადლობელად
ძლევისა მის საკურგელისა.

და მუნვე შემოკრიბნა კაცნი პატიოსანნი ცხოვრებითა და
შემეკულნი ყოვლითა სათნოებითა, არა თჳსთა ოდენ სამეფოთა
შინა პოვნილნი, არამედ ქუეყანისა კიდეთა სადათცა ესმა ვიეთ-
მე სიწმიდე, სიკეთე, სისრულე, სულიერითა და კორციელითა
სათნოებითა აღსაესეობა, იძინა და კეთილად გამოიძინა, მოიყ-
ვანნა და დაამკვდრნა მას შინა.

და მამული ღიბარტეთი უმკვდროდ დარჩომილ იყო, არა-
მედ სხუათა მრავალთა და სამართლიანთა უსარჩულელ-მოუხუ-
ეველთა სოფელთა თანა მისცნა დედასა ღმრთისასა სამსახუ-
რებელად მისსა წინაშე მდგომელთა მისთათჳს, და უზრუნვე-
ლი ტრაპები განუჩინა. რომელიცა აწ წინამდებარე არს ყოვ-
ლისა აღმოსავალისა მეორედ იერუსალემად, სასწავლოდ ყოვ-
ლისა კეთილისად, მოძღურად სწავლულეებისად, სხუად ათი-
ნად, ფრიად უაღრეს მისსა საღმრთოთა შინა წესთა, დიაკო-
ნად ყოვლისა საეკლესიოსა შეუნიერებისად.

და კუალად სხუა მთიგონა საქმე, შემსგავსებული მოწყა-
ლისა და ტკბილისა ღმრთისა სახისა, კაცთმოყუარებისა თჳსი-
სა: აღაშენა ქსენონი ადგილსა შემსგავსებულსა და შეუნი-
ერსა, რომელსა შინა შეკრიბნა ძმანი, თუთოსახითა სენითა
განცდილნი, და მოუშადა ყოველი საკმარი მათი, უსაკლუ-
ლოდ და უხუებით, და განუჩინა შესავალნი და სადუაწი
მათნი ყოვლადვე. თუთ მივიდის და მოაზილნის, მოიკითხინს
და ამბობს უყვის თუთოველსა, აფუფუნებდის მაკებრ, სწყა-
ლობდის და ნატრადის, განამკნობდის მოთწინებისა მამარო,



მონახის თუსითა კელითა ცხედრები, სამოსლები და საგებე-
ნათი, ჰინაკი და ყოველი საკმარი მათი, მისცის თუთოე-
ოქრო საყოფონი, და განაკრძალნის ზედამდგომელნი მათნი, და
განავის ყოველი საქმე მათი დიდად შეუენიერად და ღმრთის-
მსახურებით.

ხოლო ვიდრე ამა ქადაგმე ქალაქი ტფილისი, რუსთავი და
სომხითი და ყოველი სამშულდე და აგარანი თურქთა ჰქონდეს.
ხოლო თრიალეთი და კლდეკარნი ჰქონდეს თევდორეს, ჰყონ-
დიდელისა დისწულსა, კაცსა გონიერსა და დიდად მყოფსა.
რამეთუ რა მეფე გარდავიდის აფხაზეთად, უმცრორე ეშინო-
დის თურქთა და მათთა ციხოვანთა. მას ქამსა მეფე გარდავი-
და იმერეთს; და შეკრბეს გიორგი ჰყონდიდელსა და მწიგნო-
ზართუხუცესსა წინაშე თევდორე, აბულეთი და ივანე ორბე-
ლი, და სიმარჯვთ მოიპარეს სამშულდე.

მაშინ იქმნა დიდი სიხარული, რამეთუ დღითიდღე შეემა-
ტებოდა საზღვართა სამეფოსათა. ცნეს რა თურქთა აღება სამ-
შულდისა, უმრავლესნი ციხენი სომხითისანი დაუტევენეს, და
ღამით მეოტ იქმნეს, და ჩუენთანა მოითულნეს იგინი რამე-
თუ ვიდრე მოაქამომდე სთუელთა ჩამოიარინ თურქთა სომ-
ხითი, ყოველითა ფალანგითა მათითა, ჩამოდგიან გაჩინთა, პირ-
სა მტკუარისასა, ტფილისითგან ვიდრე ბარდავამდე, და იო-
რის პირთა, და ყოველთა ამათ შეუენიერთა ადგილთა საზამ-
თროთა, რომელთა შინა ზამთრისა, ვითარცა არესა გაზაფხუ-
ლისასა, ითიბების თივა, და აქუს შეშა და წყალი უხუებით,
და მუნ არს სიმრავლე ნადირთა თუთოფერი და საშუებელი
ყოველი. ამათ ადგილთა შინა დადგიან ხარგებითა. ცხენისა,
ჯორისა, ცხუარისა და აქლემისა მათისა არა იყო რიცხვ, და
ხქუნდა ცხოვრება სანატრელი; ნადირობდიან, განისუენებდიან
და იხარებდიან, და არა იყო ნაკლულეფანება მათ თანა.
თუსთა ქალაქთა ვაჭრობდიან, ხოლო ჩუენთა ნაპირთა არბევ-
დიან ტყვთა და ალაფითა საესეთა. გაზაფხულსა თანა იწყიან
სლვა აღმართ მათთა სომხითისა და არარატისათა. ეგრეთვე ზაფ-
ხულისცა ჰქონდის შუება და განსუენება, თივათა და ველთა
შუენიერთა, წყართა და ადგილთა ყუავილოვანთა, და ესე-
ოდენ დიდი იყო ძალი მათი და სიმრავლე, რომელ სთქუამცა
თუ „ყოველი თურქობა ყოველისა ქუეყანისა იქი არსო“. და

არავინგან მოსაგონებელ იყო ოდესცა მათი გასხმა ანუ ვნება
აიცი თუ თვთ სულტანისაგან.

ოდეს სამშუღდე და ძერხა აიღეს, ქრონიკონი იყო სამას-
ოცდაათი. მას წელსა მოვიდა ძალი სულტანისა და ყოველი
თურქობა, კაცი ვითარ ასი ათასი, უგრძნეულად სიმარჯვთა,
ხოლო მეფე დგა ნაპარმაგვეს ტაძრეულითა. ცნა რა მიმწუხრი
მოსლვა მათი თრიალეთს, დამე ყოველ წარვიდა მისეულითა
კაცითა ათასხუთასითა, რამეთუ ესეოდენნი დახუდეს მას
წინაზე. ცისკარსმოვიდეს თურქნი და იქმნა ბრძოლა ფიცხელი
მას ღღესა, და შეწეგნითა ღმრთისათა იძლია ბანაკი მათი. და
მიდრეკასა დღისასა მიდრეკეს სივლტოლად ესეოდენ ზარ-
განჯდილნი და მოსწრაფენი, ვიდრემდის არცა თუ კარავთა
მათთა და ქურქელთა მიხედნეს ყოვლად, არამედ მოსწრაფე-
ბასა პატივ-სცეს ფერვთა მათთა უფროს საქონლისა მათისა,
და ესრეთ განიბნივნეს თესთა ქუეყანათა.

ხოლო ესევითარსა საკვრველსა სივლტოლასა მათსა თვთ
მეფე და სპანი მისნი ესოდენ ურწმუნო იყვნეს, ვიდრემდის
არავინ სდევნა ყოვლად, რამეთუ ხვალისა ომი ეგონა. და წა-
რილო გიორგი ჭყონდიდელმან რუსთავეცა, მეფისა მუხნარს ყო-
ფასა. ქრონიკონი იყო სამასოცდათხუთმეტი. რომლისათუსცა დი-
დად წყენა შეექმნა თურქთა და რიღობა საზამთროთა აღვილთა
დგომისა. რამეთუ მოიმსტვარნის მეფემან რომელთა მოსრვა
ეგებოდის, და უგრძეულად დაესხნის და მოსწყუდნის. და ესე
არა ერთგზის ან ორგზის, გინა სამ, არამედ მრავალგზის, ვი-
თარცა აწ ერთი ითქუას.

რამეთუ ტაოს ჩამოდგეს დიდნი თურქნი ხარგებითა, ვი-
ნათგან ზამთრისა სიფიცხესა და მათთა სიმაგრეთა მიენდვნეს.
ხოლო მეფემან მოიკელოვნა ესრეთ, რამეთუ სპათა ქართლი-
სათა შხაობა უბრძანა და თვთ ქუთათისს გარდავიდა, რომლი-
თა უეჭუელ ყვნა იგინი. და თუესა თებერვალსა აცნობა ქარ-
თუელთა და მესხთა, რათა კლარჯეთს დახუდენ პაემანსა, და
თვთ შიდითა სპითა ხუფთით ქოროხის პირი წარვლო. და
შეკრბეს ერთად, და უგრძნეულად დაესხნეს მათ ზედა, უში-
შად გულდებითა მსხდომარეთა ბასიანამდე და მთად კარნი-
ფორისად. რამეთუ ქრონიკონი იყო სამასოცდათექუსმეტი.

მოსრეს სიმარავლე მათი ურიცხვ, და აღიდეს დედაწული
მათი, ცხენები, ცხოვარი, აქლემები და ყოველი ნაქონები მა-

თი, რომლითა აღივსო ყოველი სამეფო მისი ყოვლითა ღირსითა.

და მასვე წელსა ასული თჳსი კატა გაგზავნა საბერძნეთს სძლად ბერძენთა მეფისად. რამეთუ პირველ ამისსა პირამო ასული თჳსი თამარი გაეგზავნა დედოფლად შარვანისა, რათა ვითარცა ორნი მნათობნი — ერთი აღმოსავლეთს, ხოლო მეორე დასავლეთს — ციკროვან ჰყოფდენ სფეროსა, მამისაგან მიმდებელნი მზეებრთა შარავანდედთანი.

და მეორესა წელსა დაიპყრნა გრიგოლის ძენი, ასათ და შოთა, და აღიღო ციხე გიმი. და გაგზავნა ძე თჳსი დემეტრე შარვანს სპითა ძლიერითა ლაშქრად. ხოლო მან ქმნნა ომნი საკურგელნი, რომლითა განაკურვნა მხილველნი და მსმენელნი; გამოიღო ციხე ქალაძორი და ძლევაშემოსილი მოვიდა წინაშე მამისა თჳსისა, სავსე ალაფითა და ტყუთა ურიცხვთა.

ხოლო მეორესა წელსა ბზობად წარმოემართა მეფე დახუჯით წარსლვად რაქსის პირსა, და ზატივი გარდაიკადა ნაკიდურს. მუნ მოართუეს ამბავი ბემქენ ჯაყელისა ჯავახეთს თურქთაგან მოკლვისა. და ამისთვის უშლიდეს დიდებულნი მას ეამსა წარსლვად. და არა მოისმინა ყოვლად, არამედ დაესხა თურქთა, რაქსის პირსა მდგომთა, და მოსრა სიმრავლე მათი, და წარმოიღო ტყუე და ალაფი ურიცხვ.

ამასვე წელსა აღიღო სომხითისა ციხე ლორე. და მასვე წელსა, ივლისსა, აღიხუნა აგარანი, მეორესა დღესა, ცისკარსა, რამეთუ პირველცა ესე ციხე აეღო ბაგრატსა, პაპსა მისსაჲ გარნა სამ თუე ბრძოლითა. ხოლო ამასვე წელსა აგვსტოსა მოკუდა სულტანი მალიქი, მალიქშას ძე, და აღიქსი ბერძენთა მეფე და ვერ ცნეს ერთმან მეორისა სიკუდილი. ქრონიკონი იყო სამასოცდათურამეტი.

ხედვიდა რა მეფე დაგით ესეოდენთა ზეგარდამოთა ღმრთისა მიერ წყალობათა, შეწევნითა, ძლევათა და გამარჯუებათა თჳსთა, და რომელთა ღმერთი მოსცემდა სამეფოთა ქუეყანათა, ქალაქთა და ციხეთა, რამეთუ არა იყო ესეოდენი სიმრავლე ლაშქართა სამეფოსა შინა მისსა, რათამცა ქალაქთა და ციხეთა შინა მდგომად და დაჰპირველად და კუალად თჳსი მის თანა მყოფად და მოლაშქრედმცა კმა იყვნენ დაუცხრომელად მიმოსლვასა ლაშქრობასა მისსა ზამთარ და ზაფხულს, ამისთვისცა შემოიკრიბა გონება, კეთილად და გონიერად გაძ-

გონე, ვითარცა დავით, სულისა მიერ წმიდისა, აღიღო მალე
ლად თავი თვისი და მიმოავლო თუალი გონებისა თვისისა და
განაცადა კეთილად, განიზრახა სამეფოთა ცნობითა, რომელ
არა კმა იყვნეს სამეფოსა მისისანი თანამიყოლად კრთობათა
და წადიერებათა სულისა მისისათა.

და მსგავსად ალექსანდრესა კმნა და ამანცა სულთითქუ-
ნა, რამეთუ ითქუმიცა მისთვის, ვითარმედ ფილოსოფოსმან
ვინმე რქუა მას: „არიანო მრავალნი და ურიცხუნი სამეფონი,
რომელთა არცა თუ სახელი გასმიეს შენ“. და მან სულთითქუ-
ნა და თქუა; „უკეთუ დამიშთეს ესენი, რა იყოს მპყრობელო-
ბა ჩემი“. ამისთვისცა ამან მეორემან ალექსანდრე განიზრახა
სივრცითა გონებისათა, რამეთუ სხუებრ არა იყო ღონე, და
უწყოდა კეთილად ყვიჩაყთა ნათესავისა სიმრავლე, და წყო-
ბათა შინა სიმკნე, სისუბუქე და მიმოსლვა, სიფიცხე მიმარ-
თებისა, ადვილად დასამჭირვლობა და ყოვლითურთ მომზა-
ვებლობა ნებისა თვისისა. და ამათ თანა უადვილეს იყვნეს
მოსლვად მახლობელობითაცა და უპოვარებითა, და რამეთუ
პირველ მრავალთა წელთა მიერ მოეყვანა სანატრელი და
ყოვლად განთქმული სიკეთითა გუარანდუხტ დედოფალი, შვი-
ლი ყვიჩაყთა უმთავრესისა ათრაქა შარადანის ძისა, სჯული-
ერად შეუდღედ თსად და დედოფლად ყოვლისა საქართვე-
ლოსა. ამისთვისცა წარავლინნა კაცი სარწმუნონი და მოუწო-
და ყვიჩაყთა და სიმამრსა თსსა.

ხოლო მათ სიხარულით მიითუალეს, გარნა ითხოვეს გზა
მშვიდობისა ოვსთაგან. ამისთვისცა ბრძანა მეფემან წარსვლა
ოვსეთს, და სიტყუასავე თანა წარემართა და თანაწარიტანა
გიორგი მკონდიდელი და მწიგნობართუხუცესი თსი, კაცი
სრული ყოვლითა სიკეთითა სულისა და ვორცთასა, სავსე
სიბრძნითა და გონიერებითა, განმზრახი სჯანი და ფრთხილი,
თანააღზრდილ-აღმზრდელი ბატრონთა და თანაგანმკაფელი ყო-
ველთა გზათა, საქმეთა და ღუაწლთა მისთა.

შევიდეს ოვსეთს და მოეგებნეს მეფენი ოვსეთისანი და
ყოველნი მთავარნი მათნი, და ვითარცა მონანი დადგეს წინა-
შე მისსა. და აღიხუნეს მძევალნი ორთაგანვე, ოვსთა და ყვი-
ჩაყთა, და ესრეთ ადვილად შეაერთნა ორნივე ნათესავნი. და
ყო შორის მათსა სიყუარული და მშუდობა ვითარცა ძმათა. და
აღიხუნა ციხენი დარიალასა და ყოველთა კართა ოვსეთისათა

და კავკასიისა მთისათანი. და შექმნა გზა მშუდობისა ყოველთათჳს. და გამოიყვანა სიმრავლელ ფრიად დიდი; და სიმაჲრი და ცოლისძმანი თჳსნი არა ცუდად დაშურეს; არცა ცუდ-იქმნა გამოყვანა მათა, არამედ მათითა ჳელითა მოსრნა სრულად სპარსეთისა ძალნი, და დასცა შიში და ზარი ყოველთა მეფეთა ქუეყანისათა, და მათითა თანადგომითა ქმნა საქმენი დაურწმუნებელნი, ვითარცა ითქუას წაღმართ.

ხოლო ჰაშინ ოცნეთს ყოფასა მიიცვალა გიორგი ჳყონდიდე-ლი. თავადგა სიყრმიტგანთა ბატრონისა მსახურებაათჳს; და ბატივითა დიდითა წარმოგზავნა მონასტერსა ახალსა და მუნ დაემარხა. რომელი იგლოვა ყოველმან სამეფომან და თჳთ მეფემან, ვითა მამა უმეტესცა ძაძისა შემოსითა ორმოც დღე, ვიდრემდის იშვა ვახტანგ, რომლისა ხარებითა დაიქსნა გლოვა.

ხოლო ყივჩაყნი დააყენნა აღგილთა მათ მარჯუეთა დედა-წულითა მათითა, რომელთა თანა იყო წყობად განმავალი რჩეული ორმოცი ათასი. ესენი განასრულნა ცხენებითა და საქურველითა; და კჳალად მონანი რომელ ჳყვეს რჩეულნი და განსწავლულნი ღუაწლსა, ვითარ ხუთიათასი კაცი, ყოველნი ქრისტიანე ქმნულნი, მისანდონი და გამოცდილნი სიმკნითა. და თჳთ ყივჩაყნიცა უმრავლესნი ქრისტიანე იქმნებოდეს დღითიდღე, და სიმრავლე ურიცხჳ შეეძინებოდა ქრისტესა. ესენი რა ესრეთ შემოიკრიბნა, და დააწყუნა გუარად-გუარად და დაუდგინნა სპასალარნი და მმართველნი; და ეგრეთვე თჳსისა სამეფოსა სპანი, რჩეულნი და მოკაზმულნი, ცხენკეთილნი და პირშეუქცეველნი; და საშუალ მათსა თჳთ იგი უმსგავსო სპა-ბეტი და წინამბრძოლი, მიმსგავსებული ძუელისა ქაიხოსროს-თჳს მოთხრობილთა, წინაუძლოდა, და იწყო რბევად სპარსე-თისა, შარვანისა და სომხითისა დიდისა. რამეთუ არა დაშურე-ბოდა, არცა მოეწყინებოდა, არამედ ქამიერად და წესიერად აღაშქრებდა მათ, მართებდა და განაგებდა მსგავსად მისსა დიდგონეობითა, და ვინღამცა იყო წინამდგომი მისი, და ანუ მიმმართი ომისა მის წინაშე. რამეთუ დაღათუ წერილმან ფრთოვანსა ვეფხსა მიამსგავსა მაკედონელი იგი სიფიციბითა მიმმართველობისათჳს, და მსწრაფლ მიმოვლისა ქუეყანათა შინა, და ჳრელად მრავალფერობისათჳს ქცევათა და განზრან-გათა მისთასა, არამედ ჩუენი ესე გვრგუნოსანი და ახალი ალექსანდრე, დაღათუ იყო ქამითა შემდგომი, არამედ არა

საქმიოთაცა, არცა განზრახვითა, არცა სიმკნითა უმცირე, და თუთ მათ საქმეთა შინა, რომელთა მძლედ ითქმის ალექსანდრე, ათა უმდაბლე, არამედ მრავლითა უმაღლეს მგონიეს ესე. და რაოდენ საწუთოთა და კორციელთა შინა იგი მისთა სწორთა და მისგან და მის ქამისათა ყოველთა უმაღლეს და უზემთაეს იყო, ეგეოდენ ესე საღმრთოთა და ქრისტეს მცნებათა შინა კორციელთავე თანა მისთა პირველთა ყოველთა ჰმატდა. რამეთუ არა სცა ძილი თუალთა, არცა ჰრული წამთა, არცა განსუენება კორცთა თუსთა; არა მიდრკა გემოვნებათა მიმართ, არცა ნებასა კორცთასა; არა სასმელ-საჭმელთა, არცა სიმღერა-სილოდათა და არათურთითა არარა კორციელთა შეაკრა გონება, გარნა საღმრთოთა და სასუელიეროთა ყოველთა დასარულეზად და უდებებად მზიდველთა ნებისათა. და განიცადეთლა ოთხთა ამათ წელთა ქმნილნი მისნი, რომელთა მრავალგზის ქმნულთა მცირედნი მცეგულეზის თქუმადა.

ხოლო აქუნდის ჩუეულებად ესე მეფესა, რამეთუ განზრახვით გარდავიდის აფხაზეთით და ჩამოიტყუვნის თურქმანნი საზამთროთა ადგილთა მტკუროსპირისათა. რამეთუ მათნიცა მსტოვარნი ზედა ადგიან მეფესა და ეძებდიან გზათა მისთა. გარდავიდა მეფე გეგუთს და მიერ ხუფათს, და ამით გულბყრობილ ყვნა იგინი. ქრონიკონი იყო სამასორმოცი. ხოლო მათ ცნეს რა სიშორე მისი, ჩამოდგეს ბოტორას, დიდნი ფრიად, და დაიზამთრეს. და არა ჰრულოდა მეფესა, არამედ გარდამოიფრინგა თებერვალსა ათოთხმეტსა და უცნაურად დაესხა ზედა, და ძლით გინმე შეესწრა ცხენსა და გარდაიხუეწა. აღიღეს ტყუფი და ალაფი ურიცხვ, და მოვიდა ღანუქს.

და მასვე შუდეულსა ბირმარხვასა დღესა აიღო შარვანს ქალაქი. ყაბალა, და ადაგსო სამეფო თუსი ოქროთა და გეცხლითა და ყოვლითა სიმდიდრთა. წარმოვიდა ქართლს და მსწრაფლ შეკრიბა სპა, და ჩავიდა შარვანს, მისისა შუდსა, არბია ლიქათათ გიდრე ქურდევანამდე და ხიშტალანთამდე, და სავსენი ალაფითა მოვიდეს ქართლს. მათვე დღეთა შეიბნეს შარვანელი და დარუბანდელი, მოკლეს აფრიდონ, და მოსწყუდნეს შარვანელი.

თუესა ნოემბერისა წარვიდა მეფე აშორნიას, დაესხა თურქმანთა, მოსრნა და იავარყვნა, და წარმოიღო ნატყუენავი მათი ურიცხვ. ჩამოვლო მეზავრ, დაესხა სეფეელამეჭს თურქმან-

თავე და არა დაუტევა მოტირალი კარავთა მათთა ესე ერთისა წლისა.

და მასვე ზამთარსა ჩავიდა აფხაზეთს ბიჭუნტამდე და განაგნა საქმენი მანდაურნი: ღირსნი წყალობისანი შეწყალთა, შემცოდენნი დაიპყრნა და წუჟართნა; რამეთუ იყო ზამთარი ძნელი და თოვლი ფრიადი. ხოლო ცნეს რა თურქთა, ვითარმედ შორს არს მეფე, გულდებით ჩამოდგეს პირსა მტკურისასა, გარნა ლომსა მოკვლეოვნებულსა არა სცონოდა, არცა ჰრულოდა ომისათჳს, ვერცარა დამხრწეველთაგანი დაიმჭირვიდა, წარმოვიდა მსწრაფლ აფხაზეთით თოვლთა საშინელთა, გარდაათხრევიანა მთა ღიბისა, სადა გარდანაკუეთსა თოვლისასა აქუნდა სიმაღლე მკარი სამი. და დახუდა მზად სპა მისი, და პირველ ამბავისა ქართლისა ცნობამდე დაესხა ხუნანს. და იღავსო ლაშქარმან მითით მტკურამდე და გაგათთ ბერდუჯამდე. და მოსრეს პირითა მახულისათა, რომელ არა დაუშთა მთხრობი ამბავისა. ქრონიკონი იყო სამასორმოცდაერთი, თუე მარტი.

გაზაფხულ განდიდნა მტკური, რომელ ნადინებსა გერდაეტია. ამისითა მინდობითა ჩადგეს თურქმანნი ბარდავს გულდებითა. მაშინ მონახნა მეფემან ივინიცა და აღონს მტკურასა გაცურდა ყიფჩაყითა დაუზრავსა მას წყალსა, მოსრნა თურქნი, არზია ბარდავი, და დაყო ორი დღე, და ნებიერად მოვიდა შინა საცხე ალაფითა. თუე იყო ივნისი.

ამათ ესეგითართა ჭირთაგან შეიწრებულნი თურქმანნი და კუალად გაქარნი განტელ-ტფილელ-დმანელნი წარვიდეს სულტანსა შინაშე, და ყოველსა სპარსეთსა შეიღებნეს. შავად, რომელთამე პირნი, და რომელთამე ჯგუფი, და რომელნიმე სრულდიად; და ესრეთ მიუთხრნეს ყოველნი ჭირნი, მოწევნულნი მათ ზედა, რომლითა აღძრნეს წყალობად თჳსა, და იქმნა გლოვა ფრიადი შორის მათსა.

მაშინ სულტანმან მოუწოდა არაზეთისა მეფესა დურბეზს, სადაყას ძესა, და მოსცა ძე თჳსი მალაქი და ყოველი ძალი მისი; და აჩინა სპასალარად ელლაზი, ძე არდუხისი, კაცი დამანი და მრავალდონე. და უბრძანა თურქმანობასა სადალაცა ვინ იყო, დამასკოთ და ჰალაბოთგან ამოდმართ, ყოველსა მკედრობად შემძლებელსა, ამათ თანა ათაბაგსა განძისასა მისითა ძა-



ლითა და ყოველთა სომხითისა ამირათა. ქრონიკონი იყო სწავლადეათი.
მასორმოცდაერთი.

შეკრბეს ესე ყოველნი, შეითქუნეს, შეიმტკიცნეს სიმრავ-
ლითა ვითარცა ქვიშა ზღვსა, რომლითა აღივსო ქუეყანა, და
აგუსტოსსა თორმეტსა მოვიდეს თრიალეთს, მანგლისს და
დიდგორთა, რომელ თუთ ფერკთა ზედა ვერ ეტეოდეს ამით
ადგილთა. ხოლო მეფემან დავით, უშიშმან და ყოვლად
უძრავმან გულითა, თუ ვითარ წინა განაწყო სპა მისი, და ვი-
თარ ყოველი საქმე შეუნიერად და დონიერად ყო, რაბამ რამე
წყნარად, უშფოთველად და გამოცდილებით და ყოვლად
ბრძნად განავო, და თუ ვითარ თუსნი სპანი დაიცვნა უვნებე-
ლად, — ამით ყოველთათუს არა ჩუენი, არამედ ვგონებ, რო-
მელ ყოველთა ბრძენთა სოფლისათა ენა ვერ შემძლებელ
არს მითხრობად ზედამიწევნით ყოველსავე.

რამეთუ პირველსავე ომსა იოტა ბანაკი მათი და ივლტო-
და, რამეთუ კელი მალღისა შეეწეოდა, და ძალი ზეგარდამო
ფარვიდა მას, და წმიდა მოწამე გიორგი განცხადებულად და
ყოველთა სახილველად წინაუძლოდა მას და მკლავითა თუსითა
მოსრვიდა ზედამოწევენულთა უსჯულოთა მათ წარმართთა,
რომელ თუთ იგი უსჯულონი და უმეცარნი მოღმართ აღიარებ-
დეს და მოგუთხრობდეს სასწაულსა ამას მთავარმოწამისა გი-
ორგისსა, და ვითარითა ღონითა მოსრნა სახელოვანი იგი
მებრძოლნი არაბეთისანი, და ანუ მეოტთა ვითარ სიმარჯვთ
და განკრძალულად სდევნნა და მოსრნა, რომლითა აღივსნეს
ველნი, მთანი და ღელენი მძორებითა.

ხოლო სპანი ჩუენნი და უფროსად ყოველი სამეფო აღავსო
ოქროთა და ვეცხლითა, არაბულითა ცხენებითა, ასურულითა
ჯორებითა, კარვებითა, სრა-ფარდაგებითა, სხუთა უცხოთა ჭურჭ-
ლებითა საბრძოლელთა თუთოსახეთათა, ქოსთა და ფილაკავან-
თათა, სასმურთა ტურფათა და სანადიმოთა, საბანელთა და
სამზარეულოთათა, — რაოდენმან ქარტამან და მელანმან დი-
ტიოს აღწერად! და რამეთუ გლეხთა, იხილემცა, ოდეს არაბთა
მეფენი მოჰყვანდეს ტყუედ. და სხუთა გოლიათთათუს რადლა
რამცა გუნდოდა თქმად.

ხოლო ამად რა თხრობად მოვიწიე, ვაებისა ღირსად შეგრა-
ცხენ დიდნი იგი და სახელოვანი გამომეტყუელნი, ვიტყუ
უყუე უმიროსსა და არისტოვლის ელინთა, ხოლო იოსიპონ

ებრაელსა, რომელთაგანმან ერთმან ტროადელთა და აქევენი
ნი შეამკვნა თხრობანი, თუ ვითარ აღამემნონ და პრიამოს, ანუ
აქილევი და ექტორი, მერმეცა ოდიხეოს და ორესტი ეკუმთ-
ნეს, და ვინ ვის მძლე ექმნა; და მეორემან ალექსანდრესნი
წარმოთქუნა მძლეობანი, სიმკუნენი და ძლევაშემოსილობანი;
ხოლო მესამემან ვესპასიანე ტიტოჲს-მიერნი მეტომეთა თესთა
ზედანი ჭირნი მისცნა აღწერასა. და ვინათგან ამათ ნივთნი საქ-
მეთანი არა აქუნდეს კმად მისათხრობელად, ამისთვისცა მის გე-
ლოგენებითა რიტორობისათა განავრცელნეს, ვითარცა იტყუს
თუთ სადაჲე ალექსანდრე: „არა დიდ იყავ აქილევი, არამედ
დადსა მიემთხვე მაქებელსა უმიროსს“. რამეთუ ოცდარვა წელ
განგრძობასა ტროადელთა ბრძოლისასა ვერარა ღირსი ქებისა
იქმნა. ხოლო მეფისა დავითისი ესეოდენთა მიმართ წინაგან-
წყობა სამ ქამადმდე იყო, და ვერცა პირველსა კუთებებასა შე-
უძლეს წინადადგოჲად. ჰქონებოდესმცა ამათ ბრძენთა თხრო-
ბათა ნივთად საქმენი დავითისნი, და მათმცა აღწერნეს ჯეროვ-
ნად მათისაებრ რიტორობისა, და მაშინლამცა ღირს ქმნილ
იყვნეს ჯეროვანსა ქებასა. და ესენი ესეოდენ.

ხოლო მეორესა წელსა აღიღო მეფემან ქალაქი ტფილისი,
პირველსავე ომსა, ოთხას წელ ქონებული სპარსთა, და დაუმ-
კუდრა შვილთა თესთა საქურჭლედ და სახლად თესად საუკუ-
ნოდ. ქრონიკონი იყო სამასორმოცდაორი.

და მეორესა წელსა მოვიდა სულტანი შარვანს, შეიპყრა
შარვანშა, აიღო შამახია და მოგზავნა მოციქული მეფისა წინა-
შე, და მოუწერა წიგნი და მორქუა, ვითარმედ: „შენ ტყეთა
მეფე ხარ და ვერა ოდეს გამოხვალ ველთა; ხოლო მე ესერა
შარვანშა შევიპყარ კელთა და ხარაჯასა ვითხოვ; შენ თუ გე-
ნებოს, ძლენი ჯეროვანი გამოგზავნე, და თუ გინდა სამალაგ-
თათ გამოვედ და მნახე“. ხოლო ესმა რა ესე მეფესა, მსწრაფლ
კმა უყო ყოველთა სპათა მისთა, და ბრძანებასავე მისსა თანა
მოვიდეს წინაშე მისსა ყოველნი სამეფოსა მისისანი. და წარე-
მართა სულტანსა ზედა, და ყივჩაყნი ოდენ აღთუალულ იყვნეს
მაშინ, და იყო შემზმელი კაცი ორმოცდაათი ათასი. და ეუწყა
რა სულტანსა ზედამისლვა და ძალი და სიმრავლე სპათა მის-
თა, და განქრთა, აიყარა ველთათ, სადა დგა, და მსწრაფლ შე-
ვიდა ქალაქად და გარემოიზღუდა ერთ კერძო სხრტითა და
ხანდაკებითა, და სხუთ კერძო ზღუდითა ქალაქისა შამახიისა-

თა. ხოლო ცნა რა ესე მეფემან, არღარა ჯერ უჩინდა ზედამხედველთა მლტოლგარისა, არამედ დავარდა მიწასა ზედა და მადლობა შეწირა ღმრთისა სახიერისა და კაცთაოცუარისა, და ადგილობრანსა დადგა.

მაშინ სულტანმან მრავალთა მიერ ვედრებათა და ძლუენთა და მუდარითთა შეთულისობათა, ვითარცა მონამან ჭირვეულმან, არღა ძლუენი ანუ ომნი ითხოვნა, არამედ გზა სამლტოლგარო, ფრიად რამე სიმდაბლით და არა სულტანურად, შეიწირებულმან შიმშილითა და წყურბლითა მრავალ დღე.

მასვე დღესა სულტანსა წინაშე მიმავალი ათაბაგი რანისა აღსუნღული, ძალითა მრავლითა, მოსრეს მონათა მეფისათა ვითარ ოთხი ათასი კაცი, და იგი ოდენ შარტო მეოტი ძლით მივიდა სულტანსა წინაშე. იხილა რა ესე სულტანმან, მასვე ღამესა გაიპარა, და სასდუნით მეოტი სხვთ გზით წარვიდა სოფლად თვსად. და ესრეთ ძლევამოსილი და მმადლობელი ღმრთისა შემოიქცა მეფე. და მცირედთა დღეთა განისუენა ამთენს.

და შემორესა თუესა, ივნისსა, კუალად წარვიდა შარვანს, აღიღო გულისტანი, სახლი თავადი შარვანისა, სიცხეთა მათ საშინელთა, მოირთო შარვანი და აღავსნა კეთილითა ყოველნი მორჩილნი ბრძანებათა მისთანი. წარმოვიდა ქართლად. ხოლო სთუელთა გადავიდა გეგუთს, ინადირა, განისუენა, განავო მანდაური ყოველი, და მარტსა გარდამოვიდა ქართლად, და აღიღო ქალაქი დმანისი. და აპრილსა დაესხნეს შაბურანს, დარუბანდელსა, და მოსწყუდნეს ქურდნი, ლეკნი და ყვიჩაყნი დარუბანდელისანი და აღიხუნეს შარვანისა ციხენი ღასანნი და სოზონდი და მიმდგომი მათი ქუეყანა.

და მყის აღისრბოლა ვითარცა არწივმან, და მისსა აღიხუნა ციხენი სომხითისანი: გაგნი, ტერონაკალი, ქავაზინნი, ნორბედი, მანასგომნი და ტალინჯაქარი. და ივნისსა წარემართა ღამჭრითა, განვლო ჯავახეთი, კოლა, კარნიფორა, ბასიანნი სპერამდის, და, რაცა პოვა თურქმანი, მოსრა და ტყუე ყო; ჩამოვლო ზულთაყური, და დაწუნა ოლთისნი, და მოვიდა თრიალეთს დიდითა გამარჯუებითა. და მცირედნი დღენი შუა გამოჰდეს და განიყარა ღამჭარი თვსთვსად.

და აგუსტოსსა ოცსა მოვიდეს მეწიგუნნი ანელთა თავადთა და მოაჯსენეს მოცემა ქალაქისა და ციხეთა ბოქანასწყარო-

თა ზედა მდგომსა. და მსწრაფლ წიგნები წუევისა წარსტყვე-
ველთა, და მესამესა დღესა სამოცი ათასი მკედარი წინაშე
უდგა. წარემართა და, ვითარცა მიიწია, მესამესა დღესა აღიღო
ქალაქი ანისი და ციხენი მისნი უჭირველად, და სოფელნი და
ქუეყანანი მიმდგომნი ანისისასი.

და წარმოიყვანა ბულასვარ, რვათა ძეთა მისთა თანა და
მკვეელთა და სძალთა, და ჩაგზავნა აფხაზეთად; ანისისა მცვე-
ლად დაუტევნა აზნაურნი მესხნი, და წარმოვიდა ქართლად.
და მცირედთა დღეთა მოუსუენა სპათა თუსთა. და მერამე წა-
რემართა შარვანს, და აღიღო ქალაქი შამახია და ციხე ბორი-
ტი, სრულად ყოველი შარვანი, და დაუტევნა ციხეთა და ქა-
ლაქთა შინა ლაშქარნი დიდნი, ჰერნი და კახნი. და განმგებე-
ლად და ზედამხედველად ყოველთა საქმეთა მანდაურთა აჩი-
ნა მწიგნობართუხუცესი თუსი სუმონ, ტყონდიდელი მთავარ-
ეპისკოპოსი, მაშინ ბედიელ-ალავერდელი, მიმსგავსებული გი-
ორგი დედისძმისა თუსისა, კაცი ყოველითურთ სრული და
ბრძენი.

და განავო მეფემან ყოველი საქმე შარვანისა, აღაგნა კე-
თილითა და საბოძვარითა ქუერდნი, ლეცნი და თარასნი, მოვი-
და ქართლად. და ყივჩაყთა თუსთა უჩინა საზამთროდ სადგუ-
რი, და საზრდელი, და კაცნი ზედამდგომნი მათნი და განავო
ყოველი საქმე ქართლისა, სომხითისა და ანისისა. და ეგუღმე-
ბოდა გაზაფხულ კმნა დიდთა საქმეთა და უფროსთა ლაშქრო-
ბათა, გინათგან არაგვნი წინააღუდგა მას. რამეთუ თუთ სულ-
ტანი მუნ, სადა იყო, ძრწოდა შიშისაგან მისისა, და არცადა
თუთ ძუელად ქონებულთა ქალაქთა და ქუეყანათა ჰგონებდა
თუსად ქონებად, არამედ რაოდენცა შორს იყო, ეგრეცა-გოგმე-
ბოდა მიძინარესა შიში და მღუძარესა სიკუდილი.

ამისთუსცა ზედასზედა წარმოავლენდის მოციქულთა
ძლუენითა დაწმუდებად ბირსა მისსა. რამეთუ წარმოსცნის
საჭურჭლენი მძიმენი, ტურტენი, მრავალვერნი, მფრინველნი
და ნადირნი უცხონი და ძვრად საპოვნელნი, და ეძიებენ
მშუდობასა და სიყუარულსა და ყივჩაყთაგან არა რბევასა.
ამისთუსცა არარას მიხედვიდეს წარსაგებელთა სიმრავლესა,
ოდენმცა მუნ თუთ, სადა იყვის, იბოვის მშუდობა და სიციცხ-
ლე თავისა თუსისა. და გგონებ, ვითარმედ მამათა და პაპთა-
გან წადებულნი ქუეყანანი, ტყუენი და სიმდიდრენი მრავალ-

წილად უკუმოიზღუნა ამან მკნემან. დაამშუდა ქუეყანა, აღმოსავლეთით და გარდაეცა ყოველთა კეთილითა, განავსო და აღაზიესა ყოველი ოკერქმნილი. და გარდაემატა ყოველთა ქამთა მშუდობითა და სიმდიდრითა სამეფო ჩუენი, ნაცვლად გარდასულთა ოკრებათასა.

ესევეითარნი უკუე არიან მეფობრიეთა მიმოსლვათა მისთა, წყობათა და ღუაწლთა, ძლევათა და წარმართებულებათა, დაპყრობათა და ახუმათა დიდთა მათ და მრავალთა სამეფოთა და სამთავროთა მოთხრობანი და საქმენი, რომელნი მან ქმნნა და აღასრულნა, რომელნი ჩუენ მცირედითა და ყოვლად კნინითა სიტყუთა წარმოგუჩენიან დიდთა მათ და მითხრობად შეუძლებელთა საქმეთა მისთაგან, და ბრჭალთაგან ლომსა და ფესუსაგან მცირისა ყუთავილისასა ქსოვილისა ვითარებასა საცნაურ ყოფად ვმეცადინობთ, ვითარცა აჩრდილისაგან კაცსა, რომელნი-ესე შეუძლებელ არიან ყოფად.

ხოლო კორციელთა საქმეთა ესრეთ მოქმედისაგან უკუთუ ვიეთმე ჰგონონ, ვითარმედ რადღამცა მოეცალა საღმრთოთა და სულიერთა სათნოებათა მიმართ მიხედვადმცა და მოგონებად, არა თუ ქმნად, ვინათგან ფრიადცა კმა არიან ესენი ერთისა კორცთა შინა მყოფისა კაცისაგან ქმნად და წარმართებად, და თუ საღათ პოვა სამეფო თვისი სიმდაბლედ შთასრული, და თუ საღა სიმადლედ აღიყვანა, და თუ საღა დასხნა საზღვარნი და ძლეულნი ვითა მძლედ გამოაჩინნა, — ამათნი მგონებელნი ნუუკუე არა იბრალნენ, არამედ ეუწყენ მათ, ვითარმედ უკუეთუ ამათ ბირთათუს ვინ გამოიძიოს და ზედამიწევნით ვინ ცნობა ინებოს, კნინდა და ესე კორციელნი საქმენი წარმოთქმულნი ფრიად უნდოდ და არარად პოვნეს, ვითარცა ნანდვლვე მცირედნი და სასაწუთონი; და მდგომათა მათ თანა მტკიცეთა და საუკუნოდ ღმერთმყოფელთა მისთა საქმეთა, რომელთა-იგი უმეტეს ამათსა მათ მოქმედებდა და უსასწრაფოეს აქუნდა, რომელთაგანნი მცირედნი მრავლისაგან, ვითარცა სასმელი ერთი მტკურისაგან, ჩუენცა მივსცეთ თხრობასა. იტყუს სოლომონ: «დასაბამად სიბრძნისა მოიგე სიბრძნეო». ხოლო დავით, მამა ღმრთისა: «დასაბამად სიბრძნისა შიში უფლისა». ესე შიში უფლისა მოიგო სიყრმითგან თვისით დავით, და ჰასაკსა მისსა თანა აღორძნდა, და ქამსა თვისსა ესევეითარნი ნაყოფნი გამოიხუნა, რომლითა ორკერძო ცხოვრება თვისი განა-

შენა, რომლითა შეამკუნა საქმენი თუსნი, რომლითა განაგონა კორციელნი და წარმართნა სულეირნი.

ხოლო ისმენდი, თუ ვითარ გონიერად დედად სიბრძნისა რა ბოვა შიში უფლისა, ღმერთთადც — საღმრთონი წერილნი. და ესენი მდიდრად შეიკრიბნა, რაოდენნი ბოვნა გარდამოდებულად ენასა ქართველთასა სხუათა ენათაგან. ძუელნი და ახალნი, ვითარცა სხუამან პტოლემეოს, ამას ზედა ოდენ სასოვან ქმნილმან, და ესეოდენ შეიყუარნა და შეითუსნა, რომელ სთქუამცა, თუ მათ შინა ცხოველ არს და მათ შინა იბრვის. იგინი იყვნეს მისსა საზრდელ, ყოველთა გემოან, და სასმელ ტკბილ და საწადელ; იგინი — შუება, ჭანცხრომა საწურთელ და სარგებელ. დღე და ღამე მიმოსლვათა შინა მიმდგმთა, ლაშქრობათა მოუწყენელთა, შრომათა განუსუენებელთა წიგნები ეტურთა სიმრავლესა ჯორთა და აქლემთასა; და სადა გარდავდის ჰუნესა, პირველ ყოვლისა წიგნნი მოაქუნდიან კელითა, და არა დააცადის კითხვა, ვიდრე არა დაშურის.

ხოლო შემდგომად სერობისა, ნაცულად ძილისა ანუ სხუსა რასმე საქმისა, კუალად კითხვა წიგნთა. და რაჟამს თუალნი დაშურიან, სასმენელნი ანაცვალნის, სადა არა გარეწარად, არამედ ფრიადცა ფრთხილად ისმენ წინამე თუსსა მკითხველისასა, გამოეძიებნ, ჰკითხავნ, უფროდა თუთ განმარტებნ ძალსა და სიღრმესა მათსა. და უსაკურველეს არს ესე: უწყით ყოველთა, თუ ვითარ სასწრაფო არს ყოველთა საქმე ნადირობისა, და თუ ვითარ დაიმონებს შედგომილსა თუსსა და წარტყუნულ ჰყოფს, და ნადირობასა შინა არს ესე: უწყით გარნა ხილვასა და დევნასა ნადირისასა; და თუ ვითარ კელთ იგდოს, მიმხედველ ჰყოფს. გარნა მისი გულსმოდგინება ამასცა სძლევედა, რამეთუ თუთ ნადირობასა შინა წიგნნი აქუნდიან კელთა და, რაჟამს ჟამი იყვის, მისცნის ვისმე მსახურსა და ესრეთ დევნა უყვის. და ნუუჟუე ჰგონო, ვითარმედ კელითა ცალიერითა მოიქცის, ანუ ცუდად დაშურის. რამეთუ ვინ ჰგავნ კორცხელი ანუ ვინ იხილა ესეოდენ განმარტებული ნადირობასა შინა. მოსიმახოს ვინმე ითქმის ებრაელი მოისრობის და კეთილმმართველობისათუს ალექსანდრეს სპათა შორის მჯობად, და აქილევი კენტავროსისგან განსწავლულად მოისრობისა და ელენთა შორის, ხოლო ბარამ-ჯური სპარსთა შორის

მოქმედად უცხოთა და საკურველთა, გარნა ჭეშმარიტად ვეხმარებოდა ამას, ვითარცა გზილავს ჩუენ.

და ვთქუა სხუაცა საქმე, საცნაურმყოფელი წიგნთა სიყუარულისა, რომელსა შინა არაარა იყოს ტყუელი, ვინათგან წარსწყმედს უფალი «ყოველნი რომელნი იტყუან სიცრუევესა». წინადაიდგა ოდესმე წიგნი სამოციქულო წარკითხვად; და რაჟამს დაასრულის, ნიშანი დასუის ბოლოსა წიგნისასა. ხოლო მოქცევასა წელიწდისასა მით ნიშნითა აღვთუალეთ: ოცდაათხჯერ წარეკითხა.

არიან უკუე სხუანიცა მრავალნი საცნაურებანი ამისა პირისანი, გარნა მე ერთიდა შევხდინო სიტყუად სხუა ამით თანა. ქალაქი ტფილისი იყო, ოდეს ჯერეთ არა სრულიად შემოყენებულ იყო უღელსა ქუეშე მორჩილებისასა, ვითარცა აწ, არამედ საგსე იყო სისხლითა ქრისტიანეთათა: რამეთუ ოდესმე ყვიან ღავლავი და თვნიერ მიზეზისაცა მოსრნიან რაოდენნი პოვნიან ქრისტიანენი, ხოლო ოდესმე ქარავანსა თანა შემოყოლილთა თურქთა ზედა გასცნიან შემომავალ-გამომავალნი ქრისტიანენი, და ტყუეობად და სიკუდილად მისცნიან, და ესრეთ ისრვოდა ქუეყანა მრავალჯამ, რომელი ესე ფრიად ეძენებოდა სულსა დავითისსა.

შემოვიდა ოდესმე ქარავანი დიდი განძით, და თანა შემოჰყვეს თურქნი დიდნი. ცნა რა მეფემან, გაგზავნნა მონათაგანნი თხუთმეტნი კაცნი რჩეულნი, რათა ლოქინით კერძო ნახირო მძოვარი ქალაქისაჲ წარმოიტაცონ, ნუუკუე იგი თურქნი გამოვიდენ დევნად, და მოსწყუდნეს ამით ღონითა. ხოლო თვთ სამასითა ოდენ მკედრითა დაიმალა ღელეთა ეგჟალისათა, და არავის მიენდო მკედარსა სხუსა, არამედ თვთ მარტო წარვიდა ყოვლად უსაქურველო, კრმლითა ოდენ. და თანა წარიტანა წიგნი ღმრთისმეტყუელი, და ამცნო სპათა არა შეძრვად ყოვლადვე მისლვადმდე მისა მათთანა.

ხოლო მონათა მათ ყვეს ბრძანებულნი მათდა, და წარმოიღეს ნახირო; მოეწივნეს თურქნი, ვითარ ასი კაცი. და შემდგომად დიდისა ომისა ჩამოყარეს მონანი, და დაუკოცნეს ცხენნი, გარნა ქუეითცა იბრძოდეს ფიცხლად. ხოლო მეფე ცხენსა რა გარდავდა, არა ჰგონებდა ჯერეთ მოსლგასა; შეიქცა კითხვასა და ესეოდენ წარიტყუენა მისგან გონებითა, რომელ სრულიად დაავიწყდა წინამდებარე საქმე, ვიდრემდის ვნა რამე კივილისა



შემოესმა ყურთა. მყის დაუტევა წიგნი მუნვე, და აღმკვდარებული მიჰყვა ვას კმასა. და ვითარცა ზედა წარადგა მოხსნათა თუსთა, ესევეითარსა ლუაწლსა შინა მყოფთა, — და რამეთუ ამორვიდა სპათა თუსთა, და უკეთუმცა მათდა ცნობად წარსულ იყო, მონათა დაუგოცდეს, — მსწრაფლ შთაბრიალდა ვითარცა არწივი, და დააბნივნა ვითარცა კაკაბნი, და მსწრაფლ ესეოდენნი მოსწყუნდა, რომელ მათნი ცხენნი კმა ეყვნეს მონათა მათ. და აღმკვდარებულთა ესეოდენნი მოსრნეს, რომელ მცირედნიღა შეესწრნეს ქალაქს. ხოლო გზანი სავსენი იყვნეს მძორითა მათითა და ფრიადისა ცემისაგან გრმალმანცა დაღულარჳნილმან უარ-ყო ქარქაში თუსი. მაშინდა მოვიდა სპათა თუსთა თანა, რომელნი ფრიად აბრალებდეს მას. განიცადეთდა ჩემდად, რომელ ესევეითარსა საქმესა შინა და ესეოდენ უცალოსა წიგნივე აქუნდეს უსასწრაფოესად საქმედ. და ესენი ესეოდენ.

ხოლო ვთქუა ესეცა, ვითარმედ უკუეთუმცა არა წერილთა მეცნიერებანი და გარდასრულთა საქმეთა შემცნებანი, პირველ ყოფილთა მეფეთა კეთილ ძღუანებულთა ანუ ვერას წარმართებულთა შემთხუეულნი წინაგანსაკრძალეზელად სახედ არა შემოესტუნეს და არა მოეკმარნეს, ვითარცა იტყუს სოლომონ, ვითარმედ: „იცნის ქცეულებანი ქამთანი, აღკსნანი იგავთანი და გარდასულთა შეამსგავსნის მომავალნი“, — არათუმცა ესენი ესრეთ, კუერთხი მეფობისა ესეოდენ დამდაბლებული, ესეოდენ ძნელი და ნანდულვე დიდი განსაგებელი რათა იპყრა ესრეთ მაღლად, ვითარ გერგინ სხუამან? რამეთუ განბრძნდა უფროს ბესელეილისსა და უმეტეს ეთამ ისრაიტელისა, წერილისაებრ; და ვითარ ვინ აღრაცხნეს რაოდენნი საქმენი ეთხოფებიან მეფობასა, რაოდენნი მართებანი და განსაგებელნი, კიდეთა პყრობანი, ნაპირთა ჭირგანი, განხეთქილობათა კრძალვანი, სამეფოსა წყნარებისა ღონენი, ლაშქრობათა მეცადინობანი, მთაფართა ზაკვისა ცნობანი, მვედართა განწყესებანი, საეროთხი შიშნი, საველოთა და საბჳოთა სჯანი, საჭურჭლეთა შემოსავალნი, მოციქულთა შემთხუევანი და პასუხნი, მეძღუნეთა ჭეროვანნი მისაგებელნი, შემცოდეთა წყალობითნი წურთანი, მსახურებულთა ნიჭმრავლობანი, მოჩივართა მართალნი გამოძიებანი, მოსაკითხავთა შესატყჳსნი მოკითხვანი, სპათა დაწყობანი და დონიერნი მიმართებანი, და რაოდენნი ვინ

აღმოწყუნეს სიტყუთა უფსკრულისაგან სამეფოთა საქმეთაჲსა, რომელთა შინა ვერვინ ძუელთა და ახალთაგან მეფეთა ემსგავსა, ვითარცა საქმენი წაშებენ მზისა შარავანდთა უბრწყინვალესნი და ცხადნი, რომელნი სიბრძნითა თუსითა ქმნნა.

რამეთუ სულტანი დასუა მოხარკედ თუსა, ხოლო მეფე ბერძენთა ვითარცა სახლელული თუსი. დასცნა წარმართნი, მოსრნა ბარბაროზნი, მრწემად მოიყვანნა მეფენი, ხოლო მონად კელმწიფენი; მეოტად წარიქციენა არაბნი, იავარად ისპაიტელნი, მტურად დასხნა სპარსნი, ხოლო გლეხად მთავარნი მათნი. და რათა მოკლედ ვთქუა, პირველ ყოფილნი მეფენი, გოლიათნი, ვმირნი კაცნი იგი, საუკუნითგან სახელოვანნი, მკნენი და ძლიერნი, და რათაცა საქმეთა ზედა სახელოვანნი, ყოველნივე ესრეთ დასხნა, ვითარცა პირუტყუნი ყოველსა საქმესა შინა.

ხოლო კუალად საღმრთოთა სათნოებათა და სულიერთა საქმეთა მისთა ვიეთი გონება მისწყუთეს, ანუ მოგონებულსა ვისმან ენამან შეუძლოს თხრობად. რამეთუ ვითარცა ღმერთი მართლ სჯიდა სამწყსოთა თუსთა თუალუხუავითა მით ბჭობითა თუსითა, და არა სადათ მიდრკებოდა «წამი სასწორისა», ვითარცა სოლომონისთვის გუესმის საბჭოთა შინა და თვთ მოსესიერნი გუაუწყებენ ბჭობანი და თხრობანი. ხოლო თავი სათნოებათა, სიწმიდე ესეოდენი მოიგო, ვითარცა დიდმან ანტონი; ნუ მეტყუ მისთა სიკაბუკისათა რათამე, რომელნი არცა ღმერთმან მოიკსენნეს! უწყი ჭეშმარიტებით, რამეთუ ყოველთა ათისა წლისა ჟამთა სამარადისოდ წმიდითა პირითა და განწმედლითა გონებითა მიიღებდა უხრწნელთა ქრისტეს საიდუმლოთა თანამოწამებითა სუნდისისათა და არა მხილებითა გონებისათა, რომლისა მოწამე არს სარწმუნო იგი ცათა შინა. კუალად ლოცვისა და მარხვისათუს რადლა საკმარ არს თქმა, რომლისა იგი საქმარ ოდენ იყო. და კუალად მონასტერნი და საეპისკოპოსონი და ყოველნი ეკლესიანი წესსა და რაგსა ლოცვისასა და ყოვლისა საეკლესიოსა განგებისასა დარბაზის კართ მიიღებდიან, ვითარცა კანონსა უცთომელსა, ყოვლად შუენიერსა და დაწყობილსა, კეთილწესიერებასა ლოცვისა და მარხვისასა.

ხოლო საეშმაკონი სიმღერანი, სახიობანი და განცხრომანი, და გინება ღმრთისა საძლელი, და ყოველი უწესობა მოსპო-

ბილ იყო ლაშქართა შინა მისთა და ურიცხუსა მას შინა რაგლესა ენათა ნათესავთასა, ვითარცა ცათა შინა მყოფთა შორის. კუალად წყალობა გლახაკთა ე-ეოდენი აქუნდა, ვიდრე მდის აღავსო ზღუა და კმელი ქუელის საქმემან მისმან. რამეთუ ლავრანი და საკრებულონი და მონასტერნი არა თუსთა ოდენ სამეფოთა, არამედ საბერძნეთისნიცა, მთაწმიდისა და ბორღაღეთისანი, მერმეცა ასურეთისა და კუბრისა, შავისა მთისა, პალესტინისანი, აღავსნა კეთილითა, უფროსდა საფლავი უფლისა ჩუენისა იესო ქრისტესი, და მყოფნი იერუსალემისანი თუთოფერთა მიერ შესაწირავთა განამდიდრნა. კუალად უშორესცა ამათსა: რამეთუ მთასა სინასა, სადა იხილეს ღმერთი მოსე და ელია, აღაშენა მონასტერი, და წარსცა ოქრო მრავალათასეული, და მოსაკიდელნი ოქსინონი, და წიგნები საეკლესიო სრულებით, და სამსახურებელი სიწმიდეთა ოქროსა რჩეულისა.

და კუალად დღითი დღე წარსაგებელთა, რომელთა თუსითა კელითა მისცემდა ფარულად, ვინ აღრაცხოს თუნიერ მამისა ზეცათასა, რომელი მიაგებს ცხადად. რამეთუ იყო მისა კისაკი მცირე: აღავსის დრაჰკინთა რა დღე სარწმუნოთა თუსთა კელითა, და სამწუხროდ ცალიერი მოაქუნდის იგი მხიარულსა სულითა და პირითა. ოდესმე ნახევარი წარავის მისი, და ოდესმე არავინ ეპოვნის, და ეგრე სავეს მისცის დამარხვად ზვალისა და სულ-თქმითა თქუს: „დღეს ვერა მივეც ქრისტესა მარცხებითა ჩემთა ცოდვათათა“. და ამას არა თუ კელოსანთაგან მორთმეულისა იქმოდის, ანუ თუ საჭურჭლით, არამედ კელთა თუსთა ნადირებულისა. რომელთაგანი თუსსა მოძღუარსა იოვანეს მისცა ოდესმე დრაჰკანი, ვითარ ოცდაოთხი ათასი, რათა განუყოს გლახაკთა. და ესეცა მცირედი მრავლისაგან თქმად შეუძლებელ.

ხოლო განათავისუფლნა არა მონასტერნი ოდენ და ლავრანი მოსაკარგვეთა მიჭირვებულთაგან, არამედ ზუცესნიცა სამეფოსა შინა მისსა ყოვლისა ჭირისა და ბეგრისაგან, რათა თავისუფალთა საღმრთო მსახურება მიუბყრან ღმერთსა.

ხოლო ამათ თანა რაოდენნი ეკლესიანი აღაშენნა, რაოდენნი კიდნი მდინარეთა სასტიკთა ზედა, რაოდენნი გზანი, საწყინოდ სავალნი, ქვაფენილ ყვნა, რაოდენნი ეკლესიანი, წარმართთაგან შეგინებულნი, განწმიდნა სახლად ღმრთისად,



რაოდენნი ნათესავნი წარმართთანი შვილად წმიდისა ემბაზისა
 სად მოიყვანნა და შეაწყნარნა ქრისტესა, და დადგა მისთვის
 უმეტესი მოსწრაფება, რათამცა ყოველი სოფელი მოსტაცა
 ემბაზსა და შეასაკუთრა ღმერთსა, რომლითა მიიღო მადლი
 მოციქულობისა, ვითარცა პავლე და ვითარცა დიდმან კოს-
 ტანტინე.

სხუათავე კეთილთა თანა აქუნდა ესეცა, რამეთუ სლვათა
 შინა თვსთა სამეფოთასა სიმრავლითა სპათათა და სიმალითა
 სლვისათა ვერ აღვილად მიემთხუეოდინ მოჩივარნი და დაჭი-
 რებულნი და მიმძლავრებულნი, განაღა ვიეთლამე რომელთა
 საჭიროდ უკმდის განკითხვა და შეწევნა მეფობრივი, ნუუკუე
 და ვინმე აღვიდის ბორცუსა ზედა რასმე, გზისა მახლობელსა,
 ანუ კლდესა, გინა თუ ხესა, ვითარცა ზაქე. უკუეთუ ოდენ ეპო-
 ვის ესევეთარი რამე, და მუნით საცნაურ ყვის ჭრტინვა თვისი,
 ამისთვის დაედგინნეს კაცნი მართლად მცნობელნი და განმკი-
 თხვარნი მოჩივართანი, რომელთა მიერ მიიღებდეს კურნებასა.
 მრავალგზის გვხილავს იგი დამალტობელად დაწუთა თვსთა
 ცრემლითა ხილვასა ზედა თვთოსახეთა სენთა მიერ განცდილ-
 თასა და ხილვად საძნაურთა, რომელნი შემთხუევიან მიუნ-
 დობელთა ამით და უბადრუკთა ჯორცთა, რომელთა ზრდის
 სხუათა უმეტეს ქუეყანა ქუთათისისა. ვინ აღრიცხუნეს ტყუე-
 ნი, რომელნი მან განათავისუფლნა და რომელნი უკუმოიგნნა
 თვსთა ყვიჩაყთაგან ფასითა. ვინ ჯეროვნად წარმოთქუნეს პა-
 ტივის პყრობანი მონაზონთანი, სიმდაბლით შემთხუევანი და
 მოკითხვანი, და სიყვარულით შეწყნარებანი მათნი, თუთოეუ-
 ლისა ნიჭნი და საჯმარნი, რომლითა უზრუნველ-ყვნის ყოველ-
 თა საჭიროთაგან.

ხოლო აქუნდა ამას ყოვლად ბრძენსა მეფესა საქმედ ესე-
 ცა, რომლითა უმეტეს ყოველთა საშიშად საზარელ იყო ყო-
 ველთა, რამეთუ ღმრთისა მიერ იყო მის ზედა ნიჭი ესე და
 საქმე ყოვლად საკურველი. არარა შორიელი არცა სამეფოთა
 შინა მისთა, არცა ლაშქართა შინა მისთა მყოფთა კაცთა, დიდთა
 და მცირედთა, საქმე ქმნილი, კეთილი გინა სიტყუა ბოროტო
 თქმული — არარა დაეფარვოდა ყოვლადვე, არამედ რაოდენ-
 ცა ვის ფარულად ექმნის ან თუ ეთქვს, ყოველივე ცხად იყო
 წინაშე მისსა, ვიდრემდის გულის-სიტყუანიცა და მოგონებანი
 ვიეთნიმე მიუთხრნის მათ, რომელთა ზარგანჯდილ-ყვნის. და

მონაზონთა განშორებულთა სენაკთა შინა მათთა ქმნა
ლუაწლნი და სათნოებანი უწყოდნის ცხადად, და სიწორე გნა-
სა ვიდრე ეკლესიამდე ზომით იცოდნა, და მოთმინებისათჳს
აქებდის და ნატრიდის. ნუ ამას ეძიებ, მკითხველო, თუ ვითარ
იქმნებოდა ესე, არამედ ამას ცნობდი, თუ რა სარგებელი პო-
ვის ამით მიეო. რამეთუ არა თუ ცუდად რადმე და განსაკი-
თხავად საგოებელთა საქმეთად, ანუ საკიცხელად ვიეთათჳსმე
იქმოდის: ნუ იყოფინ ესე, წარვედ!

არამედ დიდნი საქმენი და ფრიად სასწრაფონი წარმართნა
ამით, და მრავალთა კეთილთა მიზეზ-იქმნა ესე: პირველად
ორგულმბასა, და ზაყუასა, და ლალატსა რასმე ვერგონ დიდთა
ანუ მცირეთაგანი იკადრებდა მოგონებადცა, არა თუ თქმად
ვისდა, არცა თუ მეუღლესა და ცხედრეულსა თჳსსა თანა, ანუ
მოყუასსა თჳსსა, გინა ყრმათა თჳსთა თანა, გინათგან ესე მტკი-
ცედ უწყოდა ყოველმან კაცმან, რომელ პირით აღმოსლგასეგე
თანა სიტყუსასა საცნაურ-ქმნილ არს უეჭუელად წინაშე მეფი-
სა. და მრავალნი განპატიებულცა იყვნენ და მხილებულ ესე-
ვითართათჳს. ამისთჳსცა ვეროდეს ვინ განიზრახა ლალატი
რამეთუროთ დღეთა მისთა, არამედ იყო ყოველთაგან საკრძა-
ლავ და სარიდო.

და კუალად მღდელთმოძღუართა, მღდელთა და დიაკონთა,
მონაზონთა და ყოველთა კაცთა ესევე საქმე ექმნა წესიერე-
ბად და გზად ყოველთა სათნოებათა მიმართ. რამეთუ შიშითა
მისითა ვერ იკადრებდნენ უწყესოდ სლვად, ვინათგან უწყო-
დიან არარას დაფარულობა წინაშე მისსა, და მის მიერ ქება
სათნოებისა, და ძაგება არაწმიდათა და უწყესთა საქმეთა. რა-
მეთუ ვერცა მსოფლიო ვინმე და ვერცა მოქალაქე, ვერ მკე-
დარი და ვერ რომელი ბატივი და ასაკი იკადრებდა განდრე-
კილად სლვად: რამეთუ ყოველთა კაცთა იყო წესიერება, ყო-
ველთა კანონ, ყოველთა ბატონსება, და თუთ მათ მეძავთაცა
ყოველთა კრძალულება, ყოველთა შიშ და მმართველ გზათა
საღმართოთა და მშუდობისათა.

ესე დიდნი საქმენი, ღმრთისაგან თდენ შესაძლებელნი,
ესრეთ ადვილად წარმართნა ამით, ვითარცა ვერგინ ადვილ
წარმართის ეგრეთ. ამისთჳსცა შიში დიდი და ზარი მისი გა-
ნითქუა კიდეთა ქუეყანისათა, და განკრთეს ყოველნი მკუდრნი
ქუეყანისანი.

ხოლო შემოკრბა ოდესმე წინაშე მეფისა ნათესავი გულარბ ძნილი, ყოვლად ბოროტთა სომეხთა ეპისკოპოსები და მონასტერთა მათთა წინამძღურები მრავალი ფრიად, რომელნი აზნობდეს თავთა თვსთა მიწევნად თავსა ყოვლისა სწავლულებისა და მეცნიერებისასა. და მოაქსენეს, რათამცა ყო ბრძანებთა მისითა კრება და ყვესმცა სიტყუსგება და გამოძიება სჯულისა: უკუეთუ იძლივნენ სომეხნი, და იქმნენ თანაერთკმა სჯულისა და თვისი სჯული შეაჩუენონ; ხოლო უკუეთუ სძლონ სომეხთა, ესოდენ მიემადლოს, რათა არღარა გვწოდდეთო მწვალებელად და არცა შეგუაჩუენებდეთ.

მაშინ მოუწოდა მეფემანცა იოანეს, კათალიკოსსა ქართლისასა, და მის ქუეშეთა ეპისკოპოსთა და მეუდაბნოეთა, და არსენის იყალთოელსა, თარგმანსა და მეცნიერსა ბერძენთა და ქართველთა ენათასა, და განმანათლებელსა ყოველთა ეკლესიათასა, და სხუათა მეცნიერთა და ბრძენთა კაცთა.

ყვეს უკუე სიტყუსგება ურთიერთას ცისკრითვან ვიდრე ცხრა წამამდე, და ვერას უძლეს დაბოლოებად. რამეთუ იყო ორკერძოვე ძლევისმოყუარება ოდენ და ცუდ სიტყუათა პაექრობა: რამეთუ შევიდიან შეუვალთა საქმეთა და ძნიად გამოსავალთა, რომელი ესე შეეწყინა მეფესა და რქუა ჰათ: „თქუენ, მამანო, სიღრმეთა სადამე შესრულ ხართ და უცხაურთა ზედგათა, ვითარცა ფილოსოფოსნი, და ჩუენ ვერარამ უძლებთ ცნობად, ვითარცა უსწავლელნი და ყოვლად მსოფლიონი. და ესე საცნაურ არს თქუენდა, რამეთუ მე შორს ვარ სწავლულებასა და მეცნიერებასა, ვითარცა მკედრობათა შინა აღზრდილი. ამისთვისცა უსწავლელთა და ლიტონთა და მარტივთა მიერ სიტყუათა გეზრახო თქუენ“.

ესერა თქუა, იწყო მათდა მიმართ სიტყუათა თქმად, რომელსა ღმერთი მოსცემდა უეჭველად პირსა მისსა. ესეოდენთა იგავთა და სახეთა წინადაუდებდა, ავსნათა საკვრველთა მიერ წინადაუდგრომელთა და უცილობელთა, რომლითა დაანთქნა, ვითარცა მეგვბტელნი, და დაუყო პირი მათი და უპასუხო ყვნა და ყოვლად უსიტყუელ, ვითარცა ოდესმე დიდმან ბასილი ათინას შინა.

ესე მწვალებელნი ესეოდენ ზარგავდილ ყვნა და ყოვლად უღონო, რომელთა აღიარეს ცხადად ძლეულება თვისი ამისთა ოდენ მეტყუელთა, ვითარმედ: „ჩუენ, მეფეო, მოწაფე



გუეგონე ამათ მოძღუართა თქუენთა, გარნა, ვითარ ვხარდებულნი შენ სამე ხარ მოძღუარი მოძღუართა, რომლისა ბრძალსა ვერ მიმწუთარ არიან ეგე მოძღუარ საგონებელნი თქუენნი“. და ესერეთ ფრიად მამრალბებელნი თავისანი მიიქცეს სირცხვლელნი, არღაროდეს მკადრებელნი ამისნი ოდესცა.

ხოლო არიან ვინმე მამრალბებელნი მეფისანი ჭერეთა ესეოდენ მჭირსედ მოქალაქობისა და მოლაშქრობისათს და მკედრობათა მისთა განუსუენებელისა მიმოსლვისათს და დაპირებისა, ვითარმედ: „არცა მშულდი თავს იღებსო მარადის გარდაცმულობასა, არცა ძალი ორღანოსა მარადის განსხირბულობასა, რამეთუ ეამსა ვმარებისა მათისასა თითოეული მათი უკმარ იპოვოსო“. და ესევეითართა უგიობლისა მისთს და ყოვლად უმიზეზოსა იტყვან.

გარნა ისინეთ ესევეითართა მათ პირველად ესე რამეთუ სამეფო აფხაზეთისა მცირე ჰქონდა მოკლებული, და მცირე იყო, და ტყუეობათა და ზემოკსენებულთა ქირთაგან მცირე გუნდი მკედრობისა და იგინიცა დაჯაბნებულნი, მრავალგზის მტერთაგან სივლტოლითა უცხენო და უსაჭურველონი, და თურქთა მიმართ წყობისა ყოვლად უმეცარნი და ფრიად მოშიშნი. უკუეთუმცა ესეოდენ უწყინორთა ლაშქრობითა და მცირედ-მცირედ ბრძოლითა და სწავლითა გუარიანად და ღონიერად წინაძღომითა, და მრავალთა ძლევათა მიერ მოგუარებითა არა განეწუართნეს სპანი თუსნი, და განეკადნიერნეს წყობათა მიერ მკნეთა ქებითა და ნიჭთა მიცემითა, ხოლო ჯაბანთა სადღდოთა შთაცუმითა და კიცხევით ძაგებითა, არამცა მოედონა, ვიდრემდის სპათა შორის მისთა ყოვლად არა იპოვებოდა ჯაბანად ზრახული, რათამცა ექმნნეს ესეოდენნი ძლევანი, ანუ რათამცა ექმნნეს და აღებუნეს ესეოდენნი სამეფონი? ნუუკუე ძილითა ანუ ადგალთა მწუხანვილოვანთა ზედა მოსმურობითა და განცხრომითა და მაჩუკნებელთა საქმეთა შედგომითა; არა ესრეთ, არა, არამედ არცა აღექსანდრე ქმნა ესრეთ. რამეთუ პირველად მამულისა თუსისანი შეკრიბნა და მით დაიპყრნა დასავლისანი ევროპი, იტალია, ჰრომი, და აფრიკეთი, და მათითა წარტანებითა დაიპყრა ეგუპტე, შესრულმან კარქედონით, და მიერ ეგუპტით პალესტინე და ფინიკე, და კილიკიასა თუსად შემქმნელი, წინაგანეწყო დაროსს. და რაეამს სპარსეთი მორით, მაშინდა სძლო პიროს ჰინდოსა, და ეგრეთდა ამით ყოვ-

ლითა მოვლო ყოველი ქუეყანა; და ქმნა, რა იგი ქმნა; თუ არა ქართველთა ოდენ სპითა გერცარას ალექსანდრე იქმოდა კარგსა, და თუმცა დავითს სპარსთა ჰქონებოდა მეფობა, ანუ ბერძენთა და ჰრომთა ძალი, ანუ სხუათა დიდთა სამეფოთა, მაშინმცა გენახეს ნაქმარნი მისნი, უაღრესნი სხუათა ქებულთანი.

ხოლო ვთქუა მეორეცა მიზეზი ამისვე ბირისა, ვინათგან ნათესავი ქართველთა ორგულ ბუნება არს პირველითგანვე თვსთა უფალთა. რამეთუ, რაქამს განდიდნენ, განსუქნენ და დიდება პოონ და განსუენება, იწყებენ განზრახვად ბოროტისა, ვითარცა მოგუთხრობს ძველი მათიანე ქართლისა და საქმენი აწ ხილულნი. და ესე მან უბრძნესმან ყოველთა კაცთამან კეთილად სადმე უწყოდა. ამისთვისცა არაოდეს მოაცალა ამისად განზრახვად, ანუ განსუენებად, ანუ შეკრებად და ქმნად რასმე ესევეთარსა. არამედ საქმეთა, რომელთა იწყო ქმნად, გასრულნაცა მალლად და შუენიერად. ნუუკუე და ლომსაცა აბრაჰონ ეგევეთართა, რამეთუ არა ციდამტკავლურად იხედავს, არცა კუერნაულად კრთების.

კუალად სხუასა ბრალობასა შემოიღებენ მეტყუელნი ესრეთ: „შეიყუარნის ვინმე და განადიდნის ვინმეო, და კუალად მოიძულნის ვინმე და დამაციონისო, ესე აღამაღლის და ესე დაამდაბლისო“. ეჭა უსამართლობასა, შ უგუნურებასა! ამისთვის აბრალება, რამეთუ კაცი მიწისაგანი ღმერთსა ემსგავსა რომლითაცა საქმითა? ვინ იხილა ესე საუკუნითგან, შ კაცო? ამისთვის რად არა ღმერთსაცა აბრალებ, უგუნურო, ამასვე ესრეთ მოქმედსა? ანუ არა ხუთთა ქანქართა ათ მყოფელსა მისცნა ათნი ქანქარნი? ანუ არა ერთისა დამფლველსა მოუდო იგიცა და მისცა ათთა ზედა მეთერთმეტედ?

ანუ რასათუს ქადაგებულ არიან სამოთხისა შუებანი და სასუფეველისა ნეტარებანი ღმრთისა ნებისყოფელთათუს ჭეშმარიტად, ხოლო საშინელეებანი ურჩთა და უღირსთათუს? უკუეთუ მეფემან ერთგულნი, ფრთხილნი და ახოვანნი, ნაცვლად ორგულთა, ჯაბანთა და უღირსთა, ადიდნეს, რა უსამართლო ქმნა? ნუუკუე დუხჭირმანცა აბრალოს სარკესა, რამეთუ სახე მისი ცხადად უჩუენის: უკმარნი და უღირსნი ნუ მას, არამედ თავთა თვსთა აბრალებდენ. უკუეთუ არა, ვინ იყო ესოდენ მართლად აღმწონელ საქმეთა და მცნობელ ვითარებასა კაცისასა, რომლისა აჩრდილსა შეკრებულ იყვნეს ერნი, ტომნი და ენა-



ნი, მეფენი და კელმწიფენი ოვსეთისა და ყიფჩაყეთისანი, ხითისა და ფრანგეთისანი, შარვანისა და სპარსეთისანი, ხილვისაებრ ნაბუქოდონოსორისა: «ვხედევდო, იტყუს, ხესა შორის ქუეყანისა სიმაღლედ ცისა მიწდომასა, და რტოთა მისთა კიდემდე ქუეყანისა. ფურცელნი მისნი შუენიერ, და ნაყოფი მისი ფრიად და საზრდელი ყოველთა მის შორის. ქუე კერძო მისსა დაიმკვდრეს მკეცთა ქუეყანისათა, და შორის რტოთა მისთა მკვდრობა ყვეს მფრინველთა ცისათა, და მისგან იზრდებოდა ყოველი კორციელი».

აჰა ესერა, სახე არა უმსგავსო, არამედ ფრიადცა თანაშეტყუებული ჩუენისა თვთმპყრობელისა, და ყოვლად გამომსახველი სიტყუთ საქმეთა თუალთა ჩუენთა ხილულთა. რამეთუ სიტკბოებისა, საზიერებისა და სიბრძნისა მისისა ხილვად წყურიელნი კიდით ქუეყანისათ შემოკრებოდეს წინაშე მისსა. ვინ იყო ეზომ ტკბილ შემთხუევათა შინა, ვინ სატრფიალო ზრახვითა და სასურველ დუმილითა, იგივე შუენიერ ხატითა, უშუენიერეს მორთულობითა გუამისათა, შეწყობილ ანაგებიითა და ახოვან ტანითა, ძლიერ ძალითა, უძლიერეს სიმახულითა, საწაღელ დიმილითა, უსაწადელეს მჭმუნვარებითა, მადლიერ ხედვითა, საზარელ ლომებრ მკრთომელობითა, ბრძენ ცნობითა, უბრძენს გამორჩევითა, მარტივ სახითა, მრავალსახე მართებითა, შემირსხველ მყუდროებითა, მაჭებელ განმსწავლელობითა, და არცა ერთსა კეთილთაგანსა შემაშობელ უზომოებითა. მაღალ უმაღლესთათუს და მდაბალ უმაღლესთათუს, და თუთ მათ მტერთაგანცა საწაღელ და საყუარელ სათნოებათა მისთაგან შეკდამებულთა. ვინა ესრეთ მიიღო ერთიცა სათნოებათაგანი, ვითარ ვინ ყოველთაგანმან შეიკრიბა ყოველი სრულებითი თითოეული, რომელ ყოველთათუს შეუძლებელ არს დაკურვება ოდენ, არათუ მიბადვება, რომლითა სრულ იქმნა იგი ყოველსა შინა, ესრეთ რა აღსავსე იყო ნავი უფასოთაგან ტურთთა სათნოებისათა, და არღარა შემძლებელ წარსლგად ღადიროთა.

და აქუნდა ყოვლით კერძო მშუდობა და დაწყნარება სამეფოთა მისთა. მაშინ დიდმან მან წინაგანმგებელმან ცხოვრებისა ჩუენისამან და ყოვლისავე უმჯობესად შემცვალებელმან განგებითა შით, რომელი მან უწყის და განაწესებს ეამთა და წილთა ჩუენთა, ესრეთ განაგო, ვითარცა მუშაკმან კეთილმან:

რამეს იხილნის ჯუვილი აღსავსედ ნაყოფითა და ქუეყანად დაჯიქილი, ისწრაფის დაუნჯება მათი; და ვითარცა ძენავენან ბრძენი განიცადის რა ნავი თვისი აღსავსედ მრავალფეროთა ტურთითა, მიისწრაფის ნავთსადგურად, რათა არარა ევნოს სოფლისა ამის მღელვარისა ზღვსაგან.

რამეთუ ეამსა ზამთრისასა, მშუდობასა და დაწყნარებასა ყოვლისა სამეფოსასა, არა გარეგნად მენაკიდურესა, არამედ საშუალო თვსთა სამეფოთა ადგილთა, თუთ მის მიერვე წინათ გახიზნებულთა განსასუენებელად და მისაძინელად, ვითარცა ჰრულითა რათამე შუენიერთა დაიძინა მამათა თვსთა თახა. და თუთ მებრ ესე კმა არს საცნაურმყოფელად საკუთრებისა თვისისა ღმრთისა მიმართ. რამეთუ მრავალგზის მრავალთა მიზეზთა და განსაცდელთა სიკუდილისათა შთავარდა იგი, რომელთაგან მცირედი მივსცეთ თბრობასა. რამეთუ ნადირთა დევნასა შინა ოდესმე მუხნარს წაექცა ცხენი, და ესეოდენ შეიმუსრა, რომელ სამ დღე ყოვლად უსულო მდებარე იყო უძრავად, სამშვნველისაგან ოდენ საცნაური ცოცხლად. და შემდგომად სამ დღე ნამტკნარსა სისხლისასა აღმოწყრელსა მოექცა სული და სიტყუა, და ძლითდა აღდგა ცოცხალი. და ესევეითარი მრავალგზის შეემთხვა და ღმერთიან იჯსნა სიკუდილისაგან.

კუალად ციხესა რომელსამე ბრძოდეს ქართლს, და მეფე კარსა კარვისა თვისისასა დგა, პერანგითა მოსილი ოდენ, შუადღე, და ციხით ვინმე შემოსტყორცა ისარი, და ჰკრა ხატსა მთავარანგელოზისასა, რომელი ეკიდა ყელსა, ოქროსა მცირე, და ძალმან საღმრთოთიან განაჩინა მშუდობით. რაოდენგზის ყივიწყათა თვსთა განიზრახეს ღალატი, და განაჩინეს კაცნი მკნენი, რომელნიმე კრმლითა, რომელნიმე შუბითა, სხუანი ისრითა; და ესე არა ერთი და ორ, გინა სამ, არამედ მრავალგზის; და არაოდეს მიუშუა «ღმერთიან კუერთხი ცოდვილთა მართალსა მას ზედა», არცა ოდეს «მისცა იგი ჯელთა მეძიებელთა» მისთასა, დაღათუ მრავალგზის დევნასა თურქთასა მარტო დაეპყრის ანუ უსაჭურველო, გარნა ყოველსა შინა კელი იგი ზეგარდამო ფარვიდა მდეგართა მისთაგან, არამედ ყოვლადვე და ყოველსა შინა საქმესა მისსა იყო ბედნიერ და სუან, და მაღლითა აღსავსე.

ეგრეთვე ეამსა შინა შუენიერსა და ჯეროვანსა მოუწოდა



დმერთმან შემყუარებელსა თუსსა და მარადის მოსურნე მარადისოდ მეფობად წინაშე მისსა. და არღარა მიუშვეს ვალუამ სჯად და დაჭირვად სამსხემოსა ამას კედარსა შინა მკვდრობითა, და ჯორცთა ამით ქუედაშხიდველთა მიერ შეკრვად სულსა გონებაქმნულსა, არცა განხრწნადითა გვრგვნიითა და პორფირითა, ვითარცა სიზმრითა და ნაოცნიითა, უმრავლესად ჳღერად, არამედ ნანდულ ჳემმარტიითა და მტკიცითა, წარუდინებელითა და სამარადისოთა. სადა თუთ იგი ბუნებით დმერთი მეფეებს მადლით დმერთქმნილთა ჳედა, მუნ აღაყვანა მის თანა მეფობად, უხრწნელითა და ბრწყინვალითა გვრგვნიითა და პორფირითა შემკული, სადა იგი აწ მკვდრ არს და იქცევის ნათელსა შინა დმრთაებისასა.

რამეთუ აყო მაშინ თუე იანვარი ოცდაოთხი და დღე შაბათი, ოდეს ქრონიკონი აყო სამასორმოცდახუთი, ხოლო წელიწადნი მისნი შობითგანნი ორმოცდაცამეტნი. ხოლო მეფობდა ოცდათექუსმეტ წელ და, ვითარცა პირველმან დავით სოლომონი, ამანცა თუსითა კელითა დასუა საყდართა თუსთა ძე თუსი დიმიტრი, სახელით ოდენ ცვალებული, მარადღე გარდამონასახი, ყოვლითურთ მსგავსი მამულთა ძირთა, და დაადგა თავსა შუენიერსა გვრგვნი ქვათაგან პატიოსანთა, ვიტყუ უკუე სათნობათა მამულთა, და შეარტყა წელთა ძლიერთა მახული, ეჰა, რაბამ სუნად ჳმარებული, და შემოსა პორფირი მკლავთა ლომებრთა და ტანსა ახოვანსა. და დაულოცა ცხოვრება წარმართებული და განგრძობა დღეთა ზედნიერობით, თაყუანის-ცემად მისა მეფეთა ქუეყანისათა და ყოველთა წარმართთა მონებად მისა, გამობრწყინებად დღეთა მისთა სიმართლე და მრავალი მშუდობა. და ესრეთ განცვალა ქუენა მოქალაქეობა ჳენად სუფევად, რომლისა მკვდრნი განჯსნილ არიან შრომათაგან და ოფლთა და ჳრუნვათა, და მუნ მეფობს სიმდიდრეთა მათ ჳედა, რომელნი წინა წარგზავნნა, საუნჯეთა მათ მალალთა დამპარავთაგან უშიშთა დაღევნისა და მოკლებისაგან, ქალაქსა მას, რომლისა შუენიერება არა უხილავს თუალსა სხეულიანსა და რომლისა ბრწყინვალეობა ვერა აღვალს გულსა ჯორციელსა, ვერცა სასმენელი დაიტეგს სმენილსა. რამეთუ მუნ არს შუება და სიხარული, რომელსა არა აქუს მწუხარება და სიმდიდრე, რომელსა არა შეუდგს სიგლახაჲ და მზიარულება, რომელსა არა განკუეთს ურგა და მეფობა, რომელსა არა აქუს აღსასრული, და მუნ არს ცხოვრება, რომელსა არა შეამღურეგს სიკუდილი.

სუმბატ ღავითის კმ

ცხოვრება და უწყება ბაბრატონიანთა

ჩუენ ქართველთა მეფეთასა, თუ სადათ მოიწინენს ამას
ქუეყანასა ჯგინი, ანუ რომლით უამითგან უპყრიეს
მათ მეფობა ქართლისა, რომელი აღწერა

სუმბატ ძემან ღავითისმან

ადამ შვა სეით. სეით შვა ენოს. ენოს შვა კაინან. კაინან
შვა მალელ. მალელ შვა იარედ. იარედ შვა ენოქ. ენოქ შვა მა-
თუსალა. მათუსალა შვა ლამექ. ლამექ შვა ნოე. ნოე შვა სემ,
სემ შვა არფაქსად. არფაქსად შვა კაინან. კაინან შვა სალა.
სალა შვა ებერ. ებერ შვა ფალეგ. ფალეგ შვა რაგავ. რაგავ შვა
სერუქ. სერუქ შვა ნაქორ. ნაქორ შვა თარა. თარა შვა აბრაჰამ.
აბრაჰამ შვა ისაკ. ისაკ შვა იაკობ. იაკობ შვა იუდა. იუდა შვა
ფარეზ. ფარეზ შვა ესრომ. ესრომ შვა არამ. არამ შვა ამინა-
დაბ. ამინადაბ შვა ნაასონ. ნაასონ შვა სალმონ. სალმონ შვა
ბოოს. ბოოს შვა იობედ. იობედ შვა იესე. იესე შვა დავით
მეფე. დავით მეფემან შვა სოლომონ. სოლომონ შვა რობუამ.
რობუამ შვა აბია. აბია შვა ასაფ. ასაფ შვა იოსაფატ. იოსაფატ
შვა იორამ. იორამ შვა ოზია. ოზია შვა იოთამ. იოთამ შვა
აქაზ. აქაზ შვა ეზეკია. ეზეკია შვა მანასე. მანასე შვა ამონ.
ამონ შვა იოსია. იოსია შვა იოვაკიმ. იოვაკიმ შვა იექონია, იე-
ქონია შვა სალათაელ. სალათაელ შვა ზორაბაბელ. ზორაბაბელ
შვა აბიუდ. აბიუდ შვა ელიაკიმ. ელიაკიმ შვა აზორ. აზორ შვა
სადუკ. სადუკ შვა აქიმ. აქიმ შვა ელიუდ. ელიუდ შვა ელია-
ზარ. ელიაზარ შვა მატათან. მატათან შვა იაკობ. იაკობ შვა
იოსებ. ქმარი მარიამისი და ძმა კლეოპასი. კლეოპა შვა ნაომ,
ნაომ შვა სალა. სალა შვა რობუამ. რობუამ შვა მოხთარ. მოხ-
თარ შვა ელიაკიმ. ელიაკიმ შვა ბენიამენ. ბენიამენ შვა იერო-
ბემ. იერობემ შვა მოსე. მოსე შვა იუდა. იუდა შვა ელიაზარ,
ელიაზარ შვა ლევი. ლევი შვა იორამ. იორამ შვა მანასე. მან-
ნასე შვა იაკობ. იაკობ შვა მიქია. მიქია შვა იოვაკიმ. იოვაკიმ
შვა იერუბემ, იერუბემ შვა აბრაჰამ. აბრაჰამ შვა იობ. იობ შვა

აქაბ. აქაბ შვა სუმონ. სუმონ შვა იზაქარ. იზაქარ შვა აბრაჰამი. აბრაჰამი შვა გაად. გაად შვა ასერ. ასერ შვა ისაკ. ისაკ შვა დან. დან შვა სოლომონ. სოლომონ შვა შუდნი ძმანი, როსკლხ-იკი მოსცნა ღმერთმან ტყუეობასა შინა.

და ესენი შუდნი ძმანი, ძენი ამის სოლომონისნი, წარმოგიდეს ქუეყანით ფილისტიმით, ტყუეობით წარმოსულნი ჰურიანი, და მოიწივნეს ეკლეცს წინაშე რაქაელ დედოფლისაჲ და მისგან ნათელ-იღეს. და დაშეთეს იგინი ქუეყანათა სომხითისათა და მუნ ღღეინდელად ღღედმდე შვილნი მათნი მთავრობენ სომხითს.

და ოთხნი ძმანი მათნი მოვიდეს ქართლს: ხოლო ერთი მათგანი, სახელით გუარამ, განაჩინეს ერისთავად, და ესე ქართლისა ბაგრატიონიანნი შვილისშვილნი და ნათესავნი არიან მის გუარამისნი.

ხოლო ძმა მისი, სახელით საპაკ, წარვიდა კახეთს და დაემზახა იგი ნერსეს. და სხუანი ორნი იგი ძმანი ამათნი, სახელით ასამ და ვარაზგარდ, წარვიდეს კამბეჩანს, და მოკლეს მათ სპარსთა სპასალარი და დაიპყრეს კამბეჩანი, და დასხდეს იგინი მუნ ცხოვრებად ხორნაბუჯს. და ამა ქამამდე შვილნი მათნი მთავრობენ მას შინა.

ხოლო ვინათგან მოაკლდა მეფობაჲ შვილთა გორგასლისათა მით ქამითგან ეპყრა უფლებაჲ ქართლისა აზნაურთა ვიდრე ამათადმდე. არამედ დაესრულა უფლებაჲ ქართლისა აზნაურთა ბოროტთა საქმეთა მათგან.

მას ქამსა მცხეთას კათალიკოსი იყო სუმონ-პეტრე; და მცხეთა აღთხელდებოდა და ტფილისი აღშენდებოდა, არმაზი შემცირდებოდა და კალაჲ განდიდდებოდა. და სპარსნი უფლებდეს ქართლს, კახეთს, ჰერეთს, სომხითს, სივნიეთს, ასპურაგანს.

მას ქამსა კათალიკოსი იყო მცხეთას სამოელ, და ერთად შეტრბა ყოველი ქართლი და გამოარჩივეს გუარამ, დავითის ნათესავისაგან, მოწიფნული ძმათა მისთა თანა, ასამს და ვარაზგარდს, რომელნი იგი ზემო ვაკსენენით. ესენი წარმოვიდეს ეკლეციით, რომელნი მონათლნა რაქაელ დედოფალმან, ძმანი შუდნი ჰურიანი, ტყუეობით მოსრულნი ქუეყანით ფილისტიმით, და ნათელ-იღეს ეკლეცს კელითა რაქაელ დედოფლისა-

თა. რომელმან სამთა მათგანთა უცვალა სახელი: რამეთუ ერთ-სა სახელ სდვა მუშელ, და ერთსა ბაგრატ, რომელ არს მამამ ბაგრატონიანთა, ერთსა აბგავარ; ერთი შემოიყვანა სიიედ და ორნი მათგანნი ამზახნა სომხითის მეფეთა.

ხოლო ოთხნი ესე ძმანი წარმოემართნეს ქართლს, ვითა ზემო ვაჰსენეთ, და გუარამ განაჩინეს ერისთავად და მოსცა ამას მეფემან ბერძენთამან პატივად კურაპალატობამ და წარმოგზავნა მცხეთას. და ამან დადვა საფუძველი ჭუარისა ეკლესიაჲსა, რომელ არს მცხეთას.

ხოლო სამნი ესე ძმანი წარვიდეს კახეთს და საპაჲ დაემზახა ბაკურის ძესა ნერსეს. და ასამ და ვარაზვარდ წარვიდეს კამბეჩოანს, და გარდაუქციეს ერი ვეზანს, ერისთავსა ბაპარ ჩუბინისსა, და ვეზან მოკლეს, და დაიპყრეს მათ კამბეჩოანი.

და იყო მას ქაშსა მცხეთას კათალიკოსი სამიელ. და ამის ზე ტფილისისა მკვდრთა ეკლესიისა გებად იწყეს, რომლისჲ ნახევარსა ყოველი ერი აშენებდა, და ნახევარსა ერთი ვინმე დედაკაცი.

და კათალიკოსი იყო მცხეთას ბართლომე.

და შემდგომად ამის გუარამისსა ერისთავობდა ძე მისი სტეფანოზ და ძმამ დემეტრესი. და აშენებდეს ეკლესიას ჭუარისასა მცხეთას.

და ამის ზე წარვლო ერეკლე მეფემან ბერძენთამან, და მივიდა ტფილისად, და დადვა დამართებით ციხესა კალისასა. და ციხისთავმან ჯმაი-უყო ციხით გამოღმართ და რქუა ერეკლე მეფესა: „რომელსა გასხენ წუერნი ვაცისანი და ვაც-ბოტისა კისერი გაქუს“. მაშინ ვითარცა ესმა ერეკლე მეფესა, განრისხნა მისთვის, და აღმოიკითხა წიგნისაგან დანიელ წინასწარმეტყუელისა სიტყუამ იგი, ვითარმედ: „აღმოვიდეს ვაცი დასავლისაი და შემუსრნეს რქანი აღმოსავლისა ვერძისანი“. და თქუა მეფემან: „უტუეთუ იყო ჩემდა სიტყუამ ეგე, კადნიერებისათუს ჩემისა მისაგებელი ორკეცი დაგიტეო შენ“. და დაუტევა ტფილისს ჩიბლუ ერისთავი ბრძოლად ციხესა ტფილისისასა, და თუთ წარემართა ბაღდადს. და მივიდა გარდაბანს, ვარაზ გრიგოლისსა, და დაილაშქრა ადგილსა მას, რომელსა ჰქვან ხუზაშენი, და ნათელ-სცა ერეკლე ვარაზ გრიგოლსა და ყოველსა ერსა მისსა. და იწყო შენებად ეკლესიასა, რომელი იგი უბრწყინვა-



ლეს არს ყოველთა ეკლესიათა. და მუნით წარვიდა ზეცელსკა და დადგა გულსა სოფლისასა. და აღმართა ჭუარი ქვისაი და დადგა საფუძველი წმიდისა ღმრთისმშობელისა ეკლესიისა, და აღასრულა გუმბათი მისი. ხოლო მან ჯიბლუ წარიღო კალა და ციხე იგი ტფილისისა გამოიღო, და ციხისთავი იგი შეიპყრა. და დრაჰქნითა პირი აღუესო ამისთვის, რამეთუ თქუა სადაღებელი იგი მეფისაი ერეკლესი. ხოლო კადრებისა მისთვის ტყავი გაჰკადა და მეფესა მისწია იგი გარდაბანს ვარაზ გრიგოლისასა. და გარდაბანით მეფემან მიცვალა ლალს, და უწოდა მეწმკევენელთა მთავარსა, ნათელ-სცა და წარვიდა ბაღდადს. და გამოიღო ბაღდადი, და შეიპყრა ხუასრო მეფე, და მოაღებინა ძელი ცხოვრებისა. და იწყო შენებად იერუსალემისა, და დასუა მოდისტოს პატრიაქად და წარმოემართა აქათვე, და მოვიდა წელსა მეშუდესა. და ვადრე მოსლვადმდე მისსა ტფილისის ეკლესია სიონი განესრულა, ხოლო ჭუარისა ეკლესიასა აკლდა.

და მან ერეკლე მეფემან ტფილისს და მცხეთას და უქარმოს ქადაგნი განავლინნა, რათა ყოველნი ქრისტიანენი ეკლესიისა შევიდნენ, და ყოველნი მოგუნი და ცეცხლისმსახურნი, რომელნიცადა არა მოინათლნენ, მოისრნენ. ხოლო მათ ნათლისღება არა ინებეს, არამედ ზაკუვით აღერივნეს ქრისტიანეთა თანა. და მიაწიეს ყოველთა მათ ზედა მახელი, და ეკლესიათა შინა მღინარენი სისხლთანი დიოდეს. და განწმიდა სჯული ქრისტეს ღმრთისაი ჩუენისა, და წარვიდა ერეკლე მეფე სამეფოდვე თჳსად.

და მთავრობდა ქართლს იგივე სტეფანოზ დიდი. კათალიკოსი იყო მეორე ბართლომე მის ზედავე.

და შემდგომად მისსა ჰმთავრობდა ადარნასე. ძე მის სტეფანოზისი. და მის ზე სამნი კათალიკოსნი იცვალნეს: იოვანე, ბაბილა და თაბორ. და ამისა შემდგომად მოკუდა ადარნასე მთავარი და მის წილ დაჯდა სტეფანოზ, ძე მისი. და მან განასრულა ეკლესია ჭუარისა და განაწესა მუნ ჭუარისა კრება, და დაჯდა ტფილისს ცხოვრებად. და კათალიკოსი იყო სამოელ და ენონ. და მის ზე ქუეყანა ქართლისა აღწერეს, და წარიღეს საბერძნეთს. და ამბავი მოიწია, ვითარმედ ბაღდადი დაიპყრეს აგარის ნათესავთაო.

და ამის სტეფანოზისა შემდგომად ერისთავობდა ძე მისი გუარამ კურაპალატი.

და შემდგომად მისსა ვარაზ-ბაკურ, ძე მისი, ანთიპატოსი —
პატრიკიოსი, რომელმან გარდაბანელნი მოაქცივნა. და მერმე
ნერსე და ძენი მისნი, ფილიპე და სტეფანოზ და ადარნასე. და
ძენი მისნი გურგენ ერისთავი, აშოტ კურაპალატი.

ხოლო აშოტ კურაპალატი მთავრობდა ქუეყანასა მას შინა
და სახლად მისა იყო ბარდავი და ტფილისი, და ჰქონდა მას
ქუეყანა, რომელ არს გარემოს მისსა. და მაშინ გაძლიერდა
კელმწიფებამ აგარიანთა და იწყეს ძიება აშოტ კურაპალატისა.
და ვერ უძლო წინააღდგომად მათდა აშოტ და ივლტოდა მათ-
გან. და წარემართა, რათა წარვიდეს საბერძენთად და თანა
ჰყვეს მას დედა და ცოლი და ორნი ძენი ასაკითა ჩულნი, უხუ-
ცესი ადარნასე და შედეგი ბაგრატ. ხოლო უმრწემესი ძე გუა-
რამ ჯერეთ არა ესუა. და ერი თვისი მცირედ ჰყვა თანა, მკუდრ-
ნი მისნი, დედაწულითურთ და შვილითურთ. მოიწივნეს მთასა
ჯავახეთისასა, კიდესა დიდისა მის ტბისა ფარავნისასა დამაშურა-
ლნი სლვისაგან, და გარდაჰქდეს განსუენებად კიდესა მის ტბისა-
სა. ჰამეს რა პური, და მცირედ მიერულა. და მძინარეთა ეწივნეს
დიდნი ლაშქარნი სარკინოზთანი. მაშინ შეეწია ღმერთი
აშოტ კურაპალატსა, და კნინსა მას ლაშქარსა მისსა მოსცა
ძლევა მათ ზედა, და მოსრნეს სიმრავლენი ურიცხვნი. წარ-
მოვიდეს მუნით და მოიწივნეს კეცსა შავშეთისასა.

ხოლო კევი შავშეთისა უშენებელი იყო მაშინ, გარემე
მცირედთა სოფელთასა. რამეთუ ჟამთა სპარსთა უფლებისასა
აოჯრდა, ოდეს-იგი ყრუმან ბაღდადელმან შემუსრნა ყოველნი
ციხენი და მოვლო შავშეთიცა და დადონი. და კუალად შემ-
დგომად მისსა სრგამან სატლობისამან მოაოჯრა შავშეთი,
კლარჯეთი და მცირედდა დაშთეს კაცნი ადგილ-ადგილ. ხოლო
დაშთობილთა მათ მკუდრთა შავშეთისათა შეიწყნარეს იგი სი-
ხარულითა და სიყუარულითა, და დაემკუდრა მუნ. და მისცა
ღმერთმან გამარჯუება და აკელმწიფა იგი შავშეთ-კლარჯეთსა
ზედა. და მან სოფლები ზოგი იყიდა საფასოთა, და ზოგი ოკე-
რი აღაშენა, და განამრავლა სოფლები აშოტ კურაპალატმან
ქუეყანათა მათ შინა. და მისცა ღმერთმან და განამტკიცა კელ-
მწიფება მისი ნებითა ბერძენთა მეფისათა

და ამან აშოტ კურაპალატმან ბოვა კლარჯეთის ტყეთა ში-
ნა კლდე ერთი, რომელი პირველ ვახტანგ გორგასალს ციხედ
აღშენა, სახელით არტანუჯი; და აოჯრებულ იყო ბაღდადში

ლისა მის ყრუობითგან. იგი განაახლა აშოტ და გენგრაფიკით და აღაშენა ციხეც და წინა კერძო მისსა ქუეშეთ აღაშენა ქალაქი. და აღაშენა ციხესა მას შინა ეკლესია წმიდათა მოციქულთა პეტრესი და პავლესი, და შექმნა მას შინა საფლავი თვისი, და დაემკვდრა ციხესა მას შინა ცხოვრებად. და მერმე კუალად ეუფლა ქუეყანათა ვიდრე კარადმდე ბარდავის ქალაქისა. და მრავალგზის მოსცა ღმერთმან აშოტს კურაპალატსა ძლევა და დიდი დიდებამ ბრძოლათა შინა.

და იყო ერთსა შინა ქაშსა, განვიდა აშოტ, რათამცა შეკრიბა ლაშქარი ბრძოლისათვის სარკინოზთასა. მოვიდა იგი ადგილსა რომელსამე და განავლინა ლაშქრისამ მაწუეველნი. და ვიდრე არღარა შეკრებულ იყო ლაშქარი იგი მისი მისთანა, დაესხნეს მას სარკინოზნი უცნაურად და აოტეს იგი. წარმოემართა და მოიწია ჰევისა ნიგალისასა და იწყო ძებნად ერისა, რათამცა ვითარ განიმრავლა ლაშქარი თვისი. და წარმოემართნეს მოსლვად მის წინაშე იგინი, რომელთა მან უბრძანა, ხოლო იგინი მოვიდოდეს კლვად მისსა. მაშინ ვიდრე მოწვენადმდე მათდა კარად მისსა არა უწყოდა აშოტ ზაკუა მათი, და რაქაშს მოიწივნეს იგინი კარად მისსა, მაშინდა აგრძნა რა იგი ეგულვებოდა მათ. და არა ჰყვა მას ერთი თვისი თვნიერ მცირედთასა რომლითა ვერ წინააღუდგებოდა იგი მათ. ამისთვისცა შეივლტოდა აშოტ კურაპალატი ეკლესიად, და მოწყლეს იგი მახვლითა საკურთხეველსა ზედა და შეისუარა საკურთხეველი იგი სისხლითა მისითა, რამეთუ დაკლეს იგი მუნ, ვითარცა, ცხოვარი, აღსავალსა საკურთხეველისასა და სისხლი იგი მისი დათხეული დღესცა საჩინოდ სახილველ არს.

ხოლო ესმა რა ესე ამბავი ერსა მისსა, რომელნი-იგი იყვნეს დოლისყანასა, ვითარმედ მოიკლა უფალი იგი მათი აშოტ გელითა ოროზ-მოროზის ძეთათა, წარვიდეს დოლისყანით და დევნა უყვეს მკლველთა მათ უფლისა თვისისათა, დაეწივნეს მათ სანავესა ზედა ჭოროხისასა, მოსრნეს იგინი ბოროტად, ვიდრემდის არა დაუშოეს არცა ერთი მათგანი, და წარმოიღეს მკუდარი აშოტ კურაპალატი და დაფლეს მისსა. მას საფლავსა შინა ციხესა არტიანუჯისასა, ეკლესიასა წმიდათა მოციქულთასა, ხოლო მოიკლა ესე აშოტ კურაპალატი დასაბამითგან წელსა ხუთ, ქრონიკონსა მეთათამეტედ მოქცეულსა შინა მუ, თუენსა იანვარსა ოცდაცხრასა.

და დაუტევნა სამნი ძენი: უხუცესი ადარნასე და შედეგი მისი ბაგრატ. ესე ორნი თანა ჰყვეს მას, რაჟამს-იგი მოიწია შავშეთ-კლარჯეთად. ხოლო უმრწემესი გუარამ არტანუჯის მოსლვასლა შინ დაეხადა.

და შემდგომად აშოტის სიკუდილისა, მამისა მათისა, რომელ გარეთ ქუეყანამ ჰქონდათ ძეთა აშოტისთა — წარუღებ სარკინოზთა, რამეთუ იყვნეს იგინი უსრულ ასაკითა. ხოლო რაჟამს სრულასაკ იქმნნეს იგინი, კუალადცა მოსცა ღმერთმან მათვე ყოველივე იგი ნაქონები მამისა მათისა. და ვიდრე უსრულოდა იყვნეს იგინი ასაკითა, იზარდებოდეს ციხესა შინა არტანუჯისასა, და იყვნეს ჭარკის მიმცემელ სარკინოზთა ყოველნივე ჳეგნი შავშეთ-კლარჯეთ-ნიგალისანი. ხოლო არტახუჯით გამოდმართ დაიპყრეს მათ ნაქონები იგი მამისა მათისა, დასუეს ბაგრატ კურაპალატად. და წარმართა ღმერთმან კელმწიფებამ მათი.

და იყვნეს ძენი უხუცესისა მის ძმისა მათისა, აშოტის ძისა ადარნასესნი, სამნი: გურგენ, რომელ-იგი დღეთა სიბერისა მისისათა კურაპალატად დასუეს, და ძმანი მისნი აშოტ კეკელია და სუმბატ არტანუჯელი, რომელი კელმწიფობასა მისსა დასუეს ანთიპატოს-პატრიკად. და ძენი ბაგრატ კურაპალატისანი სამნი: დავით, რომელი შემდგომად მამისა თვისისა დასუეს კურაპალატად, ადარნასე და აშოტ. და ძენი უმრწემესისა აშოტის ძისა გუარამისნი ორნი: ნასრა და აშოტ.

ხოლო აშოტ კეკელია, ძე ადარნასესი, გარდაიცვალა ქრონიკონსა 3-ზ, და დაუტევა გურგენ, რომელი შემდგომად კურაპალატად დასუეს, და სუმბატ არტანუჯელი ანთიპატრიკი.

გარდაიცვალა აშოტ, ძე მამფლისა გუარამისა, უწინარეს მამისა თვისისა ქრონიკონსა 3-თ. არა დაუტევა ძე.

გარდაიცვალა ადარნასე, ძე ბაგრატ კურაპალატისა, ქრონიკონსა 4-დ; სიცოცხლესავე მამისა თვისისა, და არა დაუტევა შვილი. და მამამისი, ბაგრატ კურაპალატი, ძე აშოტ კურაპალატისა, გარდაიცვალა ქრონიკონსა 4-ვ, და დაუტევნა ძენი: დავით, რომელი შემდგომად მისსა კურაპალატ ყუეს; და მოიკლა იგი კელითა მამისძმისწულისა თვისისა ნასრა გუარამის ძისითა, სიცოცხლესავე შინა გუარამისსა, ქრონიკონსა რ-ა, სუფევასა შინა გუარამისსა, ხოლო გუარამ მამფალი, მამისძმა მისი, მამა ნასრისი, უბრალო იყო სისხლისაგან დავით კუ-

რაპალატისთა; და დაუტევა ამან დავით მოკლულმან ძე მცირე აღარნასე, მოუწიფებელი ჰასაკთა, ხოლო ნასრ მკლველი ივლტოდა საძეფოსა კოსტანტინეპოლედ და იყო მუნ მრავალწელ.

და ამისსა შემდგომად დასუეს გურგენ ძე აღარნასესი კურაპალატად, დიდისა აშოტ კურაპალატის ძისა.

გარდაიცვალა გუარამ მამფალი, ძე აშოტ დიდისა, მამა ნასრისა, ქრონიკონსა რ².

და გარდაიცვალა აშოტ, ძე ბაგრატ კურაპალატისა, ქრონიკონსა რ⁷.

და ამისსა შემდგომად გამოვიდეს ნასრ სამეფოთ და მოვიდა აფხაზეთს. და იყო მაშინ აფხაზთა მეფე ბაგრატ, დისიძე ნასრისი, და შეეწია მან დიდითა ლაშქრითა, მეფემან აფხაზთამან, და მუნით გარდამოვიდა ნასრ სამცხეს და შეკრიბა სხუაცა ლაშქარი ურიცხვ. ხოლო აღარნასე, ძე მოკლულისა კურაპალატისა, განვიდა ბრძოლად მისა, და მიჰყუა მის თანა შეწევნად აღარნასესა გურგენ კურაპალატი და შვილნი მისნი. და ყუეს ბრძოლა და ომი დიდი ნასრის ზედა. და შეეწია ღმერთი მცირეთა ამათ აღარნასეს კერძთა და სძლეს ნასრას, მეოტ ქმნეს, შეიპყრეს და მოკლეს ნასრა ჯეცსა სამცხისასა, სოფელსა ასპინძას, ქრონიკონსა რ³. და არა დაუშთა შვილი ნასრას, და აღივოცა საჯსენებელი მისი.

აღარნასე, ძე დავით კურაპალატისა, დასუეს ქართველთა მეფედ ნაცვლად მის მოკლულისა, და ამან აღარნასე, ძემან დავით მოკლულისამან, აღაშენა ბანა ჯელითა კვრივე ბანდლისათა, რომელი-იგი იქმნა პირველ ეპისკოპოს ბანელ.

და მამფალი სუმბატ არტანუჯელი, ძე აღარნასესი, ძისა აშოტ დიდისა, გარდაიცვალა ქრონიკონსა რ¹-თ, და დაუტევნა ძენი ორნი: ბაგრატ მამფალი არტანუჯელი და დავით მამფალი.

და სიცოცხლესავე შინა სუმბატ არტანუჯელისასა მოისრა ნასრ; და ქუეყანა ნასრისი დაიპყრეს სხუათა ამათ მთავართა.

ხოლო გურგენ კურაპალატი წარვიდა ტაოთ, კალმახით, მამულით თუსით, ცხოვრებად შავშეთს და არტანს. და ამისსა შემდგომად შეიმტერნეს ურთიერთას და შეკრიბეს, ლაშქარა ერთმანერთსა ზედა ერთ კერძო გურგენ კურაპალატმან და

ერთა მისთა, მეორე კერძო ადარნასე ქართველთა მეფემან და
 ბაგრატ არტანუჯელმან. მოვიდეს ესენი კევსა არტანასასა,
 სოფელსა შგლინავსა, და ჰბრძოდეს ერთმანეთსა. და მეოტ
 იქნა გურგენ კურაპალატი, წყლეს და შეიპყრეს. და მოკუდა
 წყლულებითა მით გურგენ კურაპალატი, ძე ადარნასესი,
 ძისა აშოტ დიდისა, ქრონიკონსა რ^აი^ა. და დაუტევნა ორნი
 ძენი: ადარნასე და აშოტ, რომელიცა შემდგომად ერისთავთ-
 ერისთავად დასუეს.

შემდგომად გურგენ მამისა თუსისა კურაპალატისა გარ-
 დაიცვალა ადარნასე ქრონიკონსა რ^აი^აგ, და დაუტევნა ორნი ძე-
 ნი შვირენი: დავით ერისთავთა-ერისთავი და გურგენ, რომელი
 შემდგომად, მერმე, დიდი ერისთავთა-ერისთავი იყო.

და გარდაიცვალა ბაგრატ მამფალი არტანუჯელი, ძე სუმ-
 ბატისი, ქრონიკონსა რ^აკ^თ, თუესა აპრილსა კ, დღესა ადგსე-
 ბასა, და დაუტევნა ძენი ოთხნი: ადარნასე, რომელი-იგი მო-
 ნაზონ იქმნა და ბასილი სახელიდვა, გურგენ ერისთავი, აშოტ
 და დავით.

გარდაიცვალა დავით ერისთავი, ძე ადარნასესი, ძისა გურ-
 გენ კურაპალატისა, ძმაი დიდისა გურგენისა, ქრონიკონსა
 რ^აკ^მ, და არა დაუტევა შვილი.

აშოტ ერისთავთა-ერისთავმან, ძემან გურგენ კურაპალატი-
 სამან, რომელსა ეწოდა კუხი, აღაშენა ტბეთი შავშეთს და გა-
 ნასრულა იგი ყოვლითა განგებითა, და დასუა პირველად
 ეპისკოპოსად სანატრელი სტეფანე უწყებითა სულისა წმიდი-
 სათა. და გარდაიცვალა ესე აშოტ კუხი ქრონიკონსა რ^ალ^მ,
 და არა ესუა შვილი.

და ამისა შემდგომად გურგენ, ძმისწული მისი, ძე ადარნა-
 სესი, დასუეს ერისთავთა-ერისთავად.

გარდაიცვალა დავით, ძე ბაგრატ არტანუჯელისა, ქრონი-
 კონსა რ^აშ^ბ, და დაუტევა ძე მუცელსა შინა ცოლისა თუსისა,
 რომელსა-იგი ეწოდა ბაგრატ.

გარდაიცვალა ადარნასე, ქართველთა მეფე, ძე დავით მოკ-
 ლულისა, ქრონიკონსა რ^აშ^გ, და დაუტევნა ძენი ოთხნი: და-
 ვით, რომელი შემდგომად მამისა თუსისა ქართველთა მეფე
 იქმნა, აშოტ კურაპალატი, და ბაგრატ მაგისტროსი, და სუმ-
 ბატ, რომელი ძმათა შემდგომად კურაპალატად დასუეს.



გარდაიცვალა გურგენ ერისთავი, ძე ბაგრატ არტანუჯელისა, ქრონიკონსა რ^მშ^გ, მასვე წელსა შინა, რომელსა შინა ქართველთა მეფე ადარნასე მიიცივალა, და დაუტევა ამან გურგენ ძე მუცელსა შინა ცოლისა თუსისა, რომელსა ეწოდა გურგენ-ვე, საზნელი მამისა თუსისა.

გარდაიცვალა დავით, ქართველთა მეფე, ძე ადარნასე მეფისა ქართველთასა, ქრონიკონსა რ^ნწ^ზ, და არა ესუა ძე.

გარდაიცვალა აშოტ, ძე ბაგრატ არტანუჯელისა, ქრონიკონსა რ^ნთ, თუესა ივნისსა, და არა ესუა ძე.

გარდაიცვალა გურგენ დიდი ერისთავთა-ერისთავი, ძე ადარნასესი, რომელმან უმეტესნი სიმკნენი და ბრძოლანი ქმნა ყოველთა მამათა მისთასა, და დაიმორჩილნა ყოველნი გარემოსნი, ქრონიკონსა რ^აა, თუესა თებერვალსა ი^დ. არა ესუა ძე.

გარდაიცვალა მამფალი დავით, ძე სუმბატ არტანუჯელისა მონაზონობასა შინა, ქრონიკონსა რ^აგ, თუესა თებერვალსა ოცსა, და დაუტევა ძე თუსი სუმბატ, რომელიცა-იგი დასუეს ერისთავთა-ერისთავად.

გარდაიცვალა ბაგრატ მაგისტროსი, ძე ადარნასე ქართველთა მეფისა, ქრონიკონსა რ^აე, თუესა მარტსა, და დაუტევა ძე თუსი ადარნასე, რომელი შემდგომად მამისა თუსისა მაგისტროსი იქმნა და შემდგომად მამისძმათა კურაპალატი იქმნა. მასვე წელსა ბაგრატ მაგისტროსის გარდაცვალებისასა ბასილი მონაზონი კლარჯი გარდაიცვალა, ძე ბაგრატ მამფლისა.

გარდაიცვალა აშოტ კურაპალატი, ძე ადარნასე ქართველთა მეფისა, ქრონიკონსა რ^ოდ, და არა ესუა ძე. და ამასვე წელსა აშოტ, ძე სუმბატისი, გარდაიცვალა და არა ესუა ძე.

და შემდგომად აშოტ კურაპალატისა ძმა მისი დასუეს კურაპალატად, სუმბატ. და ესე სუმბატ კურაპალატი, ძე ადარნასე ქართველთა მეფისა, გარდაიცვალა ქრონიკონსა რ^ომ, და დაუტეგნა ძენი ორნი: ბაგრატ ერისთავთ-ერისთავი, რომელი ქართველთა მეფედ დასუეს, რეგუენი, და ადარნასე კურაპალატი.

გარდაიცვალა ადარნასე კურაპალატი ძე ბაგრატ მაგისტროსისა, ქრონიკონსა რ^ვა, რომელი ესე ძეთა შვიპყრეს და მონაზონ ქმნეს. მოკუდა უნებლიეთ ფიჩჳთა მოსილი და დაუტე-

ვნა ძენი: ბაგრატ და დავით ერისთავთა-ერისთავი. გარდაიცვალა ესე ბაგრატ ერისთავთ-ერისთავი, ძე ადარნასე კურაპალატი - სა, ქრონიკონსა რ³ვ, ხოლო ძმა მისი დავით კურაპალატი იქმნა დიდად.

გარდაიცვალა გურგენ, ძე გურგენის ძისა ბაგრატ მამფლისა, ქრონიკონსა რ³ვ.

გარდაიცვალა ადარნასე, ძე სუმბატ კურაპალატისა, ძმა ბაგრატ რეგუენისა, ქრონიკონსა ს გ, და დაუტევა ძე დავით მცარე.

გარდაიცვალა სუმბატ ერისთავთა-ერისთავი, კაცი მართალი, ძე დავით მამფლისა, არტანუჯელი, ქრონიკონსა ს³ და დაუტევნა ძენი ორნი: დავით და ბაგრატ. და შემდგომად მიცვალებისა მისისა და დღესა მეორმოცესა გარდაიცვალა ძე მისი ბაგრატ, და დაუტევნა ძენი ორნი: სუმბატ და გურგენ.

გარდაიცვალა სუმბატ, ძე ბაგრატ რეგუენისა, ქართველთა მეფისა, ქრონიკონსა ს³ბ, და არა ესუა შვილი.

გარდაიცვალა დავით, ძე სუმბატ ერისთავთ-ერისთავისა დიდებულისა, კაცისა მართლისა; და გარდაიცვალა ბაგრატ რეგუენი ქართველთა მეფე, ძე კურთხეულისა სუმბატ კურაპალატისა, ქრონიკონსა ს³დ, და დაუტევა ძე თვისი უხუცესი გურგენ, რომელსა უწოდეს მეფეთა-მეფე. და ამას გურგენს ესუა ბაგრატ დედით აფხაზთა მეფისა დისწული, დემეტრესი და თევდოსესი. ვიდრე გურგენის გამეფებამდე ესე ბაგრატ მეფე იქმნა აფხაზეთს, და ამისთვის გურგენს მეფეთ-მეფობა ეწოდა.

გარდაიცვალა დავით დიდი კურაპალატი, ძე ადარნასე კურაპალატისა, ქრონიკონსა ს³კა, და არა ესუა ძე.

და აოჯრდა იმიერტაო; და გამოვიდა ბასილი ბერძენთა მეფე, და მისცნეს მას ციხენი აზნაურთა ამა დავითისთა, და დაიპყრა ბასილი მეფემან მამული დავით კურაპალატისა. და მივიდეს მის წინაშე ბაგრატ აფხაზთა მეფე და მამა მისი გურგენ. და მოსცა ბასილი მეფემან პატივი — გურგენს მაგისტროსობა და ბაგრატს კურაპალატობა, რათამცა ვითარ მტერ ყვნა ერთმანერთისა მიმართ მამაძენი ესე, და ამით ღონითა იმპატუა. ხოლო გურგენ ჭეშმარიტი და მართალი იყო და ვერა აღძრა გული მისი ზაკეთა ამით მიზეზითა და ვერა უძლო ღონისძიებითა.



გარდაიცვალა ესე გურგენ მეფეთ-მეფე, ძე ბაგრატ ერეკლე-
 თველთა მეფისა, ქრონიკონსა ს^კ Թ, და დაუტევა ძე მამულსა
 ბაგრატ, აფხაზთა მეფე, კურაპალატი დიდი, და ეუფლა ტაოს
 მამულსა თუსსა, და დაიპყრა ყოველი კავკასია თვთმპყრობე-
 ლობითა ჯიქეთითგან ვიდრე გურგენადმდე. ხოლო ადარბადა-
 განი და შარვანი მოხარკე-ყო, სომხითასა კელმწიფეებითა, ნე-
 ბიერად განაგებდა. მეფე სპარსთა თუს მეგობრად და ერთ-
 გულ-ყო სიბრძნითა და ძლიერებითა თუსითა უფროს სახლე-
 ულთა თუსთასა, და ბერძენთ მეფესაცა შიში აქუნდა ამისი
 ყოვლადვე.

და ამან ბაგრატ კურაპალატმან მოიყვანნა კლარჯნი კელმ-
 წიფენი სუმბატ და გურგენ, ძენი ბაგრატ არტანუჯელისანი,
 თუსნი მამისდისწულისანი, დარბაზობად მის წინაშე ციხესა
 შინა ფანასკერტისასა, და მუნ შინა შეიპყრნა იგინი. და აღი-
 ხუნა ქუეყანანი და ციხენი მათნი, რამეთუ იგინი პატიმარ-ყვნა
 ციხესა შიგა თმოგვსასა. და მუნ ციხესა შინა თმოგვსასა გარ-
 დაიცვალა სუმბატ არტანუჯელი ქრონიკონსა ს^ლ Թ. და ეგ-
 რეთვე მასვე წელსა შინა გურგენცა გარდაიცვალა, ძმა სუმ-
 ბატისი. ქრონიკონსა ს^ლ Թ ხოლო შვილნი ამათნი წარვიდეს
 კოსტანტინეპოლედ, ძე სუმბატისი ბაგრატ და ძე გურგენისი
 დემეტრე, ბასილი მეფისა წინაშე, და მათნივე შვილნი კლარ-
 ჟთა მეფეთანი რომელ დაშთეს ამათ ქუეყანასა, მოისარხეს
 ყოველნი სიკუდილითა პატიმრობასა შინა.

ამისსა შემდგომად მოვლო ბაგრატ ყოველი სამეფო თუსი,
 აფხაზეთი, ჰერეთი და კახეთი, მოვიდა და დაიზამთრა ჯეფთა
 ტაოსათა. და მო-რა-იწია ზაფხული, მოვიდა მასვე ციხესა
 ფანასკერტისასა წელსა მესამესა. და მუნ შინა გარდაიცვალა
 ესე ბაგრატ ქრონიკონსა ს^ლ Թ, თუესა მაისსა ზ, დღესა პა-
 რასკევსა. და დაუტევა ძე თუსი გიორგი და დაჯდა იგი მეფედ
 წლისა ი^Թ.

ხოლო დაჯდა რა ესე გიორგი მეფედ, განუდგა ამას ქუეყა-
 ნა ჰერეთ-კახეთისა, და რადრობითა აზნაურთათა შეპყრობილ
 იქმნეს ერისთავნი. მათ ქუეყანათ კუალადვე ეუფლნეს მათნი
 უფალნი, რომელთა პირველ აქუნდა იგი.

და ამის გიორგის მეფობისა მეშუდესა წელსა გამოვიდა
 ბასილი ბერძენთა მეფე ამას გიორგის მეფესა ზედა. ხოლო
 ესე გიორგი განვიდა ლაშქრითა დიდითა და დაიბანაკეს ქუე-

ყანასა ბასიანისასა ორთავე მრავალდღე, და არა მივიდეს ბრძოლად ერთმანერთსა ზედა, არამედ მოერიდა გიორგი და მოვიდა და დაწუთა ქალაქი ოლთისი. გამოუდგა კუალსა და მოუდგა უკანა მეფე ბერძენთა. და შეკრბეს რა უკანამავალნი გიორგისნი და წინამავალნი ბასილისნი ლაშქარნი, იქმნა ბრძოლა დიდი სოფელსა შინა, რომელსა ეწოდებოდა შირაძთა. და მრავლად მოისრნეს ორკერძოვე და მოიკლნეს მუნ დიდნი ერისთავნი: რატი ძე ლიპარიტისი და ხურსი. და ვითარცა მოესმა ჳმა ომისა გიორგი მეფესა, აღბორგნეს, განვიდეს და მოვიდეს ადგილსა მას, სადა იყვნეს ბრძოლად, და მოვიდა მუნ ბასილი მეფეცა სპითა დიდითა.

და შეკრბეს იგინი იმიერ და ამიერ. და იქმნა მუნ ბრძოლა დიდი და მოისრნეს მუნ ბერძენნი დიდნი და ფრიადნი. და წარმოაღეს გიორგისთა ავიარი, და ეზომ განდიდნა ბრძოლა იგი, რომელ სივლტოლა ეგულებოდა ბასილი მეფესა. გარნა გიორგისნივე სულმოკლე იქმნეს, რამეთუ მორიდეს და წარმოვიდეს. ხოლო ბასილი უკანა წარმოუდგა და მოვიდა არტანს, და დაწუთა იგი; და რომელი პოვა, ტყუე-ყო. ხოლო გიორგი წარვიდა ნიალით კერძო სამცხედ, და მიუდგა მას უკანა ბასილი ჳავახეთით კერძო, და მოაოჯრა ყოველივე. გარდავიდა გიორგი თრიალეთად, და მოადგა ბასილიცა თრიალეთადვე. და რა ეახლნეს ერთმანეთსა, კუალად განძლიერდა გიორგი ლაშქრითა, რამეთუ მოიყვანნა წანარნი და შაქნი. ხოლო იხილა რა ესე ბასილი, შეიქცა თრიალეთით და უკმოვლო ჳავახეთი და არტანი დღეთა შინა ზამთრისათა, და კუალად უბოროტესადრე მოაოჯრა. და წარვიდა და დაიზამთრა ხალდიასა, ქალაქსა ტრაპიზონტას. და ვიდოდეს მოციქულნი ორთავე ამათ მეფეთანი ზავისათვის ერთმანერთისა წინაშე და მწუდობისა.

ხოლო იქმნა ამას ყამსა შინა განდგომილება დიდი საბერძნეთს, რამეთუ შეირთნეს ბასილის სპასპეტი და წარვეზი, ძე ფოკას განდგომილისა, და მეფე იქმნა ქსიფი, და მიიდგინეს მათ ყოველი აღმოსავლით კერძი ქუეყანა. ხოლო ღმერთმან ბასილის დიდად შეშინებულსავე ბატონ-სცა, რამეთუ განუდგეს ქსიფი წარვეზს, და ყოველნივე ერნი მისად მიმდგომელნი შეიტყუენეს ციხესა შინა, შეიპყრეს და ბასილის წინაშე წარმოგზავნეს. და მან ექსორია-ყო იგი კუნძულსა შინა და მიმ-

დგომთა მისთა მრავალთა თავი მოჰკუთეთა, რომელთა თანად
ფერის ჯოჯიკის ძე ქართველი.

და კჳალად შემოიქცა ბასილი მეფე და მოვიდა ბასილის.
და ითხოვდა იგი გიორგი მეფისაგან ციხე-ქუეყანათა და
ილუქმინდა ზავსა და მშუდობასა. ხოლო გიორგი მეფემან გა-
ნაგლინა ზუადი ლაშქრითა დიდითა უწინარეს თვსსა. და და-
ლაშქრა ზუადმანცა ამიერ კიდესა ბასიანისასა, რეცა ზანთობის
სახედ. ხოლო თვთ გიორგი მეფე უკანა ისრე განვიდა ზავ-
დ წადიერ ლაშქრითა დიდითა და ძლიერითა. გარნა ორკერძო-
ვე მზაკუანისი იგი აზნაურნი არა მიეშუნეს გიორგის ყოფად
ზავისა, რამეთუ არა უხდოდა მშუდობა, არამედ აზრახეს მას
ბრძოლად. აქუეს იგი ბასილის ზედა, რომელთა ზავად და
მშუდობად ჰგონებდა მისლვასა მათსა, და აგონებდა და მოე-
ლოდა. ხოლო გიორგისთა იწყეს ბრძოლად და აოტეს ზოგი
ბასილის ლაშქრისა. მაშინ უბრძანა ბასილი მეფემან დამოკი-
დება წუერსა ჰორთლისასა დაწერილისა მათისა, რომელნი მი-
სად დაეწერნეს გიორგი მეფესა ჩუენსა სომტკიცისა და ზავისანი.
და ესრეთ ბასილი მეფემან ჰორთლისა წუერიითა ამართნა იგი-
ნი. მიუჰყრა ღმერთსა და თქუა: „იხილე, უფალო, წერილი ეამ
მათი და საქმე, რომელსა აწ იქმან“.

და კჳალად მოიღო ბასილი მეფემან ძელი ცხოვრებისა
მანდილითა წმიდითა, და დასცა იგი ქუეყანასა ზედა და აოტუა
ესრეთ, ვითარმედ: „უკუეთუ მიმცე მე კელთა მტერთასა, არღა-
რა თაყუანის-გცე უკუნისამდე“. და ვითარ ესე-ყო და თქუა,
მყის მასვე ჟამსა იძლიენეს და მეოტ იქმნეს სპანი გიორგისა-
ნი, რომელნი-იგი პირველ მივიდეს; და გამოვიდეს მიერ კელ-
ძო ტალმანი მეფისანი რუსნი, და არა განერა ერთიცა პირველ
მოსრულთა მათ თვნიერ მცირედთასა. რამეთუ თვთ მეფე გ-
ორგი და უძლიერესი ლაშქარი მისი არღარა მისრულ იყო ჯე-
რეთ ყოვლადვე, და მოიკლნეს მათგანი მას დღესა შინა, რომ-
ელთაცა-იგი მშუდობის-ყოფა არა ენებათ, და მეოტ იქმნეს
ყოველნი. და მოსრინეს ურიცხუნი პირითა მახლისათა და
რომელნიმე მეოტ იქმნეს. წარიდეს ბერძენთა ავარი დიდძალი
და განძი სამეფო ყოველი სრულიად, რომელი აქუნდა.

და წარმოიძრა მცირედ ბასილი მეფე და მოუდგა უკან.
და კჳალად იწყო ზავად და მშუდობად პირველისაებრ, რა-

მეთუ შიში აქუნდა საბერძნეთით კულადცა განდგომილებისა. და ყვეს მაშინ მშუდობა და დაიზავნეს.

და მისცა გიორგი მეფემან მძევლად ძე თუხი ბაგრატი, სამისი წლისა ყრმა ჩხული, და მისცა ციხე ათორმეტი, და ქუეყანა დავით კურაპალატისანი ნაქონები ტაოს, ბასიანს, ჯავახეთს და შავშეთს. და ესრეთ წარვიდა ბერძენთა მეფე ბასილი, და თანა წარიტანა ბაგრატი ყრმა მცირე. და შემდგომად სამისა წლისა შინავე წარმოგზავნა აღუთქუა გიორგის ბაგრატისი.

გარდაცდეს რა სამნი წელნი, მაშინ წარმოგზავნა ბასილი მეფემან ქალაქით კოსტანტინეპოლით ბაგრატი, ძე გიორგისი, ვითარცა-იგი აღეთქუა. და მოიწია ბაგრატი ტაოს და შემოვიდა თუსსა მამულსა ბანას თანამოყოლითა მისად კატაბანისა აღმოსავლისათა ზღვრადმდე ბაგრატის მამულისა. ხოლო შერა-იქცა კატაბანი იგი, მოემთკვენეს მას მანდატურნი წიგნითა ესრეთ წერილითა, ვითარმედ: „მიიცვალა ბასილი მეფე, ძმა ჩემი, და ვიქმენ მე მეფედ ყოვლისა საბერძნეთისა. და აწ სადაცალა მოწევნულ იყოს საველმწიფოსა შინა ძე გიორგისი ბაგრატი, გარე-ვე-აქციე იგი სწრაფით და წინაშე ჩუენსა მოგზავნე“. და ვითარცა აღმოიკითხა კატაბანმან, მსწრაფლ მოიქცა და დევნა უყო ბაგრატს, გარნა ვერ ეწია მას, რამეთუ თუსსა მამულსა შემოსრულ იყო იგი და განძლიერებულ ლაშქრითა, რომლისა ბრძოლად ვერღარა ეძლო კატაბანსა მას, არამედ გარე-უკუნ-იქცა და წარვიდა. ეპა, დიდი და საკურველი მოწყალება ღმრთისა! ვითარღა განერა მართალი ველთაგან შემპყრობელთა და მტერთა მისთასა, ქრონიკონსა ს^მ-ე.

და მოვიდა ბაგრატი საბერძნეთით წინაშე მამისა თუსისა გიორგი მეფისა და დედისა თუსისა მარიამ დედოფლისა ქალაქსა მათსა ქუთათისს. და ესრეთ შეკრბეს იგინი მშუდობით, და მისცეს დიდება და მადლობა ღმერთსა მომადლებისათუს მათდა ესევეთარისა მის კეთილისა. და შემდგომად ამისსა რა გარდაცდეს წელნი ორნი, გარდაიცვალა გიორგი, მამა ამის ბაგრატისი, თრიალეთს, ადგილსა მას, რომელსა ეწოდების მყანვარნი, ქრონიკონსა ს^მ-ზ, თუესა აგუსტოსა ი^ვ. და დამარხეს იგი ქუთათისს.

და დაჯდა შემდგომად მისსა მეფედ ძე მისი ბაგრატი ცხრისა წლისა. ხოლო აზნაურნი ტაოელნი წარვიდეს საბერძნეთს: ვაჩე კარიჭისძე, და ბანელი ეპისკოპოსი იოვანე, და ამათ თანა

უმრავლესნი აზნაურნი ტაოსა, რომელნიმე ციხოვანნი და რომელნიმე უციხონი, განუდგეს ბაგრატს და მიერთნეს კოსტანტინეს, მასა ბასილი ბერძენთა მეფისასა, რომელი შემდგომად მოსსა მეფე იყო.

და წელსა მეორესა გამოგზავნა კოსტანტინე მეფემან პარკიმანოსი თუსი მიუწდომელისა ძალითა ლაშქრითა თუსისათა და განძითა ურიცხვთა ყოვლად უძლიერესად ბასილი მეფისაჲსა. მოვლო და მოაოჭრა ქუეყანანი იგი, რომელნი პირველ მოეჭრნეს ქუეყანანი ბასილი მეფესა, და უმეტესცა. რამეთუ მიიწია ესე თრიალეთს ციხესა ქუეშე კლდეკართასა, სადა-იგი იყვნეს მაშინ აზნაურნი ბაგრატისნი, და ბრძოლა ყვეს, გარნა არა დიდად. და განდგეს კულად აზნაურნი, და მისცნეს ციხენი. ჩანჩახმან, ერისთავმან შავშეთისამან, მისცა ციხე წეფთისა, და თუთ წარვიდეს ივინი საბერძენთს.

ხოლო აღაშენა სიმაგრე საბა მტბეგარ ეპისკოპოსმან, მან-ლობელად ტბეთის ეკლესიასა და სახელ-სდვა მას სუეტი. და შეკრიბა მაშინ მან ერი თუსი და შევიდეს მას შინა თუთ საბა მტბეგარ ეპისკოპოსი, და ეზრა ანჩელ ეპისკოპოსი, და შავშეთის აზნაურნი, და განძლიერდა მას შინა.

ხოლო მოავლინა მუნ პარკიმანოსმან იოვანე ხარტულარი, სახელით ვალანგ, ლაშქრითა დიდძალითა, და თანა მოსცა მას ძე გურგენ კლარჯისა დემეტრე, რეცა შესატყუენელად ქუეყანისა მკვდრთა, რომელი ესე იქმნა ესრეთ რამეთუ მიიქცეს ერნი სოფლიონი უგუნურ-უსუსურნი ცნობითა და გონებითა. და გამოადგინეს ლაშქარნი სუეტსა მას ტბეთისასა, და პბრძოდეს ძლიერად მრავალღონედ. და დმერთმან განაძლიერნა მყოფნი იგი სუეტსა მას შინა მადლითა და მეოხებითა წმიდათა მოციქულთათა და ლოცვითა წმიდათა ამათ მღღელთ-მოძღუართათა. და ვითარცა ერთგულნი და ქეშმარიტნი მარტულნი საღმრთონი თავთა თუსთა სიკუდილად განსწირვიდეს, და კორციელთა უფალთათუს თავთა თუსთა განსწირვიდეს, და სისხლთა დასთხვგდეს სიტყუსაებრ მოციქულთასა, და განძლიერდებოდეს. ყოველთავე ეტყოდეს, ვითარმედ: „ნუმცა შეგვტყუებენ ჩუენ ლიქნანი ენე და საფასენი მსწრაფლ წარმაგალნი, არამედ მოვუგოთ მადლი ერთგულეებისა და გურგენი ახოვნებისა“. რამეთუ მბრძოლნი იგი გარე მოდგომილნი მათ-

და ლიქნიდეს აღთქმითა და ქადაგებითა კეთილითა და საფასურითა.

ხოლო ესევეთარად რა ღელვად აღტეხილად იგუემებოდა აღმოსავლეთი, მსწრაფლ ეწია რისხვა უმსჯავროსა მას მეფესა კოსტანტინეს, მსგავსადვე ივლიანეს უსჯულოსა, უწყალოები-სათეს ბაგრატ მეფისა ხუენისა, მოოკრებისათეს მამულისა მისისა, და მოსწრაფედ მოუწერა პარკიანოსს პროედროსსა თესსა, რათა მსწრაფლ შეიქცეს იგი ლაშქრითურთ თესით და მოვიდეს კოსტანტინეპოლედ. და წარვიდა იგი, ესმა რა ესე, და ვითარცა გარდაიცვალა ესე კოსტანტინე მეფე, დაუტევა შემდგომად მისსა მეფობა რომანოზს, ნათესაესა და მიმდგომსავე თესსა.

ამისსა შემდგომად წელსა მესამესა სანატრელმან დედოფალმან მარიამ, დედამან ბაგრატ მეფისამან, შეიმოსა სიძენე და ახოვნება, რამეთუ, ნაშობი იყო ბრწყინვალეთა მათ ძლიერთა და დიდთა მეფეთა არშაკუნიანთა და წარვიდა კოსტანტინეპოლედ წინაშე რომანოზ მეფისა, ვედრებად მისა, რათა მშუდობა-ყოს აღმოსავლეთისათეს და რათა არღარა იყოს ბრძოლა ბერძენთა და ქართველთა, და გლახაკნი დაწყნარებულ და მყოფრო იყვნენ, და რათა მიუთხრეს პატივი ძესა თესსა ბაგრატს მეფესა წესისაებრ სახლისა.

1. ცხოვრება დემეტრე მუხომანაშვილისა

სრულ-ყო რა დავით სრბა მეფობრივი ქრონიკონსა სამას-ორმოცდახუთსა, და მივიდა დაუსრულებელსა სუფევასა სა-უჯუნოდ, სიცოცხლესავე შინა მისსა დასუა მეფედ ძე მისი დემეტრე, და დაადგა გვარგუნი თვთ მისითა ჯელითა. დაიპყრა სამეფო ტახტი და საჯდომი მკლავითა ლომებრივითა მისათბ-რობელად ბრძენთა ქებისმოყუარეთათჳს. იტყუეს სოლომონცა მეფე: «ყამნი არიან მშუდობისანი სარწმუნოება მეფეთა». პირველად მოშიში იყო ღმრთისა, სუანი და გამარჯუებული, სი-მაღლესა და სიმდიდრესა შინა მდაბალი, და გლახაკთა მოწყა-ლე, ობოლთა და ქურობითა განმკითხველი, საყდართა და ეკლეს-სიათა, მღვდელთა და მონაზონთა კეთილისმყოფელი, შემწირ-ველი სოფელთა და აგარაკთა. დიდებულთა სამეფოსა მათისა-თა და კარსა ზედა მყოფთა ტკბილად მოუბარი, უხუ და მზო-ძებელი. ვითარ გაავრცელა და აღაშენა სამეფო მისი: ოდეს დიდმან დავით ტფილისი აღიღო, ჰერეთი და კახეთი მოირთო, ციხეთა და ქალაქთაგან კიდე კაცი არსადა იყო. ჰერეთი, სომ-ხითი, ტაშირი, ჯავახეთი, ქუენაარტანი და ზენაარტანი ამათსა მეფობისა შინა აშენდა, და ტაოს ნაპირნიცა.

ოდეს ჯერ არა იყო მეფე, დიდმან დავით შარვანს გაგზავნა შვილი დემეტრე და ქმნა ომნი და ბრძოლანი, რომელ ყო-ველნი მხედველნი მისნი განაკურვნა, და აღიღო ციხე ქალა-ძორი, და აღივსო ალაფითა და ტყუთა ურიცხვთა, გააქცივნა სუქმანეთნი. ოდეს სუქმანეთნი გააქცივნა დემეტრე, ქრონი-კონი იყო სამასორმოცდაათი, თავნი ყოვლისა სპარსეთობისა, დაკოცნა და ამოსწყუდნა, და აღავსნა საქურჭლენი და ლაშ-ქარნი მისნი.

ერთგულთა შემწყურებელი იყო და შეცოდებულთა სა-შართლიანად მწყურთელი. ქინათგან არა სწორ არს ცოდვა მღვდლისა და მკედრისა, არც ერისა და მღვდელთმთავრი-სა. «რომელმან იცოდის ნება უფლისა თვისისა და არა ყოს,

იკუთმოს ფრიაღ». ყოველითურთ ემსგავსა ძირსა კეთილსა და ვითიანსა, იესა ღმრთივდახერგულსა და ცხებულნიანსა. წარტალო ცხოვრება, და მიიწია სრულქმნალი სიბერესა. შეიმოსა ჩოგა და იკურთხა სქემითა. დაყო წელიწადი ერთი და მოკუდა.

და დასუეს მეფედ ძე მისი დავით. იმეფა ექვს თუე და მოკუდა.

შემდგომად მისსა დაჯდა ძე მისივე გიორგი ქრონიკონსა სამასსამოცდაოთხმეტსა.

ამასვე წელსა დემეტრე მეფე მოკუდა, და დაამ დემეტრესი თამარ, თიღუსა აღმაშენებელი, იგიცა შემონაზონებული გარდაიცვალა. და დაამ მისი კატა დედოფალი საბერძნეთს გათხოვილ-იყო.

ამის დავითის შვილი და გიორგის ძმისწული დემეტრე დარჩა, და ოდეს ორბელნი უკუადგეს გიორგი მეფესა, იგი თანაუკუიტანეს და ლორეს შედგეს. მუნით გამოასხნა ორბელნი მეფემან, და იპყრნა და დაჯოცნა. და დემეტრე კლდეკართა დასუეს, უკანის თუალნი დასწუნეს და მოკუდა და მცხეთას დამარხეს.

დემეტრე მეფე ბელტის ციხეს მიიცვალა და გელათს წარიყვანეს მისგანვე კურთხეულსა ახალსა მონასტერსა. ქრონიკონი იყო სამასსამოცდაოთხმეტი. დემეტრე აბულეთის ძესა ივანეს თავი მოჰკუეთა ჩხერეს მერეს მეოცესა წელიწადსა მეფობისა მისისასა, და მეტეხთა დადვა ფიცის არ გატეხისათჳს.

2. ცხოვრება გიორგი მეფისა

დაჯდა მეფედ გიორგი, უმაღლესი ყოველთა მეფეთასა, მძლე და მორტყმული მტერთა და შეცოდებულთათჳს, კეთილისმსახური ღმრთისა. საყდართა, ეპისკოპოსთა, მეუღაბნოვეთა, მღვდელთათჳს კეთილისმყოფელი იყო და უკადრი შეცოდებისა დიდთა და ცოტათაგან, გლახაკთა და ქურციკთათჳს მოწყალე იყო და ერთგულთათჳს უხუ და მზოდებელი იყო.

სპარსეთისა სულტანნი, შორს მყოფნი და ახლოს მყოფნი, მეძღუნედ და მოხარკედ მისდა იყვნეს, და ყოველნი სანაპირონი სამეფოსა მისისანი უშიშად ჰქონდეს.

აღიღო ანისი, აღრითგან წანადები თუტქთა, ქრონიკონსა სა-
მსოთხმოცსა. შეიპყრა სალდუხი, ამოსწყუტა ყოველი ზიან-
მისი, მოაღებინა ძღუენი და საჭურჭლენი, რომელი არა აითუ-
აღვოდა. და აღივსნეს სამეფო და ლაშქარნი მისნი.

უშიშრად ჰქონდეს განძას სულტანი და ხლათის სულტანი.
და შამისა, ჯაზირისა და არდოხისძე სალდუხი გააქცივნა და
დაჯოცნა. და მოვიდა ილდღუზი დიდითა ლაშქრითა სპარსე-
თისათა, დაარბია შავშეთი, კლარჯეთი და გავალის ჯარს ესრე
დაჯოცნეს, რომელ მოამბე ერთიცა ვერ წავიდა.

ოღეს ორბელნი ვადგეს, ქრონიკონი იყო სამასოთხმოცდა-
ჩუდმეტი.

და აფხაზეთი, სუანეთი და ყოველი სამოქალაქო აქუნდა
დაწყნარებით. და ოვსთა და ყივჩაყთა რაოდენი ათასი კაცი
უბრძანის, მოვიდიან, ეგრეთვე შარვანის სახლი.

და მოსცა ღმერთმან შვილი გურგუნის ცოლსა თანა ბურ-
დუხანს, მსგავსად აღთქმით შობისა, ვითარ ანნას სამოე-
ლი, რომლისა მიერ გამოზრწყინდა სიმართლე და მრავალი
მშუდობა დღეთა მისთა, და იმეფა ოცდარვა წელი და მიიცი-
ვალა სტაგირს კახეთისასა, თუესა მარტსა ოცდაშუდსა, სამშა-
ბათსა ვნებისასა. და დამარხეს მცხეთას ჟამის სიძნელისაგან,
და მასვე წელსა გელათს წარიყვანეს.

3. ცხოვრება დიდისა ვეფხეთ-ვეფხისა თამარისი

იქმნა ყოველთა მეფეთა შორის უდიდეს, სუანი და ბედნი-
ერი, ღმრთისმოშიში, ტკბილი, სახიერი, და თავი ყოველთა
კეთილთა ღმრთისმოშიშება არს და სიმდაბლე, ეკლესიათა
და მონაზონთა მოყუარე, გლახაკთა და მოჩივართა განმკითხ-
ველი.

საბერძნეთისა მთაწმიდისა, იერუსალემისა და შავმთისა
საყდარნი და ეკლესიანი რომელნიმე დარღუეულნი აღაშენნა,
რომელნიმე მათითა საფასოთა დაიკვნნა ხარკისაგან უცხო-
თესლთასა. და თვთ ველთაგან მისთა სთულისა სამსხუერპლოდ
ღმრთისა და სიწმიდისა სამსახურად აკერვინებდა, და ეგრე
დასდებდეს ეკლესიათა იქი და აქა აღმოსავლეთისათაცა შინა.

ლოცვისა მოყუარე იყო დაუცადებელი: ვითარ მოწესებამაჲს
უწინარეს ძილისა ლოცვა და ფსალმუნება გარდაიკადა.

ვაზირთა მისთა და ლაშქართა განურისხებელი, ღირსთა-
თვს მშობლურთა წყალობათა მიმფენელი და ეგზომ, რომელ
მისსა სამეფოსა შინა ერთიცა მსახური არ გაპატიებულა,
თვნიერ გუზან ტაოსკარელისაგან კიდევ: მას თუალნი დასწუ-
ნეს. გაღმა გასული სპარსეთს ზაქარია ასპანის ძემან შეიპყრა
და დარბაზს მოგუარეს.

და რომელ მისა მეფობასა შინა სულტანნი გააქცივნეს, ქა-
ლაქნი და ციხენი აიხუნნეს, ესე არს: ათაბაგი განძისა გააქ-
ცივნეს ქრონიკონი იყო ოთხას და რვა. აღივსო ტყუთა და ალა-
ფითა სამეფო მათი. მკარგრძელმან ზაქარია მანდატურთუხუ-
ცესმან და ამირსპასალარმან, მისმან ძმამან ივანე ათაბაგმან აღ-
იღეს დვინი მეცხრესა წელსა მეფობისა მისისსასა, ქრონიკო-
ნი იყო ოთხასოცდაცამეტი.

მათვე აღიღეს გელაქუნი, ბიჯნისი, ამბერდი და ბარგუშატი
ზემოთ ანისთ და ვიდრე ხუდაფრინისა კიდამდის. არავის
ასმია, არცა ყოფილა სხუა კელმწიფისა ყმა, ვითარ ესენი,
ერთგულად მსახურებითა სუანნი და გამარჯუებულნი.

მოვიდა რუქნადინი და თანა ჰყვნა ლაშქარი დიმიუმკით და
ალაბით ამოღმა წაღებად ამის სამეფოსა. მიეგებნეს ბასიანის
ქუეყანასა, გაიქციეს, ჯოცეს და ამოსწყუდეს. მოასხნეს სულ-
ტანნი და ამირანი ტყუედ ერზინკიელი, შამელი და ბივრიტე-
ლი, საქურჭლისა ზანდუკთა ოქროთა და მარგალიტითა სავსე-
თა, და ღროშათა სასულტანოთა მრავალთა კარავთა, ვეცხ-
ლის ქურჭელთა და ოქროსათა სადა იყო სიმრავლე. აქლემი-
თა, ჯორითა და ცხენითა აღავსნეს მიწდორნი და ველნი. ქრო-
ნიკონი იყო ოთხასოცდათხუთმეტი.

ამისსა შემდგომად აღიღეს კარი, და ციხენი კარნიფორისა,
და ვანანდისნი, და რავსისპირის ციხენი; და წინა ამისსა ხა-
ხული, ოშკი და ბანა წაეღო.

ამათ ესდენთა ღმრთისა წყალობათა უფროსიცა ღმრთისმო-
შიშება მოემატებოდა. საყდართა და მონასტერთა დაღეწასა
ვერვინ იკადრებდა. ქარავანსა ვერვინ ძარცვდა ამერი და
იმერი, ძუელი სამეფო მათი აფხაზეთისა დაწყნარებით ჰქონ-
და, რომელ ერთიცა ქათამი არსად მოიკლევოდა: მპარავი, ავის-
მოქმედი აღარ იყო. თუ ნაპარევი ვინმე პოვის, კარსა ზედა



მიიღოს და დროშათა ქუეშე დადგის. ოვსმან, მთიულმან, და ყივჩაყმან, და სუანმან ვერ იკადრიან პარვა. და იყო მდიდრნი ესე სამეფო, რომელ აზნაურის ყმანი მათთა პატრონთა სწორად იმოსებოდეს.

თამარის ქმარი დავით იყო ოვსთ მეფე, ტომი ზაგრატიონთა, ჭაბუკი და ლომი მისათხოვრებელი, ამით ყოველთა განმარჯუებათა და ნაქმართა თანადამხუდარი და. თვთბქონელი, შემხართებელი, მოლაშქრე მკვრაცხლი.

დალეწნეს სპარსეთისა ქალაქნი, და მარანდი ამოსწყყდეს და ერანის ქუეყანა. ესდენად სიმორესა შინა მივიდენ, რომელ არცათუ სახელი ქართველობისა ისმოდა.

ორნი შვილნი მიეცნეს: გიორგი და რუსუდან. ამის გიორგის შობასა ზედა გაილაშქრა და აღიღო კარი: ესრე ჩნდა ბედნიერობა ამისი და თაჲარ მეფისა.

და ასული მამის მისისა გიორგისი, რუსუდან დედოფალი, იყო ტკბილი და მოწყალე, ნუგეშინის-მცემელი და შემხუეწელი დაჭირებულთა, და მზრდელი ჩულთა და თბოლთა, რომელ ღირსნი მათგან ზრდისანი ნაშობთა მათთა წინაშე მიუსხმიდინ. კელთა მისთავან ნაქნარი საყდართა და ეკლესიათა იგზავნებოდა.

მოახლენი მათნი სულტანნი მოხარკედ დასხნა და სამეფო განუხეტქელად დაიცვა. ყოველნივე შეიტკბნა და მშუდობა-ყო ყოველთათუს. მეფობასა შინა დაყო ოცდასამი წელიწადი და აღვიდა წინაშე ღმრთისა, სადა იგი მკვდრობენ წინასწარმეტყუელნი და მამათმთავარნი და მეფენი, თუესა იანგარსა თორმეტსა, დღესა ოთხშაბათსა, აგარათა სომხითისათა, ქრონიკონსა ოთხასოცდამუდსა. დამარხეს ახალსა მონასტერსა ფელათს.

გაი იყო ჟამისა მისთუს, რაოდენ ულხინებელი გლოვა, ტყუბა და თმათა ფხურა იქმნებოდა, ლმობიერებანი, სიტკბობანი, ღირსთათუს მშობლურნი ზრდანი და ბოძებანი. საჯმარ იყო გულისხმის-ყოფა მეცნიერთაგან, მოთქუმა ნუგეშინის-მცემელთაგან. იგლოვა ყოველმან ამან სამეფომან ჟამსა ჯეროვანსა. დასუეს გიორგი ძე მისი მეფედ მასვე წელიწადსა, რომლისა წელნიცა. მრავალჟამეულ არიან და ცხოვრება მათი კეთილად წარმართებულ აქა ცვალებადსა თანა, მერმესაცა დაუსრულებელსა.

ოდეს დაიბადა, ქრონიკონი იყო ოთხას და ცამეტი.

მრავალ არიან ჭირნი მართალთანი, იტყუხ წინასწარმეტყუ-
ელი, და ყოვლისავე ბოროტისაგან იცნნეს მოშიშნი მისნი.
და კუალად მოციქული: შ სიბრძნე სიმდიდრისა და სიბრძნისა
ღმრთისა, ვითარ გამოუტყულებელ არიან გზანი მისნი, ვინ ცნა
გონება უფლისა, ანუ ვინ თანამზრახველ ეყო მას.

შემდგომად გარდაცვალებისა თამარ მეფეთ-მეფისა, წარი-
წირა სასოება ყოველმან ამან სამეფომან, გარნა ღმერთმან,
გვანმან მრისხანებისათჳს და მოსწრაფემან მოწყალებისათჳს,
ზოსცა მშობელისავე მსგავსი მისგანვე შობისა ლამა.

თორმეტისა წლისა იყო, ოდეს მეფედ დაჯდა ნერგი კე-
თილმოზარდი და ყუავილი ყოველთა ფერთაგან შემკობილი,
ლომი ძალითა და უმანკო გონებითა, მოყუარული ყოველთა
კაცთა, დიდთა და მცირეთა, მთავართა მათითა პატივითა, მო-
ნაზონთა და მღდელთა მათითა პატივითა, მშუდი და განუ-
რისხებელი ბუნებითა, მშუდთა სამეფოთა მეფე მონისაცა ერთი-
სა მათრაცისა არა მკრველი, მშულდოსანი და ცხენოსანი გუ-
ლოვანი და შემმართებელი, რომელ მისთა მკლავითა ომნი და-
სხნა და გარდაიკადნა სიმცროსავე შინა სწორნი დავით პაპის-
პაპისა მისისანი. ბედნიერი ლაშქრობითა, ბედნიერი ქუეყანი-
სა ნაყოფთა მოსლეისათჳს, დაჭირებულთა განმკითხველი, ბჭე
და მოსამართლე, დამხედვარი მეტად ქამისა და ასაკისა მისისა.

და იყო სამეფო მისი დიდსა დაწყნარებასა შინა და იყვნეს
განმგედ და განმზრახად ყოველთა საქმეთა მისთა მისისავე
მშობლისობითგან მკარგრძელი ზაქარია, მანდატურთუხუცესი
და ამირსპასალარი, და ივანე ათაბაგი. პირველსა მშობელმან
მათმან დიდმან თამარ მეფეთ-მეფემან გაალაშქრებინა მისსა
ბედსა ზედა და აილო კარი. შემდგომად გაილაშქრა, წარვიდა
და შევიდა დიდსა სპარსეთს, გატეხა არდაველი, დაღეწნა ცი-
ხე-ქალაქნი და აღავსო სამეფო ალაფითა.

ამისსა შემდგომად მოწუა და მოარბივა ხლათისა ქუეყანა,
შემოიხუეწა ხლათელი და ძლევაშემოსილმან მას ზედა მისცნა
ზავისა სიმტკიცენი მათგან შეუცოდებელობასა შინა წყობისნი.
და სხუა შემოიხუეწა კარნუ-ქალაქელი მოყურად და ერთგუ-
ლად სახლისა მისისა, ჩადგა ბასიანს და მუნ ითამაშეს და გი-

სუენეს ერთგან. აღიღო კეჩროლი შალვა თორელმან მუკრანელის
კრძლითა და ომითა მისათხრობელითა, რომელ არა უნდა
კაცთა შორის მისებრი ქაბუჯი და შეომარი.

მეფემან აღიღო ოროტი და ყოველნი ციხენი და მიმდგომნი
მისნი ვიდრე ნახქევანამდე და განძასკართამდის, აღიღო შან-
ქორი.

და შემოვიდეს უცხოთესლნი ვინმე ლაშქარნი სომხითს და
პერეთს, ევრო რამე მცირედი მათგანცა. შექცეულთა მიეწია,
ბალისწყალთა ზედა და პირველი წყლულება მათგან იქმნა.
შემდგომ მოხედვითა ღმრთისათა და ლმობიერ-ქცევითა მეფე-
სა გიორგისითა გაქცივნეს და ამოსწყუდნეს გაქცეულნი. მეო-
რესა წელიწადსა კულაცა მომართეს და დადგეს ბარდავისქა-
ლასა. შეიყარა სამეფო მისი და ნოიროთა კარნუ-ქალაქისა
ლაშქარნი, დადგა ლომთაგორსა და აგარათა შუა და ვიდრე
ზედამისლვადამდე გაექცნეს და გარდაიხუეწნეს, განვლეს და-
რუბანდისა გზა.

და ვიტყოდეთ ქებასა მისსა წინაშე ყოველთა კაცთა, არა
ვტყუოდეთ, არცა გურცხუენოდის. ვითარ იტყუს დავით შაპა
ღმრთისა: იქმნეს მშულდ რვალისა მკლავნი მისნი და ექმნა
შემწედ მაცხოვარება მისი.

ესრეთ წარმართებასა და ბედნიერობასა შინა მათსა დაი მათი
რუსუდან ითხოვეს ხლათსა დასასმელად დიდმან სულტან-
მან მელიქმან, რომელსა ეგუბტით ვიდრე ხლათამდის სპარსე-
თი ჰქონდა, და დაშალა მოწყალეებამან ღმრთისამან და არა-ყო
ესრე.

შემდგომად ამისსა დიდითა შემოხუეწითა სთხოვა შარვან-
შაპმან. უქადეს და უბრძანეს მიცემისა პირი. გავზავნა შარ-
ვანს ქართლისა ერისთავი და თუთ გიორგი მეფე ბაგავენს მი-
ვიდა გაკახმად და მიცემად დისა მისისა და ათ დღე დაყო,
დრო იყო წასლვისა მისისა. ხოლო მოგუაგო ღმერთმან ბატი-
ყად ცოდვათა ჩუენთა: მოკუდა გიორგი მეფე ბაგავენს იან-
გარსა თურამეტსა, დღესა ოთხშაბათსა. ქრონიკონი იყო
ოთხასორმოცდაორი.

და იქმნეს საშინელნი ტკივილნი, ცრემლთა წილ გულისთ
სისხლის დენანი, წარწირვანი დარჩომისა და სიცოცხლისანი
თანაღზრდილთა და მომკსენებელთა კეთილთა და სიამოვნე-
თა მისთანი, ტკივილნი და ნაცრისა თავსა სხმანი ვაზირთა და

დიდებულთა და ყოვლისა სამეფოსაგან და თვთ მისისა გამზღ-
დელისა ივანე ათაბაგისაგან.

ღმერთმან, რომელი მდიდარ არს მოწყალებითა და მიუწ-
დომელ ძლიერებითა, მოხედნა და არა განწირა ესე სამეფო,
რისხვასა შინა წყალობით მოიჯსენა: ესრე ღმრთისა ნებითა
დარჩომილი ამასვე სამეფოსა შინა რუსუდან დასუეს მეფედ
მასვე წელიწადსა. უკუეთუმცა ღმერთსა წარწყმედისაგან არა
დავეცენით, აღარ საგონებელი იყო სიცოცხლესა ტკივილი-
საგან ძმისა მისისა.

წარიყვანეს მაშინვე გელათს, დამარხეს საფლავსა მამისა მი-
სისასა. და არა დარჩა ცოლსა თანა გვრგუნისა შვილი.

ხოლო ღმერთმან ყოვლისა სახიერებისამან, რომელი არა
განსწირავს მოშიშთა მისთა, დაიცავნ სამეფო ესე და მეფე
ჩუენი ღმრთივეგვრგუნოსანი რუსუდან, და ყავნ ნაყოფი მისი
ჩუენდა სალხინებელად თესლითი თესლადმდე, და მიეცინ სიმ-
რავლე წელიწადთა, შემდგომად უწინარესი და სასუფეველი
ცათა.

**ისტორიანი და აზმანი
შარავანდელთანი**

რომელმან წყლისა მოხადნი რიტორთა მძლე ჰყავ ყოველთა,
ენაუტყვ მეტყუელ-ჰყავ ანგელოზთა მთავრისა მიერ, აწცა
განმარტე ენაბრგუნილი ისტორიათა და აზმათა
მეტყუელეზასა შინა შარავანდელთასა.

ვინათგან მოსე, მხილველი ღმრთისა და წინასწარმეცნი ყოფადთა, ეურჩა განმგზავნსა ისრაელთადმი. მათდა მომღები ენამძიმობისა, მიერულა ურულოსა, ვითარ ყოფადთა დამსახ-სა, ვითარ ესევეითარისა შემკადრე ვიქმნა მე, ვერმეტყვ თქმა-თა აღმატებულებისა. უკუეთუ იგი, სიტყუათა ცეცხლისათა გარდანაცი, კუერთხისა გუელადობითა და კელის ფერთა ქცე-ულეებითა მბრძოლთა ვერას ამცნობდა, ვითარ დავსცე სულა-მიტისა სახედ აღსაყურსა „ქებასა ქებათასა“, რომელსა-იგი გა-ლობს სიბრძნითა მეიგავე სოლომონ, რომლისაგან შთამოთეს-ლოვანებისა ვერ-საკმო არსა შემსხმელად ულუმპიანობათა მათ გარდაცემასა, თამარისსა ვიტყვ, კელმწიფეთა სახელისა და დიდებისა დავით მის პირველისა, არსთა დამწყისაცა კე-ლითქმნულეებით მოქადულმყოფელისა ღმრთისა, რომელი სა-ხუეველთაგან აღმსჭულავს შორის სულსა, გულსა შინა, ერთ-მთავრობა ერთუფლებასა ერთისა კაცისასა, ერთისა ღმრთისა და კაცისა სრულისა მიერ სრულ კაცად აღმოჩენით აღმოჩე-ნილსა და აღმობრწყინებულსა. ვინაცა ამან შეყო თუსისა სულისა წყარო ხედვათა პირველსა ამს წყაროსა ქრისტესა, ნათელსა მამისასა, რომელმან მოიგონნა ხუთნი საგარძონი: ხედვა, სმენა, შეხება, გემოსხილვა და განჩევა. და დაამორ-ჩილნა კლდესა მას ქრისტესა ასფოდლოდ ქმნითა გონებისა-თა, არა არს მექმნი ნებისა თუსისა.

ესე შვილ იქმნა მშობელთა ძირ-რტობათა, შესატყვსთა და შეზავებულთა, ვითარ საცნაურ არს ხე ნაყოფისაგან და ნაყო-ფი ხისაგან, დავითიანთაგან და ხუასროიანთაგან და პანკრატო-ნიანთა, რომელთა სახელი უფროს მზისა იცნობებოდა და

ყოვლისა ქჷშისა, და მის მინადებისა, რომელმან ნებროთისა კასაკითა მოიგო პაოსის ძეთა სამთავროები, რომელთა შემსხმელად ჯამს თმიროს. რაბამ იგი იდიდსიტყუა ალექსანდრესადმი პლუტარხოს ზემომალღელი ისტორიათა მწერლობასა შინა კელმწიფეთა შემსხმელობისასა, ვითარ ჟამთა და ჟამთა ზეგარდამო ჩინებითა აღმონათღებთან ქუეყანის მფლობელნი, და მიიღებს თუთელი საქმისა შესატყუსებასა, აღმკულებასა სიტყუთა და საქმითა, და ვინმე საგმობნი აღძველნა ბოროტთა საქმეთა შინა.

აწ მე, რომელი გინა თუ მიხილავს, გინა თუ ბრძენთა და გონიერთა კაცთაგან მასმინ, გარდავსცე ისტორიასა და ვასილოდრაფსა, რომელ არს „მითხრობა მეფეთა“, ვინათგან ლუკა აღმავლობასა სიტყუსასა იქმს «სეთისა, ადამისა და ღმრთისა», მეცა ესრეთ ვიწყო ამის თამარისა, სამგზის სანატრელისა და სამებისაგან ოთხად თანააღზევებულისა, რომელი ეთეროან იქმნა კელმწიფეთა შორის, რომლისა სახე და სახელი თჷსსა აღგილსა სიტყუამან საცნაურ ყოს.

მამა იქმნა გიორგი, მეფე მეფეთა, ძე დიმიტრი მეფისა, რომელსა დავითცა ესუა ძედ, ძესა დავითიანისასა, და აღმოსავლეთისა და კერძო ჩრდილოეთისა მეციხოვნისა და ზღვართა დამდებლისა და ზღუათა ზღუამდინ მპყრობელისა, რომლისა დიდებითა, სიმწნითა და გუარითა ცხოვრებასა აღმოაჩენს იოვანე ფილოსოფოსისა ჭიმჭიმელისა შესხმა-მითხრობა.

დიმიტრისა, მკნესა კდომათა შინა და მძლესა ბრძოლასა შინა, ორ ძე ებადა, რომელთა დავით და გიორგი ეწოდებოდა სახელად. მარჩეველი ძისა უმცროსისა მლარწველ და მკიცხველ იქმნა, ვითარ ისაკი იაკობისდამი. და ვედრებისა შემასქენელმან ღმერთმან დავითის დღეთა შემციირებითა სრულ ყო პირველ მამისა. და მამამან ძითურთ ძე ტკბილი, შემგუარი მამისა, აღამალლა თავისა თანა და ძისა სწორად მოსაყდრედ გამოაჩინა — მზე მნათობთა შორის; ალექსანდრე და ქაიხოსრო მპყრობელთა შორის; აქილევ, სამბსონ და ნებროთ გმირთა შორის; სპანდიატ, თაპამთა და სიაოშ გოლიათთა შორის; სოლომონ, სოკრატ და პლატონ ბრძენთა შორის.

ამას თჷსსა მეფობასა შინა მოგუარა ცოლი მამამან, ასული მეფისა ზუდდანიისი, სახელით ბურდუხან, ესე თუთ ვითარი შესატყუსი ქმრისა პირმზისა, ტანლომისა, თუთ მზე-მზეთა შუე-20. ქართლის ცხოვრება



ნებითა და მომფენაობითაცა, ვითარ იტქმის, ცოდვილთა და მართალთა ზედა, რომელი ჰყუარობდა მართალთა დასწავლასა და ლობდა ბრალეულთა, რომლისათვის თუ ვთქუა სახეები გარეშეთა გინათუ ვიეთმე სატრფიალოთა, თუთ მისავე ქრისტიანთა შემოსილობისაგან მაქუს შიში და კდემა; რომელი ეკატირინესა და პენელოპის, ირინეკმნილისა, და თუთ მარიამ განმანათლებელისა ცისა და ქუეყანისა ესახების, თუნიერ ქმრისა მყოფლობისა, მადლითა, სიბრძნითა, შეწვენითა და მეოხებითა. ნუ-უკუე ზეშთა განზიდვითა დამრუმდეს თუალი გონებისა და ვიმთხრებლე ნეშთად წყენა სახეობითა, რომელ უმარჯულო და უმარცხულო მავალი გზებისა გზისასა მაბრალეზდეს გარდაქცეულეზბასა ესევეითარსა.

აწ ვიწყო ძალისაებრ და ღონე მიწუდომისა ესე. შვილისა ნათელშემოსილისა მამა იგი გორგასლიანი, აღმასრულებელი ვახტანგისა ნეტარებათა, რომელი დავითს მამადობათა შინა ღმრთისა ქენებით აღტქმულსა «აღდგინებად ტომთაგან მისთა» მისებრ მპყრობელი აღმოსავლეთისა და დასავლეთისა. ამისთვსცა ესევეითარად დაღექსავს მღექსავი ვინმე და იტყვს:

შენ, ვახტანგ, სანატრელი ხარ შენთვის ღმრთის მაქებარისა,
 ცნამცა შენი მტერთა ძლევა, თუთ მზეებრ მაშუებარისა,
 მუსულმანთ იმწყუედელისა, ქრისტიანთ მშენებარისა,
 და ვინ დაგზადა მანვე უწყის დაბადება ბუნებისა.

ამან რა იპყრა შარავანდედი მეფობისა, შუდ სამეფოდ განწესებული, აღმკულმან ზენათა პორფირითა და გვარგვინითა, აღიჭურნა მკლავნიცა მუსრვად და მოწყუედად წინააღმდეგობითა ქრისტეს სჯულისათა აგარიანთა, ისშიიტელთა და მამადიანთა.

პირველად წყალობისა მიმფენმან იმიერთა და ამიერთა, ზემოთა და ქუემოთა, დიდებულთა და ახნაურთა, სპასალართა და სპასპეტთა, შინაურთა და გარეშეთა, კელ-ყო შეყრად და გამართებად ქალაქსა ზედა კალზეგანსა და წარმოტყუენა ყოველი ჰევენები კლდოვანი და ქალაქები აშორნისა, სომეხთა მეფედ წოდებულისა შაპარიენისა.

და შემდგომად ამისსა კვალად შემყრელმან სპათა მისთამან მიმართა დიდად ქალაქად და სახელგანთქმულად დვინად, აწ რომელ არს არარატისა ძირსა ზღვარი სომხითისა და აღარბადაგანისა, მამული თრდატ გოლიათისა, რომელი თდესმე

ღორ იქმნა მიზეზითა გრიგოლ პართელისათა. მდგომელმან წყობადად და განმზადებულმან თუთ წინამსრობლობითა იკუმია კუმეობა, რომელნი მოაწყუდივნა ქალაქსა გარეთ. კულად შემზახებელმან სპათა მისთამან გამოილო და წარმოტყუენა ქალაქი, რომლისა სიმრავლემან ტყუეთა და საუნჯეთამან დაფარა პირი ველთა და მათათა, ვინათგანცა აღივსო სამეფო ქალაქი ტფილისი, რომელ ტყუესა თუთო დრამად გინა ფუკად მომსყიდავთაგან მომსყიდელობდეს. შემდგომად ამისად მნადირებელი და მომნადირებელი მათათა და ბართა მოვლიდა, ვითარ იონათან მშველდკაპარჭოსანი, ვითარ ჩუბინ უცდენელად მსროლელი, მყის სისრამყოფი მტერთა და მკეცთა ზედა, და არტემისა სახედ, რომელი ითქმის «მთაფოლო», რომელ არს ღმერთი მონადირე.

კულადცა ინება შეყრად და გალაშქრებად, და მიმართა დიდად ქალაქად ანისად, რომელი ძუელ ოდესმე ბერძენთა მეფეთა სახლი და საჯდომი იყო, რომელსა შინა მოდღესამდე არს ათას და ერთი ეკლესია. და მირიდებითა ბერძენთათა და მიმოცვალებითა ჟამთათა დიდად გუარიათა ვიეთმე შადადიანთა გამგედ დადგმულთა ამას ზედა მყის მიმჯდომმან სამ დღე ყო ომთა სიმრავლე და ძგერა ჰუნეთა, სიტყუთ და საქმით ბოლოდ დასტეხნეს; ვითარცა აკანაფიანმან ამფხურელმან და მეხისტეხის მყოფელმან შორის ელვებსა, გარდახუეწასა შინა შადადიანისა კელთ იგდო ქალაქი ნებისაჲებრ თუსისა და არა დამბრუნებელმან და შემეტყობელმან დაიმჭირა სადგომად, ტახტისა მისისა შესანახავად და გასამაგრებლად. დამგდებელმან ივანე ორბელისა, მანდატურთუხუცესისა და ამირსპასალარისა, თანაშემწეობითა სარგის მჯარგრძელისათა და სხუათა თემისა დიდებულთა აზნაურთათა ურეკამნილმან მოჰმართა თუსთავე სანადიროთა, სათამაშოთა და გასახარებელთა.

რომლისა ჯავრისაგან აღიძრა ნავლელფიცხელობა და ქედმაღლობა აგარიანთა და ისმაიტელთა. და შარიარმან სულტანად მწოდებელმან თავისამან მაწვეველ იქმნა ყოვლისა შამიისა, ჯაზირისა და დიარბავისა თურქთა თანა გარდმანისათა: არდოხის ძე, რომელი ჰაპისა მისისაგან დიდჯუარიაანის კუხის ძე იყო, რომლისა მამამან. ლაშქრობათა შინა სპარავლად სახელგანთქმულმან, გამოჩენილი ივანე აბულეთის ძე ლტოლ-



ვიღ ყო; სალდუხ სალჩუკიანი, რომელი სულტანთა გუბარსკო-
 მობდა სრულიად, მრავალთა დიდთა მებატრონეთა და მღვდელმთავრთა
 შაპთა სპარსეთისათა თანა, მსგავსად მკეცთასა აღმღესველი
 სბილთა, დიდითა და მიუწოდომელითა ძალითა და უჭაძრავითა
 ლაშქრითა მოვიდა და მოადგა ანისსა, ყოველთა დღეთა კართა
 ზედა მბრძოლი მაშქერებელი და მაძგერებელი ცხენთა და აბ-
 ჯართა.

ხოლო ცნა ესე მეფემან მეფეთამან გიორგი ნაქარმაგვესა
 სახლსა სათამაშოსა შინა, კაცმან მამადმან და ზეს გამომღე-
 ბელმან წყობათა შინა, იქმნა დასნი და დასნი და ზედადმმარ-
 თველმან ერთმანერთთა ზენა-ქუენათა, ვითარ ყოველთა ბი-
 ლულთა ზესთაობასა წინააღმდგომ ექმნა ჩრდილოსა და აღ-
 მოსავალსა. და ვითარ ითქმის, „გმირი სრბად გზასა, შეირტყა
 და წარემართა და სუფევდა“, არღა დამხედველი მცირეთა, და
 ყოვლადვე არღა მომლოდინე ექმნა სახელგანთქმულთა ჭაბუკ-
 თა ლიხთიმერთა და ვიეთთამე ამერთაცა მინდობილი წყალო-
 ბათა შემძლისა, ვითარ იტყუს ისტორია ისქანდარ მაკიდოვნე-
 ლისა, და ხადა ძალსა ძალთასა, რომელი მეუფებს ცასა ცათა-
 სსა და თუალავს სიმრავლესა გარემომდგომთა მტერთასა. არცა
 განმძღვობასა მტერთასა მახვილთა ელვისა, გარდამავალი მთა-
 თა შთავიდა შირაკად. რომელსა თანავაზირობდეს იოვანე
 მწიგნობართუხუცესი და სუმბატ სვიმონქმნილი, რომელი სხუ-
 ათა საქურთა თანა საქმითაცა აღჭურვილ იყო და მით მშლელ
 მისლვისათუს სიმცროსათუს სპათასა. არა დამორჩილდა მკნე
 მკნეთა და გოლიათი გოლიათთა, ჭეშმარიტად მიმღები მოწა-
 მეთა ღუაწლთა და გვრგუნსა, თუთ სეხნაობითაცა მიმსგავსე-
 ბული გიორგი: მან თუ ერთი ვეშაპი, ამან კულა ბევრნი ბევრ-
 თა სახენი ასპიტთა და იქედნეთსნი სძლივნა უძლეველმან მკე-
 დარმან, მართობთაცა შინა გონებისათა მიმართ. მხილველმან
 სარკინოზთა სპაეებისამან გარდასლვითა მლოცველმან და მა-
 გედრებელმან, თუალთა ზეცად აღმპყრობელმან აღსაქურვე-
 ლეს მიმცემელმან იოვანესდა ძელისა ცხოვრების მიძღუანვად.
 და ამკედრდეს გულითა განჭურვებულთა და ურთიერთას გა-
 ნამკნობდეს და შვილნი ცხოვრებისანი სიკუდილსა არა რი-
 დებდეს თავსა.

ხოლო მეფემან მტკიცედ აზევებულმან ჰუნესა ზედა კმითა
 შით ხოსროვანითა გასცა დალადი და სწავლა გულსა მკედარ-

თასა, ვითარმედ: „კაცნო ძმანო, ერთსულნო და ერთსჯულნო! თუ რაზომ დიდად კეთილ არს საღმრთოთა სჯულთა და ქრისტეს სახარებისათჳს სიკუდილი, რომელნი სამარადისოდ ვნატრით ქრისტეს კუალთა შემდგომთა და მომკუდართა მათ თუთ ზუნებითა მკუდართა ნხეულთაგან. და ხედავთა, თუ რაოდენ უფრო სასახელო არს მკვნებრივ სიკუდილი, ვიდრედა სენითა განდნობითა განლუფლებასა შინა, რამეთუ სახე და სახელი კეთილისა საუკუნოდ გზად გუყუების. რამეთუ გუასმიეს ძუელთა მომთხრობელთაგან, თუ რაოდენნი კუეთებანი თავს იხსნეს საღმრთოთა სჯულთათჳს ტომმან ებრაელთამან არტარქსერქსის ზე, ელენთა — ოდეს-იგი იძღუანებოდეს თემისტოკლეს მიერ უცთომელისა სპასპეტისაგან სოფლისა მქონებელსა მძღესა არტარქსერქსის ზედა, რომელმან ზღუაცა მტკიცე ყო უომრად სპაებთათჳს, ხოლო ათინელთა ერთისა ოდენ ქალაქისაგან უკუნრდუეულ იქმნა. აწ ფრთოვანნო ლომნო ჩემნო, ჩემთჳს განლახურილისა აღვიხუნეთ ლახუარნი და ოროლნი, და უგმირნეთ ურწმუნოთა ღმრთაებისა მისისათა“.

და წარმომთქმელმან უკანასკნელთა ლოცვათამან მოუწოდა ამირახორსა მისსა სუმბატის ძესა ლიპარიტს, ბექასა სურამელსა, ქირქიშს აბულეთის ძესა და და სამ ათასთა თანა, მბრძანებელმან, მუნცა ღიმილითა და სიცილითა მლაღობელმან: „მოყმენო, იგიცა ვკობთ, რომელმანცა უმსწრაფეს უხეთქნეთ დროშის მქონესა, და დაცემითა მისითა დავსცეთ ბანაკი ნაბალისი, მასმიეს და კედრისა შთამოსულთა“.

ესრეთ სასოებით მოქაღულმან განვლნა რაზმნი და სუმკერაზმანი, განაწონნა კინენი მსგავსად ფრიდონისა მქონესა წყობათა მამტკიცებელისასა.

და ვითარ იხილეს დროშა დაცემული მკლავითა აქილიანითა, იქცევისი მკუეთრ მკუეთელად, იქმიეს სივლტოლა ძალი-საებრ ჰუნეთასა, რომელსა შინა აღესრულა სიტყუა წარქცევად ერთისაგან ამირსპასალარნი, დიდებულნი და ლაშქარნი. ამათ აქათ და მათ მუნით აღინეს ღუარი სისხლისა. და თუთ მეფე აღექსანდრეს სუითა და სიოშის მოყმეობითა სდევდა მრავალგზის გამომცვლელი რაზმთა, სცემდა და იცემებოდა, სრვიდა და ისროლებოდა, და ბუმბერაზნი მისნი თანამეწყობდეს.

მხედველნი ვითარცა ერნი ისრაელისანი, და მხეცა, ისუ



ნავეთებრ, მდეგი ვერღარა მპყრობელი ეტლთა განგებულნი მსრბოლობისათა, შთაეწურა დევნასა შინა მათსა.

და კუალად შემქცეველთა იხილეს სიმრავლე სრვილისა და მოსრვილისა, კელმწიფეთა და დიდებულთა აზნაურთა, ლომთა და მონათა, სიმრავლე კარავთა და სარაფარდათა, სიმდიდრე თუალთა და მარგალიტთა, ოქროთა ჭედილთა და უჭედელთა, აქლემთა, ცხენთა და ჯორთა და ყოველთა განძთა, სოფლისა სიმდიდრეთა და მონაგებთა, აღსარიცხად გარდარეული. ცოცხალთა უჭამრავთა თანა იხილეს ოთხთა მკუდართა მიერ აპყრობა კელისა, რომელი რქუა ათასისადა ათასთა ესრესახედ მგებარეთადა ქმნა, რათა იწყეს შეკრება ორმოთა ზედა.

იხილნა მეფემან კოსტანტინე საყუარელნი და საყუთარნი ვეზირნი, სპასალარნი, კელისუფალნი და თავადნი, დიდებულნი და აზნაურნი, მონანი და მოყმენი და შეხედნეს მას ყოველმან ერმან და ესრეთ პრქუეს შემოსილსა კელმწიფესა დაკოდილთა და ნაცემთაცა: «მშუდობა». რადცამცა სახედ დაისახოდა, თუ ვითარ მზიარულნი და მძადლობელნი ღმრთისანი და ღმრთისაგან შის სახედ ჩენილისა პატრონისანი იშუებდეს ფრიად მპოვნელნი მამა ძისა და ძე მამისა, ძმა ძმისა და თუსი ნათესავისა, პატრონი ყმისა და ყმა პატრონისა. გამარჯუებულნი და აღვსილნი ყოველითურთ სიხარულითა იღიმოდეს, ამბობრს უყოფდეს ურთიერთას.

და ამას ესევეთარსა განსაცხრომელსა და სიხარულევანსა მეფობასა შინა თუთ მეფე მისით სპითურთ გარდამავალი თაყუანის-მცემელ ექმნა ზენასა განგებასა. არა სჯულთა სიმტკიცეთა, არცა მსხვილ-ბარკალთა ბამაკაცისათა, არამედ მას ზენასა ხუედრსა და ზეშთა წმიდასა განგებასა უგალობდა, დამხედ სიმდაბლითა დაეარდა წინაშე უფლისა ღმრთისა საბათოსისთა ძალთასა და ცრემლთა მიერ სულდართულ დაჯდა განსუენებად და აღებად ბევრისა ბევრეულთაგან ნიჭთა მცირედ მცირედისათა.

და ეგრეცა აღვსილმან საჭურავთა და საჭურჭლეთა მიერ, აღმსხმელმან კელმწიფეთა და დიდებულთაჲმან, აზნაურთა და მონათამდის, სამ დღე დამყოფელმან კართა ანისისთა და მურგებელმან ქალაქისამან და მას შინა დამყენებელმან ამირთსამან და ლაშქართა ამყრელმან პირითა მზიარულითა წარმოავლინა მახარობელი წინაშე ფილოსოფოსთა და პატრიარქისა,

რომლისა ლოცვა თანამწედ ჰქონდა. და თუთ ნათლითა პირითა პირველად მივიდა გამზრდელისა მისისა წინაშე, თამარსა დედოფალსა დედოფალთასა, რომელმან დაივლტო პირველად ცრემლითა და მერმე სიხარულითა გარდარეულითა და კუა-ლად შეეყარა ცოლსა თვისსა ურცხუენელითა პირითა და ახოვ-ნითა სახითა.

ამას ესევითარსა მისსა მორკმულობასა და გაზეებასა და აღმატებულებასა რომელმან აღვლნა ყოველითურთ საზღვარნი პაპთა და მამათანი, და განისმა ამოწყუეტა შამისა და ჯაზირი-სა, სომხითისა და არზრუმისა ლაშქართა, კელმწიფეთა და დიდებულთა. მიესმა სულტანსა ზუარასნისასა და ერაცისასა, და ხალიფას მპყრობელსა დიდისა ბაბილოვნისასა და ცრუ სჯუ-ლისა მდებელსა სარკინოზობისასა, და ვარაზგ ათაბაგსა სპარ-სეთისასა. და მწუევეართა და შემკრებელთა ისლემობისათა მო-აკსენეს და ძებნეს ცეცხლითა განლეულნი ძუალნი ზოროას-ტროსისნი, რომელი იყო პირველ მეფე და ვარსკულავთმრიცხ-ველი სპარსთა შორის, რომელთათჳს ითქუა ესრეთ: „ვიდრემ-დის გაქუნდეს ესე, არა მოაკლდეს მეფობა სპარსთა“. და შე-იყარნეს რანს და მომართეს ქუემო კერძოსა ქუეყანასა სომ-ხითისასა, და მოადგეს ციხესა გაგისასა, აღიღეს იგი და მოა-ოკრნეს ყოველნი საზღვარნი.

ცნა ესე სახელგანთქმულმან და უძლეველმან მკედარმან და უებრომან ჭაბუკმან გიორგი მეფემან და მსწრაფლ შემყრელ-მან შვიდთავე მისთა სამეფოთა, იმერთა და ამერთამან, და გა-მოსხნა ოვსნი და ქუეყანანი დიდძალნი და მომართა სულტან-სა, მყოფსა აურაცხელითა და უჰამრავითა ლაშქრითა. რამეთუ იყვნეს აქეთცა სიკეთე და სისრულე დაუსრულებელი, და მო-მართეს და გავიდეს მათ ლაშქართასა. და ვითარცა ცნა ესე სულტანმან, ათაბაგმან და ყოველთა ფალავანთა და დიდებულ-თა მათთა, თქუეს ვითარმედ: „არა არს კაცი დდეს პირისპირ შემბმელი გიორგისი და მისთა ლაშქართა ქუეყანასა ზედა; მივრიდოთ თავი და ვეფაროთ.“ დამყრელთა ყოვლისა სანოა-გისათა და უფროსდა გაგის შინა მყოფთა განვლეს წყალი ეკ-ლეცისა, რომელსა შინა ჳსწრაფლმსრბოლობამან და ჳრამან შეაყენა ისინი, და ეწვივნეს მწუერვალნი ლაშქართანი, დაუ-წყეს ჩამოყრა.

ესე ვინათგან ცნა კელმწიფემან და სუეგანდიდებულმან,

მკლავებან აქილიანმან და გულმან მადნინტოანმან, მიეტემათი
ხედ მკეცისა, გარნა უქმ იქმნავე ესევითარი ძლევად გენსკმთისა
დებულება. ანტაკრა ექმნეს ვიეთნიმე დიდებულთაგანნი ვიდ-
რე სადავეთაცა დაჭიდებამდე, ხოლო უფროსლა ვარდან კო-
ლონკელიძის ძე, რომელსა მას ეამსა ერისთავობაცა ეპყრა ჰე-
რეთს, კაცი დლითა მომწუსებული და ბრძოლათა შინა ძლიე-
რი და გამოცდილი. ნუუკუე შურმან და მტერობამან ყო ერ-
თი-ერთისამან, რამეთუ კეთილისა და სრულისა ნაქმრისა დარ-
ღუევა ორთა ვნებთა მიერ: ანუ მოკლებისაგან ძალისა, ანუ
შურისა. ხოლო ურჩეულეს ყოველთა ძალთა და ყოველთა
ზესთა ძეს ღმერთი ვითარ მბადი ყოველთა ძალთა და მოქმე-
დებთა. და არავინ ეკუთვნეს მის მიერ ურჩეულესად დაბადე-
ბულსა მოკლებად ოდესმე ძალისა. რამეთუ მიზეზთა მიერ
ზესთა ძალთასა აღეგო იგი. კუალად თუ შურისა მიერ დასდევ
იგი დასარღუეოდ, ვითარ ეგოს ურჩეულესი ყოველთა თჳს
ზემო მქონეობასა და ბუნებით კეთილობასა შორის? რამეთუ
უცხო არს კეთილისაგან შური, ვითარ სახენიცა ცხად ჰყოფენ.
და არა მიუშუეს მეტყუელთა ამისთა: „ვინათგან გაქცეულა
სულტანი ყოვლითა სპითა მისითა, მულარა აღზუავებულ მკად-
რებლობ ღმრთისა“. ესრეთ მიზეზი უმიზეზო, სიტყუა უსიტ-
ყუე, საქმე უქმი. გარნა ვინათგან მეფე ცნობითა ბრძენი და
მომსმენი იყო, დამორჩილებული კუალად ეგო, გამყრელი
ლაშქართა თჳსსავე შუებასა, სიხარულსა და ნადირობასა.

შემდგომად ამისსა სულტანი და ათაბაგი ყოვლითა ძალითა
მათითა და სპითა მათითა აღვიდეს გელაქუნად, მომტყუებე-
ლი ძალისა მოვიდა და მოადგა კართა ანისისათა, და ზემოთ
შაჰარმენი და ყოველი ჯელმწიფე არაბეთისა. მას ეამსა შინა
ანისსა განამტკიცებდა თორელი, დიდი და სახელგანთქმული
მოლაშქრე, და განამზადნა საბრძოლველნი მანქანანი, დამრ-
ღუეველმან და მარბიელმან და ამოკრებელმან გარეთთა ქუ-
ეყანათამან.

ესე ამბავი ვითარ მოისმა ქუეყანასა ამას, და მიიწია წინა-
შე მეფისა, რომელი მცირედითა ლაშქრითა, მონადირე და
მხიარული, დგა შორის მათთა ლორისა და დმანისისათა, რომ-
ელსა წინაშე მოსრულ იყოცა მოციქული სულტნისა, კაცი
მოკვ და ტრელი, მეცნიერი საქმისა, ამხილველი და გამომსილ-
ვილი ლაშქართა დგომისა, ვითარ ითქმის ინდოთა აღწერილსა

ქილილა-დამანასა შინა იგავი ბუთა და ყუავეთა, ეგრეთვე ამან
სახედ ყუავისა გამომცდელმან ლაშქართამან, მოისხნა ფრთვე
და აფრინდა, და მივიდა წინაშე სულტნისა და ათაბაგისა, და
მეტყუელმან ესრეთ თქუა: „აჰა, ჟამი კუალად გებისა ჩუენისა.
უქუეთუ აწ არა მიხუდეთ, სხუა ჟამი ველარა ჰპოვოთ“.

ვინათგან იხილა მცირედითა მდგომი, და განლადებული
ამას ზედა ძალითა შემმართველითა მკლავმაგრისა, სუეამალ-
ლებულისა მეფისა წარმმართველმან ღამისამან ჟამსა განთი-
დისასა მიძინარეთა ზედა დამსხმელ ექმნეს ესრეთ, რომელ
ძლითლა იჯუმიო სწრობა შეჭურვისა და ამკედრებისა. ამას ზე-
და ივანე ამირსპასალარმან და სხუათა დიდებულთა კნინდა და
შეპყრობისა სახედ წარმოიყვანეს და გამომართეს მეტყუელ-
თა ამისთა: „ნუჟკუე, მეფევ, ჟამი არს ომისა, და ჟამი არს
სივლტოლისა, ვინათგან ყოველსავე საქმესა ჟამი მიიჩანს. რა-
მეთუ ოდესშეს ალექსანდრეცა იძლივა დედაკაცისა მიერ, და
ეგრეთვე სამბსონ დალილასაგან და სოლომონ სიბილასაგან“
და სხუანი სახენი კელმწიფეთა ძლეულებისანი წინაუყენეს.
„ნუ უქუე რათამე განვარისხეთ ზე-მეპყრი შარავანდედობისა
შენისა და საწთოდ იმამებრივა მამამან ძისა სწორად აღზევე-
ბულსა ძესა დავითიანსა ზედა, ვინათგან იგი საულისაგან
იდევნებოდა, მეფე და წინასწარმეტყუელი, უფროსლა მამად
ძისა ღმრთისა განჩინებული. აწ ჩუენცა თავსმდებელთა ვი-
ჯუმიოთ სივლტოლა, და კუალად შემძლევემან ძლევათამან ჩუ-
ეულეებითავე მოგუაგოს უძლეველობა“.

და ესრეთ იძულებითა წარმოყვანილი და გამომართებული
მრავალგზის იგი და მისნი მოყმენი რაზმსავე შინა იპოვნეს
გარეუკუნმქცეველნი და დამკოცელნი სპათა მისთანა, რომელ-
თა ესევეითარი სიმკნე, უცხო და განსაკრთომელი საქმე იხილ-
ვა, რამეთუ არა დიდებული, არა აზნაური, არა ვარგი და საც-
ნაური აზნაურის ყმაცა დაკლებულ იქმნა მათ ლაშქართა ში-
ნა, თვნიერ ერთისა ჯუარის მტვირთველისა ქანის ძისა და ერ-
თისა ბედითის კაცის აზნაურის კიდე, გარნა ჯუარი წარმოყვა-
ნებულ იქმნა მშუდობით.

მი, განსაკრთომელი სიმკნე და სიქუელე და კელი საუფლო
ვითარ რომელთა წყობათა შინა სმენილ არს, გინა ძუელთა გი-
ნა ახალთა, ესრეთ უვნებლობა უგრძნეულად დამსხმელობასა
შინა. შემდგომად ამისად და ვინაცა იხილეს ისლემთა განმ-



ფრკობი კელთა მათთავან, მეტყუელთა ესრე განიხილეთა
 „ვხათგან უგრძნეულად დამსხმელთა ვერ კელთ ვიგდეთ, აწ
 გრძნობილისა დევნა არს აჩრდილთა და წიადითა პყრობა ქარ-
 თა. აწ უკუნ ვიქცეთ, რომელი მოგუცა ღმერთმან ამისნი მმად-
 ლობელნი, თვსადვე მამულად“.

ხოლო ესე ესრესახედ იპყარ ყოველმან მცნობელმან და
 წარმკითხველმან ამისმან: «საზღვარი დასდევ და არა გარდაჯ-
 დეს». და ვითარ მზე, დიდი ბასილი, მნათი კესარიისა ბუნე-
 ბითმეტყუელობასა შინა არსთა ქმნილებისასა «ექუსთა დღე-
 სათა» იტყუს. ვითარ: „ჩიტი აღკუნი ბაგესა ზედა ზღვსასა დამ-
 სხმელ იქმნების კუერცხთა, ოხრანი და დელვატეხილობანი
 ზღვსანი ვერ გარდაკდებიან ბრძანებასა ღმრთისასა; და
 მცველ ექმნების თესლოვანებასაც აღკუნისასა». აწ უკუეთუ-
 ცა მიუშუა ზენასა განგებისასა და არა წინააღმდეგომ ჰქონდეს
 გაქცევასა სულტნისასა, დამ-ცა-ქციულ იყვნეს ყოველნი მალ-
 ნარნი სარკინოზობისანი. და ეგრეთვე, არათუცა უკუნ ექცი-
 ნეს შიშსა და სიმკნესა მეფისასა და სპათა მისთასა, წარტყუ-
 ენილ იყვნესმცა უმანკონი არენი და ადგილნი.

შემდგომად ამისა უბოძა ანისი თვისსავე მემამულესა და
 ითაყუნა თავისა თვისსა ყმად. და თვთ შემოეხუეწა ელდიგუზ
 ათაბაგი და ჩამოდგა შუა სულტანსა და ქართველთა, და ითხო-
 ვა ზავი. აქეთ დედოფალი რუსუდან, დაჲ მათი, სულტნის
 ცოლყოფილი ჩამოდგა, და შეიქმნა მშვიდობა და ზავი ჟამ რა-
 ჯდენმე.

თვთ მეფე დაჯდა სიხარულად და განსუენებად და ნადი-
 რობდა. ოდესმე, ეამსა ზამთრისასა, გარდავიდის ლიხთიმე-
 რითს და მიუწიის ზღუად პონტოსა, მოიწიის და მოინადირის
 ალანთა ქუეყანა, რომელ არს აფხაზეთი, ოდესმე გურგენის
 ზღუადმდე. და ამას შინა სუფევდა და იხარებდა სუფევეითა
 ულუშპიანითა. და ვინათგან ულონო იქმნეს ლაშქარნი და დი-
 დებულნი ამის სამეფოსანი, მკადრებელნი იტყოდეს ესრეთ:
 „არა არს ღონე დარჩომისა ჩუენისა თხნიერ ლაშქრობისა და
 რბევისა“. და მომსმენელმან მეფემან წარსცნა ზავნი და ფიც-
 ნი შინა, და ესრესახედ ილაშქრა: ლიხთ-იქით ყოფასა შინა
 დამსკუნელმან ლაშქრობისამან და ერთთა დღესა შინა პაემან-
 შემქმნელმან უბრძანა ტაოელთა, კლარჯთა და შავშთა მორბე-
 ვა ოლთისისა და ბანისა, მესხთა და თორელთა — კარისა და

აშორნისა, და ამირსპასალარსა და სომხითართა — მტყუარს აქეთ ვიდრე განძამდის; თუთ ხასაგანიანთა, ლიხთიმერთა და ქართველთა — განძას დამართებით მტყურისპირი იმიერ და ამიერ ხოლთამდის, ჰერთა და კახთა — ალაზნის შესართავით ვიდრე შარვანამდის. იქმნა ესევეითარი უცხო ლაშქრობა, რომლისა სიგრძე არაოდეს ვის ეხილვა.

მკნედ და მსწრაფლ მავლობისა მისისა რომელთამე ვინღა თქვს? ნუუკუე და უმსწრაფლეს ამბაკომისა, დანიელის ანუ თუ ილიასი, სინასა შინა წვიმისა ერთი ღრუბლითა შემკრებელისა ანუ თუ ელვისა ეტლითა აღმავალისა? ნუუკუე და ჰნიველ მსგავსი მლასოსა, ფერჯთა წყალმცენარისა, ან ვეფხისა მიწ ფრთოვანისა წამსა შინა მლაშქვრელმან და აღვსებულმან აურაცხელითა და მიუწდომელითა საუნჯითა გარდმფრინველობისა ნავროზობითა გეგუთსვე ეგო, რომელ მუნ მყოფთა ძლითღა სამე ირწმუნეს ყოფა ამისი.

ხოლო აწ ესევეითარნი რა ენამან, ანუ რა გონებამან თუთულისა ჯელ ყო მოთხრობად, საწყენ სამე იქმნას აღწერილი განგრძობითა სათქმელთათა. ვინათგან დავითიანობა და სოლომონიანობა მოჰვეარობდა ცხებულსა ღმრთისასა, ამასცა სოლომონიანებრ ჰმონებდეს ყოველნი მეფენი ქუეყანისანი.

მოვიდა ოდესმე ანდრონიკე კომნიანოსი ცოლითა სახებრწყინვალითა და შუენიერთითა, თანა შვილებითურთ და დისწულითა, მამის ძმისწული დიდისა მანოელ კეისრისა და ყოველისა დასავლეთისა და საბერძნეთისა მეფისა და ვითარ მართებდა, ეგრეთ მმადლობელმან ღმრთისამან შეიწყნარა და მისცა პატივი შესატყვისი სახლისშვილობისა მისისა. და მიმცემელმან ქალაქთა და ციხეთამან კმასაყოფელთამან დაუდგნა საჯდომნი სიახლესა საყდრისა თვისისასა, პირისპირ მამის დისწულისა მისისა აღსართანისასა, რომელი მეფე იყო შარვანისა და ზღვსპირისა დარუბანდით ხირხალამდის, რომელი მეფესა უჩნდა ვითარცა შვილყოფად ვითარცა ერთი დიდებულთა მისთავანი. ესე შარვანშა შემოეხუეწა ოდესმე დაჭირებული დარუბანდელთა ხაზართავან. მაშინ შეიყარა ლაშქარი იმიერთი და ამიერთი, თუთ ძმა ბერძენთა მეფისა ანდრონიკე წარიყვანა წინაშე და მივიდა ვიდრე კართამდის დარუბანდისათა. მოათვარა ქუეყანა მუსკურისა და შარაბამისა, და აღიღო ქალაქი შაბურანი, რომლისა კართა თუთ მკვრეტელობასა შინა მეფისასა



მოსაწონელ იქმნა ანდრონიკე თვთ მისგან და ყოველთა მისთაგან. და უბოძა ქალაქი იგი მამის დისწულსა მისსაგან შას, და მუნიდადმან, მომრბეველი ბასიანისა, რომელი ესე უცხო იყო შესაძლებელად კაცობრივისა ძალისაგან, შემოქცეული მუნიოთ და გამარჯუებული იწუებდა და იმოთხვიდა საყოფელთა მისთა.

ოდესმე გამგზავნელი სპათა და სპასალართა მისთა, მიუწიის წახჩენის კარამდის, ოდესმე მასისამდის და დაღუამდის, ოდესმე ბარდავამდის და ბელაყნამდის. ამას ესევეითარსა მარჯუებასა და ზეობასა შინა განამრავლნა საქურჭლენიცა, და დადვა თვთ მისით მონაგები და მისთა ტყუეთაგან მონაგები ციხესა შინა უჯარმოისასა, რომელი აგებულ იყო ვახტანგ გორგასლისაგან, რომელსა შინა თვთ აღესრულა ლომი იგი ლომთა, გოლიათი გოლიათთა. სანადიროთა ქორთა და ძაღლთა სიმრავლე და სიტურფე და მოკაზმულობა არაოდეს ვისგან ქმნილა, არცა წიად მართ ყოფად არს.

ამას ესევეითარსა და სრულყოფასა ყოვლისა სოფლისასა და საწუთროთა გემოთა საწადელთასა მოიწიფა ძმისწული მისი, შვილი დავით ძმისა მისისა უხუცესისა, სახელით დემეტრე, სახეკეთილი და ყოვლითა კელითა მარჯუე, ნასწავლი, მსგავსი სახლიშვილობისა მათისა, გარნა რომელი ცუდ იქმს ყოველთა სიკეთეთა და სწავლულებათა, სახეუკლებობათა და ჭაბუკებათა, იგი ექმნა მკლველ და შემმწარბებელ ჟამთა ცხოვრებისა მისისათა: უშიშობა ღმრთისა და გარდამავლობით მოქმედება სჯულისა ქრისტეს მცნებათასა, ვითარ თანაშთამომავლობა და გუართა უბედურობა ამის სამეფოსა კაცთა. ვინათგან დავითცა, მამამან მისმან, ლალატსა და განდგომილებასა შინა მამისა მის დემეტრესსა ამოსწყუდნა ამის სამეფოსა დიდებულნი რომელნიმე ექსორიაქმნიოთა, რომელნიმე სიკუდილითა და რომელნიმე განბატოებითა, აქაცა მსგავსად მისა შევიდა ეშმაკი გულსა და გონებასა მისსა და მის მიერ შერისხდა ღმერთი ორბელთა და ყოველთა ტომთა და მიმდგომთა მათთა: სამცხეთართა, ჰერეთთა, კახეთთა და სადაცა ნათესავი და ნატამალი მსმენარი მათდა იყო. იქმნა განდგომა, ბრძოლანი, კლვანი, სისხლნი და რბევანი. და არა მიმშუებელმან ღმერთმან, მოქმედმან სამართალთამან, რომელ მან დავითის ზე აბესალომს არა მისცა უფლება, რომლისათვის ითქმის წმიდასა შინა სახა-

რებასა: „უკუეთუ ჰქუას მშობელსა შვილმან „კორბან“ — ნიჭი ჩემგან სარგებელ ყოფად სიკუდილითა მოაკუდინა“, ამისთვისც მისცა გიორგისვე ძლევა, მძლეთა მძლესა.

და შემყრელმან ლაშქარმან ტფილისით ქალაქით მიმართა სომხითის მთასა ყოფობასა შინა, იოტნა, გააქცივნა, შეიხუეწნა ციხესა ლორისასა, და მოუხუნა ყოველნი სიმაგრენი და ციხენი. ვინაცა წამოუვიდა დემეტრეს სარგის მკარგრძელი, შვილითა და ძმისწულითა მისითა, ძმა და საყუარელი თრბელთა. ესე შეიყუარა და შეიტკბო მეფემან, და მისცა მისანდობლობა გუარისშვილობისა მისისა. და მომრბეველმან ტაშირისა და ლორის კართამან დაიბანაკა აგარათა. და გაგზავნა ლაშქარი, რომელნი დარჩომილ იყვნეს ერთგულად მისად და სხუა თემისა და თემის: მესხნი, თორელნი, ქართველნი, სომხითარნი და თვთ გაზრდილი მისი მეჯინიბეთუხუცესი ჭიბერი, და მივიდეს ქუეყანასა ჰერეთისასა. და მუნით მოვიდეს ჰერეთის ერისთავი და ყოველნი ჰერნი სრულითა ლეკითა და კავკასითა. და შეიქმნეს ომნი ფიცხელნი და კუეთარ-კუეთებანი, რამეთუ იყვნესცა გამოცდილნი და ლომნი ჭაბუკნი. ამას შინა სძლო მსჯავრისა და სიმაართლისა მქონებელმან, და გააქცივნეს ჰერნი დიდებულნი აზნაურნი, და ლეკნი. შეიპყრენს... და გრიგოლ ასათის ძე, ფიცხლა დაიკარგა ომსა შინა, თვთ ჳრმლის დაკოდლობითა და გამოკლვითა ცხენისათა. შეიპყრეს ივანე ვარდანის ძე, რომელი ითქმოდა პირველითგანვე მთხრებლად მთხრებლისად, და თანა შოთაცა, ძე ართავაჩოსძისა. ესენი ვითარცა შინათგამცემელნი განზრახ განგებითა კელთ იპყრნეს, წამოსრულთა მოასხეს წინაშე მეფისა, მარჯუება აღმატებულისა და გაიხარეს სიხარულითა დიდითა ფრიად, ვინათგან ხედვიდა მარჯუებისა მომცემსა ღმერთსა.

მაშინ მეფე აგარას მყოფი აღვიდა და მოადგა ლორესა. მუნიდამან წარსრულ იყვნეს სპარსეთს ქართლის ერისთავი სუმბატის ძე ლიპარიტ, მეჯინიბეთუხუცესი ქავთარ ივანეს ძე, რომელნი ესე გიორგისაგანვე იყვნეს კელისუფალნი, და ანანია დვინელი; ზოგნი შაჰარმენისა, ზოგნი ელდიგუზის ძეთასა. დაღაცათუ უშუელეს და მოჰყვეს, ეგრეთვე უქმადვე უკუნ აქცია მართლმსაჯულობამან ქრისტესმან. ამას შინა დაუღონოვდეს ლორეს შინა მდგომნი. დემეტრე, გარდამომბეული საზღისა, გარდამოკდა ციხისაგან და მომართა თავისავე ბიძასა.

და ამირსპასალარი და სხუანი, რომელნი დარჩეს ციხესა გამოასხეს მსგავსად სუისა და ეტლისა მათისა. აღიღო ლოდაიშვირთა თავისა თვისათჳს. ხოლო მას ჟამსა თჳთ მორკმული და ზემალღებული წარმოვიდა ურჩითა და მტერთა მისთა ზედა და შემსგავსებული საქმეთა მათთა მიაგო მისაგებელი. თჳთ მოვიდა ნაჭარმაგვეს, იშუებდა და იხარებდა შემრისხველი მტერთა მისთა.

შემდგომად ამისსა მეორესა წელიწადსა შეიყარა ყოველით სამეფოთ მისით შემოქცეული ღანუყით ნაჭარმაგვესა. შემყრელმან შეიდთავე სამეფოთა მისთამან აწჳა დედოფალთა დედოფალი, ბედნიერი და სჳანი ცოლი მისი ბურღუხან და შეილი მათი თამარ, ნათელი და ბრწყინვალეობა თჳალთა მათთა, და მანიაკი ყოველთა მეფეთა, და გურგუნი ყოველთა ჯელმწიფეთა.

განრჩევითა და გამორჩევით, განგებითა და გაოგნებითა ზენისა მის ხუედრისა შარავანდედთა მნებებელისათა მეფე-ყოთამარ, თანადგომითა ყოველთა პატრიაქთა და ებისკოპოზთა, დიდებულთა იმიერთა და ამიერთა, ვაზირთა და სპასალართა და სპასპეტთა. და დაისუა მარჯუენით მისსა მეფე და დედოფალი, შემკული და შემოსილი პირად-პირადითა ფესუედითა ოქროანითა, ბისონითა და ზეზითა, რომელსა ხადა მთად ღმრთისად, მთად პოხილად და მთად შეყოფილად, და დაადგა გურგუნი ოქროსა თავსა მისსა, ოქროსა მის ოფაზისა, აღმკული იაკინთთა, ზმირთა და სმარაგდოთა მიერ და მდიდარნი ერისანი ლიტანობდეს წინაშე პირსა მისსა. და თჳთ მეფე, მაფიცებელი ერთგულობისა და ერთსულობისა მისისათჳს და ცრემლით მლტოლველი და შემვედრებელი ღმრთისა, მაკურთხეველ ექმნა აბრამიანთა ისაკისადმდე, და ისაკიანთა იაკობისადმდე, და იაკობიანთა ვიდრე იოსებიანთადმდე, რომელი ჩანს ვითარ მზე უღრუბლო ჰაერისასა მიდღევანდლად დღედმდე, კურთხევა მამისა შვილსა საყუარელსა, ნარნარსა და მშუდსა დავითიანებრსა ზედა, რომელი მსგავსად ლოდისა მის გამოვიდა მთისა მის, დანიელისაგან ხილულისა, იმატა, იმატოს და მერმეცა იმატა, ვიდრემდის იქმნა მთა დიდ, ლოდ საკიდურ და არა ლოდ შებრკოლებისა. და შემუსრა ყოველი ხატი და ყოველი კერპოენება ოქროსა და ვეცხლისა, რკინისა, რგალისა და კეცისა, რომელიმე უხილავთა ძალთა ძეგლები და

ანდრიანტები, რომელიმე ხილულთა მბრძოლთა და წინააღმდეგობთა.

შემდგომად ამისა დღეკეთილობასა და სუესრულობასა შინა მოიწია თანანადები სოფელსა ამას შინა, არამედ მოსრულთა, გარნა უჟამო და შეუსწორებელი შემცირებით განწყებულთა მოქცევათა, და მიიცვალა დედოფალი, დედა თამარი-სი, სწორი ძისა ღმრთისა დედისა და თუ ვითარ ვამთა და ვაებათა სიმრავლენი იქმნეს, შესატყვისნი მოსაწევარისანი, რომელმანცა ენამან გამოთქუა? გარნა ესეოდენ ვთქუათ პატივად და სიმტკიცედ მოსაწევართა.

მეფესა, გეგუთს მყოფსა, უთხრეს ესეოდენ ზარგანჯდილობა. თმათა და წუერთა ამფხურელმან, მსგავსად მათ აბესალომ ოქროთმოსნისათა, და ცრემლთა ნაკად დენითა ათასეულთა და ბევრეულთა მცემელმან მკერდსა, მკულელ უღონო ქმნილმან აღიკუეცნა თმანიცა თავისა მისისანი, სოფლისანი, და ესევეითარითა შემუსრვილითა გულითა აღისწრაფა შეყრა საყუარელისა და ტკბილისა დედისაგან უსამშობლო ქმნილისა, რომელსა ნათელი ცისკროვნება ჰაერისა მისისა სიმრუმედ გარდაქცეოდა. და ნაკადნი ცრემლთანი ოთხთავე თულთაგან, მოხუევესა შინა ურთიერთას, მსგავსად სამოთხისა მომცენარეობდეს სახედ გეონისა, ვინათგანცა ესრე იქმნა ქუეყანა ქართლისა, კუალ ნუგეშინის-მცემელი და შემატკობელი შვილისა საყუარელისა და სატურფოსა უმეტეს ზომისა იმედის მდებელ ექმნა ორკერძოვე სიყუარულისა მინიჭებითა და ვამისა უქმნელობითა. დააგდო ქართლი და მიჰმართა ჩაღმართ. ვითარცა წესი იყო, რა გარდაქდა უამი ამის ვამისა და მოსაწევრისა მოქცევისა, კულად იშუებდა მონადირე მათა და ბართა, ბრძანებითა მპყრობელი აღმოსავლეთისა და დასავლეთისა, ჩრდილოსა და სამხრისა. სძლუნობდეს და სძმობდეს მას მეფენი ბერძენთანი, იერუსალემს ალამანთანი, და პრომთანი, და ჰინდოთანი, და ხონელნი; და ეგრეთვე სულტანნი ხორასნისა, ბაბილოენისა, შამისა, ეგუბტისა და იკონიისანი ჰმონებდეს და შემდგომნი ამათნი სკუთნი, ხაზარნი, ალანნი ხუარაზმელნი და ხუარაზმშა, და ბერეთელნი, აბაშნი, არაბნი, მიდნი, ელამიტელნი და შუამდინარელნი, და ყოველნი ენანი და ნათესაენი მაშრიყით მადრიბანდენ.

ამას ესევეითარსა სისრულესა სოფლისა მონაგებთა და დი-



დებათასა ამა მოიწია ჟამი ევას წყევლისა და ადამის ცთომილთაგან დანასაჯი აბელ მართლიათ ვიდრე ზაქარიასა და სისა იოვანესამდის, აღმსარებელთა მართალთასა, ჯოჯოხეთად ტვირთვად სამოელ მკლველისა ჩუენისა და თვთ თავისა მკლველისა, ცით ცათთ უფსკრულად ქუესკენლსა შთასრულისა, ანგელოზობისა და ნათელმოსილობისა სიბნელედ ნყვისა და ეშმაკად გარდაქცეულისა, რომლისა კელთა შინა იპყრობოდეს მყუარებელნი და ყუარებულნი ღმრთისანი. ამისად ჳსნად მნებებელმან ღმერთმან კაცთა ცთომილთა კაცობრივითა სახითა იმოქმედა, არა ძლიერებისა მომძღაერებელმან, ვინათგან ოცდაათცამეტთა წელთა ქმნენ ნიშნი და სასწაულნი და იმეუფა ქუეყანასა ზედა მეუფემან და მექმემან ცისა და ქუეყანისამან. ამისად შემდგომად, თავისა მსხმელმან ცოდვათა და ცთომათა მედინისა ამის და ხრწნადისა სოფლისათამან, მიიღო სიკუდილიცა უკუდავმან, გარნა კორცთა ჩუენისაგან თბისა ჩუენისა, დაჳსნისათჳს ჩუენისა მიმხუმელმან. და ვინათგან ღმერთმან და ძემან, უწინარეს საუკუნოთა უკუდავმან, არცადა მისგან მოსილნი კორცნი უკუდავ ყვნა, სხუა რამცა ვსახე, სხუა რამცა გავისახე, რამცა ნუგეშინის-მცემელი სხუა რამცა, ოთხთა სტუქოთაგან დამპირვად სული სხეულსა შინა მსმენელმან ამისმან? თუმცა პირველ იგი მზე მზეთა და შარავანდი კელმწიფობისა, ახალი ნებროთ, ალექსანდრე და აქილევ, ქუეყანით ცად მიიშართა, და ამანცა მასვე მსგეფს მის ვნებისასა ავნო; ესრეთ «ვითარცა იგი ცათა შინა, ეგრეთვე ქუეყანასა ზედა»: ვინათგან მან კორცითა, სიგლახაკითა და სიმდაბლითა, წარვლნა ჟამნი ოცდაათცამეტისა მოქცევისანი, ხოლო ამან არა ესრეთ, გარნა ვითარცა სახელჩენელმან ღმრთისამან.

ესერა ესევეთარი საგოდი და მოსაწეგარი მოსაწეგართა, განსახეთქელი კლდეთა და განსაპობელი კართა საბლისა და საშინელგება შთამოსაცური მანანათა და ვარსკულავეთა, ესმა სამმნათობიერსა მეფეთ-მეფისაგან მეფედ ქმნულსა თამარს ქალაქსა შინა ტფილისსა, საჯდომსა მათსა ციხესა ისანს. ყოვლითურთ სამოთხის მსგავსი სამყოფი იქმნა მსგავს ჯოჯოხეთისა. და შუებათა წილ და სიმღერისა აჳკდეს კმანი ვაებისა და ტყეებისანი, და ნათელთა წილ მიუაჩრდილებელთა შეიშუსრნეს არსნი და საგონებელ-არსნი. და თამარი, პირი იგი ეთეროვანი, და უკიმირო ჰაერი, და უმრუმო ნათელი შეიზღუდა ბნელითა.

თმათა დამფხურელსა თამარსა უსწრობდა წყარო სისხლისა, წყაროსა ცრემლთასა. და წარსრულმან პატრიაქმან და დიდებულთა კმასაყოფელთა წარმოიყვანეს სამშულდით, მთხრობელთა საზაროთა და საშინელისა და მიუწდომელისა სათქმელისათა, და ამდგინა დედოფალი რუსუდან თანა გაზრდილითა მისითა, რომელთადა შემყრელნი იყვნეს. მომხუვეყლნი ურთიერთისანი და მოლტობილნი სისხლრეულითა ცრემლითა შევიდეს ტაძარსა სამეფოსა. ამხილველთა თუალთა მათთასა, მხილველთა საყდრისა ცამდი ამალღებულისათა ნათელმზე გაბაონიანისა და შუქის ჰალონიანისა საჯდომისა მარმენითა და სუეთაგან პოეს დაცლილად. მიმოიხილეს გარემოს და იხილეს მიქაელ პატრიაქი ყოველთა ებისკოპოზითურთ მდგომი, და ვაზირი ანტონი, და ამირსპასალარი ყუბასარ, და სხუანი კელისუფალნი: ყუთლუ-არსლან მეჭურჭლეთუხუცესი, ვარდან დადიანი ჩუხჩარხი, ქიაბერი მეჭინიბეთუხუცესი, აფრიდონ მსახურთუხუცესი, ივანე... და დიდებულნი, აზნაურნი, მონანი და მოყმენი, თანა პორფირი და გვრგვნი სკიპტრითა და საჭურველითა სუნად კმარებულისათა, და კუალად ამხილველთა იხილეს კედლები და ცა სრისა საესე მეომართა, რაზმები, სპეები, მონასპეები, ქალაქები და ციხეები აწყუფდილი და ოკერქმნილი. და თუთ იხილეს ტანითა გორგასლიანითა და მკლავითა აქილიანითა და პირითა მნათობიერითა კაცი იროად საგონებელი. რომლითაცა ენითა გამოთქჳან, ანუ რომელიცა შემოვიდა სახე უსახოსა მის დღისა? რანი გლოვანი, რანი ტყებანი, რანი ვაებანი, რანი სისხლრეულთა ცრემლთა ნაკადნი ათასკეცნი, რანი მოთქმანი და მოკსენებანი ადამისნი აბელის მართლისადმდე, დავითისნი იონათანისადმდე და იაკობისნი იოსებისადმდე.

ამას ესეგითარსა უნუგეშინის-ცემულობასა, უჭურო ქმნასა სხუაებისასა, შთაცმასა და დაფენასა ძაძისასა, კიდე ქმნასა ყოვლისა სანოვაგისასა — ესენი ესთამდის.

ხოლო ამიერთგან ვიწყო წყობად, ბრძოლად გონებისად მიზიდავმან, და მკუთებელმან მსგავსად ქვისა და რკინისამან აღმოვშობო ცეცხლი სიყუარულისა და ქებისა და სურვილისა, აღვატყინო და აღვამალო საკმილი ცამდინ, მუნ შიგან აღმოვაჩინო ეთერიცა ცეცხლისა და ქუეყანა ცეცხლთაგან მღეველი ურჩთა და ცეცხლებრ ღონე და მოკმარებული მეგობართა



და მოყუარეთა. თუ მაშინ ნაბუქოდონოსორ სამთა თანა ოთხებად იხილა ერთი სამეზისაგანი, აქა კელა თანა იხილვების ოთხებად თამარ, მისწორებული და აღმატებული.

ხოლო შემყრელთა შუდათვე ამის სამეფოსა მეტქუ-მეტყუთა ჰკადრეს და მოაქსენეს დედოფალსა რუსუდანს: „დღეს შენა სჩან მშობელთა ამათთა ნაცვლად, და ვინათგან ვხედავთ ყრმასა თამარს გონებითა არა ყრმებრივითა, არამედ მეცნიერითა, ცნობიერითა, გონიერითა და შუენიერითა, მომსგენელად და პატივის-მცემელად შენდა, ხუედრთაებრ ჩუელებითა, და უჩინოდ გხედვიდეს სახედ მშობელთა, არქუ მოქმელმან მბრძანებელმან და მომკსენებელმან შეცვალება ამის ესევეითარისა შეითისაგან და, სადა ძმასა თქუნესა და მამასა მათსა დაუსუამს ზეობასა და სიმკნესა შინა მათსა, მუნ კელ-ყოს განბრწყინვებად კელმწიფობასა და შარავანდედობასა ტომისგუარისა თქუნისა. უკუეთუმცა არა შემეცნებულ იყო სისრულესა და პყრობასა ულუმპიანობისა და, ზეშთა სთქუათ, ამთავრებისასა მანიაკი იგი გვრგვნი მეფობისა, არმცა მრწმუნებელ ქმნილ იყო საყდარსა დავითისსა და ბეჭედსა სოლომონისსა. აწ ვინათგან მან კელ-ყოს კელითა მეფობასა და კურთხევითა გვრგვნოსან ყოფად აღვიდეს, და ამალდეს და დაჯდეს საყდარსა თუსთა მამათასა აღპყრობითა და აღძლუანებითა ძელისა ცხოვრებისათა და კურთხევითა მეღქიზედექისათა, რომელი ყო აბრამის მიმართ, და მან დაიპყრნეს კიდენი ქუეყანისანი და მეფობდეს იგი ზღვთი ზღუადმდე“.

ამისმან მსმენელმან, მომწონებელმან და მაჯერებელმან დედოფალმან უბრძანა და მოაქსენა თამარსა, მეფესა და დედოფალსა და მორჩილებდა პირველსავე ბრძანებასა აწ კადრებულსა დიდებულთა შუდათვე სამეფოთასა და მსმენელი ჰაჯისა, ძალითა სამე დამორჩილ იქმნა.

აღმყვანელთა საყდართა და საჯდომთა მამაპაველთა აღსუეს მზე იგი მზეთა და ნათელი ნათელთა, ელვარება და მზეებრ მაშუქებელი სხუათა. და მოიღეს გვრგვნი, და აღიღეს კმა მგალობელთა და ძლევიტ გვრგვნოსნობისა და მძლედ მფლობელობისა, და მოაქსენეს მთასა ზეთისხილთასა ჟუარი გამოჩენილი კოსტანტინესთუს. და ამას ესევეითარსა შესხმასა და გალობასა შინა, ვინათგან ლიხთიმერითგან იყო წესი დადგმად

გვრგვინსა თავსა სამეფოსა, აწვეს მონაზონი ღირსი და მადლ-
შემოს-ლი, მთავარეპისკოპოსი ქუთათელი ანტონი საღირს-
ძე, მოღებად გვრგვინსა, და ცალკერძ კახაბერი, ერისთავი რა-
ჭისა და თაკურისა, და სრულ-ყვეს მოკვლეთა სვანთა და დი-
დებულთა ვარდანის ძეთა, საღირის ძეთა და ამანელის ძეთა
მოღება და დადება კრმლისა. ამას შინა ჰკრეს სპერმურთა,
ხუკთა, ქოსთა და წინწილთა, და იყო ზარი და ზაჰმი ქალაქსა
შინა, სიხარული და შუება და იმედი უიმედო ქმნილთა. თაყუ-
ანი-სცეს, დალოცეს და აღიდეს სპათა შუდისავე სამეფოსათა.
და დაიპყრა ჟამიერად თუთოეულმან თუსი ადგილი. თამარ
შუდმნათობიერი იდიდა მისგან, რომელმან წამოაჩინნა და აღ-
მოაჩინნა ექუსთა შინა დღეთა ყოველნი არს-საჩენნი და გან-
სუენებად სცა მეშუდესა.

ესე თამარ არს, რომლისათუს თქუა განსუენებად სულსა
შინა მშუდსა და წრფელსა და მოქადულ იქმნა მოქმედი აღზ-
რდილისა აღთბებისა. აწ მხილველმან იხილა და იყო ნათელი
უმეტეს ნათლისა მის პირველისა, «და იყო კეთილი და უწოდა
ნათელსა მას დღე», ამას უწოდა ნათელი ულუმბიანთა შორის
დიდსუეობისა და ამან, განმზადებელმან სიბრძნისა შუდთა
სუეტთამან, აღაშენა მათ ზედა ტაძარი და სადგური შუდთა
მადლთა შუდთავე სამპყრობელოთა განმანათლებელად. და
შუდგზის დღესა შინა მაღიდებელმან ღმრთისამან შუდწილ გან-
წმენდილ ყვნა სიტყუანი სახედ მოაზადისა და მეფისა, ვითარ
იტყუს რომელსამე ესაია და რომელსამე დავით. «და პატივის-
მცემელი შუდთა უფროსლა ნაწილ-ჰყოფს და მერვისა მის-
თუს», სიტყუსაებრ სოლომონისსა, განმაბრწყინებელი შუდ
არვედ ერთად; კულად შუდცა და სამეოცდაათ შუდცა ყვის
შუდელსა თუთოეულსა შინა შემნდობლობა ბრალეულთა. და
შუდთა მათ სარტყელთა ცისათა და მნათეთა სფეროსთა, რო-
მელ არიან: კრონოს, ზევს და აფროდიტე, ერმი, აპოლონ და
არეა — ამათ შეასახა სფერო მიწიერი ხუთთა მათ საგრძნოს-
ცნობათათა შუდმყოფელად თანადართვითა სულისა და გონე-
ბისათა, და ოდესმე რომელიმე აღებაძვის ზენასა მნათსა ქუ-
ენა მნათი, გინათუ შუენებითა უცხოთა და უსახოთა, გინათუ
სიბრძნის-მპყრობელობითა, გინათუ მხეებრ უხუებითა და
შომფენობითა მართალთა ზედა და ცოდვილთა ზედა, გი-
ნათუ მძლეველობითა სძლევდა საჭიროთა მიმართ.

ამათ და ესევეთართა მნათთა და ზოღთა თუ ვინ ემბეწეს, თუსთა ძალთა ზუთებთისა აღაორძინებს თაიამასაკისასა უპეტესად უმეტეს, გარდაითავისა მონაბერმას ზეხათა სუეთამას აულუსტიანმან, ვითარცა სამოთხე, დასხპული კელითა დმართისათა და სულნელეზითა მით მადედლებელითა საყნოსელთათა. და შეკრიბნიან შორის მისსა ძღუენნი გონებათანი და სულთანნი, გრძნობათანი და ნერგოვნებათანი; და გონება ღმერთუქმნია და სული მხედ მხედავისა არსთასა, და მუნ შინა ჰგიეს, ულიქნავი სატანას და გულისა მიერ. აჰა იხილვებისცა, ვითარ სოლინარი, მცენსა თანა მედინთა ნაკადისათა, და ვითარ პითოდორა და კრიტია შენებულთა ხედვათაგან განსაცადნი. და კელ-ყო ქაიხოსროს მსგავსმან კელმწიფემან წყალობად და შეწყალებად, განცემად და მინებებად. განკსნილითა მით თუალითა განკსნა საჭურჭლენი მონაგებნი ჰაპთა და მამათა მისთანი. პირველ ესეოდენი ნაწილი დაუღვა პირველსა მას და კუალადსა და პირველსა მის ზეცისათუს და კუალადისა ქუეყანისა ჩუენისათუს, რომლისა მცნებანი იპურნა, მადლისა და განურყუნელისა, განრყუნად შეუხებელსა ადგილსა დამდებელმან; და ესეოდენისა დღეინდლადმდე წარმომდგინებელ იქმნა დარსა წარგებად მშობელთამდე, რომლისა რიცხუ ურიცხუ არს და ჰამარი უჰამრავი. და იკსნა მოვალენი ვალთაგან, და მისცა ობოლთა ღონე და ქურივთა კელმწიფობა ქორწინებად, და ღონიერ ყვნა გლახაკნი და მდიდარ ღონიერნი. და თვთ დედოფალი რუსუდან სწორად აღსარებულ იყო, თვთ მისთუს და გაზრდილისა მისისათუს, მიცემითა ქალაქთაცა, კევთა, სოფელთაცა სამსჭუალთათა.

ამას ესევეთარსა შინა დაწყებასა წყალობისასა იმიერთა და ამიერთა, ზემოთა და ქუემოთა შუდთავე თემთასა იწყეს რომელთამე ძუელებრი კაცთა დაუდგრომელობისა შემსგავსებული საქმე, და დიდებულთა ვიეთმე კელისუფალთა ყვეს ფიცი ესრეთ, ვითარმედ: „აღარ ვეგებით ძუელთა კელისუფალთა და გამგებელთა საქმისათა ფარმანსა ქუეშე მყოფნი, ვინათგან მათგან დაძრკვილნი და უნატოდ გაძუელნი ვართ, და გუარიანნი და მსახურეულნი სახლნი უპატიოდ და უსახელოდ გასრულ ვართ უგუართა და უკმართაგან“.

დადაცათუ ერთგული და კარგი მოყმე და ჰაბუკი იყო ყუბასარ, გაზრდილი პატრონთაგან, და იყო ამირსპასალარი და



მანდატურთუხუცესი, გარნა სენისა მიერ ფილენჯად წოდებულ-
ლისა მოღებოდა ენა, კელი და ფერჯი. და აწვეს მეფესა თა-
მარს მოღებად ყოვლისა დიდებულისა ქონებისა და სიმდიდრი-
სა, გარნა უქმ იქმნა განზრახვა მათი, ვინათგან თამარი სახიერ
იყო და მოწყალე, მოივსენა სიყუარული, სამსახური და ზრდი-
ლობა მისი, თუნიერ კელისუფლობისა და ლორისაგან კიდევ
არარა დააკლო, და ეგრეცა სიყუარულითა დიდითა და პატი-
ვითა დაიჭირა დღემდი მიცვალებისა.

კუალად აფრიდონ, აზნაურისა ყმობისაგან ღმრთის მობა-
ძაობითა კაცქმნილი, მიიწია მსახურთუხუცესობამდის, თმოგ-
ვსა და სხუათა ციხეთა და ქუეყანათა პატრონობამდის აღზე-
ვებული, მოიშალა და დაიმჯო ნებითა და თნევეითა ლაშქართათა
და ბრძოლამყოფთა კელისუფლობისა და დიდებისათჳს ურ-
თიერთს დაუწყეს ზიდვა.

და ესეცა უცხო მოსაგონებელი: ყუთლუ-არსლან, ცხენისა
და ჯორის სახედ არა გულისხმის-მყოფელმან, ვითარ მისცემს
ნიჭთა გონებისა მზაკუარება, მომღებელმან წესსა რასამე
სპარსთა განაგისსა, ითხოვა კარავი დადგმად ველსა ისანისასა
და სანახებსა სალოდებლისასა და თქუა: „დასხდომილნი მუნ
შიგა, განმგებელნი მიცემისა და მოღებისა, წყალობისა და შე-
რისხვისანი, ვჰკადრებდეთ და ვაცნობებდეთ თამარს, მეფესა
და დედოფალსა; მაშინდა სრულ იქმნებოდეს განგებული ჩუ-
ენი“.

ესე ვიეთ საწყენელ იყო, დასასრულისა კელმწიფობისა პატ-
რონისა მიმცემელი, ესრეთ იწყინა, და გაიკვრვა, და გაიგონა
უკლებელმან გონებითა და საუნჯემან სიბრძნისამან. და მოი-
ლონა კელით გდება თავისა მის მოქმედთასა და, თანამზრახ-
ველ მყოფელმან ერთგულთა და საკუთართა მისთამან, შეიპყ-
რა ყუთლუ-არსლან, მეჭურჭლეთუხუცესი და აწ თავისა თჳსი-
სა ამირსპასალარად და სომხითს სომეხთა მეფისა ადგილსა
ლორეს დაჯდომად განმზადებული.

და ვითარცა ცნეს ესე ლაშქართა თანაშეფიცულთა და თა-
ნაშემწეთა მისისა მის გზადგამყუელობისა და უკეთურებისა-
თა, შეიყარნეს და უკუადგეს თამარს, დაადგინეს ახალი სიმ-
ტიციე ყუთლუ-არსლანის გამუებულობისა და არა მიშუებისა
ვნებად მისსა მეტყუელნი, განემზადნეს ისანისაცა შემობმად.
გარნა ვინათგან კელი საუფლო და მკლავი მაღალი შემწე და



თანამბრძოლ ექმნებოდა მბრძოლთა მათ მისთა, და მის
 ამღებელი ქურისა და ფარისა ეკუთვებოდა დამკობად
 აღმდგომთა მისთა; ცუდ სამე იქმნა განზრახვა მათი, ვითარ
 განზრახვა აბიათარ მღდელისა და იოაბ სპასპეტისა, რომელნი
 ეთანებოდეს აღონიას, ძმასა სოლომონისსა; და ამას შინა თა-
 მარ, წარმგზავნელმან ორთა საპატიოთა დიოფალთამან, რომელი
 იყო ერთი ხუაშაქი ცოქალი, დედა ქართლისა ერისთავთ-
 ერისთავისა რატისი, და ერთი კრავაი ჯაყელი, დედა აწ მყოფ-
 თა სამძივართა, უბრძანა ფიცით მონდობა და სხუსა არავისი
 ბრალობა. და მოჰყვეს დიდებულნი ბრძანებასა პატრონისასა
 და წინაშე მოსრულთა დავრდომით თაყუანი-სცეს, აღიღეს
 ფიცი პატრონისაგან და მისცეს მათ პირი ერთგულობისა და
 ნებისყოფლობისა მათისა.

კუალად დაჯდა ცხებული ღმრთისა თამარ მეფე საყდართა
 მათ ცამდი აღმართულთა შუენებითა მით აფროდიტიანითა
 და სიუხუთა მით მწიგნობრითა აპოლონიანითა, სატრფო საქურე-
 ტი დაბნედამდის და გაჭრამდის ყოველთა გამცდელ-მხედთა
 და შეპყრობამდის წყალ-ჯავართა მით უმსგავსოთა სახითა
 მით ღმრთივექმნულითა. იურვის და იურვოდა ურვაქმნისათჳს
 ყოველთა შეურვებულთათჳს.

პირველად გარდაცვალებასა და გამორჩევასა შინა ორთა—
 ვაზირთა და სპასპეტთასა, თანადგომითა და ერთნებობითა
 ბრძანა დამტკიცებად ჭყონდიდლად და მწიგნობართუხუცესად
 და ვაზირად ანტონი, გაზრდილივე მამისა მათისა, ბრძენი და
 გონიერი, პატრონთათჳს სვანი და ერთგული და შემეცნებელი
 საურავთა და განაჩინა ამირსპასალარად სარგის მკარგრძელი,
 კაცი გუარიანი და აღზრდილი ლაშქრობათა შინა და ქაბუკო-
 ბათა, და უბოძა ლორე სათავადო და სამთავრო სომხითსა ში-
 ნა, და წყალობა-ყო ძისაცა მისისა ზაქარის დალოცვითა, და
 ითაყუანა დარბაზის ყმად უმცროსი შვილი მისი ივანე. და გა-
 ნაჩინა და უბოძა ჭიაბერსა მანდატურთუხუცესობა, და მისცა
 არგანი ოქროსა ჯელთა მისთა, და შთააცუეს ტანსა მისსა სკა-
 რამანგი. და დასუეს სეღებითა ოქროვედილითა რომელნიმე
 მარჯუენით მისსა და რომელნიმე მარცხენით, და კუალად
 უბოძა მეჭურჭლეთუხუცესობა დიდსა და გუარიანსა კაცსა
 კახაბერს ვარდანის ძესა, და მსახურთუხუცესობა ვარდანს და-
 დიანსა, ჩუხჩარებობა მარუშინსა, ძეს ჩუხჩარებისასა, ვინაცა

მათ ორთავე მამანი მომკოცონებულ იყვნეს, და დასდვა მამის
 ბატივი მათისა და დასხპა სასთაულითა. და უბოძა ამირახო-
 რობა გამრეკელსა თორელსა, რომელი ამირსპასალარცა იქმნა
 შემდგომად სარგის მკარგრძელისა.

1 და ერისთავნი მის ქაშისანი ესენი იყვნეს: ბარამ ვარდანის
 ძე — ს უ ა ნ თ ა ერისთავი; კახაბერი კახაბერის ძე — რ ა ჭ ი ა
 ს ა და თ ა კ უ ე რ ი ს ერისთავად; და აფხაზთა ერისთავად
 თათლო შარვაშისძე; ც ხ უ მ ი ს ერისთავად ამანელის ძე; და
 ო დ ი შ ი ს ერისთავად ბედანი. ლიხთამერი: ქ ა რ თ ლ ი ს
 ერისთავად — რ ა ტ ი ს უ რ ა მ ე ლ ი; და კ ა ხ ე თ ი ს ერისთავად —
 ბაკურყმა ძაგანის ძე; და ჰ ე რ ე თ ი ს ერისთავად — გრიგო-
 ლის ძე ასათ, რომელმან მისტაცა მძლავრობით და მორევით
 საღირს კოლონკელიძის ძესა და მცირედ-ქამ ქონებასა შინა
 იაჯა არიშოანის აღვილსა დაჯდომა სასთაულითა, და ველთ-
 უდვა შვილსა მისსა გრიგოლს ჰერეთის ერისთავობა; და ს ა მ-
 ც ხ ი ს ერისთავად და სპასალარად აჩინეს ბოცო ჯაყელი და
 სხუანი ველისუფალნი, ტაძრისა და საყდრისა სამეუფოსა წი-
 ნაშე მდგომელნი, განაჩინეს წესისაებრ სახლისა.

ამას შინა აღავსნა ეპისკოპოსნი და საყდარნი შესაწირავი-
 თა, თავისუფალ ყვნა ეკლესიანი ხარაჯისა და ბეგარისაგან;
 გააზნაურდეს ქუეყანისა მოქმედნი, და გადიდებულდეს აზნა-
 ურნი, და გაველმწიფდეს დიდებულნი მეფობასა შინა ამისსა,
 რომელ აწ ჩანს დაწერასა შინა ამისსა.

ათორმეტთა მოქცევთა ქაშთა თამარ სამგზის სანატრელი,
 რომელმან სიმშუდითა დავითიანითა, სიბრძნითა სოლომონი-
 ანითა, სიმკნითა და საურაეთა დღესისთა ხვალისა არ-მიგდები-
 თა აღექსანდრიანითა, იპყრნა ზღუთ პონტოსით ზღუადმდე
 გურგანისად და სპერიტგან დარუბანდამდის და ყოველნი კავ-
 კასიისა იმერნი და ამერნი ხაზარეთამდის და სკუთამდის, მიმ-
 ხუმელ იქმნა ცხრათა ნეტარებათა, რომელმან ესევეთარი იჯუ-
 მია სიბრძნე და ფრიადებამ ცნობიერებისა და სიმშუდე გო-
 ნებისაჲ, ვიდრემდის ამას განგებასა ათორმეტსა წელიწადსა
 შინა არცა თუ ტაჯგანაგი უბრძანა ვის სადმე კრვად. კიდემქო-
 ნებელი ყოვლისა მესისხლეობისა და მბნელობლობისა და
 სსოთა მიღებისა, ნებააღმსრულებელი, შიშისა და ზარისა დამ-
 დებელი, მშუდი და მშუდობის მყოფელი იშუებს და სუფევს
 სამეუფოთა და სამფლობელოთა შინა მისთა, რომელი არა სა-

და ვის უხილავს, თვნიერ ამისსა, ესევითარსა კაცისა ჯგერობასა შინა უვნებელად და მშუდობით დაჭირვა და მოწურთა კაცთა ქედფიცხელობისა და გონებაურჩებისა.

ხოლო სხუანი ზენნი: გამმარჯუებლობანი, აღვლანი საზღვართა მიმართ, მამადლობანი მამათა და ტომთა მისთანი, ოდესმე რაინდობანი და მკვრცხლმოქმედობანი და მკედრობანი მკედართანი, იროელად საგონებლობანი, ოდესმე ნარნარად და წყნარ-მშუდად მებასუხოზანი, თუ რანი და რაოდენ იქმნეს, წინამდებარისაგან ეუწყენ მსმენელთა რათა სრულ იქმნას წყალობა და წადილი პატრონისა ტკბილისა და სახიერისა ლაშქართა და სპათა მისთა ზედა, შეიყარნეს შემპირნენი და ზრახვა ყვეს ძებნა წაღმართისა და მოყვანა ქმრისა, რომლისათვის ჯამდა თუმცა ყოფილიყო ჟამი გმირთა და გოლიათთა ყოფისა, ანუშე გარეშედ წოდებულთა ელინთა სისხლისა დათხევისა, ანუშე გაჭრანი მიჯნურთა ცოფ-ქმნილთანი: ვითარ თამთა თუმიანისთვის, ვითარ ამირან ზორაშნისათვის, ვითარ ხოსრო-შანშა ბანუისთვის, ვითარ მზეჭაბუკ მზისათვის ხაზართასა, ვითარ იაკობ რაქელისთვის და იოსებ ასანეთისთვის, დავით ბერსაბესთვის და აბისაქისთვის, ვითარ ბელოში მენედ მბრძოლი იპოდამისთვის, ონომაოს ასულისა, ვითარ ბლუტონ პერსეფონისთვის, ვითარ რამინ ვისისთვის, ვითარ ფრიდონ შაპრინოს-არნავაზისთვის, ვითარ შადბერ აინლიეთისთვის.

და უჩნდა საჯამსოდ, თუმცა გამოჩენილ იყვნეს ვინმე ანუ გმირნი სახენი გმირთანი, ანუ მამანი სახენი მამამთავართა შუენიერთა და კეთილად მბრძოლთანი, ანუ მსგავსნი გარეშეთანი, სისხლდამთხეველნი შეყუარებულთათვის, ანუ მიჯნურნი ლომნი და მზენი, მკეცებრ გაჭრილნი ამის მზისა და უმეტეს მზისა და თვთ მათ მითბრობილთა მზედ და მნათობლად საგონებელთა უბრწყინვალესისა და უნათლესისათვის.

გარნა ვინათგან ცუდ საგონებელ იქმნა და აღარ დაეხადა დმერთსა სწორი ამისი, არცა მგონიეს თუ დაბადებად არს, გამოგოდა ვინმე ჩუენდა მეტყუელი, მკვდრთა ტფილისისათა შინა თავადი და მეფეთ-მეფისაგან წყალობაჯელდასხმული და ამირა ქართლისა და ტფილისისა, სახელით აბულასან, და მეტყუელმან თქუა: „მე ვიცი ზვილი კელმწიფისა ანდრია დიდისა რუსთ მთავრისა, რომელსა მონებენ სამასნი მთავარნი რუსთანი. და იგი, მცირე დარჩომილი მამისაგან, ექსორიაქმნით დევ-

ნული გარდამოიხუეწა ბიძისა, სავალათად სახელწოდებულნი
საგან. და არს იგი ყოვჩაყთა მეფისა სევენიჯისა ქალაქსა“.

მაშინ მომსმენართა მისთა უკმეს ერთი მკვდრთაგანი დიდ-
ვაჭარი ზანქელ ზორაბაბელ. მსწრაფლ მისრულმან ცვალებითა
ქუნეთათა წარმოიყვანა და მოიყვანა უწინარე პაემნითა მოყმე
სახეკეკლუცი, სრული ანაგებითა და კჭურეტთაგან საჩხეი გუ-
არისშვილად. ამისთა მნახველთა და გამცდელთა — პატრიო-
ქმან, დიდებულმან, ვაზირთა და სპათა მოაქსენეს თამარს, და
მათგან ნებადაურთავი განმზადეს ქორწილი. რამეთუ თამარ
ქეშმარიტი იყო და მტკიცე სჯულთა ზედა, და ვიეთნიმე და-
ლონებულობით აწუევედეს ალექსის მოყვანასა ქმრად, რომელი
ახლოს სთვსობდა და მამულად მამისძმისწული იყო ბერძენ-
თა მეფისა, ესე მას უამსა აქა მყოფ-იყო, და შიშითა ამისის
ქმნისათა ყოვლად უწადინელმან ქორწინებისამან იაჯა კსნა
ქმროსნობისაგან. ხოლო არა მშუებელმან დედოფალმან და
სპათა აიძულეს ქმნად, და ვითარ იყო ხუედრი და რიგი
ულუმბიანობისა და შარავანდედობისა მათისა, ეგრეთ იქმნა
ქორწილი სახედაუდებელი და იგავმიუწდომელი; სიმრავლენი
სახეობათანი, ძლუნობანი და ნიჭებანი თუალთა და მარგალიტ-
თანი, ოქროტყედილთა და უკედელთანი, სიმდიდრეთა და ლარ-
თა კერულთა და უკერელთანი, მსგეფსამდი სიხარული, შუეგა,
ძლუნობანი, გაცემანი.

ხოლო მე ესეცა გაუწყო საბრალო და საძნაური საქმე: რა-
მეთუ მოსრულ იყვნეს ოვსთა მეფეთა შვილნი, შუენიერნი და
სახეკეთილნი მოყმენი, მოპაჯენი და მთხოველნი, ღირსნი და
მონღობილნი ჰაბუკობისანი, ვითარ: „ღირს რამცა ვიყავით მო-
წონებად და მიხდომად ბედსა ამას საზესთოსა!“ და ვინაცა
უქმ იქმნა განზრახვა მათი, წარსრულთა თვსად მამულად ერთ-
სა მათგანსა შეემთხვა მოუთმენელი სურვილი და სიყუარული
თამარისი, რომლისათვს ვერ გამძლე, მივრდომილი საგებლად
ბნედასა შინა, მიიწია აღსასრულად ნიქოზს საყდარსა შინა
წმიდისა ზაქედენისსა, რომელი მუნვე დაკრძალეს.

ამისდა შემდგომად კელ-ყვეს გალაშქრებად და გავიდა
ტფილისით მეფე რუსთა და უფროსდა აფხაზთა, და ააბეს
დროშა სვანი და კმარებული და წარიძლუანეს ძელი ცხოვრე-
ბისა, მცველი და მფარველი მეფეთა სკიპტრისა. პირველ
ილაშქრეს ქუეყანასა კარისა და კარნიფორისასა, და მოარბიეს

ვიდრე ბასიანამდის. და გამარჯუებულნი და აღვსებულნი მოიქცეს და მოვიდეს წინაშე პატრონსა მას ღმრთივგანათლებულსა, და აღივსნეს სიყუარულითა და სიხარულითა.

ამისგან უწინ მოვიდეს ლაშქარნი არანისა და გელაქუნისა თურქთანი ქუეყანასა პალაკაციოს და ძალოსიკევად წოდებულსა და მომრბეველთა ზედა გამრეკელი კახას ძე მიუტდა; და სვსაგან თამარ უძღველისა მცირეთაგან დიდნი იქლივნეს, გააქცივნეს, ამოსწყვდნეს და მოიღეს არმაღანი წინაშე თუმბყრობელისა.

და მასვე ჟამსა მოვიდეს კარნუქალაქელნი, შამელნი და თურქნი გარმიანისანი, ცხენოსანნი და ქუეითნი, და აღივსო შვეშეთისა და კლარჯეთისა ქუეყანა. აქათ შეიყარნეს გუზან აბულასანის ძე ტაოელი და მის ქუეყანისა ლაშქარნი, და ბოცო და ვინცაღა იახლა, მიესწრნეს მესხნი და მარბიელ გაშუებულთა შეებნეს მუნვე. ბედმან და სუემან თამარისმან სძლია, გააქცივნეს მუნცა და დავოცნეს. და მუნითცა მოიღეს ურიცხვ კაცი და ცხენი წინაშე მეფისა ღმრთივგვრგვონისისა და დღითიდღე აღმატებულისა და წარმართებულისა. ამას შინა იხარებდეს, იშუებდეს, ნადირობდეს, მხიარულობდეს.

ამისდა შემდგომად წარვიდეს მკარგრძელნი, ძენი სარგისისნი და ვარამისნი, მოყმენი პირწალმართნი, უხუცესნი ზაქარია და ზაქარია დალოცვილნი, ივანე და სარგის დაულოცველნი, და ილაშქრეს ქუეყანასა დვინისასა. და გამარჯუებულთა და ალაფაღებულთა მოეწივნეს ლაშქარნი დვინელნი. და კმა იყო ლომისა სიფიცხედ, ვინაცა ბოლოდ გააქცივნეს. და გამარჯუებულნი და აღვსებულნი და სახელოვანნი მოვიდეს წინაშე მეფეთა. და მათ წყალობის მყოფელთა გარდაიკადეს მადლი.

შემდგომად ამისა გამოსლვასა ხანისასა ლაშქრობდეს ქუმონი ქუმოთ, და ზემონი ზემოთ, და შუანი შუათ, და ყოველგან ძღვევაშემოსით და გამარჯუებით.

და კუალად მეფემან, შემყრელმან სპათამან ბრძანებითა თამარისითა, მიმართა დვინად. მოაოკრა ქუეყანა პართთა, და წარმომღებელი და გამომღებელი ქალაქისა და მას შინა მყოფთა საუნჯეთა და ტყუეთა მოვიდა თამარს სუე-სრულსა და ნათელ-ბრწყინვალესა წინაშე, რომლისა თუალი უღამო და დღე უუკუნო, და საწადელ და საშუებელ სულისა და ჯორც-



თა. ამას შინა ოდესმე მოისვენინან ლაშქრობათაგან, და მშუ-
გებლნი გარდავიდინ იმერთა ქუეყანათა წესისაებრ, და ჟამსა
ოდესმე ჩავიდიან შარვანისა ზღვრამდე, და მოვიდის შარვან-
შა დიდითა ნიქითა და ძღუენითა, და, ერთგან მომნადირებელ-
ნი მინდორთანნი და მხიარულნი, კუალად განიყარნიან და
უბოძის საბოძუართა სიმრავლე და წარგზავნის პატივითა ძმებ-
რივითა, და მონებდა და მსახურებდა იგი მონებითა ყმებრი-
ვითა.

შემდგომად ამისსა შეიყარა დიდძალითა ლაშქრითა და მი-
მართა გელაქუნად, რომელი ძნელ იყო შესამართებლად ზღვს
ქუშასახეობითა თურქმანათა; დაესხნეს, ამოსწყუდეს და აღი-
დეს დიდძალი ნატყუენავი და იავარი. გამომართულთა მოეწია
ყოველი თურქმანობა გელაქუნისა, წინაძღომითა შამელთა
დიდებულთა როსტომ და იალღუზ-აღფენითა, რომელნი მას
შინა დაემჭირნეს ყიზილ-არსლან ათაბაგსა და ვითარ წყობა და
რაზმი ერთმანერთს განეწყვნეს, იმათებურეს მოყმეთა თამა-
რისთა და უსწრობდა ბერი ყრმასა და ყრმა ბერსა, პატრონი
ყმასა და ყმა პატრონსა: გააქცივნეს, და ამოსწყუდნეს და და-
კოცნეს და მოვიდეს თვსადვე სამეფოდ წინაშე მეფისა და
დედოფლისა ყოვლისა აღმოსავლეთისა და დასავლისა, ჩრდი-
ლოეთისა და სამხრეთისა.

შემდგომად ამისსა წუევითა ასათ გრიგოლის ძისათა დიდი
და სასახელო ილაშქრეს განძას ქუემოთ ბელაყნამდის, შემ-
დგომად ზემო კერძო რაჯისსა პირი მასისამდე. მუნცა დიდთა
ლაშქართა მოწევასა შინა ისახელეს თავი ბუმბერაზთა ამის
სამეფოსათა, თვთ მეფისა მჭურეტელობასა შინა, ვარდან და-
დიანმან მსახურთუხუცესმან, ოთხთავე მკარგრძელთა და სხუ-
ათა დიდებულთა და აზნაურთა დიდი დაჭირებული ომი გარ-
დაიკადეს და გააქცივნეს და შემოიქცეს მუნითცა გამარჯუე-
ბულნი და აღვსენულნი სიხარულითა.

ამას ესევეითარსა მშუდობასა, მარჯუებასა და ზეობასა შემო-
ვიდა უცხო რამე და უმსგავსი საქმე, შეუმსგავსებელი და და-
უჭერებელი კაცთა გონებისაგან. შევიდა სატანა გულსა სუფ-
უბედურისა რუსისასა, სკუთ-რამე სახელდებულისა, და სიტყვთ
აღიძრა წყენად თამარისა, ჯელმწიფეთა მზისა და მეფეთა ელ-
ვა-ცისკროვნებისა, და იუდა მყოფელმან თავისა მისისამაშ
აღარ იცოდა რამცა ექმნა. ძლეული და ტაძარქმნილი შვდთა



სულთა უბოროტესთა პირველისათა სოდომურიცა მოძრაობისა
ქცევა დაქცევითა დაქცეულმან და წარწყმედითა წარწყმე-
დულმან. ამას ესევეთარისა უცხოთა და ურიგოსა საქმისა შე-
მოსლვასა შინა ითმენდა თამარ წყნარი და ნარნარი, ცნობიერი
და გონიერი, და ორ წლამდის გინა უმეტეს იყო განსაცდელი-
სა უცხოთა თმენასა შინა.

და ვითარცა უგრძნეს ესე ვაზირთა და დიდებულთა, გან-
კვრევებულთა ერთვმა ყვეს მცნობელთა ამისთა, ვითარმედ ესე
მისგე ძუელისა მტერისა არს, რომელმან მოაკულებინა ძმასა
ძმა და მამასა შვილი და ექსორიაქმნა პირველი იგი კაცი სა-
მოთხით, ვითარ ესე აწ ხილულისა ამის სამოთხისა და უბრ-
წყინვალესისა ედემისადა შეუმზადებია ექსორიაქმნა, რამეთუ
მისგე ძუელისა ხაკან სკვთისა შემსგავსებულად მოსდგომია აქა-
ცა. მუნ თუ იგი მოადგა დედოფალსა ქალაქთასა, აქა ესე დე-
დოფალსა დედოფალთასა და მეფესა მეფეთასა. ბოლოდ რაღა
თუნერ ამისსა ვერღარა მინდობილთა უღონო ქმნილისა მის
ეშმათა ბომონისა კელყვეს ცრემლმდინარეობისა შინა თამა-
რისსა ჯერცა მოწყალისა და გაურისხებელისასა, და წარიყვა-
ნეს ექსორიაქმნად, გარნა აურაცხელითა ლართა, სიმდიდრი-
თა და საკუთრებითა, ვინათგან რომელი სიკუდილსა ემართლე-
ბოდა და არავის მისცა სასიკუდინოდ, იგივე სიუხუთა მზეებ-
რითა არავის მიეშუა გაძრცუასა, და ვინაცა ჩასმული ნავითა
ზღუად მიიწია კოსტანტინეპოლედ, და იყოფოდა ქამთა რაო-
დენთამე მუნ.

ამისსა შემდგომად უფროს და უფროს, უკეთ და უკეთ
მთავრობასა და კელმწიფებასა ათქმევს ყოველსა მწირსა კე-
ლი საუფლო და მკლავი მაღალი, თანაშემწე და თანამძლე
ბრძოლათა შინა, და არა მსგავსებულნი ბედი და სუე პაპთა და
მამათა მისთა, ნუჟუჟე არცა ბედისა ოდენ მინდობილთა წარ-
მართათა.

რამეთუ ამას სძლუნობდეს ყოველნი მეფენი აღმოსავლით
დასავლეთამდი, ამისთვის ხელდებიან ყოველნი მსმენნი ესრეთ
სახებრწყინვალეობისა მისისანი. რამეთუ ბერძენთა მეფისა
მანოელისა შვილი უხუცესი იყო გაჭრითა და გახელებით, არა-
თუმცა ანდრონიკეს, ქამსა მის მეფობისასა და მისგან ბერძენ-
თა ამოწყუდისასა, შეეპყრა და განებატიყა იგი მოყმე პოლი-
კარპოს, მსგავსი ასურასტანისა და შუამდინარისა ანტიოქე,

ლისა მეფისა შვილი იყო: უკუეთუმცა ჰქონებოდა გზა
ელგუართა ბარბაროსთა შუაყოფისაგან, წამსაცა შინა აქა
პოვნილ იყო. კუალად სულტნისა ყიზილ-არსლანის შვილთა-
განი ერთი, ამბვისა სმენითა ხელქმნილი, ძალითა-სამე დაიმ-
ჭირა მამამან სჯულისა დაგდებისა შიშითა.

ხოლო ახლო მყოფთა ესევეთარი აქუნდა ტრფიალი, რომელ
არცა უღირსთა უღირსობისა აქუნდა კდემარცხუნა, არცაღა
თვსთა თვსობისა გავლენა. ვინაცა სახედ მზისა შარავანდნი
ცისაგან იშუქებდეს მიწიერთა საჭურეტლად, ეგრეთვე ქუე-
ყანისაგან თამარის კელმწიფობისა შარავანდთა ნათელთა
ბრწყინვალეზანი ეფინებიან იატაკსა ამას ზედა ცნასა.

მცნობელმან ამისმან სალდუხის ძისძემან, სახელით მუ-
ტაფრადინმან, აღარ დამხედმან მშობელთა არნებობისამან და
დამგდებელმან მუჰამედისამან, სჯულისა ტკბილისამან, რო-
მელმან მოზიდვითა კაცთათა უმოძღურა კაცთა საწუთო ესე
ნებასა ზედა თვსსა, სურვილითა და სმენა სატურფოთა სახე-
თაგან ძლეული მოვიდა წინაშე თვთმფლობელისა, ყოველთა
მეფეთა უზესთაესისა ამის თამარისა სამფლობელოთ თვსით
დიდითა ლაშქრითა, მრავლითა დიდებულითა, ზოჯაებითა და
საჭურისითა, მონებითა და მკეველითა, ბარგითა და სიმდიდ-
რითა, საკელმწიფოთა ძლუნითა კმა საყოფინელითა, თუ-
აღისა და მარგალიტისა, საჭურჭლეთა და ლართა თანა
ავაზებისა და ტაიჭებისა სიმრავლითა. და წესისაებრ სახ-
ლისა საკელმწიფოსა მიეგებნეს დიდებულნი პატივითა და
სიყუარულითა, მოიყვანეს სრად სამეფოდ, რომლისა პაპისალ-
დუხ ეზდინი პაპსა ამათსა დემეტრეს, კელმწიფესა დიდსა და
სახელგანთქმულსა, ჰაბუქსა გორგასლიანსა, ძალითა და ლუ-
აწლთა სიმრავლითა კელთ ეგდო და მოეყვანა. აწ ამან სიტყ-
ვთა, და ნუჟუჟე არცაღა სიტყვსა ღირსებითა, მოიყვანა ვი-
თარცა მონა მოხარკე. ნელიად და წყნარად და მიმყოფრებითრე
უღარბაზა, რომელმან ნახვასავე თანა რამინისებრი აჩუენა
ცრემლთა ნაკადმრავლობა. დასუა პატივითა ტახტსა თანა სე-
ლითა, და იქმნა სიხარული გამოუთქმელი, ვითა მართებს ნა-
დიმს და წყლიანობასა ამის სახლისა დიდებულთა მოყმეთა,
უკლებლობასა მრავალგუართა სახეობათა, მუტრებითა და მო-
თამაშეთა განწყობილობათა, ნიჭთა და საბოძუართა და შემო-
სათა ვინაცა იქმნა უჰამრავი. ამას ესრეთსა სიყუარულსა, პა-

ტივსა და ბოძებასა შინა დაყო ქაში ზამთრისა სომხითს და ტფილისს მომწონებელმან სანადიროთა ქუეყანათა და მოყმეთამან თუთ თავადის პატრონისამან, რომლისა სიკეთისა მითხრობა კაცთავან შეუძლებელ არს და ქამსა დანუყობისასა თანაწარმტანელთა ახუენეს საყოფნი სანადირონი, მინდორნი, მოედანნი და ქუემონი კახეთისანი და რანისანი. და რანისა დიდებულნი მოყმენი და ლაშქარნი, განალამცა მომწონებელნი და მაქებელნი, იშუებდეს და იხარებდეს და აღიდებდეს მომლოდენი ქამისა მის პატრონისა მათისა უკუდაეკმნილისანი.

გარნა ვინათვან თამარ ამაყი და ლალი, უჯგრო შესატყვისობისა, ახეებდა ფრთოვანებასა გონებისა მისისასა; შემოსრულთა ქალაქად სამეფოდ დაამჯუეს ქედმაღლობა ტრფილისა მისისა, და წინაუქმო საულისა იბოვა შვილი საღიუქუანი: მან მძებნელმან კარაულებისა მამისამან პოვა მეფობა, ამან მძებნელმან მეფობისა და ზესთა მეფეთა მეფობისამან პოვა რომელი საულისა დანაკარგთ ვამდა.

იყო ვინმე ერთი ხარკთავანისა ნაშობი, რეცა სახელდებულნი შვილად მეფისა. და ვინაცა მთქმელთა არა უქმ-საგონებლობისათა უფროსლა უქმ-მყოფელთა და დამასკუნელთა ქორწილისათა შერთეს და გარდაიკადეს ქორწილი სახელოანი. შემოსასა თანა მრავალ-მრავალსა უბოძნეს ცხენი და აკაზმულობანი სხუათა საქონელთა და სიმდიდრეთა თანა და ლართა, და წარგზავნეს თვსად საყოფლად არზრუმად, გარნა თუ ვითარითა ცრემლითა და ვითარითა გლოვითა, გამოუთქმელ არს კაცთა ენისაგან.

ხოლო შემდგომად ამისა რეცა დარბაზობისა სახედ მოვიდა შარვანშა აღსართან, რომელი მიკვილ იყო ცნობათა სიყუარულისაგან და, სჯულისაებრ ძუელისა და თუთ დღესა ისლამთასა, გუარისაგან განვლენილი, თვისისა სჯულისა დაგდებად განმზადებული, მოქენე იქმნა ყოველთა საქმისმოქმედთა, მოძღურისა და კათალიკოსისა, მიუწოდომელისა ქრთამისა მძებნელი. გარნა უქმ სადმე და ცუდ იქმნებოდის ზაკუანი ეშმაკისანი, ვინათვან აქუნდა თამარს სული მყოვარე და შეყუარებული ზენარისა მის ზუედრისა და გონება, მშობელი სიტყვისა, გონებისა მის დიდისა მიმართ აღმსკუთალა, და სეფე-გუარ ჰყოფდა ტაძარსა შუდწილ განწმედილსა ღმრთისა სიტყვისასა. და ყოველთა მამონისაგან ძლეულთა და ქმნად მაწუეველ-

თა სირცხულეულ ჰყოფდა მომსმენელთა სატანას ზაკეთ. მავლინებელმან წესისაებრ პატივითა და სიყუარულითა ნიჭ-მრავლობასა შინა მისცა მცნება: „კუალად აღარა შესძინედ ესევეითართა თქმად“.

თამარ სუესუანისა კელმწიფისა იმატებენ ზარნი, ლაშქრობენ მოყმენი, არს მარჯუება, სიხარული, სიყუარული, შუება და ნადირობა მათათა და ბართა, გარნა წუხდეს და იურვოდეს შემჭირნენი უწაღმართობისა და შვილის უსმელობისანი. და ვითარ მოეცვა შუდივე ესე სამეფო შეჭირვებასა ესევეითარისა საქმისასა, პოვეს ღონე განგებითა ღმრთისათა, რომელი აღმაღლებს მდაბალთა და შემუსრავს ლაღთა, რომელ ბრძანებს წმიდასა შინა სახარებასა: «არა რომელთა მე გამოვიჩიონ, გარნა რომელნი მე გამოვიჩივნე». და ვითარ იტყვს დავით, რომელსა აწ სათნო ეყო გამოჩინებად: «უმცირეს ვიყავ მე ძმათა ჩემთა და უმრწემეს სახლსა მამისა ჩემისასა, ხოლო თავადმან უფალმან მოიღო და მცხო ზეთითა ცხებულისა მისითათა» და შემდგომი.

იყო სახლსა შინა დედოფლისა რუსუდანისსა მოყმე ეფრემის ძეთაგანი, რომელ არიან ოვსნი, კაცნი მძლენი და ძლიერნი ბრძოლასა შინა. ესე დედოფალსა რუსუდანს ვინათგან თვს ეყვოდა მამისდისა მისისა დავითის ასულისა ოვსეთს გათხოვილობისა მიზეზითა, მოეყვანა საზრდელად სახლსა შინა მისსა. და იხილეს მუნ მიმავალთა და წამომავალთა, რამეთუ მოყმე იყო ფერნაკუთად კარგი, ბეჭბრტყელი, პირად ტურფა და ტანად ზომიერი, ორთავე კერძოთა გუართაგან საკელმწიფო.

ჰკადრეს და მოაჯსენეს დედოფალსა რუსუდანს მკვდრთა ამის სამეფოსათა, იგი განაღამცა ნებისა დამრთავი, ვაზირთა და დიდებულთა თანაშემწე ქმნითა მომჯსენებელ და მოაჯე ექმნეს თამარს, მეტყუელნი ამისნი: „უკუეთუმცა არა იყო ზენა განგება მისსა მოქმედებასა შინა, ჰხედავს შარავანდედობა თქუენი, თუ რაოდენნი რაოდენგზის მოყმენი, შვილნი კელმწიფეთანი — ბერძენთა და ჰრომთანი, სულტანთა და სკვთთანი, სპარსთა და ოვსთანი, მცდელნი, სამართალთაებრ უკუწ არღვენა არ შემძლეობამან თვნიერ ბრძანებისა საუფლოსა“.

მაშინ თამარ, მინდობილმან მამისდისა მისისამან მშობლისა სახედ და მისგან დიდად წყალობიანთა ლაშქართა და სპათამან, ესრეთ თქუა მბრძანებელმან: „მოწამე არს ჩუენდა ღმერთ“.



თი, აროდეს ყოფილა გული ჩემი მოწადინე ქმროსლობის
ცა პირველ, არცა აწე, თუმცა არა მოსვლოდა უწაღმართობა
ჩემი საყდარსა, რომელი რწმუნებულ არს ჩემდა პირველ
ღმრთისაგან და შემდგომად მშობელთა ჩემთაგან, აწცა ამისი
გარ მოაჯე“.

მაშინ არ მომშუებელთა ჰკადრეს დედოფალსა. და წარვი-
დეს დიდებულნი იმერნი და ამერნი, და წარმოიყვანეს დედო-
ფალი და გაზრდილი მისი დავით, რჩეული ღმრთისა მის; და
წოვიდეს სრასა დიდუბისასა, სანახებსა ტფილისისასა. და მუნ
ქმნეს ქორწილი შესატყვისი და შემსგავსებული კელმწიფობისა
და სახელწიფობისა მათისა. ვინათგან დედოფალი რუსუდან ყო-
ვლითა სიბრძნითა სავსე მოქმედებდა: აქათ ბაგრატიონი ბაგ-
რატიანითა გუარზეობითა აწყობდა რიგთა სახლისათა, და ქუ-
ემოთ ხუარასნისა და ერაცისა სულტანთა სძლობითა გამეცნი-
ერებულნი, მუნებრივითა სახიობითა და შუებითა მოქმედებდა.
მშუებელნი იხარებდეს, გლახაკნი განმდიდრდებოდეს, იყო
ზმა მგოსანთა და მუშაითთა, სახიობითა მჭურეტელნი იყო
რაზმთა სიმრავლე და სრულქმნა ამასა შინა. მითხრობად შე-
უძღვებელ არს, თუ ვითარსა ბედნიერობასა. სვანობასა დღევე-
თილობა თამარისი დავითის, მოყმისა დავითიანის, თანა ბედ-
ნიერ და განმარჯუებულ იქმნა, და წაღმართ-წაღმართითა მით
მითხრობითა წინამდებარითა გეუწყოს.

ესე დავით წელიწდის მოქცევამდე ესრეთ წაეჯობინა ყო-
ველსა მშვდლოსანსა, ცხენოსანსა და მცურავსა, მოასპარეზესა,
მწიგნობარსა და ყოველსა ნასწავლსა კელთა სიკეთითა, ვითა
დღეს ჩანს, რომელ შინათ ვინ ყოფილა მისი მსწავლებელი და
თანა მოსწავლე, და თუ გარეთთა ქუეყანთა მოსრულა, ვერა-
ფინ სადა გამოჩენილა მისებრი.

შემდგომად ამისსა, მშვდობისა და მტერთა მძლეობისა ამა-
თისა, ოდესმე მოესმა, ვითარმედ რუსი იგი ძნელბედი და სუე
უსუეო წამოსრულა კოსტანტინეპოლით და მოსრულა ქუეყა-
ნად ეზინკისად, კარნუ-ქალაქისად.

და მას ეამსა ნაცვალი მეჭურჭლეთუხუცესისა, სჯულითა
ბარბაროზი და ქცევითა ტარტაროზი, კეთილთა და ჰამოთა
ბატრონთაგან სრულწყლიანი, საქმის მოციქულად წარავლინა
საქმისა რასათვსმე, და მას კარნუ-ქალაქსა მისვლასა შინა შე-
იყარნეს რუსი და იგი ერთად, მიუდგეს იმიერნი, რათა რუსი

სასახლესა შინა შეყვანილ ყონ; მისისა სარგებლისა მოწადი-
ნენი შეეხუფნენს ამას დიდსა მოცოქულსა, რომელი აქით მის-
რულ იყო. მაშინ ცნეს ამის სამეფოსა კაცთა და უფროსდა ეშ-
მაკმან, რომელი მარადის მბრძოლ არს ვითარ «განკვრევბასა
დავითისსა სიცრუე კაცთა გულებისა» და რომელნი თანაზიარ
მეფობისა მათისა და უხუად და უგულსავსედ წყალობითა იყ-
ვნეს, მათცა ქნეს საქმე ყოველთა ძუელთა გინა ახალთაგან
უბუროტესი. უკუეთუ ამას სამეფოსა განდგომად პატრონთა
უნებელ ქმნილა რომელი, დაწყებითგან სოფლისათ არავის
ოდეს სადა უნახავს წარმართებული და გამარჯუებული, გარნა
ეგრეცა თუსთა და ნატამალთა, შვილთა და ძმათა ამის სახლი-
სათა მიზეზითა ქმნილა. გარნა ესე ვინა ანუ სით?

პირველად მიერთო გუზან, პატრონი კლარჯეთისა და შავ-
შეთისა, რომელი ძუელთა მეფეთა ტაოელთა დიდებულთა ად-
გილსა ზედა შეეწყალა პატრონსა. აქით ბოცო, სამცხისა სპა-
სალარი და სისრულისაცა აღმატებით შეწყალებული, სხვთა
მესხითა დიდებულ-აზნაურითურთ, თვნიერ ივანე ციხისკუა-
რელისა, რომელსა ყუარყუარეცა ეწოდების. ესე დამაჯრდა
თვსითურთ მოკიდულთურთ, ვითარ გუარ-ეყოდაცა მომგო-
ნებელსა სულასა ერთგულობისასა, რომელ ბალუაშსა ზედა
უერთგულა ბაგრატს. ვარდან დადიანი, მსახურთუხუცესი,
ლიხთ აქით პატრონი ორბეთის და კაენისა, ლიხთ იქით ნიკოფ-
სამდის უცილობელად ქონებისა, და თვთ შუაცხეხსა მყოფი, მა-
გარსა და მტერთაგან უვნებელსა. ესე მცირედისა რასმე წარ-
ვიდა და მივიდა გეგუთს, რეცა პატრონისა წადილითა. შეყარა
ყოველი სუანეთი და აფხაზეთი, საეგროი, გურია, სამოქალა-
ქო, რაჭა, თაკურთი და არგუეთი. მომართველმან სანიგთა და
ქაშავთამან აფიცა რუსისა გამეფებისა და მისის მეფე-ყოფი-
სათვს დიდებულნი და ლაშქარნი ქუეყანისანი.

გაგზავნა ლაშქარნი ქუეყანისანი და მივიდეს გუზანისად.
მუნით წარმოვიდა რუსი, და შეყრილთა მიჰმართეს სამცხესა.
და მიეგება ბოცო და ვინცა მისი მიმდგომი იყო. და გარდამ-
ვლელნი მთისანი მივიდეს გეგუთს. ში დადადი დიდი და გან-
საკვრევბელი კაცთა ცნობისა! ვინა ანუ ვისილა მოსაყდრე
საყდარსა დაჯდა დავითიანსა?

მაშინ თამარ, ქალაქსა მყოფი, უსახურისა და უაზრავისა
საქმისა განკვრევბული, პირველად მომხადველი ჩუეულები-



საებრ ზენათა წყალობათა, მბრძანებელ ექმნა ყოველთა
თავთა ერთგულთა, ვინაცა შემოკრბეს სპასალარნი და დიდ-
ბულნი ჰერეთით, კახეთით, ქართლით, სომხითით და სამცხით.
მკვრნეთა საქმითა ჰკადრეს ფიცით არა მათგან ნებადართუ-
ლობა საქმისა, და ვითა შეაჯერეს უმათოდ ქმნილობა, მკეცებრ
განმკნდა გული მათი ერთგულობისათვის და თავისა საწამებე-
ლად დადებისათვის. და თუთ თამარ კელითა საუფლოთა და
სიტყუთა ოქრონიექტარიითა მრავალგზის მართლად იკითხვიდა
მიზეზსა მკუდრთა მისთაგან. ოდესმე თევდორე პატრიარქსა
და ანტონი ქუთათელსა, რომელი იგი ოდენ დარჩა მას ქამსა
ერთგულად ლიხთ-იმერით, სისხლთა დათხევამდის, და სხუა-
თა ეპისკოპოსთა გზავნიდის, ოდესმე შინაურსა ეჯიბსა და მეს-
ტუმრესა და მათგან ვერას პირის მპოვნელი.

მაშინ შეკრბა კრებული ღმრთისმბრძოლი, აღიდეს მახუ-
ლები და წათები, წარმოემართნეს პატრონსა ღმერთშემოსილ-
სა ზედა. ნახევარნი თუთ მეფითურთ გარდამოვიდეს მთითა
ლიხისათა: ამწყუედელნი და ამოკრებულნი ქართლისანი მო-
ვიდეს ნაჭარმაგევამდის და გორამდის. და ნახევართა, დადიან-
თა წინაძლომითა, გარდაიარეს რკინისჯუარი და ჩავიდეს ცი-
ხისჯუარს და დაწუეს ქალაქი ოძრკე. მუნ შეიყარნეს ბოცო
და მესხნი, ვინცა იყვნეს მიმდგომნი მათნი. და განმგებელთა
ესევეთარისა საქმისა, ღმრთისა უკითხავად, შვილთა მზეგრძელ
უქმეს. რამეთუ გააგეს პირველად აღება ჯავახეთისა, თმოგვსა
და ახალქალაქისა, კუალად თრიალეთისა და სომხითისა, ვი-
ნათგან ქურდვაჭრისა იქით გასდგომოდავე ყოველი სომხითი:
ივანე ვარდანის ძე, პატრონი გაგისა; მაყა, პატრონი კაიწონი-
სა, კაენი თუთ ვარდანისი იყო, სხუანი მის ქუეყანისა აზნაუ-
რისშვილნი, თუნიერ ზაქარია ვარამის ძისა; იგი კაცი ერთგუ-
ლი იყო და ჭაბუკი გამოცდილი. ამათ ყოველთავე აგარათა
შეყრა გააგეს და მუნიდაღმა მათ და ზემოქართლის მყოფთა
კართა ქალაქისათა მოსლვა, სადა-იგი იყო მზე მზეთა, ნათელი
ნათელთა, ტარიგი უმანკო, მსგავსი ქრისტესი, მშუდითა მით
დავეითიანებრითა გონებითა მინდობილი ზენასა მას განგებასა,
იმედისა მდებელი წყალობათა მისთა გულმოწყალეთა.

მაშინ უბრძანა ამირსპასალარსა გამრეკელსა და ოთხთა
მკარგრძელთა და სხუათა თორელთა, ზემოთა და ქუემოთა,
წასლვა და მიგებება წინა ქუეყანასა ჯავახეთისასა და მუნვე

ცნობა ძალისა მათისა, უფროსდა ცნობა ძლიერებისა მართლ-
მსაჯულობისა ღმრთისასა, და მივიდეს მტკუარსა ზედა, ვინათ-
გან იგინიცა მუნვე მოსრულ იყვნეს. და მიერთნეს მესხნიცა,
ერთგულად დარჩომილნი; და აქით ესენი მისრულნი მტკუარ-
სა ზედა, და იგინი მუნით ვიდესა ზედა შეიბნეს.

და შეიქმნა ომი და სროლა. მას დღესა სილამემან და
წყლის შუა-ყოფიან გაჰყარნა. ვითარ შელამდა, შეიყარნეს და
ზრახვა ყვეს, ვითარმედ „ეხედავთ მვეცქნნილობასა ამათ ლაშ-
ქართასა, და ვინათგან არა გუაქუს ძალი და ღონე შებმისა,
აწ მივრიდოთ სიმაგრისაკენ და მუნიდაღმა ღონითა ვეცადნეთ
დალატსა და ძლევისა“.

სიქველისა მომნიჭებელმან თამარის კერძთა ლაშქართა ამ-
ცნო გულ უყოვნელ ქმნა შებმისა და დევნა ყოფისა. და გამ-
გლეღთა ვიდისათა მიმართეს მთასა ტორნაძიად სახელდებულ-
სა, ღონედ სიმაგრისა საძებნელად და, ვერლარა მუნ დამდგმელ-
თა, გარიდეს და მიიწივნეს ველსა ნიალისასა და წყალსა ხინ-
გრისასა; თმოგუსა და ერუშეთს შუა შეიქმნა ომი, ვითა ხუ-
დებოდა რჩეულებსა იმერთა და ამერთა მოყმეთასა, რომელი
კმა იყო ძუელთაცა გოლიათთა და ჭაბუკთა ომად, რომელთა
ზედა მოვიდოდეს ქუეითთა სიმწყუავენი და მოკუეთილებანი
ისრისანი, მფეთებანი ჳრმალთანი და მხეთქებელობანი ჰოროლ-
თანი. და განგრძობასა შინა ჰომთასა მიეცა ძლევა ზუმბერაზ-
თა და მოყმეთა თამარისთა, და გაქცეულნი რომელნიმე დაიპყ-
რნეს, დაჯოცეს და ტყუე ყვეს. ამათ არა ეგნო არცა სიკუდი-
ლითა, არცა დაკოდითა, თუნიერ რომელ ივანე სარგისის ძე და-
კოდეს.

შემოქცეულთა მხიარულითა პირითა და განათლებულითა
გულითა თავისუფალ და უდევნელ ყვნეს იგინი ქენებისა და
ნატრონისავე არა დაკლებსათუს და მოვიდეს წინაშე ღმრთიე-
გურგუნოსნისა მეფისა და მეფეთ-მეფისა. მიმცემელმან ღმრთი-
სა მიმართ ჳეროვნისა მადლობისამან ნახნა მოყმენი მისნი პი-
რითა ბრწყინვალითა, თუალითა ტკბილითა და გულითა დაჯე-
რებულითა. ვინაცა ცნეს ესე პირველ მახარობლისა მოსლვი-
თა, სარგის ვარამის ძისათა, ზრახვა ყვეს რომელნი მყოფ იყ-
ვნეს მის წინაშე: თუთ ჭიაბერი მანდატურთუხუცესი, ჰერნი
და კახნი, დიდებულნი და აზნაურნი, თანადართოითა ყიფიყ-
თათა, და შეყრილთა ქართლისა ერისთავისა და ქართველთა

დიდებულთა, წინამძღუანვითა დავით მეფისა სჯანისათჳს, ჟღერსიჲსა
ხმა ყვეს ქართლს მყოფთა, რომელთა მიერთნეს ვიეთნიმე ქარ-
თველნიცა და სიმრავლე ყოვლისა კავკასიისა და მთეულობისა.

და ვითარ აგრძენს მათ ამოწყუედა და გაქცევა ზემოთა
ლაშქართა, მსწრაფლ იკმის გარდავლა. და შემოქცეულთა და
მოსრულთა წინაშე თვთ თამარისა ჰკადრეს გასლვა სომხითით
და მიმართება ურჩთა და განდგომილთა მეფობისა მისისათა.
დამორჩილდა ქრისტეშემოსილი კელმწიფე, შემეცნებელი
ღმრთისა წყალობა-აუტრაცხელობითა.

ვინა ესეცა უწყოდეთ, რომელ წურთათა ღმრთისათა სივ-
რცე დიდ ფრიად არს; რამეთუ კეთილთა და კეთილგამგონეთა
ნიშთა აღჩენითა სწურთის კეთილად დართვითა, ძლევა მინი-
ჭებოთა. რამეთუ კეთილისა სულისათჳს ღმრთისმოყუარე და
თჳსად მისი არს, ვითარ იტყუსცა დღე ბერძენთა ხედვისა პლა-
ტონ: «კეთილი კეთილთათჳს არს კეთილ, ვინა იგივე კეთილი
ბოროტთათჳს ბოროტ».

1 ხოლო აწ ვამს და უფროსლა გაგონება ნათქჳამთა მათ და-
უვიწყებად და ხედვა ზენათა წყალობათა, რათა დავჰყოთ თუ-
ალი იგი ამათ ესევეითართა წყალობათა განგრძობითა.

1 ხოლო ვინაცა ცნეს განდგომილთა შერისხვა ღმრთისა მათ-
თანათა თჳს-თჳსთა, რომელნიმე დამგდებელ იქმნეს აწ ციხე-
თა და სიმაგრეთა, და უწინარეს სჯულისანიცა, ვინათგან თა-
მარსა ზედა ესევეითარი უსახური საქმე იკადრეს; რომელნიმე
მოვიდეს ყელ-საბელ მობმით; რომელნიმე მკლველ ექმნეს თა-
ვის ბიძასა, და ეგრე მოვიდეს. და მუნცა იქმნა ჩუეულებითი
გამარჯუება: შემოქცელი დგა ქალასა აგარათასა, მონადირე და
მონადირე, მხიარული და შემწყალებელი ერთგულთა და საკუ-
თართა მისთა.

1 შეიწყალა ზაქარია ვარამის ძე, და უბოძა ვაგი ქურდვაჭრითა
განძამდის მრავლითა საკუთართა და მრავლითა სახანევროთა
ქალაქებითა, ციხეებითა და სოფლებითა. შეიწყალეს და უბო-
ძეს სარგისის ძესა ივანეს პირველად მსახურთუხუცესობა, კე-
ლი შინაური და საპატო, და კაენი და კაიწონი გელაქუნით
და სხვთა მრავლითა სახარაჯოთა ქალაქითა და ციხითა. შეი-
წყალდნეს და დალოცნეს სხუანიცა დიდებულნი მრავალნი, და
შექცეულთა მიმართეს სახლთა მათ და ნატამალთა ნაქარმა-
გეგსა.

და ლიბთიმერთა დიდებულთა, შემნანებელთა შეცოდებულთა სათა და მოაჯეთა შენდობისათა, ითხოვნეს ცხოველხი ხატის და თვთ დედოფალი რუსუდახ მათ წინაშე საყოფელად, კათალიკოსი, მანდატურთუხუცესი, და სხუანი ეპისკოპოსნი შინაურითურთ სახელდებულთ. ვინაცა გარდამოვიდეს სუანნი დიდებულნი და მეკევენი და გარდამოიტანეს რუსი, მეფეყოფილი, და მისცა დედოფალმან სიმტკიცე პირველად რუსის უვნებელად გაშუებისათვს, და მერმე მის ჟამისა შეცოდებისათვს არას შენანებისა. და წარმოძღუანვებითა დედოფლისათა მოვიდეს ნაჭარმაგევად და რუსი, ივანეს მისანდობელად მთხოველი, წარვიდა, მასვე მისსა სუეუბედურსა გზასა გაემართა, და შეიქმნა მშუდობა, სიხარული და ერთობა, რომელი არაოდეს სადა ვის უხილავს. და «ერთბამად ძოვდეს ლომი და კარი, და იხარებდეს ვეფხი თიკანთა თანა, და მგელი ცხუართა თანა». განდიდნა სახელი თამარისი ყოველსა ზედა პირსა ქუეყანისასა და ლაშქრობდა დავით ბრძანებითა და გამორჩევითა თამარსუე აღექსანდრიანისათა და იმარჯუებდა შეწევნითა ზეგარდამოთა.

და ამას შინა მიიცვალა გამრეკელი ამირსპასალარი, და თმოგვსაგან კიდე არა დააკლეს შვილთა მისთა. მაშინ უბოძეს ამირსპასალარობა ზაქარიას მკარგრძელსა, ძესა სარგის ამირსპასალარისასა, მჯდომსა სომეხთა მეფისა ადგილსა, პატრონსა ლორისასა. მოუმატეს ქალაქიცა რუსთავე მოყმესა ღირსსა სპასპეტობისასა. და ჭიებერსა მანდატურთუხუცესსა მოუმატეს და უბოძეს ჟინვანი, ქალაქი და ციხე, მრავლითა მთიულეთითა. და შეიწყალეს სარგის ვარამის ძე, დალოცეს და უბოძეს თმოგვ, და ქუემოთ წირქუალელნი, ზარტიბის ძენი, გრიგოლის ძენი, ჭიებერის ძენი და მახატლის ძენი, და თავნი კახეთისანი თორღას ძენი, შეიწყალნეს თვთოეულნი თვისითა წესითა: რომელნიმე ახლად დალოცვითა, რომელნიმე მომატებითა; ეგრეთვე ქართველნი, სომხითარნი, თორელნი, მესხნი და ტაოელნი.

ვინაცა გუზან პირველითგანვე წარწყმედელი თავისა, აწცა გამტანელი ტაოსკარისა, ვაშლოვანისა და სხუათა ციხეთა მრავალთა, წარვიდა ქუეყანასა შაჰარმენისასა.

მაშინ წარავლინეს სარგის თმოგუელი და კახა სამძივარი სხვთა აზნაურისშვილებითა, რომელთა თანა იყო მეღუნეთუხუ-



ცეცხლი სეფე, შევლად კლარჯეთისა და შავშეთისა დედის მთასა კალისასა. მოეგებნეს წინა ზაქარია ფახასკერტელი და ძინიელნი, კალმახელნი, ყრმანი კარგნი და პატრონისაგან შესწავლებულნი. და შეყრასავე თანა ცნეს გუზანის შვილისა და შაპარმენის ლაშქრითა მისლვა გუზანის ცოლისა და შვილისა წარსხმად და ციხეთა შინა თურქთა შეყენებად. დაღაცათუ ლაშქარნი დიდნი იყვნეს და პატრონნი თორმეტისა დროშისანი და ესენი მცირენი, და მკსენებელთა ქრისტეს სჯულისათა და თამარის ბედისა და სიმართლისათა შებმა ყვეს და სიდიდითა მათითა და სიკეთითა დიდად დაჭირვებულნი ომი გარდაიკადეს. ბოლოდ, მათთა გამქცეველთა და ამომწყუდელთა, კელთამყრელთა გუზანის ცოლ-შვილთა, თანაშემოქცეულთა აიხუნეს ციხენი და სიმაგრენი. და კულადმგებელნი ქუეყანისანი მოიწივნეს წინაშე თამარისა, რომელმან მიჰფინა ნათელი წყალობისა და გარდაიკადა მადლი მოჭირვებისა და სიმკნისა მათისათჳს, და დარჩეს ყრმანი სახელოანნი და პატრონი სარგებლიანი.

და ამას ესევეთარსა წყალობასა შინა ღმრთისასა ორნიდა მკლებიან წალმართის გამოჩენილობანი; ილოცვიდეს მოქენენი, ღმრთისა და წმიდათა ხატთა მომკსენენი პირმშოთა ძლიერებითა. ხოლო ვინათგან ჰყოფს წყალობათა «დამრეკელთა განდებისასა, და მთხოველთა ნიჭებისასა, და მეძიებელთა პოვნისათა», ვითარ იქმნა სარას ზე, გინა თუ რაქაელისსა, ანუ თუ ელისაბედისსა და უფროსდა ანნასსა და, ვიკადრო, მარიამისსა. მიუღვა თამარი განწმედლითა ვონებითა და ტაძრისა ღმრთისა აღმსუქალულისა სანთლითა სხეულისათა, მკურვალითა გულთა და განათლებულითა სულითა და ტაბავმელისა ბეთლემ-მყოფელმან მუნ შუა ძე, სწორი ძისა ღმრთისა და უწოდა სახელი ახოვნისა მის მამისა თჳსისა გიორგი, რომლისათჳსცა ყუავილი უკუდავთა ნაწილისა აღმოგუეყუავილა.

ამან ესევეთარსა მოხედვასა ღმრთისა, სამებითა სრულისსა, პირველ დარჩომასა თამარისსა და აღმოშობასა ძისა გორგასლიანისასა რამცა თქმად მიეგებოდა სახე სიხარულისა ანუ მადლობისა ღმრთისა? იხარებდეს, იშუებდეს, იმოთხვიდეს სამოთხესა შინა ამის ნაწუთოსასა, განმათავისუფლებელნი ტყუეთანი, შემწირველნი ეკლესიათანი, მწირვებელნი მღდელთანი და მიმცემელნი მონაზონთანი, მოწყალენი გლა-

ხაკთან, ერთბამად მადიდებელი ღმრთისანი, მწყობელნი
ეპისკოპოსთანი შუდისავე სამეფოსა სპათა თანა. და თუთ დე-
დოფალმან რუსუდან, და გაზრდილმან მისმან მეფემან დავით,
და დამან თამარისმან, და ყოველთა მყოფთა ამის სამეფოსათა,
მსგავსად მოგუთანა, კელყვეს ძღუნებად და მინიჭებად.
მცნობთა გარეთ ბერძენთა მეფეთა, სულტანთა, ათაბაგთა და
ამირათა სპარსეთისათა წარმოავლინეს ნიჭნი და განძნი კმასა-
ყოფელნი.

და ესევეთარსა ამას დღევეთილობასა შინა იხილეს ყრმა
ახალი, პირველ საუკუნეთა განწესებული ძედ მეფისა, მეფედ,
შვილად ცხებულად დავითიანად. რამეთუ ოდეს დახატული
ბუნებისაგან იშვა და წარმოიჩინა, მოაქუნდეს თუთ შორის
ხატნი და სახენი თვსთა დამსანთა მშობელთანი, და მნათობნი
სცვიდეს მას, და ენთებოდა სული ზენისა სფეროსისა, და მეტ-
ბედი ბედსა ზედა და სუანობა სუესა ზედა, მარჯუებანი უმე-
ტესნი წარმატებოდეს შარავანდთაგან მამრჩობლებითა. ესე-
ვითარი იქმნა გალაშქრება, რომელი არაოდეს ვისგან ქმნილ
იყო ბაგრატიანისა.

პირველად შემკრებელთა ბედსა და სუესა ზედა ლაშასა,
რომელი განმანათლებლად სოფლისა ითარგმანა, მიჰმართეს
ბარდავად, დიდად და ძუელად ქალაქად. ამომწყუედელთა
არანისათა გამოიღეს დიდძალთა ომთა პირველ ნებროთისა ჰე-
როსის ძმისა ბარდოსისა მამული და შენებული. ავსილთა სიმ-
რავლითა ტყუეთა და საუნჯეთათა აურაცხელთა ათავისუფლეს
სამბევრობა ტყუეთა დღეგრძელობისათჳს თამარისა და ძისა
მისისა.

მუნით გამომგზავრებულთა არცა თუ თვსა ერთისა გამომ-
სუენებელთა მსწრაფლ წარსრულთა ილაშქრეს არზრუმს, კარ-
სა კარნუ-ქალაქისასა. და მუნ იყო სიმრავლე ომთა, წყობა
ჰუნეთა და ხეთქება აბჯართა, რომლისა მეშუელად იყვნეს
სურმანელი, კარელი და შიგნით სალდუხის ძე ნასრ-ადინ და
ორნი ძენი მისნი ლაშქრისა სიმრავლითა, ქუეითისა და ცხე-
ნოსნოთასა, უჰამრავითა. და ცისკრისა ბინდსა მისრულთა და
დამწყებელთა ომისათა ლამისა ბინდმან ულხინა გაყრად. და
ვითარ გამოკდა ლამე იგი, და მოვიდეს ლაშქარნი უთუალავი-
თა და მიუწდომელითა ალაფითა. და შიგნით მყოფნი, ვითარ-
ცა მკეცნი, იღრჳენდეს კბილსა მათსა და წუერსა იფხურიდეს

მზილველნი ვინმე ცოლთა დატყუებულთანი, და ვინმე შეილთა, და ვინმე სიმრავლესა ჯოგისასა და რემისასა, და მთქმელნი ესრე ტიროდეს: „ვინა ჩემდა ესევითარი შერისხვა, ვინათგან არაოდეს გვხილავს ტომი ქრისტიანეთა სანახებსა საყოფელთა ჩუენთასა“.

და ვითარცა განთენდა, ჰკრეს ბუკთა და დაბდაბთა, და შეიქმნა ზაჭმი ქალაქსა შინა. დამსკუნელნი სისხლთა მათთა დათხევისანი გამოვიდეს ბჭეთა ქალაქისათა, გააწყუეს რაზმი ქუეითისა და ცხენოსნისა; წარმოდგეს ბანსა ზედა და შუკთა შინა ისრინ მსროლელნი და ქვის მსროლელნი. და ვითარცა იხილა მეფემან დავით და სპათა მისთა გულმყარად გამოსრულეზა მათი, ითხოვეს ნაჭურველი და აღსხდეს რაზმა, ამხმელნი ჰოროლთანი. აჰა მისლვასავე დასტეხეს სახედ მეხისტეხისა, აღიხუნეს და ჰკრეს და დაჯერებულნი თავის კატობასა შეიხუეწნეს ჯარითა, ამწყუედელნი ერთმანერთისანი და რცხუენილნი ცოლთაგან, საციცხელ და სანერწყუავ ექმნეს ბიბთა ელიმთა და ხადუმთაგან, მკილენი და მგინობარნი მუჭმედის სჯულისმდებლობისანი. და შემოქცეულნი მეფე დავით და ლაშქარნი მისნი მოვიდეს მხიარულნი ქუეყანადვე თვსად, მუნით ძლევაშემოსილნი და აქათ მნახავნი თამარის საშოთ მთიებისა აღმობრწყინვებულისა იაკობის ვარსკულავისანი, რომელმან იზმნა სუენი, იზმნა ძლევანი, იზმნა ნათელი.

ხოლო-მე მორიდეს განგრძობასა წყინობისასა მცონის დაგდებად ღუაწლი ომთა და მარჯუებათა უკანასკნელთა, უმკობესთა პირველისათა და მაიძულეებელი გული აღძრავს ორდანოსა გონებისასა, რომელი არს ენა მეტყუელი და წარმომეტყუელი მთხრობლთა ესევითართა. ოდესმე ეამნა ერთსა შინა შეყრილნი გავიდეს გელაქუნად, და ჩაიარეს ხაჩიანი, და ჩავიდეს ქუეყანად ყარყარად, და მიუწიეს ბელაყნამდის, და მოაზიეს ყოველი არანი და ამოიარეს კარი განძისა. და შეიქმნა კართა ზედა დიდი შულლი და განალამცა გააქცივნეს და შეიხუეწნეს ქალაქად, და ყარყრით შანქორამდის ექუსი დღე იარეს. და რომელი დღე გარდასრულა, თუმცა არა მოწეულ იყვნეს ლაშქარნი და არა შემობმოდეს? და ყოველგან ძლევა-შემოსილნი და მძლენი შემოიქცეს, და მოვიდეს სიხარულსა წინაშე ყოვლისა სოფლისასა.

და კუალად ლორიდაღმა წარვიდეს ორნი ძმანი, სარგისი ძენი, ზაქარია ამირსპასალარი და მსახურთუხუცესი ივანე, მორბევად რაჯისს პირსა და მუნით წამოსრულ იყვნეს ლაშქარნი დვინელნი, ბიჯნელნი და ამბერდელნი მეკობრობად და მზერად ქარავნისა. ვერ ცნეს ამათ, შეიყარნეს საშუალობასა გზისასა, ეკუთვნეს ურთიერთას, და უფროს ომისა და მკნედ ბრძოლვისა საქმებელ იყო წამლებელი სულისა 'აიფიცებ ქველობისა მათისა. აღვსებულნი და სახელოვანნი მოვიდეს წინაშე დავით სუეამაღლებულისა და თამარ ღმრთივდამყარებულისა.

შემდგომად ამისა კაენისა პატრონმან ივანე მსახურთუხუცესმან აწვა დავით ლაშქრობისა ძალითა შესამართებად დიდსა და სასახელოსა: მოსარბეველად დიდისა გელაქუნისა, სპარსიბაზრისა და გორალაუქისა. მაშინ გაჰყვა მოყმე დღითიდღე მატებული, წარმართებული და წაკუთებული ომთა და ლაშქრობათა. დამსხმელთა აღიღეს ტყვსა, ჯოგისა, აქლემისა, ზროხისა და ცხურისა სიმრავლე, შემსგავსებული ქვიშათა, და სადაცა ვის ლაშქარნი და მეშუელნი თავისა დედაწულთანი გარდგიდნეს, გააქცივნეს, ამოსწყუნდნეს და დაკოცნეს. ვინაცა იავარმქმნელთა სპარსიბაზრისა სულტნის შოვიდანს შინა გელყვეს სიხარულად და ასპარეზობად, რომელი ესეცა აროდეს გისგან ქმნილ იყო.

ვინათგან ოდესმე იგივე რუსი, ამის სამოთხისაგან ექსორიაქმნილი, კაენისაებრ მკლველი არა ძმისა, არამედ თავისა თვისისა, ვერცა ღირს იქმნა და მოიშალა სამოთხესა, ქალაქსა კოსტანტინეპოლის, ყოფისაგან, ყოველგნით არა მტერ-აწყუთედილი მეფე, არამედ სამბერველ-აწყუთედილი მივიდა ათაბაგისა და მისგან აიღო არანის ქუეყანისა სამყოფი, შემსგავსებული სუსა მისისა. მუნდაღმან შემყრელი ლაშქართა განძისა და არანისათა მოვიდა ქუეყანასა კამბეჩანისასა და შიგნით მინდორი მოარბია, და აიღო სიმრავლე ტყვსა და ნატყუენაგისა.

მაშინ ხორნაბუჯისა პატრონმან საღირ მახატლის ძემან ცნა ესე და შეიყარა მცირედითა ლაშქრითა და მიეწია სამითა შვილითა წამებად თავისა. არა თუ ორნი ერთისათუს ლაშქრობდეს, და ათნი ერთისათუს, და ოცნი ორთათუს; გარნა მანვე სუემან და სიმართლემან თამარისმან დასცა რისხვა ღმრთისა უხილავი და, ვითარცა გედეონისგან გასმიეს, მცირედნი მიეწივ-



ნეს და გააქცივნენ, ჩამოყარნე და დაჯიჯინეს, ვინაჲსჲს
ძლით-სამე გარდაიხუცა.

| ხოლო ესეცა უწყოდით თქუენ, მსმენელთა, დაღაცათუ სა-
მისოდ გაჰრით მკეცქმნილთა მკეცებრ აქუენის უღმობელობი-
თა უწყალო-ქმნა, გარნა იხილეთ თუ ვითარ სატურფო და ან-
დამატებრივი მოშხიდობა აქუს მკეცთა გულებისა. ოდესმე
შარვანშას ლომისა ბოკუერი გამოეგზავნა, მათ გაეზარდეს. და
ესდენ დიდი და საზარელი შეიქმნა, რომელ არცა ველური,
არცა შინაური ვაზრდილი არცა ვის უნახავს მისი არაკი. რა-
ჟამსცა დარბაზს მოიყვანიან, ესრეთ აქუნდა ტრელი, სურვი-
ლი და სიყუარული თამარ ღმრთივეგანათლებულისა, რომელ
მჩობლთა ჯაჭუთა მი-და-მოცალეზამან კაცთა კიდებისამან
ვერ დაიჭირის, ვირე თავი უბეთა არა ჩაუდვის და ლოშნიდის,
ვითარცა ძველ ოდესმე მოწამეთა მეტაფრასები მოგვთხრობს
და ოდესმე დაიჭირიან და დამაგრდიან, წყაროს მსგავსნი
ცრემლნი გარდამოსთხივნის თუალთაგან, რომელნი დაალტობ-
დეს მიწასა.

| ამას ესევეითარსა მძლეველობასა მტერთა და მკეცთასა, წი-
ნააღმდგომთა და ურჩთა დამკობასა, შინათა და გარეთასა, გაჯ-
და შიში და ზარი, სახელი ოთხბუნებათა და ოთხკუთხებათა
სულის ანგელოზებისა, აღმოსავლეთით დასავლეთამდე, ჩრდი-
ლოეთით სამხრამდის.

| ამას ეამსა შინა მოიკლა ყიზილ-არსლან ათაბაგი, და აწ გა-
სულტნებული, მუჰლიდთა მიერ. დარჩეს სამნი შეილნი ფალა-
განდისნი, მპყრობელად ყოვლისა სპარსეთისა, რომელთა მამი-
საგან და ბიძისაგან გაჰყოფოდეს ქუეყანანი ესრეთ: უფროს-
სა, ხუტლუ-ინანჩის, ერაყით ზუარასნამდის და ბაბილოანამ-
დის; და შედეგსა, ამირ-ბუბაქარს, ადარბადაგანი სომხითამ-
დის; და უმცროსსა, ამირ-მირმანს, არანი გურგანის ზღვთ გე-
ლაქუნის ზღუადმდე. ამას შინა, ვითარ არს წესი მრავალმთავ-
რობისა, შეიქმნა შური და კდომა, და სძლია ამირ-ბუბაქარ და
აოტა უფროსი ძმა, და დაჯდა ათაბაგად. და უმცროსი ძმა
არანიდალმან, ამირ-მირმან, შეესიძა შარვანშას. და თვთ შარ-
ვანშას და მას ბელაყნის კარსა ზედა დაესხა და გააქცივნა, და
თვთ დარჩა გადიდებული და გალალეებული ჟამადმდე. ხოლო
ვინათგან უღონო იქმნეს შარვანშა და ამირ-მირმან, რამეთუ
მას ეამსა შერისხვაცა მოიწია სახლსა ზედა შარვანისასა: «რო-



მელი შეადრწუნებს ქუეყანასა, შეახებს მათა და აღკუმო-
ლებს», შერყევით შეარყევნა და დასცნა ზღუდენი და ციხენი
შამახისანი; უჩინო იქმნეს ყოველნი მას შინა მყოფნი, რო-
მელსა შინა წარწყმდეს შარვანშას ცოლი და შვილნი. და მსმე-
ნელთა ამისთა, მტყებელთა თავისათა, დამსხმელთა თავთა ნაც-
რისათა, აღიხილნეს თუალნი მათნი, და არავინ იხილეს მკსნე-
ლი და მაცხოვარი მათი, გარნა ღმერთი მხოლოი და ღმრთისა-
გან ღმერთქმნილნი დავით და თამარ. წარმოავლინეს მოცი-
ქულნი შემოსახუწელად ძღუნითა ურიცხვთა, თუალისა და
წარგალიტისა ფასდაუდებელისა წარმოგზავნითა, და მოაჯეთა
და მოქვენთაცა ამისთა: „ვინათგან ძალ აქუს ძალსა თქუენ-
სა და ბრძნივეგამორჩეულებასა და სუესა აღექსანდრიანსა
თქუენ თაშარისასა, სიმკნესა და სიქველესა თქუენ დავითიანი-
სასა, უებრობასა ლაშქართა თქუენთასა აღებად ყოვლისა
სპარსეთისა, მაშინ დასკთ ასული თქუენი, წათელი და შესატყ-
ვისი წაყოფი საამო მეცნიერებისა და ბრწყინვალემა შარა-
განდთ-მკრთომელობისა თქუენისა, პატრონად ყოვლისა სპარ-
სეთისა“.

მაშინ არამადირსმან სიძობისამან უბრძანეს იმედი შუელი-
სა და ჳელისაპყრობისა; და განსცა ბრძანება და წარავლინა
შიქრიქნი და მალემსრბოლნი წუეეად ლაშქრისა იმერთ და ამე-
რით. რამეთუ მას ყამსა ძმა ყივიჩაყთა მეფისა სევეინჯისა სავა-
ლათი აქა იყო სამსახურად. დიდთა ლაშქართა შემყრელნი
დადგეს დასოთა შინა, რომლისა სიმრავლითა აღივსნეს მტკუ-
რისპირი, ალგეთისპირი, კციისპირი და ქურდვაჭრისპირი,
ესე თთხნივე მდინარენი ტფილისით ყარლჩამდის.

მაშინ მოვიდეს ამირ-მირმანი ფალავანდის შვილი და აღ-
სართან შარვანშა, ყოვლისა არანისა დიდებულითა და ღულა-
მითა. დადგეს ჳელმწიფენი სუესრულნი და ღმრთივ აღმობრ-
წყინებულნი ჳალასა აჯარათასა და პატივისმცემელთა ნებეს-
მყოფლობისა მათისათა აწვეს და მოიწვეს დიდითა ზართა და
პატივითა დედოფალი რუსუდანი; აქა რომელმანცა სახემან ანუ
ვისმცა გონებამან და ენამან აღმოთქუნა ქებანი ზართა დიდე-
ზისათა, კარავთა და სარაფარდათა, კოშკთა და ფილოპატონი,
მოკაზმულობანი და შემკობილებანი ბესელიელებრნი გინა სო-
ლომონიანნი ტაძრისა ღმრთისანი, რომელსა შინა იხილვებო-
და ღმრთისაგან ღმერთქმნილად, შორის ღმერთთა გამკითხვე-



ლად ღმრთისა სახეობად, რომელსა მოესთულო სურნელსა და შეება სამოთხისა, მოეფუტკრა ვარდბუტკობა, ყუავილ-მცენარეობა, ასფოდელ-ნარგისობა ილუსიოს ველის ნამორჩებთა? ანუ ვისმცა ქება მიხდომოდა დავითის მოყმისა, ბაყათარისა და თარხნისა მსგავსისა, ეფრემიანისა და დიდებულთა ბუმბერაზთა და მოყმეთა, მსგავსთა როსტომისთა და გივისთა?

და შეიყარნეს ზარითა მით გონებისა ზარგანჯდილითა, და შეიქმნა დარბაზობა. და დასხდეს ტახტსა ზედა ოქროჭედილსა თვით თამარ, დავით და ძე მათი გიორგი, დიდებულნი და მასახელბეღლნი ყოვლისა ულუმბიანობისა და შარავანდ-მპყრობელობისა გუარფესუობისანი, და რომელთათჳს მოქალაქობისა მოქმედნი .ვითარ თქუას სიტყუამან: «შევიანნე კაცნი ესენი», კაცთ ზეშთამან კაცთმოყუარებამან კაცნი საყუარნი, მბაძნი დასაბამისა ღმრთისგამგებლობისა კაცთქმნილობით კაცთა ჳსნისათჳს, შეწეენითა და ძალითა მის ზენას მკლავისათა იჳსნენცა სიკუდილისა და ექსორიობისაგან მვედრნი და შემსუეწნი ფერკთა მათთან.

პირველად რა გამოვიდეს ტფილისით ქალაქით, მიეგებნეს წინა ოესნი და ყიფჩაყნი ახალნი; და შემდგომად ამისა ჰერნი და კახნი; შემდგომად ქართველნი; და შემდგომად მესხნი და თორელნი, შავშ-კლარჯ-ტაოელნი; შემდგომად სომხითარნი; შემდგომად აფხაზნი და სუან-მეგრელ-გურიელნი თანა რაქათაკუერ-მარგუელითურთ, და თვით კარვის კარსა ჳელისუფალნი და შინაურნი.

ხოლო ვინათგან შინაური და თვისი იყო შარვანშა, პირველად შემოვიდა იგი და თაყუანის-მცემელი, მოიკითხეს წესისაებრ და დასუეს თჳსსა ადგილსა. და შემდგომად ამისა მოვიდა ამირ-მირმან, მამულად ძმისწული სულტანისა, შვილი ფალავანდისი, და დედამისი იყო ასული ინანჯანისი, ხუარასნის მემამულისა, რომელი აწ ცოლი იყო ტუღრილ სულტნისა. და მოიყვანეს ბატივითა და ზარითა; მომკითხველთა დასუეს ბატივითა და შეიტკბეს, ვითარცა შვილი, მოყმე კარგი და შესახედადე-საყუარელი. და მოასხეს დიდებულნი, ზოგნი ელდიგუზისნი, ზოგნი შვილთა მისთანნი, ათაყვანნეს და მოიკითხნეს შესატყვისითა ბატივითა.

და შეიქმნა სიხარული გულისა მათისა მიუთხრობელი და მათ, განცუფრებულქმნილთა, ფიცითა დაამტკიცეს: «არა ნა-

ხულა კაცთა თუალთაგან, არცა წაგვკითხავს ძუელთა წერილთა შინა, გინა ახალთა, სახე თამარისი და მსგავსი ქცევითა ყოფი-სა მისისა“. და მოეწონა თუთ მეფე დავით და დიდებულნი და მოყმენი მათნი, და თქუეს მხიარულთა და იმედოანთა: „გავი-მაგრნეთ გულნი ჩუენნი და აღვიძარცოთ კმაება შეჭირვებისა თუალთაგან ჩუენთა! ჭეშმარიტად ძალ-უც კსნა ჩუენი და კუ-ალად-გება მამულადვე ჩუენდა“.

მაშინ ითხოვეს პური და შემდგომად პურობისა დაიდვეს ნადიმი, სიკეთე და სიტუტრფე გამოუთქმელი. იყო სიხარული და ზმა მგოსანთა და მოშაითთა. იგინიცა დამოსნა ძურფასითა შესამოსლითა, იგი ორნივე და ლაშქარნი მათნი. დამყოფელთა მსგეფსისა ერთისათა ჰქონდა ყოველთა დღეთა სიხარული: მათგან ძღუნობა, ამათგან ბოძება, ნადირობა და ბურთობა. რომლისათსცა ისყოდა ქება თუთ ამირ-მირმანისი და დიდებულთა და ღულამთა მისთა, ვითა: „ერაყსა, აღარბადაგანსა და ერანს ამათებრნი მობურთალნი არ დარჩომილან“.

უბრძანა მეფემან ამირსპასალარსა მისსა ზაქარიას და მსა-ხურთუხუცესსა ივანეს, ჰერეთისა ერისთავსა გრიგოლს და სხუათა მოყმეთა და ჩავიდეს მოედანს. ჯა მუნიოთ ჩამოვიდა ამირ-მირმან მისითა დიდებულთა და მონითა, და თუთ თამარ საჭურეტელად პირითა მით ბრწყინვალითა და ნათელთა მფე-ნთა. ისლიმნი, დაჯერებულნი მეცნიერობისანი და მძლე მბრძოლნი, მსწრაფლ იძლიენეს დავით მეფისა და მისთა მოყ-მეთაგან და შეიქცეს ძლეულნი და მჭმუნვებელნი.

ამა სიხარულსა და შუებასა შინა ეკაზმოდეს და ემზადე-ბოდეს დამსკუნელნი შუღლისანი. და მოვიდეს და აცნობეს ათაბაგსა, ნახჭევანიდელმან ყოვლისა სპარსეთისა შეყართა მყოლსა, არანს მოსულსა, რომლისადა წარმოგზავნა ხალიფას დროშა მისი და ლაშქარნი, რომლისა თავსა ზედა იყო ოჭრო ათასისა ხალიფურისა.

მაშინ შეკრბეს თამარს წინაშე ყოველნი ვაზირნი და სპანი და თუთ შარვანშა. დამსკუნელთა მიმართებისათა უყოვნელ ყვეს დღენი ყოველთავე თუთუულად თემთა და თუთ შარვანშა და ამირ-მირმან წინაშე ითხოვეს სიტყუა მდაბლისა და გამარ-ჯუებულისა, მძლევისა და წარმართებულისა პირისა მისგან სჯანისა.

და წარემართა დავით, წარმძლუანელი ძელისა ცხოვრებისა

და შემყრელი ღროშისა სჯანად მოკმარებულისა, ბაკრატიანი და უფროსდა გორგასლიანურისა.

წარსულთა დაიბანაკეს წყალსა ზედა ეკელეცისასა და მუნიტ აყრილნი მოვიდეს სიახლესა შანქორისასა, თუესა ივნისსა, დღესა ხუთშაბათსა, რომელი განთენდებოდა პარაკევად, რომელსა შინა ქრისტემან ღმერთმან ჩუენმან შემუქრება ძლიერება მკდომისა და დათრგუნა ორთავი იგი ვეშაპი.

და ვითარცა ცნა მეფემან და სპათა მისთა, შარვანშა და ამირ-მირმან და ლაშქართა მათთა, პირველად მხიარულთა და მბადლობელთა ღმრთისათა ახლოს პოვნისათეს მტერისა მათისა, დაეცა განკრევება, თუ „ვითარ დამგდებმან განძისა და არანისა ჭალათა, მათთა მაგართასა აპკედა საფარველი, და მკურცხლ შეუმართებია ომად მოგებვად წინა“. გარნა ესე სამე გამორჩევითა და განზრახვითა მოსრულ იყვნეს ადგილსა მას, პირველად იმედითა სიმრავლე აურაცხელობისათა, მერმე ჯევისა და სიმაგრისა შეზღუდვილობითა.

მაშინ აღიჭურა და შეიჭურა მეფე, შეჯდა ზერდაგსა, რომელი სახელგანთქმულობისათეს ეყიდა ვახტანგ ხაჩენელისაგან მბოძებელსა ციხისა და სოფლისასა, რომელ არიან ჭარმანი. ამირ-მირმან მოყმემან, ამღებელმან ჰოროლთამან, შეირტყა მშუდდკაპარტი, მოსიმახოს უცთომელმან მსროლელმან და ვითარ განსწავლილმან კენტავროსისაგან.

და მას ჟამსა ჭიბერი და მწიგნობართუხუცესი ანტონიცა წინაშე იყო, კაცი შესახედავითაცა ჭაბუკი და გუარტომად. მას უბრძანა წარძლუნვა ძელისა ცხოვრებისა, რომელ არს სკიპტრა და ჯაჭუ-ჭურ მეფეთა. განმამკნობელნი ურთიერთარსისანი, მომგონებელნი ქრისტეს მათისათეს ვნებათანი, აღმხილველნი ღმრთისა და მითუალულნი, და მისდა შევრდომთა თაყუანის-მცემელნი, შემვედრნ სულთა და სხეულთანი მოაკენებდეს ერთი-ერთისა სიმკნესა, მარჯუებულობასა პაპთა და მამათასა, თუ ვითარ ძუელ ოდესმე წინაშე დავითისა ოცდაათ-შუდმეტნი გმირნი მბრძოლობდეს და მძლეობდეს უცხოთესლთა და ვითარ სპანი ვახტანგისნი წინაშე ვახტანგისა, და ვითარ სპანი ახლისა დავითისნი წყობათა დავითისთა იერუსალიმს ერთობდეს, აწ შვილისა მის თამარისნი, რომელი დავით წინასწარმეტყუელითგან ოთხმეოცსა ერთობს შვილად ცხებულად.

და მეტყუელნი სპასპეტნი სპათანი: „თუ იგი ვინმე მაშინ იყვნეს მძებარნი სახელთანი და დამდებნი თავისანი ისტორიის კებისანი შესხმათასა, აჲ ჩუენცა უსწოთ და გარდავსტაცოთ ქება მაქებელთა და შემსხმელთა, დავაძუენლნეთ და დავარცხნეთ ჰომითა მათთა და მოვიგონნეთ ვიეთნიმე სჯულისა და ქრისტეს კუალთა შედგომილებისათუს თავისმსხმელნი ლანძუთა და ტაფათა და კატაპელტანი, და ვინმე გმირნი გოლიათნი, სახელის მძებრობისათუს არამირინი სიკუდილისანი, და ვინმე მიჯნურნი და მნათობთა მათთა მოგონებითა ყოვლად უწყალოდ მქნელნი კორცთა და სულისანი. აჰა, ჩუენცა კელნი კრმლად და სული ღმრთად!“.

მაშინ ჰკრეს სპერმურთა, და სცეს ზარი, დააწყუეს რაზმი წესისაებრ; მიუწია წუერმან რაზმისამან მარჯუენითმან მთად და მარცხენითმან მტკურად. და წარემართნეს და წარვიდეს სიძლესა შანქორისასა, გარდაეცნეს ზედა, და განყო რაზმი მიმახლებელმან ქალაქისამან და ომთამან. თუთ მეფე, რაზმითა დამგდებელი მარჯუენით შანქორსა, მოსწრაფე იქმნა განსლვად წყლისა შანქორისასა კერძოსა. და უმცირეს რაზმისასა კართა ზედა და კიდთა შეიქმნა ომი და სროლა. ძნელსა და საჭიროსა გზასა სიმკნითა ველყვეს კსნად, განვიდეს პირსა ისლემთა რაზმისასა, რომლისა ზარი — უზარო, ჰამრი — უჰამარო გაგონებისაგან და თუალთა მხედველობისაგან. შეიქმნა ომი და კუეთება არათუ სრულობით წარმოლურითა რაზმისათა, გარნა წინამსრობოლთაგან, რომელთა ყივჩაყთა ენითა „ჰალაშ“ და „დასნაჰტდა“ ეწოდების.

1 და გაგრძელდა ომი გზისა სიგრძისაგან, ვინათგან მეფე და რაზმნი მისნი მიზეზითა ბელთა და კაპანათთა დაყოვნებულ იყვნეს. და მოუკლეს ცხენი ზაქარიას ვარამის ძესა, და დაუკოდნეს სხუათა მრავალთა დიდებულთა. მაშინ ცნეს მჯარგრძელთა, ძეთა სარგისისთა, ზაქარია ამირსპასალარმან და ივანე მსახურთუხუცესმან, წარმომართეს, ვითარცა ვეფხთა ფრთოსანთა და მოესწრნეს კნინსა დაჰირებისაგან უკურიდებულთა. და მომხედველთა იხილეს: მიახლებოდა მეფე და მისი რაზმი; დროშა იგი გორგასლიანი, რომელი სინდეთს შესლვითგან მოსპეტაკდებოდა. ყოვლადცა პატრივის-მცემელ ექმნებოდა ზენა იგი განგება. და მათ პირველ მოსრულთა, წახეთქნეს ნა-



ხევარნი ლაშქართა და რაზმთანი. ვიდრე მეფისა მოსდეს
გამაგრდა რაზმი ათაბაგისა.

და რაჟამს იხილეს მეფე, დაეცა რისხვა ღმრთისა უხილავი
და კრძალები და ჰოროლები მეფისა, რაზმთა მისთა მსრველი.
და აჰა, მისლვამდი იოტეს და გააქციეს, დაათრვნეს ისარნი
სისხლითა და კრძალნი ჭამდეს კორცთა მტერთა მათთასა. და
მეფე იქცეოდა მსგავსად აქილევისა და მიუწია მდევარმან
ერთეგრძომან განძის ბალთამდი, ერთეგრძომან მთამდი გელა-
ქუნისა. არა თუ წარმქცეველი ერთი ათასთა და ორი ბევრთა
იხილვებოდეს, არამედ შემომქცეველნი ერთი ათასთა და ერ-
თი ბევრთა ტყუემქნელად კელმწიფეთა, დიდებულთა და აზ-
ნაურთა, გარნა ათაბაგი მხოლოდ განერა ერთითა მონითა. და-
რონავრეს ქალაქნი სამნი, ვითა არს წესი სარკინოზთა ლაშქარ-
თა შინა ქონება ქალაქთა და სიმდიდრეთა: ერთი ათაბაგისა,
ერთი ათაბაგის ძისა ბეშქენ ქველისა, ერთი სათმაზ ეზდინის
ძისა, რომლისა მამისა სიუხუსა სახელი სპარსეთს ასეთი ით-
ქმოდა: «ჰათემ თაიელისა». და წარუდეს დრომაცა ხალიფასა-
გან ლაზოდ წარმოგზავნილი. მადლიანითა და ქვეშეარტიითა პი-
რითა კურთხეული იესევითარი აჩუენეს აწ საქმისა გამარჯუ-
ბულება. მიმვედრობითად სამე დეენისაგან შემოიქცა მეფე და
მიეგება წინა ანტონი ვაზირი კელგაპყრობით მადიდებელი
ღმრთისა და თუთ აღვსილი ლარითა და საქურქლითა ათაბაგი-
სათა, რომელმან რიდობითა მონაზონობისათა არა იკადა მახუ-
ლი და მისრულმან სამითა ყრმითა შემოაქცია სამასი ჯორი და
აქლემი.

მაშინ მოვიდეს მადიდებელნი სპანი და სპასალარნი და
სპასპეტნი. თუთ შარვანშა და ამირ-მირმან; პირითა მხიარუ-
ლითა გარდამოვდეს, თაყუანი-სცეს, დალოცეს და ქება შეას-
ხეს მეფესა და ბუმბერაზთა მისთა. და მას ლამესა დაიბანაკეს
სადგომსა მათსა, რომელი გუშინ მნახველთაგან აღარ იცნო-
ებოდა. მენართა წილ აღმართნეს ეკლესიანი და მყივანთა წილ
ჰკრეს ძელსა, და ნაცვლად მუყრთა იხილვებოდა ლაღადება
მდდელთა აღონაისადმი: უფალო საბაოთ ძალთასა.

ვითარცა განთენდა, მოვიდეს შანქორელნი და მოართუნენ
კლიტენი. და ამღებელმან ქალაქისამან და ყოველთა მისთა
შიმდგომთა ქალაქთა და ციხეთამან ითაყუანა ამირ-მირმან და
უბოძა მას. თუთ გაემართა განძას და მივიდა სიახლოესა ქალა-

ქისასა: გამოეგებნეს დიდებულნი და დიდვაჭარნი, ყადი და მულიმნი. დავრდომით მიწა-ქნით თაყუანის-მცემელთა შეასხეს ქება დავით მეფესა და ცრემლით მოქენეთა შეავედრნეს თავნი და შვილნი; განახუნეს კარნი ქალაქისანი, და მიუფენდეს სტავრასა კართა სრამდი სულტნისა, და გარდასსხიდეს თავსა ოქროსა და ვეცხლსა, დრამასა და დრაჰკანსა და ვითარცა შევიდა სრად, აღვიდა და დაჯდა ტახტსა სულტნისასა.

შეიქმნა დარბაზობა და დასხნეს ამირ-მირმან და შარვანშა თუთეული თუსსა ადგილსა. ეგრეთვე ვაზირნი: მანდატურთუხუცესი და ამირსპასალარი და შემდგომნი წესისაებრ, რომელი აქუნდა წესი ჯდომისა და დგომისა, დასუეს. მაშინდელი ზარი და ზეიმი ვისმანმცა ენამან გამოთქუა, ანუ მცა ვისი გონება მისწუთა მეფობისა და სულტნობისა ერთად მქნელობასა, ათაბაგის ძისა და შარვანშას ყმად ყოლასა, ყოვლისა მუსულმანობისა ტყუექმნასა შინა და რომელნი დარჩომილ იყვნეს მოსლვასა და სამიწოდ თაყუანებასა შინა? შეიქმნა პურობა და ნადიმობა შესატყვისი ჟამთა და მის დღისა.

მაშინ წარმოგზავნეს მახარობლად მანდატურთუხუცესი ჭიბერი და მოვიდა ტაბაქმელასა და ჰკადრა თამარს საქმე აღსავსე სიხარულითა გამოუთქმელითა. ხოლო აღუზუავებელითა და წყნართა ტკბილითა სულითა და ლმობიერითა გულთა, თა შეწირეს ღმრთისა მიმართ მადლი და ქება ჯეროვანი.

და ქალაქს სლვისა გამომრჩეველნი მივიდეს სრასა. და მოვიდა მეფე და მის წინაშე ლაშქარნი, სავსენი წყალობითა ღმრთისათა, სახელითა მიუწდომელითა და სარგებელითა გამოუთქმელითა. მოიღეს ნიჭი, არმადანი და განძი აურაცხელი: კაცი კელმწიფე-აზნაურითგან მონამდის თორმეტი ათასი, ავაზა ორმოცი, ცხენი ოცი ათასი, ჯორი შუდი ათასი, აქლემი თხუთმეტი ათასი. დროშათა სხუათა, სიმრავლეთა საქურტლეთა, ოქროთა და ლართა ვინმცა უძლო აღრიცხვად? იქმნა თამარისა შეწყალება, რომლისათუს დროშა იგი ხალიფასი, რომელი მოიღო შალვა ახალციხელმან, წარგზავნა ესე მონასტერსა დიდსა წინაშე ხახულისა ღმრთისმშობელისასა, მსგავსად მამისპაპისა მათისა: მაშინ მას წარგზავნა მოძრცული ქედისაგან დორბეზე სადაყაის ძისა ჟამთა დიდგორთა გაქცევისათა, მანიაკი ოქროსა, შემკული თუალებითა ძურფასისათა. მიზეზად ძღუნის შემწირველობისასა და მვედრებელობისა ამან-
23. ქართლის ცხოვრება

1 ცასა ცათასა დამწყებ არს ღმერთ-მთავრობა,
ქე საუკუნობს პირველი და კუალადი.
სულმან მან ღმერთმან სრულ ყო მოქმედებადი,
სამებით სრულმან ერთითა ღმერთაებითა,
მიწით პირველის, პირმშოისა კაცისა.

შენ მიერ მისთვის დრკუსა მის განმგებელი
დრკუი მიდრკა უვნებელი ვნებისადმი,
იენო და ვნება პირველი უვნებელ ყო.
შენგან შობილმან, ჩუენ ღირს-გუყვნა აღმოშობად
ბნელით ნათელსა, ნათელთა მხედველობად.

შენგან, ქალწულო, რომელსა შენთვის დავით
როკვიდა, ძისა ღმრთისა ქედ შენდა ყოფად,
მე თამარ, მიწა შენი და მიერივე,
ცხებულობასა ღირს მყავ და თვსობისა.
ედემს, ლადირთად, სამხრით და ჩრდილოეთით

შუამფლობელი იავარს შენდა გმრთმელობ,
ხალივას დროშა თანავე შანიაკსა
შევრთე, ცრუ-სჯულთა მოძღურად ღაზოდ მძღუანი,
ვინ დავით, ძეებრ ეფრემის მოისარმან,
მოირთხნა, მოსრჩა სულტნითა, ათაბაგით.

ერანს ებრძოლეს ჩემ მიერ მისთა სპათა
ჩუენნი მკედარნი, მოსაენი შენნი, სძალო;
მოწყუნეს, მოსწყუნეს აგარის ნათესაენი.
მუნით მოხმულთა ნიჭთაგან ერთსა ამას
შენდა შევწირავ! მიოხე ძეებრ, ღმერთო!

და ვინათგან თამარ მზეებრ უხუ იყო და ყოვლად უჭნოთა
მათ ნიჭთა ამღებელი იქმნებოდა, ამისგან თუთოსა დამჭერე-
ბელმან აილო საბატრონო პატრონმან კმელთა და ზღუსამან.
და მადლისა და წყალობისა გარდამკვდელმან გაყარნა ლაშქარ-
ნი. ხოლო მწყემს ოდენ ეკმაებოდეს ტყუესა და ნატყუენავსა,
და თუთ იშუებდეს, იხარებდეს, ნადირობდეს და სუფევდეს
ულუმპინად და შუენიერად ზედიანნი და სუანნი თამარ და
დავით ორთა შვილთა თანა, ნათელმოსილთა და ბრწყინვა-
ლეთა.

აწ თქუას სიტყუამან ესეცა საძნაური და საბრალო. ვინათ-
გან სიბრძნედ და მეცნიერობად ნათესავსა აგარიანთასა აქუს

საქმე გრძნებისა და მოგუობისა განსწავლილთა იუნიტანისა გან, რომელ ნებრთ იხილა კიდესა ზღვსასა კვროისა-ზე და დარიოსისა. შემდგომითი შემდგომად არიან მჩხიბავნი, მწამ-ლველნი, უარისმყოფელნი ღმრთისანი. აქაცა რწმენა ვინმე დიდძალისა ოქროსა ქადებთა ბუბაქარ ათაბაგ-ყოფილმან და ნახჭევანს გარდახუეწილმან მოწამლვა და სიკუდილი ძმისა მისისა ამირ-მირმანისა. და მისცეს წამალი სასიკუდინე და დას-ნეულდა. და გავზავნეს კაცი მცნობელი და მუნით დიდითა შიშითა და ზარითა, ასპიტისაგან კბილნი მთარათახნი, ძლივ-სადმე მოვიდა მთასა კაპისსა, სანახებსა განძისასა და ცნეს დასტური სიკუდილი.

მოვიდა ბუბაქარ განძას; გავიდეს და შეიბნეს ყმანი ამირ-მირმანისეულნი. და ზოგნი დაკოცეს და ზოგნი გარდახუეწნეს. თუთ მოიფიცა განძა და გამაგრდა; შიშითა მანდ არა დამყოფ-ნელი ხანისა გავიდა ჭერთ უმეცარი ამირ-მირმანის სიკუდილი-სა, არა დამხედავი მცირეთა ყოვლისა. გაემართა და მივიდა შანქორამდი. და მუნდა მოეგებნეს დიდებულნი არანისანი მტირალნი, დამსხმელნი თავსა ნაცრისანი, და ჰკადრეს: „ჟამად აღარა იქმნებისო; სიმაგრეთა ესე წაუხუამთ და ბუბაქარს აღარსად დაუდგნა ამას ქუეყანასა“.

მაშინ შემოიქცა მეფე დიდებულთურთ, მოვიდა წინაშე თამარსა და, მსგავსად აღექსანდრესა, ვით დასდვა პატივი დი-დი პორეს ლუსკუმასა შინა ჯდომითა, ეგრეთვე შავითა შეი-მოსა ნათელი იგი, პირველი ნათლისაცა უბრწყინვალესი, და დიდითა ცრემლითა მოიტირნა. დიდებულნი ხასაგიანნი და მონანი ამირ-მირმანისეულნი დიდითა პატივითა და სიყუარუ-ლითა დაიტირნეს.

ხოლო ივანე მკარგრძელი მცნე და ბრძენი იყო ომთა და ლაშქრობისა საქმესა შინა. მოჰმართა, და გავიდა გელაქუნად მცირედითა ლაშქრითა, და დადარნა ვითარცა დათუმან მომში-რალმან ბრჭალსა მტერისასა, ვით ლეკუმან ლომისამან, და ძე-თა ისრაელისათა ძეთათჳს ბენიამენისთა, და არავინ იახლა თა-ნა ყმა ფიცხელი.

ამას შინა თუთ ივანე, მდგომმან მსტოვრობასა შინა, იხილ-ნა ლაშქარნი შორს, ჯემად ათეკად უფროს ლაშქართა მისთა-სა, მომავალნი განძით და მიმავალნი ქუეყანასა დვინისასა სურმანს, მასისის გვრადისა და შურისასა; თუთ ბალბან, გაზრ-

დილი ელდიგუზ ათაბაგისა, ლომი ჭაბუკი, პატრონი დედა და სომხითისა, ძმა სურმანელისა, სურმანელითა ლაშქრითა; ალი შურიშამი, დიდად მყოფი, კაცი მმარჯუე, ეგრეთვე დროშის პატრონი. ვინათგან ივანე კაცი გულმკვეცი იყო, არ დახედნა სიმცროსა მათსა და უფროსობასა მტერთა მათთასა, და გამომკდომიან დაფანჩნა და დაპანტნა, ვითა წერონი ტუდრილმან და ვითა ჯოგი კანჯარისა ლომიან, დავოცნა, ამოსწყუდნა და რისხვა ღმრთისა მოავლინა თავსა მათსა ზედა; თუთ ბაღბან, ლაშქარნი და დროშანი, მკუდრისაგან კიდე კაცი ცოცხალი ოთხი მოიღო. თუთმპყრობელთა განაღამცა გაიხარეს დიდად წყალობათა მიმცემელთა და ღმერთსა შესწირევდეს მადლობასა ჯეროვანსა.

შეიყარა მეფე სპითა იმიერთა და იმიერთათა ქუეყანასა განძისასა, და თამარ ჩავიდა დვირამდი, წინაშე მოვიდა შარვანშა სამსახურად; და გაგზავნა ლაშქარი, შემოქცეული დაღვა აგარათა მორკმითა და სუფევეითა. და მოვიდეს კარსა განძისასა. ამწყუედელთა და მთხრელთა არანისათა დაყვეს კარსა ქალაქისასა დღე ოცდახუთი. ცალკე ივანე მსახურთუხუცესმან, დიდთა ლაშქართა და ურიცხუსა ალაფისა შინა გამომგზავნელმან, ხაჩენელნი დიდებულნი მიიტანნა წინაშე მეფისა. რამეთუ განმაქარებელნი არანისანი, და განძისა და სხუათა ქალაქთაგან ხარაჯა-ძლეულნი, შემოიქცეს სამეფოდ ძლევაშემოსილნი, შარვანშას თანამომტანელნი. მაშინ უბოძა საბოძუარი და შემოსეს მრავალ-მრავალჯერ, გაგზავნეს შინა პატივითა.

და წარვიდეს ლიხთიმერიტის; შთასრულთა ზღუა პონტოსა მოიურვეს, და მოირკუნეს დიდად და კარგად, ვინათგან ქუეყანა არტანისა, ძალინისკვევისა, პალაკაციო წაეღო თურქთა.

და თამარსა, გონებითა და განზრახვითა ბრძენსა, არ ავიწყდებოდა მას ყაბოს მკულეველი კეკოს. და მიუწია მარბიელმან ბასიანამდის და ყურაბებამდი. ავსილთა დაიბანაკეს «სისხლის მუცელსა». აწცა იხილვებოდა, მსგავსადვე ძუელ ოდესმე თქმულისა და მქონელისა, ქუეყანა და საყოფი მათი, ვითარცა «სისხლის მუცელი».

ამა ძლევეთა და გამარჯუებითა იყო თუთ მეფე მეფეთა. არცა იგი უმადლოდ აპოებოდა გამმარჯუებულისა მისისა, არამედ დიდბუნება იყო სკიპტრის-მპყრობელთა შორის უსაჩინოვითა ესე თამარ.

ამისთვისცა უდიდესთა ჯელ-ყო საქმეთა, რომელთა მთხრობელად მოწვევული მყის თავსა შორის ჩემსა, უჯმოსა და უჯუნებოსა, მსგავსი იპოებოდი უმეტრებით ლექსთა მეტყუელთად. და ვინათგან საქმეთა დიდთა კეთილთა დავიწყებად შეიქნა, არა ჯერ ვიჩინე დადუმებად, რომელნი ზესთა ძალისა არიან არა ჩემთვის ოდენ, არამედ ვგონებ პირველთა სიტყვს-მოქმედთა. ვინა უტყუელი პირი იტყვს: «ეძიებდი სასუფეველსა ღმრთისასა და სიმართლესა მისსა, და ესე ყოველი შეგეძინოს». და ამისმან მსმენელმან და კეთილად გულისკმის-მყოფელმან აღიხილნა თუალნი მალლისა მიმართ და აღამაღლა გონება, ყოვლად რამე ბრძენი და კეთილად ცნობა-გონიერი, რომელი ყოველითურთ შეეყო მაღალსა მას, ყოველთა ზედა მხედველსა, და შემსჭულაა თუალი უმრუმედ მხედველი, რათა მეცნიერ-ყოს და მას მხოლოსა ხედვიდეს.

ვერ შეიტყუა იგი საშუებელმან ამის საწუთროსამან, არცა მეფობამან გურგუნისამან და სკიპტრამან, არცა ქვათა პატიოსანთა უხუად ქონებამან, არცა სპათა სიმრავლემან და ესოდენ სიმკნემან, რომელი სიტყუამან ცხად-ყოს. არა მიდრკა, ვერცა წარიპარა სიმდიდრემან, ვითარ ძუელ ოდესმე მეფენი მრავალნი და უმეტეს ამის სანატრელისა მამა, ყოველთა ბრძენთა უპირატესი და უმეტესი სოლომონ. ესრე უბრძნე იქმნა ბრძენისა მის, რომელ ესეოდენ შეიყუარა ღმერთი იგი და უცხო ექმნა საცთურთა სოფლისათა. ამან ისმინა ჯმა იგი უტყუელისა პირისა და შეიტკბო იგი, რამეთუ ღამე-ყოველ მღუძარება, ლოცვა, მუქლთ დრეკა და ცრემლით ვედრება ღმრთისა ზემდგომრობითა განსაკვრვებელ აქუნდა, და ღამე ყო ჯელსაქმარი, რომელი-გლახაკთა მიეცემოდა. ერთი ოდენ ვაჯსენოთ. |

ლოცვისა და ჯელსაქმარისა მიერ მაშურალმან მცირედ მიიჩინის ბუნებითისა წესისამებრ. ამას მცირედ მირულებასა შინა იხილა ჩუენებით რაცა საყოფელი, სახილავად ტურფა და სიკეთე აღმატებული ადგილი, ყუაველთა, მწუანველთა და ნერგთა მიერ განშუენებული რომელი საწადელ იყო მხილველთათვის და სიკეთესა და შუენიერებასა მისსა სამოთხისასა მითხრობა შეუძლებელ. ამას შინა იყო შესწორებული საყდრები და სკამები, პატიოსნად შემკული ოქროთა, რომელიმე ვეცხლითა, თვითოფრად განშუენებული საჯდომი თვითოფული-სა კაცისა, არძანივისაებრ საქმეთა, ნაქმარისა მისისა. ხოლო



ზენა კერძო იყო ტახტი, უპატიოსნესი ყოველთა დასაჯდომელი თა, ოქროსა, შემკული თუალითა და მარგალიტითა ბატონისა თა. ამას სამოთხესა შინა შეიყვანეს ჭეშმარიტად ღირსი მას შინა ყოფისა მეფე თამარ. იხილა საჯდომები და განიზრახა გულსა შინა თვისა, ვითარმედ: „მეფე ვარ მპყრობელი და ჩემი არს უზენაესი და უპატიოსნესი ესე საჯდომი“. და მყის მიმართა მუნ დაჯდომად. ხოლო წარმოუდგა კაცი ვინმე ნათლითა მოსილი და უპყრა კელი, მოხედნა და რქუა: „შენი არა არს საჯდომი ისი, რამეთუ შენ ვერ შემძლებელ ხარ დაპყრობად იმისსა“. და მეფე იტყოდა: „ვინ უპატიოსნეს არს ჩემსა, რომელმან დაიპყრას უპატიოსნესი საჯდომი?“ მან რქუა: „საყდარი ისი შენისა დიასახლისისა არს, ამისთვის რომელ ათორმეტთა მღდელთა მისთა კელთა შესთული ჰმოსიეს, რაჟამს წარდგენ შესაძრწუნებელსა და საშინელსა ტრაპეზსა შეწირვად უსისხლოსა და პატიოსნისა მსხუერპლისა. ამისთვის იგი უხეშთაეს შენსა არს; დაღაცათუ შენ მეფე ხარ, კმა არს შენდა დიდება ესე, დაღათუ საყოფი შენი აქავე არს“. და უჩუენა უდარესი და უუნდოესი.

ვითარ განიღძა, წინაშე მოყვანებად სცა დიასახლისი იგი, რომელმან აღიარა თორმეტისა მღდელისათვის უფროსად სრულისა კუარტ-ფილონისა შესთვა და მღდელთა მიძღუნევა. მიერთგან იწყო ამანცა აღექსანდრიით ვაჭართა მოღებულისა მატყლისაგან სთვად და ქმნად შესამოსლისა, ვიდრემდის ათორმეტად სრულყოს.

თქმულ არს ესეცა, დაღათუ მოუწყობელ არს სიტყუა, ვითარმედ თვისითა კელითა ამასცა შურებოდა, რომელ მის ღდისა საქამადი მისი ფას-რაოდენ ღდივ შეჭამის, კელით საქმარი მისი განყიდის და ეგოდენ ფასი გლახაკთა აკელსაქმრის და მისცის არა სამეფოდ შემოსავალთაგან. საეკლესიო ლოცვად წესი ლოცვისა დაუკლებელად აღესრულებოდის, ვითარცა ტიბიკონი მოასწავებდა და განწესება პალესტინისა მონასტრისა მოკვთხრობს, ყოველი სრულიად. დარბაზის კარს მყოფი წირვად ვერვინ დააკლდებოდა: მწუხრი, დილეულ, სამხრი, ვითარცა თქმულ არს.

გარნა სამართალთათვის რადლა მივმს თქმა? რამეთუ ქამთა მისთა არა იყო მიმმძღავრებელი, არცა მტაცებელი, არცა მეკობრე და მპარავი. იტყოდა, ვითარმედ: „მე ვარ მამა ობოლ-

თა და მსაჯული ქურჩიათა“. მოწყალეებისათჳს კმა გეყავნ დადრანი ვარდან, გუზან, რომელი თუალ-მრუმე ოდენ ყვეს, ბოცოს ძე ბოცო და ამათნი მიმდგომნი დიდებულნი და აზნაურნი, რომელნი ჩანან შეწყალებულნი.

ვინათგან უდიდესნი საქმენი წინამდებობენ, ვითა თქმულ არს, «ვინმცა მცნა მე ფრთენი ტრედისანი», ვინმცა მცნა მე ისტორიათ აღმწერელმან ქმნა ღმრთისმოყუარესა თამარს წინაშე სასწაული განსაკრთომელი და ყოველთა ქართველთა და მართლმადიდებელთა აღმატებულითა სიხარულითა ამჟამდღებელი?

მოვიდეს ძმანი ორნი მეფეს წინაშე მსახურებად, ძენი სარგის ამირსპასალარისანი, რომელნი მას ჟამსა დიდად განდიდებულნი იყვნეს მეფისა მიერ: ზაქარია ამირსპასალარი და ივანე მსახურთუხუცესი. ყოველნი მკვდრნი მეფის წინაშე იყვნეს: კათალიკოსი იოანე, სულმობერული, კაცი ანგელოზთა მოსაგარე, და მცირენი ეპისკოპოსნი, და სხუანიცა საქართველოს წარჩინებულნი შეკრებულ იყვნეს. ვითარ კათალიკოსი იოანე უსისხლოსა მსხუერპლსა მღდელმოქმედებდა, მოიღო და შესწირა მან ჟამი. აღსრულებისა ყოველნი ღირსნი მოუჭდებოდეს ჭამად სეფისკუერისა. ინება ზაქარია ამირსპასალარმან შეხებად და აღებად სეფისკუერისა. ხოლო მღდელთა არა მისცეს, რამეთუ იყო სარწმუნოებით სომეხი, შეჩუენებულთაგანი; და სირცხულითა იკადრა ზაქარია აღტაცებად სეფისკუერისა და შეჭმად. რომლისათჳს კათალიკოსი, ცეცხლებრ აღტყინებული, ძლიერად ამხილებდა და ეტყოდა: „ნეფსით არავინ მართლმადიდებელთაგანი იკადრებს მღდელმოქმედებასა სეფისკუერს თქუენ, შუდგზის წყეულთა სომეხთა, მოცემად, მომტაცებელი ძაღლიცა თუ იბოოს“. რომლისათჳსცა სირცხულეული წარვიდა ზაქარია კარვად თჳსად.

და დარბაზს მასერებელი ზაქარია ამირსპასალარი მცირედ რასმე სიტყუასა ჰყოფდა ურწმუნოსა, რამეთუ სიტყუთა ჭგმობდა სარწმუნოებასა ჩუენსა. ვითარ სულმობერული კათალიკოსი მიუგებდა და აუჯსნიდა, წინააღდგომად ვერ შემძლებელი ზაქარია ეტყოდა: „მე, მელაშქრე, ვერ კეთილად მეცნიერ ვარ სიტყუსგებად შენდა; არამედ მოუწოდო მოძღუერთა სარწმუნოებისა ჩუენისათა, რომელთა ჩემ წილ სირცხულეულ გყონ“. კათალიკოსი იოანე მიუგებდა: „იყავნ ნება

ქრისტესი და ზარადის ქალწულისა ღმრთისმშობელისა, მეღმან სირცხულეულ ყვენეს უარისმყოფელნი თვისნი“.

ამისმან მსმენელმან ზაქარია წარავლინა კაცი კათალიკოსისა მიმართ მათისა, თანა-და ეპისკოპოსთა, ყოველთა ვარდაბეტთა და მეცნიერთა. ხოლო ივანე წინააღუდგებოდა და ეტყოდა: „განიყენე მაგისა ქმნად, რამეთუ უწყით, ვითარმედ ჭეშმარიტი სარწმუნოება ესე არს“. გარნა მხოლო არა ისმინა ზაქარია.

და მოვიდა კათალიკოსი განისა და ყოველნი ვარდაბეტნი. და დაიდგა სამსჯავრო, და დაჯდა დედოფალი, დედოფლისა მოსაგი დავით მეფე და წარჩინებულნი საქართველოსნი ერთკერძო, მკარგრძელნი ზაქარია და ივანე ერთკერძო. მოუწოდეს კათალიკოსსა იოანეს. შევიდა და იტყოდა ფსალმუნსა ამას: „აღდგე, ღმერთო, საჯე სჯა შენი, მოიკსენე ყუედრება შენი, რომელ არს უგუნურთაგანჲ. ვითარ შევიდა, აღდგეს მეფენი და პატივით თანადასუეს; ეგრეთვე მარლასთა და ვარდაბეტთა სომეხთა მათცა პატივი უყვეს წესისაებრ.“

ვითარ მოკითხვამან ჟამი მოიღო, დადუმნეს ყოველნი და იწყეს სომეხთა სარწმუნოებისა მათისა თქმად სიტყუა-მჭევრად და ვრცელ-სიტყუად, გინაცა კეთილად მოკსენებულ იყვნეს. კათალიკოსი, ზეგარდამოთა ნიჭითა აღსავსე, გონიერებით აღუქსნიდა და ბრძნად მიუგებდა უკურღუევად თქმულთა მათთა, ხოლო თვისისა დამამტკიცებელად. და გაგრძელდა სიტყუსგება მიმწუხრამდე.

| მოშიშმან ისტორიისა სიგრძისამან კმა ვიყო თქმად: ვითარ უწყით სომეხთა სიტყუა-მისვეობისა, ძლიერი ღაღადი აღუტევეს, ცილობისა სწორი ძლევა იქმნებოდა. ამის მსმენელმან კათალიკოსმან იოანე, ღმრთისმეტყუელისა მოსახელმან, ნუჟკუე ზენათ სულის წმიდის მიერ აღვსებულმან, ანუ თუ მართლისა სარწმუნოებისა მინდობილმან — არა უწყი, აღაღო პირო ბრძნად მეტყუელი შეუვალთა სიტყუათა. ოდესმე დიდი ელია მსხუერპლსა ზედა მოხედვიდა ცეცხლითა ღმრთისა მიერ მლოცველი; იხილეთ, თუ ვითარ უაღრეს აღსაჯდელ არს უსისხლო მსხუერპლი — ვორცი და სისხლი ღმრთისა კაც-გმნელისა — მსხუერპლსა ზროხისასა, რომელი აჩრდილსა მწერტულად იყო, ეგოდენ უბრწყინვალეს და უზენაეს არს,

რომელი აწ იქმნა და ითქუა, ვაგონებ, სულისა მიერ წმიდისა ბირითა მსახურისა მისისა კათალიკოსისათა. რამეთუ თქუა:

„სახლით თარგამოსნო, რომელნი შეკრებულ ხართ ძუნად და მტერად მართლისა სარწმუნოებისა! უწყითა, რომელ ნათესავთა კაცთასა ეუფლა ეშმაკი? დამყოფელმან თუალთა გონებისტამან შეასაკუთრნა ხრიზმოსთა, და არამეცნიერნი და დამტყვებელნი ღმრთისანი უზორვიდეს კერპთა, ხახუსა და ნიორისა და ჭინჭარსა. ხოლო ღმერთი, არა უგულვებელს-მყოფელი დაბადებულთა თვსთა, ეზრახა აბრაჰამს და შერმე ნათესავსა მისსა; კუალად მოსეს მოსცა სჯული და მსჯავრი უკანასკნელ, უმეტესთა წყალობათა აღძრული, ზეცით გარდამოკდა ერთი სამებისაგანი, ძე და სიტყუა, ქალწულისა მარიამისგან კორციი შეისხა და მსგავს კაცთა იქმნა, რამეთუ სისხლთაგან ქალწულისათა მიიხუნა კორციი კაცობრივნი და სული სიტყუერი, იქცეოდა კაცთა თანა და ყოველნივე განგებულნი აღასრულნა. რაჟამს შესაძრწუნებელი იგი ნებსით ჭუარცმა ეგულებოდა, ათორმეტთა მოწაფეთა თანა ისერა და სრულ-ყო პასეჭი. ვითარ სრულ იქმნა, იწყო ახალსა ამას ღმერთმყოფელსა საიდუმლოსა: მოიღო პური, განტეხა და მისცა მოწაფეთა, და თქუა: „მიიღეთ და ჭამეთ, ესე კორციი ჩემი არს მისატყვებელად ცოდვათა“. ეგრეთვე სასმელიცა: „სუთ ამისგან, ესე სისხლი ჩემი არს“. და ბირველ იტყოდა: „უკუეთუ არა სჭამოთ კორციი ძისა კაცისა, არა გაქუნდეს ნაწილი ჩემ თანა“. და კუალად იტყოდავე: „კორციი ჩემი ჭეშმარიტი საქმელი არს და სისხლი ჩემი ჭეშმარიტი სასმელი არს. და მრავალ-სადმე არიან ესევეთარნი სიტყუანი. აწ უკუე მომიგეთ: გრწმენა ესევეთარნი კმანი მახარობელთანი?“ ხოლო მათ მიუგეს: „უცილობელ არს ეგე, რამეთუ მოგუცა კორციი და სისხლი მისი, რათა უკუდავებად ვჭამდეთ და ვსუმიდეთ; ესე არს ნიჭი დიდი ჩუენდა მომართ, რათა ქრისტეს ღმერთად აღმსარებელნი ვჭამდეთ კორცსა მისსა და ვსუმიდეთ სისხლსა მისსა“.

და კუალად კათალიკოსმან კმა ყო ბრწყინვალედ: „კეთილ, შვილნო, ვინათგან აღიარეთ, აწ უკუე ესეცა გრწამს, ვითარმედ ახალი სჯული და ახალი პასეჭი იყო სერობა იგი, და ყოველნი, ქრისტეს ღმრთად და კაცად აღმსარებელნი, მღდილ-გმოქმედებთ ქრისტეს ვნებათა მომქსენებელნი; ვჭამთ კორცსა მის-



სა და ვსუამთ სისხლსა მისსა; იგი არს სჯული ჩუენი და მცნება ახალი“.

ხოლო სომეხთა მიუგეს: „აგრე, ამას არავინ უმეცარ არს“.

კათალიკოსმან თქუა: „აწ უწყოდეთ, უკუეთუ სარწმუნოება თქუენი უმჯობეს-სადამე არს, თქუენ მიერ შეიცვალეზის პური კორცად უფლისად. თუ ჩუენი უმჯობეს არს, ჩუენ მიერ მდღელმოქმედებული შეიცვალეზის კორცად უფლისად“.

მათ თქუეს: „ეგრეთ არს“.

კათალიკოსმან თქუა საშინელი სასმენელად სიტყუა: „საქ-მითა გამოვაჩინოთ, არა სიტყუთა“.

მათ თქუეს: „რომელსა ჰყოფ, ჰყავ“.

კათალიკოსი ეტყოდა: „მოგცემ ძაღლსა ერთსა და დრო-გყოფ სამთა დღეთა, რომე ღამე განათიოთ ლიტანიითა და ღმრთისა ვედრებითა; სამ დღე ძაღლი უქმელად დამარხეთ. და ერთი ძაღლი მე მომეციოთ, სამ დღე უქმელად დავმარხო, ღამე განვათენო ლიტანიითა და ღმრთისა ვედრებითა, და გამოჩნდეს მართალი სარწმუნოება. მესამესა დღესა აღვასრუ-ლებ უსისხლოსა მსხუერბლსა და მოვიღებ სეფისკუერსა ჯე-ლითა ჩემითა. დაღათუ არა საკადრებელ არს, დაუგებ ძაღლსა წინა, რომელი თქუენ გყავს, და ეგრეთვე თქუენ სეფისკუერი მოიღეთ და დაუგეთ ძაღლსა მას, რომელი მე მყავს. რომლი-საცა შეჭამოს, მისი რწმუნება არა არს: თქუენი შეჭამოს, თქუ-ენ გრცხუენეს; თუ ჩუენი შეჭამოს, ჩუენ გურცხუენეს“.

ესმა ესე მეფეთა და ერსა, განკურდეს და უღონობამან მოიციუნა. ვითარ გონებად მოვიდეს, რქუეს კათალიკოსსა: „რა ესე სთქუ, სასმენელადცა ზარია!“ კათალიკოსი უმეტეს დაამ-ტკიცებდა. გარნა სომეხთა აღარა ენება, მისცნეს ძაღლნი ურ-თიერთსა, და წარვიდეს კარავთა მიმართ.

ხოლო მეფე, ძლიერად მბრძოლი, ეტყოდა კათალიკოსსა: „რა სთქუ, ვინ შემძლებელ არს ამისდა ქმნად, მოგონებად და სმენად, რამეთუ განსაკურვებელ არს?“ კათალიკოსი წყნარითა გონებითა მიუგებდა: „საქმე ესე არა მინდობითა თავისა ჩემი-სათა ვყავ. არამედ ვყოფ ამას სასოებითა ქრისტეს ღმრთისა-თა, რათა აჩუენოს მორწმუნეთა მართალი მორწმუნეობა თუ ვისი არს, და ვინ არიან მართლ აღმსარებელნი, და ვისითა მდღელმოქმედებითა შეიწირავს უსისხლოსა მსხუერბლსა და ვისთა ჯელთა მისცემს ტარიგი ღმრთისა დაკლვად თავსა თს-“



სა, ანუ ვინ ვკამთ ვორცსა მისსა და ვსუამთ სისხლსა მისსა მინდობითა მართლმადიდებლობისათა ცხად ვყოფთ ჭეშმარიტებასა. მეფეო, შემეწიე შენ და ყოველნი ქართველნი, დიდი და მცირე“. განკურდა მეფე და ყოველი ერი, ისმინეს რა ბრძანება კათალიკოსისა და წარვიდეს თჳს-თჳსად.

იყო დღე იგი პარასკევი. იწყეს ლიტანიობად: ერთკენ მეფემან და კათალიკოსმან და ყოველმან სამღდელომან კრებულმან, მცირედნი იყვნეს მუნ ეპისკოპოსნი, რამეთუ არა კრება იყო მეფესა, და ერთ კერძო სომეხნი და მკარგრძელნი ზაქარია და ივანე. დამე იგი ორთავე გაათენეს, შაბათსა კჳლად იწყეს ლიტანიობად და მწუხრი ერთშაბათი გაათენეს და აღმოკდა მზე და ყოველნი წარემართნეს ეკლესიად, ცრემლით მვედრებელნი ღმრთისანი. განამზადეს წმიდა ტრაპეზი ორგნითვე, იყო ტირილი ორისავე კრებულისაგან. და სრულყო რა უსისხლოსა მსხუერპლისა შეწირვა, აღიქუა კათალიკოსმან ფეშხუმითა შესაძრწუნებელი იგი ვორცი ჩუენთჳს კაცთქმნილისა ქრისტეს ღმრთისა. წარმოვიდა კრებულისა მიმართ მგზავრმეტყუელი: «წმიდა არს, წმიდა არს, წმიდა არს უფალი საბაოთ, სავესე არიან ცანი და ქუეყანა დიდებითა მისითა».

მოუწოდა სომეხთა ეპისკოპოსთა და მკარგრძელთა და ყოველთავე სარწმუნოებისა მათისა ზიართა და იტყოდა: „ისმინეთ აწ, სახლო თარგამოსისო! უწყით, რამეთუ ღმერთმან, ჩუენთჳს კაცთქმნილმან, მოგუცა ვორცი თჳსი საჭმელად მეტყუელმან: «უკუეთ არა სჳამოთ ვორცი ჩემი, არა გაქუნდეს ცხოვრება, ამას ჰყოფდით მოსაჯსენებლად ჩემდა». და მოციქულიცა იტყუს; «პურსა ამას რომელსა განეტენთ, არა-მე ზიარება ვორცთა ქრისტესთა არს?» აწ უკუეთუ სარწმუნოება თქუენი ჭეშმარიტ არს, პური ესე წმიდა ვორცი ქრისტესი იქმნების; უკუეთუ ჩუენი სარწმუნოება სთნავს, ჩუენ მიერ კურთხეულ იქმნების ვორცად უფლისად ყოვლადვე. ნუ იყოფინ, რომელ იკადროს რომელმანცა უარისყოფაჲ. აწ მოიყვანეთ ძაღლი, რომელი მე მოგეც; დაღაცათუ არა საკადრებელ არს, წინადაუგებ პურსა ამას წმიდასა. უკუეთუ შეეხოს ძაღლი და იკადროს მიახლებად, არა სადამე არს სარწმუნოება ჩუენი. მოყვანებად ვცეთ ძაღლი თქუენი, დაუდვათ პური თქუენ მიერ კურთხეული; იხილეთ რაძი იქმნას, და მას ზედა გამოჩნდეს, ვისი სარწმუნოება სთნავს ქრისტესა“.

ხოლო სომეხთა დაღაცათუ არა ენება, გარნა არა იყოუნი
სუხი სამართლისა; ძლით ეტყოდეს კათალიკოსსა: „შენ
განჩინებულსა ამას საქმესა შენ გიღირს ქმნად“. ხოლო იყო
ერსა ზედა შემოსვლად ჯარი რაძი იქმნას. და ამისმან მსმენელ-
მან კათალიკოსმან თქუა „მე ვყო“. და ბრძანა ერისა შორად
განყენება და მრგულივ გარემოდგომა, რათა ყოველთა მიერ
სახილველ იქმნას დიდებულება ღმრთისა. და განდგა ერი შო-
რადრე.

! წარმოდგა კათალიკოსი იოანე შემოსილი, და კელთა ეტრ-
თა ზარის ასაჯდელი იგი საიდუმლო, კორცქმნილი, მღდელ-
მოქმედებული. მეფე და ყოველი ერი ხედვიდეს განცვიფრე-
ბულნი და შეძრწუნებულნი. და კათალიკოსი დგა, ვითარცა
გოდოლი შეურყვევლი, ტურფად აღშენებული, ესრე მტკიცედ
დგა განშუენებულთა პირითა. მაშინ მოყვანება ბრძანა სამ-
დღე უჭმელისა ძაღლისა; და მოიყვანეს ძაღლი იგი შიშვლი-
თა განლიგებული. და წარდგა იოანე კათალიკოსი და აღმოუ-
ტევა ჯმა ბრწყინვალე: „ქრისტე მეუფეო, კსნისათჳს კაცთასა
განკაცებულო, ჭუარცმულო ჩუენთჳს, დაფლულო და აღდგო-
მილო და ზეცად მამისა ამაღლებულო, რომელმან მოგუეც
კორცი შენი, რათა მოსაჯსენებლად შენდა ვკყოფდეთ; შენ,
მეუფეო, გთნავს სარწმუნოება ქართველთა, გთნავს სარწმუ-
ნოება ესე ჩუენი შეუხებელად და მიუახლებელად დაიცევ ზა-
რისა ასაჯდელი კორცი ესე შენი, ჩუენ მიერ მღდელ-მოქმედ-
ებული; შენ უკუე შეიწირე შეუძრველი ეგე და აჩუენე ერსა
ამას გზა ჭეშმარიტი, და მოხედე მსხუერპლსა ამას და სირ-
ცხულელ ყვენ წინააღმდგომნი ჩუენნი“.

და რაჟამს ესე ითხოვა, დაავო შესაძრწუნებელი იგი უსის-
ხლოსა მსხუერპლისა აღმონაკუეთი მომყმარისა მის ძაღლისა
წინა. ხოლო მხილველი პურისა ვითარ მიეტევა, მიეახლა მი-
უახლებელსა მას; მყის ძლიერად იყურნა ძაღლმან და ვერ შე-
ებო წმიდასა მას წმიდათასა. და იხილეს განსაკრთომელი ესე
სასწაული, განკრთეს მეფე და ყოველი ერი. მაღლითა ჯმითა
ჯმა-ყო კათალიკოსმან და ყოველმან სიმრავლემან ერისამან:
«დიდ ხარ შენ, უფალო, და საკვრველ არიან საქმენი შენნი!»
და აღუტევეს ჯმა სიხარულისა მაღიდებელად ღმრთისა ცრემ-
ლითა სიხარულისათა. ხოლო სომეხნი, უღონოებასა მიცემულ-
ნი, განკვრებულნი დგეს და უკრდა.



მაშინ ეგედრა კათალიკოსი მეფესა, რათა დაადუმოს იგი. და ვითარ დაწყნარდეს კმანი იგი, რქუა სათელმოფხილითა პირითა მარლასთა სომხითისათა და მკარგრძელთა: «ისმინეთ და უწყოდით: ღმერთი, უხილავი და მიუახლებელი და შეუხებელი ბოროტისა რომლისაგანვე, უბოროტო არს და მან თავადმან ბრძანა პურისა ამის წმიდისა კორც კმნად. ნუ გიკურს, რამეთუ მანვე თქუა: «იყავნ ნათელი და კუალად გამოჩნდა ნათელი», «კმელ — და გამოჩნდა», მანვე სიტყუამან არა-რასაგან კმნა კმელი. არა თუ სახისმეტყუელებ არს, არამედ ჭეშმარიტად კორცი მისი. ამას რა შეეხებოდა? კორცი მისი თუ პური ანუ ორივე ერთ არს, ანუ უმჯობეს რომელიმე».

ხოლო სომეხთა არათუ ენება, უნებლიეთ თანადედა ამისი კმნად. ვითარ მდდელნი დგეს და მოიყვანეს ძალი, რომელი ჰყვა კათალიკოსსა, და მოუგდეს მსხუერპლი მათი. და მყინ აღიტაცა. და ქართველთა იწყეს მადლობად ღმრთისა კმითა სიხარულისათა, იქით და აქეთ ხლდომითა მასვე იტყოდეს: «დიდ ხარ შენ, უფალო, და საკურველ არიან საქმენი შენნი!». და კათალიკოსი შემოსილი შესუეს ჰუნესა თვისსა, და კელთა ეტურთა ტაბაკითა სეფისკუერი და თანაჰყვებოდეს ყოველნი წარჩინებულნი და ლაშქართა შინა ვიდოდეს მეტყუელნი ესრეთ ფსალმუნსა ასოცდამერვესა.

«მრავალგზის მებრძოდეს მე მტერნი ჩემნი სიყრმით ჩემითგან და მე ვერ მერეოდეს.

«ბეჭთა ჩემთა მცემდეს მე ცოდვილნი და განაგრძეს უსჯულოება მათი.

«უფალმან შემუსრნა ქედნი ცოდვილთანი.

«პრცხუნოდენ და მართლ უკუნ იქცენ ყოველნი მოძულენი სიონისანი.

«უფალსა უგალობდით, რამეთუ დიდებით დიდებულ არს. უფალმან შემუსრნა მბრძოლნი, უფალ არს სახელი მისი».

ესრეთ მხიარულითა პირითა მოვლეს ყოველი ბანაკი. სომეხნი, ვითარცა მყუარნი უტბო, ეგრეთ დგეს უკმოდ, ქუთუყანად მხედველნი, ვითარ ძუელ ოდესმე მდდელნი ასტარტესნი. ხოლო თუ ვითარი სიხარული, სასოება და მადლობა ღმრთისა მოიწია ქართველთა ზედა, თხრობა შეუძლებელ არს. და შერა-ვიდეს, დიდი სერი შემზადეს მეფემან და კათალიკოსმან.



ხოლო სომეხნი სირცხულეულნი წარვიდეს მკარგრქმუნოვანი
ქარვად. ივანე მსახურთუხუცესი ეტყოდა ძმასა თესსა, ამირ-
სპასალარსა ზაქარიას, ვითარამედ: „მე არა მენება ცილობა;
ქართველთა მართალი სარწმუნოება უბყრიეს. რაღა არს მყე-
ნებელ ჩუენდა, რომე მართალი სარწმუნოება არა შევიწყნა-
როთ და არა ნათელ-ვიღოთ ქართველისა კათალიკოსისა მი-
ერ?“ ხოლო იგი მიუგებდა: „უწყი, ძმაო, რამეთუ მართალი
სჯული არს ქართველთა, მაგრა რომელი განიკითხვის დღესა
შას, ჰკითხოვ; მე არა შევერთვი ქართველთა!“ და ესმა ივანეს
და რქუა: „მიკურს სიბრძნისა შენისაგან, რომელ უმჯობესსა
არა არჩევ, მე არა შევერთვ განზრახვასა შენსა, ნათელ-ვიღებ
სარწმუნოებასა ზედა ქართველთასა“.

რადღა საქმარ არს სიტყუა? მოვიდა და ნათელ-იღო სარ-
წმუნოებასა ზედა ჩუენსა იოანეს მიერ კათალიკოსისა. და
მრავალი სიმრავლე სომეხთა მოვიდა ნათლისღებად. და იქმნა
სიხარული, და ზაქარია ეგოვე ურწმუნოებასა ზედა.

ესევეითარი ნიჭი და პატივი მიმადლა მის მიერ შეყუარე-
ბულმან ღმერთმან თამარსა, გარნა არცა ის უღებ იქმნა მოქ-
მედებად საქმეთა სათნოთა ღმრთისათა. ამისთვის კელ-ყო აღ-
შენებად საყოფელსა გამმარჯუებელსა მისა ზეშთა კურთხე-
ულსა ვარძიისა ღმრთისმშობელსა, ზემო ვარძიის ქუემო ვარ-
ძიითა მიცვალეებითა, რომელი კლდისაგან გამოჰკუეთა, თუთ
პატიოსანი ეკლესია და მონაზონთა საყოფი სენაკები, რომელი
მტერთაგანცა შეუვალ და უბრძოლველ-ყო. ესე ვარძია პირ-
ველად დაეწყო სანატრელსა მამასა მისსა გიორგის, გარნა ვერ
სრულ-ექმნა და დაეტევა, რომელ დიდმან ამან აღასრულა და
შეამკო ყოვლითურთ, და შესწირნა მრავალნი და დიდროანი
სოფლები, და შეჰკაზმა ტრაპეზისა შემოსავალნი დიდნი, რო-
მელი ყოვლისაგანცა მოთხრობა ძნელ არს. თუ ვისმე ნებაეს
ამისგანცა, იხილენ ვარძია და საქმენი მისნი ქმნულნი და ნა-
შენები ქუაბ-ქმნილი. ვინა შეფემან თამარ გულს იდგინა მსა-
ხურებად უბიწოსა და განსაკრთომელისა სასწაულთა მოქმე-
დისა ვარძიისა ღმრთისმშობელისა, ამისთვის უმეტეს პირველთა
იდიდა შეფობა მისი.

ხოლო სხუანი საქმენი მისნი, აღშენებანი და შეწირვანი
მონასტერთანი ისმინენით. არა ოდენ საქართველოსა მონას-
ტერნი ააშენნა, არამედ პალესტინეს იერუსალემს ააშენა პირ-

გელად მონასტერი; და კუალად კვარეს დალია შეამკო და უყიდნა შესაყალნი და აღაშენა მონასტერი და შეამკო ყოველითა წესითა ბატონისა მონასტრისათა. და კუალად კოსტანტინეპოლის აღაშენა მეტოქი მათი. და გრძელ სადმე არს ყოვლისა მოთხრობილობა, რომელ საბერძნეთს და ყოველსა ელადას შინანი მონასტერნი უხუად წყალობა მიფენილ ყვნა და საქართველოსა მცირითგან მონასტრით საყდარ-ეკლესიანი არა დაუტევა, რომელ არა წყალობითა აღავსო.

ესრეთ კეთილად აღეპყრა საუკუნოსა გონებასა, და მიმნიპებელი წარმოუშარებდა საქმესა დღე-კეთილობასა შინა. და ყოველნი გარემოს მყოფნი მეფენი, ქალაქნი და ამირაზნი ძღუნითა და ხარკითა მოამშუდებდეს პირსა მცნეთა სპათა მისთასა, და არბევდიან ურჩათა.

ამამომდე კარი თურქთა ჰქონდა. წარავლინა ლაშქარნი გარემოდგომად. და ცნეს თურქთა, დააგდეს კარი და ივლტოდეს. ხოლო მეფემან აღიღო და მიითულა კარი და დაუტევა კარის მცველად ახალციხელი ივანე, და აჩინა მონაპირედ, და უბოძა ათაბაგობა და ამირთა-ამირაობა, რომლისთვისცა დიდი წყენა შეექმნა თურქთა; და დიდად ავნებდა რომელ წარუღო თურქთა გარეშემონი ქუეყანანი, აიხუნა და მიითულანა. და წარმოგზავნა მახარობელი მეფისა წინაშე და დაიმადლა. ივანესვე უბოძა კეჩროლი და მისი ქუეყანა. და წარემართებოდა სამეფო თამარისი და შეემატებოდა დლითი დღე. შიში და ხარი მეფისა იყო ყოველთა სულტანთა ზედა.

უდიდესნი საქმენი აღმომიჩნდეს და გონება ვიწყე უღონოებდად თხრობისა სიდიდითა საქმეთათა, დაღათუ არა შესატყუსი არს ჩემდა ამით მოთხრობა, არამედ დიდთა სიტყუსმოქმეტთა პირველთა არს.

ესე ესმა მაღალსა სულტანსა სელჩუქიანსა, სახელით ნუქარადინს, რომელი უმაღლეს და უდიდეს იყო სხუათა ყოველთა სულტანთა რომელი მთავრობს დიდსა საბერძნეთსა, ასიასა და კაბადუქიასა ვიდრე პონტოდ ზღუადმდე. ამან მოუწოდა ყოველსა სიმრავლესა სპასა მისსა და შეკრბა კაცი ორმოცი ბევრი, რომელ არს ოთხასი ათასი. და წარმოავლინა მოციქული მეფეს წინაშე და წარმოსცა წიგნი, რომელსა წერილ იყო სახე ესევეთარი:

„ღმრთისა ოდენ უქუენესისა და ყოველთა კიდეთა მპყრო-

ბელისა ყოველი დიაცი რეგუენია, და შენ გიბრძანებია თველთათს აღებად კრმალი მუსლუმანთა კოცად. ესე კრამელ კრმალი დიდისა მოციქულისა მოჰმედისა, მისისა ერის თავისა, ბოძებულთა. აჲ წარმოგივლენია ყოველი მკედრობა ჩემი, რათა აღგვტო ყოველი მამაკაცი მაგ ქუენისა, და ცოცხალი იგი ოდენ დარჩეს, რომელი წინამომეგებოს, თაყუანისცეს ჩათრსა ჩემსა, სასოება იგი თქუენი ჯუარი წინაშე ჩემსა დალენწოს და მოჰმედი აღიაროს“. ნაცვალი სიტყუა მეფისა ნუქრადინისადმი: „ძალსა ღმრთისა ყოვლისა მპყრობელისასა მინდობილმან, მარადის ქალწულისა მარიამისა სასოებით მოსაგვამან და პატიოსნისა ჯუარისა მვედრებელმან წარვიკითხე ღმრთისა განმარისხებელი წიგნი ზენი, ნუქრადინო, და ვცან სიტრუვენი შენნი, რომელთა ბჟე ღმერთი იყოს! შენ ოქროსა მევირეთა სიმრავლისად მინდობილ ხაო, ხოლო მე არცა სიმდიდრესა და არცა ძალსა სპათა ჩემთასა, არამედ ძალსა ღმრთისა მპყრობელისასა და ჯუარისა წმიდისა, რომელი შენ ჰგმე. აჲ წარმოგივლენია ყოველი მკედრობა ჩემი წინამოგებებად შენდა. იყავნ ნება ღმრთისა, ნუ შენი! სამართალი მისი, ნუ შენი!“

და ვითარ მოვიდა მოციქული და შეიყვანეს მეფეს თანა თამარსა წინაშე, წიგნი მისცა და წარდგა, იწყო არა საკადრებელთა სიტყუათა თქმად: „უკუეთუ მეფემან თქუენმან დაუტეროს სჯული, იპყრას სულტანმან ცოლად; და უკეთუ არა დაუტეროს სჯული, იყოს ხარჟად სულტნისა!“ ვითარ ამპარტავნად იტყოდა სიტყუათა ამათ, წარმოდგა ზაქარია ამირსპასალარი და უხეტჳა კელითა პირსა. და ვითარცა მკუდარი დაეცა და იღვა. ვითარ აზიდნეს და ამართეს და ცნობად მოვიდა, რჳთა ზაქარია: „თუ მოციქული არა იყავ, პირველად ენისა აღმოკუეთა იყო შენი სამართალი და მერმელა თავისა, კადნიერად კადრებისათს. აჲ არა არს სიტყუა ესე წიგნი მიართუ ნუქრადინს და არჳ: ჩუენ მზა ვართ წყობად და წინამოგებებად, სამართალი ღმრთისა იყავნ!“

1 მისცა ესეგვითარი წიგნი. და მერმე შემოსეს და ნიჭი უბოძეს, წარგზავნეს პასუხითა მწუავითა. მაშინ მოუწოდეს სპათა იმერთა და ამერთა, ნიკოფსით დარუბანდამდის, და შეკრჩეს ჯავახეთს. და მივიდა თამარ გარძიას, გარძიისა ღმრთის-

მშობელისა წინაშე და ცრემლით შევედრა სოსლან დავით და სპა მისი; და დროშა მისი სჯანი და ბედნიერად მყოფი გაგზავნა ვარძიით. ლაშქარნი წარემართნეს. წინამებრძოლად იყო ზაქარია მჭარგრძელი ამირსპასალარი, და ორნიცა იგი ძმანი ახალციხელნი, შალვა და ივანე, დადათუ მანდატურთუხუცესი იყო ჭიბებერი, და სხუანი თორელნი, და წარემართნეს ბასიანის კერძოსა. და მეფე თამარ მოვიდა ოძრკეს. და ეახლნეს შავთელი, კაცი ფილასოფოსი და რიტორი, ლექსთა გამომთქმელი და შოღლაწებათა შინა განთქმული, და ევლოგი სალოსად წოდებული და წინასწარმცნობლობისა ღირსქმნილი. ამათ თანა იყვის მეფე თამარ დღისი და ღამე ლოცვითა, ფსალმუნებითა, ღამისთევითა დაუძინებელად, და ყოველთა ღამეთა დღე ლიტანიობდა და არა დასცხრებოდა. და ყოველგან საყდართა, მონასტერთა და სოფელთა უბრძანა ლიტანიობა და ვედრება ღმრთისა.

ხოლო მეფემან დავით ქმნა, უნდოდა რამეთუ ზედა მიჰმართა სადა დაბანაკებულ იყო ბასიანისსა ადგილსა ბოლოსციხედ წოდებულსა. და ეახლნეს ბანაკსა სულტანისასა რომელ არა იყო რიცხუ ცხენისა, ჯორისა და აქლემისა მათისა, კარვეზისა და საარაფარდებისა. მინდორი იგი ძლივ იტევდა კარვეზისა მათსა და აღმდგომსა მისსა და უმეტეს ქართველთასა. ესრეთ წყნარად და უკადრად მდგომარე იყო სულტანი. და ეახლა დავით და ქართველნი. დააწყუეს რაზმი, სადა იგი წინამებრძოლად იყო ზაქარია მჭარგრძელი ამირსპასალარი და ახალციხელნი შალვა და ივანე, და სხუანი თორელნი; და ერთ კერძო აფხაზნი და იმერნი, ერთ კერძო ამერნი და ჰერკახნი. ესრეთ წყნარად ვიდოდეს. დარაჯნი არა უდგეს სულტანსა, არამედ იხილა კაცმან სულტნისამან: მოვიდა სპა ურიცხუ ქაფარი. წარიკუეთა სასოება მეფისა მათისა. ხოლო ივინი განკრთეს და მოიღეს ჯოგი; აღიჭურნეს და აღსხდეს ჰუნეთა, ბარგი და კარვეზი დაუტევეს. რა მოვლეს კარავთაგან, წინაგანეწყვნეს, და ეახლნეს წინამებრძოლნი ორთავე, და იქმნა ომი ფიცხელი და ძლიერი, რომელი ძუელ ოდესმე ქმნილ იყო მკნეთაგან ეგევითარი ომი.

და განგრძელდა მყოვარ ქამ და მოსწყდებოდეს ორგნითვე, ხოლო უმეტეს სულტნისა სპანი მოისრგოდეს. და ესეოდენ განგრძელდა ომი, რომელ მოუკლეს ცხენი ივანეს მსახურთუხუ-



ცესა, ზაქარია გაგელს, ხალციხელთა შალვასა და ივანეს
 თაყაიდან თმოგუელსა, კაცსა მენესა, და სხუათა მრავალსა
 თავადთა და კინლა სივლტოლად მიდრიკნეს, დ ქუეითად
 დარჩეს რაზმსა შინა მენენი საქართველოსანი. და იხილეს
 ლაშქართა თავის-თავისნი პატრონნი ქუეითნი, გაწირნეს თავ-
 ნი სიკუდილად და ჩამოკდეს ცხენისაგან და პატრონთა მათთა
 გუერდსა დაუდგეს, ქუეითნი ქუეითთა, და ეგრეთ ძლიერი
 ოში შეიქმნა. და ვითარ იხილა დავით მენემან, ამანცა მენემან
 მორიდა ერთ კერძომან, და მარჯუენასა მკარსა მორიდა ზაქა-
 რია მკარგრძელმან. და ვითარ ქართველთა განეშორეს, რათა
 არა ცხენითა მათითა დაითრგუნნა ქუეითნი ქართველნი, და
 მიმართეს სპარსთ კერძ. და ვითარ ნადირისთვის მოსწრაფე იქ-
 მნეს მონადირე, ეგრეთ მსწრაფლ მოეტევნეს ერთ კერძო სოს-
 ლან დავით და ერთ კერძო ზაქარია, გარნა ვინ უმახლობელეს
 იყო, უწინარეს მივიდა. მასვე წამსა შინა დავით და სპა მისი
 მივიდა და, ვითარ მგელნი ცხოვართა, ეგრეთ შეუცვიოდეს
 ურიცხუსა მას სპასა შინა სულტნისასა. პირველსა მოკიდებასა
 და ხეთქებასა კრმალთასა მოხედა წყალობა აურაცხელმან
 ღმერთმან მოსავთა ჭუარისათა, და განადიდა დიდება დავითი-
 სი და თამარისი ვარძიისა ღმრთისმშობელმან. და ანასდათ
 ეგოდენი სიმრავლე განსქდა, იძლია, დაიბანტა, და ამას ჰგუ-
 ანდა — თუალგარდუწდომელი მალნარი მიწითურთ მოგლეჯილ
 იყო და დახულებულ, და ღირს სადმე ყოფილიყო. სადგან თუ-
 ალი მხილველობდა, ყოველგან ტყეთა მსგავსი ლაშქარი იხილ-
 ვებოდა ლტოლვილი.

ხოლო მენე ესე ქართველნი, რომელნი ესე ზემო ქუეითად
 მყოფნი ვაცსენეთ, აღსხდეს ჰუნეთა და ვიდრე ლამედმდე, დევ-
 ნა უყვეს და კოცდეს, ჩამოჰყრიდეს და აპყრობდეს და თუთ
 მათვე ჯარითა ვერ იტევდეს და ურთიერთას დასთრგუნვიდეს.

ამათ თხრობათა მოწევენულსა კუალად მენება დუმილი:
 განკვრეებულ ვარ, თუ ვითარითა წყალობითა მოხედა სამ-
 კუდრებელსა თუსსა ღმერთმან და ვარძიისა ღმრთისმშობელ-
 მან, ვითარ უვნებელად დაიცვა მის წინაშე და მისი შევედრე-
 ბული ერი ქართველთა და ეგრეთ წარმოვლენილი ერი, რომელ
 ეგოდენისა სიმრავლისაგან არცა ერთი ვარგი, მეფისაგან
 შესწავლილი, კაცი მოკუდა, ვითარ ეგოდენი სიმრავლე სპისა
 მათისა ივლტოდა და თუ ვითარ უვნებელად დაიცვა სპანი თა-



ზარისნი: აღივსნეს ოქროთა და ვეცხლითა და ქურჭლითა პეტროსნი. ხოლო ცხენ-ჯორისა და აქლემისა სიმრავლე, რომელ დაყარეს, ვინმე აღრაცხნეს? ხოლო კარავთა საფენელთა და შესამოსელთა და ღარის არტახთა მიერ სავსე იყო ყოველი საბანაკო მათი, რამეთუ ესეოდენ ზარგანჯდილნი ივლტოდეს, რომელ მოსწრაფენი არა მიხედვიდეს კარავთა და ფარდაგთა მათ სიმდიდრეთა, არამედ თვითთა ცხენითა ივლტოდეს და მარქაფასა განუტევებდეს.

ესრეთ ძღვევამემოსილნი, მადიდებელნი ღმრთისანი, შემოიქცეს და დადგეს კარავთა შინა მათთა. ვითარ რიყე იღვა მუზარადი შაქრისა. და იყო იგი აღგილი წყაროთა სავსე; მოვიდის კაცი და მუზარადისა სადები ამოჭფრიწის და შაქრითა გატენის და წყლითა აღავსის და სუმიდის. ესრეთ სახელოვანმან დავით მიმართა მზესა მისსა მიმართ.

ხოლო ესე თქმულ არს, რომელ მეფისა თამარისა ოძრკეს ყოფასა შინა ეახლნეს შავთელი იოვანე და ევლოგი, და იყო გედრება ღმრთისა და ღამეთა გათევა ლაშქართა გამარჯუებისათჳს. დღესა ერთსა შავთელი და ევლოგი მეფესა თამარსა წინამე სხდეს და ანასდათ განკურცება დაეცა ევლოგის: იწყო აღმართ ხედვად. ვითარ ხედვიდა, ანასდათ ევლოგი დაეცა ჭმუნვის სახედ — და ვითარ აჰა ესერა — სამგზის, და მეყსეულად ახლტა და ჯმა ყო: „აჰა წყალობა ღმრთისა სახლსა ზედა თამარისსა მოიწია!“ და ივლტოდა და აღვიდა მთასა, რომელსა ჰქუან არაგანნი. მაშინ შავთელმან რქუა: „უწყოდე მეფეო, რომელ ჩუენება იხილა სულელ-სავონებელმან, გარნა ჩუენებასა კეთილსა ვპვონებ!“ ამისთჳს დაწერეს დღე და ღამე და ჟამი იგი.

მოწყალემან ღმერთმან პირველ შესახა ესე ყოველი ნივთთა აგება უკანასკნელისა ჯსნისა ჩუენისათჳს და მოწყალემან მასვე დღესა შესახა ჯსნა ჩუენი აღდგომითა თჳსითა და ესრეთ მზიარულითა პირითა სახელგანთქმულნი მოვიდეს ვარძიხს, თუთ თამარიცა მივიდა. და ჯეროვანი მადლობა შეწირეს.

ამათ დღითი დღე წარმართებათა და განდიდებათა შინა იყო სკიპტრისმპყრობელთა ყოველთა უბრწყინვალესი თამარ; უმეტეს შეუმატებდა ღმრთისმსახურებასა, ეკლესიათა და მონასტერთა კაზმასა და შენებასა, ობოლთა და ქურივთა შეწყალებასა და სამართლისა მოფენასა. ამას შინა იშუებდეს და იქა-



რებდეს სამეფოსა; ეს გარდვიდიან აფხაზეთს და განაგებენ მისი
ხენი მანდაურნი, და მოინადირიან კეთილი იგი სანადირო —
გეგუთი და აჯამეთი. მერმე გარდმოვიდიან ქართლს, სომხითს,
და დადვიან დურს; მოვიდიან ხარაჯითა განძელნი და აღმართ-
ქალაქნი. გაზაფხულ აღმოვლიან სომხითი, მოილიან ხარაჯა
ნახჭევნელთა; და წარვიდიან კოლას, თავსა არტანისასა, და მუ-
ნით მოილიან ხარაჯა კარნუ-ქალაქით და ეზინკით და სხუთთა
გარემოსა ქალაქთა.

| ესრეთ სიხარულსა შეუთქს მწუხარება.

ამისთვის მოიწია მწუხარება, რამეთუ მიიცვალა სოსლან
დავით, კაცი აღსავსე ყოვლითა სიკეთითა, საღმრთოთა და სა-
კაცობოთა, შესახედავად განშუენებული ზოლო წყობათა და
ომთა შინა მკნე ვინმე გულოვანთაგანი, უხუ და მდაბალი და
სიკეთე აღმატებული. და დაუტევნა ორნი ძენი: ყრმა ვიდრემე
ლაშა-გიორგი, ზოლო ასული რუსუდანი. და იტირეს და იტ-
ყებდეს და დაუტევეს მწუხარება ყოველსა მკვდროვანსა.

მათ უკუე ესა, არა მცირედ მყოფელთა, მშვილობა იყო
ყოველგან. და მეფე იყო გეგუთს, რამეთუ იყო წმიდა მარხვა-
ნი; მკარგრძელნი ორნივე მეფეს წინაშე იყვნეს. და ვითარ
ცნა არდაველის სულტანმანი, აღძრა მტერობა ქრისტიანეთა ზე-
და და შოუწოდა სპათა მისთა, და წარმოემართა და მოაოკრა
ანისი, რამეთუ უწყოდა მკარგრძელთა შინა უმყოფლობა. წარ-
მოვიდა და აღვლო რაჯისი პირი, და უგრძობლად მოვიდა
ანისსა; გზა-გზა არავის ავნო და დიდსა შაბათსა მწუხარი მო-
ვიდა ქალაქსა ანისისასა. და ვითარ ცისკარი მოეახლა და-ჭკრეს
იელსა და განახუნეს კარნი ქალაქისანი, მყის მიეტევნეს კარ-
სა ქალაქისასა, შეუტევეს ცხენი, და ვერ მოასწრეს კარნი, და
შევიდეს ქალაქად. იწყეს კოცად, კლვად, ტყუეობად. უმრავ-
ლესი ერი იყო ეკლესიათა შინა, ვითარ შეჰგავს ქრისტიანეთა
სჯულსა. რომელიმე ივლტოდა დარბაზონთა და მუნ გამაგ-
რდა, რომელიმე ივლტოდა ქუაბონსა, რომელსა ქარტუნობი-
თა უკმობენ. და რა განერა, ანუ ციხესა ანუ ქარტუნსა შინა
შევიდა, რამეთუ გარეშემო სამგნით ქარაფი იყო კლდიანი და
ქუებიანი.

ესრეთ ჯელთ იგდეს ქალაქი, ერთი ბევრი და ორი ათასი
კაცი ეკლესიათა შინა, ვითარ ცხვარი, დაკლეს, თუნიერ მისსა,
რომელი უბანთა და ფოლოცთა შინა მოიკლა. ესეოდენ მძენ-

ვარედ მოაოკრეს ანისი, და სავსენი ტყუთა და ალაფითა მიიწივნეს შინა.

ესე ანისისა მოოკრებისა ამბავი გვეუთს ახალ-კვრიაკედ აღნობეს მეფესა თამარს, ამირსპასალარსა ზაქარიას და მსახურთუხუცესსა ივანეს. ესმა და დიდად დამძიმდეს, და მწუხარებამან მოიცვნა, და რამცა ყვეს არა უწყოდეს; გულნი მათნი ცეცხლებრ ენთებოდა. მეფე და ყოველნი სპანი მისნი მწუხარებითა და გულისწყრომითა მოცულნი სპარსთა მიმართ ბრძოლისა ყოფად აღემზადნეს.

მაშინ მკარგრძელთა რქუენ მეფესა: „მოიწია ბოროტი ჩუენ ზედა გარდასლვითა მცნებათა ღმრთისათა; უბოროტესად ესეოდენი სული ქრისტიანე მოიკლა ცუდსჯულთა სარკინოზთა მიერ ცოდვითა ჩუენთათჳს. არამედ ვესავ წყალობასა ღმრთისასა და პატიოსანსა ჯუარსა, რათა არა მისცნეს მოსავნი ჯუარისანი სრულიადსა წარწყმედასა სარკინოზთა მიერ, არამედ შურ-ვაგოთ, ნაცვლის ქმნად განვემზადნეთ, და სიცრუევე მათი მათვე მიექცეს. შენ, მეფეო, ამცენ სპათა შენთა — მზა იყვნენ არდაველის სულტანსა ზედა; წარვიდეთ ანისს და, ვინ სადა ვპოოთ სპარსთაგან, მოვინადიროთ. ნუ დიდნი წავალთ, გარნა მცირენი რამეთუ, უკუეთუ დიდნი წავალთ, სცნობენ და სიმაგრეთა შევლენ; მცირითა ლაშქრითა შემეწიე. რაჟამს შეგინებული მარხვა მოვიდეს, მზამცა არიან, რომელ ჩუენ მოგავსენოთ“. სთნდა მეფესა თქმული მათი, და უბრძანა მეფემან, რათა მზა იყვნეს სპანი მისნი.

და მკარგრძელნი წარმოვიდენ ანისს და იწყეს კაზმად. და მოეახლა ბილწის სჯულისა მათისა მარხვა. წარმოავლინეს მეფეს წინაშე კაცი ლაშქრის მთხოველი. მაშინ უბრძანა მესზთა, თორელთა, თმოგუელთა, ჰერ-კახთა, სომხითართა; ქართველნი არა წარიტანნეს, რათა არა აგრძნან არდაველს მყოფთა. შეკრბეს ანისდა წარემართნეს არდაველს. გარდაველს გელაქუნი და ჩავლეს ისპიანი, გავიდეს ხუდაფრინის კიდსა და მიმართენ არდაველს. ესრეთ მოუწონეს ჟამი, რომელ აიდი განთენდებოდა, რომელ არს აღსვება მათი, და მას ღამესა გარე მოადგეს არდაველს. ვითარ კმა-ყო ქადაგმან ბილწისა ქადაგებისა მათისამან და გავპირდა მუყრთა ყივილი, ყოველგნით ცხენი შემოუტივეს მკარგრძელთა, შეუჯდეს და უომრად კელთ იგდეს ქალაქი, თვთ სულტანი, ცოლნი და შვილნი მისნი და ყოველი



სიმდიდრე სულტნისა ქალაქისა. ესრეთ აღივსნეს სიმდიდრითა აურაცხელითა, თუალითა და მარგალიტითა, ოქროთა და ვერცხლითა, ლითა, ქუთრქლითა ოქროსა და ვეცხლისათა, შესამოსლითა, საფენელითა და ყოვლითა სიმდიდრითა ეგეოდენ გამდიდრებულისა ქალაქისა, რომელ მოთხრობა ძნელ სადმე არს. აღივსნეს ცხენითა, ჯორითა, აქლემითა, საქონელი მათი თვთ მათვე საქედართა ძლით აჰკიდეს და წარმოემართნეს. ხოლო სულტანი არდაველისა მოკლეს, ცოლნი და შვილნი მისნი ტყუეჰყვეს და წარმოასხეს; ათორმეტი ათასი კაცი რჩეული მიძგითთა შინა მოკლეს, ვითარ მათ ყვეს ანისისა ეკლესიასა შინა; სხუა უმრავლესი ერი მოსწყვდეს და სხუა ტყუე ჰყვეს. აღმოიარენ იგივე გზა და ისეთი ძლევაშემოსილნი მოვიდეს ანისს დიდად ნუგეშინის-მცემელნი. მოვიდეს მეფეთა-მეფესა და მზეთა-მზესა და დედოფალთ-დედოფალსა წინაშე; მოიღეს ძლუენი და არმადანი, აღავსეს ყოველი მთავარი, თვთ მეფე და ყოველნი წინაშე მისსა მყოფნი. მას ეამსა კოლას დგა მეფე, აღივსო ყოველი ქუეყანა სიმდიდრითა, ოქროთა, ვეცხლითა, თუალითა, მარგალიტითა, რომელი მოიღეს ზაქარია და ივანე, რომლისათვისცა დიდად მადლიერმან მეფემან უბოძა მრავალნი ციხენი და ქალაქნი და ქუეყანანი. ესრე მადიდებელნი ღმრთისა იშუებდეს. და მეფე ნებიერად იყოფოდა და მოუდიოდა გარეშემოთადადმა ხარაჯა და ძლუენი ურიცხვ.

არამედ სხუანი უდიდესნი საქმენი აღმოუჩნდეს. მოვიდეს მკარგრძელნი, ამირსპასალარი ზაქარია და მსახურთუხუცესი ივანე და ვარამ გაგელი, მეფეს წინაშე და მოაკსენენ: „ძლიერო კელმწიფეო, შარავანდედთა შორის უმეტეს აღმოზრწყინებულოი იხილე და განიცადე სამეფო თქუენი და ცან სიმკნე და სიქველე სპათა შენთა; გულისკმა ყავ, რამეთუ მრავალნი ახოვანნი, მკნენი და რჩეულნი იპოებიან სპათა შენთა შორის, რამეთუ არა არს წინააღმდეგომი მათი. აწ ბრძანოს მეფობამან თქუენმან, რათა არა ცუდად დავიწყებასა მიეცნეს სადამე სპათა შენთა საქმენი, არამედ აღვამკედროთ ერავს, რომგურსა ზედა, რომელ არს ხუარასანი, და ცნან ყოველთა სპათა აღმოსავლეთისათა ძალი და სიმკნე ჩუენი. და უბრძანე სპათა საქართველოსათა — მზა იყვენ ლაშქრობად ხუარასანს. დაღათუ არავინ ქართველთაგანი მიწევნულ არს ხუარასანს და

ერაყს, არამედ ბრძანე, რათა ნიკოფსით დარუბანდამდე აღი-
კურნენ და მზა იყვნენ!”

და ვითარ ესმნეს თქმულნი მკარგრძელთანი მეფესა, მოუ-
წოდა ყოველთა წარჩინებულთა ამის სამეფოსათა, იმერთა და
ამერთა, და აღუყა თქმული მათი. ვითარ ესმა ლაშქრად წუევა
მკარგრძელთაგან, სთნდა ყოველთა თქმული მათი და დაას-
კუნეს ლაშქრობა და იწყეს კაზმა.

მოიწია არე სთულისა, მოვიდეს ტფილისს მეფეს წინაშე.
განახნა სპანი მისნი და იხილნა აბჯართა კეთილითა და პატი-
ოსნითა და მოუწონა აბჯარი და ცხენკეთილობა მათი, სიდიდე
და სიმკნე სპათა მისთა, შურითა სპარსთათა აღსავსეობა და
მოილო დროშა სვანად კმარებული, გორგასლიანი და დავითი-
ანი, და შეავედრა მასვე ვარძიისა ღმრთისმშობელსა. დროშა
და ლაშქარი დალოცა და წარავლინა სპარსეთს და მისცა დრო-
შა ზაქარია ამირსპასალარსა, და წარემართნეს სპარსეთად.

ჩავლეს პირი ნახჭევნისა და გავიდეს ჯულას და რაქსსა, და
შევლეს ვიწრო იგი ქვეი დარდუზისა, და აღვიდეს მარანდსა.
ხოლო მარანდელნი, ამისნი მცნობელნი, ლტოლვილ იქმნეს
კლდეთა შინა. ხოლო ესენი მარანდს რა მივიდეს, არა პოვეს
კაცი, ეგონათ მთასა მარანდისასა ყოფად სპათა აღარბადაგანი-
სათა. ამისთვის დაარჩიეს ნუთასი მკედარი რჩეული დიდებული
და აზნაური. უჩინეს მკედართმთავრად თაყაიადინ თმოგუელი.
წარემართნეს, აღვლეს აღმართნი მარანდისანი, აღვიდეს ვაკე-
სა თავსა მარანდისასა და დადგეს მთასა მას, რამეთუ ესრეთ
ემცნო ზაქარიას: „არავის ბრძოლოს მიღმართ, სადამდის არა
მივიდეს იგი და სრულად ლაშქარი მთასა მას ზედა თუ დიდი
ლაშქარნი ნახონ, აცნობონ ზაქარიას; რაც რქუას, ყონ“.

და დადგა ხუთასი კაცი წარჩინებული. იხილეს მითთ მა-
რანდელთა, რომელნი შელტოლვილ იყვნეს ღირღალთა და
კლდეთა მაღალთა, რომელ არს ზედა კერძო თავსა მთასა მა-
რანდისასა, უმაღლესი სხუათა მთათა, სავსე ქვითა და კლდი-
თა, იხილეს მცირე ლაშქარი და აღიკურეს, მოუტდეს ზარითა
და ამბოხებითა მარანდელნი, რამეთუ საწუნელ უჩნდეს სიმ-
ცროსათვს. ხოლო ესენი მიეტევნენ ესოდენ ძლიერ და აოტ-
ნეს, რომელ მცირედნი განერნეს, და უმრავლესნი მოკლეს და
სხუათა დევნა უყვეს გრძლად.

მაშინ აღვიდეს ლაშქარნი და იხილეს ნაომარი ადგილი



მკუდრითა კაცისა და ცხენითა სავსე, და ქართველთა ცა ერთი იბოებოდა. ესეოდენი ძლევა მოეცა ღმერთსა, რომელ ხუთასი შუბი ხუთასსა კაცსა და ცხენსა ზედა ესუა. იხილეს და განკვრდეს; კაცისა ქართველისა ვერ პოვნა უკვრდათ ამისთვის უღონო ქმნილი და მწუხარე ზაქარია იგონებდა და არა უწყოდა, რამცა ყო. მცირე ხანი დაყვეს, გამოჩნდეს დევნისაგან შემოქცეულნი ლაშქარნი. და იხილა ზაქარია და გამხიარულდა. და დიდად მადლობდეს ღმერთსა, რომელ არცა ერთი კაცი მომკუდარიყო ქართველი და ასეთი ძლევა მისცემოდა, რომელ ხუთასი შუბი ხუთასსავე კაცსა ხუთასისა ცხენისა და კაცისათვის შეეცა და ხუთასსა ზედა დასობილი იხილეს.

დაღათუ ესრეთ გამარჯუებოდა, გარნა ყოვლად აბრალობდეს თაყაიადინსა, და უმეტეს ზაქარია მქისედ ეტყოდა სიტყუასა ამბავის უცნობებლად შებმისათს.

განმხიარულებულნი და მადიდებელნი ღმერთისანი გამარჯუებისათს წარმოემართნეს და მიმართეს ქალაქსა თავრეეს. გარდავლეს მთა დევსოფნად წოდებული. და ვითარ ესმა თავრეეს მყოფთა მისვლა ქართველთა ლაშქრისა, განკრთეს, და ძრწოლამან შეიპყრნა ყოველნი მკუდრნი თავრეეისანი. ხოჯანი და ყოველნი წარჩინებულნი და მიმდგომნი თავრეეისანი განიზრახვიდეს, რათა ხარკის მიცემითა, და ძლუნითა და შვერდომითა და ზენარისა თხოვნითა დაამშვდნეს ქართველნი თავადნი და სპანი. წარმოავლინეს მოციქული, ითხოვეს მშუდობა, არა მოოჯრება ქალაქისა მათისა. აღუთქუეს ძლუნები: ოქრო და ვეცხლი, სხუა მრავალი თუალი პატიოსანი და მარგალიტნი ძვრფასისანი. განკვრდეს ყოველნი წარჩინებულნი ქართველნი, ზაქარიაცა და ივანე მჯარგრძელნი; აღუთქუეს მშუდობა და უვნებელ განვლა ქუეყანისა მათისა, მოიმტკიცეს ფიცისა მიერ. მოვიდეს ყადნი, ხოჯანი, დარვეშნი და ყოველნი თავადნი თავრეეისანი, მოიღეს ოქრო და ვეცხლი, ლარი, ცხენები, ჯორი და აქლემი, თუალი, მარგალიტი, შესამოსელი, საზრდელი კმა საყოფი ლაშქართათს. აღიგნეს დიდი და მცირე.

მისცეს ქალაქსა მცველნი და წარვიდეს. განვლეს ადარბადაგანი, მიმართეს შინას. და ცნა მელიქმან შიანისამან მისლვა ქართველთა და ქმნული თავრეეელთა. ითხოვა მანცა მშუდობა და აღუთქუა მოცემად ურციხუ საქონელი. რომელი უნაინა ზაქარია, მოიყვანა მშუდობის ყოფად, და მოიღო მანცა ოქრო

და ვეცხლი და ქვანი ძვრფასისანი. აღავსნა მანცა ყოვლითა სიმდიდრითა. დაუტევნეს მცველნი და წარმოვიდეს მშუდობით დამტევნელნი მიანისანი.

მიიწივნეს მცირესა ქალაქსა ზანგანს, ალიზის ზღუდით განმავრებულსა. ხოლო ქალაქი ძლიერად გაამავრეს და იწყეს ფიცხლა ბრძოლა. ვითარ გაგრძელდა ომი, განყვეს თემთა და თემთა ზღუდე ქალაქისა, რათა შესთხარონ. და იწყეს თხრად ზღუდეთა: უწინარეს მარჯუენასა მჯარსა მესხთა შემჯურითეს ზღუდე — ალიზით იყო, — და უწინ შევიდეს ქალაქსა შინა და იწყეს ვოცად და სრვად ვინცა მეომარი იყო. აღივსნეს მესხნი საქონლითა. შემოჯურითეს ყოველგნით და შემოვიდეს, მოატყუევეს და აღივსნეს საქონლითა. დადგეს და მცირედ განისუენეს. და მიერ აღმგედრნეს და წარემართნეს ხორასნად და მწუხრი მივიდეს მცირესა სოფელ-ქალაქსა მუსულმანსა, რომელი მოაოჯრეს, და განისუენეს სადამე.

მერმე წარემართნეს ქალაქსა ხუარასნისასა, და ყაზმინს რა მიიწივნეს — მახლობლად ყაზმინისა და აპვრისა — ვერ წინააღუდგეს; მოარბიეს და აღივსნეს საქონლითა; აპვიდეს საქონელი მათი მათთავე საკედართა; კაცთა არა ავნეს, ტყუედ წარმოიყვანდეს კაცთა და მცირედსა ვაჟსა. წარემართნეს, მათ ლტოლვილთა მიესწრნეს და მიეწივნეს. აღივსნეს მუნცა ოქროთა და ვეცხლითა, ცოლთა მათთა სამკაულითა. და უშინაგანესისა რომგურისა მიმართ მიიწივნეს, რომელ არს ხუარასანი.

და რაღა გრძელ სიტყუა საკმარ არს? მიიწივნეს ვიდრე გურგანისად ქალაქად და მოაოჯრეს ქუეყანა იგი. ვერ ძალ ედვა წიად მისლვად ალაფისაგან.

შემოიქცეს გამარჯუებულნი და ძლევაშემოსილნი ქართველნი. ქართველთა ნათესავი ვერავინ მიწივენილ იყო ლაშქრად, არა მეფე, არა მთავარი, და ვერვინ წინააღუდგა სპარსეთს შესულთა, ვერ ხუარასნისა სულტანი, ვერ ერავისა და ვერა რომელი თემი. ესრეთ უზომოთა და ურიცხვთა სიმდიდრითა შემოქცეულნი მივიდეს კერძოთა ერავისათა. და ვითარ გურგანისა ქუეყანისა ამბავი, ქართველთა მიერ ქმნული, უცნაურ ქმნულ იყო ყოველთა და ერავის სულტნის მოსრვა, კაცი ვინმე მოსრულ იყო მიანას სულტანსა თანა, ესეგითარი ტყუვილი სიტყუა ეთქვა; ვითა: „ვითარ მოვიდა თვთ დიდი



სულტანი და გილანელნი, ყოველგნით გზა შეუტრეს ქართველთა და მოსრნეს და მოსწყვდნეს, რომელ არცა ერთი კაცი ნერა ეგოდენისა სიმრავლისაგან, არცა მთხრობელი მივა საქართველოთა“.

ხოლო ესე რა ესმა მელიქს მიანისასა და მიანელთა, განიხარნეს, ქართველთაგან დატევებულნი მცველნი მიანისანი დაკონეს და ძელსა ზედა ჩამოჰკიდეს. გარნა ერთი კაცი დაიმალა მცველთა მათგანი ქალაქსა შინა. და ვითარცა მოვიდეს ქართველნი გამარჯვებულნი მიანას, წინამიეგება მიანისა სულტანი ძღუნითა, ნაქმრისა მათისა დაფარვა ეგონა. და იხილა ზაქარია, იკითხნა მცველნი მისგან დატევებულნი: რქუეს მათ: „თავრეეს წარვიდეს მუნ დატევებულთა მცველთა თანა“. მოვიდა დამალული იგი კაცი მცველთა, და აღწყა ნაქმარი მიანელთა და მცველთა მოწყუედა, ტყავის განჯდა და ძელსა ზედა დაკიდება, და შესწამა მელიქს პარისპირ, და იგინი იღგეს უსიტყუელ.

და ვითარ ესმა ესე ზაქარიას და ივანეს, ძლიერად გამწარდეს და ბოროტად აღუჩნდა; და შეიპყრეს მელიქი და თჳსნი მისნი, და ყოველნი სიკუდილად დასაჯის; და მოაკუდინეს თვთ იგი და შვილნი მისნი, და განჯადეს ტყავები და საყვიარსა, რომელსა მენარა უწოდეს, ზედა ჩამოჰკიდეს, და ქალაქი მოაოჯრეს, მოწყუეს, ტყუე-ყვეს, ხოლო სიმდიდრე რომელ წარმოიდეს შეუძლებელ სადამე არს აღრიცხვად.

და ესრეთ მოჰმართეს გზასა, რომელ აღმავალ იყო ადარბადაგანით, და მოვიდეს და მოეგებნეს პირველად უყენით და მერმე თავრეყელნი მითვე ძღუნითა ურიცხვთა, და მოართუეს სიმდიდრე აურაცხელი, რომლითა აღივსო სრულიად სამეფო. თვთ მეფეთა მზისა და მზეთაცა მზისათჳს წარმოგზავნეს თჳალნი დიდ ფასისანი, ძჳრად საპოვნელნი, და ჭურჭელნი უცხონი. და დაუტევეს მშუდობით მყოფნი ადარბადაგანისანი და ქალაქნი ადარბადაგანისანი, გამოვლეს რაჯსი, და შემოვლეს პირი ნახჭევნისა და მოვიდეს ტფილისს მეფეს წინაშე. მხიარულ იქმნა მეფეთა მეფე, მმადლობელი ღმრთისა, მხიარულითა პირითა გაეგება, ზემითა და დიდებითა. იყო ჳმა ბუკთა და დუმბულთა, რომელი არცა ძუელ ოდესმე ქმნულ იყო ესევეთარი გამარჯუება არცა მეფეთაგან, არცა მთავართაგან.

შევიდეს ისანთა, დაჯდა მეფე ტახტსა სამეფონა; შეუძღუა

ამირსპასალარი და შევიდეს თავადნი და დასხდეს წესისაებრ.
და მოიღეს არმაღანი ურიცხვი და დადგეს მეფეს წინაშე. გან-
კურდა მეფე; არავის ქართველთაგანსა ენახა ეზომი სიმდიდრე,
და აურაცხელნი თუაღნი და მარგალიტნი. ხოლო მეფეცა თა-
მარ არა უმადლო იპოვა ღმრთისა მიმართ; აღასრულებდა ლი-
ტანიობასა და ღამისთევასა, მრავალნი გასცა ობოლთა და
გლახაკთა ზედა და ლაშქართა ზედა გაყო საჭურჭლე დიდი,
აღვსებულნი კუალად აღავსნა. იყო მადლობა ესევეითარისა გა-
მარჯუებისათჳს ღმრთისა მიმართ!

ვინათგან მოიწია მწუხარება, და შიცივალა ზაქარია ამირ-
სპასალარი, ძე სარგის ამირსპასალარისავე, კაცი დიდად გამ-
დიდრებული და ყოვლითა სათნოებითა აღსავსე, გამარჯუებუ-
ლი, მკნე და ძლიერად მბრძოლი, მთავარი თემისა ლორისა,
რომელი მეფემან იგლოვა და ყოველმან კაცმან საქართველოს
მყოფმან. რამეთუ არავინ მკნედ გამოჩენილ იყო მთავარი ყამ-
თა ამით, რამეთუ გუარისაგანცა მო-ვე-აქუნდა, რომელი იყო
ნათესავი არტაქსერქსი მკარგრძელისა. და იყო სარწმუნოები-
თა სომეხი, არამედ ყოველნი სათნოებანი საღმრთონი და სა-
კაცობონი აქუნდეს. და ესრეთ, დამარხეს მკნე მამა დამტევ-
ბელი შვილისა ერთისა, რომელსა შანშა ეწოდებოდა.

მაშინ მეფემან მოუწოდა ძმისა ზაქარიასსა ივანე მსახურთ-
უხუცესსა, და ინება ბატივსა ძმისა მისისასა აღყვანება, და
უბოძა ამირსპასალარობისა ბატივი. ხოლო ივანე საქმეთა შინა
განკურგებულ იყო და ესე რქუა მეფესა: „ბატივი ესე, რომ-
ლითა ბატივ-გიცემიეს ჩემდა, დიდად დიდი არს და მე უღირს
ვარ; ესრეთ შემეწიე, რათა ძმისა ჩემისა სახელსა ჩემ ზედა
არა ავსენებდენ, რათა არა მრცხუნენს ნაცვლად მისა დგომად,
არამედ ათაბაგობითა ბატივ-მეც; საქართველოსა არა არს წე-
სად და ჰელად თქუენ მეფეთა წინაშე ათაბაგობა. და ამით გა-
ნადიდე წყალობა შენი ჩემ ზედა, რომე ახალსა და უაღრესსა
ბატივსა ღირს-მყო და ათაბაგობა მიბოძო, რომელ სულტანთა
წესი არს ათაბაგი, რომელი მამად და გამზრდელად მეფეთა და
სულტანთა იწოდების ათაბაგი; ამით განადიდე წყალობა შენი
უწინარეს ჩემთა პირველთა“. ყოცა მეფემან და უბოძა ათაბა-
გობა, რომელი არა ყოფილ იყო საქართველოს მეფეთა წინა-
შე, არცა ვის ბოძებოდა. მსახურთუხუცესობა უბოძა ვარამს,



ზაქარია გაგელის ძესა, კაცსა საბატოსა და ლაშქრობათა
ნა გამარჯუებულსა. ესრეთ იყვნიან მეფეს წინაშე.

ხოლო მეფე თამარ ზამთრის დურს იყვის და საფხულს კო-
ლას და ცელის ტბასა, ზოგჯერ გარდავიდის აფხაზეთს: გე-
გუთს და ცხუმს.

მათ უკუე ჟამთა იწყეს მთეულთა განდგომად, კაცთა ფხო-
ველთა და დიდოთა. დიდონი უკუე ბუნებითა მშთვართა და
უხარშავსა ჰამენ, და მრავალნი ძმანი ერთსა დედაკაცსა მიიყო-
ვანებენ ცოლად; რომელნი უჩინარსა რასამე ეშმაკსა თაყუა-
ნის-ცემენ და ზოგნი უნიშნოსა შავსა ძაღლსა, და ამას ჰყოფენ.
ხოლო ფხოველნი ჯუარისმსახურნი არიან და ქრისტიანობასა
იჩემებენ. ამათ იწყეს რბევად და ჯოცად და ტყუეობად, ცხა-
დად და ლამით.

მოუწოდა მეფემან ათაბაგსა და ყოველთა მთეულთა:
დვალთა, ცხრაზმელთა, მოჭვეეთა, ჯადელთა, ცხვაბელთა,
ჭართალთა, ერწოთიანელთა, მისცა ივანე ათაბაგსა და წარავ-
ლინა მათ ზედა. ხოლო ივანე გონიერად ყო: აღვიდა მთასა ჯა-
დისასა და წარვლო წუერი მთისა, წარდგა მთასა ფხოველთა-
სა და დიდოთასა, რომელი არავის ექმნა, არცა პირველ, არცა
შემდგომად, რამეთუ ერთ კერძო დაურჩა დურძუქეთი და
ერთკერძო დიდოეთი და ფხოეთი.

ცნეს რა მისლვა ათაბაგისა, მოვიდეს ძღუნითა მეფენი
დურძუქეთანი, მოსცეს ლაშქარნი და დაუდგეს გუერდსა. და
იწყეს ზეიდალმან ბრძოლად, და რბევად, და კლვად, და ტყუე-
ობად და დაწუად; მოსწყუდეს ურიცხვ კაცი დიდოთი და ფხო-
ვი, და დაყვნეს სამნი თუენი: ივნისი, ივლისი და აგვისტოსი.
მაშინ შეიწრებულთა ათაბაგისათა მოსცეს მძევლები და აღუთ-
ქუეს მსახურება და ხარაჯა, და პირი სიმტკიცისა აღუთქუეს.
წამოასხეს მძევლები, ქმნეს ზავნი. და ესრეთ გამარჯუებითა
მოვიდა ივანე მეფეს წინაშე და რქუა: „ძლიერო მეფეო იქ-
მნა ბრძანება შენი, მოვაოჯრენ ურჩინი შენნი დიდოეთი და
ფხოეთი“. ხოლო მეფემან დიდად დაიმაძღა და უაღრესსა პა-
ტივსა აღიყვანა.

და იყო ყოველგან მშვდობა, წარმატება, დღითიდღე შემა-
ტება სამეფოთა ღმრთივდაცულისა მეფისა თამარისი, ხოლო
სპანი მისნი განსუენებასა, ნადირობასა და ბურთობასა. თვთ

თავადნი და წარჩინებულნი მარადის მეფეს წინაშე იყვნენ განისუფნებდიან და აღივსებოდიან საბოძურითა მეფისა მიერ მათისა.

ხოლო ვითარ დიდისა კოსტანტინეს ძმისწულისა ივბიმიანოსისათვის წერილ არს, რომელ რქუა ანგელოზმან მონაზონსა ვისმე, მგოდებელსა სიკუდილისათვის ივბიმიანოსისა; „რასა დააკლო ღმერთმან ქრისტიანეთა ესევეთარი ესე მეფე, რომელსა ანგელოზმან დაადგა გვრგვნი სახილველად ყოველთა“ — და ეტყოდა ანგელოზი: „რა არს, ბერო, გამოძიება შენი მსჯავრთა ღმრთისათა? აწ გიბრძანებს, დასცხერ ზოროტი-საგან. არა უწყი, რომელ აღმოსავლეთით დასავლეთამდის უკუეთუ ყოველი ქუეყანა მართლმადიდებელი იყო, არცა იგი ღირს იყო მეფობასა ივბიმიანოსისასა, არა თუმცა საბერძნეთი ოდენ“, — ეგრეთვე აწცა იქმნა ამის დიდისა მეფისა საქმე: არა ღირს იყო არამცა ყოველი ქუეყანა — არათუმცა საქართველო ოდენ — ამის მეფობასა.

ამისთვისცა მოხედნა რისხვით მოწყალემან ღმერთმან სამკვდრებელსა თვისსა და მიიცვალა მეფე თამარ ტაბაჯმელსა დგომასა შინა. მოიწია მწუხარება მიუთხრობელი მკვდრთა საქართველოსათა. და ძნელად გამწარებულნი იტყებდეს და ისხმილიან თავსა ნაცარსა და მტუერსა ათაბაგი და ყოველნი. და იქმნა ტყემა მსგავსი კალოთა ატადესთა და გოდებანი მსგავსნი მოოკრებისა იერუსალემისანი ერემიას მიერ მგოდებელისა, და ჯერცა ეგრე იყო. და ყოველთა ადგილთა მსხდომართა გოდებთა და ტყებთა შეიწუებოდეს მკვდრნი სამეფოსანი. და იტყოდიან მიუთხრობელთა სიკეთეთა მისთა, გამარჯუებთა და მოწყალეობათა, მოსამართლეობათა, სიუხუეთა, სიმდაბლეთა. და წარიყვანეს სამკვდრებელსა მათსა გელათს და დამარხეს სამარხოსა ბატიოსანსა და დაუტევე სამეფო ძესა თვისსა ლაშას.

არსენი იტყვს იყალთოელი:

მეფე, მთავარი, სიონი და წყარონი;
ქაბუჯი, ქალწული, ებგური საებგური;
ადური კიცუთა, თუალნი და ისრაელი,
გოდოლი, მენავე, სახლი და მამაცა,
მეგობრელი ცხენი, ლაზარე, ქუდი

იოანე იტყუს ჳიმჳიმელი:

თუ თალი მიღისეველჳან სფერო შესახა შამსისი,
მან ისტრულახსა დასცა და მიღგნა დაყიყა ჳამსისი,
და ვით, — ვთქუა, — ჳესთა განდიდნეს, მით ჳრმალი ჳორცსა ჳამს მისი,
და აქიღევისებრ ძალითა მჳყრობ ელაღეთსა ჳამს ისი.

დიდება ჳმერთსა!

ამან დიდმან და სახელგანთჳმულმან ცხოვრებასა შინა და-
უტევა მძლეობა ქართველთა გამარჯუებრისა.

[**ცნობრება მეფეთ-მეფისა თამარისი**]

დაჟდა მეფედ გიორგი, ძე დემეტრესი, დავითის შვილისა, ქორონიკონსა სამასსამოცდათხუთმეტსა. ამან დაყვნა მორქმასა შინა ყოველნი ქამნი და დღენი მისნი და იმეფა კეთილთა მეფობითა და შატა ყოველთა საყდართა, მონასტერთა და ეპისკოპოსთა. ამას შვილი არა ესუა და მისთვის მწუხარე იყო უშვილოებისათვის. მერმე ინება ზეგარდამო მოწყალებამან ღმრთისამან, და იწყო მობერვად ნიავმან ამომან, და იშვა მათგან ქალი, ქმნილ-კეთილი, ყოვლითურთ უნაკლულო და შესატყვისი. ამას დაარქუა სახელი თამარ.

გარდავდეს ამას შინა წელი რაოდენნიმე, და გარდაიცვალა მეფე გიორგი. და იქმნა გლოვა და მწუხარება უზომო, უფროსლა დასა თვისსა რუსუდანს.

ესე იყო სძალყოფილი დიდთა სულტანთა შამირამეთი და დედოფალი ყოვლისა ზუარასნელთა უფლებისა, რომელი სიქურივისათვის თვსადმე მამულად მოყვანებული დედოფლად დაჟდა ქართველთად, უფროსლა დიდებად სახლისა თვისისად და ყოვლისა ამის სამეფოსა. ამას წინაშე იყო თამარ მაშინ, ვითარცა თვისსა მამიდასა თანა, დითურთ თვისით, რომელსა რუსუდანვე მოაქუნდა სახელად. რომლისათვის აწ დამაკლებს წინამდებარე ესე მითხრობად, თუ რაოდენ შეუენიერება და თავდგმულობა ექმნა ყოველთა პირველ მისსა ყოფილთა დედოფალთა. ვიკადროთ რამე, რამეთუ ოთხმოცისა წელიწდისა დღეთამან შეიყუარა მტკიცედ ქალწულება, სიწმიდე და სიკეთე დიდად სრული.

და ჩუენ პირველსავე სიტყუასა წარუძღუეთ. გლოვა იყო ნანდვლვე ღირსთა, არამედ არა თავს იღვეს წარჩინებულთა სამეფოსათა, მიმხედველთა თამარისთა. განიყარეს გლოვა და დასცეს საყურსა, ვითარცა ოდესმე სოლომონისთვის, და დადგეს სვანი ტახტი ვახტანგეთი, საყდარი დავითიანი, რომელი პირველ მთოვარისა განამზადა მეფეთ-მეფემან საბაოთ ელოიმ სამფლობელოდ, ზღუთი-ზღუამდი და მდინარითგან კიდემდი სოფლისა. აღმართეს სკიპტრა დიდებულთა, ძელი ჯუარისა და



მის თანა დროშა დავითისი, არაოდეს მობერილი მდგომთაგან ნიავეთა და ყოველთა ერთა კმაქმნილთა მარს ჳრმალი მამული თანა-საყდრითურთ მამისა მინიჭებული.

ლიტონად-მე შიილოა დიდმან ამან გონებამან? არა, ნუ იყოფინ! უმშუენოდ-მე შეიწყნარა იგი გვრგვმან და მეფობამან? ანუ არა მალნანტ ექმნა ყოველსა თუალსა თუსად? ვინ ძუელი სიტყუა აქა ახლად ვიკმართთ «ბრმა-შობილმან ბრმად-მე წარგლო» უმხედველომან თამარისმან. ტანსა ზომიერსა გრემანობა თუალთა და ლაწუთა სპეტაკთა ზედა ვარდებრივ ფეროვნობა, მორცხვ ხედვა, ლაღი მიმოხედვა, ტკბილი პირი, მხიარული და უღიზლო სიტყუს სინარჩარე და ზრახვისა უჩუქნობა. არა ცუდად დასდვა ლმერთმან მადლად თამარს ესრეთ შემეკულობა. რომლისათუს არა უჭერო მიჩნს თქმად, ვითარმედ პირი ამისი პირველვე იქო დავითის მიერ თქმითა, რათა ლიტანიოებით თაყუანი-სცემდენ მეფენი და მთავარნი, და მეძღუნეობდნენ ნათესავნი.

ესრეთ იდიდა ლმერთი ყოველთა პირთაგან. იხილეს რა კელითა მდდელთმოძღუართათა მეფე გვრგვოსანი, და ქება შეასხეს ძალითა საქებელსა კმითა ოხრისათა. და სთქუმცა, თუ ყოველნი ძალნიცა ზეცისანი თანაშემწე არიან სიხარულსა ქუეყანისათა. და ესე უსაკვრველეს მიჩნს ყოველისამე, რომელ სხუა მკედარი არაოდეს იხილა მის ჟამისათა მამადებრ მეფედ და ყოველნი ვითარ გამოცდილნი სასოებითა წინასწრობითა უძლოდა ერთი ერთსა, და სიხარულითა საგსენი ლმერთსა ჰმადლობდეს, მეფესა აქებდეს და თავთა ჰნატრიდეს.

დაჯდა ნებითა ლმრთისათა თამარ მეფედ დასაბამითგანთა წელთა ექუსიათს ექუსას ოთხმოცდაექუსსა, ქორონიკონსა ოთხას და სამსა, შვილი მეფეთ-მეფისა გიორგისი, დიდისა დავითის ძისა დემეტრეს ძისაგან, ცოლისაგან ბურღუხან ოვსთა მეფისა ასულისა, რომელი ჰმატდა სიკეთესა დედათასა სხუთა ყოვლითა, გარნა თამარის დედობითა, სძალი სხუა მისებრი მაშინ არა ეხილვა ქართლისა თემსა. და შემდგომითი შემდგომად აქონ.

ამიერთგან რა ჳერ არს თამარის თქმად, გარნა მონაცვლეობა ლმრთისა, სამეფოსა და ერისათუს, რამეთუ აღილო განება მადლად და მდაბლითა სულითა, და განიცადა სიდიდე საქმისა, მისდა რწმუნებულისა, მიაყვნა მყვანებელსა თუსსა

ზედვა და იწყო განგებად, ვითარ იგი მობერვიდა სული. მიმოიხილა სიმახულითა ცნობისათა თვისა გარემო ყოველი და მყისსა შინა შეემეცნა ხილვითა ოდენ წრფელთა და დრკუთა, და სიბრძნითა განგებითა თვისითა პირველად ყოველთა ზედა დასხა წყალობა უხუებით, რათა ეამთა საქმეთასა ერთნი ერთგულობით მადლიერობდენ, ხოლო მეორენი უსიტყუელ იყვნენ მიგებისათს სამართლისა.

ხოლო სჯულთათს სულითთა მეორე კოსტანტინე იქმნებოდა და მისებრვე ჰგოროვნებდა დაწყებასა საღმრთოსა საქმეთასა, რამეთუ იწყო აღლესვად ორპირსა მახულსა მოსასრველად თესლთა ბოროტთა და ინება, რათა იქმნას შეყრა და გაცორჩევა დიდთა მათ და მსოფლიოთა კრებათა.

პირველად აღმოუწოდა წმიდით ქალაქით იერუსალემით ნიკოლაოზს გულაბერისძესა, რომელსა სიმდაბლისა ძალითა ეჯმნა ქართლისა კათალიკოზობისაგან. ესე რა მოიყვანა, შემოკრიბნა ყოველნი სამეფოსა თვისისა მღდელთმოდღუარნი, მონაზონნი და მეუდაბნოენი, კაცნი მეცნიერნი სჯულისა საღმრთოსანი და მოსწრაფე იყო, რათა მართლმადიდებლობასა ზედა შემოთესილნი თესლნი ბოროტნი აღმოფხურნეს სამეფოსაგან თვისისა. რომელი-ესე აღრე განემარჯუა სასოებისა კეთილისა მჭონებელსა.

ხოლო შემოკრბეს ორისავე სამთავროსა ებისკოპოსნი, რომელთა პირად აქუნდა ზემო მოკსენებული ნიკოლაოს, მსგავსი სეხნისა თვისისა, და ანტონი ქუთათელი საღირის-ძე, დიდად განთქმული სათნოებათა შინა და ძლიერი საქმით და სიტყუთ. მიეგებოდა მათ თამარ დიდითა სიმდაბლითა, ვითარცა კაცი და არა მეფე, ვითარ ანგელოზთა და არა კაცთა. შეკრიბნა ყოველნი ერთსა სადგურსა და დასხნა საყდრებითა, ხოლო თვთ დაჯდა შორის მათსა მარტოდ და არა მეფობით და ესრეთ ეუბნებოდა:

„მ წმიდანო მამანო, თქუენ ღმრთისა მიერ განჩინებულ ხართ მოძღურად ჩუენდა და მმართველად წმიდასა ეკლესიასა და თანა გაც სიტყუს მიცემა სულთათს ჩუენთა. გამოიძიეთ ყოველი კეთილად და დაამტკიცეთ მართალი, ხოლო განჯადეთ გულარძნილი. იწყეთ ჩემ ზედა, რამეთუ შარავანდი ესე მეფობისა არს და არა ღმრთის მბრძოლობისა. ნუ თუალ-ახუამთ მთავართა სიმდიდრისათს, ნუცა გლახაკთა უღებ-ჰყოფთ სიმ-



ცირისათვის. თქვენ სიტყვათა, ხოლო მე საქმით; თქვენ წიგნით, ხოლო მე განსწავლით; თქვენ წურთით, ხოლო მე განწურთით, ზოგად კელი მივსცეთ დაცვად სჯულთა საღმრთოთა შეუღინებლად, რათა არა ზოგად ვიზღვენეთ; თქვენ ვითარცა მღდელნი, ხოლო მე ვითარცა მეფე; თქვენ ვითარცა მწიგნი, ხოლო მე ვითარცა ებგუერი“.

ესმნეს რა სიტყუანი ესე ყოველსა მას კრებულსა მამათსა, მადლობდეს ღმერთსა და თანად მეფესა ღმრთივგანბრძნობილსა. ჯდა უკუთამარ მცირედ ეამ შორის მათსა, მერმე მოილო კურთხევა მათგან და წარვიდა პალატად თვსად.

ხოლო წინამძღუართა კრებისათა ნიკოლოს და ანტონი, რომელნი ვითარ პირმეტყუელნი მთიებნი უძლოდეს მომრგულელებსა ცაებრისა მის ვარსკულავთა კრებულისასა, არა ინებეს შორის მათსა ყოფად მაშინდელი იგი ქართლისა კათალიკოსი, რამეთუ წინაჟამო რამე იწყო წესთაგან ეკლესიისათა და ჰყონდიდელ-მაწყურელობა და მწიგნობართუხუცესობა მოევერაგა უფლისაგან. არამედ ვერა განაყენეს, დაღაცათუ ფრიად იღუაწეს, რომელი ადრე თუთ განაყენა სასჯელმან ღმრთისამან. ხოლო სხუანი ვინმე ებისკოპოსნი შეიცვალნეს და მათ წილ საღმრთონი კაცი დასხნეს და სხუანი საეკლესიოანი წესნი განმართნეს უღებთა მიერ დავსნილნი.

ხოლო აღივსებოდა რა კრება, შემოვიდეს ყოველნი სპასალარნი და ერისთავნი სამეფოსანი და მოაკსენეს მამათა, რათა ზოგად იღუაწონ შემოყვანებად სიძისა თამარისთვის, რომელი ყვესცა. და შემოკრბეს წინაშე რუსუდან დედოფლისა და განზრახვითა ყოველთათა წარავლინეს კაცი ვინმე რუსთა სამეფოდ ქრისტიანობისა და მართლმადიდებლობისათვის მათ ნათესავთასა. და ესე ვერა კეთილად განაგეს, რამეთუ არცა კაცი იგი ღირსი საქმისა წარავლინეს და არცა მისსა მეცნიერ იყვნეს, რომელსა-იგი მოიყვანებდეს.

შემდგომად ეამისა მოიწია კაცი იგი წარვლინებული და მოიყვანა კაცი ღიდად გუარიანი, უდიდესი ყოველთა მათ მეფეთა მის კერძოსათა და სახითაცა არა უმარჯვ. რომელიცა იხილეს რა, ყოველთა კაცთა სთნდა, რამეთუ არარას მეცნიერ იყვნეს ჩუეულებისათვის მისისა.

შეკრბეს წინაშე რუსუდან დედოფლისა პატრიარქი და დი-

დებულნი, სპასპეტნი და ერისთავნი და აცნობეს თამარს და აწუგდეს ქორწინებასა და ასწრაფობდეს ამის პირისათუს.

არამედ იგი მიუგებდა, ვითარმედ: „კაცნო, ვითარ ღირს არს შეუტყუებელი ესე ქმნად? არა ვიცით კაცისა ამის უცხო-სა ქცევა და საქმე, არცა მკედრობისა, არცა ბუნებისა, და არცა ქცევისა. მაცალეთ, ვიდრემდის განიცადოთ ყოველთა სიკეთე, გინა სიდრკუე მისი“.

ხოლო იგინი წინააღუდგებოდეს, უშვილოებასა მოაკსენებდეს, სახლისა მისისა უნაყოფოებასა დრტუნვიდეს, წინამძღუარსა-სპათასა ითხოვდეს, და ყოველითურთ შეაიწრებდეს სულსა მისსა, და ირემსა ემსგავსებოდეს სახისა ოდენ მიხედვითა, ბილოთაებრ არა განიხილვიდეს მისაყრდნობელსა და ყოველითურთ შეაიწრებდეს სულსა მისსა და ესეოდენ მიძიმესა საქმესა სუბუქად შეეხებოდეს.

რასალა მრავალსა ვიტყოდით? შემდგომად მრავლისა ცილობისა თვნიერ ნებისა მისისა ყვეს ქორწილი და მრავალყამ იყვნეს განცხრომასა შინა, მსგავსად საქმისასა.

არა მრავალთა დღეთა შემდგომად მიიღო აღსასრული სიტყუამან თამარისმან. და გამოაჩნდებოდეს რუსსა სკვთურნი ვითარ ნაღებთა ბუნებითნი. და სიმთრვალეთა შინა საძაგელთა უწესოებად იწყო მრავალთა, რომელთათუს ნამეტნავ არს წერად და თქუმად, რათა არა სიგრძედ მიიწიოს სიტყუა.

ორისა და ნახევრისა წელთა, ვითარ გურდემლი, მოითმენდა მკნე თამარ უკეთურებათა რუსისათა, გარნა სხუა ვერლარავინ მოითმენდა. და იწყეს ჭრტინვად, არამედ ცილობათა მათთუს პირველთა რცხუნოდა ყოველთა თამარისგან.

ხოლო ბრძენმან თამარ იძია მრავალი ღონე განკურნებისა მისისა და უბრძანა სარწმუნოთა მონაზონთა პირითა მრავალგზის, დაღათუ ყოველად არა სარგებელ ეყო რუსსა. ამისთუსცა რთუ პირისპირ იწყო მხილებად მისდა, არამედ უფროს განძნდებოდა რუსი, ვითარცა ღმრთისაგან საფარველმოძურცილი. ვითარ იტყუს წერილი, «გკურნებდით ბაბილონს და არა იკურნებოდა». არა თუ ოდენ არა შეიგონა, არამედ უძვრესთა მიმართ იწყო და შერაცხილნიცა კაცნი უბრალოდ გუემნა და მსოთა აღმოგდებითა ტანჯნა.

შეუძნდა ესე ყოველი თამარსცა და წინაშე ყოველთასა ესა (რით თქუა: „დაღათუ საღმრთოსა სჯულისა მიერ სწავლულ

ვარ მე «არა განშორებულ პირველსა საწოლსა», არამედ მეღმან არა დაიცვას საწოლი თვისი წმიდად, არა ჯერ არს მის თანა დათმენა, რამეთუ შემაგინებულ არს ტაძრისა ღმრთისა. და მე არა მიძლავს აჩრდილისა მრუდისა ხისასა განმართვად და უბრალოდ განვიყრი მტუერსაცა, რომელი აღმეკრა შენ მიერ“.

ესე თქუა და აღდგა და დაუტევა იგი. ხოლო რუსუდამ დედოფალმან და ყოველთა მთავართა საწყალობელად განაძეს იგი, და არა ეგეოდენ უბადრუკი მეფობისაგან დამკობითა, რადენ შეუნიერებისაგან თამარისსა დაკლებითა.

კჳალად იწყეს ურგად ყოველთა, რამეთუ თამარს ხედვიდეს უშვილოდ და მარტოსა მკუდრად სახლისა თვისისა.

იყო უკუე შვილი ოვსთა მეფისა, გაზრდილი რუსუდან დედოფლისა, ყრმა ფრიად შეუნიერი ასაკითა, ვითარცა შეუნი მფეთა შვილსა, სწუთა კჳლა ზრდილობითა კეთილად წურთილი, მკნე და მკედარი ძლიერი, რაინდობითა უსწორო და მშულდოსნობითა შემმართებელი, ტანითა ახოვანი და ყოვლითურთ სრული სიკეთითა. ამისი ინებეს ყოველთა შეერთება თამარისი და საქმე დმერთსა მიანდვეს. თამარცა მიემორჩილა წებასა მათსა მეცნიერებისათს ყრმისა. არდარა ყოვნეს, არამედ შეიყარნეს დიდებეს, და შერთეს დავით თამარს.

შემოვიდეს ტფილისად, დასხდეს ტახტსა ბედნიერსა ორნი მნათობნი, ორნი მზენი, ორნი განმანათლებელნი. განიხარა დიდთგან მცირედმდე ყოველმან ერმან, და ნიშანნი ცხოვრებისანი მაშინვე იხილგებოდეს მათ ზედა: იყვნეს ლაშქრობანი გამარჯუებულნი ზემოთ და ქუემოთ, და არა სადათ ვინ ჩნდა წინააღმდეგომი.

მოკჳდა ქართლისა კათალიკოსი, ჭკონდიდელ-მწიგნობართუხუცესი, ქართველი, მირიანის ძე მიქაელ, რომელსა აქუნდა სამთავისიცა, და არავინ შეწუხნა მისთვის, არცა დიდი და არცა მცირე, რამეთუ ყოველნი სძულდებდეს.

მოკჳდა ამირსპასალარი გამრეკელი და ესე ყოველთა იგლოცეს.

ამას უამსა მცირედ რამე აღიძრნეს იმერელ-სუანნი მსგავსად ჩუეუდობისა ურჯუეობისა და რუსი მოიყვანეს, რეცა კჳლილად განსამეფებლად. ეუბნებოდეს მესხთაცა მირთვასა, რომელი ვჭა უძლეს, არამედ უფროსდა შეიმტერნეს. გააკვიციეს

და წავიდეს სირცხულეულნი, რამეთუ ღმერთი თამარისთვის მოუბრუნებდა.

ხოლო თამარ ევედრებოდა ღმერთსა და იგონებდა, თუ ვის მიანდოს დავით, და სპა თვისი, და განსაგებელი სახლისა თვისისა. რომლისათვისცა არა არცხუნა ღმერთმან, არამედ აღავსო სიბრძნითა და მეცნიერებითა. და მიმოიხილა ყოველთა ზედა სამეფოსა თვისისა მთავართა, და განიცადა თუალითა გონებისათა, მიანდო ღმერთსა საქმე, მოიყვანა ანტონი გლონისთავის-ძე გარეჯით, რომელი პირველ ჭყონდიდელ იყო და მიქაელ კათალიკოსმან მას მისტაცა, მოძმაცთა ვიეთმე მეფისა განმზრახთათა; ესე მოიყვანეს, ნანდულვე კაცი ღირსი ქებისა, ჭეშმარიტი ქრისტიანე, მართალი, წრფელი, უმანკო, სახიერი; მოწყალე ყოველთა, ტკბილი, მდაბალი, პატრონისა ერთგული უზომოდ, ეკლესიათა და მონასტერთათს რადლა საკმარ არს თქუმაღ: თვთ წამებენ ქმნილნი მისნი ყოველთაგან, ვითარცა მღვმესა და კლარჯეთს თვთ მის მიერ ქმნილსა მონასტერსა და ყოველთა ადგილთა. ესე დასუეს ვაზირად, მისცეს ჭყონდიდი, სამთავისი, კისისკევი და მწიგნობართუხუცესობა, რამეთუ მართალსა უკუეთუ უბრკუემეს, არავე დაეცეს.

იწყეს განზრახვათა კეთილთა სამეფოსათს და ერისა უმჯობესთა. მოიყვანეს სარგის ამირსპასალარისა მჯარგრძელისა ორნი ძენი, ზაქარია და ივანე, კაცი ბრძენნი, მკნენი, ბრძოლათა შინა დიდად გამოცდილნი და გუარეულადცა ერთგულნი მეფეთანი, ამისთვის დიდად შეყუარებულნი თვთ თამარის ბაბთა და მამათაგანცა. ამათ მიხედნა თამარ და ესეცა ღმერთსა მიანდო და შეიწყალნა. და ზაქარიას უბოძა ამირსპასალარობა და უმცროსსა დლითა, ივანეს, მსახურთა უხუცესობა. ესე კაცი ღირსნი იყვნეს კაცობისანი: დაღაცათუ სჯულითა სომეხნი იყვნეს, გარნა ყოვლითურთ მართლმადიდებლობისა მოსაგნი. ესე ივანე წერილთა ზედამიწევითა სწავლული იყო, რომლისათვისცა გულისგმა-ჰყო სიმრუდე სჯულისა სომეხთასა, ნათელ-ილო და იქმნა ჭეშმარიტ ქრისტიანე.

და შემდგომად ამისსა მოიყვანეს ჭიბერი, კაცი ესეცა მართალი და ერთგული, და მისცეს მანდატურთუხუცესობა. და დლითიდლე წარმატებოდეს საქმენი თამარისნი უმჯობესად და უკეთესად ბრძნად და მართლად განგებისათს.

ამიერითგან განგება ღირს, რომელმან შეუძლოს აღწერასა

მიცემად წარმართებანი თამარის საქმეთანი, რამეთუ ვერ
თმანი თავისანი თუთეულად ვერავენ აღრიცხუნეს, ეგრეთვე
ვერცავინ ესენი აღწერნეს, და რომელთაცა ოდენ შეუძლონ,
საეჭუელ მიჩნს მომავალთაგან შემდგომად არა დარწმუნებად.
გარნა ლომი ბრჭალთაგან საცნაურ არს და თამარ საქმეთა-
გან: ვის უნდეს ცნობად, იხილნეს ქალაქნი, ციხენი და თემნი
სულტანთა სასხდომნი, მისგან ახმულნი, მზღვარნი, რომელნი
მას დახუდეს მას გარეთ მისსა სამეფოსა ორად განფართო-
ბულნი, და ამისგან ცნას მეძიებელმან საქმეთამან, მერმე ცნას
ერაყამდის ქუემოთ მისგან დადებული ხარაჯა და ბაღდადის
კერძ მარღამდის, და თუთ იგი ხალიფა შეშინებული და მოაჯე
ქმა არს ქუე ჯდომით მოქმედისაგან.

ითქუმოდენ წერილისა: «მოაკლდენ ძალი ბაბილოვნისა და
აღაშენა მთა ერმონისა, განქარდა კუამლი სუბაკთა და გან-
ძლიერდეს ბჰენი სილიმისანი».

ესევეითართა წყალობათა შინა ღმრთისათა იშუებდა ვრი
ქრისტიანეთა, გარნა წუხდეს და იურვოდეს უნაყოფობი-
სათუს თამარისა. არამედ ღმერთმან, რომელმან მოხედნა პირ-
ველ მანოეს და აბრაამს, და მდედრთაცა ანნას და ელისაბედს,
არა ყოვნა არცა აქა. რამეთუ შემდგომად მცირედის ქამისა
დაორსულდა თამარ. და ცნეს რა ესე ყოველთა, იწყეს ლიტა-
ნიობით ღმრთისა ვედრება, მარხვითა, ლოცვითა და ცრემ-
ლითა, რათა მისცეს ღმერთმან შვილი წული. რომელი-ესე იქ-
მნაცა, და შვა შვილი ყოვლითურთ მსგავსი პაპისა. და დაარ-
ქუეს სახელი გიორგი. და განიხარეს ყოველთა სიხარულთა
მიუთხრობელითა.

და შემდგომად წელიწდისა კუალად დაორსულდა და შვა
ასული, თუსი შემსგავსებული, რუსუდან, რომლისათუს კუა-
ლად უფროსი სიხარული შეიქმნა ყოველთა ზედა.

და უმეტეს გარდაემატა ბედნიერობით ქუეყანა ყოვლითა
კეთილითა და განმარჯუებათა ლაშქართათა. იწყეს ყოველგნით
რბევად სპარსეთისა და იქმნებოდეს განმარჯუებანი საკვრველ-
ნი: ციხეთა მქონებელნი ბრძანებითა ოდენ დასცილდეს, ტყვისა
და ალაფისაგან აღივსო ყოველი კაცი, ხოლო დაშთომილნი
მათნი ვითარცა მელნი იმაღვოდეს და ვითარცა მთხუნველნი
ბურებოდეს მიწათა შინა.

შეიწრდეს ყოვლით კერძონი სპარსნი და ულონობამან მო-

იცუნა და მხოლოდ ერთილა საბოლოო ცხოვრებისა მოიპოვეს, ესე იგი არს სიკუდილითა ჯსნა თავისა. ამისთვისა შეკრბეს ყოველით კერძო შეთქმულებითა, შეიღებნეს სამოსელნი და პირნი, და მივიდეს წინაშე ხალიფასა, აუწყეს თსი ჭირი და აწუვედეს, რათა უბრძანოს ყოველსა სპარსეთსა შეწევნად მათდა. რომელი-ესე ყო ხალიფა: განახუნა ძველნი საგანძურნი და იღუმალ წარავლინა კაცი ყოველსა შინა სპარსეთსა, მისცა ოქრო აურაცხელი, რათა შეკრიბონ ყოველით კერძო ლაშქარი ურიცხვ და მისცა ბრძანება რათა რომლისაცა სამთავროსაგან სპარსთასა არა წარმოვიდენ, თვთ მათ ზედა მისლვითა იაგარ ყვნენ. ესე ესრეთა იქმნა: იწყეს ამოღმართ რომგვროს და ინდოეთისა და ქუემოთ სამარყანამდი და დარუბანდამდი. შეკრბა ესეოდენი, ვიდრემდის არცა რიცხვ იცოდეს და ვერცა ერთსა თემსა დაეტეოდეს. შეკრბეს ადარბადაგანს და მაშინდა გაამკლავნეს წაკიდება თსი.

ესმა ესე ყოველი თამარს და მოუწოდა ყოველთა გაზირთა თსთა და შეიქმნა გამორჩევა. უბრძანა ჭყონდიდელსა ანტონის არა ავითა გულითა, არცა დედაკაცურითა სიტყუთა, არამედ ესრეთ: „ისწრაფეთ დაწერად და მიმოდადევით ბრძანება, რათა მსწრაფლ შემოკრბეს შვედრობა. და კუალად მიუშვიენით ყოველთა ეკლესიათა და მონასტერთა, რათა დაუცადებელნი ღამისთევანი და ლიტანიობანი აღესრულებოდინ ყოველსა ადგილსა. და წარგზავნეთ ფრიადი საფასე და საკმარი გლახაკთათს, რათა მოიცალონ ლოცვად და მოწყალე ყონ ღმერთი, ნუ სადა თქუან წარმართთა: სადა არს ღმერთი იგი მათი“.

ესე უბრძანა და ბრძანება საქმე იყო. და ათსა შინა დღესა, გითარცა გროი შავარდენთა, მოფრინდა ყოველი მკედარი, ყოველით კერძო, საცხენი სიხარულითა, რომელნი ძალით იპყრობდეს თავთა შინა თსთა. შეკრბეს სომხითს შინა. და მივიდა თამარ და იხილნა. დაყვნეს მცირედნი დღენი მათცა ლოცვისათს. მერმე რქუა მათ:

„ძმანო, ჩემნო, ყოველად ნუ შეძრწუნდებიან გულნი თქუენნი სიმრავლისა მათისათს და სიმცირისა თქუენისა, რამეთუ ღმერთი ჩუენ თანა არს. გასმია გედეონისთს სამასნი და სიმრავლე ურიცხვ მადიამელთა მათ მიერ მოწყუედილი, კუალად ასურასტანელთა ბანაკი ლოცვითა ეხვეციელისითა წამსა შინა

ანგელოზისა მიერ დაცემულნი? მხოლოდ ღმერთსა ოდესმე
ენდვენით და გულნი თქუენნი სიმაართლით იპყრენით წინაშე
მისსა და სასოება ყოველი ჭუარისა მიმართ ქრისტესისა იყავნ.
შეისწრაფეთ ქუეყანად მათდა შეწევნითა ყოვლად წმიდისა
ღმრთისმშობელისათა და ძალითა უძლეველისა ჭუარისათა წა-
რემართენით“.

ულოცა მათ და შეაგედრნა ღმერთსა, წარუძღუაწა ძელი
ცხოვრებისა და თანა წარატანა ანტონი ტყონდიდელი.

ხოლო თვთ წარიკადნა სამოსელნი ფერკთანი, და ფერ-
კივ შიშულითა ფერკითა მიიწია ტაძარსა ღმრთისმშობელისასა
მეტეხთა, და წინაშე ხატსა მას წმიდასა მდებარე არა დას-
ცხრებოდა ცრემლითა ვედრებად, ვიდრემდის სრულ-ყო ღმერ-
თმან სათხოველი მისი.

რამეთუ შემდგომად მცირედთა დღეთა მოიწია სარგის
მკარგრძელი თმოგველი და მოართუა სახარება ლაშქართა გან-
მარჯუებისა და ყოვლითურთ უნაკულულება მკედრებისა.

! არამედ აჲ ჯერ არს მოკსენებად, თუ ვითარი შეწევნა მოი-
დეს თამარის ცრემლთაგან სპათა ჩუენთა. შევიდეს უკუე ქუ-
ეყანად მათდა, და იხილნეს განძას და შანქორს საშუალ-
მდგომნი, რომელნი სიმრავლითა უმეტეს იყვნეს რიცხუსა,
ვითარცა მკალნი.

მყის გარდაკდეს ცნენითგან ყოველნი, თაყუანი-სცეს
ღმერთსა, და წმიდასა ჭუარსა ეგედრნეს ცრემლითა, და ვითარ
არწივთა მიმართეს, და ვითარ ვეფხნი ეკუეენეს. და პირველ-
სავე წყობასა ათკეცი რაზმი მათი დაკსნეს და შესდვეს მახვილი
მათი და ძალი ღმრთისა, და ვითარცა თავუთა მოსრვიდეს, და
ვითარცა ქათამთა იპყრობდეს დიდთა მათ დმერთათა მათთა ბაღ-
დადელთა და მუსულელითა, აგრიელთა და ერაყელთა და ადარ-
ბადაგანელთა და ერანელთა და სხუათა მრავალთა ადგილთასა,
რომელნი ნიჯადად ჰყვეს, ვითარ ვთქუა ინდოეთითგან მზარე-
ულნი, წუერიოთა ზიდვით მოიყვანებდეს წინაშე დავით მაფისა.
და იხილვებოდა დიდი საკურველი და გარდამეტებული შეწევ-
ნა ღმრთისა, რამეთუ თვთ მოიღებდეს საქონელთა მათთა და
თვთ მოესხნიდეს აქლემთა და ჯორთა კიდებულთა, და თვთ
იყვნეს მსახურ იავარისა მათისა და ნატყუენავისა.

ხოლო ათაბაგმან ბუბაქარ აქო თვისი დონე და დონიერება,



რამეთუ მიწვეულმან კნარცუსა სადმე მცირესა მიწასა შინა დაფლა თავი თვისი.

ესრეთ მოწყალებათაგან ღმრთისათა აღვსებულნი მიიწვი-
ნეს განძად და გამოეგებნეს მოქალაქენი, თავთა თვსთა მშუდო-
ბა ითხოვეს და ქალაქი ნებსით შესწირეს. შეიყვანეს დავით
დარბაზსა შინა, ტახტსა სასულტნოსა ზედა დასუეს, ფანჯანო-
ბათსა სასულტნოსა უკრეს, და ღორის კორცითა დიდად ძალი
ბურობა გარდაიჯადეს. ყოველთა მას წინაშე განძელთა დიდი
ძლუენი და ხარაჯა შესწირეს, გაქსნეს საქურტლენი მათნი და
მრავალი ტურფა ფილ-ჯამი და ფეშხუმები სხუსა თანა განძი-
სა მრავლისა წარმოიღეს. და გარეგან ქალაქისა დაიბანავეს
მცირედთა დღეთა, რამეთუ ეძიებდეს ათაბაგსა და ვერა პოვეს.
ეგრეთვე შანქორელთა ითხოვეს მშუდობა და მონება.

აქა ვერ კეთილად განაგეს ზაქარია და ივანე, და ესეოდენ
იქმნა დაკლება ამას განმარჯუებასა შინა. იყო ვინმე კაცი
სპარსი, შარვანშეთ სიძე, სახელით მირმირან. ესე შემოხუეწით
იყო წინაშე თამარისსა სათხოველისა რომლისათუსმე და მაშინ
დავითს წინაშე სამსახურად. ამან მირმირან გამოითხოვა განძა
ცნობადმდე თამარისსა და მისცეს შესანახავად.

რაჟამს ბუბაქარ ცნა ჩუენთა ლაშქართა შინა მოსლვა, გა-
მოჩნდა და განძელთა ქალაქი მასვე მისცეს, თუცა მირმირან
შიშითა ცოცხალი გამოუშუეს, ვითარცა ვთქუ.

მცირენი რა დღენი გარდაჯდეს, წარმოემართნეს ლაშქარნი
დიდად მოხარულნი ულუმპიანსა ამას ზედა ძლევასა, ფრიად
უაღრესსა საქებელისა მისგან ძლევისა, რომელი ყო აღექსან-
დროს დარიოსს ზედა.

ვითარცა მიეახლნეს, მოეგებოდა მათ თამარცა, რამეთუ
მისრულ იყო სარგის თმოგუელი მახარობელად. იხარებდა და
მადლობდა ღმერთსა, მოიკითხვიდა თვთეულსა, ვითარცა
შვილთა და იშუებდეს იგინი ხილვითა მისითა.

აღივსნეს ყოველნი ველნი გარემო ტფილისისა და ვერლა-
რა იტევდა კაცსა, ცხენსა, ჯორსა და აქლემსა. და ესეოდენ მო-
საწყინელიცა იყო სიმრავლე იგი ტყუეთა, ვიდრემდის შეიყვა-
ნიან ქალაქად და ერთად კუტლად ფუჟისად გაყიდიან. და ამი-
სი მოწამე თვთ იგი ღმერთი უტყუელი არს, და რათა არა
ტყუილი ვისმე ეგონოს და ზღაპარი გიჩნდეს თქმულნი ესე
მომავალთა ჟამთა.

ბოდეს მრავალფეროვანი მიერ სამკაულთა, ლოცვანი და ღამის-
თევანი განმრავლდებოდეს, უფროსდა თვთ პალატსა შინა წმი-
დათა საიდუმლოთა სრულყოფანი მიმდებნი. და რასა მრავალ-
სა ვიტყოდი? წყალობა ღმრთისა განმრავლდებოდა და ყოვე-
ლი სიბოროტე ეშმაკისა მოუძღურდებოდა.

ყოველნი თჳს-თჳს იღუწიდეს, რათამცა თამარ მოიმადლეს
და ვინაცა გამოაჩინეს საქმეთა შინა საქებელთა. მონაპირენი,
რომელნი იყვნეს, ღამეთა დღეთავე ზედა დართვიდეს შეუსუ-
ენებელად, და რომელნი შიგნით იყვნეს იგინი სანაპიროთა
იჯდეს. და ესევეთარმან გულსმოდგინებამან და მოსწრაფება-
მან ყოველთამან ესევეთართა მიღწია სამეფო:

რამეთუ პირველ ქუემოთი სანაპიროი ვაგი იყო, რომელნი
ჰქონდა ზაქარიას მკარგრძელსავე, ვარამის მამასა, და ესენი
მუნ მონაპირობდეს, კაცნი მკნენი, ბრძოლასა შინა მრავალ-
გზის გამოცდილნი და განმარჯუებულნი, და შიშითა ღმრთი-
სათა და პატრონისა ერთგულობითა დიდად საქებელნი.

ამოღმართ ძორაკერტი იყო და ტაშირი, სადათ ზაქარია და
ივანე დაიწყეს პირველად ბრძოლა ლომურად ზემოთ, და ქუე-
მოთ, და ყოველსა ადგილსა.

და ზემოთ ჯავახეთი, სადა სარგის მკარგრძელივე თმოგუ-
ელი და შალვა თორელი მონაპირობდეს.

ზედათ არტანი, სადა მესხნი მონაპირობდეს, რომელთა შო-
რის იყო ყუარყუარა, სამცხისა სპასალარი, ჯაყელი, კაცი დი-
დად გამარჯუებული და ერთგული მეფეთა.

შავშეთით სპერით კერძო ფანასკერტი იყო. ამის შავშეთი-
სა ლადოთა შინა გამოჩნდა ვინმე კაცი ასპაანის ძე, გუარითა
არა უაზნო და ქცევითა და არცა, ღმერთო, უბედო. ამას ზაქა-
რია ერქუა სახელი. არცა სახელსა არცხუნა, არცა პატრონისა
წყალობა აუქმა თჳსსა ზედა, გარნა საქებელთა ზედა შერთო
თავი. მარტოდ იქმოდა მრავალთა და დიდთა საქმეთა: აღიღო
ბანა, ხახული და სხუანი მრავალნი სახელოვანი ციხენი და
ადგილნი.

ქუემოთ შაპირის კერძ გრიგოლის-ძენი, და უფროსდა ტბე-
ლი, და მაკატლენ-ძენი მონაპირობდეს, რომელთა შიშითა გაწ-
ძის და ბარდავს ყრმა მცირე ვერ აუტირდებოდა დედასა, და
გერცა თურქნი იორის პირსა და მტკურის პირსა საძოვარსა
აწყენდეს.



ესე ყოველი რა გესმოდინ, ნუ ვინ ესრეთ ჰკონებთ, თუ
 თუნიერ თამარისსა რამე ქმნილ იყო ვისგანცა, არამედ ესრეთ
 განიგონე: მონაპირეთა მონახიან საქმე, ანუ ციხე ასაღებელი,
 ანუ თურქმანი შემოდგომილი, ანუ ქალაქი განსატეხელი, ანუ
 ქუეყანა მოსარბეველი, მოაკსენიან თამარს და მან გასინჯის
 საქმე იგი და გამოიკითხეს. უკუეთუ ღირს იყვის შეყარასა ლაშ-
 ქართასა, უბრძანის ზაქარიას და ივანეს და შეყარნიან ლაშ-
 ქარნი, თუთ დავით მეფე წარვიდეს და არა სადათ შემოქცეული
 ცუდად. უკუეთუ უმცირესი რამე იყვის, მყის შესხნის დარბა-
 ზისერნი თუსნი და, ვითარ შავარდენთა, მოსაქმნიან. თუ თუთ
 იყვის ანუ მიწდორით ნადირობასა შინა, ანუ შინა მყოფსა და
 ესმის რამე, და შესხნის მუნ ღირსნი მისნი, ვითარ არწივთა კა-
 კაბნი ეგრეთ დანახნიან ყოველნი წინააღმდეგომნი.

არცა თუთ უქმობდა და არცა თუსთა ყმათა აუქმებდა, ვი-
 თარ იგი იტყუს ვინმე ყამათაღმწერელი ალექსანდრესთს. და
 ამან სარწმუნო ყოს სიტყუა ესე, რამეთუ დიდად სახელგან-
 თქმულისა ქალაქისა ტფილისისა შემოსავალი წელიწდისა მას-
 მე და ერთსა წელიწადსა არა იყვის გასაცემრად მახარობელ-
 თა ზედა. მრავალგზის და ერთსა მასვე დღესა სამნი და ოთხნი
 მოვიდნიან მახარობელად. და, თუ ვითარ, ისმინე: ქმნიან რამე
 ერთი საქმე და წარმოავლინიან ამბავი გამარჯუებისა; და მას
 დღე მას არა დასჯერდიან და კჟალად სხუა რამე წარუმართის
 დმერთმან და სხუაცა მახარობელი წარმოგზავნიან. და სხუახი
 ესეგითარნი აღრაცხედ არიან, რამეთუ ზემონი სხუათა იქმ-
 დიან, ხოლო ქუემონი სხუათა, და ერთსა შინა დღესა მოიწიის
 მრავალი ამბავი და მახარობელი, რომელთა ნამეტნავ არს და
 შეუძლებელ არს აღწერად, ესე დმერთმან უწყის თუთ.

ამას ყოველსა დაუშრომელად რა მოქმედებდა, არა თუსისა
 ქონებისა მოქენე იყო და არცა სამეფოდ იმჭირვიდა ესეო-
 დენთა ქალაქთა და ციხეთა, არამედ თუთ მათვე მისცემდა, რომ-
 მეღთა აუცალოებდა, თუსთა ლაშქართა, ვითარ წამებს დიდი
 და სახელგანთქმული სახლი სომეხთა მეფეთა ანისი, რომელი
 წარუღო სპარსთა შანშეობისა თანა მრავალჯამ მათგან ქონე-
 ბული, ხოლო სპარსთა სახლი სახელგაგანი დვინი და ამათ ორ-
 თა პირთათს იქმოდო პირველად, რათა მარადის გული უთქუ-
 მიდეს და შური აღიღონ ერთმანერთისა წარმართთა შეძინები-

ნათეს თვისისა, და მეორედ, რათა მოუკუთვოს ყოველი მიწე-
ზი, რომელი დაქსნის ერთგულობასა.

და კუალად ამისთვის არა უდებებდა, რათა არა მოცლილთა
განსუენებად სიჩუკენდ განსცენ თავი და სხუათა განზრახვა-
თა დამოგეიდნენ, ვითარცა სიმდიდრითა ალაღებულთა, ანუ
ერთი-ერთისა მტერობად მოიცილიდეს და ბრძოლად, ვითარ
ყვესცა ვიეთმე დაწყებასავე ამისსა მეფობისასა მისვე დრკუსა
ძირისა ნაყოფთა ლიბარიტეთთა, შვილთა კახაბერთა, რამეთუ
იწყეს ძმაცუად და ბრძოლად მახლობელთა თვისთა, რომელთა
არცა მხილებულთა შეიგონეს, არცა წყალობათაგან თამარისთა
შეიკდიმეს, არამედ ძუელად მათთვის დაწერილი კუალად გა-
ნახლდეს და კუდსა ძაღლისასა, გინა კუთხსა ფლასისასა ემს-
გავსებოდეს. და ქმნესცა დიდი ბოროტი: და ორნი ძმანი ანტონ-
ნი ჭყონდიდელისანი დაკოცნეს და ამით შეაწუხეს მართალი
იგი და განარისხეს თავთა თვისთა ზედა ღმერთი და თამარ, რა-
მეთუ ჭალასა მდგომიან, მოუწოდა ზუთთავე, და სიბრძნითა
თვისითა შეიპყრნა და თუთო-თუთოსა ციხესა შესუა, რათამცა
განიწუართნეს. არამედ იგინი იგივე იყვნეს, ამისთვის ექსორია
ყვნა მკედლონის საბერძნეთისასა და მუნ მოსწყდეს ყივჩაყთა
მიერ კარგნი ჭაბუკნი ბრძოლასა შინა, ვითარცა გუესმა.

ამისთვის არავის მისცემდა მოცალებობასა: ანუ იყვიან წი-
ნაშე მისსა, ახარებდინ და საბოძვართა ღირსებობაებრ სწყა-
ლობდის და განუსუენებდის, ანუ თუთ წარუძღუს, იორისპი-
რი და მტკურისპირი მოინადირის. მერმე დასოს შემოდგის
და მუნ იხარებდიან, ვიდრემდის თოვლმან არა დაამძიმის კა-
რავი. მუნით სომხითს შემოვიდიან, ნადირობდიან ამოთა თა-
მაშითა. და ამას შინა თუ რამე საღით ესმის ანუ ნახიან, ყოვ-
ლად არა მომედგრდებოდეს განსუენებისა ძილითა, არცა რან
დააცალებდეს, რომელიცა რა წინააღმდგომი ცნიან სამეფოსა
და თამარისი.

აღიგსებოდა წილოსი და იეფობდა ეგვპტე. მოაკლდებოდა
ისმეღს, განიქიტნებოდა აგარ, იკურთხეოდან ისაქ. ესე სხუა-
შან ვინმე სხუსათუს თქუა, და მე აქა ამისთვის წინასიტყუა-
გყოფ, რამეთუ მოაკლდებოდა ძალსა მოჰმადიანთასა, და მცე-
მელიცა ებანსა, რამეთუ ქრისტიანეთა ორდანიანი ჯმოვანობ-
დეს კიდით კიდემდე. და შრტა სასოება მუსურმანთა, და ყოვ-
ლითურთ უღონონი ღონე-ყოფდეს, რათა წყალობად მოიზი-

ღონ წყალობის მოყუარე თამარ. ამისთვის კუალად წარგვედგინა ხალიფასა, არღარა პირველები, არამედ ფრიად შეცვალებით, და შესახებწელთა სიტყუათა მოაქსენებდეს, რათა ევედროს თამარს აღებად ხარკისა ოდენ, მახული მსრველი დააყენონ და ჯაქვ შემკრველი. რომელი ესე ყო ხალიფამან და წარმოავლინა მოციქული ორგზის ამის პირისათვის, და დიდნი და მრავალფერნი სამეფონი ძღუენნი უცხონი წარმოგზავნა, და დიდითა სიმდაბლითა შემოეხუეწა თამარს, რათა აღიღოს ხარკი და დააცადოს რბევა. ისმინა თამარ ამისი ვედრება და ესრეთ მისცა პასუხი: „აღმისრულებიეს თხოვა შენი და, რომელთაცა ინებონ მშუდობა თავთა თვსთა და მოიღონ ხარკი წინაშე ჩემსა, ამათდა მიმინიჭებიეს მეცა ცხოვრება ვედრებისათვის შენისა“. რომელი ესე ესრეთ იქმნა.

ესე იჩემებდა ზაკუთ სიყუარულსა და გზავნიდა მოციქულთა მშუდობისათვის მრავალყამ, და ძღუენთა შუენიერთა მრავალთა, ეგრეთვე თამარ ჰყოფდა, ნაცვალსახედ მოციქულთა წარავლენდა ძღუენითა. გარნა იგი ზაკუთსა ჰფარვიდა, და ფიცათა მიერ განმსტრობად მოსწრაფე იყო ამის სამეფოსა.

განახუნა პაპა-მამურნი საუნჯენი და გამოყარნა ოქრო აურაცხელნი და წარგზავნიდა ოქროთა შეკრებისათვის მკედრობისა, და ამცნებდა, რათა ორსა კეცსა მისცემდენ გაჩენილისასა. და წარავლინა ყოველთა საზღვართა თვსთა, და იწყო მესობოტამიას და კალონეროთ, გალატიას, ღანგრას, ანკვრიას, ისავრიას, კაბადუციას, დიდსა სომხითს, ბითუნისა და საზღვართა ფებლადონისათა და არა დაუტევა თვნიერ დედაკაცისა სოფელთა შინა მათთა, არამედ ყოველნი აამკედრნა.

ხოლო თვთ ამოისწრაფა და მიიწია უჯად სახელდებულთა მათ თურქთა თანა, რომელ არიან მკნე ბრძოლასა შინა და არიან სიმრავლითა ვითარცა მკალნი, გინა ჯინჭუელნი. ამათ მისცნა ოქრონი მრავალნი, და კუალად ნიჭნი დიდნი ესეოდენ, ვიდრე ასი ათასი მკედარი შეკაზმული გამოიყვანა მათგან.

და კუალად მიიერთნა, თვნიერ ნებისა მათისა, შიშით, ეზინკელნი, ხალფერდელნი და კარნუ-ქალაქელნი; სალდუხის ძე, რომელსა ნაცვლად მსახურებისა მიუღო კარნუ-ქალაქი და თვსი ძმა დასუა მუნ.

ვითარცა იტყვან გძლარბისათვის კმელისასა, შვილმრავალ არს ცხოველი ესე და რაჟამს იხილნეს ნაშობნი თვსნი მრავალ

ლად, გამოვალს ბუდით თვისით მართულებით და განაწყობს დამ
გოდლოს მათ ზედა. ხოლო ეგრეთვე ყო ნუქარდინცა: იხილ-
ნა რა ფრიადი იგი სიმრავლე შეკრებულად, რომელი ზეშთა
იყო რიცხუსა, აღზუაენა გულითა, მსგავსად სენაქერემისა, და
ამაღლდა დმერთსა ზედა, და არა შეიშინა პირველთა მათ მზა-
კუართა ფიცთაგან და სიყუარულისა აღთქუმითა, არამედ
ფრიად წინა-უკუმო განმზადა თავი თვისი და მოიწია ქალაქად
სევასტიად, და იწყო მუნ განმზადებად საომართა მანქანათა.

მაშინ წარმოავლინა მოციქული წინაშე თამარისა ესევეითა-
რითა წიგნითა, რომელსა შინა წერილ იყო სახე ესევეითარი:
„მე ნუქარდინ, სულტანი ყოვლისა ცისა-ქუეშისა უმაღლესი,
მომსგავსებული ძლიერებასა ანგელოზთასა, თანამდგომი
ღმრთისა, მოვლინებული დიდისა მოჰმედისაგან, მოვიმცნობ
მეფესა ქართველთასა თამარს. „ყოველი დიაცი რეგუენია და
შენ გიბრძანებია ქართველთად აღებად კრმალთა და ღმრთისა-
გან საყუარელისა ისლემთა ერისა დაჯოცად მუსულმანთა და
კულად ნათესავსა ზედა თავისუფალსა დადებად ხარკი ყმი-
ბური. და აწ მე მოვალ, რათა უსაჯო სამართალი სახლსა სპარ-
სთასა და განგუართო შენ და ერი ეგე შენი არაოდეს კად-
რებად აღებად კრმლისა, რომელი დმერთსა ჩუენდა უბოძებია,
ხოლო ცხოვნებით იგი ოდენ ვაცხოვნო, რომელმან უწინარეს
მოსლვისა ჩემისა თაყუანი-მცეს წინაშე კარგისა ჩემისა და
აღიაროს ქადაგება მოჰამად მოციქულისა, და უარ-ყოს სჯული
შენი და კელითა თვისითა იწყოს წინაშე ჩემსა ლეწად ჯუარისა,
რომლისა მიმართ დაგიცთ ცუდი სასოება, და აწ მოელოდი
ნაცვალსა ჩემსა, რომელი შეამთხვე სპარსთა“.

წიგნი ვითარცა მიართვეს და იხილა თამარ, ყოვლად არა აჩ-
ქარდა, არამედ სხუა ეზეკია იქმნებოდა სიმდაბლითა. და გან-
მარტა წიგნი იგი წინაშე ღმრთისა, სულთ-ითქუნა სიღრმით
გულისათ და ცხელთა ცრემლთა დამოდიინებითა, და ღმრთისა
მიმართ სასოებისა დამდებელმან მერმე მოუწოდა მაშინ რო-
მელნიცა დახუდეს, და ეზრახა მათ ამის ჰირისათვის, არცა ჩუკ-
ნად, არცა მდედრად, არცა განუბრძნობელად.

და ბრძანება და წიგნები ქროდა მაღემსრბოლთა. და ცო-
ტათა შინა ღღეთა შემოკრბეს ვითარცა გეფხნი სიკისკასითა
და ვითარცა ლომნი გულთა. ქრისტესა ღმერთსა ესვიდეს და
არღარა ყოვნეს, არამედ მსწრადღლ მიმართეს ტაძარსა ყოფ-

ლადწმიდისა ღმრთისმშობელისასა ვარძიას, და ვარძიისა ღმრთისმშობელსა წინაშე ცრემლით შევედრნა სოსლან დავით და სპა მისი, და დროშა ბედნიერად კმარებული, და წარგზავნა ვარძიით ლაშქარნი, რომელთა თვთ თამარ უძღოდა წინა შიშულითა ფერკითა და ცრემლითა ასოვლებდა ლაწუთა თვსთა. და წარუძღლა ბასიანის კერძოთა და მიიწივნეს მახლობელად კარისა და დადგეს დღისა ერთისა სავალსა.

ხოლო თვთ უბრძანა თვსთა სპათა ყოველთა შესხდომა, და თვთ განვიდა უმაღლესსა ადგილსა, სადათ ყოველთა ხედვიდა, და დაგარდა მუკლთა თვსთა ზედა დიდხან, და ტიროდა წინაშე ღმრთისა. მერმე, აღდგა რა, იხილვებოდა ადგილი იგი ყოველად დალტობილად ცრემლთაგან მისთა.

მერმე მოიყვანნა წინაშე თვსთა ყოველნი წარჩინებულნი და უბრძანა ერისთავთა, რათა თვთოეული მათი მოვიდოდნენ წინაშე წმიდასა ჯუარსა და თაყუანი-სცემდნენ და შეემთხუეოდინან. და იწყეს მოსლვად ყოველთა და ტირილით გედრებად, და თაყუანის-ცემად ბატონისა ჯუარისა, და ამბორის-ყოფად, და ეგრეთვე შემთხუევად კელსა თამარისსა. და ანდერძ-ყოფდეს ყოველი სახლთა, შეილთა და სულთა წინაშე მისსა. რამეთუ ერთითა კელითა თვთ მას ეპყრა ძელი ჯუარისა, ხოლო ერთითა ეზოსმოძღუარსა ბასილის და ჯუარისმტვრთველსა. სრულ იქმნა რა ყოველთაგან ესრესახედ თაყუანის-ცემა ჯუარისა, მერმე თვთ მიიქუა ბატონსანი იგი ჯუარი კელითა თვსითა, და ამქედრებულთა ზედა ყოველსა მკარსა ნიში ჯუარისა გამოსახა სამგზის, დაულოცა, და ეგრეთ წარემართნეს მინდობილნი ღმრთისანი და თამარის ცრემლთანი.

და მეფე თამარ მოიქცა სამცხეს, და მოვიდა ოძრკეს, და მოიკალა ლოცვად და მარხვად. მუნ იყო წინაშე მისსა თევდორე, ქართლისა კათალიკოსი, კაცი წმიდა და სახიერი, და მას თანა მრავალნი ეპისკოპოსნი და მონაზონნი, ღმრთის სათნონი, იყვნეს მიმდემნი ღაშისთევანი და ლიტანიობანი.

აწ ჯერ არს მოკესნებად, ვითარ იგი წყალობა ყო ღმერთა მან ერსა თვსთა ზედა მეოხებითა ყოვლად წმიდისა ღმრთისმშობელისათა და შეწვენითა ცხოველსმყოფელისა ჯუარისათა. ხოლო ვითარ მიიწივნეს ქუეყანად ბასიანისა, მუნ იყო სულტანი დაბანაკებულდი. ესრეთ ნებიერად მდგომარე იყვნეს, და არა უდგა დარაჯანი სულტანისა. მუნ დააწყეს რაზმი ქარა

თველთა და მუნ წინამბრძოლად იყო ზაქარია მკარგრძელი ამირსპასალარი, და ახალციხელნი შალვა და ივანე, და სხუანი თორელნი. და ერთ-კერძო აფხაზნი და იმერნი, და ერთ-კერძო ამერნი და ჰერ-კახნი. ხოლო ვითარ იხილნეს სპარსთა, რამეთუ აუზიდავად მიდიოდეს, დააგდეს სადგომი მათი, და სიმაგრეთა მიმართეს, რამეთუ მიავლინა მათ ზედა ღმერთმან შიში დიდი. ხოლო ქრისტიანეთა იხილნეს რა მათ წინაშე გაქცეულნი, მიიტევნეს, და არა უტევნეს წარსლვად, არამედ გარემოიცივნეს. რამეთუ მისცნა ღმერთმან კელთა მათთა, და იხილვებოდა საქმე საკვრველი, რამეთუ თვთ იყვნეს მსახურ თვისისა შეკრვისა, რომელნი განერჩნეს პირსა მახვლისასა. უდიდესი მათი შეიკროდა უმცროსისა მიერ თვისისა, და უწარჩინებულესი მათი მოიყვანებოდა გამობმული ძუასა ცხენისასა, და ერთითა საბლითა ერთისა მიერ კაცისა შეიკროდა ოცი, და თმითა გამოვებოდა ერთი-ერთსა, ყრმისა მიერ მცირისა უმჯობესნი მბრძოლთანი მოიყვანებოდეს ვითარცა თიკანნი. გამოიძივნეს ყოველნი ადგილნი, და გაქცეულთა კოცდეს, ხოლო ნეშტთა ვითარცა მართუეთა ქათამთასა მოჰკრეფდეს და გაუშუებდეს აურაცხელსა სიმრავლესა. რამეთუ ასსა სპარსსა ერთი ქრისტიანე ძლით მიხუდებოდა წარმომყვანელად.

ესეოდენი დიდებული ძლევა მიმადლა ღმერთმან ცრემლთა და სასოვებისა სიმტკიცეთა თამარისთა. ხოლო ესე ყოველი რა ესრეთ იქმნა, მერმე მოუტდეს ბარგსა მათსა, რამეთუ არა იყო განცდა და აღრიცხვა სიდიდეთა ოქროსა და ვეცხლისა ჭურჭელთა, ნაქსოვთა სიმრავლე აურაცხელი, სასმურნი ოქროსანი, თუალ-მარგალიტოვანი ლანკნები და პინაკები, ლაგუნებისა და ქუაბებისა თანა ყოვლითურთ სავსეთა მიუწდომელითა ალაფითა. ხოლო ცხენ-ჯორისა და აქლემებისა სიმრავლე და კარავთა და საფენელთა სიმრავლე და ურიცხველობა, რომელ დაყარეს, ვინ-მე აღრაცხნეს? რამეთუ სავსე იყო ყოველი საზანაყო მათი.

ამისა შემდგომად შეეკაზმა მოქალაქეთა დიდითა მოკაზმულობითა ქალაქი ტფილისი, და შევიდა თამარ და დავით ვითარცა მზისა შარავანდედი მიფენითა, და შეიღეს დროშა ნუქარდინისი. შეიყვანეს პირველად ეზინკელი, და მერმე სხუანი იგი წარჩინებულნი მოიყვანნა, რომელნი სთნდეს, წინაშე თვისსა. თამარ ყოველთა ნუგეშინი-სცა და დიდად სახელოვნად

სერითა ისტუმრნა და უბოძა ყოველთა შესატყვისად და
გზავნა ციხეთა შინა ყოველსა ადგილსა, თვნიერ ეზნიველისა.
არამედ იგი დაიმჭირა ტფილისს პატიმრად, პირველისა პატი-
ვისა და სიყუარულისა მისისა წილ, ხოლო უკანასკნელ გვერ-
დენი სახელოვანი კაცი და დიდებული განყიდა ნალად ცხენ-
თა, რომელი ესე ყო თამარ პატივად სახლისა თვისისა და დი-
დებად, რომელი ესე არაოდეს ვისგან ქმნილ იყო დასაბამით-
გან. ესე ყო დიდებად და საქსენებელად თუსა.

აწ კუალად აღივსნეს ყოველნი საგანძურნი სამეფონი ოქ-
როთა და ჭურჭლითა ოქროსათა, რამეთუ მიწისა მსგავსად შე-
ასხმიდეს ოქროსა, ხოლო თუალსა და მარგალიტსა წყუთ დას-
დებდეს, ხოლო ოქროქსოვილთა ბერძელთა და სსუათა ნაქ-
სოვთა ძვრად საპოვნელთა, ვითარცა ცუდთა სამოსელთა,
ურიცხუთა დაყრიდეს. ხოლო ვეცხლისა ჭურჭელთა არღარა
აქუნდა პატივი პალატსა შინა მეფისასა, რამეთუ ყოველი ოქ-
როსა და ბროლისა წინადაგებული იყო, ინდოურთა ქვათაგან
წემკობილი, რომლითა აღავსნა ყოველნი ეკლესიანი, რომელთა
მიანიჭა სამსახურებელად სიწმიდეთა საიდუმლოთასა და აღავ-
სნა ყოველნი კელნი მთხოველთანი, და განაძნა ყოველნი
გლახაკნი და აღუვსო წიადნი მათნი უხუებით.

ესრეთ აღიდეგს ღმერთი მადიდებელთა თუსთა, ესრეთ აღ-
მადლებს წინაშე თუსსა მდაბალთა, ესრეთ შემწე არს მოსავეთა
მისთა, ესევეითართა ნიჭთა მიანიჭებს მინდობილთა თუსთა,
რამეთუ არარამ სხუა დაიდვა თამარ გულსა თუსსა, ვითარ
«დასაბამი იგი სიბრძნისა, შიში ღმერთისა», და სამართალი და
წყალობა სწორად ყოველთა ზედა.

იყო დღეთა მისთა სიმართლეთ და მრავალი მშუდობა, განე-
ფინა მადლი ბაგეთა მისთა. ამისთვის აკურთხა იგი ღმერთმან
უკუნისამდე და დაადგრა თავსა მისსა გურგვნი პატიოსნებისა,
და დასდვა წელთა მისთა მახული ძლიერებისა და წარემართა
სუფეგად უკუნისამდე ჭეშმარიტებისათუს, სიმშუდისა და სი-
მართლისა.

ჯერ არს ამისთვისცა თქმად, ვითარმედ ქმნნეს მრავალთა
დღელათა მოღუაწება და ძლიერება, არამედ არა ესრეთ ვითარ
ამან, არა ვერაგობისა ღონითა აცხოვნებდა ერსა თუსსა, არამედ
სიბრძნისა წინაძლომითა, და სიმართლითა, და უმანყოვნიტ
დავეითიანითა, სიმშუდითა იაკობის მსგავსითა, სიუხუთა აბრა-

მისებრითა, მოწყალეებითა იესოს ღმრთისა მსგავსითა, და სამართალითა მისისა მობაძავითა.

დღეთა შინა თამარისთა არაენ გამოჩნდა მიმძლავრებული მეცნიერებითა მისითა, არცა ვინ დასჯილი, თუნიერ ძუელისა სჯულისა, რომელი ძეს ავაზაკთა ზედა ძელსა ზედა ჩამორჩობა. თუთ არცა ვის ღირსსა სიკუდილისასა და არცა ბატიყისასა მიეჭადა თანანადები, არცა ვინ ბრძანებითა მისითა ასო-მოკუყეთილ იქმნა, და არცა ნიბრმითა დაისაჯა, თუნიერ გუზან, ღირსი სიკუდილისა, რომელი ორგულეებით განდგა და კოლას სადმე მთათა შინა ავაზაკობდა მალვით. ესე შეიბჳრეს მთიბავთა თივისათა და დავით მეფისა წინაშე მოიყვანეს. ხოლო მან იცოდა დიდი მოწყალეობა თამარისი, ამისთვის მისსა შეკითხვამდის თუალნი დასწუნა, ნაცვლად მრავალთა სისხლთა ქრისტიანეთასა.

არა ოდენ თუსსა სამეფოსა შინა იყო კეთილიანობა, არამედ ყოველთა ქრისტიანეთათუს და რომელნი მძლავრობდეს ქრისტიანეთა, ყოველთა მიუმცნო, რათა აზადად იყვნენ და ფიცხლად დამორჩილდენ შიშითა და სიყუარულითა მისითა.

წარავლენდის სარწმუნოთა თუსთა და დაავედრის ესრეთა: „იწყეთ აღექსანდრით ყოვლისა თანა ლუბისა, სინისა მთისა“, და მათ კერძოთა ეკლესიათა, მონასტერთა და ერთა ქრისტიანეთა მოიკითხვიდის, ხოლო იერუსალიემისათუს რადლა საგმარ არს თქმად, რამეთუ წარგზავნიდის ამათ ყოველთა შინა ეკლესიათა ბარძიმ-ფეშხუმებსა, და სიწმიდეთა საბურავებსა და მონაზონთა და გლახაკთათუს ოქროთა აურაცხელთა.

ტყუენი განათავისუფლნის და ხარკი ერისა თუთ უკუნსტის, და ყოველი ჭირი დაჭირებული აღიღის მათგან.

კუალად კერძოთა ელადისათა და მთაწმიდას, ეგრეთვე მასედიონისათა ბეტრიწონს, კერძოთა თრაკისათა და კოსტანტინეპოლის მონასტრებთა, რომანას და ყოველგან, კუალად ისაგრიას, კურუსეთს, და ყოველთა მათ სანახებთა შავისა მთისათა და კვპრისათა. ესე ყოველნი აღავსნა ქველის საქმითა, რომლისათუს ისმინეთ, თუ ვითარ მოხედვიდა ღმერთი საქმეთა მისთა:

მოიწონეს ოდესმე ჩუეულებისაებრ ქველისმოქმედებათათუს ამისთა მონაზონნი შავისა მთისა, ანტიოქიით და კვპრისა ქალაკით, ეგრეთვე მთაწმიდით და მრავალთა ადგილთათ.



წიგნიწინარნა თამარ ჩუეულებისაებრ ვითარ ანგელოზებისა
 მრავალ დღე არა გაუშვანა, მერმე მისცნა ყოველთა დიადი, და
 აღავსნა ყოველითა საკმრითა. უკანასკნელ მათგან უფრო შო-
 რიელთა მისცა დიდძალი ოქრო, თვთ მათთვის და ყოველთა მო-
 ნასტერთა განსაყოფელად. წარვიდეს მონაზონნი იგი და მი-
 იწვივნეს რა კოსტანტინეპოლედ, ესმა მეფესა ბერძენთასა
 ალექსის, ანგელსა, რომელმან ძმასა თვსსა ისაკს თუალნი დას-
 წუნა და მეფობა წარულო. ესე ყოველითურთ ბოროტი კაცი
 იყო, და შეუტყუებელი მეფობისა, გარნა უმეტეს ანგარები-
 სათვს საძაგელ იყო ყოველთა მიერ. იხილა სიდიდე იგი ოქ-
 როსა, რომელი მიეცა თამარს და წარულო მათ მონაზონთა.

! ცნა რა ესე თამარ მეფემან, ნაცვლად სხუა უფროსი წარ-
 გზავნა მათ წმიდათა მიმართ, და ამით უმეტეს არცხუნა ეშმა-
 კი. ხოლო განრისხნა მეფესა ზედა ბერძენთასა, წარგზავნნა
 მცირედნი ვინმე ლიხთ-იქითნი, და წარუღეს ლაზია, ტრაპი-
 ზონი, ლიმონი, სამისონი, სინოპი, კერასუნდი, კიტორა, ამას-
 ტრია, არაკლია და ყოველნი ადგილნი ფებლალონისა და ჰონ-
 ტოსანი, და მისცა ნათესავსა თვსსა ალექსის კომნიანოსსა, ან-
 დრონიკეს შვილსა, რომელი იყო მაშინ თვთ წინაშე თამარ
 მეფისა შემოხუეწილი.

ხოლო ესმა ესე ფრანგთა, რამეთუ მოელო ბერძენთა შე-
 წევნა აღმოსავლეთით, გამოვიდეს ვენეტიკნი და წარუღეს სა-
 მეუფო ქალაქი, მეფობისა თანა, და შეიხუეწა უბადრუკი იგი
 ალექსი ბორღალეთს, თვსისა სიძისა თანა. იხილა რა ბორღა-
 ლელთა მეფემან, სიძემან მისმან, შეიყვანა ციხესა ერთსა, და
 დაუფინა წინაშე მისსა ოქრო დიადი, და რქუა ესრეთ: „აჰა
 ალექსი, გულისსათქმელი იგი შენი; ოქრო ესე მიიღე, თვნიერ
 სხვსა რომლისაამე საზრდელისა, და წყლისა წილ. რამეთუ ამის-
 თვს წარსწყმიდე სახლი სამეუფო ქრისტიანეთა, და დავსენ
 თვთმბყრობელობა ბერძენთა“. და ესრეთ მოკუდა საწყალობე-
 ლი იგი სიყმილითა, დაკლებული შეწევნისაგან ღმრთისა.

! ესრეთ საზარელ იყო თამარ მტერთა ზედა, და კუალად
 ესეოდენ ტკბილ და ძრუქსენებელ, ვიდრემდის ესმა რა ესე
 ყოველი, დიდითა ტკივილითა იგლოვა, დაღათუ არა ღირს იყო
 მისთვის ტკივილი. რამეთუ რაცა ვის არა ჭეშმარიტებით აქუნ-
 დეს, არა იბყრობს დიდხან, გარნა თამარ უცხოსაცა ზედა და



დავრდომილთა ღმობიერ იყო ტყვენეულობად და წყალობად, ვითარ აწ ამასცა ზედა.

ხოლო წარმოვთქუათ ესეცა, რამეთუ ოცდამესამედ, გინათუ მეოთხედ, აღმავლობასა მეფობისა მისისა წელიწადსა იკითხა საქმე კარისა. რამეთუ მრავლით ჟამითგან ჰბრძოდეს სარგის თმოგუელი, შალვა თორელი და მესხნი, გარნა ვერარა ღონე ქმნეს აღებისა, რამეთუ ზამთრის მკსინეარებისაგან და სიცივისა უღონო იყვნეს მიდგომად. ხოლო ჟამსა ყინვისასა წყლისაგან განყინულისა ვერ შეუძლებდეს ბრძოლად, გარე შემოუხუზნეს ყოველნი ციხენი და სოფელნი და იგი მხოლო მარტოა ჰქონდათ სპარსთა. ამისთვის განიზრახა კეთილისა გონებითა და წარავლინა დავით ზემოთ ლაშქრითა. წაატანა ზაქარია და ივანე, და უბრძანა, რათა დადგენ მუნ და ძლიერად ეომონ. და ხანგრძლიად იქმნა ესე, და თვით თამარ დადგა ჭავჭავთს, და მუნ მოელოდა ამბავსა მათსა.

ხოლო იგინი მივიდეს და ებრძოლეს უკუე შეკრულსა მას ღობესა წყლისათვის და მრავალთა შინა დღეთა განტეხეს აღგილი იგი. და გამოიცალა წყალი და მის თანა უმრავლესნი მოქალაქენიცა. ხოლო დაშთომილთა მათ ითხოვეს დავითისგან, რათა თვით თამარ მივიდეს და მას მიენდვენ, რამეთუ ეშინოდათ სიტყუათა მათათვის გინებისათა, რომელთა ციხით გამოჰტყოდეს პირველ.

მაშინ მოაჯსენეს ესე ყოველი თამარს. ხოლო იგი მივიდა. და მოიხუზნეს ციხოვანთა მათ კლიტენი წინაშე ძისა მისისა გიორგისა და მერმე თამარის წინაშე და ითხოვდეს მშუდობასა და ფიცსა, რათა არა განსცეს კარი, ვითარ ანისი და დვინი, არამედ სამეფოდ დაიმჭიროს. ამისთვის მისცა სიტყუა მტკიცე და უბრძანა ძესა თვისსა გიორგის, რათა შევიდეს და თვით მიითუალოს ქალაქი და ციხე. რომელი ესე ესრეთ იქმნა. და ესე ერთი ქალაქი და ციხე თვისად დაიმჭირა, მათ ყოველთაგან, რომელნი აიხუნა ძორაკერტით რავსამდის, გაგით განძამდის და ჭავჭავთით სპერამდის.

და ვისცა ათრუდმეტსა წელიწადსა შინა ესე საქმენი თამარისგან გემცრებინა, და მისთა ლაშქართაგან, წელიწადისა ერთისა დღეთა თუ ვითარ შეუძლო ყოველთა მათ გარეთა აღმართ ოდენ შეხედენ, რომელნი ჰქონან ციხენი მკარგრძელთა ოდენ სახლთა, ზემოთ და ქუეშით.



მზიარულად ამბისაგან მეტყუელი პირი აწ მწუხრს
მიმართ მიიქცევს. რამეთუ მეგულვების აწ წარმოთქმა ყოვე-
ლისა სოფლისა საგლოველისა აპბისა.

ნაქარმაგვეს გარდმოდგა მეფე თამარ და მის წინაჲ იყუ-
ნეს ყოველნი დიდებულნი და წარჩინებულნი. და იურენა და
განაგნა საქმენი სამეფოსა თუსისანი, და უფროსლა ეკლესიათა
და მონასტერთანი. და მუნ დგომასა შინა გამოაჩნდა სენი რა-
მე მომაოკრებელი ჩუენი, რომელი დღითი-დღე დაჰმაძღვრო-
და მის ზედა და დიდხან ფარვიდა, რათა არავინ შეაწყუხოს.
გარნა ურგებელ იქმნა რა პირი, არა მიმთუალველი კურნებო-
სა, მაშინლა განაცხადა, რამეთუ დედობრივმან უძღურებამან
განგრძობილთა შინა მკედრობათა არა თავს-იდგა შეუშობუეკე-
ლად მიშუება აგებულებისა.

და აქა საბრალობელ მიჩნს დიდად ერთგულნი იგი კაცნი,
თუ ვითარ უგულვებელს-ყვეს ეგეოდენი ტკივნეულობა მისი.
რამეთუ წარმოიყვანეს კუბოთა ტფილისს, და შემდგომად
მცირედთა დღეთა ენებათ ჩუეულებისაებრ, რათა დასოს გან-
ვიდენ. ისწრაფდეს და მუნ წარიყვანეს კუბოთავე და დიდად
განძეულდა სნი იგი უწყალო. და კუალად წარმოიყვანეს ავა-
რათა ციხესა.

და უქმ იქმნა მის ზედა ყოველივე ბუნებათა გამომეძიებ-
ლობა მკურნალთა კელოვნებისა. ამისთვისა იყვენეს თუთ
მუნ და ყოველსა ადგილსა ლიტანიობანი და ლამისთევანი მიმ-
დენნი, და ცრემლთა დინებანი იხილვებოდეს მდიდართა და
გლახაკთანი სწორებით. გარნა განჩინება წინააღუდგომელი
იყო და დღემან იწყო მიდრეკად, და მზემან დასლვად, და ბა-
ერმან სხუად ფერად უფერულობა. და ცისკარსა დღისასა ზე-
და იწყეს შემოსად ბნელთა ღრუბელთა: დაწუთა მათ ვარდო-
ვანთა იწყეს დაჰნობად, და თუალთა მათ ტბაებრ მზისა შემ-
ცხრომელთა სიმრუმედ მიმართეს. კელთა მათ, მსახურებისა-
გან გლახაკთასა არაოდეს დაცხრომილთა, იწყეს მოუძღურე-
ბად და ფერკთა მათ, მარადის ღმრთისათუს მამურალთა, იწყეს
შედრეკად და ყოველნი ნიშნი ცხოვრებისანი სხუად და სხუად
ფერად იხილვებოდეს.

ზოგადმან უღონობამან მოიცვნა ყოველნი და არა უწყო-
დეს, თუ რამცა ყვეს. მოაგარნი იცემდეს პირთა, გლახაკნი
იტყებდეს თავთა, და ყოველნი ნაცვლად მიუბყრობდეს თავ-

თა თვსთა და შვილთა თვსთა ღმერთსა, და ითხოვდეს მის ზეა და მომავალსა სიკუდილსა: „რათა მარტო ესე დარჩეს და ჩუენ ყოველნი მოგუსრენ“. ამას კმობდეს და მოეცვათ სასუენებელი პალატისა, რომელსა აქუნდა ცხედარი უზადრუკებისა ჩუენისა, და ღონე თუმცა იყო, ეცდებოდეს, რათა არა აღუღონ სიკუდილსა შემოსლვად. რა იყო, რომელი არა იხილვებოდა მუნ, ანუ სავედრებელთაგანი გინა მწუხარებათა, გარნა მწოდებელი კართა ზედა დგა და მბრძანებელისა წინააღდგომა შეუძლებელ იყო.

ბრძენმან ბრძნისა ნეტარება აქაცა მოიღო თამარ, რამეთუ შემოუწოდა ყოველთა წარჩინებულთა სამეფოსა თვისისათა წინაშე მისსა, განიმტკიცა თავი თვისი, და მკნედ მჯდომარე ესრეთ ეტყოდა: „ძმანო ჩემნო და შვილნო მე ესერა მივიწოდები მსაჯულისაგან საშინელისა, უსაშინელესისა უფროს მეფეთა ქუეყანისათა, რომელმან მიუხუნის სულნი მთავართანი. თქუენ ყოველნი თვთ მოწამე ხართ, რამეთუ თავისა ჩემისა თანა მაქუნდა სიყუარული თქუენი, და სარგებელსა და სათნოსა თქუენსა არა დავაკლე თუთოეულისაებრ არძანიგისა, ვიდრემდის განგებითა ღმრთისათა ვიყავ თქუენ ზედა მეფედ. აწ მეცა წარვალ მამათა ჩუენთა თანა გზასა ჩემგან უცხოთა, ბრძანებითა საშინელითა და განყოფითა საკურველითა. გვედრები ყოველთა, რათა მარადის კეთილსა შინა იყვნეთ მაცსენებელი ჩემდა. აჰა, ესერა მკვდრად სახლისა ჩემისა დაგიტევებ რომელნი მომცნა ღმერთმან შვილნი ჩემნი, გიორგი და რუსუდან. ეგენი მიიხუენით ჩემ წილ და მაგათ აღმოგივსონ დაკლებული ჩემი“.

1 | შევედრნა ყოველთა და მიუთუალნა წინაშე ხატსა ქრისტესსა და ჭუარსა ცხოველსყოფელსა. და მერმე უკანასკნელ კმა აღმოუტევა, და ყოველთა მშუდობა მისცა ესრეთ მეტყუელმან: „ქრისტე, ღმერთო ჩემო მხოლოო, დაუსრულებელო მეუფეო ცათა და ქუეყანისათა შენ შეგვედრებ სამეფოსა ამას, რომელი შენ მიერ მერწმუნა, და ერსა ამას, პატიოსნითა სისხლითა შენითა მოსყიდულსა, და შვილთა ამათ ჩემთა, რომელნი შენ მომცენ და მერმე სულსა ჩემსა“.

მაშინ განვიდეს ყოველნი მწარედ მტირალნი. და თამარ დაიძინა ძილი იგი მართალთა თუესა იანვარსა ი-მ. და აღივსო

ზზე ქართლისა, და საფლავმან სადიდებელად თუსად ჭირვა ცხოვრება მსოფლიო ყოველთა ქრისტიანეთა.

აქა რალა ჟერ არს თქმა, გარნა ბავთისა ღალადი, ბნელი უნათლო და გლოვა უნუგეშინის-ცემო, რამეთუ ვინ იყო ნუგეშინის-მცემელი, ოდეს მწუხარება ზოგადი იყო ყოველთათუს. სატუხელ იქმნა პირი ქუეყანისა, აღებარსა ყოველთა თავისა თმანიცა მხოლოდ სახელისა ოდენ მქონებელთა. ვმასა თანა ვაებისასა ქუესკენლნიცა შეიძრნეს, ყოველნი ფლასითა შეიმოსნეს. ესრეთ გუანდა, დაღათუ ჩუენ თანა იგლოვს ცა და ყოველი სოფელი.

მაშინ უკუ აღმოიყვანეს და მცირეთა შინა დღეთა მცხეთად დადგეს, და მერმე უკანასკნელ თვთ მუნვე გელათს დაამკვდრეს თუსსა შინა სამარხოსა, დიდებად მუნ შინა დამკვდრებულთა პაპთა და მამათა მისთა, სახელოვანთა დიდთა მეფეთა თანა.

იცვალა ფერი ქართველთა მხიარულებისა, რამეთუ განზიცნეს ბაგენი მათნი, რომელთა პირსა შინა პირველ სხუა არარა მოაქუნდა, ვითარ თამარ. რამეთუ სახლთა ზედა აკროსტუხორად თამარის შესხმათა დასწერდეს, ბეჭედთა ზედა და დანათა და არგანთა შეამკობდეს, და ზედა თამარის ქებასა დასწერდეს. და ყოველთა პირნი ერთბამად მზა იყვნეს, რათა ღირსი რამე თამარის საქებლობისა სიტყუა აღმოთქუან: ყრმანი მემროწლენი, განუებასა შინა ორნატასა, თამარის ქებათა მეღეჭსეობდიან; ერაცს მყოფნი მეებნენი, გინა მეჩანგენი თამარის შესხმათა მუსიკობდიან; ფრანგნი და ბერძენნი, ზღუასა შინა მენაგენი, ნიავ-კეთილობათა შინა, თამარის ქებათა იტყოდიან. ესრეთ ყოველი სოფელი საგსე იყო მის მიერითა ქებითა და ყოველი ენა ადიდებდა, რომელსაცა ოდენ სახელი მისი ამიოდეს.

ხოლო საქმეთა მისთათუს რადლა საკმარ არს თქმად, რამეთუ კიდით-კიდედმდე განისმნეს, ვითარცა თვთ მოწამე არს ყოველი ჩუენ მიერ ხილული სიტყუსაებრ ბრძნისა.

არა უტოთმელობა მგონიეს ძალისა უზეშთაესსა მეცადინეობა, რამეთუ დაწყება და აღსასრული ამის კელ-ყოფისა სრულეებით ესრეთ ჩანს, ვითარცა სიმძიმესა და პატიოსნებასა თანა ოქროსასა ქარქუეტისა ნამუსრევი. რამეთუ ვინ რა წარმო-

თქვას ღირსი ამისთვის, გინა რა ვინ პირველ აქოს, ანუ რომელი უქანასკნელი: სიმდაბლე უზომო, სიმაღლე შეუსწორებელი, სიმწუდრე საქებელი, სიმქისე ჯეროვანი, ლმობიერება მოწლე, მოწყალეობა თანალმობილი, უმანკოება უზაკუელი, სიწრფოება უსიცრუო, სახიერება ზოგადი, სიუხუე აღუზუავებელი და — თავი ყოვლისა კეთილისა — შიში ღმრთისა და მსახურება მისი შეუთრგულებელი, — რომელი-ესე ყოველი ამან ესრეთ მოიგო, ვითარ ვერცა ერთი სხუამან ვერვინ. და წამებს ამას ყოველი მახლობელი სამეფო გარეშემო ქართლისა, თუ რაოდენნი დაგლაზაკებულნი მეფენი განამდიდრნა, რაოდენთა მიმძღავრებულთა უკუნ-სცა სამეფო თვისი, რაოდენნი განდევნილნი საშეფოდვე თუსად კუალად აგნა და რაოდენნი სიკუდილად დასჯილნი განათავისუფლნა. და ამისი მოწამე არს სახლი შარვანშეთი და დარუბანდელთა, ღუნძთა, ოვსთა, ქაშაგთა, კარნუქალაქელთა და ტრაპიზონელთა, რომელნი თავისუფლებითსა ცხოვრებასა ამის მიერ იყვნეს და მტერთაგან უზრუნველობასა.

ხოლო სჯულთა მიმართ საღმრთოთა ვინ იყო ესრეთ მოაშურნე, გინა სიმდაბლით თავისა მომდრეკელ, რამეთუ თოდოსი დიდსაცა ადგმატებოდა. ლოცვანი და ღამისთევანი, რომელნი პალატსა შინა ამისსა აღესრულებოდეს, საეკუელ მიჩნს მელდაბნოეთაგანცა; ხოლო მარხვისათუს რაღა ვთქუა, რამეთუ წესი იყო მონაზონთა და მამხილებელ უღებთა ერი პალატისა.

ეგრეთვე სიყუარულისათუს ხუცესთა და მონაზონთასა ნამეტნავ არს თქმად, რამეთუ წესიერად ცხოვრებულნი კაცნი შარადღე იყვნინ წინაშე მისსა, და მახლობელად სასუენებელისა მისცის მათ საყოფელი და თვთ ზრდიდის საზრდელითა და ყოვლითა საკმრითა, რაცა უნებნ. და უკუეთუ მათგანი ვინმე იყვის უძღურ, თვთ მივალნ მოხილვად და ნუგეშინის-ცემად, და თვთ განუმზადებნ ცხედარსა და სარეცელსა.

ხოლო გლაზაკათათუს განეჩინეს სარწმუნონი ზედამდგომელნი და ყოვლისა სამეფოსა მისისა შემოსავალნი, რაცა იყო შინათ და გარეთ, ყოვლისა ნაათალი გლაზაკთა მიეცემოდა და უკლებელად ერთისა ქართლისა მარტულამდეცა. და ამას ყოველადვე არა გონებდა ქველის საქმედ მითუალვად წინაშე ღმრთისა, რამეთუ რაჟამს მოიცალის მარტოებით ყოფად, მყის ხდილის სასთუელი, გინა საკერავი და ნაშრომსა მას თუსთა



ველთასა ხუცესთა და გლახაკთა განუყოფნ თჳსითა ქვემოთაღი
 ესრეთ წესითა განმტკიცებულთა ღმრთისა საწინებრისა
 სათნოებისათა არა დაწყებისასა მიხედვიდა, არამედ აღსასრულ-
 ლისათა, და, ვითარცა მზე სწორ-ბატიობით ყოველთა ზედა
 განუტეობდა ნათელსა თჳსთა შარავანდედთასა. ესრეთ წყა-
 ლობითა ყოველთათა მოიზიდვიდა წყალობად ღმრთისა, ეს-
 რეთ გამოიფრდიდა ჟამთაგან, ესრეთ განაძლიერებდა მეგო-
 ბართა, დაღათუ არარათ სიცრუით მოგებულთა და უსამარ-
 თლოთა.

არაოდეს მომედგრდა ჟამისაგან, არცა უღებ იქმნა ოდეს-
 ცა განგებისათჳს, არაოდეს აუქმა გონება მისდა რწმუნებულ-
 თა საქმეთათჳს, არა დაუშძიმა კრთომასა გონებისასა დამზიდ-
 ველი რამე ჩუქენებრივი, არცა სიმდაბლესა მირიდა, არცა სი-
 მალღესა განეყენა, არც სიტკბოება ჟამიერი უმოთნო ყო, არ-
 ცა საშინელება შეურაცხ-ყო; ყოველნი განზავა ყოველთა, რა-
 თა სრულებით სრულისაგან წარმოაჩინოს თავსა შორის თჳსსა.

ულაფრობა მარსებელისა განუგმობელად დაიცვა, რათა
 მოქცევასა შინა სიმრგულისასა არარად ეღმად და უცხოოდ
 მიდრკეს, არცა გარდაყვეს საესებელისა დუღილსა შინა, არცა
 მოაკლდა შთაზიდვასა შინა საბლისასა, არამედ მეტად დამდაბ-
 ლებულმან გონიერისა გონებისაგან იყოველისფერა გარემოდ,
 რათა მოქცევი თჳსი მარტიობით იხილვოს გუარსა შინა ანაგი-
 სასა შეუყოფელად ვნებათა. ისურვებდა და სანსურველ იყო,
 იწადებდა და საწადელ იყო, იქებოდა და საქებელ იყო, ნატ-
 რიდეს და სანატრელ იყო, და არარა იყო სხუა კეთილი, რაცა
 იგი არ იყო მის შორის.

ურჩნი თჳსნი დაამდაბლნა და მოყუარენი აღამაღლნა. არა
 იღუწიდა უმეზობლობასა, არცა «შერთვიდა სახლსა სახლსა
 ზედა, არცა აგარაკსა აგარაკსა ზედა უცხოსა», არამედ თჳსი
 მამული ძუელი კმა იყო, რათა არა უსამართლოდ ჰგონონ და
 მიმხუჭვილად, ვინათგან სამართალმანცა ზენამან უბჭო მარ-
 თალსა. არა შინებით უთქმიდა მეზობელთა, არამედ უფროსლა
 სცვიდა მაშინებელთაგან, და მათ საშინელ ყოფდა მტერთა ზე-
 და. შორს განიოტა წურბლის მსგავსი ვერ-მადრისობა, ვინ
 არა გესლოვან ყო ნაყოფი, და არცა ბუგრიან ნაშრომი.

ბჭედ ჯდა შორის თავისა თჳსისა და მეზობელთა მეფეთა,
 არა მიშუებად ბრძოლისა, არცა გარდადებად უღელსა მძლავ-

რობისასა ურთიერთას, და სახედ თავსა თვსსა მისცემდა და ამისთვის მათ ზედა მეორე სოლომონ იქმნა მეფეთა შორის; და არა ერთისა გული აღძრა სუთვილად, არამედ ყოველნი რომელთა ესმა სახელი მისი, ვინა ღიღთა მეფეთა, ცუდად შემოაცხნეს თვისი ზედკეთილობა ვერ-ნიღვისათვის მისისა. კინი-ღა-და ყოველსა ზღუასა აღმოიწრედდა თვსად, ვითარცა ღრუ-ბელი ყოველთა ზედა მსხურებელი ტკბილთა წვამათა.

განიგებნე ყოველნი მათიანენი, ძუელთა გინა ახალთა მეფეთა მაქებელნი, რამეთუ გარდაემატა თამარის საქმეთა ქემ-მარტებით საქებელობა სიტყუსაებრ პირველთასა: სახარელ იყო თსრობათა შინა და კდემულ განმსწავლელობათა, შემხებელ ლბილობით და განმწურთელ სიტკბოებით, მგუემელ მოწყალეობით და შემრისხველ თანაღმობით, რათა ყოველად ყოველითურთ განუგმობელ აჩუენოს თვსება ღმრთისა. სანთელი იყო გონიერთა და უგუნურთა, პირველთა განმანათლებელ და მეორეთა დამწუველ. აღური იყო უწესოდ მკრთომელთა და დეზ უდებთათვს; კანონი სირცხელისა მოხუცებულთა და კუერთხი რკინისა ჭაბუკათვს; კეთილმავალთა სიბრძნით მცველ, ხოლო მბორგაღეთა თუალუხუაყად მგუემელ.

მღდელთა მოძღუართა შეიშოსეს შიში; მღდელთა დაიცვეს წესი თვისი; მონაზონთა მოიგეს წესიერი მოქალაქობა; მთაგარნი განისწავლნეს სიწმიდით ცხოვრებად და სიმართლით სლგად; ერნი განემტკიცნეს შიშით მონებად ღმრთისა და ერთგულობით უფალთა თვსთა; ყრმანი განიწუართნეს მოძაგებად უჯეროსა უსჯულოებისა, რამეთუ ბილწებაჲმან უწესომან და ყრმებრიგმან მბორგაღებთმან ბორგნეულობაჲმან ვერცა თუ კუალი პოვა დღეთა თამარისთა. ვინა-და თვთ გინებადცა შორს იყვნეს, რომელნიცა პალატსა შინა ღირს იყვნეს გინა კარსა ზედა მსახურებად.

ესრეთ ყოველსა შინა დაცვითა ღმრთისა მცნებათათა მოიგო წყალობა ღმრთისა, და აკურთხა ღმერთმან ცხოვრება მისი, და განამრავლა ნაყოფი მისი, და თავწარსხმულ ყო მსგავსად წერილისა: «ნათელი აღმოუბრწყინდა მართალსა» განთიადისა თანა, და მეუდღე მისი სიხარული შუადღე, და მწუხრი მშუდობით დაიძინა სარეცელსა ზედა თვსსა. შეამკუშა ღმერთმან დღენი მისნი ბატოსნებით და ეამნი მისნი მშუდობით. და მეფობასა შინა მისსა არა შეიჭუა ბირი მისი, ამისთვის რამეთუ

მარადღეს გარე მიაქცია კელი სათხოველისაგან ქუთაისში,
ობოლთა და მიმძლავრებულთასა. წარვლნა დღენი მისნი სიხა-
რულსა შინა, ამისთვის რამეთუ მარადღე ახარებდა ყოველთა
გლახაკთა და დავრდომილთა. და უკანასკნელ წარვიდა მამათა
თვსთა თანა, და შეეძინა; და დაუტევნა ორნი შვილნი, გიორგი
და რუსუდანი, შუენიერნი, საწადელნი, სასურველნი და საქე-
ბელნი, შექმნით სეფისპირნი, გონიერებით აღსავსენი, სიბრ-
ძნით შემგობილნი, და ყოველთა სიკეთითა სრულნი. თამარ
ოცდასამთა შინა წელიწადთა შეაწყუდია ყოველი გუარი კე-
თილმეფობისა.

აქა დავგწი სიტყუსა წყობა, მომავალთათვის ყოველთაგან
აწინდელთა სხუათა ძლევისა მიცემითა ყოველთა, და უმჯობე-
სად შესატყუს შესაძლებლად სახისმეტყუელებასა უაღრე-
სისა სიტყუსასა პოვნით, და ამისთვის ჩუენ მიერ დუმილით პა-
ტივ-ცემით დავიდუმოთ.



[ასწლოვანი მათიანი]

ამას სანატრელსა სიცოცხლეშიგან დაედგა გვრგვნი ძისა მათისა გიორგისდა, რომელსა ლაშობითცა უწოდა. იყო წლისა ათცამეტისა, რაჟამს დაიდგა გვრგვნი მეფობისა და მეფემან თამარ მიულოცა მეფობა, ხოლო რაჟამს მიიცვალა თამარ, იყო თანა ლაშა ათვრამეტისა წლისა. დაუტევა მეფობა ძესა თვსსა, ხოლო ნათესავსა ქართველთასა — ცემა, მწუხარება, ვაება და გლოვა, რამეთუ ცოცხალნიცა ჩასრულ იყენეს ჯოჯოხეთს მკვდრნი სამეფოსა მისისანი და ეგრეთცა ჯერ იყო.

შემდგომად მისისა დაიპყრა მეფობა ძემან თამარისმან ლაშა გიორგი, რომელი იყო ტანით ძლიერი, მკნედ მოისარი, ნადიმობათა შინა მოსწრაფე, ლაღი და თვთბუნება. და უმეტეს ამისთვის განლაღებულ იქმნა, რამეთუ დაემორჩილნეს ყოველნი წინააღმდგომნი მისნი კეთილად მოკსენებულსა და ღმრთისმოყუარესა დედასა მისსა და უშფოთველად და წყნარობით დაეტევა სამეფო და ყოველნი მახლობელნი მათნი მოხარჯე შეექმნეს, ვითა განძელნი და მიმდგომნი, ნახჭევნელნი და კარნუქალაქელნი, და სხუანი მრავალნი ძღუნითა და ხარაჯითა მოვიდოდნენ მისსა მას ეამსა, იშუებდა, იხარებდა და ყოველგან იყო მხიარულება.

და იწყეს განძით განდგომა, არღარა მოსცეს მეფეს ხარკი. ამისმან მცნობელმან მეფემან ლაშა მოუწოდა ყოველთა სპათა საქართველოსათა, იმერთა და ამერთა, მკარგრძელსა ივანეს, რომელსა მაშინ ბატონი ათაბაგობისა მინებებოდა დედისა მათისა თამარისაგან, რამეთუ იყო ათაბაგობა ისრე განდიღებულნი, იყო უმეტეს სხუათა ერისთავთასა. ესე იყო ვაზირი კარსა მეფისასა. თქუა მეფემან: „ვინათგან მეფეთა შორის ბრწყინვალემან და სანატრელმან დედამან ჩემმან დამიტევა მეფობა, ყოველნი წინააღმდგომნი პაპთა და მამათა ჩემთანი მოხარაჯიდ შექმნა და დღეისმომდე მორჩილნი ბრძანებისა ჩუენისანი არიან. აწ განძის ათაბაგს საწუნელ უქმნიე და ხარკისა არღარა ნებაგს მოცემა. მე ესრეთ განმიზრახავს, რათა შური ვავთო განძისა ზედა და თქუენ შრომისა შეგამთხოვო. ძალითა და თა-

ნადგომითა თქუენითა დაჯცემია სანატრელთა პაპთა და
თა ჩემთა დიდთა სულტანთა ძლიერებანი. აწ მიიღეთ ჩემკან
შატივი და ნიჭი და აღვიმკედროთ განძასა ზედა. რათა სსუათა
მტერთაგან არა საწუნელ ვიქმნეთ. შეწვენითა ღმრთისათა და
წარბდუნებითა პატიოსნისა ქუარისათა და სიჭველითა თქუე-
ნითა ვსძლიოთ მტერთა“.

ვითარ ესმა ყოველთა წარჩინებულთა სამეფოსათა, განი-
ხარეს და დაუმტკიცეს და რქუეს, ვითარმედ: „დიდი ნუვეში-
ნის-ცემა მოგუემატა ღმრთისა მიერ, რამეთუ გპოვეთ ასოვანი
და გოლიათი, გორგასლიანი და დაეითიანი, მსგავსი მათი. მიწ-
დობითა ღმრთისათა და ძალითა თქუენითა დავიმორჩილნეთ
ურჩნი მეფობისა თქუენისანი და შეევანით ყოველთა ურჩება
თქუენი“. დაამტკიცეს ლაშქრობა და განძის დარბევასა წარე-
მართნეს თვთ მეფე სპითა დიდითა. ვერ წინააღუდგეს გახძელ-
ნი და მოაოკრეს განძის ქუეყანა, აღიღეს ტყუე და ნატყუე-
ნავი ურიცხუ და მოადგეს ქალაქსა განძისასა, მოადგეს გარე
და მრავალ დღე ებრძოდეს, და ყოველთა დღეთა გამოვიდნიან
ქალაქის კარსა ბრძოლად ჩალიშად, აქათცა და მუწითაც ურ-
ჩეულესნი ებრძოდიან.

მაშინ ინება მეფემან გარეშემოვლა ქალაქისა მცირედითა
ლაშქრითა, და ვითარ მოვლიდა მტკუარისაკენ ქუემოთ, ცნეს
ესე განძის მყოფთა, ყოველნივე აღიშურნეს, კაცი შურვილი
ვითარ ათი ათასი. ხოლო მეფეს ჰყუა ოთხი ათასი კაცი ოდენ,
ამათ შინა უმეტეს მესხნი, რამეთუ ერთეგრძო მკარგრძელნი
დგეს, ერთეგრძო ჰერ-კახნი და სომხითარნი, ქართველნი და
თორეღნი; ერთეგრძო აფხაზნი, დაღანი ბეღიანი და ლიხთ-
იქითნი ზედმოკიდებით ურთიერთას.

ვითარ მოვლიდა მეფე, იცნეს, განახუნეს კარნი და, ვითარ-
ცა მკეცნი, ზედამიუჭდეს. და იხილა მეფემან ლაშა სიმრავლე
მათი უშიშითა გულითა, განმვწობითა სპათა მისთა, ეგრეთვე
სპანი მეფისათეს სიკუდილად განმწირველნი ეტყოდეს: „სი-
კუდილამდის ვიღუაწოთ და დავდვათ თავი სასიკუდილოდ და
არა ვარცხუნოთ პირველსა ომსა მეფობისა შენისასა“. და მყის
მიეტევნეს ურთიერთას და იქმნა ბრძოლა ძლიერი და დიდად
სასტიკი. და მიეტვნეს პირსა მახულისასა უმრავლესნი რჩეულნი
განძისანი. თვთ მეფე ლაშა წინამიეტევა მკწედ და ძლიე-
რად, თვთ გოლიათი მკლავითა სუანითა და კელითა გო-

ლიათითა, რომლის თანა წინამბრძოლობდეს ძლიერად ყუარ-
ყუარე ჭაყელისა შვილი პირმშო, ბიბილა გუოყელი, ბოცო
ბოცოს ძე, მემნას ძმა, რამეთუ ესენი წინაგანეწესნეს. ვითარ
იხილეს სიმკნე მათი განძელთა, სწრაფად ივლტოდეს პირისა-
გან მათისა, და სდევნეს ვითარ კართამდე ქალაქისად, მცირედ-
და შეივლტოდეს ქალაქად, და უმრავლესნი ტყუე-ყვის და
ზოგნი მოისრნეს.

ამისნი მზილველნი დედანი ძლიერად იცემდეს მკერდსა
მტისა და საყელოსა თმითურთ იფხურიდეს, და განაძლიერეს
ყოველი და ზრიალი. ყოველგნით გარემომდგომთა ლაშქართა
ესმა და მეფესა მომართეს, ხოლო მეფე, უგნებელად დაცული
ღმრთისა მიერ, იგი და მისნი წინამბრძოლნი თავადნი სახელო-
ვანნი მოეგებნეს, რომლისათეს ლაშქარნი და თავადნი
მბრძოლნი დაამტკიცებდეს არღარა ყოფად მოლაშქრედ და
არცა კარსა მეფისასა ყოფად. ხოლო მეფე იგი ჰუნისაგან ჩა-
მოკდა და ეგედრა შენდობა უმეტრებით ქმნულებისა. ესრეთ
მივიდეს კარგად სიზარულითა. მსგეფსამდი იყო მზიარულობა
და ვაცემა ლაშქართა ზედა.

ესრეთ შემჭირდა ათაბაგი განძისა და ეგედრა, რათა ვანუ-
ჩინონ ხარაჯა პირველი, რომელი ისმინა მეფემან და უკუსცა
ტყუენი ფასითა და მრავლითა ძღუენითა, თუალითა და მარ-
გალიტითა, ოქროთა და ვეცხლითა.

მივიდა თუთ მეფე ტფილისს და აღავსო საქართველო ძღუ-
ენითა, რამეთუ იყო ყოველთა მეფეთა უმეტეს უხუ და არავის-
თეს მოშურნე, მლოცველ, მმარხველ, განმკითხველ და მოწყა-
ლე. არამედ უკანასკნელ მიდრკა სიბოროტედ თანამოცილითა
უწესოთა კაცთათა. ვითარცა სოლომონისათეს წერილ არს,
რომელი შეაცთუნეს დედათა, ეგრეთვე ესე უწესო კაცთა. ვი-
თარცა ქუეშორე სიტყუამან საცნაურ-ყოს. ვითარ განისუენებ-
და წადიმობითა და მსმურთა თანა, მიდრკა სიბოროტემდი,
ვითარ წერილ არს ისრაილთათეს: „დასხდა ერო იგი ქამად და
სმად, და აღდგეს სიმღერად“.

ხოლო სმამან მღერასა და სილოდასა და ნაყოფანებამან
სობილწესა უმეტეს გარდარია, განიშორნა ვაზირნი სანატრე-
ლისა დედოფლისა და მეფისა წესითა მსწავლელნი, შეიყარა
თანამოსასაკენი მსმურობითა და დედათა უწესოთა თანაღრე-
გად, რომელ ესოდენ უსახურობად მიიწია, რომელ ოდესმე

მსმელი ფრიადისა ღვინისა, ტფილისს მყოფი, წარიყვანეს რინა-
დთა თანა, რათა მუნ განიძღონ სიბილწე თვისი. ხოლო რინდნი,
მეფისა მისლგისა არამგონებელნი და ღვინით უცნობოქმნილ-
ნი, ზედამოეტევნეს მგუემელნი ძლიერად, ვიდრემდი ერთიცა
თვალი მარჯუენე ხედვისაგან უხედვო-ყვეს.

ამისნი მცნობელნი თავადნი საქართველოსანი ფრიად მწუ-
ხარენი, და უმეტეს ივანე ათაბაგი და ვარამ გაგელი, ზაქარიას
ძე, განეყენებოდეს დარბაზს ყოფისაგან: „არა თავს-ვიდებთ
შენსა მეფედ ყოფასა, უკუეთუ არა განეყენო ბოროტთა კაცთა
სიახლესა და ავსა წესსა, რომელსა იქმ“. ხოლო მეფემან შეი-
ნანა და აღთქუა სიმტკიცეთა მიერ აღარა ქმნა თვნიერ მათისა
განზრახვისა. დაღათუ აღასრულებდა, არამედ ძლიერებდა მტე-
რი უჩინო, ვერ არწმუნეს ცოლისა სმა, ვითარცა არს გულის-
თქმის მიერ შემწველობა დედათა მიმართ. მისრულმან კახეთს,
სოფელსა ერთსა, გელისციხესა, იხილა ქალი ფრიად ქმნულ-
კეთილი და მყის აღტაცებულ იქმნა გულისთქმათა მიერ და
დამვიწყებელმან დავითის და ურის ცოლისა მიმართისა საქ-
მისამან მსწრაფლ თუსად მიიყვანა და შეიყუარა. და მუცლად-
ილო დედაკაცმა და შვა ყრმა, რომელსა უწოდეს დავით. ესე
იგი არს დავით, რომელ უკანასკნელსა დიდთა განსაცდელთა
შემდგომად მეფე იქმნა, რომელ ქუემორე სიტყუამან საცნა-
ურ-ყოს. ესე ყრმა აღსაზრდელად მისცა დასა თვისსა რუსუ-
დანს, რომელი-იგიცა მხოლო ესუა თამარსა, რომელთა ძმებ-
რივისა და დებრივისა სიყუარულისა უმეტესობა აქუნდა ურ-
თიერთას.

ამათ წარმართებულობათა და დაწყნარებულობათა შინა
იყო მეფე და ყოველგნით ნიჭი და ძღუენი მოუვიდოდეს მო-
ხარკეთა მიერ კარვად მეფისა. მხიარულითა პირითა მოვლი-
დის სამეფოსა მისსა განსაგებელთა საქმეთათჳს. გარდავიდომ
ქუეით აჯამეთს, ნადირობდის ცხუმს და აფხაზეთს და განავნის
საქმენი მანდაურნი, და სთუელთა შთავიდის ტფილისს, ხოლო
საზამთროდ დადგის დურს სომხითისასა და მიერ ბრძოდის
განიძელთა. ზაფხულის აღვიდის თავად მტკურისა, დადგის კო-
ლას, და მოვიდოდნიან წინაშე მისსა მოხარკენი ძღუენითა ხლა-
თითა და საბერძნეთით.

ამათ განსუენებასა შინა მყოფმან არა ინება ქორწინება
ცოლისა. ამისთჳს შეკრბეს კათალიკოზნი, ეფისკოპოზნი და

ვაზირნი, მოაჯსენებდეს: „არა ჯერ-არს, რათა მკევალი გესვას და არა ცოლი, ვითარცა დასწერს მოციქული, პირი ქრისტესი, პავლე: „ქორწილი წმიდა არს და საწოლი შეუგინებელ. ხოლო მსიძავნი და მემრუშენი საჯნეს ღმერთმან“. ხოლო მეფესა არა ენება. წარგვარეს ქალი იგი, დედა დავითისი, და ქმარსავე მისსა მისცეს. ხოლო არცა მაშინ ექორწინა მეუღლესა, არამედ ეგო უქორწინებლად. რამეთუ იყო ესე ლაშა გიორგი მჯნე, ახოვანი, ძლიერი, ლალი, ამპარტავანი, თავკედი, თვთბუნება, ვითარცა მითქუამს, უხუ, სახიობისმოყუარე, ღუნისმოყუარე და გემოთმოყუარე. და მშუდობა იყო სამეფოსა შინა მისსა და ნეჭკეული იყო სმასა და ჭამასა, რომლისათჳს დასწერენ მამანი: „სამნი არიან მიზეზნი ვნებათანი, რომელთაგან იშვებიან ყოველნი ბოროტნი: გემოთმოყუარებანი, ვეცხლისმოყუარება და დიდებისმოყუარება. ამათნი პირმშონი არიან სიძვა, მრუშებანი, რისხვა, მწყინარობა, ამპარტავანება. ამთ ბოროტთაგან გამოვლენ ჯორცთმოყუარებანი, უწესოდ ნებისა მიდევნებანი, რომლისა თუთეულად არა არს ქამი აღწერად, ვითარცა წინასწარმეტყუელიცა იტყუს: „ჭამა იაკობ, განძდა, განსხუა, განსუქნა და დაუტევა ღმერთი, შემოქმედი თჳსი, და განუდგა ღმერთსა მაცხოვარსა თჳსსა“.

ეგრეთვე იქმნა ნათესავსაცა ამას შინა ქართველსა. რამეთუ განძლეს და იშუებდეს, უწესობად მიდრკეს სიძვათა და მთრვალობათა შინა უგუნურნი კაცი, მეფის კარსა ზედა არა ყოფის ღირსნი და აწ კარსა ზედა მყოფნი. დაღათუ კათალიკოზთა ორთავე და თავადთა ამის სამეფოსათა და უმეტეს ივანე ათაბაგსა უმძიმდა საქმე ესე, არღარა ინებეს მას თანა სამარადისო ყოფა, არამედ განეშორნეს და თჳს-თჳსად იყოფოდეს. ამისთჳს აღმოსცნდეს მიზეზნი ცოდვათა სიმრავლითა საქართველოსა მოოჯრებისანი, რომელი ქუემორე სიტყუამან ცხადყოს.

ქუეყანასა მზისასა აღმოსავლეთით კერძო, რომელსა ეწოდებდეს ჩინ-მაჩინი, გამოჩნდეს კაცი ვინმე საკრველნი ადგილსა, ყარაყურუმად წოდებულსა, უცხო სახითა, წესითა და შესახედავადცა, რამეთუ არცა ძუელთა წიგნთა სადა იპოვების ამბავი მათი, რამეთუ არიან უცხოენა, უცხოსანე, უცხოცხორება. პურისა გემო არა იცოდინ, კორციითა და პირუტყუთა სძითა ცხოვნდებოდეს. ხოლო იყვნეს ტანითა სრულ, გუამითა



ახოვან, ძლიერ ფერკითა, შუენიერ, სპეტაკ კორცითა, თა მცირეჭურბიტ და გრემან, განზიდულ და საჩინო, დიდ, თმითა შავი და კშირ, შუბლბრტყელი, ცხვრითა მდაბალ ესოდენ, რომელ დაწუნი უმაღლეს იყენიან ცხვრთა და მცირედნი ოდენ ნესტუნი ჩნდიან ცხვრთა, ბაგენი მცირე, კბილნი შეწყობილნი და სპეტაკ. ყოვლად უწყურული, ესევეთარი აქუნდა უმსგავსო სახე. და ნუ ვის გიკვრს, რომელ აღმატებულ რამე შუენიერება აქუნდა ამათ მამათა და დედათა. ამას თანა მოეგო სიმკნე, მოისარნი იყვნეს რჩეულნი, მაგრითა მშულდითა უცდომრად მსროლელნი, რომელთა ნაკრავსა ვერამან საჭურველმან უმაგრის. უფროს ცხენსა ზედა იყვნეს მკნე, რამეთუ აღზრდა მათი ცხენსა ზედა იყვის, საჭურველისა არასა მკონებელნი, მშულდისა და ისრისა კიდე.

ესე იყვნეს კაცნი განსაკვრვებელნი, რამეთუ იხილნი-რა, სულელ საგონებელ იყენიან, ხოლო ყოველი სიბრძნე იპოვებოდა მათ შორის და ყოველი გონიერება მოეგო, მცირემეტყუელება. და ტყუვილი სიტყუა ყოვლად არა იყო მათ შორის, არა თუალ-ახუნნიან პირსა კაცისასა, არცა დიდსა, არცა მცირესა, და უმეტეს საბჭოთა შინა, რამეთუ კეთილნი წესნი ეპყრნეს, ჩინგიზ ყაენისაგან განჩენილნი, რომელთა თუთულად წარმოთქუმა გრძელ არს.

ამათ აქუნდა სჯულად ერთისა ღმრთისა უკუდავისა თაყუანის-ცემა. პირი მზისა აღმოსავლეთით ქნიან და სამისა ჩოქისა ქნა და სამჯერ თაყუანის-ცემა და შუას თითისა ცერსა ზედა და ნებსა დადება და დატკაცუნება, და მეტი არარა.

ხოლო უიღურნი კერპისმსახურნი იყუნეს, რომელთა ქუჯინად უკმობდეს. ხოლო მოიპოეს წერილიცა ამა მცირედითა ასოთა, რამეთუ ათექუსმეტითა ასოთა დასწერენ წიგნსა, რომელ ადვილ სასწავლოცა არს და ადვილ გულისკმისსაყოფიცა. ამათვე შექმნეს ქორონიკონისსახედ ათორმეტი წელიწადი. ათორმეტთა პირუტყუთა ცხოველთა სახელსა ზედა და თუთოს პირუტყუს და ცხოველს თუთოსა წლის მთავრობა განუჩინეს, ვითარ ძველ ოდესმე ელლინთა ბრძენთა ათორმეტთა ზოდთა, რომელ არიან ეტლნი მზისა და მთოვარისანი, ამათ ეტლთა თუთულთა მისცეს მზისა საჯდომად ოცდაათ-ათი დღე, არათუ ცხოველნი არიან, არამედ ზოდნი, ეგრეთვე ამათ თუთოსა წელიწადსა მთავრობა განუჩინეს თუთოსა პირუტყუსა. რომელი-

თა თორმეტივე გათავდების, თავსავე დაიწყებს, ვითარ ათცამეტული, ცხრამეტული, ათცამეტური, ზედნადები და ზედექუსეული, რამეთუ ცხრამეტ წლად გააწევს და მერმე თავსავე დაიწყებს. და ეგრეთვე ესე თორმეტ წლად გააწევს, რომელსა უწოდენ სახელად ესრეთ: ყალღუნჯილ, უქურჯილ, ფარსინჯილ, თავლაინჯილ, ლუილჯილ, მოლილჯილ, მორინჯილ, ყონიჯილ, მეჩინჯილ, თალანჯილ, ნოხინჯილ, ყაყაინჯილ. ესე არს სახელი ათორმეტთა ცხოველთა, რომელთა მისცეს მთავრობა თვთოსა წლისა თვთოსა პირუტყუსა, რომლისა პირველად თავ-ყვეს ყალღუნ, რომელ არს თავუ, მერმე ზროხა, ავაზა, კურდღელი, ვეშაპი, გუელი, ცხენი, ცხოვარი, ყაპუხანა ქათამი, ძაღლი, ღორი. ესენი აქუნდეს წელიწადის სათუალავად, ვითა ჩუენ ქართველთა ქორონიკონი.

ხოლო აქუნდა წესად ერთისა ღმრთისა თაყუანის-ცემა, რომელსა თენგრი უწოდეს ენითა მათითა, და წიგნისა თავსა ესრეთ დასწერდეს: „მანგუ თენგრი ქუჩუნდურ“, ესე არს, „უკუდავისა ღმრთისა ძალითა“.

ესენი მცირედთა საზრდელთა განემორებოდეს, ყოველსა სულიერსა ჰამდეს, ჯორცსა კატისა, ძაღლისა და ყოველსა.

ამათნი ნათესავნი მრავალგუარად განყოფილ იყვნეს და არიანცა ჯერეთ, ხოლო ათორმეტთა ოდენ მოვიკსენოთ სახელი რამეთუ პირველი გუარი არს საყირთა, ქინდნი, ყათნი, ჯალაირი, თირადი, სულდუსი, ნიპიმნი, ყონღარდი, მანღუთი, თანღუთი, ყიათი და უიღურნი.

ხოლო უიღურნი კერპისმსახურნი არიან, რომელსა უწოდენ ქუჯინად. ესენი ენითა მათითა უწოდიან თავსა მათთა მანღოლ, ხოლო ქართველნი თათრად, რომელთა ვგონებ ერთსოფლელად.

ამათთა ნათესავთა ყიათთა გუარისათა გამოჩნდა კაცი ერთი სახელით თემურჩი, რომელ არს ჩინგიზ ყაენი; ჰაეროვან, შუენიერი, ტანდთა ანოვანი, თმითა მომწითურო, ძლიერი, მკნე, შემმართველი, მოისარი კელოვანი, ღრმად გამგონე, განმზრახავი სვანი. ესე წარვიდა ნიჭისა და პატივისა მოღებად უმთავრესისა მათისა, რომელსა ხანობით უკმობდეს კელმწიფესა მათსა, რომელსა ერქუა ონ-ხან. ვითარ იხილა, შეიყუარა სიკეთისა მისისათუს, დიდსა პატივსა აღიყვანა, უწარჩინებულეს ყოველთა სწორთა მისთა, და მკედართა მთავრობა კელთ-

უდგა ლაშქართა მისთა. და ყოველგან მოწყუედდიან და გამდგომთა მისთა, ვინაცა ყოველგნით გამარჯუებული მივიდის პატრონსა მისსა ონ-ხანს კელმწიფეს წინაშე. ხოლო მან უაღრესსა პატივსა აღიყვანის. ესე შეიშურვა ძამიან ონ-ხანის-მან, სახელით უთქინ, და შვილმან ქურაქ; და შეასმინეს: „მე-ბავს დაპყრობა შენი მეფობისა, რომელსა ხანობით გინა ყვე-ნობით უწოდენ“. და მან განიზრახა მოკლვა მისი. გარნა ავრ-ძნა თემურჩი, რამეთუ უთხრეს ორთა ვიეთმე კაცთა, რომელთა სახელი ერთისა ქალექ და მეორესა ბად: „მნებავს სიკუ-დელი შენი“. ხოლო იგი ივლტოდა და ორნიცა იგი კაცი მის თანა. მივიდა სახლსა და ხარგთა შინა, აპყრა დედაწული და იარა ერთი დღე და ერთი ღამე. და მერმე დაყარა დედაწული, ბარგი და სუასტაგი წყლისა მის პირსა, რომელსა ჰქვა ბალ-ჯუნი. და განუშორა ლაშქარი მცირედ და უკუდგა ჯევისა რასა-მე. და ცნა ონ-ხან სივლტოლა თემურჩისა, დევნა-უყო და მო-ეწია დედაწულსა და ბარგსა მისსა. აღიღეს ტყუე ურიცხუ და დამძიმდეს ალაფითა ლაშქარი. ზედამოუტდეს თემურჩი ყო-ველთა თანა ლაშქართა. იქმნა ბრძოლა სასტიკი და ძლიერი, მოსწყდა ორგნითვე ურიცხუ, და იძლია ონ-ხან. დევნა-უყვეს, შეიპყრეს, მოკლეს ონ-ხან. და მსწრაფლ დაესხა დედაწულსა ონ-ხანისასა და კელთ ივდო ცოლი და შვილი და ყოველი სიმ-დიდრე მისი, თვნიერ ქურაქ, უხუცესისა შვილისა, ონ-ხანისნი.

და დაჯდა ტახტსა ონ-ხანისასა, უწოდეს სახელად ჩინგიზ ყაენი.

და ბრძოლა-უყო ყონღარდთ კელმწიფესა ალთუ-ხანს, და სძლო და მოაკუდინა იგი და დაიპყრა მეფობა მისი. მერმე ქუ-რაქ, შვილი ონ-ხანისი, მივიდა გორ-ხანსა ვისმე თანა და ბრძო-და ჩინგიზ ყაენს. ხოლო მან ბრძოლა გორ-ხანს და მასცა სძლო, და მოკლა გორ-ხან და დაიმორჩილა გორ-ხანის ლაშ-ქარნი.

ამისა შემდგომად უიღურთა ზედა წარემართა. რამეთუ უი-ღურნი კელმწიფესა მათსა ედიყუთობით უკმობდეს. და ამას ეამსა სარჩუყ ვინმე იყო მთავარი უიღურთა, რომელთა გუა-რისა საქმენი განსაკურებელ არიან, ვითა ზღაპარნი და არიან ზღაპარ და ცუდ, ამისთვის უჯერო არს აწ თქუმა. ჩინგიზ ყაენ-მან შეიწყნარა და პატივითა დაიჭირა, აღიხუნა მრავალგვარნი თათარნი და დაიმორჩილნა, და ყარყითიცა დაიმორჩილნა.



და ვითარ მოიწყო თათართა ზედა, გამოჩნდა კაცი ვინმე საკვრველი, რომელსა თებ-თენგრობით უკმობდეს. ესე მივიდა ყაენს წინაშე, იტყოდა თუ: „მე მას მთასა, რომელსა უწოდო ბალიყი, წარვალ, ღმრთისა სიტყუა მესმის. ამას ბრძანებს, ყოველი ქუეყანა თემურჩის და მისთა ლაშქართათუს მიმიცემია, და სახელადცა ჩინგიზ ყაენ ერქუას“.

ხოლო თქმულ არს ესე: ვითარ ჩინგიზ ყაენი აღვიდა მთასა მაღალსა, და გამოუჩნდა უფალი იესო ქრისტე, ღმერთი ყოველთა. და მან ასწავა სამართალი, სჯული, სიწმიდე და სიმართლე, ტყუეილისა, პირვისა და ყოვლისა ბოროტისაგან განშორება და რქუა თუ: „მცნებანი ესე დაიმარხე. ყოველი ქუეყანა შენთუს და ნათესავისა შენისათუს მიმიცემიეს. წადი და აღიღე ყოველი ქუეყანა რაოდენი გეძლოს“.

ხოლო იქმნა რა ყაენად და მივიდა რა ხატაეთს, და შევიდა რა ხილვად ეკლესიისა, იხილა ხატი მაცხოვრისა იესო ქრისტესი, და მეყსეულად თაყუანი-სცა და თქუა: „აჰა, კაცი იგი, რომელი მთასა ჩინეთისასა ვიხილე, ამ სახითა იყო, ამან მასწავა ყოველი წესი“. ესე შეიყუარა ჩინგიზ ყაენმან და მას ჰკითხევდის და ამის მცნება, რაოდენიცა ამცნო, ყოველივე მტკიცედ დაიცვა.

მერმე ებრძოლა ხატაეთის კელმწიფესა, არსლან-ხანსა ზედა და სძლო. ესრეთ კელთ-იგდო, რომელ ორას ათასი კაცი მოაკუდიანა არსლან-ხანისა. ამისმან მცნობელმან არსლან-ხან, სახლსა შინა შესრულმან ცოლითა და შვილითურთ, ცეცხლისა მოდება უბრძანა მსახურთა მისთა, რომელთა ყვეს ეგრეთ და დაიწვა არსლან-ხან დედაწულითურთ. შევიდა ჩინგიზ-ყაენი და დაჯდა ტახტსა მას ზედა, დაიბყრა ხატაეთი. ესე აქამომდე იყავნ.

აწ ვახსენოთ მცირედ შვილთათუსცა ჩინგიზ ყაენისათა

ამა ჩინგიზ ყაენსა ცოლიცა მრავალი ესხნეს და შვილნიცა. და უხუცესის ცოლის სეგინჯებისაგან ესუა შვილი, რომელსა ერქუა თუში, რომელსა ქართველნი ჯოჩიდ უწოდდეს. მეორე ჩაღათა, მესამე ოქოთა, მეოთხე თული. ესე ოთხნი ყაენად განაჩინნა ხატაეთს მყოფმან. უხუცესსა თუშის მისცა



ლაშქრისა ნახევარი და წარავლინა დიდსა საყვიჩაყუეთსა ზე
 ხაზარეთს, რუსეთსა, ოვსეთსა, ვიდრე ბნელეთამდე. და
 ყოველი ამას მისცა, და ამით სხუათა უკანასკნელ ვაკსენოთ.

ესე მაღალმან და ყოველთა კელმწიფეთა უდიდესმან ხუ-
 რაზმმა, რომელი მაშინ დღეთა სიმრავლითა მიმკცოვნებულ
 იყო და შვილისა ჯალალდინისდა კელთ-ედვა სულტნობა და
 ქუეყანანი, რომელნი ეპყრა ჯეონს აქათ ხუარასნისა და ერ-
 ნისა, ცნა რა მოახლება თათართა, მოუწოდა სპათა მისთა,
 ვითარ ექუსასი ათასთა კაცთა, და წარემართა ჩინგიზ ყაენსა
 ზედა. ხოლო იგი ხუარაზმმას წინადაემთხვა. იქმნა ძლიერი
 და ფიცხელი ომი, რომელ მოსწყდა ორგნითვე ურიცხვ სიმ-
 რავლე, და იძლივნეს ხუარაზმელნი. დაშთა რაზმსა შინა ბერი
 ხუარაზმმა მცირედითა ლაშქრითა, და თათარნი გარემოადგეს.

ცნა ესე სულტანმან ჯალალდინმან, რომელი იყო კაცი
 მკნე, ქველი, შემმართი, უშიში ვითარ უჯორცო, ძალითა სა-
 ჩინო, წყობათა შინა უცხო. მივიდა მცირედითა კაცითა შუე-
 ლად მამისა და მყის წარიყვანა მამა თუსი, და ივლტოადეს
 ხუარასნად.

ამისა შემდგომად ებრძოლა კჟალადცა სულტანი ჯალალ-
 დინ მრავალჯერ, რამეთუ სამჯერ ჯეონს იქით შეება და ოთხ-
 ჯერ ხუარასანს, ჯეონს აქათ. ვინათგან ღმერთსა ცოდვათა ჩუ-
 ენთათუს მიეცა ყოველი ქუეყანა, იძლია სრულიად და ივლ-
 ტოდა. ცნა რა სივლტოლა ამისი და სიმაგრეთა შინა შველტო-
 ლა ჩინგიზ ყაენმან, წარმოავლინნა ორნი თავადნი ზემოკსენე-
 ბულნი, იამა და სანზიანი, რომელთა ქართველნი სება-ჯებობით
 უწოდიან, რათა მოვლონ ქუეყანა ხუარასნისა და ერაყისა,
 სადამდი ეძლო სლვად, და განიზილონ ქუეყანა.

ესენი წარმოვიდეს ათორმეტი ათასითა მკედრითა და
 თუნიერ საჭურველისა და საზრდელისა ქონებისა, არამედ
 მშულდნი ოდენ, უჯრმოლოდ. განვლეს თურანი, ჯეონი, ხუარა-
 სანი, ერაყი, ადარბადაგანი, და მოიწივნეს განძას. და გერაჯენ
 წინააღუდგა. თუ ვინ სადა გამოჩნდის, ყოველთა სძლიახ.

და მოიწივნეს საზღვართა საქართველოსათა, ქუეყანა გა-
 გისა, იწყეს დარბევა. და ცნა ესე ვარამ გაგელმან და ივანე
 ათაბაგმან, და აცნობეს მეფესა უცხოსა ნათესავისა მოსლვა,
 უცხოთა ენითა, ოკრებად სომხითისა. მეფემან მოუწოდა
 სპათა თუსთა, იმერთა და ამერთა, და შეკრიბა ოთხმოცდაათი

ათასი მკვდარი, და წარემართნეს თათართა კერძ, გავისა ბოლოს მდგომთა. იქით ივანე ათაბაგი და ძმისწული მისი, ზაქარიას ძე ამირსპასალარისა, შანშე, და ვარამ გაველი, მსახურთ-უხუცესი, მოერთნეს დიდითა ლაშქრითა. და წარემართნეს.

ხოლო ივინი დაბანაკებულნი წყალსა ზედა ბერდუქსა, და აწ საგომად წოდებულსა, მყოს ამკედრდეს და ეწყვნეს ურთი-ერთას. და იქმნა ძლიერი ბრძოლა. ნახევარნი ივლტოდეს თა-თარნი და ნახევართა მზირი ეყო, უკანით მოუცდეს. მაშინ მოიწია რისხვა ზეგარდმო უსჯულოებათა და ცოდვათა ჩუენ-თათჳს, და ივლტოდეს ქართველნი სპანი და თვთ მეფე ლაშა, და ურიცხვ სული ქრისტიანე მოკუდა, სადა-იგიცა დიდი ივა-ნე ათაბაგი ძლით ცოცხალი განერა. და სამცხისა სპასალარის, მეჭურჭლეთუხუცესის ყუარყუარესა შვილი ბექაი მოკლა ძლი-ვრად მბრძოლი. და აქა იქმნა მოწვენა სრულიადისა ღმრთი-სა რისხვისა და განწირვა ქართველთა ნათესავისა სიმრავლი-სათჳს უსჯულოებათა ჩუენთათჳს. და იქმნა უკუქცევა სუეს-ჯანისა ბედისა, მალღისა და საჩინოსა დავითიანისა დროშისა გამარჯუებულისა, რამეთუ, რადგან მიეცა ღმერთსა დიდსუ-ესა და დიდბედისა დავითისად გამარჯუება, აქა ქამამდი სჯანი იყო ბრძოლათა შინა დროშა დავითიანი და გორგასლიანი. ხოლო აქა, ვითარ იქმნა ცვალება ბედისა ქართველთა ნათესა-ვისა. არღარა მიეცა ძლევა თათართა ზედა ვიდრე ქამთამდე ჩუენთა.

ესრეთ ლტოლვილნი მოიწივნეს ქალაქსა ძლიერნი იგი და სახელოვანნი, რომელნი სულთქმითა და მწუხარებითა შეიც-ვებოდეს. ხოლო თათარნი მოიწივნეს სამშულდემდე და მიერ უკუნიქცეს, რომელთა ქმნეს საკურველი ესე საქმე: წარვიდეს გზასა დარუბანდისასა, ვერცა შარვანშა წინააღუდგა და ვერცა დარუბანდელნი. განვლეს კარი დარუბანდისა და შევიდეს ყივჩაყეთს, რომელთა ბრძოლა აჰკიდეს. და მრავალგან შემო-ებნეს ყივჩაყნი და ყოველგან თათარნი მძლე ექნეს. და წარ-ვიდეს ომითა, უსაჭურლონი, ვითარცა მიიქუამს, უჭედელითა ცხენითა ესოდენ გზათა მავალნი, განვლეს ყივჩაყეთი და შე-მოუარეს ამა დარუბანდისა ზღუასა გარე და მიიწივნეს ჯელ-მწიფვისა მათსა ჩინგიზ ყაენს წინაშე ყარაყურუმს. და ქმნეს საკურველი ესე საქმე, მოუსუენებლად სღვა ამა ყოველთა

გზათა უჭედელითა ცხენითა, ყარაყურუმით წარმოსრულეთაჲნი მუნვე მიიწივნეს.

ამისმან მცნობელმან ჩინგიზ ყაენმან, რომელ ყოველგან სძლიეს თათართა, წარმოაგლინა შვილნი მისნი ხუარასანს სულტანისა ჯალალდინის ძებნად. ცნა ესე სულტანმან ჯალალდინ, შეიყარა და მრავალჯერ ბრძოლა ქმნა, ვითარცა ვთქვ. და იგრძნა რა სრულიად ძლეულება, აიყარა დედაწულითა და ლაშქრითა, თანაჰყვა დედაწულით კაცი ასორმოცი ათასი, და ივლტოდეს პირისაგან თათართასა.

ვითარ გარდაცდა წელი, არავე დასცხრა გულისწყრომა უფლისა, რომლითა განვარისხეთ, დასნეულდა მეფე ლაშა. მოუწოდა ყოველთა წარჩინებულთა სამეფოსათა, შევედრა და თვისი რუსუდან ცრემლითა მომდინარემან და თქუა: „უწყა უმანკოება და ერთგულება მეფეთა ნათესავისაგან თქუენ მკუდრთა საქართველოსათა. შეხედვებითა ღმრთისათა მიგათუალავ დასა ჩემსა, რუსუდანს, რათა შემდგომად ჩემსა მეფე-ჰყოთ, ვითარ არს ჩუეულება ნათესავისა თქუენისა, ერთგულობით მონებდით და სიმკნითა თქუენითა დაიცევით ტანტი მტერთაგან უვნებელად. დაღათუ არა მამაკაცი არს, არამედ დედაკაცი, არა აკლია სიბრძნესა და სამეფოთა საქმისა ცნობასა. თქუენ, წარჩინებულთა ამის სამეფოსათა, იცით და გაკსოვს წყალობა და ნიჭი და პატივი სანატრელისა და კეთილად მოკსენებულისა, მეფეთა შორის ბრწყინვალისა დედისა ჩემისა. ეგრეთვე, თუ ღმერთსა უნდეს, დამანცა ჩემმან იცის პატივი თქუენი. აწ შეგვედრებ წინაშე ღმრთისა, რამეთუ მეფე-ჰყოთ იგი შემდგომად ჩემსა. ხოლო დასა ჩემსა, რუსუდანს, ვამცნებ წინაშე ღმრთისა და სასამენელად თქუენდა ყოველთა, რათა აღზარდოს შვილი ჩემი დავით. რაჟამს ეძლოს მეფობა და მგედრობა, რომელ დავით მეფე-ყოს, და იგი დაადგონეთ მეფედ და მემკუდრედ მეფობისა ჩემისა. დაღათუ ყრმა არს, და ინებოს ღმერთმან აღზარდა მისი, ვჰვონებ, რომე შემძლებელ არს ჰყრობად მეფობისა, კეთილითა ასაკითა არს და ჰაეროვან“.

ვითარ დაასრულა ბრძანება, შეისუენა, რომლისათჳს არს გლოვა და მწუხარება მიუთხრობელი, რომელ დამან მათმან რუსუდან აღასრულა გოდებანი მრავალ დღე. და წარიყვანეს სამკუდროსა მათსა გელათს.

ვითარ აღსრულდა მეფე, შეკრბეს წარჩინებულნი მის სწამეფოსანი, იმერნი და ამერნი, კათალიკოზთა ორთავ წინაშე, ნიკოფსით ვიდრე დარუზბანდამდე, ყოველნი შორჩილებასა მათსა ქუეშე მყოფნი, და მეფე-ყვეს რუსუდან, დასუეს საყდართა სამეფოთა და მიულოცეს მეფობა წესისაებრ.

ხოლო იყო რუსუდან ხილვითა შუენიერი, ვითა დედამისი, მდაბალი, უხვ, პატივის-მცემელი, პატიოსანთა კაცთა მოყუარე. ამან მოიწყო ყოველი საბრძანებელი და მეფობა მშჯდობით, და აღიგსო ყოველი სამეფო რუსუდანისა ყოველითა კეთილითა.

იწყეს უძღვებება და განცხრომა ყოველმან ასაკმან და მიჩქცეს ყოველნი სიბოროტედ. და ვითარ არა გამოიცადეს ღმერთი, ამისთვის მისცენ ივინი ღმერთმან უჯეროდ გინებად და კოცად წარმართთა, რამეთუ მეფეცა რუსუდან ჩვეულებითა წესსა ძმისა მისისასა ვიდოდა. ამისთვის აღდგენ ბოროტნი უდიდესნი.

ესე ზემოკსენებული სულტანი ჯალალდინ უღონო იქმნა რა ბრძოლილი თათართაგან, მოუწოდა სპათა მისთა და რქუა: „იციოთ და გაცსოვს ყოველთა მარზაპანთა და ერისთავთა კეთილი და წყალობა პაპთა და მამათა ჩემთა. აწ იციოთ, თუ რა მოიწია თქუენ ზედა და ჩემ ზედა უცხოთა ნათესავთა თათართაგან. და მრავალგზის ბრძოლა-ვყავთ და მრავალი ღუაწლი დავითმინეთ და განგებითა ზეგარდმოთა ყოველგან ვიძლიენით. აწცა მოახლებულ არს მდინარესა ჯეონისასა, წინამბრძოლად წარმოავლინა ძე მისი უხუცესი. აწ ესე არს განზრახვა: ვინათგან მისცა ძლევა ღმერთმან, გთნავს, დაუტეოთ ქუეყანა ესე, აღვილოთ დედაწული, სიმდიდრე, ჯოგი, და წარვიდეთ საბერძნეთს, მუნ დავემკვდრნეთ. დაღათუ თათარნი გუძლევენ, გარნა ყოველთა ნათესავთა ჩუენ ვსძლიოთ. უკუეთუ ვინ ინებოს, წარმოვიდენ ჩემ თანა და თუ სთნავს ვისმე, იყავ შანა. რამეთუ ნება იყავნ ყოველთა სათნოდ უკუენისამდე“.

ყოველთა თქმული ესე ეკეთა, აღიღეს დედაწული და მოიწივნეს აღარბადავანსა, კაცი ვითარ ასორმოცი ათასი. და მოიწივნეს ქუეყანად მჯარგრძელთა, რამეთუ ივანე ათაბაგსა ეპყრა დვინი, და ანისი მიეცა ძმისწულისა მისისა შანზე მანდატურთუხუცესისათუს.

და ესე ხუარაზმელნი მოვიდეს წელსა მესამესა ლაშა ზეჩქონულნი
 ორგის მიცვალებისაგან ტყუენვად, მოოკრებად ქუეყანაჲსაჲსაჲსა
 დვინისა და კერძოთა მისთა. ცნეს რა ივანე ათაბაგმან და ვა-
 რამ გაგელმან, მივიდეს მეფესა რუსუდანს წინამე, მოაჯსენეს
 მოსვლა ხუარაზმელთა, თუთ დიდისა სულტანისა ჯალალდი-
 ნისა, გოცად და მოსრვად ქრისტიანეთა. ვარუთ უწყალოდ
 მოსრვიდეს, რომელ არცა თუ დედათა და ჩვლთა ყრმათა
 რიდებდეს.

ვითარ ცნა რუსუდან შემოსლვა ხუარაზმელთა სამეფოსა
 შინა მისსა, მოუწოდა ყრმათა იმერთა და ამერთა, მოილო
 დროშა სეფე და მოუწოდა ივანე ათაბაგსა, რომელ მას ჟამსა
 მიმცკოვნებული იყო, არა განცხადებულად, არამედ ფარულად
 მონაზონქმნულ იყო, კაცი აქამომდე გონიერი და სათნოებია-
 ნი. განაჩინა მეფემან რუსუდან სპათა მისთა თავად, უბოძა
 დროშა სეფე სვანი, წარავლინა ბრძოლად სულტნისა.

ხოლო მიიწივნეს დვინსა და ამობერდს. დაებანაკა ხუარაზ-
 მელთა სოფელსა, რომელსა ჰქვან გარნისი. და მი-რა-ვიდეს
 სპანი მეფისანი, წინაგანეწყო სულტან ჯალალდინი. აქათ ივანე
 ათაბაგმან განაწყო სპანი მეფისანი იმიერ და ამიერ, და აჩინა
 წინამბრძოლად თორელნი და ძმანიცა იგი ორნი ახალციხელ-
 ნი, შალვა და ივანე, სახელოვანნი იგი მბრძოლნი, ვითარ წე-
 სად არს სახლისა მათისა წინამბრძოლობა.

ვითარ დაეახლნეს წინამბრძოლნი და სულტანი, აქა დაიპყ-
 რა ფერჯი ივანე ათაბაგმან, იტყუან შურითა ყო ახალციხელთა
 შალვა და ივანესითა. ში შური, ყოველთა ბოროტთა დასაბამი
 და ძურად მომწყუედელი ნათესავისა კაცთასა და ყდველთა
 ნათესავისა მწყლველი! ვითარ ურიათა ღმრთის მკვლელობა
 არწმუნა, და კუალად ამათსა უბოროტესი უგბილი და უღმრ-
 ბელი და საქართველოსა სრულიადი მოსპოლვა, ვითარ ქუე-
 მორე სიტყუამან ცხად-ყოს; ათაბაგსა ივანეს არწმუნა, რომელ
 ჟამსა წყობისა და ჟამსა ომისასა უკუენდგა და არღარა ვიდოდა
 მბრძოლთა კერძ.

ხოლო წინამბრძოლთა ყოველთა მოუვლინეს კაცი და
 რქუეს: „დაახლებულ ვართ სულტანსა და სპათა მისთა. ჩუენ
 დიდად უმციერესი ვართ და ომი ძლიერი წინაგვც, და წარმო-
 იმალონ მკნეთა სპათა მეფისათა და სიმკნემან შენმან“. ესე
 ორგზის მოუვლინეს, ხოლო იგი არასა მიუგებდა. ხოლო ვი-

ნათვან წინამბრძოლნი თორელნი და უმეტეს ახალციხელნი შალვა და ივანე ახოვან იყვნეს და წყობათა შინა სახელგანთქანი, არღარა რიდეს სიმრავლესა სულტნის სპათასა. ვითა მკვეცი ზედამიტევნეს, რომელთა შინა იქმნეს ძლიერი თაი. მოსწყდა ორგნითვე ურიცხვ. და ძლიერად ბრძოლობდეს შალვა და ივანე, ახოვანთა და ძლიერთა სრვიდეს. გახგრძელდა ომი სასტიკი. ივანე ათაბაგი და სპანი ქართველთანი ზედვიდეს ძლიერსა ომსა და არა შეიწყალებდეს თანამონათესავეთა და ერთსჯულთა ქრისტესალმსარებელთა თორელთა და მათ თანა მრავალთა სახელოვანთა, არამედ დგეს შორით და არა ინება შევლა ივანე ათაბაგმან, რომელსა შურითა იტყუან ამას ყოფად და არა თუ შიშითა.

და ვითარ განგრძელდა ომი, ცხენნი ორთავე ძმათა ახალციხელთა დაუტოცეს, და ქუეითნი მკნედ იბრძოდეს, და მოიხრვოდის ორგნითვე ურიცხვ, და უმეტეს თორელნი. და ვითარ შენივთდა ძლიერად ომი, კრმალნიცა ახალციხელთანი გატყდეს ჩაბალახსა ზედა, ივლტოდეს ქართველნი, ხოლო შალვა მუნვე შეპყრობილ იქმნა სიმრავლისა ფრიადისა მიერ, და ივანე, გარნისისა კლდესა შელტოლვილი, ზენაკერძო მოტევებულითა ქვითა მოიკლა. ხოლო შალვა წარიდგინა სულტან ჯალალდინსა წინაშე, რომელი იცნეს ნახჭევნელთა და ადარბადაგანელთა და ზევ-სალმასელთა და მოაგსენეს სულტანსა ახოვანება და წყობათა შინა სიქველე მისი, არა მოკლა და თესთა თანა იპყრა პატივითა და მიანიჭნა ქალაქნი ადარბადაგანისანი, თავადთა თანა პატივ-სცა, რომელი შემდგომად წელიწდისა ერთისა მოიკლა სულტნისა მიერ არადატეგებისათჳს სჯულისა.

ხოლო ივანე ათაბაგი უკუნიქცა ბიჯნისად, და სულტანი მიიქცა ადარბადაგანს და ნახჭევანს და მიერ აღაოკრებდეს საქართველოსა, არბევდეს და ტყუე-ჰყოფდეს და სრულიად უწყალოდ კოცდეს, და არავინ იყო ნუგეშინის-მცემელი მათი. შემდგომად ორისა წლისა მიიცვალა ივანე ათაბაგი და მთავარყვეს ძე მისი, ავაგ, და უბოძეს ამირსპასალარობა.

ამისა შემდგომად უდიდესნი ბოროტნი შეიცვიდეს ნათესავსა ქართველთასა: მოახლებულ იყო სრულიად მოსპოლვა სიმრავლისათჳს უსამართლობათა ჩვენთა, რამეთუ აიშკედრა სულტანმან საქართველოსა შემოსლვად და მეფე-ყოფად



თავისა თვისისა. მივიდა და მოაოჯრა ყოველი ქუეყანა დავიძისა, კუსტისა დვინისა და ყოველი ანისი, სომხითი, გაგი დე, შანქორი, უწინარეს ამისა ვარამ გაგელსა, კაცსა გონიერსა და ლაშქრობათა შინა წარჩინებულსა, ამას აქუნდა ზანქორი და მიმდგომი მისი ქუეყანა. ესევეთარნი კირნი და მწვითნი იმრვოდეს.

ამათ უამთა შინა მოეყვანა მეფესა ორტულის შვილი მძევლად ერთგულეობისათს, რომელი კეთილი იყო და სრული ასაკითა, შუენიერი გუამითა, მკნე, ძლიერი ძალითა. ვითარ განიცადა, სთნდა მეფესა რუსუდანს და ინება ქმრად მიყვანება მისი, რომელი აღასრულაცა და იქორწილა ორტულის შვილი, რომლისგან იშვა ასული სატურფეაღმატებული და უწოდა სახელი სანატრელისა დედისა მათისა თამარ. და კუალად მიუდგა და შვა ძე, უწოდა დავით. და კუალად ზრდიდა მმსწულსა მისსა, ძესა ლაშა გიორგისასა.

ხოლო ვითარ აღიზარდა ასული მათი თამარ, ესმა საბერძნეთისა სულტანსა, ძესა ნუქრადინისა, ყიასდინსა, ქმნულკეთილობა მეფისა ასულისა. ეგედრა მრავალთა ნიჭთა და ძღუენთა მიერ, რათა მისცეს ცოლად ასული მისი თამარ, და აღუთქუა ფიცითა არადატეგება სჯულსა ქრისტიანეთასა. რომელი ისმინა მეფემან რუსუდან და მისცა ასული მისი სულტანსა ყიასდინს, რომელი-ესე უჯგრო იყო ქრისტიანეთა მიერ, რამეთუ დიდითა დიდებითა მისცა აწყუერი ზნთვად.

გარნა პირველკსენებულნი იგი სპარსნი ხუარაზმელნი მცირედ მოახლობდეს საქართველოსა, განრყუნიდეს ქუეყანათა. მაშინ ცნა სულტანმან ჯალალდინ ავაგ ათაბაგისა და ამირსპასალარისა ბიჯნისს ყოფა, ინება ნახვა მისი. მოუვლინა მოციქული და რქუა: „შენ ხარ ვაზირთუხუცესი, და ითუალავ საქართველოსა. თუთოთა კაცითა შეგკრბეთ, რამეთუ მნებაეს სიტყუად შენ თანა“. სთნდა ავაგს და ნება-სცა ხილვად. წარვიდა ჭურვილი ერთითა კაცითა, და იქით სულტანი ხრამსა ზედა ბიჯნისისასა ერთითა მონითა, ჭურვილი იგიცა, და შეკრბეს მახლობელად ერთიერთისა. მაშინ იწყო სულტანმან სიტყუსა თქუმად: „არა მოვედ მე რბევად საქართველოსა, არამედ ზავისა და მშვიდობისათს. გარნა თქუენ მსწრაფლ საომრად აღიჭურენით და ფიცხლა შემებენით, და არა იქმნა მშვიდობა. აჲ ვინათგან წარჩინებულ ხართ ქართველთა შორის

და ვაზირი კარსა შეფისასა, ისმინე ჩემი: გასმია გუარი და თესავი ჩემი, სიდიდე სამეფოსა ჩემისა და სიმრავლე, რომელ არავის კელმწიფესა ძალედვა სწორება ჩემი, მე ვარ მადლისა და დიდისა კელმწიფისა ხუარაზმშას ძე და ფარმანსა ჩემსა ქუეშე იყო ყოველი სპარსეთი აღარბადავნით ვიდრე ჯეონამდე და ჯეონით ვიდრე ინდოეთამდე, თურანი, ხატაეთი, ჩინმაჩინი და ყოველი აღმოსავლეთი. განგებითა ზეხითა გამოჩნდეს ქუეყანასა ჩინეთისასა, ადგილსა შეურაცხსა, ყარაყურუმად წოდებულსა, კაცი ვინმე საკურველნი, უცხონი და უცხოთა ცხორებითა მყოფნი, რომელთა ყოველი აღმოსავლეთი დაიმორჩილნეს და მრავალნი კელმწიფენი მოსრნეს. ხელმწიფედ ჰყვის კაცი ვინმე საკურველი, ღრმა და გამგონე, მკნე ბრძოლასა შინა, სახელითა ჩინგიზ ყაენი. ამან რა კელთ-იგდო ხატაეთი, წარვემართე ლაშქრითა ერანითა, თურანითა, სპარსითა, თურქმანითა, და მრავალგზის ბრძოლა-ყვათ ჯეოსს იქით და უკანასკნელ ჯეოსს აქათცა. გარნა იქმნა ქცეულება ბედისა ხუარაზმშას სახლისა და ყოვლგან ვიძლიე. და ვითარ განძლიერდეს და გცან, არღარა იყო ღონე, დაუტევე სამეფო ჩემი, წარმოვედ საქართველოსა მშუდობისა და ზავისა ყოფად. მესმა სიმაგრე ქუეყანისა და ქართველთა ნათესავისა სიმკნე წყობათა შინა. აწ მნებაგს, რათა შევეერთნეთ მტკიცეთა ფაციოთა და ვბრძოლოთ მტერთა. მესმიეს, რომელ მეფე თქუენი დედაკაცი არს, და მყოთ ქმარ მისა და მეფე თქუენ ზედა, და გძლოთ ყოველთა მტერთა ჩუენთა. უკუეთუ არა ჰყოთ, მოკვრდეს სამეფო თქუენი. თუ მე წარვიდე, თათარი ეგრეცა მოსულ არიან, თქუენ ვერა წინააღუდგებით. წარავლინეთ კაცი მეფესა თქუენსა წინაშე და აუწყეთ თქმული ჩემი, რამეთუ არა მნებაგს ოგრება საქართველოსა, არამედ დავიცვა მტერისაგან. და თქუენ მიერ მე განვძლიერდე“.

და ესმა სიტყუანი სულტანისანი ავაგს. არა პასუხ-უგო, არამედ თქუა: „გაუწყებ თქმულსა მაგას მეფესა და ვაზირთა მისთა“. მსწრაფლ წარავლინა კაცი წინაშე მეფესა და აუწყა თქმული.

ვითარ მოიწია თქმული ესე და იხილეს წიგნი, განკვრდა მეფე და უცხო-უჩნდა საქმე ესე, და მოუძენეს ავაგს არცა თუ სმენად საქმისა მაგისა, არამედ სრულიად განყენებად.

ხოლო ავგ მიუძმნო სულტანსა. მან რა მოისმინა, ადგა წარმოემართა ტფილისს, რათა ბრძოლოს ქალაქსა.

ვითარ ცნა მეფემან მოსვლასულტანისა, აღიყარა და წარვიდა ქუთათისს, ხოლო ტფილისს მცველად დაუტევა ლაშქარი, თავად ორნი ძმანი ბოცოს ძენი, მემნა და ბოცო.

მოიწია სულტანი სომხითად, მოაოკრა ყოველი სომხითი. დაეცნეს მკვდრნი მისნი პირითა მახულისათა. და მოიწივნეს ტფილისად.

ხოლო მცველნი ქალაქისანი აღიჭურნეს, და იქმნა ძლიერი ბრძოლა. და ბრწყინვალე ძლევა აჩუენეს ქართველთა. მერმე მიუვლინეს სპარსთა კაცი სულტანსა მიცემად ქალაქისა. რათა კართა, რომელსა სპარსნი სცვიდეს, განუხუნეს და შიგნით ბრძოლა-უყვეს. ვითარ განთენდა, კუალად აღიჭურა სულტანი, მანდობილი სპარსთა შინაგანცემისა, ხოლო ამისნი უმეცარნი მცველნი ქალაქისანი აღიჭურნეს და მივიდეს განძის კართა კერძო, მემნა ბოცოს ძე და ძმა მისი ბოცო, და ეგულებოდა განსლვად და მუზარადისა დარქმად. მემნას სპარსმან ვინმე აფთითა ძლიერ დაუხეთქა უმუზარადოსა თავსა, განუპო და მყის დაეცა და მოკუდა. და იქმნა შინათ ომი, რამეთუ სპარსნი ზღუდით მიერ ბრძოდეს. განახუნეს კარნი სპარსთა ტფილელთა. ესრეთ რა შინაგანცემა იყო ქალაქისა, ივლტოდეს მცველნი ქალაქისანი და შედგეს ისანთა. ბოცოს ძემან ბოცო ვაამაგრა ისანი და ქმნა ძლიერი ომი. ხოლო არა შემინდობს ტკივილი გულისა მოკსენებად, თუ ვითარ იქმნეს სუარაზმელნი შინაგან ქალაქსა. ვინმე უძლოსა მაშინდელთა თქმელთა და ქმნილთა და განსაცდელთა, რომელი მოიწია ქრისტიანეთა ზედა წარმართთა მიერ? აქა მეგულების დაღუმიებად, რომელ საღმობიერსა მიუთხრობ გულისა ტკივილთა, რამეთუ ესოდენ მძვნვარედ იწყეს მოსრვად, ვითარ ჩულიცა ძუძუთაგან დედისათა აღიტაცნიან და წინაშე დედისა ქვაზედა დაანარცხიან, და რომელსამე თუალნი წარსცევდიან, და რომელსა ტუნნი, და უკანის დედანი მოიკლვოდნიან. ბერნი უწყალოდ ფოლოცთა შინა ცხენთა მიერ დაათრგუნვოდეს, ჭაბუკნი ეკუთებოდეს, სისხლისა მდინარენი დიოდეს, ტუნი კაცთა, დედათა, ბერთა, ჩულთა, თმა და სისხლი, თავი მგართავან განშორებული, ნაწლავნი ცხენთა თანა დათრგუნვილი, უთოიერთისა აღრეთულ იყო. არა ჰყოფდეს წყალობასა, რამეთუ რო-

მელნიმე დანიითა იღლიასა დასობილნი, სხუანი — მკერდსა და ცემითა, რომელნიმე — მუცელსა და ზურგსა, განიგძირებოდეს.

ში საღმობიერი ღაღადი და დიდი ღაღადი ცრემლთა, ყვირილთა და ზახილთა და ვაებათა საზარელთა კმათავან იძრვოდა ქალაქი ყოველი, რამეთუ უმრავლი უმრავლესი ერი ვითა ცხოვარი შეკრიბეს, და კუალად ხედვიდეს ზოგნი საყუარელთა შვილთა, ზოგნი — ძმათა და მამათა, ცოლნი — ქმართა და ქმარნი ცოლთა უპატიოდ მკუდარ მდებარეთა, ცხენთა მიერ დათრგუნვილთა და ფოლოცთა შინა ძაღლთა მიერ ზიდულთა, და არცა თუ დაფლვასა მიწასა შინა ღირსჰყოფდეს. ეკლესიანი და ყოველნი პატიოსანი სამსხვერპლონი შეურაცხ იქმნებოდეს, და პატიოსანნი მღდელნი ეკლესიათა შინა თუთ ხატთა და ჯუართავე თანა შეიმუხრვოდეს. და ესე ვითარნი ჭირნი მოიწივნეს, რომელ არაოდეს ძუელთა სადმე წიგნთა მიერ სმენილ არს, რომელნი თანაშემესწორებთან ქრისტეს ჯუარისა მცემელთა იუდიანთა ზედა ქმნულთა, იერუსალიმისა სრულიადსა მოსპოლვასა ტიტეს და უესპასიანეს მიერ, ვითარცა ემათაღმწერელი და მრავალმომთხრობელი იოსიპოს წარმოიტყუეს ესოდენ ძნელბედობასა იუდეელთასა, ვიდრედა სამასსა ბევრსა აღრაცხავს მამაკაცსა ოდენ, სიყმილისა და მახულისა მიერ აღსრულებულსა, რომლისა მსგავს იქმნა ეამსაცა ამას სარკინოზთა მიერ ქალაქსა ტფილისისასა.

ხოლო ვინათგან არღარა იყო ღონე და ღონება ქალაქისა მცველისა ბოცოს და სხუათა მცველთა ქალაქისათა, წარმოუვლინა მეფემან რუსუდან კაცი ბოცოსა და სხუათა მცველთა ქალაქისათა, რათა დაუტევონ ისანი და წარვიდენ. და ვითარ მრავალგზის მოავლინა დასტური მეფემან დატევებაჲ ქალაქისა, ძალითა დაარწმუნა ბოცოს წარსვლა, ვითარცა სწერს ვინმე ბერი მღუმელი.

და ესრეთ რა ძლიერად კელთ-იგდო ქალაქი სულტანმან, კუალად იწყო უბოროტესთა ქმნად ქრისტიანეთა ზედა. ესოდენ მძუნვარედ მოსრვიდა, რომელ სავსე იყვნეს ფოლოცნი, ხრამნი და კნარცუნი მოკლულთა მიერ და უმრავლეს მკუდართა მტკუარსა შეუტეობდეს. ამასთან არავე დამშუდნა ცუდრჯული იგი და ბილწი, მოიგონა სხუაცა სიბოროტე, რომლისა კსენება სირცხულ მიჩანს. გლოვითა და ცრემლთა მიერ

შეგოცგები, თუ ვითარ განვარდისხეთ მოწყალე და შემწყნარებელი ღმერთი არაშეწყალებად ჩუენდა: იწყო რღუევად ლესიათა, ვიდრე საფუძველადმდე აღფხურა, რომლისათჳს იკადრა და კელ-ყო სიონისა გუმბაღსა შემუსრვად და ზედა ბილწისა საჯდომისა მისისა აღშენებად, რომელი-იგი ვიდითა მადლითა და გრძელითა განვიდა აღსლვად. და ესეცა შესძინა, რამეთუ ხატი უფლისა ჩუეხისა იესოს ქრისტესი და ყოველად წმიდისა ღმრთისმშობლისა, რომელი სიონს მკუდრ იყო, ბრძანა მოყვანებად და ვიდისა შესავალსა დადებად პირამართ, და ბრძანა ყოველთა მათ პურობილთა ქრისტიანეთა, მამათა და დედათა, იძულებით დათრგუნვა პატიოსანთა ხატთა და დატეგება სჯულისა, უკუეთუ არა ყონ, წარკუეთა თავთა და ვითარ აღასრულებდეს ბრძანებულსა, მოპყვანდეს მამაკაცი დედათა თანა და აიძულებდეს ესრეთ ყოფად. მრავალთა უკუე ბრწყინვალე ძლევა აჩუენეს არა თავსდებად შეურაცხებად წმიდათა ხატთა და დატეგებად სჯულისა. ხოლო მრავალი სიმრავლე მამათა და დედათა იპოვა ახოვნად, რომელთა მიიღეს გვრგვნი წამებისა, რომლისა აღრაცხვა შეუძლებელ არს სიმრავლისათჳს, რამეთუ ვპკონებ, ვითარმედ ათ ბევრ აღიწია რიცხუ მოკლულთა.

ესრეთ რა მოაოკრეს ტფილისი, იწყეს რბევად, ტყუენვად, კოცად და კლვად სომხითისა და კამბეჩიანის და იორისპირთა, ქართლს და თრიალეთს, ჯავახეთს და არტანს, ზოგი სამცხეს და ტაოს, კარნიფორას და ანისის მიმდგომთა.

გაგრძელდა ესევეთარი ქირი და ზეგარდამომავალი რისხვა ხუთისა წლისა ეამთა, რამეთუ ორ წელ პირველ აღაოკრეს ქუეყანა და ხუთი წელი ქალაქსა დაყვეს და აოკრებდეს ქუეყანათა ამა ზემოვსენებულთა. არღარა იყო შენებულება, თვინიერ ციხეთა და სიმაგრეთა, რამეთუ ქუეყანა საქართველთს მიეცა განსარყუნელად ამის ძალითა, რამეთუ დაუტევეს შეფეთა და მთავართა სამართალი, მოწყალეება, სიყუარული, სიწრფოება, სიმუდღე, სიმართლე, და ამის წილ მოიპოეს ამბარტავანება, ზაკვა, შური, კდომა, სიძულილი, ანგარება, მიმძღაგრება, კლვანი, პარვანი, სიძვანი, უწესობანი, ვითარცა იტყჳს წინასწარმეტყუელი: „გამ მათდა რომელნი კულსა ბაღამისსა შეუდგეს და საქმეს სოდომელთასა იქმან“, რამეთუ ყოველმან ასაკმან, ბერთა და ჭაბუკთამან, მცირითგან ვიდ-

რე დიდამდე, მიაქციეს სიბოროტედ, რამეთუ სენი იგი სო-
 დომელთა და საღმობა გომორელთა მოიწია. ამის ძალითა
 მისცნა იგინი ღმერთმან წარწყმედად ბოროტად, რამეთუ გან-
 ვიწირენით ღმრთისა მიერ, რომელ დავივიწყეთ ღმერთი და
 ღმერთმანცა სამართლად დაგვიწყა. და მოკრდა ქუეყანა
 საქართველოსა ლიხთ აქათ, ვითარცა კმობს ესაია წინასწარ-
 მეტყუელი: „ვინა ნათესავსა ცოდვილსა, ვრი რომელი სავსე
 არს ცოდვითა, ნათესავნი ბოროტნი. ძენი უსჯულოებისანი.
 დაუტევეთ უფალი და განარისხეთ წმიდა იგი ისრაელისა:
 რასღა იწყლვით და შესძინებთ უსჯულოებასა ყოველი თავი
 საღმობად და ყოველი გული მწუხარებად კულთაგან ფერ-
 კთა ვიდრე თავადამდე? არა არს მშედობა მას შინა, მწუხარე-
 ბა, სიცოცხლე, არ არს წყლული, არც ნაგვემი, არცა ბრძული
 განსივებული, არა არს საღბუნი დასადებელი, არცა ზეთი,
 არცა შესახუვეელი. ქუეყანა თქუენი ოკერ არს და ქალაქი
 თქუენი ცეცხლითა მომწუარა. სოფელსა თქუენსა წინამე
 თქუენსა უცხოთესლნი მოსჭამენ, და მოკრებულ არს და
 დაქცეულ არს ერისაგან უცხოთესლთასა. დაშთეს ასული სი-
 ონისა, ვითარცა კრავი ვენაჲსა შინა და ვითარცა ხილისსაცა-
 ვი, და ვითარცა ქალაქი მოცული. უკეთუშცა არა უფალმან
 საბაოთ დამიტევნა ჩუენ თესლი, ვითარცა სოდომელნიცა შე-
 ვიქმენითცა და გომორელთა მივემსგავსენით“.

ამათ ულხინოთა ჭირთა შინა იყო რა უეყანა საქართვე-
 ლოსა და სხუანიცა უდიდესი ძნელბედობა აღმოუჩნდებო-
 დეს. რამეთუ ზემოდატევებული ამბავი აღმართმაბიჯებელთა
 კულად ვიწყოთ. ამათ ჭირთაგან შეიწრებული მეფე რუსუ-
 დან იყო რა ქუთათისს და ყოველსა აფხაზეთსა, და იქმნა ძე
 მისი, დავით, ვითარცა წლისა ხუთისა, ინება მეფედ ყოფად
 ძისა მისისა. ვითარ არს წესი სოფლისა მოყუარეთა, შეიყუა-
 რა წარმავალი საწუთრო, დაივიწყა შიში ღმრთისა და სიყუა-
 რული ძმისა, და მოიგონა საქმე ყოველთა მიერ განსაკრთო-
 მელი, რამეთუ ზემოცნებული ძმისწული თვისი, დავით, რო-
 მელი ძმისა მისისგან, გიორგისაგან, ანდერძობით შევედრე-
 ბულ იყო და აღეზარდა, წარუვლინა ფარულად ასულსა მისსა
 და სიძესა სულტან ყიასდინს თანა საბერძნეთსა, რათა წარ-
 წყმიდონ, და იყოს უშფოთველად ძისა მისისა დავითისათჳს
 არა განყოფად მეფობისა.



ვითარ მიიწია დავით წინაშე სულტნისა და ცოლქორმისა
 სისა, რუსუდანიისა ასულსა თამარს, რომელსა სულტანი სწავ-
 ლად უწოდდა გურჯი-ხათუნად, იხილეს იგი და შეიყუარეს,
 თვსთა თანა იპყრეს პატავითა, და გურჯი-ხათუნ დედოფალი-
 ცა კეთილსა უყოფდა ყრმასა, ბიძისძესა დავითს. და არა ისმი-
 ნეს ბრძანება მკლველებრავი მეფისა რუსუდანიისა, და ფრად
 პატავ-სცემდეს დავითს.

ხოლო ვითარცა წარგზავნა მძისწული საბერძნეთს, მოუ-
 წოდა ყოველთა სპათა მისთა, აფხაზთა, დადიანს ბედიანსა,
 რაქს ერისთავსა, კათალიკოზსა აფხაზეთისასა, და დასუეს
 მეფედ დავით, ძე რუსუდანიისა, აკურთხეს ქუთათისს და და-
 ადგეს თავსა მისსა გურგვნი. დასუეს ტახტსა ზედა სამეფოსა
 და მიულოცეს მეფობა წესისაებრ. სრულ-ყო კათალიკოზმან
 წესი კურთხევისა.

ხოლო ამიერ ესე სამეფო უცალო იყო ხუარაზმელთაგან,
 რამეთუ მანდატურთუხუცესი შანშე იყო ანისსა და ამირსპა-
 ხალარი ავაგ ბიჯნისსა, ეგრეთვე ვარამ გაგელი, ჰერნი და
 კახნი, სოქნითარნი, ქართველნი, თორელნი, შავშნი, კლარ-
 ჯელნი, ტაოელნი, ყოველნი სიმაგრეთა შინა ცხოვრებოდეს,
 თუთელნი მორჩილებისა შინა მეფისა რუსუდანიისასა, და
 უცალოებისა ძალითა ვერ დახუდეს დალოცვასა მეფისა და-
 კათისასა.

გარნა ვაკენოთ თათართასა პირველკსენებულისა ჩინგიზ
 ყაენისა. ვითარცა მოიწიენეს ქუეყანასა ჩუენსა, ვითარ მეო-
 ტი სულტანი ჯალალდინ ივლტოდა და დაუტევა სამეფო მისი,
 ადვილად კელთ-იგდეს თურანი, სათურქეთი და ყოველი ხუა-
 რასანი. და განყო ოთხად ლაშქარი თვისი და განაჩინა შვილნი
 ოთხნი ყაენად.

პირმშო შვილს მისცა ნახევარი ლაშქრისა და წარავლინა
 დიდსა საყიფჩაყეთსა, ვიდრე ბნელეთამდე, ოვსეთსა, ხაზა-
 რეთსა, რუსეთსა ვიდრე ბორღართა და სერბეთამდე, კავკასთა
 ჩრდილოთა ყოველთა მკვდროვანთა, გითარცა მიტქუამს.

ხოლო მეორესა შვილსა ჩაღათას მისცა ლაშქარი და უდი-
 ურთა ქუეყანა სამარყანამდე, და ბუხარა ვიდრე აღმალის
 ქუეყანამდე. ვკოხებ, ესე არს თურანი.

მესამესა შვილსა ოქოთასა მისცა თუთ მისი ტახტი საჯდო-

მად და ყარაყურუმო, ჩინ-მაჩინო, ემელოსა და ყუბაყისა ქუეყანა, ხატაეთი.

და მეოთხესა შვილსა თული ერქუა. ამას მისცა ლაშქარი და ოქოთას ზედმოკიდებით ქუეყანა აღმოსავლეთით.

ესე ოთხნი გააჩინა ყაენად და ამცნო, წელიწადსა შინა ერთხელ ოქოთასას მივიდოდენ ძმანი მისნი უხუცესნი ყუთულთისა საქნელად. ამაღ, რომ ტახტი მისი ოქოთას მისცეს.

ესრეთ რა დააწყვნა შვილნი, მივიდა თურანს და წარმოავლინა შვილი მისი უმრწამესი თული ხუარასნისა მოთულავად. გამოვლო ჯეონი და მივიდა ნიშაბურს, სადა ნიშაბურელთა სამგზის წყობა-ყვეს ბრძოლისათჳს. პირველსა ომსა ჯელად-იგდო ქალაქი, სადა-იგი სამასი ათასი კაცი თავდაკუებით მოკლა, ხოლო მეორესა ჯერსა — ასი ათასი, და მესამესა ომსა — ოცდათორმეტი ათასი. უკუეთუ არა ჯერ-ხართ, სამართლადცა არს, დიდისა საპიბ-დივანისა ხოჯა შამსადინისა ძმა თანადამხუდარი იტყოდა ამას ნიშაბურისა მოოჯრებასა.

წარმოვიდა ესე თული, გამოვლო ხუარასანი, მაზანდარანი. მოეახლა ერაყის ქუეყანასა. ცნა ესე სულტანმან ჯალალდინ, აიყარა ტფილისით დედაწულითა და ბარგითა, წარმოემართა ბრძოლად თათართა. მივიდა ადარბადაგანს, წარმართა მოციქული ხლათის სულტანსა და ხალიფას, ბაღდადის მპყრობელსა, რათა შეეწივნენ მასცა და თავთაცა მათთაცა. ეგრეთვე ერაყის სულტანსა მიუმცნო: „უკუეთუ თვთ თავითა არა გნებავს ბრძოლა თათართა. ლაშქარნი წარმოავლინენით და გბრძოდე. რამეთუ ვიცი წყობა მათი. თუ არა ისმენთ ჩემსა, ვიდრე მე წინა არა აღუდგები, თქუენ ვერ შემძლებელ ხართ“.

ვითარ მივიდა მოციქული სულტნისა და არა ინებეს ბრძოლა თათართა, ცნა ესე სულტანმან და გულისჯმა-ყო, რომელ სპანი მისნი და ადარბადაგანისანი ვერ წინააღუდგებიან. დაუტევა ადარბადაგანი და წარმოემართა მეორედ ტფილისს. და ესმა ესე მეფესა რუსუდანს, მოუწოდა ყოველსა სპათა თჳსთა, იმერთა და ამერთა. შანშეს მანდატურთუხუცესსა, ავავს ამირსპასალარსა, ვარამს მსახურთუხუცესსა, პერ-კახთა, სომხითართა, ჯავახთა, მესხთა, ტაოელთა, დადიანსა ცოტნეს, კაცსა წარჩინებულსა და სათნოებინასა, აფხაზთა, ჯიქთა და ყოველსა იმერსა სამეფოსა, რომელთა თვთუელად არა არს ქამი თქუმაღ. განუხუნა კარნი დარიალისანი და გარდამოიყვანა

ოვანი, დურძუკნი, ამათ თანა ყოველნი მთიულნი.
ნაქარმავეგესა სიმრავლე ურიცხვ და წარავლინა
ბოძოლად ხუარაზმელთა.

ხოლო თვთ დროშა სეფე არა წარგზავნა საქმისათვის ივანე ათაბაგისა. წარემართნეს და განვლეს ტფილისი. ხოლო სულტანი დაბანაკებულ იყო სომხითს, კელსა ბოლნისისასა. და ვითარ იხილეს დარაჯათა სულტანისათა, აცნობეს სულტანსა. ხოლო იგი აღიჭურვა, რამეთუ იყო უშიში ბრძოლათა შინა, წინაგანეწყო და იქმნა ომი სასტიკი. და პირველსავე შეკრებასა სძლევდეს ქართველნი. ხოლო ვითარ შენიგებდა ბრძოლა, მოსწყდა ორგნითვე ურიცხვ კაცი. მოხედნა ღმერთმან რისხვით ნათესავსა ქართველთასა, რამეთუ არა დასცხრა გულისწყრომითა უფალი, არამედ კელი მისი მადლადვე არს და მოიკსენა უსჯულოებანი ჩუენნი, და იძლივნეს სპანი მეფისანი და ხუარაზმელთა მიერ ივლტოდეს. ხოლო სულტანი კჳალად მივიდა ტფილისად. თულა სადა ვინმე პოვნა, დარბევად ქუეყანათა მათ ზემოკსენებულთა.

ხოლო თათართა უმთავრესი თული მივიდა ერაცს, ვიდრე ყაზვინადმდე მოაოკრა ქუეყანა, მოსწყუდნა ურჩნი. წარვიდა და განვლო ხუარასანი, ჯეონი, და მივიდა მამასა მისსა ჩინჯიზყაენს წინაშე და ძმათა თანა. ვითარ ცნა სრულიად ლტოლვა სულტან ჯალალდინისა, მოუწოდეს ოთხთა ერისმთავართა, რომელთა ნოინობით უკმობენ, სახელით ჩორმაღონსა უპირველესსა და მეორესა ჩაღატას, არა ყაენ ჩაღატას, არამედ ნოინსა ჩაღატას, იოსურსა, ბიჩოსა, და ამათ ათი ათას-ათასი კაცი მოსცეს დედა-წულითა მათითა და წარმოავლინეს ძებნად სულტანსა. და ესევე ოთხნი ნოინნი ამა ოთხთა ყაენის შვილთა ყაენთანი იყვნეს. თუთულსა აცნობეს, რათა სადაცა მივიდოდინ და ზენაარსა ითხოვდენ, შეიწყალებდენ, და ურჩდა მოსრვიდენ, და ხარაჯას მის ქუეყანისასა ოთხად იყოფდენ და თავის კელმწიფეთა გაუგზავნიდენ.

წარმოვიდეს ოთხნი ნოინნი, ჩორმაღონი, ჩაღატა, იოსური და ბიჩო. გამოვლეს ჯეონი, ხუარასანი ვითარ ორმოცი ათასითა კაცითა და დედაწულითა. მივიდეს ქუეყანასა აღმუთისასა და წინაგანეწყვნეს და დიდად ავნეს. და წარვიდეს მიერ ქუეყანად ერაცისა და მოაოკრეს. რომელი მივიდის. შეიწყალოან. და მერმე მოვიდეს ადარბადაგანს, რომელ არს თავრე-

ქი. წინამიეგებნეს ყოველნი ადარბადაგანელი ძღუნითა ურიცხვთა. მიერ მივიდეს ქალაქად არდაველისა, იგიხიცა მოეგებნეს. გავლეს რაგსი და მივიდეს განძად, რომელი-იგი მტკიცედ მიერ განმაგრებულ იყო. და სამთა დღეთა რა შინა ბრძოლას უყვეს თათართა, მყის კელთ-იგდეს, და შიგან ქალაქსა შევიდეს, მოაოგრეს და ურიცხვ სული მოსწყვეტეს, რამეთუ საძაგლ-უჩნდა სჯული მოჰამედისა მიერ ქადაგებული.

ამისი მცნობელი სულტანი მსწრაფლ აიყარა დედაწულითა და ივლტოდა საბერძნეთად. ხოლო თათართა დევნა-უყვეს და მოიწივნეს ბასიანს. იხილეს რა, განიბნივეს ესოდენ, სულტანი მართო დაშთა. სადა-იგი მიიწია სოფელსა რომელსამე შეუტრაცხსა, იხილა იგი კაცმან ვინმე შეურაცხმან და მოაკუდინა, რომლისა სარტყელი და უნაგირი, კაპარჭი უფასოთა თუალთა მიერ შემკული იყო, და მის ძალითა მოიკლა კაცი იგი მალაღლი და სახელოვანი კელმწიფე. ვინა დაუდგრომელ არს მინდობა სოფლისა ამის ამოსა, ვითარ იტყვს ბრძენი ეკლესიასტე: „ამაოება ამაოებათა და ყოველივე ამაო არს“. ამისათუს ამაო იქნეს სპანი, სიმტკიცე ქედისა, წყობათა შინა მძლეობა და გარდარეული სიმდიდრე. და ყოველივე ამაო არს, გარნა საუკუნო იგი უკუდავი ცხოვრება დაუღვენელი.

ესე რა ხუარაზმელნი განიბნივეს და უმრავლესნი ივლტოდეს გარმიანსა და სულტანი ჯალაღდინ მოიკლა. და აქა შინა დასრულდა კელმწიფობა მალაღლი. ცნა მოკუდინება სულტანისა, ხუარაზმის ძისა, ყიასღინ სულტანმან, მოიყვანა კაცი იგი, რომელმან მოიღო სარტყელი, უნაგირი და კაპარჭი სულტანისა ძნად საპოვნელითა თუალითა შემკული. განკვრდეს ყოველნი მხილველნი, ხოლო კაცი იგი, მომკვლველი სულტანისა, ცეცხლითა დაწვეს.

ხოლო მო-რა-იქცეს თათარნი ხუარაზმელთა დევნისაგან, მიერ წარვიდეს და მოაოგრეს ქუეყანა ხლათისა და ვალამკერტისა. და ვერ წინააღუდგა სულტანი ხლათისა, არამედ გამაგრდა ქალაქსა შინა. ხოლო თათარნი წარვიდეს ადარბადაგანს, რამეთუ ზაგნი იქმნეს თავრეყელთა შორის და თათართა, და აღიღეს თავრეყი და მიმდგომი მისი ქუეყანა. და მეორესა წელსა წარვიდეს ბარდავს, განძას და მულანს, და იწყეს რბევად და ოკრებად საქართველოსა. იწყეს დარუბანდით აღმომართ, ქუეყანასა შარვანშისასა და კაბალას, ჰერეთს,



კახეთს, სომხეთს, და ქუეყანასა არშაქუნიანთასა დევნილნი და ანიხსა. ხოლო ვინათგან შეზობლობით მოეახლებოდნენ ქუეყანასა საქართველოსასა, უდიდესნი და უბოროტესნი ზემოკსენებულთა მათ განსაცდელთა მსგავსთაგან უმეტესიცა მძუნვარენი განსაცდელნი აღიძრვოდეს საქართველოსა საზღვართა უკეთუტრებისათჳს მკუდრთა ქართლსათა, რამეთუ ყოველი ასაკი ბერთა და ყრმათა, მეფეთა და მთავართა, დიდთა და მცირეთა, მიდრკა სიბოროტეთა. რამეთუ დაუტევეს სიმაართლე და ქეშმარიტება, ვინათგან თუთ მღდელთა მიერ იხილვებოდა არაწმიდება, ვინათგან ყოველი ერი იქმოდეს სიბილწესა, ვითარ ოდესმე ძენი ბენიამენისნი. ვითარ იგინი მიეცნეს მოსასრველად, ეგრეთვე ესენი აქა შინა მისცნა ღმერთმან ნათესაენი ქართველთანი მოსასრველად მსგავსად ძეთა ბენიამენისთა, ვითარცა იტყჳს წინასწარმეტყუელი ესაია: „უფალი, უფალი საბაოთ უბრძანებს ნათესავთა ქურვილსა მოსლვად ქუეყანით შორით, კიდით საფუძველთაგან ცისათა, უფალი და ქურვილნი და მბრძოლნი მისნი განრყუნად ყოვლისა სოფლისა და ცოდვათა მოსპოლვად მისგან. დაღადებდით, რამეთუ ახლოს არს დღე უფლისა, და შემუსრვა ღმრთისა მიერ მოიწიოს“. და შემდგომ კჳლად კმობს: „დღე უფლისა მოვალს უკურნებელი, რისხვითა და გულისწყრომითა დადებად ყოველი სოფელი ოკრად და ცოდვილთა წარწყმედად მისგან“. ვითარ იქმნაჲა ყოველი სოფელი ქართლისა ოკრად.

ხოლო ვითარ ცნა მეფემან რუსუდან მოახლოება თათართა, დაუტევა ტფილისი და წარვიდა ქუთათისს, და ტფილისს მუხას ძე დაუტევნა და ამცნო, რომელ მოწუას ტფილისი, თუნიერ პალატისა ისანთა, რომელ არღარა იბყრნას სახლად ვითარ ხუარაზმელთა.

რა ჟამს ცნა მუხას ძემან მოახლოება თათართა, მოწუა სრულიად ქალაქი და თუთ პალატი და ისანნი, და ესრეთ მოოკრდა ქალაქი ტფილისისა. ხოლო ნოინნი ესე ზემოკსენებულნი შემოვიდეს ქართლს, თრიალეთს, სომხეთს, ჯავახეთს, სამცხეს, შავშეთს, კლარჯეთს, ტაოს, კოლას, არტანს, ანიხს, და მოუფინეს მსგავსად მკალთა ოკრებად და გოცად. და არსად იყო ღზინება, უწყალოდ მოიხრვოდა ყოველი ესე ქუეყანა. მანდატურთუბუცესი შანშე შეივლტოდა ქუეყანად აჭარისასა, და ამირსპასალარი ავაგ შევიდა ციხესა კაენისასა, და ვარამ გა-

გელი შეივლტოდა ქუთათისს, და ეგრეთვე ჰერნი, კახნი, სომ-
ხითარ-ქართველნი, მესხნი, ტაოელნი, თორელ-არტან-კოლა-
ელნი, — ყოველნი ივლტოდეს ციხეთა და მათა, ტყეთა და
სიმაგრეთა კავკასიანთასა და მთიულეთსა.

და გაგრძელდა ოკრება და მოსპოლვა ქუეყანისა სიმრავ-
ლისათჳს უსჯულოებათა ჩუენთასა, რამეთუ განრყუნა ყო-
ველჳნი ჰასაკჳნი ქუეყანა, დადათუ საქართველო, არამედ
სპარსეთი, ბაბილოვანი და საბერძნეთი. რამეთუ მიეცემოდეს
მწარგსა ტყუეობასა უწყალოთა სიკუდილითა, რომელ არა იყო
წყალობა, სავსე იყვნეს მოკლულთა მიერ ქალაქნი და სო-
ფელნი, ველნი, ტყენი, მთანი და ჳენი. თუნიერ სიმაგრეთა
თელა სადმე ვინ დაშთომილ იყო, სავსე იყო ტყეებითა და გო-
დებითა მიერ შეიცვებოდეს ყოველნი მკვდრნი საქართველო-
სანი ამერისნი. ხედვიდეს მამა-დედანი შვილთა მოკლულთა,
და შვილნი — მამათა და დედათა მკუდართა მდებარეთა, სხუ-
ანი — ძმათა, სხუანი — ნათესავთა და დათა თჳსთა, იავარად
წარსხმულთა ცოლთა და შვილთა, ყოველთა სიმდიდრესა
მათსა. და ესეოდენნი ზარნი იქმნეს თათართანი, რომელ უმ-
რავლესნი ქართველნი ციხეთა და მაგართა აღვილთა დაუტე-
ობდეს და ივლტოდეს კავკასად.

ამათ ულხინებელთა რა ბოროტთა მოეცვა ქუეყანა, ძლი-
ერნი ერისთავთა ერისთავნი და ვაზირნი განდგეს ურთიერ-
თას, თავთა მათთა შემწყობელნი, რამეთუ მეფე რუსულან
ყოვლადვე დამკვდრდა ლიხთ იქით და ვერცა ლიხთ აქეთ
გარდამოვიდეს და ვერცა ამიერნი მათ წინაშე მივიდიან უცა-
ლოებისა ძალითა, გარნა ლტოლვილნი. და ესრეთ ურთიერ-
თას შეუზრახებელ იყვნეს და შეუთქმელ, რამეთუ ძლიერნი
იგი საქართველოსანი და სახელგანთქმულნი უღონო იქმნეს
ყოვლად ვერ შემამართებელნი ჳენებადცა წყობისა მიყოფად
თათართა, რამეთუ ჰერეთი და კახეთი ტყეთა მიერ ძლიერად
იციებოდეს. მაშინ მკვდრნი საქართველოსანი, სახელოვანნი
და წყობათა შინა მჯენნი ერისთავნი სრულიადსა მოოკრებასა
მაეცნეს, ეგრეთვე აღმომართ ყოველნი მკვდროანნი.

ამათ რა ბოროტსა ხედვიდა ამირსპასალარი ავაგ. ძე ივა-
ნე ათაბაგისა, წარმოავლანა მოციქულნი ბარდავს, სადა დაე-
ხანაკა ზემოკსენებულთა მათ მთავართა, რომელთა ზამთრის
აქუნდა საყოფელად ბარდავი, და ზაფხულის — გელაქუნისა

მთანი და არარატისნი, რამეთუ მაშინ აედო ანისი ჩორმაღანს. ამით წარმოუვლინა ავაგ მოციქული ზავისა თხოვად, და თქუა მათ წინაშე მისლვა, ხილვა, და მსახურება, და ხარაჯის მოცემა, დადება ქუეყანისა მისისა, ითხოვა ფიცა და სიმტკიცე. ხოლო მათ გაიხარეს და სიხარულით შეიწყნარეს მოციქული ავაგისი და ფიცთა მიერ მტკიცეთა გულსავეს-ყვეს.

მათ აქუნდა სჯულად ერთისა ღმერთისა თაყუანის-ცემა, და დიდულ აღმოსლვასა მზისასა მზისა აღმოსავლით სათასა ჩოქისა ყოფად და მეტი არარა. ხოლო ფიცთა სიმტკიცედ ოქრო წმიდა სამჯერ წყალსა ჩაყონ და განავლონ იგი, და შეასუან, და მინდობილნი შეიწყნარობ. და ამას ფიცთა რამდამტკიცებენ, არა ეცრუვნენ. სიტყუა ტყუილი არა ამოვიდეს პირითა მათითა, მეკობრე და მბორგველი კაცი გაუკითხვად მოიკლას. და სხუანი მრავალნი კეთილნი წესნი განეჩინაეს ზემოკსენებულსა მას მთავარსა ჩინგიზ ყაენს. ამით ოქროთა საფიცარითა დაუმტკიცეს მოციქულთა ავაგისთა ფიცი, რომლითა დაჯერებულ იქმნა ამისთვის, რომელ არა იყო ტყუილი, არცა სიცრუვე ფიცთა მათ შორის.

წარვიდა ამირსპასალარი ავაგ, დამდები სულისა მისისა ქუეყანისა მისისათვის, და მივიდა ჩორმაღანს, ჩალატას, ბიჩოსა და იოსურს წინა, რომელთა იხილეს და პატივ-სცეს, და შეიყუარეს და მცველნი ქალაქისანი დაუდგინნეს, რომელთა შანად უწოდდეს სიტყუთა მათითა.

ვითარ დამშუდნა ქუეყანა ავაგისი და ცნა შანშე მანდატურთუხუცესმან ზავი ავაგისი და თათართა, უვნებელად დაცვა ინება ქუეყანისა, დაცვა ზავითა მყოფელი. და ავაგსაცა მიუმცნო, უკუეთუ მანცა მიუმცნოს, მივიდეს ხილვად თათართა. ამისნი მცნობელნი თათარნი სიხარულითა შეიწყნარებდეს, რომლისათვის მიუმცნეს მითვე ოქროთა საფიცარითა მტკიცე ფიცი უვნებლობისა, და წარვიდა შანშეცა და იხილნა იგინი, რომელთა შანშესაცა ფრიად პატივბ უყვეს, და ანისი და მათ მიერ წადებული მისი ქუეყანა ყოველი მისცეს, და მცველნი დაუდგინნეს ქუეყანასა შინა. და ვინცა მოვიდეს ქართველთა მთავართაგანი, პატივითა შეიწყნარიან, ხოლო ურჩთა ქუეყანა მოისრვოდა.

ამისი მცნობელი ვარამ გაგელი, ზაქარიას ძეცა, მიენდო

და ზავითა შეწყვნარებული ქუეყანა მისიცა დამშუდნა. ხოლო ჰერეთი ლა კახეთი, სომხეთი, ქართლი და აღმართ კარხუქა-ლაქამდის ყოველი ქუეყანა მწარესა ოკრებასა შინა იყო, არბევდეს, ტყუე-ჰყოფდეს, სრვიდეს მამაკაცთა, ვიდრე დე-დათა და ყრმათა ტყუედ წარიყვანებდეს.

და ქალაქი ტფილისი მათვე დაიპირეს და იწყეს შენებად, და ზამთრის დაიბანაკეს ბარდავს და მტკურისა პირსა, იორისპირთა და აღმომართ გაგამდე. და მოტყუენვიდიან, არბევდიან ქართლს და სამცხეს და ჯაეახეთს და აღმართ საბერძნეთამდი, კახეთს და ჰერეთსა დარუბანდამდე.

ამათ ულხინებელთა ჳირთაგან შეიწრებულნი მთავარნი საქართველოსანი ყოველნი მიენდვნეს თათართა, ჰერ-კახნი და ქართველნი, თორელი გამრეკელი, თმოგუელი სარგის, კაცი სწავლული და ფილოსოფოსი და მრავალღონე. ხოლო მესხნი სათნოებისათჳს მეფისა რუსუდანისა არა მიენდვნეს. ამისთჳს განძვნებულმან ჩაღატა ნონ აღიმკედრა სამცხეზუ-დან, არამედ მესხნი შეივლტოდენ ციხეთა შინა. ესრეთ მოისრა და ტყუე იქმნა სული მრავალი სამცხესა და ბევრი ერი მოიკლა.

ოდეს არღარა იყო ღონე, მოაჯსენა მეფესა რუსუდანს ივანე ციხისჯუარელმან ჯაყელმან, რომელსა ყუარყუარეცა ეწოდებოდა, უკუეთუ სთნდეს, რათა იჯსნას ქუეყანა სამცხისა ოკრებისაგან, იგიცა მიენდოს ჩაღატას, რამეთუ პატივითა იყო მეჭურჭლეთუხუცესი და მთავარი ქუეყანასა სამცხისასა. ინე-ბა მეფემან და წარმოგზავნა დასტური. მაშინ წარვიდა ივანე და იხილა ჩაღატა, რომელმან პატივითა შეიწყნარა და დაუდგინნა მცველნი ქუეყანისანი.

და ესრეთ რა კელთ-იგდეს, განიყვეს ოთხთა მათ ერის-მთავართა ოთხად ქუეყანა და ეგრეთვე ერისთავნიცა თჳთე-ულნი ხუედრი მისი, და ხარაჯა, რომელსა აიღებდიან და წარგზავნიდიან. და ესრეთ მცირედ იწყო ქუეყანამან დაწყნარებად.

გულისკმა-ყო რა მეფემან რუსუდან, რომელ წარუდეს ქუეყანა ამიერი თათართა, განიზრახა, რათა წარმოავლინოს ძე თჳსი, დავით, და მოანდოს თათართა, და აღიღოს სიმტკიცე უვნებლობისა. და წარავლინეს მოციქულად თათართა შანშე,

და ავაგ, და ვარამ, და ჰერეთის ერისთავი შოთავი, რომელმაც მანისი ფერობისათვის კუპრობით უკმობდეს.

ვიდრე წარმოავლენდა მეფე ძესა თუსსა, ენება აღმკედრებად დიდსა სულტანსა ყიასდინსა, ნათესავითა სალჩუქიანსა, რათა დაიმორჩილონ, რომელსა აქუნდა საბერძნეთი. და წარავლენეს ბიჩო ნოინი, და თანაწარიყვანა დიდნიცა იგი მთავარნი საქართველოსანი. ვითარ მიიწივნეს ქუეყანასა სევასტიას და ეზინკისასა, იწყეს ოკრებად. მაშინ სულტანმან ყიასდინ მოუწოდა ყოველთა სპათა და შემოიკრიბა მკედრები თუსი, კაცი ორმოცი ბევრი, რომელ არს ოთხასი ათასი. და განაჩინა მკედართა თავად შარვაშის ძე აფხაზი, სახელით დარდინ, რომელი სიმკნისა მისისათვის პირველვე დიდსა დიდებასა აღეყვანა, და მტკიცედ ეპყრა სჯული. ამას თანა ფახრადავლა, თორელისა ახალციხელისა შალვას ძე, რომელი ლტოლვილი წარსრული იყო სულტანსა წინაშე, კაცი მკნე და წყობათა შინა სახელოვანი. ესენი მკედართა მთავარ-ყვნა და წინამბრძოლად განაჩინა. და მოეახლა, მახლობლად მათსა დაიბანაყა.

ვითარ ესმა თათართა მოსლვა სულტნისა წყობად მათდა, ესეზომ განლაღებულ იყვნეს და განრისხნეს, რომელ ამისი მსმენელი ბიჩო ნოინი მივიდა თხოვრებად ქართველთა მუნ მყოფთა მოსლვასა სულტნისასა, და იხილა ძისწული ყუარყუარე ჯაყელისა, სახელით სარგის, კაცი მკნე და შემმართველი, კელოვანი ბრძოლათა შინა, და კმა-უყო ბიჩო და რქუა: „მახარობელად ვიდრემე მოვალ, ვიდრე რა იყო ნიჭი ჩემი, რამეთუ დადსა სულტანსა ასმიეს მოსლვა ჩუენი და ზღვებულ არს, და, ესერა, ახლოს დაუბანაკებიეს დიდითა და უამრავითა ლაშქრითა. და ხვალე ეგულეების წყობად და ბრძოლისა ყოფად ჩუენდა“.

ესმა რა ესე სარგისს, განკურვებულმან რქუა: „უწყი წყობათა შინა სიმკნე და გამარჯუება თქუენი, მ ნოინო, გარნა სიმრავლისათვის მათისა არას ვგონებ სიხარულეევანსა“. ხოლო ბიჩო განიღიმნა და რქუა: „არა კეთილად მეცნიერ ხარ ნათესავსა ჩუენ მოდოლთასა, რათგან მოგუცა ღმერთმან ძლევა, არად შეგვრაცხია სიმრავლე სპათა, რამეთუ უმრავლესითა უმჯობესად ვიდრემე ვსძლევთ და უმრავლესითა აღვივსებით აღაფრთა. აწ განემზადენით ხვალისა ბრძოლად და ვიხილოთ,

ვითარ გებრძვით მტერთა“. ეზომ განლაგებულ იყვნეს ყოველთა ნათესავთა ზედა.

ვითარ განთენდა და მივიდა სულტანი სპითა საზარელითა, რამეთუ იყო ოთხასი ათასი მკედარი, და განაწყევეს რაზმი. აქეთ თათართა განაწყევეს რაზმი და ურჩეულესი მათი მარცხენასა მხარსა დააწესნეს. ესრეთ აქუნდა წესად, უმჯობესთა ვიდრემე მარცხენასა კერძოსა დააწესებდნენ ამის ძალითა, რომელ სხუანი ნათესავნი ყოველნი უმჯობესთა და უმჯნეთა მარჯვენით აქუნდა დაწესებითა, რათა ურჩეულესნი ურჩეულესთა ზემთხვვნენ. მხოლოდ დროშათა მათთა სიმეწამულე მოასწავებდა სისხლისა დამოღურობასა მტერთასა.

ამათ რა ესრეთ ყოველი ნათესავი ქართველთა წინამბრძოლ-ყვეს და ვითარცა მიიახლნეს ურთიერთას, იწყეს თათართა კმითა მალლითა თქუმა: „აჰლა, აჰლა, აჰლა“, რომელ ძნელად სათარგმანებ არს და უცნაურ; და სამსა ვიდრემდე ჯერსა აქუნდა წესად თქუმა ამის: „აჰლა, აჰლა, აჰლა“. და მყის მიეტევენს. ხოლო ქართველნი უპირატეს და უმჯნეს ძლიერად ეწყუნეს და იქმნა ომი სასტიკი. მოსწყდა სამრავლე ურიცხვ სპათაგან სულტნისა, სადა სახელოვანიცა შარვაშის ძე დარდინ აფხაზი, მკედართმთავარი მათი, მოიკლა, და ივლტოდეს სპანი სულტანისანი, და დევნა-უყვეს რა თათართა და ქართველთა, ურიცხვ მებრძოლი მოსრეს და შეიპყრეს. ხოლო ახალციხელი სულტნისა მიერ მოიკლა შურითა ქართველთა. ესოდენ ეწყუნეს პირველ, განკვრდეს ყოველნი მკედართმთავარნი მათნი ძლიერად მბრძოლობასა ქართველთასა, სიყუარულსა და პატივსა და ნიქსა წინაუყოფდეს და ქებასა შეასხმიდეს.

ხოლო აღივსნეს ქართველნი და თათარნი ყოველთა სიზღიდრითა, ოქროთა და ვეცხლითა სასმურთა და სამზარეულოსა ოქროსა და ვეცხლისათა უტეხელისათა, უცხოთა ლარითა და სამოსლითა. ცხენისა და ჯორისა და აქლემისა არა იყო რიცხვ, რაზომი აღიღეს. ესრეთ საესენი მივიდეს საზებრძნეთსა დევნად სულტნისა და მიჰყვეს ვიდრე იკონიადმდე, რომელ არს ქალაქი დიდად დიდი და ზღუდეთა მტკიცეთა მიერ განმაგრებული, სად-იგი შელტოლვილ იყო სულტანი. და კუალად კართა ქალაქისათა იქმნა ომი ძლიერი, რომელ თუთუელად არა არს მოთხრობად, რამეთუ უმრავ-



ლესთა დღეთა გამოვიდინ ჩალიშად და ესრეთ იბრძოლნა
 სადა-იგიცა ძლიერი და სახელოვანი ჩალიშობა გარდაიკ-დეს
 მრავალთა დღეთა ქართველთა.

ხოლო სულტანმან, შეიწრებულმან ომითა, ითხოვა ზავი,
 აღუთქუა ხარაჯა დიდი და მძიმე, და მრავალთა ძღუენთა და
 უფასოთა თუალთა და მარგალიტთა ძღუენად მომცემელმან
 მოამწუნა, და ითხოვა მცველნი და ესრეთ: ეამ რაოდენმე
 არა იხილონ სულტანი, ვიდრემე განიზრახონ უმჯობესი. ამი-
 სი შემწყნარებელნი თათარნი უკმოიქცეს და მივიდეს ხლათს,
 ხოლო სულტანმან ხლათისამან ითხოვა ზავი და წინამოგებბა
 ძღუენთა ურიცხუთა მომდებელი, რომელი კეთილად შეიწყნა-
 რეს, მცველნი ქუეყანისანი, რომელ არიან შანანი, დაუდ-
 გინნეს.

და წარვიდეს საზავზულოსა ადგილსა გელაქუნს და არა-
 რატის მთათა, და წარუვლინეს მოციქული მეფესა რუსუ-
 დანს, რათა ზავი იქმნას მათ შორის, და მოსცეს ძე მისი,
 დავით, და მისცენ მეფობა, და ტფილისი და ყოველი საქარ-
 თველო. და ვითარ ესმა რუსუდანს, სთნდა სიტყუა ესე და
 გულსავსე იყო ამისთვის, რომე ფიცსა მტკიცედ იპყრობდეს
 და მინდობილსა შეიწყნარებდეს. გარდამოვიდა თვთ მეფე და
 წარმოგზავნა ძე თვისი, დავით, რომელთა წინამიგებნეს შან-
 შუე, ავაგ და ეგარსლან, რომელი თათართა დიდად პატივითა
 შეეწყნარა, არარათა ნიჭთა და ზნეთა სამამაკაცოთა მქონე-
 ბელი, შოთა კუპარი, გაველი ვარამ, ქართლის ერისთავი სუ-
 რამელი გრიგოლ, სამცხის სპასალარი და მეჭურჭლეთუხუცე-
 სი ყუარყუარე ციხისჯუარელი, თორელნი, თმოგუელნი,
 შავშ-კლარჩნი და ტაოელნი, და წარიყვანეს მეფე, ძე რუსუ-
 დანისი, დავით. ხოლო მეფემან რუსუდან თანაწარიტანა ყო-
 ველნი მთავარნი ლიხთ-იმერელნი, დადიანი ცოტნე, კაცი პა-
 ტოსანი და სათნოებიანი და ბრძოლათა შინა სახელოვანი,
 ბედიანი, რაჭისა ერისთავი, გურიელი და ყოველნი წარჩინე-
 ბულნი. წარემართნეს და შევიდეს ტფილისს და წარვიდეს
 ბარდავს, სადა დაებანაკა ნოინთა. მიიყვანეს დავით დიდითა
 პატივითა და ლაშქრითა. ვითარ იხილეს ჩორმადონ, ჩალატა,
 იოსურ და ბიჩო, განიხარეს და პატივი უყვეს მეფესა და
 მთავართა საქართველოსათა, მოსცეს ყოველი საქართველო,
 ტფილისი, სამშულდე, რომელი პირველი ომითა აედო იოსურ

ნოინს და ანგურგას თანადახლომითა ავაგისთა. და ესრეთ კეთილად შეიწყნარეს დავით მეფე, რომელსა ნარინ დავითობით უწოდეს, ესე იგი არს, სეფისპირი დავით.

მაშინ წარავლინეს მოციქული წინაშე დიდისა ყაენისა, რომელი იჯდა ყარაყურუმს, ტახტსა ჩინგიზ ყაენისა, რამეთუ ჩინგიზ ყაენი გარდაცვალებულ იყო და კელთ-იგდო ძემან მისმან, სახელით ოქოთა, ყაენობა. რომელი იყო კაცი კეთილი და დიდად უხვ, და მოსამართლე. და იგიცა გარდაიცვალა. და დასუეს ძე ოქოთასი ყაენად, სახელითა ქუქ. და იგიცა მოკვდა და კელთ-იგდო ყაენობა ძემან ქუქისმან, მანგუ. წარავლინეს მოციქული და აღუყეს აღება სპარსეთისა, საქართველოსა, საბერძნეთისა, და ყოველთა თემთა ქუდი და აბჯარი და ტანი-სამოსი გაუგზავნეს და წესი მიუმცნეს ესევეთარ: „ქართველნი სრულიად მოვიდეს, მეფე და ერთობილნი მთავარნი, რომელთა აქუს სჯული კეთილი, და ტყუილსა ვეღტიან, მწამლველი არცა თუ სახელ იღების მათ შორის“. და სპარსთათჳს მიუმცნეს ესრეთ: „არიან სპარსნი ცრუ, მოღალატე და ფიცის არშემნახველ, და მრავალნი იპოვნებიან მწამლველნი და მათმავალ ურცხვოდ“.

მიიწია რა ელჩი პირველად ბათოსსა, რომელ იყო შვილი თუშისი, პირმშოსა ჩინგიზ ყაენის შვილისა. რამეთუ მაშინ უპირატესობა ყოველთა ბათოს ყაენს ეპყრა, რომელსა აქუნდა ოვსეთი და დიდი ყივჩაყეთი, ხაზარეთი, რუსეთი ვიდრე ბნელეთამდის და ზღუადმდე დარუბანდისა. და ამან წარავლინა მანგუ ყაენისა. და ვითარ იხილა მოციქული, განიხარა, და ჩაბალახისა ხილვასა განკვრდა. და ესრეთ მიუმცნო ნოინთა მანგუ ყაენმან: „ვითნაგან ქართველნი წყობათა შინა კეთილად გიხილვან და ტყუილი არა არს მათ შორის და მინდობა იციან, თქუენ თანა იპყრენით მტერთა თქუენდა ბრძოლად, ზოლო სპარსნი მოსწყუდენით, და მის ქუეყანისა თავადნი წარავლინეთ ყაენთა წინაშე“.

ესე მოციქული რა მოიწია, ავაგ, რომელი ამირსპასალარობისაგან ათაბაგ იქმნა მეფისა რუსუდანის მიერ, წარავლინა ჩაღატა ნოინმან წინაშე დიდისა ყაენისა ბათოსა, და ხლათისა სულტანი. წარვიდეს უცნაურსა და ყოველადვე ქართველთა ნათესავისაგან უვალსა გზას. და ვითარ მიიწინეს წინაშე ბათოსა, რომელი იყო მას ემსა უმთავრესი ყაენთა

და უზეშთაესი და უაღმატებულესი შეუენიერებითა, წარეყვანა ათაბაგსა ავაგს ივანე ახალციხელის ძე, სახელით დავით, ეჯიბი ავაგისი, რომელმან რქუა ავაგს: „ვინათვან უტხოთა ნათესავთა მომართ მოიწიე და არა უწყყი, თუ რა ყოფად არს ჩუენდა, ესრეთ განგაზრახებ, რათა ვიქმნე მე, ვითარცა პატრონი და მთავარ შენდა, და შენ იქმნე მონა. უკუეთუ ენებოს მოკუდინება შენი, მე მოვიკლა და არა შენ. არღარა ვგონებ, უკუეთუ ბატონი მოიკლას, ყმათაცა დაჯოცად“. და ესრეთ მრავლითა ვედრებითა და იძულებითა დაარწმუნეს ავაგ ამისდა ყოფად. ვითარ შევიდეს წინაშე ბათოსა, წინაწარიძღუანა დავით, ვითარცა უმთავრესი. და ესოდენ სათნოება ქმნა დავით, განმწირველმან თავისამან პატრონისათუს სიკუდილად. იხილა ყაენმან ბათო, განიხარა და დიდად პატივსცა მრავალთა დღეთა. და ვითარ ცნეს კეთილის-ყოფა ბათოსაგან და უშაშ იქმნეს სიკუდილისა, ერთსა დღესა შეუწოდა ბათო, და ავაგ წინაწარუძღუა, რომელი იხილა რა ყაენმან, განკვირვებთა შემხედველი ეტყოდა ავაგს: „არა სადაშე მეცნიერ ხარა, რომელ პატრონი არს შენი, რომელი უკანის მენსა დგას და წინა წარმოსძლომიხარ?“ ხოლო დავით ღიმილით ეტყოდა: „დიდო, დიდო განმარჯუებულო კელმწიფეო! ეგე არს პატრონი და მე მონა მისი“. და განკურვებული ყაენი ჰკითხვიდა მიხეზსა მისსა ყოფად, რომლისთუს დავით თქუა: „მის ძალითა ვყავ, დიდო ყაენო, რომელ არა მეცნიერნი ვართ შენნი, და არა უწყოდით, რას შეგუამთხუევდით. უკუეთუ გენება მოკუდინება, მემცა მომკუდარ ვიყავ უწინარეს და არა პატრონი ჩემი“. რომლისათუს დიდად განკურდა და აქო დავით და თქუა: „უკუეთუ ნათესავი ქართველთა ეგვევითარი არს, ვბრძანებ, რათა ყოველთა ნათესავთა, რომელნი არიან მორჩილებასა ქუეშე მოლოლთა, უმჯობეს და უწარჩინებულეს იყენეს, და მოლოლთა თანა მკედართა აღრაცხონ, მაძულნი და საქონელი მათთა კელთა შინა იყოს და ყოველსა შინა მისანდოდ იყენენ“. ამისთუს ბრძანება დააწერიანა და წარმოსცა, და ესრეთ განაჩინა წარვლენა დიდსა მანგუ ყაენისსა ხატაეთს და ყარაყურუმს. ესე აქამდინ იყავნ, ხოლო, ჩუენ დამთოშილისას სიტყუსა მიმართ აღვიდეთ.

გარდამოვიდა მეფე რუსუდან ღიმილით და მივიდა ტფილისად და მოვეებნეს ყოველნი წარჩინებულნი სამეფოსა მისი-

სანი. და წარავლინა ძე თუსი, დავით, ნოინთა წინაშე, რომელ-
თა პატივითა შეიწყნარეს და მოსტყეს ყოველი სამეფო, წარ-
ჩინებულნი და ყოველნი მთავარნი საქართველოსანი. და ეს-
რეთ კუალად ეგო სამეფო ბრძანებასა ქუეშე რუსუდან მე-
ფსასა.

კუალად აქაცა ვინებე დუმილად, ვინათგან მეგულების
განსაკრთომელისა მოთხრობისა, დაღათუ არა საკადრებელ
არს თხრობა მეფეთათს უშუერსა რასმე, რამეთუ იტყვს მო-
სე, მხილველი ღმრთისა: „მთავარსა ერისა შენისასა არა
პრქუა ბოროტი“. გარნა ვინათგან წიგნი ესე შეაღებარე არს
კეთილისმოქმედთა და ბოროტისმოქმედთა, შენდობილ იყენეს
სოტყუანი ჩემნი, რამეთუ ქამთაალმწერლობა ჭეშმარიტისმე-
ტყუელება არს და არა თულახმა ვისიმე. რამეთუ ამათ ქამთა
დაივიწყა შიში ღმრთისა და ანდერძი ძმისა და ფიცი იგი,
რომელ ამცნო ძმამან მისმან რუსუდან მეფესა, განიზრახა
ზრახვა უცხო, რათა დაუმტკიცდეს მეფობა ძესა მისსა, და-
ვითს. და წარავლინა კაცი საბერძნეთს, სულტანსა სიძეს და
ასულსა თამარს წინაშე, რათა ძმისწული მისი, დავით ყრმა,
რომელ პირველ წარავლინა მათდა, რათა ბოროტი რა ეყოს
მათ მიერ, და არა ბოროტ ეყო, აწ რომელ წარსწყმიდონ და
მოაკუდინონ, და უზრუნველად ეპყრას მეფობა მას და ძესა
მისსა, დავითს.

ხოლო მათ არა ისმინეს. და კუალად სხუა წარავლინეს
მოციქული ამავე პირისათს. ხოლო ივინი არა ერჩდეს. და
მესამედ სხუა სავედრებელი წიგნი წარგზავნა შვილისა და
ძმისწულისა, გინა ძმისმკვლელობითა სავსე, და ივინი არცა
მამინ ერჩდეს. ამისგან განცუბრებულმან, გულისწყრომითა
აღვსებულმან დაივიწყა სჯულიცა და ღმობა ნათესავთა და
თუთ შვილის სიყუარული დედობრივი, ვითარცა იტყვს ბრძე-
ნი სოლომონ, ვითარმედ: „გულისწყრომამან კაცისამან სი-
მართლე ღმრთისა არა ყვის“. ვითარ ამანცა, კეთილთა ძირთა
მორჩმან, არა ყო სიმართლე, დაწერა წიგნი სიძეს სულტან-
სა ყიასდინს თანა, და ესრეთ მიუშცნო, ვითარმედ: „ამისთვის
მენება მოკლვა ძმისწულისა ჩემისა დავითისი, რომე ცოლსა
შენსა და ასულსა ჩემსა ძმისწული ჩემი, დავით თანა-ეყოფ-
ვის, და ამისთვის არა ნებავს ასულსა ჩემსა ბოროტი მისი“. მ
გონება, მკვეცთა უმძუნვარესი, ვამ მკვლელობა, ოდესმე სმე-



ნიღთა და გარდასრულთა მკვლელობათა უბოროტესი,
ლი აღასრულა შვილსა და ძმასა ზედა დამვიწყებელმან დე-
დობრივთა და ძმებრივთა ლმობათაჟანი!

და მიიწია წიგნი სულტანს წინაშე. მყის აღშფოთდა და
შეგვარდა სახლსა სადედოფლოსა, და უპატიოდ განითრია ცო-
ლი თვისი მოფხურითა თათა, ფერკითთ ძლიერად უხეტენა
პირსა მისსა შეუნიერსა. და ტანი ფრიადისა ცემისაგან სისხ-
ლისფრად იყო. და ხატნი იგი, რომელი სამარადისოდ აქუნდა
წინაშე მათსა, შეაგინნა და დამუსრნა. და ყოველნი მის წინა-
შე მყოფნი მსახურნი და მოკვლენი ექსორია-ყვნა და რო-
მელნიმე მოსწყუნდა. და ცოლსა მისსა შეშინებით უთქმიდა
უწყალოდ სიკუდილსა; უკუეთუ არა დაუტეოს სჯული ქრია-
ტესი და მუსულმან იქმნას. და მრავალნიცა ტანჯვანი შეაძ-
თხუნა, რომლისა შემდგომად მრავალთა ტანჯვათა მიერ მო-
მედგარებულმან უარ-ყო სჯული ჭეშმარიტი, რამეთუ აქაჟმ-
დე მტკიცედ ებყრა სჯული ქრისტესი, რამეთუ ხუცესნი და
ხატნი წინაშე მისსა აქუნდის არა ფარულად, არამედ განცხა-
დებულად.

ხოლო ყრმა დავით შეიბყრეს და მრავალნი ტანჯვანი შე-
ამთხვენეს, რათა ჭეშმარიტი აღიაროს. ხოლო იგი იტყოდა:
„უბრალო ვარ, მოწამე არს ღმერთი, დაღათუ ესე ცილი დამ-
წამა მაშიდამან ჩემმან, და დასაჯერებელ არს, გარნა საქართვე-
ლოთა ბრალისა და შეცოდებისათვის ექსორა-მყო და სიკუ-
დილი ჩემი მოგიმცნო. აჲ იხილე, მოწყალეო და მაღალო
სულტანო, რომელ პირველითგანვე მკვლელობისა ჩემის გუ-
ლი აქუნდა“. ესე ვითარ ესმა სულტანსა, მცირედ ლმობიერ
იქმნა. მაშინ სიკუდილი არა ინება მისი განგებითა ზეგარდამო-
თა, რამეთუ მსჯავრნი და განგებულენი ღმრთისანი გამო-
უკულებელ არიან, ვითარცა წერილ არს: „ვინ ცნა განგება
უფლისა, ანუ ვინ თანამზრახველ ეყო მას?“. გარნა არავე
დამშუნდა გულისწყრომა სულტნისა, ვითარცა აღითა მძაფ-
რითა ენთებოდა გული მისი. ამისთვის მოუწოდა მენავეთმოდ-
ღუართა და მისცა დავით კელთა მათთა, და ამცნო, რათა წა-
რიყვანონ ზღუად და შთააგდონ აიდრმესა ზღუსასა. უკუეთუ
არა ყონ, იავარ-ყოს სახლი და დედაწული მათი, და იგინი
ბოროტად მოისრნენ. ხოლო მენავეთა მათ წარიყვანეს, შთას-

ვეს ნავსა და მიმართეს ბელენგოდ, მიიწივნეს სიღრმედ დი-
დად განშორებულ ქუეყანისაგან, და ენება შთაგდება დავი-
თისა. ევედრა მენავეთა, რათა ილოცოს მცირედ. ხოლო მათ
დრო-სცეს. ვითარ აღდგა და აღმოიღო უბითგან ხატი ყოვ-
ლად წმიდა ღმრთისმშობელისა, რომელი ვედრებისსახედ და-
სახულ იყო, და მარადის თანა აქუნდის, და მისა მიმართ
აქუნდა სასოება. ესე დაიდვა პირსა და თუალთა და ცრემლნი
სიმწარისანი გარდმოსთხივნა: „ყოვლად წმიდაო დედაო
მკსნელისა ჩუენისაო იესო ქრისტესო, ცოდვილთა შესავედ-
რებელო და ნუგეშინის-მცემელო, შეიგედრე სული ჩემი, რა-
მეთუ შენ ხარ ნუგეშინის-მცემელი მწარისა ამისა სიობლისა
ჩემისა და უმსჯავროსა სიკუდილისა, რომელ სამარესა და მი-
წასა შინა დაფლავად არავინ ღირს-ყო, არამედ საქმლად თევ-
ზთა. არცალა საფლავი ჩემი საცნაურ იქმნების, არამედ მოწყა-
ლებათა შენთა მინდობილი ვითხოვ უკანასკნელსა ამას ობ-
ჭანსა შინა, რომელ მიკსნა ჰაერისმცველთა კელთაგან და სა-
შინელთა მათ სატანჯველთაგან, რომელსა მოელიან ჩემებრ
ცოდვილნი და ბრალეულნი ყოველნი“.

რამეთუ ამას და ამისა უმრავლესა ილოცვიდა ღმობიე-
რად და ცრემლთა მწარეთა დამომდინებელი, აღჯადეს შესა-
მოსელი და ხატი წარუდეს, რომლისათჳს ღმობიერად ევედ-
რა, რათა მისცეს ხატი ყოვლად წმიდისა და თანა აქუნდეს,
რომელი ისმინეს მენავეთა და მისცეს ხატი იგი და დაჰკიდეს
ყელსა. ხოლო ვითარ ეგულებოდა შთაგდება, ერთმან მენა-
ვეთაგანმან ყო წყალობა განგებითა ღმრთისათა და ყოვლად
წმიდისა და ვედრებისა ღმრთისმშობელისათა და მცირე რამე
ფიცარი მისცა კელთა მისთა. და ესრეთ შთაავდეს ზღუად.
ხოლო დავით მოეხუა ფიცარსა მას, და მოჰბერა ქარმან
ძლიერმან და უჩინო იქმნა თუალთაგან მათთა. და მიმოაქუნ-
და დელვათა, ვითარ კიდობანი ნოესი, და მყის განავდო ჳმე-
ლად. და იხილა იგი ვაჭარმან ვინმე მგზავრმავალმან და
მიავლინა მან მცურველი, რამეთუ ჳრეთვე შორს ვიდრე იყო
ქუეყანისაგან, ვითარ უტევან. და გამოიყვანა ვაჭარსა მას თა-
ნა. მყის შემოსეს და საზრდელი მოართუეს და ნუგეშინი-
სცეს. და განძლიერდა შიმშილისა და წყურვილისაგან შეიწ-
რებული, რომელ თვალთაცა კამკამებად ძლითა ეძლო. იწყო
კითხვად ვაჭარმან მან მიზეზი შთაგდებისა მისისა ზღუად.



ხოლო მან ყოველივე ესე ზემოვსენებული აუწყა, რომელიცა და
სათეს განიხარა ვაჭარმან და სახლად თესად წარიყვანა და
იწყო პატივის-ცემად, ვითარ საყუარელსა შვილსა, ესრეთ ფუ-
ფუნებად. დაყო მას ვაჭართანა ექუსი თუე ოდენ, და გან-
ცხადნა საქმე ესე ყოველთა თანა, ვითარ ვაჭარსა ვისნე
'ხლუასა შთაგდებული ქართველთა მეფის ძე უპოვნის. და
მიიწია სიტყუა ესე და ესმა სულტანსა ყიასდინს. გულის-
წყრომითა ადვილმან წარავლინნა მკედარნი, მიიყვანა დავით
და ვაჭარიცა იგი, და მენავენი იგი პურობილ-ყვნა, და სიკუ-
დილსა აქადებდა. ხოლო ისწავა რა ვაჭრისაგან ზღუთ გამო-
ყვანება, ვანუტევნა მენავენი.

ხოლო დავითისთვის არავე დასცხრა გულისწყრომად და
შესძინა, ვითარცა ჰეროდე, კაცისკვლად, რამეთუ კაცის-
კლვასა ზედა კუალადცა კაცისკლვა შესძინა, და უბოროტე-
სი სატანჯველი განაჩინა. რამეთუ იყო ჭურღმული ღრმა, რო-
მელსა შინა წყალი არა იყო. ამას შინა იყვნეს გუელნი შთაყ-
რილნი, რომელი სავსე იყო განძნებულთა და ცოფითა გუ-
ელთა. და ზედა იღვა ლოდი და არა იყო ნათელი, და ესრეთ
მწარითა სიკუდილითა მოჰკლვიდა. სულტანმან მას შიგა
შთაგდება ბრძანა დავითისი. და ვითარ წარიყვანეს, თანავე
აქუნდა ხატი იგი. და აღიღეს ორმოსა მისგან ქვა, შთაგდეს.
და დაცულ იქმნა, ვითარცა დანიელ პირისაგან ლომისა, ყოვ-
ლად არა ავნეს ესოდენ ყოვლად გესლიანთა. დაბურეს ქვა
ზედა.

დავითს პირველვე წარტანებულ იყო გინმე, სახელით
სოსან, რომელი მიეცა მამასა მისსა ლაშას. ესე შეუდგა, რა-
ქამს წარიყვანებდეს შთაგდებად ჭურღმულსა მას. ამან იხილა
ჭურღმული იგი. ხოლო კაცთა მათ სულტნისათა რაქამს დაფ-
ტევს ჭურღმული იგი, გათხარა სოსან მცირედ ქვას ქუეშეთ,
და მიერ შთაუტევნის ბური, რომელი ითხოვის. და ესრეთ
ზრდიდა ხუთ წელ. რა დაწვის, გუელნი რომელნიმე მოეტე-
ვის ყელსა, რომელნიმე ფერცსა, სხუანი უბესა, სხუანი გუ-
ერდსა უწვიან. და ვითარ ეძინა, და გარდაიქცეოდა რა
გუერდსა ზედა, მჯარითა დააჭირა გუელსა ერთსა, რომელმან
მჯარსა სასტიკად უკბინა. ხოლო სხუათა გუელთა დაიჭირეს
გუელი იგი, მკბენელი დავითისი, და იწყეს ენითა ლოკად და
მყის განკურნეს დავით, და გუელი იგი შეჭამეს მათ გუელთა.

ესრეთ საკრველებით განაჩინა ღმერთმან ყოვლისა წარსაწყ-მედელისაგან, რომელნი მოეწივნეს მას ზედა.

რამეთუ ესრეთ განიზრახა მეფემან რუსუდან თავით თუსით დამტკიცებად მეფობისა ძისა თუსისა, არამომკსენებელმან სიტყუსა წინასწარმეტყუელისა ესაიასა, რომელსა იტყუს: „და მოხედნეს უფალმან განგებასა მას ზედა დიდსა მთავარსა ასურასტანისასა და სიმაღლესა მას ზედა დიდებისა თუალთა მათ მისთასა, რამეთუ თქუა: ძალითა კელთა ჩემთათა ვყო, და სიბრძნით გულისკმის-ყოფისა ჩემისათა მოვიპყრნე საზღვარნი თესლებისანი და ძალი მათი წარმოვიღო და შევძრნე ქალაქნი დამკვდრებულნი, და სოფელი ყოველი დავიპყრა კელითა ჩემითა ვითარცა მართუენი, და ვითარცა კუერცხნი დაშთომილნი აღვიხუნე. და არავინ იყოს, რომელი განმერეს მე ანუ სიტყუა-მიგოს. აწ უკუე იდიდოს-მე ცული თუნიერ მკუეთელისა, ვითარცა თავითა თუსითა ჰკუეთდეს, ანუ ამაღლდეს ხერხი თუნიერ მზიდველისა მისისა? ეგრეთვე ვინ აღიღოს კუერთხი გინა შეშა? არა ეგრეთ, არამედ მოავლინოს უფალმან საბაოთ შენსა პატიოსნებასა ზედა უპატიოება, დიდებასა შენსა ზედა ცეცხლი აგზებული ატყდებოდეს“, ვითარ აღესრულა პატიოსნისა მეფისა რუსუდანს ზედა.

რამეთუ სირცხულ-მიჩნს კადრებად და კუალად ვერ მიძლავს დუმილად, რამეთუ უპატიო-ჰყო თავი თუსი ბოროტითა ამით, რომელ აღადგინა ძმისწულსა თუსსა ზედა. გარნა განაქარვნა ზრახვანი მისნი ზეგარდამომან განგებამან, ვითარ აქიტოფელისნი დავით წინასწარმეტყუელის ზე, და არა გულისჯმა-ყო, რამეთუ „განაქარვნის ზრახვანი კაცთანი ზრახვამან ღმრთისამან“, ვითარ ფარაოსი მოსეს ზე, ვითარ განერა კელთაგან მისთა ლტოლვილი პირველად, ვითარ იტყვს ქამთაღმწერელი იოსიპოს, და კუალად ვითარ განერა დავით კელთაგან საულისათა, რამეთუ ცუდად იქმნა განზრახვა მისი, და სხუაცა მოვიკსენო, რომელ იქმნა განზრახვითა მეფისა ასტუვაგისათა. არა ცუდ იქმნა წარვლენა ასულისა მისისა მანდანისი სპარსთათუს, ყოვლად ამას შინა მოცემა ძისა მისისა კვროსისი, რომელი შემდგომად ასტუვაგისა მეფე იქმნა? ანუ არა ამოთ იქმნა ხრიზომოზიცა იგი აპოლონის დელფელისა შენისა კრისოის განცდილი მე ობოლი მთხრობლი ძლეული კრისოსა მიერ შეპყრობილ იქმნა კვროსისა მიერ, და უმეტეს

ამისა არა განცუდნა ხრიზომოზიცა იგი პრიამოსისი ასულთასა და ყოვლისა აღმოსავლეთისა პირისა მთავრისა ალექსანდრე პარიდოსისა ზედა, რომელი იპყრა წელთა ოცდათორმეტთა უწინარეს, რომელმან, მიმტაცებელმან ელენესმან ცოლისა, აღამემონის ძმისა მენელეოსისგან, ოცდარვად წლად უმშუდებელნი ბრძოლანი მოუგნა ტროველთა სრულიად მოსპოლვად ნათესავსა მისსა?

ესე ყოველი არა თუთ განზრახვით იქმნა, მ ბრძენო, კეთილთა და პატიოსანთა ძირთა მორჩო, დედოფალთ დედოფალო, მეფეთ რუსუდან. გარნა რა მოივაკრე? იხილე, რამეთუ ხუთისა წლისა ქამნი დაყვნა ულხინობთა ჭირთა შინა ჯურღმულსა ღრმასა გუელთა თანა, რამეთუ ესე გემოკსენებულნი ზრახვანი დაკსნა ზენამან განგებამან ღმრთისა ყოვლისა მპყრობელისამან, ვითარცა აწცა.

ჩუენ პირველსა სიტყუასა აღვიდეთ.
მოიწია მეფე ტფილისს და ძე მისი, დავით, ნოინთა წინა წარავლინა. და მათ ინებეს დავითის წარვლინება დიდსა ყაენს ბათოსასა და მიერ ყარაყურუმს მანგუ ყაენისსა, და ვითარ ცნა რუსუდან წარვლინება ძისა თვისისა უცხოთა ნათესავთა, შორთა და უცნაურ გზათა, ტკივილითა და უზომოთნ მწუხარებითა შეიცვებოდა და დაუწყუედელთა ცრემლთა მოაღინებდა, და მოიკსენებდა რა-იგი უყო ძმისწულსა თვისსა დავითს; ვითარ ექსორია-ყო, ეგრეთვე თათართა წარავლინეს ძე მისი ვითარ ექსორიად წინაშე ბათოსსა.

ხოლო ვითარ არღარა იყო ღონე, წარვიდა ნარინ დავით. და თანაწარატანა მეფემან რუსუდან მცირედ თანაზრდილნი მისნი, ქართლისა ერისთავის სურამელის გრიგოლის შვილი, ბეგა, გურკლელი მახუჯაგის ძე, ამირეჯიბი ზეშქენ. და თუჯაღნიცა ორნი დაუმალნა ძვრად საფასონი. და წარვიდა შემდგომად კუალსა ავაგისსა და ხლათის სულტნისასა, რამეთუ ბირფელ იგონი წარავლინეს თათართა. და მიიწიენეს წინაშე ზემოკსენებულისა ბათოსსა, რომელმან კეთილად იხილნა ნარინ დავით მეფე, ორი წლისა ქამთა თანა იპყრა და მიერ წარავლინა ჩინ-მაჩინს და ყარაყურუმს მანგუ ყაენს წინაშე. რომელი მიიწია რა, კეთილად შეიწყნარა. და ავაგს შეეყარა და მის თანა იყოფოდა.

ხოლო თათართა მათ ოთხთა ნოინთა მოეკსენა ბოროტი

აღმშუთელთა, რომელი შეამბზუნს მოლოლთა, და აღიმკედრეს მათ აღმშუთსა ზედა და თანამბრძოლობა განაჩინეს ქართველთა, და წარმოუვლინეს მოციქული მეფესა რუსუდანს, რათა მისცენ საყოფი საქართველოსა ლაშქრად აღმშუთს. ხოლო მეფე რუსუდან მას ეამსა ტკბილისა შვილისათუს მწარედ იღეოდა, და დასნეულებული გარდაიცვალა ტფილისს. და წარიყვანეს მთავართა დიდითა ბატივითა და ტყუბითა, და დამარხეს სამარხოსა მამათა მათთასა მონასტერსა გელათს.

და გაცდეს ქართველნი უნუგეშინის-ცემოდ და უმეფოდ, რამეთუ არღარავინ იპოვებოდა ნათესავი მეფეთა, რამეთუ ნარინ დავით ყარაყურუმს წარავლინა და სხუა იგი დავით საბერძნეთს მკუდრად საგონებელი იყო და არა უწყოდეს, თუ რა შემთხვეოდა. ამისთვის თუთეული თავისა თვისისათუს განგებად ზრუნვიდა, რამეთუ თუთეული ერისმთავარი თუთოსა ამას წოდისა მეუღვა.

და ვანაჩანეს თათართა ბევრისა მთავარნი, რომელთა დუმნისა თავად უწოდეს. და გამოარჩიეს მთავარნი, პირველად ეგარსლან ბაკურციხელი, კაცი ღრმად მოუბარი, ხოლო არა ნიჭთა მქონებელი საკმართა, და მას კელთ-უდვეს სპა ჰერეთისა და ეპეთისა და კამბეჩიანისა ტფილისითგან და აღმართ ვითარ მამდრე შამახიისა და შანშეს კელთ-უდვეს მამული მისი და ავაგისი. ვარამს კელთ-უდვეს ყოველი სომხითი, გრიგოლ სურამელს — ქართლი, გამრეკელს თორელსა, მსგავსსავე ეგარსლანისასა საჭაბუკოთა შინა, კელთ-უდვა ჭავასეთი, სამცხე და აღმართ კიდრე კარნუქალაქამდრე, ხოლო ცოტენ დადიანსა და რაჭის ერისთავსა — ყოველი იმერი სამეფო.

და ესრეთ განაჩინეს თათართა და განიყვეს საქართველო, წარვიდეს ბრძოლად აღმშუთს და ქართველნი თანაწარიტანეს, რომელნი განყვეს ორად. ნახევარნი ერთსა წელსა და ნახევარნი მეორესა წელსა იყვნინ აღმშუთს, რამეთუ შუდ წელ განგრძელდა ბრძოლა აღმშუთისი, რომელნი არიან კაცის-მკვლელნი მაპარვითა. რომელთა მულიდად უწოდიან. და ამათ ჰბრძოდეს თათარნი ჩორმადონ, ჩალატა, იოსურ და ბიჩო მოუწყენელად ზაფხულ და ზამთარ. ხოლო ქართველნი განყოფილნი თუთეული მისსა წელიწადსა ხუდის და იყვის აღმშუთს, და კულად წარვიდიან სხუანი ხუედრსა მისსა, წელი-

წად ერთ იყვის აღმუთს, და კუალად სსუანი — მათსა. და ესრეთ შუდისა წლისა ქამთა განგრძელდა ყოფა და ომი აღმუთს.

დღესა ერთსა წარმოგზავნეს აღმუთელთა მულიდი კელო-
ვანი. მივიდა ღამით და შემოეპარა მცველთა ჩაღატა ნოინი-
სათა, შევიდა კარავსა მისსა, მძინარესა დასდვა დანა გულსა
მისსა და მოკლა იგი, რომელ ვერავინ ცნა. და ვითარ განთენ-
და, იხილეს კარვისმცველთა ჩაღატა ნოინი მოკლული. იწყეს
ტირილად და ტყეზად და ვაეზად. რომელ იხილეს სპათა ჩა-
ღატა ნოინისთა, მირბიოდეს, და იხილეს მათცა, რომე მომ-
კუდარ იყო ჩაღატა და არა უწყოდეს ვისგან მოკლულ იყო.

მაშინ თქუეს ყოველთა: „ვინათგან ქართველნი დიდსა
ჭირსა შინა არიან ჩუენ მოლოლთაგან, შუერთ ქართველთა
მიერ მოიკლა უცილოდ“. ამას ყოველნი დაამტკიცებდეს,
თუნიერ ჩორმადონ ნოინისგან გარეშე. ხოლო იგი ეტყოდა
„დასწყნარდით, კაცნო, რამეთუ არა არს ნათესავი ქართველ-
თა კაცისმკლველი და არცა სჯული უც ესევეითარისა საქმისა
ქმნად. ხოლო იგინი აღშფოთებულნი, სიკუდილისათჳს პატ-
რონისა განძნებულნი, წარმოემართნეს ბანაკისა მიმართ
ქართველთასა, რამეთუ მახლობელად ჩაღატა ნოინისასა დაბა-
ნაკებულ იყვნეს. და ვითარ მომართეს, განკრთეს ქართველნი
და უღონობასა მოეცვნეს, და არა უწყოდეს, რამცა ყვეს,
ხოლო ზოგნი ომისა მიმართ განემზადებოდეს, და ზოგნი აყე-
ნებდეს, რამეთუ ფრიად მცირე იყვნეს. მაშინ გრიგოლ სურა-
მელი, ქართლის ერისთავი, იტყოდა: „არა არს ქამი ბრძოლი-
სა, რამეთუ მცირე ვართ. და უკუეთუ ვებრძვით, დიდით მცი-
რემდი მოგუწყუედენ. და თუ არ ვებრძვით, ჩუენ წარჩინე-
ბულთა ოდენ, ვგონებ, მოკუდინებად. და უმჯობეს მიჩნს,
რათა ჩუენ მოვიკლნეთ და არა ყოველი ესე ძალი. გარნა
შევრდომა ღმრთისა ჯერ-არს, რამეთუ არავინ არს მკსნელი
ჩუენი თუნიერ იესო ქრისტე, ძე ღმრთისა, და ყოვლად წმიდა
მშობელი მისი, მარადის ქალწული მარიამ, რომელი მარადის
მცველი არს მოსავთა ძისა მისისათა და უმეტეს ჩუენ ქრის-
ტიანეთა. აწ ყოველთა სამ-სამი მუგლი მოიდრეკეთ, შევრ-
დომით ყოვლად წმიდისა ღმრთისმშობელისა მიმართ, და რო-
მელთა უწყით, თქუთ შესხმა ესე მისი: „მოწყალებსა კარი
განგვდე, კურთხეულო ღმრთისმშობელო“, და შემდგომი.

ვითარ აღასრულეს ლოცვა ესე სამადლობელი და ქება ყოვლად წმიდისა ღმრთისმშობელისა, და მოახლებულ იყვნეს ბარბაროზნი იგი, უწყალოდ მსპოლავნი ქართველთა, მაშინ გამოვიდა კაცი ერთი ლერწმითანით, რომელსა აქუნდა ლახუარი წუდილი, შედებილი სისხლითა. და ლახუარი იგი აღიპყრა ზე, და ძლიერად გმა-ყო, „მან ქუშტემ ჩაღატა“, რომელ არს ენითა სპარსულითა: „მე მოვკალ ჩაღატა“.

ვითარ იხილეს თათართა, მიეტევნეს, ხოლო იგი ივლტოდის ლერწამთა მიმართ. ხოლო მათ შეუდევს ცეცხლი და გამოიყვანა ცეცხლმან ლერწამთაგან კაცი იგი. და მოიყვანეს ჩორმაღონ, იოსურსა და ბიჩოსა წინაშე. ხოლო ივინი ჰკითხვიდეს, ვითარ მოაკუდინა ჩაღატა ნოინ. და მას ესრეთ აღუწყა: „მე ვარ მულიდი, მულიდთა შორის საჩინო. მათ მულიდთა თავადთა მომცეს ოქრო ფრიადი, რათა თქუენგანი ვინმე მოგაკუდინო ოთხთა მავათგან. წარმოვედ, მოვკალ და დავიმაღე“. ივინი ეტყოდეს: „რა იყო მიზეზი გამოსლვისა შენისა და ყივილი მალლად სიკუდილი დიდისა ნოინისა, ვინათგან დამალულ იყავ?“ და კუალად მულიდი მიუგებდა: „ლერწამთა იმათ უკშირესსა შევედ და დავიმაღე. მყის მოვიდა დედაკაცი ვინმე სიტურფელმატებული და მრქუა მე: „რა ესე ჰქმენ, კაცი? შენ მოჰკალ კაცი და დავიმაღე. აწ მრავალი სული მოკუდების მიზეზად შენდა და იგი უბრალონი მოსწყდებიან“. და მე ვარქუ: „რა ვყო, დედოფალო?“ ხოლო მან მრქუა: „აღდეგ და შემომიდეგ მე, წარვედ და თქუ, რამეთუ შენ მოჰკალ კაცი იგი, და განარინე ურიცხვ სული სიკუდილისაგან“. მსწრაფლ აღდეგ და შეუდეგ, სადა-იგი მომიყვანა წინაშე თქუენსა. ვითარ გმა-ყავ და მიხილეთ, დედაკაცი იგი უჩინო იქმნა, და არა უწყვი, ვინა მოსრულ იყო. და მე, ესერა, ვარ წინაშე თქუენსა“.

ვითარ ესმა სიტყუა კაცისა მისგან თათართა, განკურდეს და კაცი იგი მულიდი ჳრმლითა ორად განკუეთეს. და ესრეთ იჯსნა ერი თუსი ყოვლად წმიდამან ღმრთისმშობელმან და განარინა უმსჯავროსა სიკუდილისაგან, ვითარ ოდესმე იჯსნა ქალაქი იგი დიდი კოსტანტინეპოლი, რაჟამს-იგი ბარბაროზთა მძუნვარედ გარემოიცივეს, მკედართმთავრობასა სავრონისასა და მძუნვარედ აღდგომასა ხალან სკუთთა მთავრისასა, ვი-



თარ დაინთქეს ზღუად მბრძოლნი ქალაქისა მის მისდა მგზავნი ბილისანი, რამეთუ აღდუღნა ზღუა და განდნა ძივთი ნავისა და დაინთქნეს ზღუად შეწეგნითა ყოვლად წმიდისა ღმრთის-მშობელისათა, და მკდომთა ზედა წჳმა აწჳმა, ვითარ ძველ ოდესმე სოდომელთა. ამათ საკვრველებათა არა უღარეს ვგონებ, რომელ აწ იქმნა მსწრაფლი და ანასდათი ქსნა ქრისტიანეთა ყოვლად წმიდისა ღმრთისმშობლისა მიერ. გარნა წინაშე ვინმე შეუძლოს დიდებისმეტყუელებისა მიერ სამადლობელისა შესხმა საკვრველებისა ამისათჳს, რომელ დაიცვა ურიცხჳ სული ნათესავისაგან ქართველთა ყოვლად უბიწოჲმან სიტყუსა ღმრთისა მშობელმან ღმრთეებისა და კაცობრისა გუამოვნებითა და შეერთებითა შემაერთებელმან ღმერთად სრულად და კაცად სრულად, ორთა შინა ბუნებათა და ორთა ნებათა შეუტრეგნელად.

ამის უბიწოებისაგან დაცულნი ქართველნი დიდსა ჭირსა შინა იყვნეს თათართა მიერ, რამეთუ მიმდები და მოუწყინებელი ბრძოლა აქუნდა აღმუთელთა მიმართ. და ქართველნიცა თანაწარჳყვიან, და ორად განყოფილნი იყვიან, და თუთუელი ერისმთავარი თუთოსა ნოინსა დააგნეს ურთიერთას. ზემოკსენებული ესე ეგარსლან, კაცი საკვრველი და მკვდრობის წესთაგან ცარიელის ეზომ განდიდნა, რომელ კნინდადა სახელის-დებადცა მეფისა იკადრა, და ყოველი ქართველთა წათესავი ბრძანებასა მისსა მორჩილობდეს, ვითარცა მეფესა, თუთ დიდი და პატიოსანი შანშე მანდატურთუხუცესი, და გეგლი ვარამ და ყოველნი მთავარნი.

ამათ ქამთა შინა სხუანიცა ბოროტნი აღმოსცენდეს. ვითარ ცნეს თურქთა, შამს მყოფთა, უმეფობა ქართველთა და ლაშქართა აღმუთს წარსლგა თათართა თანა და უცალობა ქართველთა, შეკრბა სიმრავლე ფრიადი, კაცი ვითარ სამოცი ათასი, რომელთა მთავრად და ბატონად ჰყვა კაცი ვინმე სახელოვანი, სახელით ყარა-ხან. გამოეშართნეს ოკრებად საქართველოსა, და მოიწივნეს ქუეყანასა ვალაშკერტისასა, რომელი მას ქამსა ოდენ აღეღო შანშეს, და იწყო ოკრებად ვალაშკერტისა და რაქს იქით ქუეყანათა ვიდრე სურმანადმდე, რომელი-იგიცა ოდენ დაეპყრა შანშეს მანდატურთუხუცესსა. ამან ვითარ იხილა ოკრება, მოუწოდა სპათა თჳსთა და ავაგ

ათაბაგისათა, და შეკრბეს მკედარი ვითარ ოცდაათი ათასი, განვლეს რაქსი და მივიდეს ვალაშკერტს, სადა დაებანაკა ყარა-ხანს.

ვითარ მიეახლნეს, დააწყვეს რაზმი და მიეტევენს. ხოლო შანშე უპირატეს ყოველთასა მიეტევა, რომელმან ჰორლითა განგურბიმა სახელოვანი თურქი. იქმნა ომი ძლიერი და მოსწყუდა სიმრავლე ურიცხვ სპათაგან თურქთასა. ხოლო სპანი შანშესნი კეთილად დაცულ იყვნეს შეწყვნითა ძელისა ჭემმარბიტისათა, რომლისა მიმართ მინდობილ იყო.

და შენივთდა ომი, იძლია ყარა-ხან იგი, და სპა მისი ივლტოდეს. და დევნა-უყვეს ვიდრე ხლათამდე, მოსრეს და ტყუეყვეს სიმრავლე ურიცხვ, და აისავსნეს ცხენითა, ჯორითა და აქლემითა, კარვითა და ხარგითა, ალაფითა ურიცხვთა. ესრეთ სახელოვანი და გამარჯუებული მივიდა ანისსა, სახლსა და ტახტსა მისსა.

გარნა ვინათგან განითქმოდა ყოველგან უმეფობა საქართველოსა, აღიძრვოდეს ყოველნი ნათესავნი ოკრებად ქართველთა. მაშინ აღიძრნეს საბერძნეთს მყოფნი თურქნი და სულტანი ეზინკისა და სხუათა ქალაქთა შინა მყოფნი ამირანი, და შეკრბა სიმრავლე ურიცხვ, და წარმოემართნეს საქართველოს. ვითარ ესმა მყოფთა ტაოსთა, და შავშ-კლარჯთა, და კოლა-არტან-კარნიფორელთა, განკრთეს და წარმოავლინეს კაცი სამცხეს ყუარყუარე ციხისჯუარელ-ჯაყელთანა, რათა შეეწიოს. ხოლო მან მოუწოდა ყოველთა მესხთა ერისთავთა და ყოველთა ტაძრეულთა, და შეკრბა მკედარი, ვითარ ათი ათასი, და წარმოემართნეს. ხოლო იგინი მოსრულ იყვნეს და ბანას გარემოსდგომოდეს, რამეთუ ოლთისნი და ბუღათაყური ყოველი მათ აქუნდა. და აოკრებდეს ტაოსა. და წინამძღუარ ექმნა ყუარყუარე სპათა მესხთა და მოვიდეს თავსა კალმანისასა. ვითარ ესმა თურქთა მოსლვა მესხთა, აღიჭურნეს, რომელთა თავადნი იყვნეს ალთუ-ხან და ორ-ხან. აქათ მესხნი ჩავიდეს მინდორსა მას, რომელსა ეწოდების ავნიხვაკე. და შეკრბეს ურთიერთას, და იქმნა ომი ძლიერი და სასტიკი. და ბერძენნი და თურქნი, მინდობილნი სიმრავლისათუს, არა გარეუკუნნიქცოდეს. და ეგრეთვე მესხნი, მინდობილნი სიმცნიისანი არა უკუნნიქცეს, ძლიერად ბრძოდეს, რამეთუ კაცმან ვინმე აზნაურმან კაცსა ერთსა თურქსა მუზარადსა შინა

კრმლითა თავი გაუპო და მოკლა, და მეორესა ირ-ხანის მგებელსა, თავანსა ზურგსა უხეთქნა, გაკუეთა და ზურგნი განუწყვტნა, ვითარ მკუდარი დაეცა. და ესრეთ განგრძელდა ომი და ორგნითვე მოსწყდა ურიცხვ. იძლივნეს ბერძენნი და თურქნი და ივლტოდეს. აღიღეს ტყუე და იავარი ურიცხვ, ცხენი და ჯორი, აქლემი, კარვები, ყოველი სიმდიდრე, რომელი აქუნდა, და ესრეთ სავსენი და სახელოვანნი მივიდეს სამცხეს, და ესოდენ გამარჯუებულნი, რომელ ესევეითართა სპათა შინა არავინ მოიკლა სახელდებული კაცი. ხოლო ამას ომსა უწოდდენ ბანასჯარად, რომელ ესოდენსა სიმრავლისა მათისათჳს ეწოდა ბანასჯარი, რომელ ძალითა დაეტევნეს ბანას და ავნისვაკეს სიმრავლისათჳს.

ვითარ იქმნა ესე, ამან ერისთავმან, სამცხის სპასალარმან ყუარყუარე წარავლინა ძისწულნი თჳსნი ივანე, და უმრწამესი მისი სარგის, რომელსა ეწოდა პაპა. ორნივე, იყვნენ ძმანი ძლიერნი და მკნენი უმეტეს ყოველთა, წყობათა შინა უშიშნი და შემმართებელნი. და ბრძოდეს ოლთისთა და აღიღეს ოლთისნი და ბულთაყურის ციხე იგი ძლიერად განმაგრებული, ნაომარი ომთა დიდთა შინა. მართალ არს მოთხრობა.

ჟამთა ამათ შფოთთა შეკრბეს ყოველნი მთავარნი საქართველოსანი კოხტასთავსა, იმერნი და ამერნი: ეგარსლან, ცოტნე დადიანი, ვარამ გაგელი, ყუარყუარე, კუპარი შოთა, თორღაი, ჰერ-კახნი, ქართველნი, თორელ გამრეკელი, სარგის თმოგუელი, მესხნი, ტაოელნი, და ყოველნი იტყოდეს: „რაა ვყოთ? არღარა არს ნათესავი ქართველთა მეფეთა, რათა წინამძღუარ გუექმნას და ვბრძოდეთ თათართა. და ჩუენ ერთი ერთისაგან განდგომილ ვართ, ვერ წინააღუდგებით თათართა. და ივინი ბოროტად გუაჭირვებენ ესოდენ, რომელ ყოველთა წელთა აღმუთს წარვალთ ჭირთა და ყოველთა ბოროტთა შემთხუევად, არა არს ღონე. დაღათუ უმეფო ვართ, არამედ შევეკრბეთ და ვიბრძოდეთ თათართა“. დაამტკიცეს ომი და დადვეს პაემანი ქართლს შეკრებისა, და განიყარნეს. უშორეს მყოფნი აფხაზნი, დადიანი ცოტნე და ბედიანი, კაცი კეთილი და სრული საღმრთოთა და საკაცობოთა, და რაჭინ ერისთავი წარვიდეს კაზმაღ.

ვითარ ესმა თათართა ერთგან შეკრება ქართველთა, წაბრუნდეს ბიხო და ანგურაგ და მივიდეს კობტასთავსა. დახუ-
დეს ყოველნი წარჩინებულნი საქართველოსანი. რამეთუ
ლაშქარი გაყრილ იყო და ვერღარა წინააღუდგეს, წარასხნეს
ქუეყანასა ანისისასა და ადგილსა, რომელსა ეწოდების შირაკა-
ვანი. ვითარ მიიწივნეს ჩორმაღონ ნოინს წინაშე, ჰრქუა: „რა
არს შეკრება თქუენი, უკუეთუ არა იქმთ განდგომილებასა?“
ხოლო მთავარნი მიუგებდეს: „არა განდგომად შეგვრბით,
არამედ რათა განვაგოთ საქმე თქუენი და ხარკი განვიჩინოთ“,
რომელსა-იგი უწოდდეს ხარაჯად.

ესე რა ესმა, არა სრულიად ირწმუნა და ბრძანა განძრცვა
ყოველთა, მკართა შეკრვა ყოველთა, სიცხესა შინა შიშველთა
მუქლთა ზედა დასხდომა. და ყოველთა დღეთა ჰკითხვიდეს
მიზეზსა შეკრებისასა, და უკუეთუ არა აღიარონ, სიკუდილსა
მისცნენ ყოველნი ესე ზემოკსენებულნი მთავარნი. ხოლო
იგინი დაამტკიცებდეს: „რათა განვაჩინოთ ხარაჯა“. და ამას
ჰყოფდეს მრავალ დღე. რამეთუ არა არწმუნებდეს.

და ვითარ მოეახლა პაემანი, მივიდა დადიანიცა ცოტნე
ლაშქრითა მთასა დადოსა, შორის სამცხესა და გურიასა, რო-
მელ არს რკინისჯუარი. და ვითარ აუწყეს წარსხმა ყოველთა
მთავართა საქართველოსათა ანისად, და შეკრებილთა ყოფა
სატანჯველთა შინა ბოროტთა ვითარ ესმა, მწუხარე იქმნა
უზომოდ და თვსად სიკუდილად და სირცხვლად შერაცხა საქ-
მე იგი. და წარავლინა ლაშქარი თვსი და ორითა კაცითა წარ-
ვიდა ანისად, დამდები სულისა თვსისა და აღმსარებელი
მცნებისა უფლისასა, რომელი იტყუს: „უფროს ამისსა სიყუა-
რული არა არს, რათა დადვას კაცმან სული თვსი მოყუსისა
თვსისათუს“, რომელ ყო პატიოსანმანცა ამან კაცმან ცოტნე
სათნობეა მაღალი და განსათქმელი, საქმე საკურველი და ყოვ-
ლისა ქებისა ღირსი. განვლო სამცხე და ჯავახეთი და მივიდა
ანისსა.

რამეთუ ქალაქად შესრულ იყვნეს ნოინნი, ესე წარჩინე-
ბულნი მოედანსა შინა, დაკრულნი მკრითა, შიშველნი, მსხდო-
მარე იყვნეს. ვითარ იხილნა ცოტნე წარჩინებულნი, ესრეთ
უპატიოდ სიკუდილად განწირულნი, გარდაჯდა ჰუნისაგან, და
დააბნია სამოსელი თვსი, განშიშულდა და შეიკრა მკარი და
დაჯდა წარჩინებულთა თანა. და ვითარ იხილეს თათართა, გან-



კვრდეს და მსწრაფლ აუწყეს ნოინთა, ვითარმედ: „ცხრეულნი შეგაძინეთნა“ დადიანი მოვიდა ორითა კაცითა, და განიძარცუა სამოსელი თვისი და შეკრული დაჯდა ქართველთა თანა“. რამეთუ კეთილად მეცნიერნი იყვნეს ცოტნესი, რომლისათვის განკვრდეს თათარნი, და წინაშე მათსა ბიუწოდეს და ჰკითხვიდეს მიზეზსა მუნ მისლვისა მისისასა. ხოლო იგი ეტყოდა, ვითარმედ: „ჩუენ ყოველნი ამაღ შევიკრიბენით, რათა განვაგოთ ხარაჯა თქუენი და ბრძანება თქუენი აღვასრულოთ, ესე იყო შეკრება ჩუენი. აწ თქუენ ძვრისმოქმედთა თანა შეგურაცხენით, და მე ამის ძალითა მოვედ წინაშე თქუენსა. უკუეთუ მოიკითხო და ღირსი რამე სიკუდილისა უქმნა, მეცა ამათ თანა მოგვუდე, რამეთუ თვნიერ ჩემსა არა უქმნიეს: უკუეთუ ცხოვრდენ, მათ თანა ვიყო“. და ვითარ ესმა ესე ცოტნესაგან ნოინთა, განკვრდეს სათნოებისათვის და თქუეს: „ვინათგან ნათესავნი ქართველთანი ესოდენ კეთილ არიან, და არა განცრუვდებიან, რომელ აფხაზეთით მოვიდა კაცი, რათა დადევას სული თვისი მოყუარეთათვის, და არა განცრუვნეს, ესრეთ განწირა თავი თვისი სიკუდიდ, არა არს სიცრუვე მათ შინა, და ამის ძალითა უბრალო ვპოვებთ და განუტეოთ ყოველნი“. რქუეს ცოტნეს: „განდგომილება ვგონეთ თქუენ, ქართველთა, და აწ, ვინათგან ჰყავ სათნოება კეთილი, ყოველთა ქართველთა შენ მოგანიჭებთ, შენდა მონდობილ ვართ“. და განუშუენეს ყოველნი ესე წარჩინებულნი.

და განიყვნეს მთავარნი საქართველოსანი და წინააღმდეგომ იქმნეს ურთიერთას. მაშინ შეკრბეს დიდებულნი ამის სამეფოსანი, რამეთუ ეგულებოდა მთავარყოფა მათ ზედა ეგარსლანისი, არასაწუნოთა გუარითგან აღმოჩენილისა. ამისთვის შეკრბეს მთავარნი ამერის საქართველოსანი — შანშე, ვარამ გაგელი, ყუარყუარე ჭაყელი, სარგის თმოგუელი, კაცი მეცნიერი და ფილოსოფოსი და რიტორი, სურამელი გრიგოლ, ქართლის ერისთავი, გამრეკელი თორელი, ორბელნი, და მრავალნი ერისმთავარნი, და ძებნა-ყვეს ლაშას ძისა დავითისათვის. და ეუწყა ვიეთგანმე ვაჭართა, ვითარმედ ჭერეთ ცოცხალ არს, გარნა ბყრობილი ჭურღმულსა შინა ღრმასა გუელთა თანა მყოფობს. ვითარ ეუწყა, წარვიდეს ჩორმაღონს, იოსურს, ბიჩოს და ანგურაგს თანა, რამეთუ ჭერეთ ყაენი არა მოსრულ იყო ქუეყანასა ამას, არამედ ესე ზემოკსენებულნი ნოინნი

განაგებდეს ქუეყანათა, და მოაკსენეს: „ვინათგან წარავლინებოდა ესე ნეთ მეფე ჩუენი, ნარინ დავით, ყაენს წინაშე, და არა უწყით, რა შეემთხვა, და დედა მათი, რუსუდან, გარდაიცვალა, და არა არს ნათესავი მეფეთა, და ჩუენ ურთიერთას დაუმორჩილებელ ვართ, და არა ეგების, თუმცა დავემორჩილენით ვისმე, უკუეთუ არა იყოს ნათესავი მეფეთა. აწ გუასმიეს თუ, არს შვილი მეფისა ჩუენისა ლაშასი, სახელითა დავით, რომელი დაუტევა ძმამან დასა თვისსა, რუსუდანს, რათა იგი დაადგინოს მეფედ, ხოლო რუსუდან მეფემან წარავლინა საბერძნეთს, სულტანს თანა, რათა წარწყმიდოს. და გუასმია, რომე ცოცხალ არს, და პატიმრად ჰყავს. აწ გვედრებით, რათა წარავლინოთ ერთი ვინმე სახელოვანი კაცი და მოიყვანოთ დავით და მეფე-ჰყოთ ჩუენ ზედა“.

და ვითარ ესმა წინათა, განკვრდეს საქმისა მისთვის, რომელი ექმნა მეფესა რუსუდანს. და მსწრაფლ წარავლინეს ანგურად მოციქული, და ვარამ გაგელი და სარგის თმოგუელი. მცირედთა დღეთა მიიწიენეს საბერძნეთს სულტანს თანა, და აუწყეს, ვითარმედ: „დავითის ძებნად მოვსრულ ვართ, რათა მოგუტეთ და წარვიყვანოთ“. ხოლო იგი არღარა ჰგონებდეს სიცოცხლესა მისსა, და ეტყოდა, ვითარმედ: „ყრმა დავით წარმოველინა მეფესა ქართველთასა, რათა ექსორიავყო, და ძუელ ოდესმე ექსორიავყავ. აწ არს შუდი წელი, არა უწყი, ცოცხალ არს, ანუ მკუდარ“.

ხოლო მათ აუწყეს, ვითარმედ: „ჩუენ უწყით, რომე ცოცხალ არს, ჯურღმულსა შინა მყოფი გუელთა თანა“, რამეთუ სოსანს ასმოდა მისლვა მათი და ეხილნეს ვარამ და სარგის და ეუწყა სიცოცხლე დავითისი. ხოლო ვითარ ცნა სულტანმან, წარავლინა კაცი და გამოიყვანა დავით, კინდა სულიერ მყოფი, რამეთუ ვითარ უსულოდ რადმე, განყინულად ანუ მკუდრად მოძრავად საგონებელ იყო მხილველთა მიერ, და უცხო იყო სახილველად, რამეთუ ფერი პირისა მისისა დაყვთლებულ, და თმანი ვიდრე მსხვილბარკლამდე, და ფრჩხილნი ფრიად გრძელ. რომელ იხილეს, განკვრდეს სიცოცხლესა მისსა სულტანი, და ვარამ და სარგის დიდად ცრემლოოდეს. ხოლო სულტანი ლმობიერ იქმნა, განბანა და მრავალი ნიჭი მიანიჭა: შესამოსელი, ცხენნი რჩეულნი, ოქრო და ვეცხლი, ფრიად პატივ-სცა და შენდობასა ევედრებოდა. და ესრეთ

წარმოავლენა. და ვითარ მიიწივნეს საქართველოს, მიეგნენ ყოველნი წარჩინებულნი საქართველოსანი, შანშე და ძე მისი, ზაქარია ამირსპასალარი, კაცი სიკეთითა აღმატებული, ყურაყურე ჭაყელი, სურამელი გრიგოლ, ქართლის ერისთავი, ორბელინი, გამრეკელი, შოთა კუბარი, და ყოველნი მთავარნი, თუნიერ ევარსლანისა.

და წარვიდეს ნოინთა წინაშე. ხოლო მათ იხილეს და განიხარეს. მეფობა ვერ დაუმტკიცეს, არამედ წარავლინეს დიდსა ბათო ყაენისასა. და წარჰყვეს თანა შანშეს ძე ზაქარია, ვარამის ძე აღბულა და სარგის თმოგუელი. წარვიდეს ბათოს წინაშე.

ვითარ მიიწივნეს, კეთილად შეიწყნარა ბათო, შანშეს ძე ზაქარია და აღბულა თუჲად დაიჭირნა და მეფე დავით მანგუ ყაენს წინ წარავლინა. და წარჰყვა თანა სარგის თმოგუელი ყარაყურუმს. მიიწივნეს მანგუ ყაენს წინაშე, რომლისადა მიემცნო ბათოს, რათა განიხილოს და განბჰოს, რომელსადა ორთაგან დავითს ხუდებოდეს მეფობა, მას დაუმტკიცოს.

ხოლო მი-რა-იწივნეს, დახუდეს მანგუ ყაენისსა ნარინ დავით მეფე, ათაბაგი ავაგ, სურამელი, გურკლელი, ამირეჯიბა ბეშქენ. და ესრეთ მრავალ ქამ იყოფოდეს ხატაეთს და ყარაყურუმს.

მაშინ ინებეს თათართა ნოინთა, საქართველოს მყოფთა, მიყვანა სულტანისა ყიასდინისა წინაშე მათსა, და მოუწოდეს ელჩთა, მსწრაფლ წარავლინეს. ვითარ იხილეს სულტანი სიმდიდრითა უზომოთა და განსაკრთომელითა, ინებეს მისიდა წარვლენა ყაენს ბათოს თანა, და წარავლინეს იგიცა. და თუ სადა ვინ იყო კელმწიფე, დამორჩილებული მათი, ბათოსთან წარავლენდიან, და ბათო მანგუ ყაენს თანა წარავლინის, ვითარ ესე სულტანი ყიასდინცა წარავლინა მანგუ ყაენისასა. და იყოფოდეს ორნი იგი დავით და დავით, ყიასდინი, სულტანი საბერძნეთისა, ხლათისა სულტანი, და ათაბაგი ავაგ ხატაეთს და ყარაყურუმს, და დაყვენეს ვითარ ხუთისა წლისა ქამი.

ხოლო ამათ ქამთა იქმნა საქმე ესე. ამას მანგუ ყაენს ესხნეს ძენი ორნი: უხუტესი ვითარმე ყუბილ ყაენ, უმცირესი ულო, რომელსა ეჯანობითცა უწოდდეს. ამან მანგუ ყაენმან განაჩინა ყაენად პირმშო ძე თუსი, ყუბილ ყაენ, და უბრძანა ლაშქრობა დასავლეთით კერძო, ბაბილოვანსა, რომელ არს

ბაღდადი, და ეგვიპტისა და ყოვლისა დასავლეთისა კერძო ხოლო ულოს უბრძანა წარსლვა დიდთა ინდოეთად და განლაშქრობა. გარნა ძნელად აღუჩნდა ყუბილ ყაენს წარმოსლვა დასავლეთით, ულოს წარსლვა ინდოეთის კერძოთა. მაშინ ვევედრა ულო ძმასა, რათა განცვალონ ლაშქრობა და ულო დასავლეთით კერძო წარმოვიდეს და ყუბილ ყაენ — ინდოეთს. ვითარ ცნა ყუბილ ყაენმან, სიხარულით შეიწყნარა სიტყუა ულოსი და განცვალეს ლაშქრობა. და მოაცხენეს მანგუ ყაენს, მამასა მათსა, სალაშქროსა განცვალეზა და ულოსი ბაბილოვანს და ეგვიპტეს წარსლვა, რომელსა ნება-სცა მანცა. და მოუწოდა ძესა თუსსა ულოს და მისცა ლაშქარი ვითარ ექუსი ბევრი მკედარი დედაწულითა მათითა და ხუასტაგითა, და განაჩინა მკედართმთავრად, რომელთა-იგი ულუს-ნოინობით უწოდენ და აწ ბეგლარბეგად, სახელად ელგა ნოინ, ნათესავით ჯალაირი, კაცი პატიოსანი და სათნოებანი, სიმართლისმოქმედი. ამას მოსცა ვითარ მკედარი ოთი ათასი. წარვიდეს ულო და მკედართმთავარი მათი ელგა ნოინი, განვლეს თურანი და ჯეონი, მოიწივნეს ხუარასნ-ს არესა, და მიერ აღმუთს.

ვითარ მოიწივნეს ბრძოლად აღმუთისა, მოკუდა მანგუ ყაენი. და დასვეს ტახტსა მამისა მისისა ყუბილ ყაენი, რომელი მამასა მისსა დაედგინა ყაენად. და დარჩეს ყარაყურუმს ზემოკსენებულნი ესე კელმწიფენი, დავით და დავით, უცალოებისაგან თათართასა.

ხოლო ულო მოიწია ადარბადავანს მკედრით სამოცი ათასითა. ვითარ ცნეს ნოინთა ჩორმალონ, იოსურ, ბიჩო, ანგუ-რაგ, წარემართნეს მიგებებად ულოსა, და თანაწარიტანნეს ყოველნი წარჩინებულნი საქართველოსანი, და უმეტეს ეგარსლან, რომელსა, ვითარცა მეფესა, მორჩილებდეს ყოველნი მთავარნი საქართველოსანი. და მიეგებნეს ადარბადავანს. და შეკრბეს ორნივე თათარნი, პირველ მოსრულნი, რომელთა თამაჩობით უწოდეს, და ულო ყაენს თანა მოსრულნი.

და წარჩინებულნიცა საქართველოსანი მივიდეს ულოს წინაშე. ისილნა და კეთილად შეიწყნარნა, და აამკედრა, მათ თანავე მბრძოლად განაჩინა, და უბრძანა რომელსამე ულდაჩად, რომელ არს შეკრმლე, რომელსა არტყია კრმალი და კარსა ზედა მდგომარე არს; რომელსამე სუქურჩად, ესე იგი არს,

რომელსა საგრილობელად შექმნილი მრგვალი შესაკეცელი და გასაშლელი აქუნდა თავსა ზედა ყაენისასა, მაღალსა შესასა, ვითარცა ბუნსა დროშისასა ზედა განრთხომილი იყვის. ამას სუქურად სახელ-სდებდეს, და უკუეთუ არა ყაენთა ნათესავი იყვის, არავის კელ-ეწიფებოდა დაჩრდილება მათი; სხუათა ყუბჩაჩად, რომელთა აქუნდის ტანისამოსი და ალაქ-ბაშაქალი; სხუათა ეგვდანჩად, რომელ არიან კარისმცველნი მეკარენი; სხუათა ყორჩად, რომელთა აქუნდა მშულდ-ქარქაში. ესევეითართა უშუერითა პატივითა პატივ-სცა ყაენმან დიდთა ამით მთავართა საქართველოსათა და თუთეულსა პატივად განუჩინა.

და წარმოვიდეს ადგილსა, რომელსა ეწოდების ალატალი. და მივიდეს ყოველნი მორჩილნი წინაშე მისსა, და დაჯდა ტახტსა საკელმწიფოსა, და ილოცეს წესისაებრ მათისა და უწოდეს ყაენად. აქა იწყო ყაენობა ამით ზედა ულოსი.

რამეთუ პირველ ამით თამაჩთა ნოინთა ოთხთა მიერ განეგებოდა ქუეყანა საბრძანებელისა მათისა. პირველად რომგური, რომელ არს ხუარასანი, ერაყი, ადარბადაგანი, მოვაკანი და ბარდავი, შირვანი, საქართველო ყოველი, ხლათი და საბერძნეთი დიდი გიდრე ასიადმდე ამით ოთხთა ნოინთაგან განეგებოდა და მათი საურავი იყვის, ვითარ ქუელ ოდესმე შემდგომად სიკუდილისა რიმოსა, რომოსიონთა ქუეყანათა განეგებდეს ოთხნი იპატოსნი. და ვინათგან მოიწია ულო, იწყო საურავად ქუეყანათა და განაგებდა წესთა ყაენობისათა აღსრულებად.

მათვე ჟამთა წარმოავლინეს სხუათაცა ყაენთა შვილნი მათნი, რომელთა ქოუნ უწოდებიან: ბათო — ვიდრემე ტუთარ, ჩაღატა ყაენის შვილმან, ურყან, — ყული და თულის ნათესავისგან — ბალაღა, რათა ქუეყანა მათი წილხდომილი ყაენის შვილთა დაიპყრან და ხარაჯასა იგინი აღებდეს. და ოქოთა ყაენის შვილისშვილი, ყუბილ ყაენის ძმა, ულო, აქა დახუდა პირველ მოსრული.

ვითარ იხილა ულო სამნი ესე ქოუნნი, შეიწყნარნა და მისცა ქუეყანა ხუედრი მათი, და ესრეთ მშვიდობით იყოფოდეს.

ხოლო ქუეყანა სამეფო, საყდარნი და მცხეთა და მისი მიმდგომი ქუეყანა და მონასტერნი არავისაგან იცვებოდეს, რამეთუ წარჩინებულნი სამეფოსანი თუსისა ქუეყანისათუს ზრუნვიდეს. ამისთვის წარვიდა ულოს წინაშე კათალიკოზი ნი-

კოლოზ, მზილველი კაცი, ანგელოზთა მოზაძე, მრავალთა მო-
ღუაწებათა შინა საკურველი, მართლმადიდებელი, ძლიერი და
თულუხუხავად მამზილებელი მეფეთა და მთავართა, რამეთუ
იყო უმანკოცა, და არვის თულნი აუხუნის. იხილა რა ყაენ-
მან, განკურდა წესსა და ხილვასა შესახედავსა მისსა, რამეთუ
არა მეცნიერ იყო ნათესავსა ქართველთასა, თვნიერ არქუანთა,
და ვითარ პატივ-სცა, დაუწერეს იერლაცი, რომელ არს ბრძა-
ნება. შეუქმნეს და მოსცეს შანად ჭუარნი ოქროსანი და შე-
უქმუნა თულთა და მარგალიტითა, და უბოძა ერთი თუთ
კათალიკოზსა და ერთი — მოძღუარსა ვარძიისასა, რომელი
თანა-ჰყვა კათალიკოზსა. და არგანიცა იგი, ოქროთა შემკული,
მოანიჭა კათალიკოზსა ოდენ, ჭუარნი იგიცა. და ესრეთ პა-
ტივითა წარმოავლინეს, და დაიცვნა ყოველნი საყდარნი და
მონასტერნი.

ხოლო იყვნეს ორნივე დავით და დავით ყუბილ ყაენს წი-
ნაშე და იურვოდეს ორნივე მეფობასა. თმოგუელი სარგის
ძლიერად წინააღუდგებოდა თუთ ნარინ დავითს და რომელნი
მის წინაშე იყვნეს, თანაზრდილნი მისნი, რამეთუ იტყოდეს:
„არა ჯერ-არს, რათამცა ნაშობმან დედაკაცისამან დაიპყრას
მეფობა და არა ძემან თუთმპყრობელისა მეფისა მამაკაცისა-
მან“. ხოლო იგინი მიუგებდეს, ვითარმედ: „დაღათუ ნარინ
დავით დედაკაცისა ნაშობი არს, არამედ მეფე იყო გურგუნი-
სანი რუსუდან, ძმისა მისისა გიორგისაგან დატევებული, და
მეფისავე ძე არს ნარინ დავით“. და ვითარ განგრძელდა ცი-
ლობა, ავაგ ამირსპასალარი წარმოავლინეს და მისცეს იერ-
ლაცი შეწყალებისა, და ქალი ქმნულკეთილი, ნათესავი წარჩი-
ნებულთა, სახელით ესლომ, და ელჩი ულოს ყაენს თანა, რა-
თა კეთილად შეიწყნაროს ავაგ. და ესრეთ მოიწია ულო ყაენს
წინაშე, ხოლო მან პატივითა შეიტკბო და წარმოავლინა სა-
ქართველოს, მამულსა თუსსა.

და ვითარ ცნეს ქართველთა მოსლვა ავაგისი, ამირსპასა-
ლარისა, წინამოეგებნეს ყოველნი მთავარნი და წარჩინებულ-
ნი, თუთ შანშე და ეგარსლან, რომელსა კნინდადა სახელიცა
მეფობისა ეპყრა. და ვითარ მიეახლა ავაგ, ჰგონებდა ჰუნისა-
გან გარდამოკდომად და ეგრეთ ხილვად ეგარსლანისაგან. ხო-
ლო იგი განლაღებულ იყო, არა ინება წესისაებრ პატივით
ხილვა და ამბორის-ყოფად ავაგისა. და ვითარ იხილა ავაგ,



განძენდა, თავსა მათრაკითა უხეტქნა და უბრძანა მის დაწესებულთა, რათა ცხენსაგან უპატიოდ დაამკუთან ქუეყანად, და ყვესცა ეგრეთ, პატივისაგან უპატიო-ყვეს და განძრცული განაძეს, და მიერთგან უპატიო იქმნა. და ესრეთ გაზაგდეს შანშე და ავაგ და თავადთა საქართველოსა.

ხოლო ჩუენ პირველივე სიტყუა მოვიცენით. და ვითარ ცილობა იყო მეფეთა შორის და არა განეჩინეს ყუბილ ყაენს, თუ რომლისა იყოს მეფობა, ამისთვის დაშთეს მრავალთა წულთა ყარაყურუმს. ხოლო სულტანი ყიასდინი და ხლათელი წარმოავლინეს ავაგსავე თანა, და მივიდეს სახლსა სამეფოდ მათდა, და ვითარ განგრძელდა ყოფა ყარაყურუმს და ხატაეთს ორთავე მეფეთა, მაშინ ინება ყაენმან ყუბილმან, წარმოავლინა ორნივე მეფენი ძმასა მისსა ულოს თანა, და მიუმცნო ესრეთ, რათა, უკუეთუ სთნდეს, ორთავე მისცეს მეფობა, რომელ ყოცა ულო უკანასკნელ. და ესრეთ მოიწივნეს ულოს წინაშე, რომელი იხილა და შეიწყნარა, და ორთავე მეფობა დაუმტკიცა და მისცა ყოველი სამეფო მათი.

და ვითარ ესმა ქართველთა მოსლვა მეფეთა, უზომოთა სიხარულითა აღვსებულნი წინმიეგებნეს ალატალს იმერნი და ამერნი წარჩინებულნი, და იყო სიხარული და მადლობა ღმრთისა. ვითარ დაყვეს მცირედი ეამი ულო ყაენს წინაშე, წარმოავლინა ქართლს, და მოვიდეს ტფილისს სიხარულითა. და შეკრბეს კათალიკოზისა თანა ყოველნი ეპისკოპოზნი და ყოველნი მთავარნი და ერისთავნი, დასხდეს ტახტსა მამათა მათთასა ტფილისს დავით და დავით, — ორნივე.

ხოლო მოწივნულ არს ესეცა სიტყუა, რომელ სხუა ვინმე ყოველთა აღმწერელი იტყვს, ვითარმედ: ყარაყურუმს ყოფასა ორთავე მეფეთასა გუიუქ ყაენმან ესრეთ გაბჭო. რომე მეფობა ლაშას ძესა დაუმტკიცონ, და ესრეთ წარმოავლინა, და რუსუდანისა ძე, დავით, მაშინვე ლტოლვილი ღამით განიპარა და წარვიდა აფხაზეთს. და მე არა შევიწყნარებ ამას. პირველად უწყოდეთ, რომელ გუიუქ ყაენსა მას არა გაეყო, და არც მანგუ ყაენს, ყუბილის და ულოს მამასა, და მეფობა ორთავე მანგუ ყაენის შვილმან, ყუბილ ყაენმან, მოსცა და ულო ყაენისა წარმოავლინა, და მანცა ორთავე დაუმტკიცა მეფობა.

და ორნი დასხდეს ტახტსა ზედა და აზომ, რომელ მრავალი სიგელი იპოვების და თვთ მე მინახავს, რომელ სიგლისა თესსა სწყნრია: „მეფენი ბავრატოანნი“, და „ნებით ღთისათა, დავით და დავით“, და კელიცა ორთავესი რთავს: „ჩემ დავითისგან მტკიცე, და ჩემ დავითისგანცა მტკიცე არს“. ხოლო დასხდეს ორნივე მტკიცედ მეფედ, ვითარ ვთქუ, რომლისათჳს საუჭუველ იქმნა შანშესგან ლაშას ძისა დავითის სიყუარული, და ავაგისგან რუხუდანის ძისა დავითის მამდგომობა. და ვერ განაცხადეს, რამეთუ ორნივე, დავით და დავით, სიყუარულსა ზედა ეგნეს და არა წინააღუდგებოდეს ერთმანერთსა. და მორჩილობდეს ყაენსა ულოს და ხარაჯას მისცემდეს. ხოლო უპირატესი პატივი და ზემოჯდომა ლაშას ძესა, დავითს, ეპყრა ლაშას ძეობისათჳს, დაღაცათუ უხუცესობისათჳს.

ვინათგან თათარნი არა დამშუდნეს ყოველთა ნათესავთა სრვად და ოკრებად, და თანამებრძოლ აქუნდეს ქართველნი წყობათა შინა სიმჯნისა მათისათჳს, ამისთვის დიდსა ჳირსა შინა იყვნეს მეფენი და მთავარნი. დაუცხრომლად ებრძოდეს ურჩთა, და უმეტეს აღმუთს მყოფთა. რამეთუ შუდისა წლისა ყამთა განგრძელდა ბრძოლისა ყოფა მათი, ამისთვის წარავლინა ულოცა ნოინნი და მათ თანა მეფე გიორგის ძე, დავით, ქართველთა სპითა, რათა ბრძოდეს აღმუთს. ხოლო იგინი, ამისნი მცნობელნი, მრავალთა ომთა მიერ შეიწრებულნი, ყოველისა ღონისძიებისაგან უღონოქმნილნი, ივლტოდეს ეგვაბტედ, რომელ არს მისრი, რამეთუ აღიდეს დედაწული და ხუასტაგი და ყოველი სიმდიდრე მათი, და მუნ დაამკვდრნა სულტანმან მისრეთისამან. და აწ რომელ მუღლიდნი მისრეთით გამოვლენ, აგოვე აღმუთელნი არიან, მუნ დამკვდრებულნი.

და ესრეთ რა კელთ-იგდო ულო აღმუთი და ყოველი ხუარასანი, ინება ამკვდრება ყოველთა ნათესავთა ურჩთა, და მოსრკვიდა კაცთა ესოდენ, რომელ ათორმეტი დღე ოდენ დაყვეს ერთსა სადგურსა ზედა ამისთვის, რომე მოკლულითა კაცი-თა აღყროლდის ადგილი იგი, რომელ ღვის. ხოლო უმეტეს სპარსთა მოსწყუედდის, რამეთუ საძაველ-უჩნდის სჯული მუსულმანთა. ხოლო ამას თანა აქუნდა სამართალი განმკითხველობისა.

ამას ულოსა თანა იყვნან მარადის მეფენი ორნივე, დავით და დავით. ხოლო იყო ესე ლაშას ძე დავით ტანითა დიდ და

ახოვან და სხულ, და მოისარი მაგრითა მშულდითა, წრფელ, მალემრწმენ, შემნდობელ ბოროტისმყოფთა. და რუსუდანის ძე დავით იყო ტანითა ზომიერ და თხელ, ფერითა ფეროვან და შვენიერ, და თმითა თხელ, ფერჯითა მალე, მონადირე რჩეული და კეთილად მსროლელი ნადირთა, ენატკბილ და სიტყვერ, უხუ და მდაბალ, ცხენსა ზედა მკნე, და ლაშქრობათა შინა გამგონე და სამართლისმოქმედ, უმეტესობის მოლუაწე. ესენი უმრავლესსა ქამსა ულოს ყაენს წინაშე იყვნენ. და ულო ლაშას ძისა დავითისათვის უმეტეს მოყუარული იყო და რუსუდანის ძისა დავითისთვის მოძულე. ხოლო ვითარ იყო რუსუდანის ძე ალატაღს ულოს წინაშე, დაიპყრეს და წარმოავლინეს საზამთროსა ადგილსა ბარდავს. და ვითარ მოიწივნეს ნახჭევანს, მიერ წარვიდეს დავით რუსუდანის ძე სამითა ოდენ კაცითა, რომელ იყო გურკლელი, და ამირეჯიბი, და სურამელი ბეგაი, რომელსა თათარნი სალინ-ბეგობით უკმობდეს, ესე იგი არს კარგი ბეგაი, წარვიდა აფხაზეთს, ჩამეთუ ლაშას ძე დავით ტფილისს იყო მას ქამსა. და ვითარ მოიწია ნარინ დავით ქუეყანად ავაგ ათაბაგისა შეურაცხითა შესამოსლითა, იხილა იგი მომავალი ნადირობას მყოფმან სუმბატ ორბელმან.

რამეთუ მოწყუედასა მას ორბელთასა მეფისა მიერ ლტოლვილი წარსრულ იყო ნახჭევანს, სახელითა ლიპარიტ. ესე მოიწია ქუეყანად ელიგუნისად. ხოლო ელიგუნ იხილა რა ლიპარიტ ორბელი, სიძედ შეიყვანა და ასული თუსი აქორწინა, რომელმან შვნა ორნი ძენი, რომელსა უწოდეს ერთსა ელიგუნ და მეორესა სუმბატ. და შვილად მიიყვანა ელიგუნ სუმბატ. ამის სუმბატის შვილმან შვილისამან, სუმბატ, შეიმთხვა დავით და წარიყვანა სახლად თვსად. ხოლო დავით ევედრა სუმბატს, რათა არა განაცხადოს, და წარავლინოს აფხაზეთს, და თუალიცა მისცა იგი სახელოვანი, რომელი წარეტანებინა დედასა მათსა რუსუდანს. და წარმოავლინა უნდოთავე შესამოსლითა შიშისათვის თათართასა. და მოიწია თორს, ლიპარიტ თორელისასა, რომელსა დევისყურცა ეწოდებოდა. და მან უძღუნა ცხენი და შესამოსელი, წარჰყვა ქუთათისს. ხოლო ვითარ ცნეს აფხაზთა, სუანთა, დადიანმან ბედიანმან, რაჴის ერისთავმან და სრულიად ლიხთიმერელთა, შემოკრბეს სიხა-



რუღლითა დიდითა და მეფე-ყვეს დავით აფხაზთა ვიდრე ლიხთა
თამდე.

და აქა შინა შეიქმნა სამეფო ესე ორ სამთავროდ, გარნა
ეგრეთცა იყვნეს სიყუარულსა ზედა ერთმანეთისასა დავით
და დავით. და დარჩა ლიხთსაქათი ლაშას ძესა დავითს, და
ლიხთიმერი რუსუდანის ძესა. და მოიწყო ყოველი ქუეყანა,
და მოიგო სიმდიდრე უზომო, და წარმართა სახლი სამეფო
კეთილად, და მონებდა ცაენსა.

მაშინ წარმოავლინა ელჩი დიდმან ყაენმან ბათო, რომელ-
სა ეპყრა ყიფჩაყეთი და ოვსეთი, ხაზარეთი, რუსეთი, ბორღა-
ლეთი ვიდრე სერბეთამდე, დარუბანდამდე და ხატაეთამდე,
და მოუწოდა მეფესა დავითს. და წარვიდა წინაშე ბათოსა
მეფე დავით ნიჭითა უზომოთა, და დაუტევა განმგებელად
სახლისა სამეფოსა დედოფალი ჯიგდა-ხათუნ და მესტუმრე
ჯიჭური, რამეთუ იყო ესე ჯიჭური ერთგული მეფეთა უმეტეს
ყოველთა კაცთა, რამეთუ სრულიად სამეფოსა შინა მპარაფი
და ავაზაკი არ იპოებოდა, და თუ სადა გაჩნდის, ძელსა ჩა-
მოჰკიდინ; და სხუად არაა ნიჭთა მქონებელი. ესე განდიდნა
მეფისა დავითის მიერ დიდად ერთგულობისათჳს, ჳელთ-უღვა
სამეფოსა და სახლისა განგება, და დაუტევა ტფილისს დე-
დოფლისა წინაშე, რომელმან აღაშენა ისანთა პალატი განგე-
ბათა დიდითა, და ფხოველი მოხარკე-ყვნა და მეჯორედ ყვნა
კაცნი იგი მკეციისა ბუნებანი.

და წარვიდა მეფე წინაშე ბათოსა, პატივითა შეიწყნარა
და ყოველი სათხოველი აღუსრულა. და იყოფოდა მეფე წინა-
შე ბათოსა ქამთა მრავალთა. და თვთეული თემისთემისა ადგი-
ლი თვთეულსა კაცსა შევედრის, რომლისათჳს კახეთიცა პან-
კელსა თორღულსა შევედრა, და ამცნო, რათა ბრძანებასა დე-
დოფლისასა ერჩიდეს. ჰგონა თორღულამან არღარა მოსლვა მე-
ფისა. უკუდგა პანკისსა ციხესა, თჳსად დაიჭირა კახეთი, არღა-
რა მორჩილდებოდა დედოფალსა და მესტუმრესა ჯიჭურსა.

მაშინ შეიწყალა ყაენმან მეფე დავით და მოსცა სუქტური
საჩრდილობელი, რომელი სხუასა არავის აქუნდის, თჳნიერ
ყაენტა და ნათესავსა მათსა. და მოუმცნო ულოს, რათა
თჳნიერ ულუსისა ნოინისა კიდე ურდოს შესლვასა მეფისა
ზედათ არავინ დადგებოდის, რამეთუ ესე იყო წესი თათართა,
რომელ ყაენს წინაშე არავინ დაჯდებოდის, არცა პურისქამასა



შენა. ესრეთ პატრე-შტა მეფესა და წარმოავლინა საქართველოში
ქართლად. და ვითარ მოიწია ჰერეთს, მიეგებნეს ყოველნი
წარჩინებულნი სამეფოსა მისისანი. ხოლო თორღუა შემინე-
ბული უკუდგა პანკისს. და მეფე მოიწია ტფილისს და იყო
სიხარული ყოველთა მკუდრთა საქართველოსა. ხოლო თორ-
ღუას მოუწოდა მეფემან დავით, და არა მოვიდა კარად მეფე-
სა შიშისათჳს. და მრავალჯერ უწოდა, და ვერ ეძლო გულ-
ბურობად მოსლვად. მაშინ განზრახვითა ჯიქურისათა წარვიდა
ხორნაბუჯელი, მივიდა თორღუას სახლსა, რათა მას მიენდოს
ფიცითა მტკიცითა. ხოლო თორღუამან რქუა: „წარვალ ალა-
ვერდს გიორგის წინაშე, და მუნ შემომფიცე და მუნ მიმინ-
დევ“. და წარვიდეს ორნივე, და თორღუა გამოემა ფესუსა
სამოსლისა ალავერდისა მთავარმოწამისასა. და მივიდა ხორ-
ნაბუჯელიცა, შეჭფიცა და გამოქსნა ფესუსაგან. ხოლო თორ-
ღუამან რქუა: „რა-იგი ჰყო ჩემ ზედა, ამა წმიდამა გიორგი
გიყოს შენ, რამეთუ მარტო ვარ და სიკუდილითა ჩემითა უმ-
კდრო იქმნების მამული ჩემი, და ეგრეთვე უმკუდრო-ყოწ
წმიდამა მთავარმოწამემან სახლი შენი“. და წარმოიყვანა
ხორნაბუჯელმან, ფიცთა მტკიცეთა მიერ შეკრულმან, ტა-
ბაკმელას, და შეურაცხ-ყო აღთქმა და ფიცი იგი, და შეიპყრა
ჯიქურმან განზრახვითა დედოფლისათა, თსნიერ მეფისა ცნო-
ბისა, და წარიყვანეს კლდეკართა და გარდმოაგდეს.

ხოლო ვითარ მიეგო ბოროტი ხორნაბუჯელსა ალავერდის
მთავარმოწამისა აღთქმისა და ფიცის გატეხისათჳს, იხილეთ,
რამეთუ ესუა შვილი ხორნაბუჯელსა, სახელით შალვა, სიკე-
თელმატებული. ამას შალვას ესხნეს შვილნი და მყის დაი-
კოცნეს, და ეგრეთ ბერი ხორნაბუჯელი მოკუდა მწუხარები-
თა, და ხედავთ უმკუდრობანსა სახლისა მისისა. და დარჩა მათი
შვილი, სახელით შალვა, რომელი უკანასკნელ თათართა მიერ
მოიკლა, და უმკუდრო იქმნა სახლი მისი. და ესრეთ შური იყო
ალავერდისა მთავარმოწამემან.

ხოლო ვითარ მოიწყო დავით მეფემან სამეფო, წარვიდა
ყაენს ულოს წინაშე ნიჭითა დიდითა, რომელი იხილა რა ულო
ყაენმან, პატივითა შეიწყნარა, და ნოინთა თანა დააწესა წი-
ნასადგომად და ჯდომად, და განმკითხველად და ბჭედ.

ამათ ყამთა ინიბა ულო ყაენმან აღმკედრება ბაბილოვანს
ზედა, რომელ არს ბაღდადი, და კელმწიფესა ბაბილოვნელთა-

სა ხალიფას ზედა. და მოუწოდა ყოველთა სპათა მისთა და წარემართა ბაღდადს ბრძოლისა ყოფად ხალიფასა. მივიდა ქუეყანასა ბაბილოვნისასა, და ვერ წინააღუდგა ხალიფა, არამედ შეივლტოდა ბაღდადს. ხოლო ყაენი გარემოადგა და მოიკვა იგი. ერთკერძო თვთ ყაენი მოადგა წყალს აქეთ, და წყალს იქით ელგა ნოინი, და ერთკერძო მეფე დავით, რამეთუ მის წინაშე იყვნეს ყოველნი წარჩინებულნი საქართველოსანი, და ბრძოდეს ძლიერად არა მრავალთა დღეთა, არამედ ათორმეტ დღე, აღიღეს ბაღდადი.

მეფემან დავით უბრძანა ლაშქართა მისთა, რათა შეთხარონ ზღუდეთა ქუეშე. და შეთხარეს, ზღუდესა შიგან შევიდეს ქართველნი და იქმნა ძლიერი ბრძოლა. და მოსრვიდეს სპათა ბაღდადელთა, და შიში ფრიადი აქუნდა ბაღდადელთა. და ესრეთ განუხუნეს კარნი ქალაქისანი ქართველთა და თათარნი შევიდეს. ამისი მცნობელი ხალიფა, რომელ შევიდეს ქალაქად თათარნი, ივლტოდა ნავითა წყალსა მას ზედა, რომელი ქალაქსა სდის. იხილა ელგა ნოინმან, რომელი იყო წყალსა იმიერ კერძო, მოუკვა, და ვერ უძლო წარსვლად, უკუნეცკა პალატად თესად. ესრეთ ადვილად რა კელთ-იგდეს სახელგანთქმული იგი ქალაქი ბაბილოვანი, ვინმე მოუთხრნეს განსაცდელნი და ჭირნი, რომელ მოიწივნეს ბაღდადს ზედა? მოსრნეს მახულითა ესეოდენი სიმრავლე, რომელ არა იყო რიცხვ, სავსე იყვნეს უბანნი, ფოლოცნი და სახლნი მკუდართა მიერ. ხოლო სიმდიდრისა და ალაფისა, მაშინ პოვნილთა, ვინმე მიუთხრნეს? რამეთუ აღივსნეს თათარნი და ქართველნი ოქროთა, ვეცხლითა, თუალითა, მარგალიტითა პატიოსნითა, ლარითა და შესამოსლითა, სამსახურებელი ჭურჭელითა ოქროსა და ვეცხლისათა, რომელ არავინ აღიღებდა თვნიერ ოქროსა და ვეცხლსა, თუალსა და მარგალიტსა, და შესამოსელთაგან კიდე. სხუანი ჭურჭელნი, ჩინეთით და ქაშანით მოხმულნი და მუნ შექმნილნი, სპილენძი და რკინა უპატიოდ იბნეოდა. და ესრეთ აღივსნეს ლაშქარნი, რომელ უნავირნი და კურდანი, და ყოველი შეუტაცხი სამსახურებელი თუალითა და მარგალიტითა და წითლითა ოქროთა განტენიან, და ზოგთა ვრმალთა ვადისპირსა მოსტეხდიან და ქარქაშნი წითლითა განტენიან და ზედ ნატეხნი ვრმლისა ჩააგნიან. ზოგთა მკუდარი კაცი ბაღდადელი გამოწლიან და წითლითა ოქროთა,



და თუალითა და მარგალიტითა განტენიან და, ვითარ მკუდარი, განიყვანიან გარეშე ქალაქსა. და ესრეთ აოკრებდეს და ჰკოცდეს და ტყუე-პყოფდეს.

მიიწინეს პალატად ხალიფისა, გამოიყვანეს ხალიფა და ძე მისი, და ყოველი სიმდიდრე ძისი განსაკვირვებელი, და მოიყვანეს წინაშე ყაენის ულოსა. და ვითარცა წარადგინეს წინაშე მისსა, ეტყოდეს ხალიფას, რათა თაყუანი-სცეს ყაენსა. ხოლო მან არა თავს-იდვა, დადგა და ეტყოდა: „კელმწიფე ვარ თვთმპყრობელი და მონებასა ქუეშე არავის მყოფი. უკუეთუ განმიუტეო, დაგემორჩილები, და თუ არა განმიტეოთ, არღარავის მონებასა ქუეშე მყოფი მოგკუდები“. ხოლო იგი იძულებდეს თაყუანის-ცემად. გამოუხუნიან ფერკნი მისნი და პირადმართ დაეცის, და არა თაყუანი-სცა. ბრძანა განყვანება გარე და წარავლინა ელგა ნოინი, რათა მოკლან ხალიფა და შვილი მისი. ვითარ რქუა ხალიფას, „ყაენმან შეგიწყალა“, მხიარულ იქმნეს და ეტყოდა: „ვითარ შემიწყალებს, განმიტეოს და ბაბილოვანივე მომცეს“. ხოლო ელგა ნოინმან რქუა: „არა. არამედ ყაენი თუთ მისითა კელითა და კრმლითა მოგაკუდინებს, და ყაენის შვილი აბაღა შენსა შვილსა მოჰკლავს“. და ხალიფა განკვრეგებული ეტყოდა: „უკუეთუ მომკლავთ, გინებს, ძალმან, და გინებს, კაცმან მომკლას“. და ესრეთ მოიკლა ხალიფა ყოველითა სახლეულითა მისითა. და შეიწყალნეს დაშთომილნი ბაღდადეღნი, და ბრძანა შენება, და დაყარნეს შანანი. და ესრეთ საგსენი ტყუე-ალაფითა მივიდეს სადგურს.

ამათ ქამთა შინა იქმნა ესეცა, რამეთუ ყაენმან ბათო, რომელ უდიდეს იყო ყოველთა ყაენთა, ინება განსწორება და აღთუალფა ყოველისა ქუეყანისა, და პოვა კაცი ვინმე, ნათესავით ოირადი, სახელით არლუნ. სამართლისმოქმედი და მართლისმეტყუელი, და ღრმად გამგონე, და განმზრახი რჩეული. ესე წარავლინა ყოველსა საბრძანებელსა მას მისსა რუსეთს, ხაზარეთს, ოვსეთს, ყივჩაყეთს, ვიდრე ბნელეთამდე, და აღმოსავლით ვიდრე ჩინეთამდე და ხატაეთამდე, რათა აღთუალოს და განაჩინოს მკედარი და მეომარი ლაშქრად განმავალი ნოინთა თანა, დიდთა და მცირეთა, ღირსებისაებრ მათისა ულუფა, რომელ არს ძლუენი მიმავალთა გზად, ქირა ცხენისა და საპალნისა.

ვითარ განაჩინა საბრძანებელსა ბათოსსა, მიერ წარავლინა ყარაყურუმს ყუბილ ყაენს წინაშე, რათა მანცა ესრეთ განაჩინოს კელსა ქუეშე არღუნისასა. და მი-რა-იწია ყუბილ ყაენს წინაშე, ინება მანცა ესრეთ ქმნად და წარავლინა იგივე არღუნ განგებად საბრძანებელისა მათისა. და განუწესა იგივე წესი და მივიდა ტახტსა ჩაღატა ყაენისასა და ურყანს წინაშე. ინება მანცა და განაწესეს თურანს, და განაგო მანდაური ყოველი. და გამოვლო ჯეონი და მოვიდა ხუარასანს, ერაყს და ყოველსა რომგურსა, და განაგო ესრეთვე.

და მოიწია ყაენს ულოს წინაშე, და მან პატივითა შეიწყნარა და წარმოავლინა საქართველოს, მეფეს დავითს წინაშე, და საბერძნეთად, და ყოველსა საბრძანებელსა მათსა ზედა, განაჩინა აღწერად და განგებად. და ვითარცა მოიწია საქართველოსა, დიდსა ჭირსა მიეცნეს ყოველნი მკვდრნი სამეფოსა დავითისნი. და იწყეს აღწერად კაცითგან და პირუტყუთამდე, ყანით ვენჯამდე, წალკოტით ბოსტნამდე. და ცხრასა გლეხსა, სრულისა მიწისა მქონებელსა, ერთი ლაშქარს წარმავალი კაცი შეაგდიან. და გამოკდა სამეფოსაგან დავითისა ცხრა დუმანი მკედარი თათართა თანა წარმავალი, რომელ არს ცხრა ბევრი. და განაწესეს ძღუენი სოფლისაგან ათასისა მკედრისა მთავარსა კრავი ერთი და დრაჰკანი ერთი, ხოლო ბევრისა მთავარსა ცხოვარი ერთი და დრაჰკანი ორი, და მიზდი ცხენისა თერთი სამი, — დღისა ერთისა. და ესრეთ განუწესა და წარვიდა საბერძნეთს და ბაღდადს და ყოველგან.

ამან არღუნ განაწესა, რა-იგი ჯერ-იყო, ოთხსავე საყაენოსა შინა, რამეთუ იყო კაცი ესე სამართლისმოქმედი. ხოლო ხუცესთა და მონაზონთა და საეკლესიოთა განწესებათა არა შეაგდო საზღავი, არცა ყალანი, ეგრეთვე შეიხთა და დავრიშთა, და ყოვლისა სჯულისა კაცნი, საღმრთოდ განჩენილნი, განათავისუფლნა.

და მას ჟამსა ინება ყაენმან ულო აღმკედრება ეგვპტეს ზედა, და მოუწოდა მეფესა ყოვლითა სპითა მისითა, და წარვიდა ბრძოლად სულტნისა. და მიიწია შუამდინარედ, და იწყო ოკრებად ყოველსა შუამდინარესა და შამსა. და ვითარ ესმა სულტანსა ეგვპტისასა, აღმკედრდა წინაგანწყობად თათართა და მოიწია მდინარესა ზედა ევფრატსა ყოვლით

მკედრებით მისით. და მივიდეს თათარნი და განვლეს მდინარისა პირსა მდინარისასა. და წინამოეგებნეს, სულტანი წინა განეწყო და იქმნა ომი ძლიერი, სადა-იგი დავით მეფე და სპანი მისნი წინაბრძოლობდეს ძლიერად. და მოსწყდეს ორგნითვე, და ივლტოდეს მეგვრეტელნი, ხოლო ერი მრავალი მოსწყდა სულტნისა. და ესრეთ ყაენმან დაიბანაკა მრავალ დღე პირსა ევფრატისასა, სადა-იგი იხილა ქალაქი მცირე მდინარესა ზედა ევფრატისასა, ძლიერად განმაგრებული, რომელ ერთკერძო კლდე იყო და ერთკერძო მდინარისა ევფრატისა მიერ შეცვული. და ვითარ იხილა ყაენმან სიმაგრე ქალაქისა, უღონო იქმნა ბრძოლად, გარნა მოიგონა საქმე საკვრველი, რამეთუ ეტყოდა მის ქუეშე დაწესებულთა: „არა არს ღონისძიება ბრძოლისა ყოფად ქალაქისა. მნებავს, რათა აღმკედრდეთ და გარემოვიცვათ ქალაქი და, ვითარ ძალთა, ვიწყოთ ყუილი და ყვირილი“. და ვითარცა ესმა ესე, განკვრდეს, და აღმკედრდეს და, ვითარცა ძალთა, იყუველეს. და რა მიიწია კმა ესე ქალაქად, იქმნა საქმე საკვრველი, რამეთუ განსქდა ქალაქი ორად, ნახევარი წარიტყა კლდითურთ წყლისაკენ და მოისპო სული ურიცხვ. ესრეთ კელთ-იგდო და წარვიდა შამად და შუამდინარედ. და მოეგებნეს ყოველნი მკვდრნი შუამდინარისანი და შამისანი, სავსენი ურიცხვთა ძღუნითა.

ხოლო მეფე დავით და ქართველნი იაჯდეს ყაენისაგან წარმოსლვასა, რამეთუ მრავლით ეამითგან იყვნეს ლაშქრობათა შინა. მაშინ ყაენმან ულო მისცა თავისუფლება და წარმოემართნეს, და ესრეთ სავსენი ურიცხვთა ნიჭითა და ალაფითა გამდიდრებულნი მეფე დავით და ქართველნი მოიწივნეს ადარბადავანს და მუნით მოვიდეს ტფილისს, სავსენი სიხარულითა.

ამათ ეამთა შინა მწუხარე იყვნეს წარჩინებულნი მეფისანი, რამეთუ ჯიგდამან არა შვა შვილი. ამისთვის ინება მეფემან მოყვანება შვილიერების ძლით ალთუნ, ნათესავით ოესი, მეუღლედ, აღმთქმელმან, უკუეთუ მიეცეს ყრმაწული, არღარა შეიწყნაროს, არამედ განუტეოს. და ვითარ გამოჰდა მცირე ეამი, მუცლად-ილო ალთუნ ძე და შვა, და უწოდეს სახელი გიორგი, რომელი აღიქუა და შეიყვანა შვილად დედოფალმან ჯიგდა-ხათუნ. და შემდგომად მცირედისა მიუდგა და შვა ასუ-

ლი, და უწოდა სახელი თამარ. და აქა შინა განიშორა საყუარელი თვისი ალთუნ, ნათესავით ოვსი, რომელი ფრიად ქმნულკეთილი იყო. და შემდგომად მცირედისა გარდაიცვალა დედოფალი ჯიგდა-ხათუნ, და წარიყვანეს სამარხოსა დედოფალთასა მცხეთას, და დაკრძალეს.

მას ჟამსა წარვიდა მეფე დავით ულო ყაენს წინაშე მუღანს, რამეთუ იგი აქუნდა სადგურად საზამთროდ, და მიერ წარმოჰყვა სადგურსა საზაფხულოსა, და მუღნით წარმოავლინა მეფე ქართლად, რათა მზა იყოს ლაშქრად ეგვიპტესა, რომელ არს მისრეთი. და შემოიარა ქუეყანა ავაგ ათაბაგისა. ივანე ათაბაგის ძისა, რამეთუ მას ჟამსა გარდაცვალებულ იყო ავაგ, და არა დაშთა ყრმაწული, არამედ ქალი ერთი, სახელით ხუაშაქ. და მივიდა მეფე ბიჭნის ტირილად, და იხილა ცოლი ავაგისი, კახაბერის ძეთა, რაჟის ერისთავთა ასული, სახელით გუანცა, ქმნულკეთილი, ეტრფიალა და შემდგომად მცირედისა მიიყვანა იგი ცოლად და დედოფლად, წარმოიყვანა სამეფოდ. ხოლო ქალი იგი ავაგისი დაუტევა მამულსა თვისსა ზედა, და შევედრა მანკაბერდელსა სადუხსა, რომელი იყო კაცი ბრძენი და გონიერი, და კეთილისგანმზრახავი, და ჰაეროვანი, ძალითა ფრიად ძლიერი და მორკინალი რჩეული საჩინო და მოისარი კელოვანი, რომელი წარდგა წინაშე და თაყუანი-სცა ულოს და კელპყრობილმან რქუა: „ვინათგან მოგცა თქუენ ღმერთმან ძლევა ყოველთა მტერთა ზედა და ყოველთა კაცთა უმჯობესად გამოგაჩინა, და აწ აქა არს მკუდარი ასი ათასი, ვინცა მერკინების გინა მედგინების, ანუ ისარსა განვასრევთ, მზა ვარ“. და არავინ იპოვა მსგავსი მორკინალი მისი, და ვინცა იპოვა, ყოველთა სძლო. ესე შეყუარებულ იქმნა ყაენ ულოსაგან, და იწყო განდიდებად. და გონიერებითა მისითა მეფემანცა დავით პატევ-სცა და შევედრა სახლი ავაგისი. ხოლო დედოფალი გუანცა მიუდგა და მზა ყრმა და უწოდა დიმიტრი, რომელი შემდგომად დავითისა მეფე იქმნა, რომელი ქუემორე სიტყუაჲმან ცხად-ყოს.

ამის გუანცას დედოფლობა მძიმედ უჩნდა მესტუმრესა ჯიქურს, რამეთუ მტერ იყვნეს. ამისთვის განზრახვითა სუმბატ ორბელისათა შესმენილ იქმნა, ვითარმე: „ჯიქურ წარავლენს კაცთა არღუნს წინაშე, რათა აუწყოს ყაენს ულოს სიმდიდრე მეფისა, და ეგულებს განდგომს“. ხოლო ვინათგან დავით

მეფე უმანკო იყო, რომლისათვის უმანკოსა ყოველი რწამსმე მონათვე რავლინა მსწრაფლ წინაშემდგომელნი და ბრძანა წინაშე მოყვანება მისი, და სახლისა მისისა იავარ-ყოფად. და ვითარ აღასრულეს მსახურთა მეფისათა, და წარადგინეს წინაშე მეფისა ჭიქური ლამით, რამეთუ მეფე ჯდა ისანთა მხედველი, მტკუროსა, და არა სიტყუა-ყო მის თანა, არამედ კანუკითბავად ბრძანა შთაგდებად მტკუარსა. ხოლო ვითარ განთენდა, იხილეს ჭიქური, რიყესა ზედა განგდებული წყლისაგან, და განკვირდეს ყოველნი მხილველნი ანასდათისა სიკუდილისათვის, და არავინ იბოვა დამფლველი მისი, რამეთუ არა ესუა შვილი. და შეკრბეს ყოველნი გლახაკნი და ობოლ-ქურივნი და ეგედრნეს მეფესა, რათა მიანიჭოს გუამი ჭიქურისი ამაღ, რომე მრავალი კეთილი ექმნა მათ ზედა. ისმინა დავით და მისცა გუამი მისი, და მრავლითა გოდებითა წარიღეს ეკლესიასა წმიდისა ქალწულისა ქრისტინასსა, რომელი ხუარაზმელთაგან დარღუეული ახლად აღშენებულ იყო, და მუნ დაფლემ დიდითა პატივითა, რაცა ოდენ გლახაკთა ძალ-ედვა.

ხოლო შემდგომად ამისა ინება ყაენმან აღმკვიდრება სულტანსა ზედა მისრეთისასა, და შეკრიბნა ყოველნი მთავარნი და სპანი მისნი, და მოუწოდა მეფესა დავითს და სპასა მისსა ეგვბტედ. ხოლო შეიწრებულ იყო მეფე და საბრძანებელი მისი არღუნის აღთუალვისაგან, და რომელი-იგი განეწესა, რაცა განისყიდებოდეს ტფილისს, ასსა თეთრსა ზედა სამი თეთრი საყაენოდ დაიდებოდეს. ამას ზედა ხოჯა-აზიზ ვინმე, ნათესავით და სჯულითა სპარსი, განეჩინა და დაეტევა ტფილისს, რომელი ესეოდენ უწესოდ მიიწია, თუ სამზარეულოსა მეფისასა ცხოვარი, გინა კრავი ისყიდებოდის, მას ზედანცა ხარაჯა წარუღიან, რომელსა-იგი ტამლად უწოდდეს. ამის მიერ შეიწრებელი მეფე იგონებდა, „უკუეთუ წარვიდე ეგვბტედ, ანუ თუ განუდგე ყაენსა“, და ვერას დაამტკიცებდა. გარნა წარემართა ლაშქრად, და ვითარ მოიწია ქუეყანად ჯავახეთისად, დაამტკიცა განდგომა, და მოუწოდა თანაგამზრახთა მისთა და რქუა: „უკუეთუ ვისმე ნებავნ, დაუტევენ მამული და წარმოვედინ ჩემ თანა. უკუეთუ არა ნებავს, წარმოვედინ მსახურებად ყაენისა მისრს, რათა დაიცვას ქუეყანა მისი, რამეთუ ნება კაცად-კაცადსა ზედა იყავნ, და მე არღარა მნებავს მონება თათართა მძლავრებისათვის ხოჯა-აზიზისა, რომელი

დაადგინა ჩემ ზედა არღუნ, რამეთუ ვერ თავს-ვიდებ ესოდენსა შეუტაცებდასა“. ხოლო წარჩინებულნი ამის სამეფოსანი რომელნიმე დაუმტკიცებდეს, და რომელნიმე — არა, გარნა იგრეთცა დაამტკიცა განდგომილება. და უმრავლესნი წარვიდეს ყაენს წინაშე: შანშეს ძე ივანე, და გრიგოლ სურამელი, თორელი კახა, ერისთავი ახალქალაქისა, თავნი და პირნი ქუეყანისანი წარვიდეს ყაენს წინაშე, და უმრავლესნი ჰერ-კახანი.

ვითარ ცნა მეფემან წარსლვა დიდებულთა, მანცა ნებასცა, და წარვიდა განდგომად და მოუწოდა სარგის ჯაყელს ციხისჯუარელსა, რომელსა აქუნდა პატივი სამცხის სპასალარობისა, და ეზრახა, რათა განუდგენ ყაენს. ერჩიდა სარგის და წარმოიყვანა სამცხეს, სახლსა მისსა, და ფრიადითა პატივითა განუსუენა უმეტეს წესისა მეფეთასა, და აძლევდა ყოველთა ციხე-ქალაქთა და ქუეყანათა მისთა გამოსაზრდელად მეფესა და ლაშქრისა მისისათვის, ხოლო მეფემან არა ინება. და დაყო ზაფხული იგი მცირე ერთგულითა, რომელნი დადგეს ერთგულებასა მისსა ზედა და ესრეთ იყოფოდეს სამცხეს. ხოლო დედოფალი გუანცა და ძე მცირე მისი, დიმიტრი, დაუტევა სახლსა ავაგისსა ბიჯნისს.

ამას შინა მოვიდა ყაენი ულო განმარჯუებული ბრძოლისაგან სულტნისა მეგვპტელისა, რამეთუ სძლო მათ და აოტნა, სადა-იგი მუნ დამხუდართა ქართველთა ძლიერი ბრძოლაცყვეს. ხოლო ვითარ მოიწია საზაფხულოსა სადგურსა თვისსა, აღატადს, და მიერ სიაქუსა, და მერმე წარვიდა საზამთროსა ადგილსა, რომელსა აწ ყარაბაღობით და მულანობით უკმოზენ, იკითხა საქმე დავითისი, და ცნა განდგომილება მისი. მოუწოდა არღუნს და ორასთა მთავართა, და აჩინა მკედართმთავრად და მისცა მკედარი ოცი ათასი. და უბრძანა ქართველთა, რომელნი ერჩიდეს მას, რათა წარჰყვენ არღუნ ოირადსა, და მივიდენ მეფესა ზედა სამცხეს და ბრძოლაცყვონ. წარმოვიდა არღუნ მკედართა ოცი ათასითა, და შემოვლო განძა და სომხითი, და მოიწია ტფილისს. და მუნ მოერთნეს ყოველნი ესე ზემოქსენებულნი მთავარნი საქართველოსანი და წარმოემართნეს სამცხეს ბრძოლაცყოფად მეფისა. და ვითარცა ესმა მეფესა დავითსა მოსლვა არღუნისი და ყოველთა მთავართა ქართლისათა, მოუწოდა მესხთა, შავშ-კლარჯთა და ვინცა დადგრომილ იყო ერთგულებასა ზედა მისსა, შეკრიბნა

მცირედნი კაცნი, მკედარი რვა ათასი, და აჩინა მკედართმისე-
რად სარგის ჭაყული, კაცი მკნე და შემმართებელი, და მრავალჯერ გამოცდილი და სახელოვანქმნილი წყობათა შინა, ტანითა ახოვანი, კელოვნად მბრძოლი ცენსა ზედა, მკნე მოსარი, საჩინოდ ნადირთა უცთომლად მომსგრელი, და მისდა მინდობილ იყო მეფე, ერთგულეობაცა დიდი აქუნდა მეფისა. და წარავლინა წინამიგებებად და წყობად არღუნისა, და წარემართნეს და დადგეს ჳევთა. ხოლო არღუნ შემოვლო ქართლი და დადგა სურამს, და წარმოავლინა წინამბრძოლნი მკედარნი ექუსი ათასი. და არღუნ დადგა შინდარას და წინამბრძოლნი მივიდეს ტაისკარს და დადგეს სამდინაროსა მას ზედა, რომელ არს შოლა. ხოლო აღიყარა სარგის ჳევთათ და წარავლინა წინამბრძოლნი, კაცი რჩეული და გამოცდილი წყობათა შინა ათას ხუთასი მკედარი, არა უწყოდეს მოახლება არღუნისი. და წარემართნეს და განვლეს კიდი ახალდაბისა. იყო ყინელი და ზამთარი, ვითარ წესი არს თუესა ღვეკმბრისასა. და განვიდეს სივიწროისაგან წინამავალნი, იხილნეს რაზმი თათართა, და წინაგანეწყუნეს ქართველნიცა. და მყის ზედა მიეტევნეს მესხნი, და პირველსა შეკრებასა აოტნეს თათარნი და მოსწყუნეს მრავალნი სახელოვანნი, და ესრეთ ძლიერად ბრძოდეს მესხნი, რომელ მცირედნილა განერნეს და შეიხუეწნეს რაზმსა შინა არღუნისსა შინდარასგორისასა, და სდევნეს და მოსწყუნეს პირითა მახულისათა, რამეთუ მკედართმთავარი სარგის და სპა მეფისა ვერღარა მოილოდინეს ამისთვის, რომელ თათართა რაზმი მახლობელად მდგომარე იყო. და ესრეთ ძლევიათა საჩინოთა შემოქცეულნი, მრავალთა სახელოვანთა თათართა თავისა მქონებელნი მოეგებნეს სარგისს და ლაშქართა. ვითარ იხილა სარგის განმხიარულება და უვნებლად დაცვა, განიხარა, გარნა მძიმედ აღუჩნდა, რამეთუ ვერ მიესწრა ომსა, რამეთუ იყო კაცი მძლე და შემმართებელი. კუალად სურვიელ იყო განწყობისა მესხთა, წარემართა არღუნს ზედა გულითა ჳველითა. ხოლო არღუნ სპათა მისთა მოუწოდა და კუალად ქართველსა სპასა ზედამისლვასა მხილველი ივლტოდა, გარნა აყენებდეს ქართველნი წარჩინებულნი და არა უტევეს სივლტოლად, რომელთა უპირობდა თორელი ვახა და ეტყოდა, ვითარმედ: „ქართველნი მეცნიერნი ვართ ომისა მათისანი, ჩუენ ვიბრძოდით თქუენ წილ“. და ესრეთ

ძლით არწმუნეს, და დადგა ადგილსა ზედა და განაწყობ მკვდარნი. ვითარ დაეახლნეს ურთიერთას, ზედამიეტევნეს მესხნი განლაღებულნი. ხოლო სარგის ჯაყელი უპირველეს ყოველთასა მიუქდა რაზმსა და უმცნესი მათნი, ჩინბაადური, პოროლითა ცხენისაგან ქუეყანად დასცა. და იქმნა ძლიერი ომი, და მრავალნი მოისვროდეს არღუნის სპისაგან და სივლტოლად მიდრკეს. პირველსავე მიჯრასა სძლევდეს სპანი მეფისანი, და ვითარ არს ჩუეულება თათართა ლტოლვა და გარე უკუქცევა, ანაზდად გარეუკუნიქცეს. მაშინ სულმოკლექმნულნი სპანი მეფისანი ივლტოდეს მსწრაფლ. ესრეთ განწირულნი და მიმოდებნულნი თათართა მიერ მოისრვოდეს. ცოდვათა ჩუენთა სიმრავლითა განწირნა ღმერთმან და მისცნა კელთა წარმართთასა. ხოლო უწყალოდ ჰკოცდეს, და მრავალნი სახელოვანნი მოსრნეს თათართა, რომელ მცირედნიღა ძლით განერნეს. და სდევნეს ახალდაბისკიღამდე, გინა უმეტესცა. ხოლო ზოგნი ტყუედ წარყვანებულ იქმნეს, გურკლელი მურვან და სხუანი მრავალნი.

და ესრეთ შეიქცა არღუნ ყაენს ულოს წინაშე განმარჯუებული, ხოლო სარგის და მესხნი მივიდეს მეფეს წინაშე აწყურეს, მეყუსთათეს მტირალნი, რამეთუ უმრავლესნი მოერნეს, დაშთომილ იყვნეს მცირედნი.

და დაყო მეფემან ზამთარი ნახევარი სამცხეს, და გარდვიდა შავშეთს და კლარჯეთს, და წარვიდა ნიგალისკევს. და ვითარ მოიწია თუე მაისი და აღმოსცენდა მდელი, ყაენმან ივივე არღუნ დევნად და ძებნად წარმოავლინა, რომელთა თანა იყვნეს ქართველნიცა, მიმდგომნი ყაენისანი, და თუესა ივნისსა მოვიდა სამცხეს. ხოლო მესხნი რომელნიმე მიეგებშეს არღუნს და რომელნიმე წარჰყვეს მეფესა. და ესრეთ იწყო ოკრებად და ტყუენვად სამცხესა და მოადგა ციხისკუარსა, და უწყობ ბრძოლა ძლიერად, რამეთუ არა ზღუდითა მტკიცითა განსრულებულ იყო. ხოლო ციხეს მყოფნი ძლიერად ბრძოდეს და მრავალი კაცი მოკლეს, და დიდად ავნებდეს გარეო მყოფთა, დღისით და ღამით განვიდიან და ადგილ-ადგილად მოსწყუდიან. და ვითარ იხილა სიმტკიცე ციხისკუარისა, რომელ არს კუარისციხე, აიყარა და წარვიდა. და წიგნიცა მოუვიდა ყაენისა, მსწრაფებელი წარსვლად, ვინათგან ყაენი თურანისა ქუეყანასა მყოფი ბრძოლად მოსრულ არს ხუარასანს.



და ესრეთ ივსნა ღმერთმან ჭირთა ამთავან ქუეყანა სამცხესა
რომელ ოც დღე ძლით იყო არღუნ სამცხეს.

ხოლო მეფე დავით კუალად მოვიდა შავშეთს და სამცხეს,
და ვითარ იხილა სამცხე მოოკრებული, მოუწოდა თანამზრა-
ხაეთა მისთა და ჰკითხა, თუ რა ყონ, რამეთუ ომი თათართა
აღატ ეგებოდა. მაშინ სარგის ჯაყელ-ციხისჯუარელმან მოაგვე-
ნა, ვითარმედ: „სამცხე მცირე არს და არა კეთილი სადგომი
მეფეთა. აწ განგაზრახებ, რათა წარხვიდე ლიხთიმერიის რუ-
სუდანის ძისა დავითის თანა, რამეთუ სწორად ორთავე არს
სამეფო, იგი და ესეცა. და მე დავსდებ თავსა ჩემსა და საქო-
ნელსა ყოველსა, და ლაშქარსა ჩემსა შენთვის, ვითარ გენებოს,
იკმარე. და უკუეთუ კეთილად გისტუმროს დავით, კეთილ, და
უკუეთუ არა, აჰა, სიმდიდრე ჩემი მზა არს თქუენთვის. ნურცა
შენ სწყალობ საქურტლესა შენსა, და ვეზრახნეთ თავადთა
იმერთა და განგსცეთ საქურტლე, და ჩუენ კერძო დავი-
ყენოთ“.

სთნდა ყოველთა განზრახვა ესე და წარავლინეს მოცი-
ქული წინაშე რუსუდანის ძისა, რათა შეიწყნაროს თათართა-
გან მირიდებული, ხოლო მან აღუთქუა. და წარვიდეს და მი-
ვიდეს ქუთათისს. სადა-იგი წინამიეგება რუსუდანის ძე და
კეთილად ისტუმრა, და დაყვეს წელიწადი ერთი. გარნა კეთი-
ლად თუ ისტუმრებდა რუსუდანის ძე, ეგრეცა კეთილადვე
მართებდა ლაშას ძესა, დავითს, არამედ ვითარცა უცხო ვი-
დოდა მათ თანა.

მაშინ ეზრახნეს კახაბერის ძესა, რაჰის ერისთავს კახაბერ-
სა, ქუაბულის ძეთა, ფარჯანიანსა სარგისს, რათა ლაშას ძე-
დავით, ყონ მეფედ, რომელნი ერჩიდესცა და იქმნა განდგომი-
ლება ლიხთიმერიით, და რომელნიმე წარმოუდგეს ლაშას ძე-
სა, და რომელნიმე რუსუდანის ძესა. ეგრეთვე დადიანი ბე-
დიანი, ჟუანშერის ძე, დადგა ერთგულებასა ზედა რუსუდა-
ნის ძისასა, რამეთუ იყო ესე ბედიანი კაცი წარმატებული
ყოვლითა ზნითა, უზუ უმეტეს ყოველთა კაცთა, სრული გო-
ნიერებითა. ამან დააწყო ოდიში, რომელ მპარავი და ძვრის-
მოქმედი არა იპოვებოდა, და სუანნი განიყენეს ორად. გარნა
არას ავნებდეს ურთიერთას ორნივე, დავით და დავით, დაღა-
ცათუ ლაშქართა არა ენება, ამისთვის რომელ არა გასცემდეს

ღარნივე მეფენი საქურჭლესა ლაშქართა ზედა. ესრეთ იყო
აშლილობა და შფოთი მრავალი იმერით.

მაშინ არღარა იყო ღონე, დაამტკიცეს, რათა განყონ სა-
მეფო და საქურჭლე ორად, და აჩინნეს თავადნი სამეფოსანი
და განყვეს ორად, ტფილისი — ორად, ქუთათისი — ორად, და
თავადები და ერისთავნი ურთიერთს შეასწორეს ნიკოფსით
ღარუბანდამდე. და განყვეს სამეფო საქურჭლენი, გარნა ხუბა-
ლის ქუაბსა, რომელი იღვა, მცირე გამოიღეს და გაიყვეს, და
უფროსი ქუაბსავე დაუტევეს. ხოლო ჯაჭვ იყო, სახელდებული
საღმასური და თუალი იგი პატივცემული, გურდემლი, და
მარჯალიტი იგი დიდი, რომლისა სწორი არავის სადა უნახავა,
ესე სამივე რუსუდანის ძეს, დავითს, მიხუდა. და აქა იქმნა
განყოფა სამეფოსა, და მიერითგან შეიქმნა ორ სამეფოდ. მა-
შინ უმეფო იყო ამიერი საქართველო სამეფო, და დაიმაღლა
ლაშქრობა და მსახურება თათართა.

ინება კუალად ყაენმან ზავი მეფისა. მოუწოდა არღუნს,
რათა წარავლინოს მოციქული მეფეს წინაშე ზავის-ყოფად,
და ფიცთა დაუმტკიცებდა უვნებლობისათა. რამეთუ დედო-
ფალი გუანცა, ავაგის ცოლყოფილი, და ძე თუსი, ყრმა მცი-
რე, დარჩეს კელთა ულოსთა, რომელნი ტყუედ წარისხხეს
ურდოს. ვითარ ეგულეობდა ბორტის-ყოფა ყრმისა, ნოი-
ნის ვისმე ცოლმან აღიყვანა და შვილად მიიყვანა, რამეთუ
იყო უშვილო, ხოლო თქმული არს ესეცა, ვითარმედ: მიიქ-
უა რა ყრმა დიმიტრი წიადთა, მეყსეულად საშო განელო დე-
დაკაცსა და მუცლად-ილო და შვა ყრმაწული. და ამის ძალი-
თა კეთილსა უყოფდა ნოინის ცოლი გუანცას და ყრმასა. მან
უბრძანა არღუნმან, რათა მან წარავლინოს კაცი წინაშე მეფე-
სა ზავისა ყოფად. და წარმოავლინეს მოციქული ზავისათუს,
რათა მისცეს სამეფო მისი ყოველი და კუალად-ეგოს პი-
რველსავე პატივსა დედოფლობისასა. რა მოვიდეს მეფის წინა-
შე მოციქულნი ყაენისნი და აღუწყეს, ესრეთ მიუშვნო, ვითარ-
მედ: „ხოჯა-აზიზ იქმნა მიზეზი ჩემისა წარმოსლვისა და სამე-
ფოსა დატეგებისა. უკუეთუ ნებაგს ყაენსა შეწყნარება ჩემი,
მარჯმოსა ძესა ჩემსა, გიორგის, წარმოვაკლენ წინაშე მათსა,
და უბოძოს სამეფო ჩემი. და დედოფალი გუანცა და ძე ჩემი,
დიმიტრი, წარმოავლინოს ჩემდა, და ხოჯა-აზიზ მომცეს, რათა
31. ქართლის ცხოვრება 481



სიკუდილითა მისითა შური ვიგო ნაქმართა მისთა, რომე
ყვნა ჩემ ზედა“.

ვითარ მიიწივნეს ყაენს წინაშე, სთნდა სიტყუა მეფისა, და
ითხოვეს ძე მისი, გიორგი, და დაუმტკიცეს ფიცთა მიერ, შე-
სუმითა ოქროსა საფიცრისათა, რათა უვნებლად დაიცვას ძე
მეფისა და მისცეს სამეფო მისი. უკუეთუ დავით მეფემან იხი-
ლოს ყაენი ულო, რომელსა ეჯანობითცა უწოდდეს, ხოჯა-
აზიზცა მისცეს კელთა მეფისათა, ენებოს, მოკლას და თუ
ენებოს, განუტეოს. ამის შუა შემოიყვანა ენუქ არქუანი, კაცი
მართალი და პატიოსანი, სჯულითა ქრისტეს ჯუარისა თაყუა-
ნის-მცემელი. და მან უთავსმდება ყაენს, რათა არა ევნოს და-
ვითს და ძესა მისსა, გიორგის. თუთ მივიდა ენუქ დავითს წი-
ნაშე, შეჰფიცა და წარიყვანა ძე მისი, გიორგი. შევიდეს ტფი-
ლისს და მუნ მოეგებნეს ყოველნი მთავარნი და ერისთავნი
საქართველოსანი და შადინი ვინმე, ნათესავით სომეხნი, რომ-
ლისა შევედრა ტფილისი და თუთ მეფობაცა არღუნ. მოიღო
ძღუენი ურიცხვ გიორგის წინაშე. და დაყვეს მცირედი ჟამი
ქალაქს, და მერმე წარვიდეს ეჯანს წინაშე და მიიწივნეს
ურდოსა. პირველად მოუვლინა ეჯანის ცოლს ტონღუზ-ხა-
თუნს, რამეთუ იყო იგი მალღისა კელმწიფისა კოსტანტინე-
პოლისა ასული, სჯულითა ქრისტიანე და მართლმადიდებელი.
ამისთვის პატივსა უყოფდა ტონღუზ-ხათუნი ენუქ არქუანს,
რომელ იგიცა ქრისტიანე იყო. ვითარ იხილა ყრმა იგი, შეიყ-
უარა სიკეთისა მისისათვის, და თუთცა ქმნულკეთოდ იყო. და
მერმე წარიყვანეს ყაენს წინაშე, და მანცა კეთილად შეიწყ-
ნარა და პატ-ვი დიდი უყო. და ესრეთ პატივცემულად დაყო
წელიწადი ერთი, რომელსა მიანიჭა ყოველი სამეფო მისი ყა-
ენმან. და წარმოავლინა მოციქული, რათა მივიდეს მეფე და-
ვით ეჯანს წინაშე, ხოლო მეფე მიზეზობდა ხოჯა-აზიზის
არმიცემასა: „უკუეთუ არა მომცეთ მოსიკუდიდ, არა მოვალ
ურდოსა“. ამის მცნობელი ყაენი სიტყუთა არღუნისათა გან-
წყრა, რამეთუ მძიმედ აღუჩნდებოდა სიკუდილი ხოჯა-აზიზი-
სი. ამისთვის ეტყოდა ყაენს, ვითარმედ: „მეფე არღა მოვალს
მსახურებად შენდა, არამედ კუალად ტყუილით გამზუდებს. აწ
ამას განგაზრახებ. წარსწყმიდე ძე მეფისა, და წარგზავნე მე
ლაშქრად მეფეს ზედა. შეკრულსა მოვიყვან წინაშე თქვენსა“.

ყაენმან დაიჯერა და განაჩინა კაცი, რათა წარწყმიდონ

მე მეფისა და ყოველნი, რომელნი წარმოვედინეს მეფესა ძეგლსა მისისა თანა. ცნა ესე ენუქ არქუან, ადგა და მსწრაფლ მივიდა ტონღუზ-ხათუნს წინაშე, და აღუწყა სიტყუა ესე. ხოლო იგა მსწრაფლ მივიდა ყაენს წინაშე, და ენუქ არქუან იხალა და მოაჯსენა: „დიდო, მაღალო კელმწიფეო ყაენო, რასა უსამართლობისა იგი ბრძანება განვიჩინია, სიკუდილი მეფის ძისათეს და მსახურთა მისთა? არა უწყი შენ, რომელ წინასწარმეტყუელთა, რომელთა ეზრახებოდა ღმერთი, ბრწყინვალეთა და საჩინოთა გუართაგან შთამომავალთა არს? და კუალად იხალე, რომელ ფიცით მოიყვანე იგი. და მე და ენუქ არქუან სიკუდილისა აღვირჩევთ, და აჰა, თავნი ჩუენნი იყვენეს მეფის ძისათეს. და ესეცა უწყოდე, რომელ ძმა შენი, დიდისა ყაენისაგან ბათოს შვილი, მრავალსა მოციქულსა უგზავნის და დიდთა ნიჭთა აძლევს, რათა მისცეს გზა დარაილანისა და დევალეთისა. რამეთუ ორივე კელთა შინა მისთა არს. და ამასცა განგაზრახებ, ერთისა ბერისა სპარსისა გაჭრისათეს რად დიდსა კელმწიფესა გააძებ შენთა მტერთა ზედა. რამეთუ, უკუეთუ ბათოს ულუსი და მეფე შეირთნეს, დიდნი შფოთნი აღდგებიან“.

ვითარცა ესმა ულოს, განკვრდა და მსწრაფლ მოიყვანა გიორგი, შეიყვანა და პატივი უყო და შემოსა შესამოსლითა ბრწყინვალითა. და მისცა ტონღუზ-ხათუნს და ენუქ არქუანს და რქუა: „აჰა, ძე მეფისა ჩემგან მტცივე ფიცითა. არას ვავნეთ დავითს თვნიერ პატივისა. და შენ წარვედ, ენუქ, და ორნივე შვილნი და ძენი მეფისანი, გიორგი და დიმიტრი, და დედოფალი გუანცა, ვითარცა ტონღუზ-ხათუნს და შენ გნებავს, ეგრეთ ყავთ, და მოიყვანეთ დავით“. ვითარცა ესმა, განიხარეს და თაყუანი-სცეს და მოაჯსენეს: „თავნი ჩუენნი იყვენენ ნაცვლად უკუეთუ მოგუცე ხოჯა-აზიზ და არ მოვიყვანოთ დავით. უკუეთუ არ მოგუცემ ხოჯა-აზიზს, არ მოვა“. დაღათუ მძიმედ აღუჩნდა არღუნს, მისცა ხოჯა-აზიზ, და წარმოიყვანა ენუქ. და მოუწერა წიგნი ფიცისა ტონღუზ-ხათუნ მეფესა: „არა ევნოს ყაენისაგან, უკუეთუ მოვიდეს ურდოსა, პატივითა დიდითა პატივ-სცეს და სამეფო დაუკლებლად მისცეს“.

და წარმოვიდა ენუქ არქუან და მოვიდა ტფილისს, და მოასხნა ორნი ძენი მეფისანი. და წარმოავლინა მოციქული მეფესა და აღუწყა ყოველი. და წარმოვიდა მეფე და მოვიდა,



ქვიშხეთის ბოლოსა და სურამს შუა დადგა, და მოუწოდა ენუქ ბრქუანს. და მოვიდა და მოუსხნა შვილნი ორნივე მოართვა წიგნი ფიცისა, და მოგუარა ხოჯა-აზიზ. ვითარცა იხილა მეფემან, ბრძანა თავისა მისისა მოკლეთა. და მოჰკლეთეს და წარგზავნეს თავი ტფილისს. და აღძარათეს ძელი, და მოჰკიდეს თავი ხოჯა-აზიზისი.

და ესრეთ წარჰყვა მეფე ურდოს ენუქს, და მოეგებნეს ყოველნი სამეფოსა მისისანი. და წარემართნეს ურდოს. ხოლო თანწარჰყვა მეფესა სარგის ციხისჯუარელი ჯაყელი, დიდად ნამსახური, რომელმან ქმნა ესეცა სათნობა, რამეთუ ტფილისს ყოფასა მეფისასა მოვიდა ელჩი ყაენისა, ვითარმედ: „მეფეს მოვიწოდებ, ხოლო ბაბა სარგისს არა მოვიწოდებ“. და არა სათნო-უჩნდა ბრძანება ესე სარგისს, და ეტყოდა მეფე გარე-უკუნ ქცევად, ხოლო იგი არა ერჩდა და ეტყოდა: „ბუ იყოფინ ქმნად ეგე ჩემ მიერ, რათა შევიქცე შინა. უკუეთუ ცოდვათა ჩემთაგან გევნოს რამე თათართაგან, ყოველნი კაცნი იტყვან, განზრახვითა სარგისისითა განუდგა მეფე თათართა, აჲ იგი წარვიდა შინა და მეფე წარავლინა მოკლვად ყაენს წინაშე. ნუ ყოს ესე ღმერთმან, რამეთუ ამით წარკლების გუარა ჩემი, არამედ მო-თუ-მკლან, ნაცვლად თქუენდა ვიყო, და თუ დავრჩე, თქუენ თანა დავრჩე“. დაიძაღლა ესე მეფემან ეზომ, რომელ ქუაბუღლიანი თემი ერთი სამცხეს და საყდარი ტბეთისა შავშეთს სიგლითა სამამულოდ მიუბოძა.

და წარემართნეს ურდოსა და მივიდეს ყაენს ულოს წინაშე ბარდავს, რამეთუ იგი იყო საზამთრო სადგური, და არა უწყოდეს, რა ეგულების ყოფად მათთვის. და მცირედთა დღეთა მოუწოდა ყაენმან ხილვად მეფისა და მთავართა, და იკითხვიდა, რომლისა მიწებისათვის განდგა მეფე. და ყოველნი ჰკონებდეს მეფესა და წარჩინებულთა მისთა სიკუდილსა, და ევედრებოდეს ღმერთსა და ყოვლად წმიდასა მეტეხთასა და მედრებისა ღმრთისმშობელს, რომლისა მინდობილ იყვნეს. და შევიდეს ყაენს წინაშე, ხოლო მან მოსცა თვსთა ჯეღითა ღუნო, რამეთუ ესე იყო წესი ყაენთა, თასითა დიდითა ოქროსათა. და ვითარ ჯდა მეფე მუკლმოყრილი და მის თანა ყოველნი მთავარნი, ჰკითხა ყაენმან, ვითარმედ: „რად ჰქმენ განდგომა ჩემი და ბრძანებასა ჩემსა რად ურჩ ექმენ, და

არღუდეს შემოებნი? არა დიდნი კეთილნი გქმენ შენ ზედა? და კარგული და სიკუდილად განწირული გუელთაგან აღმოგიყვანე ჭურღმულით და მეფედ დაგადგინე“. მაშინ ვითარ არღარა აქუნდა პასუხი მიგებად მეფესა, მოიხედნა უკანით კერძო სარგის ჯაყელისა, ვითარცა იგი ქმნულ იყო მიზეზი არღუნის შემობმისა და თათართ მოსრვისა.

და იხილა სარგის ბრდღვინვისა ლომისა მსგავსად, მეფემან მას ზედა მიუტევა საქმე იგი, არა შეშინდა, არამედ უშიშად აღდგა და წარდგა ყაენს წინაშე განმწირველი თავისა თვისისა მეფისათვის, რათა იგი მოიკლას მეფისა წილ, და მტკლმოყრილი ეტყოდა: „მე ვარ, დიდო ყაენო, რომელი შემოგვები არღუნ-აღას“. ხოლო მან ჰკითხა: „ჰაპა სარგის შენა ხარ?“, რამეთუ ჰაპა სარგისს უწოდდეს თათარნი. და მან რქუა: „იგი ვარ“. რქუა: „რასათვის განაყენე მეფე და არღუნს შემოგები?“ ხოლო სარგის არა მეცნიერ იყო ენასა მათსა, წარმოაყენეს სადღუნი თარგმანად, რომელი ფრიად უყუარდა ულოს, და დიდად პატივ-ეცა, რამეთუ იყო კაცი იგი გონიერი და ენაკეთილი, სიტყვთა მარჯუნი ყაენს წინაშე მეტყულებდა. მაშინ სარგის მიუგო: „დიდო ყაენო, არა იყო სხუა მიზეზი, რამეთუ მან მიიღო მეფობა დავითისი, ქალაქი და სოფელი მან დაიჭირნა, ეკლესიანი და ციხენი ყოველნი დაარღუვნა. ბედნიერო ყაენო, არღარაგინ გაგაგონებდა უსამართლობასა ამას, შეგრა კარი თქუენი ქართამითა. ამის მიზეზისათვის მე წარვიყვანე მეფე, რათა ბედნიერმან ყაენმან გაიგონოს და იკითხოს საქმე ესე. ვითარცა აწ კითხვასა ღირს-მყო, ესეცა უწყოდი, ყაენო, რომელ სპარსნი ძუელითგან მტერნი არიან ჩუენ ქართველთანი. ამისათვის არღუნს თანა ვყავ ბრძოლა და ომი, რამეთუ საქმე და უსამართლობა მეფისა მიმართ სოჯა-აზიზისაგან გერღარა დავთმეთ. აწ, ყაენო, მეფე უბრალო არს, მე ვარ, რომელმან განვაყენე მეფე კარისაგან თქუენისა“. და განმრავლდა სიტყუა მათ შორის და მრავალგუარად უბნობა, რომელთა არა არს ქამი თქუმად და წერად. და მეფეცა მრავალსა რასმე იტყოდა, და ენუქ არქუან და დიდი იკონიონი სხდეს შუა და სადღუნი კეთილად თარგმნიდა და კანმვიდა თქმულთა მეფისათა, რამეთუ მეფე ენამძიმე იყო მცირედ, მანკაბერდელი სადღუნი კეთილმეტყულებდა.

და ყოველნი მოელოდეს ბორბოტის-ყოფასა მეფისათვის და



სიკუდილსა სარგისისა. მაშინ მოუვლინა ღმერთმან წყალობითა მისათა, და აწცა დაიცვა, ვითარცა მარადის ჭრისს, და ვითარ სიტყუასა უგებდეს ყაენი და მეფე ურთიერთას, მოვიდა კაცი დარუბანდით გზისმცველთა ყაენისთა, რომელთა ყარაულობით უწოდდეს, რამეთუ არღარა განსრულებულ იყო სიტყუა, შევიდა ყაენის კაცი იგი ურდოსა ყაენს წინაშე და მოაქსენა: „არა არს ქამი მეტყუელებად, რამეთუ შეიძრა ულუსი დიდი დიდისა ყაენის ბათოსი, და შვილი მისი, ყაენი დიდი ბერქაი მოვალს გზასა დარუბანდისასა უმრავლითა, დიდად დიდითა ლაშქრითა“.

ესმა რა ყაენს, მსწრაფლ აწვია სპა თჳსი, და მყის შემოკრბეს მის წინაშე. მას ქამსა წარემართნეს წინაგანწყობად, და ეითარ დაეახლნეს ორნივე სპანი ურთიერთას, მაშინ ევედრა მეფე ყაენს, რათა წინამბრძოლად აჩინოს მეფე და სპა მისი, და წესადცა არს ქართველთა წინამბრძოლობა. ისმინა ულო და აჩინა წინამბრძოლად მეფე, მახლობელად მისსა დგომად. ხოლო სარგის ჯაყელი თვთ წინადაიყენა, და განაჩინა მარჯუენე და მარცხენე. დამწყობელმან რაზმთამან მიჰმართეს.

ხოლო იქმნა ესეცა, რომელ რაზმსა შინა გახლტა შუელი, სადა-იგი სარგის ჯაყელმან, აბჯარცმულმან, მოკლა. და მცირედ წარვლეს და მელი მოკლა, იგიცა სარგის, ისრითა. და წაიარეს და ყურდგელი მოკლა. და ამას სამსავე ხედვდა ულო ყაენი, და დიდად აქო სარგის, და კეთილად უთქმინდა მრავალსა.

მაშინ დაეახლნეს სპანი ორნივე ურთიერთას, და გამოინდა კაცი ერთი სახელოვანი მათ შორის, რომელი წარმოველინა დიდსა ყაენსა ბერქას, რამეთუ ყაენი არა წარმოსრულ იყო. ესე მოეახლა მეფესა დავითს, რომლისათჳს დიდად შეწუხნეს სპანი მეფისანი, რამეთუ იყო კაცი ესე დიდი და მაგრად და უცთომლად მოისარი. ხოლო მეფემან აღმოიღო მშველდი ქარქაშით და ჰკრა ცხენსა მისსა მკერდსა, და დაასო და გულსა განვლო. ხოლო ქართველთა განმზიარულებულთა აღიზახნეს და მიეტევნეს. იქმნა ძლიერი და ფიცხელი ომი ველსა ზედა შაბარნისასა. ძლიერად ბრძოდა მეფე და სპანი მისნი, სადა-იგი სარგის ჯაყელმან სახელოვანი ომი ყო წინაშე ულოსა, რომელ განკურდა ყაენი. და განგრძელდა ყოველგან ომი და მოსწყდა ორგნითვე ურიცხჳ. ივლტოდა სპა ბერქასი

და დევნა-უყვეს ძლიერად. ხოლო იქმნა ესეცა: დევნასა მას ლაშქართასა დაშთა ყენი ულო ოთხითა ოდენ კაცითა მცირესა რასმე ბორცუსა ზედა. და ვითარ იხილეს ლტოლვილთა მათ, შუდნი რჩეულნი კაცნი ზედამოეტევენეს ყენსა. იხილა ესე მიმავალმან სამითა კაცითა სარგის, შეუტია შუდთა მათ კაცთა და სამითა კაცითა შეება, და ოთხნი ვიდრემე დაკოცეს სარგის და აზნაურთა მისთა და სამნი იგი ივლტოდეს. მაშინ იხილა თუალითა მისითა სიმკნე სარგისისი და ყმათა მისთა, განიხარა. და დევნა-უყვეს კუალადცა სპასა ბერქასსა დარუზანდის კარამდის, და განვლეს დარუზანდიცა, და სამსა დღესა სხუასა დევნა-უყვეს.

ესრეთ განმარჯუებულნი და სახელოვანნი მოვიდეს სადგურსა მათსა ბარდავს. ხოლო მეფესა დავითს და სპათა მისთა ფრიად პატივითა პატივ-სცა და მრავალი ნიჭი მიანიჭა, ესე-ზომ, რომელ სარგის ჯაყელსა კარნუქალაქი და მიმდგომი მისი ქუეყანა უბოძა იერლაცითა. მაშინ შეიშურვეს ვიეთმე მტერთა და მოავსენეს მეფესა: „აწ მეფობაცა სარგისს მიეც. გინათგან ყენმან ეზომ განაჲდა, არლარა იქმნების მორჩილი მეფობისა თქუენისა“. მაშინ დაიჯერა მეფემან, რამეთუ იყო უმანკო და მალემრწმენი სიტყუათა კეთილთა და ბოროტთა, — ორთავე. და წარვიდა ღამით ელგა ნოინს წინაშე და მოავსენა: „უკუეთუ ყენი სარგისს კარნუქალაქს მისცემს, მეფობაცა მისცეს“. განკვრდა ელგა ნოინ და რქუა, „ყენმან შენის მოდგომისათუს მისცა, და თუ შენ გიმძიმს, არლარა მისცემს. თქუენ, ქართველნი, არას კეთილს უყოფთ მკნედ მბრძოლთა წყობათა შინა? არა უწყვი, ყენი სარგის დაარჩინა მტერთაგან, ძლიერი და სახელოვანი ომი ყო?“.

წარვიდა ნოინი და მოავსენა ყენს ყოველი იგი თქმული, და არლარა მოსცეს კარნუქალაქი. ცნა ესე სარგის და შეიქმნა გულკლებით და ქუეგამხედვარად პატრონისაგან. ხოლო მას ზამთარსა დაიშვირა მეფე ბარდავს თავისა თუსისა თანა, და სარგის წარვიდა გულკლებული სამცხეს.

მას ეამსა გაადგა ულო ყენს შანშეს ძე, ზაქარია ამირსპასალარი, კაცი ყოვლითა სათნოებითა შემეყული და საჩინო, და ივლტოდა ქუთათისს ნარინ დავითისსა, რამეთუ ბერქას ლაშქართ გამოსლგა მას მიაჩემს. ხოლო მეფემან კეთილად შეიწყნარა, დაყო მცირე ეამი. მერმე ფიცით მოიყვანა ყენ-



მან, გატრწა ატცა ეგრეთ დამშუდდა გული ულოსი და მოკლულა ზაქარია ამირსპასალარი, კაცი პატიოსანი და სახელოვანი. ცაი დიდმან შანშე, მამამან მისმან, მწუხარებითა შეჭუხებულ-ლი იგიცა აღსრულდა.

ხოლო გუანცა დედოფალი, ავაგის ცოლყოფილი, მოკლულ იქმნა თათართა შინა მყოფი, რომელსა იტყუან, ვითა ასულისა მისისა ხუაზაქისა, რომელი იყო ცოლი საბიბ-დივანისა ხოჯა შამსადინისა, მისითა განზრახვითა მოიკლათ. და ვითარ უცოლო იყო მეფე, იქორწილა ცოლი, სახელით ესუქან, ასული დიდისა ჩორმაღონ ნოინისა, და დიდისა სირმონ ნოინისა. და წარვიდა ტფილისს და ქნა ქორწილი პატიოსანი.

ამას ჟამთა გარდამდვიდეს ბერქას ყაენისაგან ლტოლვილნი ოგსნი, დედაკაცი საკურველი, სახელით ლიმაჩავ, და მან მოიტანნა შვილნი მცირენი, ნათესავითა ახასარფაკიანნი, პირამშო ფარეჯან და უმარწამესი ბაყათარ, და სხუანი თავადნი მრავალნი. გამოვლეს კარი დარუბანდისა და მოვიდეს მეფეს წინაშე. ხოლო მან პატივითა ისტუმრნა და წარავლინა ყაენს ულოს წინაშე. და ყაენმან შეიწყნარა ფრიად და უბოძა ხარაჯა, მოლაშქრედ და თანამბრძოლელად განაჩინნა და ესრეთ მეფეს თანავე წარმოავლინა. ხოლო მეფემან დასხნა რომელნიმე ქალაქსა, რომელნიმე — დმანისსა და სხუანი — ქინოვანს.

და ვითარ მოიწია სთუელი, წარვიდა ყაენი ქუეყანად შარვანშასა, საზღვართა საქართველოსათა, ადგილსა, რომელსა უწოდებენ ჩაღან-უსუნი, ესე იგი არს, თეთრი წყალი. და შეკრეს ღობითა წყლისპირი, რომელსა სიბად უწოდეს, რამეთუ გონებდა გამოსლვასა ბერქა ყაენისასა. და ამით ქაშითგან იწყეს სიბასა ზედა დგომად თათართა და ქართველთა სთულთავან გაზაფხულამდე. და გაზაფხულ წარვიდინა საზაფხულთთა სადგურთა.

ხოლო იქმნა ესეცა, რომელ ყაენთა შვილნი ზემოკსენებულნი, ულოს თანა წარგზავნილნი, ტუთარ, ყული და ბალადა და ბყრა ყაენმან ულო და მოკლნა სამნივე, და დიბყრა ქუეყანა მათი და ყოველი სიმდიდრე მათი. და ცნეს სიკუდილი პატრონთა მათთა საბერძნეთს მდგომთა დედაწულითა, რომელთა თავადი იყო ალათემურ ვინმე, კაცი სახელოვანი, ბიყარა ბარგითა და დედაწულითა, და ივლტოდა, და მომართა სამცხის კერძო.

ცნეს თათართა ულო ყაენისთა სივლტოლა ალათემურისა დევნა-უყვეს და მოეწიენეს. და იგინი დაბრუნდეს და შეებნეს და მრავალი კაცი მოკლეს ულოს ლაშქრისა. და რათა არა განგრძელდეს სიტყუა, ვიდრე კოლისა მათათა მოსლვადმდე ათორმეტჯერ მოეწიენეს და ათორმეტჯერ შეებნეს და ათორმეტჯერ ალათემურ მოერია და გააქცივნა. და ესრეთ მოიწივნეს ქუენაარტანს, სოფელსა, რომელსა ჰქვან გლინავი. და მუნ დახუდა მურვან გურკლელი მახუჯაგის ძე, წინაშეემთხვა ნადირობას მიმავალი, რომელი შეიპყრეს თათართა და კინდა მოაკუდინეს. ხოლო იგი ევედრა და აღუთქუა ლიბთიმერით წარყვანება მათი და ეგრეთ ბერქას ყაენს წინაშე წარსნმა. ხოლო იგინი მიენდენეს. წარმოიყვანა და მოასხნა სამცხეს, მოასხნა გურკლისქალას და ესრეთ განსცნა. წარავლინა კაცი და ამცნო სარგის თმოგუელსა და შალვა ბოცოს ძესა, და ყოველთა მესხთა, და სარგის ჯაყელის ლაშქართა, რათა შეებნენ ერთად და შეიპყრან ალათემურ და მიპგუარონ ულო ყაენს. და წარმოემართნეს, და ცნა ესე ალათემურ, აიყარა ბარგითა და დედაწულითა, და გამოვლო მტკუარი და მომართა ჯავახეთით კერძო. შემოიარა ელასის შემოღმართი და მივიდა ოშორას ქუეშეთ ადგილსა, რომელსა რქვან ლერძავნი, რამეთუ თმოგუელი მუნ დაუდგა წინა, რომელ იხილნა რა, მორიდნა. სარგის და ბოცოს ძე და ლაშქარნი ერთკერძო მოსდევდეს, და მურვან გურკლელი მართლ კუალსა შედგომილი მოსდევდა. და მოეწია გურკლელი მცირითა ლაშქრითა, რამეთუ ბოცოს ძე და სარგისის ლაშქარნი არ მოვიდეს, არცა თმოგუელი შუელად გურკლელისა. შეიბნეს ძღაერად, სძლეს თათართა და მრავალი ტაძრეული აზნაური მოკლეს, და ივლტოდეს გურკლელი.

ხოლო თათართან განელეს ჯავახეთი და თრიალეთი, და რესთავს მტკუარს გავიდეს. და მრავალგან მიეწიენეს თათარნი და სომხითარნი ლაშქარნი, რომელთა თუთეულად არა არს ეპი მოთხრობად. ყოველგან ალათემურ მძლე ექმნა. და განელეს კამბეჩიანი, კახეთი, პერეთი, ყოველგან ომითა, და წარვიდეს გზასა ბელაქნისასა, შევიდეს ლუნძეთს, რამეთუ წინაგაწყო მეფე ლუნძთა, და სძლეს თათართავე, და განმარჯუებულნი მივიდეს ბერქა ყაენს წინაშე. და ესრეთი საკვრგელი საქმე ქმნეს, და ამათთანანი თათარნი სადაცა დარჩეს, აღნა-



რობით უკმობდეს, ესე ავი, უფროსთანი, გინა უხუცესი ამისთვის განძნებული ბერქა განემზადა გამოსლვად. და თეთრსა წყალსა ზედა ღობე შეკრეს და მუნ იზამთრიან, ვითარცა მითქუამს.

ხოლო ვითარ ამათ საქმეთაგან უცალო იყო მეფე, განდიდნა ჭყონდიდელი ბასილი და უჯარმელი, და იწყო საურავთაცა ქმნად თუნიერ მეფისა კითხვისა. და მეფისა იმერით ყოფასა შინა დიადი აწყინა სეფეთა ქუეყანათა, რამეთუ ვითარ თვსთა ხედვიდა, და სიტყუაცა ესრეთ იყო, ვითარმედ ესუქანს თანა-ყო. ამისთვის შესმენილ იქმნა ბასილი წინაშე მეფისა, რომელმან მსწრაფლ მოიყვანა და ბრძანა ძელსა დამოკიდება. დამოკიდეს ძელსა შუაქალაქსა, რამეთუ იყო მეფე მალემარწმენი და ლიტონიცა.

და ვითარ მოიწია სთუელი, კუალად წარვიდა ყენი სიბასა ზედა და მეფეცა მის თანა. მოიწია რა გახაფხული, წარმოვიდა ყენი სიაქუსა, და ძე მისი, თანქუშ, წარმოვიდა გელაქუნსა, რამეთუ მას აქუნდა საზაფხულოდ სადგურად გელაქუნი, და მეფე თანაწარმოიტანა, და მუნ იყო. მაშინ ევედრა მეფე თანქუშს, რათა უაჯოს მამასა მისსა ყენს ულოს წინაშე და განუტეოს სამეფოდ თვსად. ხოლო მან ისმინა და წარავლინა კაცი. და ვითარ მიიყვანეს სიაქუდ, ყენი ულო აღსრულებულ იყო. მაშინ ხათუნთა და ნოინთა მიუმცნეს თანქუშს, რათა განუტეონ მეფე სამეფოს. გამოუშვეს და მოვიდა ტფილისს და ყოველსა ქართლსა და სომხითსა, და განაგნა საქმენი მანდაურნი.

ხოლო ნოინთა დასუეს ტახტსა ულოს ძე უხუცესი, სახელით აბალა, კაცი კეთილი, უხვ, მოწყალე, ტკბილი, მდაბალი, განმკითხველი, სამართლისმოქმედი, გლახაკთ მოწყალე და შემნდობელი ესეზომ, რომელ, დაღათუ დიდისა ბოროტისა მოქმედი კაცი იყვის, არავე მოჰკლევდის, რამეთუ ესრეთ იტყოდის, „ყოვლისა ქუეყანისა მპყრობელად დაუდგენივარ ღმერთსა და, რასაცა ვერ მივსცემ, არცათუ წაუღებ“. და მრავალგზის საჭურჭლენი მისნი წარიხუნეს მპარავთა და არა მოაკუდინის, არამედ იტყოდის, „რად მაკლს მე საჭურჭლე, ისი წარიღონ გლახაკთა, რამეთუ ნაკლულევან არიან, და მით იპარვენ“. კუალად უბოროტო და კეთილი გონება აქუნდა. მაშინ აბალა განაჩინა მვედართა მთავრად კაცი საჩინო წყობა-

თა შინა, სახელით აბათა, და ურდოსა და სახლისა თუსისა მო-
ურავად დაადგინა ზემოკსენებულისა ჩორმალონის შვილი,
სირმონ, კაცი განმარჯუებული და საჩინო ბრძოლათა შინა.
ვინათგან ქრთამსა მძიმესა მიიღებდიან მის წინაშე მდგომნი
ყოველნი, გამოარჩია კაცი ერთი მოწყალე და სამართლისმოქ-
მედი, მმარბველი და მლოცავი, ქრისტიანეთა და ეკლესიათა
ღმრთისათა მოსავთა მოყუარე, სახელით აღუბაღა. ესე განა-
ჩინა ულონოთა და გლახაკთა განმკითხველად. არა თუ ულო
ყაენის პატივცემულნი ნოინნი გამოცვალნა, არამედ უმრავ-
ლესნი აღსრულებულ იყვნეს, ვითარ ელგა ნოინი და სხუანი
მრავალნი.

ამას აბაღას წინაშე წარვიდა მეფე დავით, და ფრიად პა-
ტივითა შეიწყნარა და პატივ-სცა. და დაემორჩილნეს აბაღას
ყოველნი თათარნი, საბრძანებელი მამისა მისისა ულოსა.

მას ეამსა გამოვიდა დიდი ყაენი ბერქა გზასა დარუბანდი-
სასა აურაცხელითა ლაშქრითა შურისგებად ტუთარის, ბალა-
ღას და ყულის საქმისათუს. ცნა ესე აბაღა ყაენმან და მოუ-
წოდა სპათა მისთა, და მეფეს დავითს, და წარემართა. ხოლო
ვითარ აგრძნა ძლიერება და სიდიდე სპათა ბერქასთა, არღარა
განვიდა მტკუარსა, არამედ შეიარა ნაპირი და განსავალი ყო-
ველი, და აღიღო ზომი ყოველგან და დააყენა ლაშქარი, სადა
შეკრებვიან მტკუარი და რაჯსი, და მუნითგან ვიდრე მცხე-
თამდე. ბერქამან მოაოჯრა ქუეყანა შირვანისა, ჰერეთი, კახე-
თი და ყოველი იორისპირი, და მოვიდა ლაშქარი ტფილისამ-
დე, და მრავალი სული ქრისტიანე მოსწყუდეს. ხოლო ბერქა
ყაენი დადგა მათთა შინა გარეჯისათა. მაშინ მოხედნა ღმერთ-
მან ქუეყანასა წყალობით და ყაენსა აბაღას, შეედგა საღმობა
რამე ბერქას და მოკუდა. ვითარცა იხილეს სპათა მისთა სი-
კუდილი ყაენისა მათისა, წარიღეს მკუდარი და განვლეს კარი
დარუბანდისა. ესრეთ დამშუდნა ქუეყანა ესე.

ხოლო თათართა გულად აქუნდის შიში მეფისა ბერქას
ლაშქრისა გამოსლვისა, და ყოველთა სთუელთა წარვიდიან
სიბასა ზედა. და ვითარ მოეახლის ეამი სიბას წარსლვისა,
მოუწოდა მეფემან სპათა თუსთა და სარგის ჯაყელს ციხის-
ჯუარელსა. ვითარ მივიდა სარგის დავით მეფესა წინაშე ტფი-
ლისს, ეგონა სარგისის განდგომილება ყაენს წინაშე, და დაი-
ვიწყა ნამსახურობა განზრახვითა უკეთურთა კაცთათა, მოუ-



წოდა პალატად და შეიპყრა და საჭურჭლესა შინა ტყუილ-მეცხერად ცნეს ესე აზნაურთა თანამყოლთა სარგისისთა, ივლიტობდნენ და წარვიდეს ყაენს წინაშე, და მოაჯსენეს აბათა ნოინსა, რათა მან განაჩინოს მეფესაგან დაჭირვა სარგისისი და მოაჯსენოს ყაენსა აბალას და სთხოვოს სარგის. ისმინა მსწრაფლ გედრება აბათა ნოინისა და მოსცა ელჩი, და წარმოავლინეს, და მოიწია ტფილისს და წარიყვანა სარგის და მიჰვეურა აბათა ნოინსა. და მიერთიგან იქმნეს ჯაყელნი მორჩილნი ულთისისანი, ვიდრე ჟამთამდე მეფეთა შორის ბრწყინვალისა და საჩინოსა გიორგისითა.

ხოლო მეფე ჯერეთ არა წარსრულ იყო სიბასა, შეედეგა სალმობა მუცლისა ძესა მისსა პირამზოსა, გიორგის, რომელიც სიკეთელმატებულეებითა სავსე იყო. განგრძელდა სალმობა ესე-ზომ, რომელ კნინლა მკუდარ საგონებელ იყო, და იღვბუქმრად, უძრავად, სულთა აღმომგმუნველი, და მითცა ძლით, ამას მწუხარებასა და უღონობასა რა მოეცვა მეფე და ყოველნი მკუდრნი საქართველოსანი, მოეცენა მეფესა დამანისისა ღმრთისმშობელი, და წარვიდა წინაშე მისსა, და თუთ წარმოაჩინა, ვითარ ყოველი უჯამურითა ფერკითა მოჰყვებოდეს და მოეგებოდეს, მკურვალითა ცრემლითა წყალობად მათდა აღძვრიდეს. მაშინ შეისმინა გედრება მათი წმიდათა უწმიდისისა ღმრთისმშობელმან, და მყის შეხებასავე თანა, და პირსა ზედა შეხებასა თუალნი აახუნა მსწრაფლ და ვითარცა უგნებელი წარმოჯდა. იხილეს ესე მეფემან და ყოველთა მკუდართა საქართველოსათა, განკურდეს ანაზდათსა ამას საკვირველებასა ზედა ყოვლად წმიდისასა, და აღიდებდეს ყოველნი ღმერთსა.

და კულად წარვიდა მეფე სიბასა ზედა, და მუნ ყოფასა მისსა, ჟამსა წარმოსლვისასა დასნეულდა მეფე დავით მათ სალმობითა მუცლისათა და გერ განკურნეს მკურნალთა, და წარვიდა ცხედრითა. და ვითარ მოეახლა მარტყოფსა, მივიდა ხატსა მის კელითუქმარსა, რომელი თუთ გამოისახა ტილოსა, ხატისა მიერ, კეცა ზედა. მოყვანება ბრძანა მარტომყოფისა ხატისა, და ევედრა ცრემლითა და შეუჯრდა, და განკურნა, ვითარ უფლისა მიერ განკურნებული ცხედარსა ზედა მდებარე. და ესრეთ მრთელი მოვიდა პალატად ტფილისისა, და იყო განსიონიგებასა შინა თუნიერ ამისსა, რამეთუ მთავარნი

და ერისთავნი ვერ ცვალნის შიშისათჳს ყაენისა. ხოლო თქმულ არს ესეცა, ვითარ ბრძენისა სოლომონისათჳს წერაღ არს, ეამსა სიბერისა მისისა არა მართლად ვიდოდა წინამეღმართისა, და მძლავრებისაგან თათართასა უცალოქმნილმან იწყო შლად საყდართა საეპისკოპოსოთა. რომელი სანატრელთა მეფეთა შესავალნი სოფელნი მიენიჭნეს, განსცემდა, ეგრეთვე მონასტერთა. ამას თანა სხუანიცა ბოროტნი აღბრა მტერმან, რომელნი არა საკმარ არიან თქუმად, და მძლავრა სიბერესა შინა, ვითარ სოლომონს. ამისთვის სწრთვიდა ღმერთი არა ჩუენებითა, არამედ შუენიერებითა ძისა მისისათა სიკუდილისა გლოვითა, ვინათგან უგუნურობასა შინა ვართ ნათესავნი ადამისნი, და გულმოდგინედ მიდრეკალ არს გული კაცისა ბოროტისა მიმართ, ვითარცა წერილ არს: „არა ინებეს შეგონებად, არამედ გარდავკედით ცხორებასა ჩუენსა და ყოველნი ვართ ამოებასა შინა“, ვითარ იტყჳს ბრძენი ეკლესიასტე: „ამოება ამოებათა და ყოველივე ამო არს“, და მზესა ამას ქუეშე ზილულსა ყოველსა ამოებასა მისცემს.

ხოლო ჩუენ, გზისა მცირედ გარდამაბიჯებულნი, კუალად მოგზაურ ვიქმნეთ. და ვითარ მოიწია მსგეფსი სიბას წარსვლისა, წარვიდა მეფე კუალად. ხოლო მუნ ყოფასა მისსა დასნეულდა ძე მისი, გიორგი, რამეთუ დიდი ნუგეშინის-ცემა აქუნდა მეფესა საბრძანებელსა მისსა, და მისვე სისხლისა მდინარებისაგან აღსრულდა, და დაუტევა მწუხარება მიუთხოვბელი ყოველთა მკვდრთა სამეფოსათა დიდთაგან მცირეთამდე. ხოლო გუამი ყრმისა გიორგისი დაასუენეს საყდარსა სიონისასა, რათა მოიკადონ მეფე, ვითარ მოეახლა ეამი მოსლვისა.

ვითარ წარცდა ეამი მცირედი, მოვიდა მეფე ტფალისს. ვითარ არავინ გაეგება წინა თუნიერ მცირეთა მოქალაქეთასა, ზარგანჯილი მისწრაფდა პალატად, სადა დახუდეს სპანი და ვაზირნი დამალულნი და შავითა მოსილნი. და ვითარცა აღწყყეს სიკუდილი ძისა მისისა, გიორგისი, მყის სმენასავე თანა დაეცა და კნინდა მკუდარ იქმნა. და ესრეთ შეიღეს პალატად ჳელთ ზედა მქონებელი, და ძლით მოვიდა ცნობად, რამეთუ, უკუეთუ მოისპოს სული, მყის მოისპობის ცნობა, და უკუეთუ მოისპოს ცნობა, არა თანა მოისპოს სული, სიტყჳს-მოქმედი იტყჳს. ვინათგან ტკივილთა მიერ უზომოთა მოცვეულიყო, და შვილობისა სიყუარული და კუალად სიტუტრფე-აღმა-



ტებულება ათვრამეტისა წლისა მყოფისა, სიმკნე, სამკეტელისა და სხვათა ზნეთაგან განსრულებულობა, ტკივილნი მრჩობლ ზედა და-
ერთვოდეს. საღმობიერიითა გოდებითა გოდებდა და სიკუ-
დილსა აღირჩევდა თავისა თვისისა, რაჟამს იხილა აღყუავებუ-
ლი შუენიერი გუამი ძისა მისისა, გიორგისი, მკუდარად უფე-
რულად მდებარე, რომელსა იგლოვდა ერი. და ვაებითა წა-
რიყვანეს მცხეთას და მუნ დაკრძალეს, და უკმოიქცეს მწუხა-
რებითა საესენი. ხოლო ესეოდენ განუმრავლდეს ტკივილნი
შვილისა საყუარელისანი, მიერთგან არღარა აქუნდა ლხინე-
ბა, და სენთაცა მრავალთა მოიცევს და გუამითა უძლურებდა
უმრავლესთა ქამთა, გარნა მონებდავე ყაენს აბალას, არა იყო
სხუა ღონე.

აქა შინა იწყო მანკაბერდელმან სადუნმან განდიდებად,
რომელ პირველ ულოს შეეწყალა რკინობისა ძლით, და ყაე-
მან აბალაცა პატივი უყო, და დიდი საჭიბ-დიგანი კეთილსა
უყოფდა მით, რომელ ცოლისა მისისა, ავაგის ასულისა ხუა-
შაქისა, ეჯიბობა აქუნდა, და მეფესა დავითს მიეზომნეს მრ-
გალნი ქუეყანანი.

ამათ ქამთა იქმნა განდგომილება თათართა ურთიერთას,
რამეთუ განუდგა ყაენსა აბალას თეგუთარ, ყაენისა ბარახას
ძმა უმრწამესი, რომელი იყო ზემოცსენებულისა ჩინგიზ ყაე-
ნის შვილისა ჩალატა ყაენის ნათესავი, რომელსა ეპყრა ქუე-
ყანა თურანისა და დიდი თურქეთი. ესე ბარახა ყაენი იყო
თურანსა და წარმოავლინა ძმა თუსი, თეგუთარ, რათა ხარაჯა
ქუეყანისა, რომელ წილ-ხუდომოდა, ვითარ ზემო თქმულ არს,
თეგუთარს მიხუდებოდის. ესე მივიდა ორისა ბევრისა ლაშ-
ქრისა მქონებელი. შეიწყნარა აბალა და უჩინა ზაფხულისა
სადგურად ვიდრემე მთანი არტანისანი და საზამთროდ რავსი-
სა პირი და ნახჭევანი. ესრეთ იყოფოდა თეგუთარ. შემუტრდა
ყაენობა აბალასი და მიუმცნო ძმასა თუსსა, ყაენსა ბარახას,
ჯეონს იქით მყოფსა, ვითარმედ: „რად მივსცემთ ყაენობასა
და ქუეყანასა დიდსა აბალას. აწ წარმოემართე მანდით შენ და
აქათ — მე, და ორთავე შეგმუსროთ აბალა, და ჩუენ დავიპყ-
რათ ქუეყანა მისი“. ხოლო მოივერაგა ესრეთ: „თავი შეშისა
ისრისა აღმოთხარა და ძუალითა პილოსათა შეაწებნა სამნი
ისარნი, და მათ შინა შთადგა წიგნი, ამაღ, რომელ ყოველგან,

გზისა მცველნი განჩენილ იყვნეს თათართაგან ძუელითაგან და განიკითხიან მგზავრი და მოციქული.

და ვითარ მივიდა თეგუთარის მოციქული ძმასა მისსა ბარახა ყაენს წინაშე, სთნდა სიტყუა და განზრახვა თეგუთარისი, და მიუმცნო მანცა ეგრეთ, რათა პაემანსა შეკრბენ ერთად და დაამკუან აბალა ყაენი და დაიპყრან კელმწიფობა. და მოუწერა განჩინებული დრო პაემანისა. რომელ მას ქაშსა უკუდგეს თეგუთარ, რომელსა ქაშს გამოვიდეს ჯეონსა ბარახა სპითა მისითა. ხოლო განგებამან ზენამან განაქარვა განზრახვა მათი და დაიცვა აბალა უმანკობისათუს, და სიწრფოებისა და სიმართლისათუს. და შესცთა მწიფობარნი მისი და ორითა მთოვართა უწინ დაწერა განდგომა თეგუთარისა, რამეთუ თუენი მათნი მთოვართა აღრაცხილ არიან. და შთადვა მანცა თავსა შინა ისრისასა წიგნი ესე, და წარმოვიდა მოციქული და მოიწია ნიგალისველსა თეგუთარს წინა. და მოსცნა ისარნი, და განალო თავი ისრისა და პოვა დაწერილი ძმისა მისისა ბარახასი. და ქამიცა იგი პაემანისა მოახლებული პოვა წერილსა მას შინა, და მყის აღეკაზმა ბარგითა და დედაწულითა, კაცი მბრძოლი ვითარ ბევრი ერთი და ხუთასი, რამეთუ სხუა იგი ლაშქარი გერ ესწრა სისწრაფისაგან, ნუჟუემ განცხადნეს საქმე მისი და ბოროტი ეყოს აბალას მიერ. აიყარა და მომართა მათთა ღადოსათა, კარჩხალთა და კარისათა, რომელ არს შორის შავშეთისა და აქარისა, და დადვა თავსა შავშეთისასა ფიჭუთას, და ეზრახა სარგის ჯაყელსა რათა მისცეს გზა, უკუეთუ უნდეს წარსლვა აფხაზეთისა მეფესა დავითს წინაშე, რათა იგი იყოს შუამდგომელ მეფისა და თეგუთარისა, და უკუეთუ განუმარჯუდეს, დიდად განადიდოს სარგის. და ვითარ ამას ზრახვასა შინა იყვნეს, სთნდა სარგისს სიტყუა თეგუთარისი.

მოუწოდა აბალა სპათა მისთა და დიდსა შანშეს შვილსა ივანეს მანდატურთუხუცესსა, წარმოავლინა დევნად თეგუთარისა. და აჩინა მკედართმთავრად სირმონ, ნოინის შვილი ჩორომლონისა, კაცი წყობათა შინა სახელოვანი და შემმართველი, და მრავალნი ნოინნი სხუანი. და მოიწიენეს მათთა არტანისათა და დაიბანაკეს მუნ.

ხოლო იქმნა ესეცა საკურველი ყოველთა ნაშობთა დედათა უმეტესისა, რომელმან ღმრთისა სიტყუასა, ქალწულისა-

გან შობილსა ქრისტესა ღმერთსა ჩუენსა, თუსითა კელით
თელ-სცა, და ჯმა მამისა ზეცით ესმა, და სულიწმიდა სახითა
ტრედისათა იხილა და სამებისა წმიდისა ერთი არსება ცხად-
ყო და გუასწავა იოანე ნათლისმცემელმან. ამისი უდაბნო შენ
არს და არა უცნაურ მათათა შინა ღადოსათა, ობიზა, უბირვე-
ლესი ათორმეტთა უდაბნოთა. ამას შინა არს უბირატესი ყო-
ველთა წინასწარმეტყუელთა და მოწამეთა ყოველთა უაღრე-
სისა ნათლისმცემლისა იოანეს კორკი იგი, რომელი არა
დადუმდებოდა ქებად ღმრთისა მოსრულისა, და მამხილებე-
ლი ჰეროდეს უსჯულოებისა. და ესრეთ პატიოსნითა საუნჯითა
განშუენებული, და საღმრთოთა კრებულთა აღსავსე იგი სა-
ყოფი ნათლისმცემლისა, და ჭეშმარიტი თვთ თავადისა სა-
ყოფი, ვითარ სიტყუა ცხად-ყოფს.

ესმა რა თეგუთარს სიდიდე უდაბნოსა ობიზისა და შემკო-
ბა მისი პატიოსნითა ბატითა და კანდელთა მიერ აღსავსეობა,
ინება წარმოღება მისი, და წარმოავლინა ვითარ ათასი მკედო-
რი, რათა მოაოკრონ. ხოლო წარვიდეს მთისა გზასა, რომელი
მივალს კარჩხალთა კერძო. გარნა არა დაიდუმა მსჯავრმან ზე-
ნამან, რამეთუ ეგოდენნი წმიდანი მამანი, რომელ მას ეამსა
ბრწყინვიდეს ობიზას, სასწაულთა ნიშთა მიერ გაბრწყინვე-
ბულნი და მინდობილნი წინამორბედისა იოანესნი, წარმართ-
თა მიერ მოწყუდილნი, და კორკი იგი, დაუდუმებელი
ღმრთისა ქადაგი, არა უპატიო-ყო ღმერთმან. ამისთვის დაიცვა
საყოფი თუსი და მოუვლინა ნისლი და სიბნელე, და ვერღარა
ვიდოდეს ფერკითა საძაგელითა, რამეთუ მიახლოებულ იყ-
ნეს უდაბნოსა, და დადგეს მთის მის ძირსა, რომელსა ეწოდე-
ბის ძეგლი, რომელსა ზედა შენ არს ეკლესია წმიდისა გიორ-
გისი, რომელ არს შორის ობიზას და მიძნადორს. მაშინ მო-
ხედნა წყალობით სამკვდრებელსა თუსსა იოანე ნათლისმცე-
მელმან, მსგავსად ყოველად უბიწოსა ვლაქერნისა ღმრთისმწო-
ბელისა, და მოავლინა ქარი სასტიკი მთისა ღადოსა და ხორ-
შაკი და სეტყუა და წუმა მძაფრი, და აღდგეს ღელვანი, ვი-
თარცა შუა ზღუასა და წარმოეცა წყალი მძაფრი, და იქმნა
მდინარე დიდი, რომელი განსწორდა ვიდრე წუერადმდე ძეგ-
ლისა, რომელი აწცა იხილვების დიდი იგი ნალუარევი, რომე-
ლი შთავალს მართალ ზედა წყალსა შავშურსა. მოეტევა წყა-
ლი და წარიბუნა თათარნი სრულიად, კაცი და ცხენი, არა

დაშთა თვნიერ კიდე ერთისა კაცისა, და წარვიდა თხრობჳდ
თეგუთარისა, ვითარცა იობის ზედა ლაღადისი, ვითარმედ:
„სახლი ღმრთისა არს ადგილი იგი, საყოფი მონათა ღმრთისა-
თა, ერთდენით მუნ მისლვად“. იდგა მალალსა არსიანის თავსა
და მოვიდეს და რქუეს, ვითარმედ: „მოვიდა ლაშქარი დიდი
აბაღასი და დადგეს მთასა არტანისასა, და ხვალე მოსლვად
არიან აქა“. ესმა თეგუთარს და, რა გათენდა, აღყარა ბარგი
და დედაწული თვისი და უკუაყენა მთასა მაგარსა კარისათა,
რომელსა ერთკერძო შევალს გზა, და თუთ ლაშქრითა და მე-
ომრითა გარდმოიარა არსიანი. აქათ სირმონ ჩამოვლო მთა
ყუელისა. და მოვიდეს ორნივე თავსა ყუელისასა, სირმონ წა-
ნადაუდგა, რომელი იყო ბრძოლათა შინა სახელოვანი, ეგრეთ-
ვე მებრძოლნი თეგუთარისნი: სეგზი, ჯოლაქ, აბიშხა, თოლაქ-
დეშურ, რომელთა დიდად ძლიერი ომი ვარდაიკადეს, და მოს-
წყდა ორგნითვე ურიცხვ. და განგრძელდა ომი, იძლია თეგუ-
თარ და ივლტოდა დედაწულისა კერძო, მთასა დადოსასა
ჯნალისთავსა, და მიუდგა უკანა სირმონ, ხოლო თეგუთარ
დაუდგა სიმაგრესა მთისა მინდობილი.

და კუალად იქმნა ომი ძლიერი ორ დღე. და ვითარ მის-
ქირდა თეგუთარს, ივლტოდა უცნაურად, რომელიმე აქართ
და რომელიმე ნიგალისკვეით, რომელი ყოვლად უვალ იყო
კაცთაგან. და არა დასაჯერებელ არს კაცთაგან, უკუეთუ ვისმე
ეხილნეს მთანი იგი, რომელ წარვლეს, რამეთუ ყოვლად შე-
უძლებელ არს სლვა კაცისა, არა თუ ცხენისა, პირველ სიმა-
ყაფრითა და მერმე ტყისა სიკშირითა და შქერთა და ეკალთა,
რომელსა ბურწუმელ ეწოდების, განრთხმული ბრძამლითა,
რომელი ნადირთაგანცა უვალი იყო ადგილი, რომელი შთავ-
ლეს. და იქმნა ესეცა, რომელ განვლეს ტყესა ერთსა, ქუეშეთ
კლდიანსა და ზედათ მცირისა მიწისა მქონებელსა, და ზედა
მოშენებულ იყო ტყე, გაღმართ განმავალთა წარუსქდა მთა
იგი. ვითარცა ზუავი მოვლისა, კაცსა ვითარ ათასსა, დედა-
წულისა მქონებელსა, და შთავიდა კევსა აქარისასა, და დაი-
ბყრა ცხენი და კაცი და ყოვლად უჩინო-ყო, და ესრეთ სა-
წყალობელად მოსრვოდეს. და ჭერეთცა ადგილსა მას
სთხროან მაჰარელნი და ჰპოებენ სამკაულთა დედათასა ოქრო-
სა და ვეცხლისასა.



ჩაიარეს აჭარა და ნიგალისკევი, და მერმე შეიარეს რია და მივიდეს ქუთათის მეფესა დავითს წინაშე. ხოლო იგი სიხარულით მოეგება და სერი დიდი განუმზადა: ხუთასი ზროხა მონარშული დაუდგა, თნიერ ღორისა და ცხურისა კიდე, და ლაშქრისა გამოსაზრდელად მასვე დღესა ცხენი ექუსასი, ზროხა ათასხუთასი, ცხოვარი ორი ათასი, ღორი ორი ათასი. ესე მას დღესა მოიღო თეგუთარს წინაშე, და მან განუყო ლაშქართა, რომლისათჳს დიდად განკვრდეს თეგუთარ და სპანი მისნი, ხოლო ღვნის ამარი არა იყო, მოიღეს ურშითა და ჭურითა და აღმოასხმიდეს.

ესრეთ კუალად ისტუმრნა მეფემან დავით, რომელი იყო უხვი და მდაბალი, და მეცნიერი ყოვლისა საქმისა, და სახელისა მომხუტქელი. ესე, ვითარცა მონა, დაუდგა წინაშე სასამსახუროდ თეგუთარს. ეგრეთვე დედოფალმან, ასულმან მადლისა კელმწიფისამან, პალიალოლოს კოსტანტინეპოლის მეფის ასულმან, ამანცა ეგრეთვე პატივ-სცა ცოლსა თეგუთარისსა, და გაუშინაურდეს ურთიერთას და მიენდვნეს და ზედასზედა მივიდის დავით მეფე თეგუთარს წინა და განუჩინის ყოველივე წესი და რიგი მისი, და ესრეთ იყოფოდა წინაშე მისსა.

და ვითარ შეიქცა სირმონ გამარჯუებული ყაენს აბაღს წინაშე, მოვიდა კაცი გზათა მცველთა ხუარასნით, ვითარ: „შეიძრა ულუსი დიდი თურანისა, და ყაენი დიდი ბარახა გამოვიდა ჯეონსა უმრავლითა ლაშქრითა“, რამეთუ ბარახა პაემანსა გამოსრულ იყო, და თეგუთარის გარდახუეწა აღწყყეს. ვითარცა ესმა აბაღს, განკვრდა, მოუწოდა ყმათა მისთა და ყოველთა ქართველთა. რამეთუ მეფე დავით შვილის სიკუდილითა დაუძღურდა, ეგრეთვე წარვიდა ყოვლითა ძალითა მისითა ხუარასნით კერძო, და მივიდეს პერს და მიერ მინდორსა ამოსისასა, დაეახლნეს ურთიერთას. წარავლინნეს მეფე და სპანი მისნი წინათ, რათა დაიცვენ ლაშქარნი მისნი დასხმისაგან ბარახასა და ულუსი და სპა მისი განიცადოს. და სხუანიცა ნოინნი წარგზავნა წინაწარსლვად, ვითარ ოთხსა გინა ხუთსა მილიონსა. ამცნო, რა იხილონ სპა ბარახასი, რომელი მათვე შემოეყენა, გარეთჴუნიქცეს. ამათ წინა შორს მდგომთა ყარაულად უწყუდიან ენითა მათითა.

და წარვიდა მეფე და ყარაულნი თათართანი აბაღსნი, და

ვითარ ვლეს ორი დღე, დაღვეს ადგილსა ერთსა მიმწუხრი
ქდა, ცისკარი რა მოეახლა, იხილეს მტუერი დიდი ამოსის მინ-
დორსა ამაღლებული ვითარ ღრუბელი. ცნეს, ვითარმედ ბა-
რახასი და სპისა მისისა არს. აეკაზმნეს მეფე და სიქდურ, და
ენება სიქდურს გარეუყუნქცევად ბრძანებისაებრ აბალსა, და
რქუა მეფესა: „ჩუენ ყარაულნი ვართ, და ლაშქართაგან მცი-
რენი, და, აჰა, განგვცდიან ლაშქარნი, და წარვიდეთ ყაენს
წინაშე და ვაცნობოთ მოსლვა მისი“. ხოლო მეფემან რქუა:
„არა არს წესი ჩუენ ქართველთა უკუე, რა ვიხილოთ მტერი
ჩუენ კერძო მომავალი, შეუბმელად ზურგი შემოვაცციოთ, და-
დათუ იყოს სიკუდილი“. ვითარცა ესმა თათართა, განკვრდეს
და განწყრეს, და ზედამოუცდეს მეფესა და ეტყოდეს: „არა
იცი, რასა იქმი არა გაქუს ბრძანება აბალსი, უმისოდ შებმა
დიდისა ყაენისა. თქუენ, ქართველნი, უცნობონი ხართ და არა
იციოთ საქმე“. და მრავალსა ევედრებოდეს მეფესა და ყოველ-
თა სპათა მისთა, და ბოროტს-ყოფასაცა აქადებდეს აბალს მიერ,
გარნა ვერ არწმუნეს უკუნქცევა. მაშინ წარავლინეს მსწრაფლ
კაცი ყაენს წინაშე და აცნობეს: „აჰა, მოვიდა ბარახა დიდითა
ლაშქრითა და ჩუენ ვხედავთ მტუერსა დიდსა, ამოსისა მინ-
დორსა სრულიად მტუერთა დაბნელებულსა, და ჩუენ ბრძა-
ნებისაებრ თქუენისა გუნებავს გარეშექცევა და წინაშე შენსა
მოსლვა, გარნა ქართველნი უცნობოქმნილნი არა მოვლენ
ჩუენ თანა, ამას იტყვან, ვითარმედ: „არა გუაქუს ჩუეულება,
რათამცა მტერი თუალითა ვნახოთ და გარეშევიქცეთ“. აწ არა
თუ შენ, ყაენი, მოხვალ და შენ ვანაგებ, ჩუენ განგვწირავს
თავნი ჩუენნი სიკუდილად. და ისწრაფე შეწევნად ჩუენდა“.

ვითარ მოიწია მოციქული და ესმა მოსლვა ბარახასი და
ყარაულთაგან არა მორიდება, განკვრდა და მსწრაფლ ამგედ-
რდა სპითა მისითა, და წარისწრაფა და მიესწრა რაზმწყო-
ბილთა და მოიყვანა მეფე და რქუა: „ვიცი სიმკნე თქუენი
ბრძოლათა შინა. თქუენ, ქართველნი, ურჩნი ხართ და შმაგნი.
უკუეთუმცა ნოინს რომელსამცა ექმნა, მო-მცა-გვალ. ამისთვის
არა ბრალუელ-გყო, რამეთუ უმეცარნი ხართ წესისა ჩუენი-
სანი. აწ დადგე წინათ ლაშქრითა შენითა“. ხოლო მეფე გარ-
დაცდა ცხენისაგან, თაყუანი-სცა და რქუა: „დიდო ყაენო, არა
არს ჩუეულება ქართველისა, რათა მტერი იხილოს და ზურგი

შემოაქციოს. აწ ხედნიერმან თუალმან ყაენისმან გზილ
რომელ დაგდგათ თავი ჩუენი სიკუდილად“.

და წარვიდა მეფე და დაეწესა წინა კერძო. ხოლო დიდი
იგი და მკნეი აბათა ნონი, რომელი იყო მკედართმთავარი, რო-
მელ არს ამირსპასალარი, მარცხენასა მკარსა, სირმონცა, დი-
დი იგი ბულცა მარცხენითვე; სიქდურ, ტოდან-ბულა, ჯინი-
ლის, არდუნ-ალა და იას-ბულა მარჯვენით, და სხუანი ნონი-
ბი გააყენეს მარჯვენით და მარცხენით. ეგრეთვე რაზმწყობი-
ლი ბარაზა მოიწია.

მაშინ გამოჩნდა კაცი ერთი, სახელით ალინაყ, ასისა კა-
ცისა თავადი და არა საჩინოსა გუარისა, არამედ ტანითა დიდი
და ახოვანი, ძლიერი ძალითა და უშიში მკნედი, და აღმატებუ-
ლი სიტუტრფითა, ჰაეროვანი და შუენიერი. ამან ითხოვა აბა-
თა ნონისაგან, რათა ფარმანი მისცეს წინამბრძოლობისა,
ოდესცა სთნდეს. და მისცა სათხოველი ესე აბათა ნონიმან. და
ამას შინა მოეახლნეს ორნივე სპანი ჟრთიერთას, და იქმნა
ომი დიდი და საშინელი. ამან ზემოკსენებულმან ალინაყ წი-
ნაშეუტივა რაზმსა მათსა, და განაპო და განვიდა რაზმსა მათ-
სა ყოვლითა მოყუსითა მისითა, შეკრბა და იწყო თქუმად ალა
ალასა, და მოიქცა და კუალად განხეთქა რაზმი მათი და გა-
მოვიდა აქათ. და მეორედ კუალად მიმართა, დაფრიწა რაზმი
და განვიდა იქით და იწყო თქუმად ალა ალასა. ხოლო ქარ-
თველთა ძლიერად იწყეს ომი, რამეთუ თვთ ხედვიდა ყაენი,
რომელ წინამდგომთასა მეფემან და სპათა მისთა უწინ შეუ-
ტივეს და სივლტოლად მიდრიკნეს. ეგრეთვე აბათა ნონიმან
ძლიერად ილუაწა ესეოდენ, რომელ ოქანსა შინა ომისასა სრუ-
ლიად შეჭურვილი კაცი აღილო უნაგირისაგან და ტახტასა
თვსსა შემოიდვა, და აქუნდა სრულსა ომსა შინა კელთა, ვი-
თარცა არწივსა კაკაბი. ეგრეთვე სირმონ ილუაწა ძლიერად,
და ყოველნი მათეკრძონი სივლტოლად მიდრიკეს. ხოლო ბა-
რაზა ყაენი შეემთხვა მარჯვენით აბალსთა — სიქდურს, ტო-
დან-ბულას, ჯინილის და არდუნ-ალას. ესენი მსწრაფლ სივლ-
ტოლად მიდრიკნა ბარაზა, ვიდრე მეორე დღე ამათ სდევნიდა,
ხოლო აბადა ორ დღე მათ სდევნა და ვერც ცხეს რაზმისა
სიგრძისაგან, თუ რა შეემთხვა. ხოლო ვითარ ცნა ბარაზა გაქ-
ცევა და ამოწყუეტა სპათა მისთა, დაბრუნდა, ეგრეთვე აბადა-
ცა, და შეემთხვენეს კუალად ჟრთიერთას, და განეწყუენეს.

ვითარ იხილა ამათა ნოინმან ბარახა, აღიღო შუბი და მარტო-
მან მიმართა რაზმსა მათსა, რამეთუ იყო ესე ამათა ნოინი კა-
ცი ტკბილი და სახიერი, და ახოვანი ბეჭითა და მკერდითა,
მსგავსი ლომისა, უშიში, ძლიერი, შემმართებელი და პერო-
ვანი, და სიტუტყვე-აღმატებული. და ვითარ მიახლდა სპა მისი,
სდევნეს და მოსწყვდნეს სული ურიცხვ და ტყუე-ყვეს, და
ესრეთ განმარჯუებულნი მოვიდეს ურდოთა მათთა შინა.

ხოლო ვითარ იყო ყაენი აბაღა ხუარასანს ბრძოლად ყაე-
ნისა, მაშინ ზენოკსენებულმან თეგუთარ წარმოავლინა სამხაი
მკედართმთავარნი მისნი დედაწულითა და ბარგითა მათითა,
სახელით სეგზი-ბადურ, და აბიშხა, და თოლაქ-დემურ, და მე-
ოთხე ჯოლაქ. წარმოვიდეს და მოვიდეს, და დადგეს მათსა
ზედა, რომელი აღმოვალს შტოდ კავკასისა, რომელ არს ლიზი,
და ვითარ წარვლეს დასავლით კერძო, რომელსა უწოდენ ლა-
დოდ, და ამათსა შესაყარსა დემოთისასა, დადგეს თათარნი
ადგილსა, რომელსა ეწოდებინ ლომისთავი. და მიერ არბევ-
დეს ჯავახეთსა ვიდრე ფარავნამდე. მაშინ მუნ მდგომთა თა-
თართა ჩამოვლეს ეკერისკევი და განვლეს აწყურს ზედა ფო-
ნი მტკურისა და განვიდეს ჯავახეთს. დახუდა ჯოგი კახა თო-
რელისა, რომელსა აქუნდა პატივად მეჭურჭლეთუხუცესობა,
და ყურუმჩის ვისიმე ჯოგი, ათასისა მკედრისა თავადისა, არა
აღინაყისა შვილისა ყურუმჩისა, არამედ სხუსა ვისმე. და წარ-
მოიღეს და მომართეს სადგურსა მათსა ლომისთავსა. ესმა ყუ-
რუმჩი-ბადურსა და მოუწოდა კახას თორელსა და დევნა-
უყვეს. ხოლო თეგუთარიანნი განსრულ იყვნეს მტკუარსა, სა-
და მოერთეს წყალი გურკლისა, და ესენი მივიდეს პირსა
მტკურისასა. რამეთუ იყო სიმრავლე ფრიადი თათართა და
ჭართველთა სპისა, მათი რამეთუ მცირედნი იყვნეს, იძიეს
ღონე. თოლაქ-დემურ განვლო მტკუარი ოცდაათითა კაცითა
უგრძნულად, და სხუანი დაუდგეს პირსა მტკუარისასა. თო-
ლაქ-დემურ ადგლო კევი და ადვიდა ჭედსა, და აღაბა ალაში
რამე სახედ დროშისა, და მოეტევა კმითა მაღლითა. და ვითარ
იხილა ყურუმჩი-ბადურ წინათ და უკანაკერძო ლაშქარი,
მგონა სიმრავლე სპისა მის და შეშინებულ იქმნა და ივლტო-
და მსწრაფლ შეშფოთებული, სადა-იგი სიმრავლე მოიკლა
კაცთა კეთილთა, და ორთა კონტელთა მიიღეს აღსასრული.
და სამძივარი ცხენმოკლული ცურვით ივლტოდა და აწყუ-



ერს შევიდა. მკედართმთავარი თათართა ყურუმჩი-ბადურა იყლა, და უწესოდ დაბნეულნი, გზისა მეოტისა ვერდაძყო-ბელნი შეივლტოდეს მთად რუგეთისა, აღმართსა ძნელ-სავალსა, რომელსა ჰქვან კურიკეწმიდა. დაბრუნდეს და გამარჯვებულნი მივიდეს ყაენის ძმისა, თეგუთარის, თანა. და აღადებულნი თეგუთარ გარდამოვიდა ქართლს და მოაოკრებდა ყოველსა ქართლსა.

მაშინ ვევედრა ყაენი აბალა მეფესა დავითს, რუსუდანის ძესა, რათა არღარა შეეწიოს და არცა შეუშვას თეგუთარ და ნიქთა დიდითა აღუთქმიდა. რამეთუ იქვისა მქონებელი ღალატისა, თეგუთარის ყმათაგან განცხადებულად მცნობელი, თუნიერ თეგუთარის კითხვისა ერჩდა აბალას დავით მეფე, და შეკრა გზანი, რომელ არღარა შეისლევბოდა ცხენით, ხოლო თეგუთარ არა უწყოდა.

და ვითარცა ცნა აბალა, რამეთუ არღარა შეეწევის მეფე დავით, — გარნა წერილ არს, ვითარ აფროსინელთა შინა სიტყუა, იტყვს ვინმე, იბრძოლებოდეს რა ანტიპატროს და ყრმა კასანდროს მოაკუდინა, — ცნა აბალა ყაენმან და წარმოავლინა მკედართმთავარი მისი სირმონ-ბადური და სხუანი მთავარნი ნოინნი, და სპისა სიმრავლე. და მოვიდეს თრიალეთს, და მოუწოდეს მეფესა დავითს და სპათა მისთა. რამეთუ მეფე სნეულობდა მას ქამად, და წარმოავლინა ყოველნი მთავარნი მისნი სირმონს წინაშე, და შთავიდა სირმონ ქართლად.

და ცნა თეგუთარ მოსლვა სირმონისი, წინაგანაწყო სპა მისი, და იქმნა ბრძოლა ძლიერი და მოსწყდა ორგნითვე ურცხვ, და ესწრა ღამე და გაიყარნეს. რა გათენდა, განემზადნეს და განეწყვნეს ურთიერთას პირისპირ. იქმნა ბრძოლა ძლიერი, და სპა მეფისა წინამბრძოლობდა. და ვითარ აღერიგნეს ურთიერთას, ივლტიდა სპა თეგუთარისი, მიმოდაიბნივნეს, მოისრნეს და უჩინო იქმნეს. დარჩა თეგუთარ და ძე მისი მცირე უღონოქმნულნი, მივიდეს სირმონს თანა, და ვევედრა, რათა ყაენი აბალა იხილოს მან და ძემან მისმან. ისმინა სირმონ, გარნა დააპატიმრნა და აღილო ტყუედ დედაწული მისი და ყოველი სიმდიდრე და ბარგი და საქონელი და ჯოგი, და მივიდა აბალას წინაშე, და მიიყვანა თეგუთარ და ძე მისი. ხოლო აბალა არა ავნო, რამეთუ იყო კაცი მოწყალე და შემნდობელი, ვითარ ზემორე ვთქვთ, და წარგზავნა ქუეყანასა ერა-

ყისასა, და მისცა ათორმეტი კაცი მას და ძესა მისსა. საზრდელი და შესამოსელი უხუად, ქორ-შავარდენი და ავაზა, და განუჩინა სარჩომი, რომელ არა აკლდეს, და მცველნი დაუდგინა, რათა არღარა გაუშვას მამულსა მისსა. და ესრეთ განსუენებულ იყოფოდა და აღსრულდა.

და ყაენმან აბლა მრავალნი ნიჭნი და ძღუენი წარავლინა მეფესა დავითს წინა და ქართლს მრავალნი სოფელნი და ატენი მისცნა.

მაშინ წარვიდა ყაენი სიბად და თანაწარიტანა დავით მეფე. დაყო ჟამი ზამთრისა და, ზაფხული მოიწია, წარმოვიდეს. და მგზავრ მომავალსა მეფესა შეედგა საღმობა მუცლისა, და ვითარ მკურნალთა ვერ უძლეს კურნებად, მაშინ ეცედრა ხატსა მას მარტომყოფისასა, და მივიდა მის წინაშე, ვითარ ჩუენულ იყო, რამეთუ პირველ ამისსა მუცლისა სნეულებითა შეზურთბილ იყო და, ვითარ მკუდარი, იდვა უსიტყვოდ, და აღუდგინა ხატსა კორცშესხმულისა ღმრთისასა. ხოლო აწ არღარა პოვა ლხინება ამისთვის, რამეთუ მოაკლო ღმრთისმსახურება და იწყო რღუევად საყდართა და შლად. ამისთვის აღილო ღმერთმან კელი წყალობისა, და პირველ წელთა მოკუდა ძე მისი პირშო, გიორგი, სიკეთელმატებული, და აქა მოცვალა დავითცა მწუხარებითა ძისათა. და ესუა სხუაცა ძე კეთილმოკსენებული, მკნე და ქველი, სახელით დიმიტრი, რომელი შემდგომად მეფე იქმნა. ხოლო ამან დავით რა დაასრულა ცხოვრება, დამარხეს სამარხოსა მეფეთასა მცხეთას. ხოლო თქმულ არს ესეცა, ვითარმედ წამლისა მიერ აღსრულდა, ცოლისა მისისა ესუქანის მიერ მიცემითა წამლისათა, ვითარ სიტყუსმოქმედი იტყუს მაკედონელისა მის დიდისა მიდოსით თავმტიციენეულობად მყოფისა და იქუსა წამლისასა მიდოს და ანტიპატროს მიერ მიცემისა, ეგრეთვე დავითისდა თქმულ არს ესუქანის მიერ შურისათეს ბასილი უჯარმელისა, რომელი მოაკუდინა მეფემან უწესოებისათეს: თანაეყო ბასილი ესუქანს და არა რიდა საწოლსა პატრონისა მეფისასა, და ჩოჯანიცა აღიჯადა და მთავრობა მიიტაცა. ამის უწესოებისათეს მოიკლა ბასილი.

ვინათგან მოიწია მწუხარება უნუგეშინის-ცემო ყოველთა მკვდართა საქართველოსათა, რამეთუ მიიცვალა მეფე დავით, იგლოვეს წესისაებრ, და მრავალი ნიჭი გასცეს ეკლესიათა,

საყდართა, გლახაკთა სავსენებლად მისა. გარნა მწუხარებდნენ მთავარნი, რამეთუ მეფე დიმიტრი იცირე იყო იალ-ედგა მეფობა. ამისთვის უმრავლესნი წარვიდეს და მსახურებდეს ყაენსა, რამეთუ ვერცა დაკით მეფემან წუთარათა ერისთავანი შიშისათვის ყაენისა.

მაშინ ზემოკსენებულნი დალღურ და რაჰის ერისთავი, კახაბერი, შეიზარახნეს ურთიერთას, რათა განუდგენ მეფესა და ვითა, რუსუდანის ძეს, და წარვიდეს ყაენს აბაღას წინაშე. და ეზარახნეს აღინაყს ბადურს, რომელი დგის მათა ჯავახეთისათა და მან აცნობა ყაენსა. ხოლო მან ნიჭნი დიდნი აღუთქუნა. და წარვიდა დალღურ და კახაბერის ძე. კახაბერი, რომელი იყო თესლით ბოროტი, ვითარ გუაუწყებს წიგნი მეფეთა, ბაღუშისთა და ნათესავთა მისთა. რამეთუ მოიწივნეს ყაენს წინაშე, შეიწყნარნა, და მოუწოდა სირმონ ნოინსა და რქუა: „მეფე დავით ესეოდენთა განდგომილებათა იქმს, რამეთუ მისსა არა კმა იყოფს, და ყოველთა განდგომილთა ჩუებთა თანაშემწევის, ვითარ თეგუთარს და აწ დალღურს. ხოლო მე ნიჭნი და პატივნი წინაუყვენ თეგუთარისთვის და კუალად დალღურ შეიწყნარა. აწ მნებავს, რათა შური ვიდოთ მის ზედა“. და ესმა კახაბერსა, და წარდგა თუ თქუა: „უკუეთუ ნებავს ყაენსა შურის-გებად დავით მეფესა ზედა, მე მისთვის მოსულ ვარ, ვიცნი გზანი შესავალნი, და წარვასხამ ლაშქართა, და ეგონებ, რომელ მეფე კელთ ვიგდო. და დალღურცა იცის გზა და ძალი ქუეყანისა მათისა“.

მაშინ უბრძანა ყაენმან აბაღა სირმონ ნოინს, და აღინაყს, და თაიჩოს, და აბჩის, რათა ილაშქრონ მეფესა დავითს ზედა. და შეკრბეს სიმრავლე ლაშქრისა სამი ბევრი, და გამოვლენ თრიალეთი, და გარდავლეს მთა ლიხისა. და ზედადაესხნეს ქუთათისს აბანოსა შინა მყოფსა მეფესა. და ძლით შეესწინებნენსა, ერთითა კაბითა მარტო ივლტოდა. ხოლო თათართა მოაოკრეს ეკლესიანი და მრავალი სული ქრისტიანი მოიკლა და ტყუე იქმნა. და უვნებლად მივიდეს ყაენს წინაშე. ხოლო მეფე, საკერველებით დაცული ღმრთისა მიერ, განერა. და ვერ ესწრა მეფე ომსა მათსა, რამეთუ მსწრაფლ უკუნიტკეს თათარნი.

წელსა მესამესა კუალად წარმოვიდეს სირმონ და აღინაყ აბაღას ბრძანებითა შეპყრობად მეფისა. რამეთუ დაემსტურა

კახაბერსა და არღარა ჰგონებდა მისლგასა თათართასა. დაესხ-
ნეს კულადა, და მეფემან მიპრიდნა, დ მოაოკრეს ქუეყანანი.
და ვითარ ცნეს შეყრა და ზედამოსლვა მეფისა, ივლტოდეს
თათარნი მსწრაფლ მასვე დღესა ტყუთა და ალაფითა.

ამათ ქამთა სადღუნი მანკახბერდელი განდიდებულ იყო
უშეტეს ყოველთა მთავართა მის ქამისათა, რამეთუ შეიყუარა
ყაენმან აბაღა, და იწყო ურვად საქმეთა საქართველოსათა,
რამეთუ ასული პატრონისა მისისა, ავაგ ათაბაგისა, შევედრა
სადღუნსა, და ხუაშაქმან ეჯიბობაცა მისცა.

მაშინ შეკრბეს თავადნი ქართველნი და დიდებულნი და
წარიყვანეს მეფისა ძე, დიმიტრი, ურდოსა. და მივიდეს შან-
შეს ძისა ივანეს თანა მანდატურთუხუცესსა. და წარჰყვა
იგიცა ურდოსა. და მიიყვანეს ყაენს წინაშე ურდოს და
უურვეს მეფობა. და ვითარ იხილა ყაენმან დიმიტრი, შეიწყა-
ლა, რამეთუ იყო კმნულკეთილი და შუენიერი ხილვად. და
მოსცა ყოველი სამეფო თუნიერ სარგის ჯაყელისა, და წარმოა-
ტანა თანა სადღუნი, რომელსა უბოძა მეფემან დიმიტრი ათა-
ბაგობა. და მოვიდა ტფილისს და დასუეს ტახტსა მაჰათა
მათათასა, და აღასრულეს წესი კურთხევისა კათალიკოზმან და
ეპისკოპოზთა და ყოველთა მთავართა საქართველოსათა ჰერე-
თათ, კახეთით, სომხეთით, ქართლით და ჯავახეთით და ტაოთ,
რომელნი შეკრებულ იყვნეს. და იყო მადლობა ღმრთისა და
სიხარული დიდი, განცემა გლახაკთა და ობოლთა ზედა, რათა
წარემართოს მეფობა დიმიტრისი, და კეთილად განგება სა-
ქართველოსა.

მათ ქამთა იწყო ყაენმან აბაღა ბრძოლად მეგვტტელთა
მთავარსა და სულტანსა მისრისასა ფუნდუყადარს, და წარავ-
ლინა სპა ძლიერი და მათ თანა სპა ქართველთა, და აჩინა
მკედართმთავრად თოდან ვინმე ბადური, ნათესავით სადღუ-
სი, მთავარი გარეთათა, და წარგზავნეს გზასა საბერძნეთით
მამავალსა შამად, და მიუშცნო სულტანსა საბერძნეთისასა
ფარვანას, რამეთუ უწინარეს ამის ქამისა აღსრულებულ იყო
სულტანი დიდი საღჩუქიანი ყიასდინ, და მონასა მისსა, ფარ-
ვანას, მიეტაცა სულტნობა, და ცოლიცა მისი და ასული რუ-
სუდანიისა, გურჯი-ხათუნ, მიეყვანა ცოლად, და მას აქუნდა
ყოველი პონტო, ასია და კაბადღუკია. ამას მიუშცნო ყაენმან,
რათა შეეწაოს სპათა მისთა.



და წარვიდეს სპანი აბალასნი და მივიდეს ფარვანას და დაიბანაკეს ევხაიტს, რომელ არს ასურასტანი. და ვიპოვეთ ცა ესმა სულტანსა ფუნდუყადარს მისლვა თათართა, მოუტდა სპათა ეგვპტისათა და ზედადაესხა ესმა განთიადისასა, და იქმნა ძლიერი ბრძოლა, სადა იგი მკნედ ბრძოლა-უყვეს ქართველთა, რომელ თათარნი განკვრდეს. მაშინ თათარი ვინმე, სახელით მორდულ, მიეტევა მარტო რაზმსა არაბთასა, და განვლო შიგან და გამოვლო, და მომავალსა ცხენსა მისსა უკანა ფერკი მარჯუენა მოჰკუთუნა ვინმე ქუმედებარემან კაცმან საოლაგვა ქაჩაჩსა ზედა. იქმნა საქმე საკვრველი, ივლტოდა სპა აბალასი და თოდან მოკლულ იქმნა. წარმოვიდა ესე უფერკოთა ცხენითა, სამი ღღე და სამი ღამე ვლო. ეგრეთ მოკლდა ცხენი.

ვითარ ცნა აბალა ამოწყუედა ლაშქართა და უმეტეს ქართველთა, დაუძიმდა დიდად, და შეასმინეს სულტანი საბერძნეთისა ფარვანა, ვითარმედ განზრახვითა მისითა იქმნა მოსლვა სულტნისა ფუნდუყადარისა. ამისთვის შეიპყრეს ფარვანა, დაღათუ არა ენება აბალას მოკლვა მისი, არამედ ნოინთა მოაკუდინეს ფარვანა, და აღიღეს ყოველი სიმდიდრე მისი, და აჩინეს საბერძნეთსა ნოინი დიდი და კეთილი, ნათესავი ბირველთა ყაენთა, ონ-ხანისა გუარისა, სახელით ერინჯი. ამას კელთ-უდგეს მთავრობა საბერძნეთისა. და წარუღეს აწყუერი სამცხეს, რომელი ჰქონდა ფარვანას ცოლეულთაგან, და უბოძეს ჯაყელსა სარგისს და ძესა მისსა, ბექას.

ვითარცა აღიზარდა მეფე დიმიტრი, დაწყო საურავთა საქმეთა კეთილგანგებად, რამეთუ იყო ესე დიმიტრი ტანითა ახოვან, ფერთა ჰაეროვან, შესახედავად ტურფა, თმითა და წუერთა მწყაზარ, თუალითა გრემან, ბეჭბრტყელ და შეწყობილ, სამკედროთა წესითა სრული, ცხენოსანი და მშულდოსანი რჩეული, უხუ, მოწყალე გლახაკთა, და მდაბალი, რომელ არა სმენილ არს ნათესავი მეფეთა, გინა სხუათა კაცთა. რამეთუ აქუნდა ჩუეულება, აღიღის საფასე და აღდგის ღამე, და მოვლის ქალაქი, და მოიხილნის გლახაკნი და დავრდომილნი და ობოლნი, და თუსითა კელითა მისცემდის. და ყოველთა უწყოდის მოწყალეობა მეფისა, და გლახაკნი ღამით ფოლოცთა შინა ვიდოდინ, რათა შემთხვენენ მეფესა. ამას თანა მოეგო მარხულობა, ღამით ლოცვა და მუტკლთ-ყრა ფრიადი: ათას-

ხუთასი მუკლი მოაგდის მდაბლად შიწასა ზედა. ესრეთ ყოველითურთ განშუენებული იყო, გარნა ესრეთ კელთა სადუხისათა იყო, რამეთუ ფრიად განადიდა სადუხნი ყაენმან. და იურვა მეფის დიმიტრისაგან თელავი და ბელაქანი და მრავალნი ქუეყანანი. და სადუხნი კეთილად განაგებდა საქმეთა საქართველოსათა, რამეთუ დღეთა მისთა არა იქმნებოდა თათართაგან ძალი და უსამართლო, არცა დიდთა წონითაგან, არცა ელჩთაგან. და ესრეთ აღშენდა საქართველო.

მეფემან დაიწყო სიბას წარსვლად, და აღაშენნა ქუეყანანი მოოკრებულნი. ამანვე აღაშენა პალატსა შინა მონასტერი ისანთა, საყოფელად მეტეხთა ღმრთისმშობელისა, და შეაძყო განგებითა დიდითა და შესწირნა სოფელნი და ზუარნი, და განუჩინა მონაზონთა საზრდელი და სამოსელი, და განაგო განგებითა კეთილითა. და წარვიდა ურდოსა, და მას შინა ყოფასა მეფისასა სთხოვეს საფასე ურიცხვ მეფესა განზრახვითა სადუხისითა. რქუა მეფესა სადუხ: „უკუეთუ მომცე დმანისი, მე მივსცე საფასე ყაენსა“. ისმინა მეფემან და უნებლიედ მისცა დმანისი და მიმდგომი მისი, და უმეტეს განდიდნა სადუხნი. ხოლო ქმნა კეთილიცა საქმე მონასტერთა და გლახაკთა მიმართ, რომელ დღეთა ცხოვრებისა მისისათა მან მისცა ყალანი და მალი ათორმეტთა უდაბნოთა გარეჯისათა და განათავისუფლნა ქუეყანა გარეჯისა, და მსახურებდა მეფესა დიმიტრის. განდიდნა დიდად ლაშქრითა და სიმდიდრითა ოქროსა და ვეცხლისათა, და ჯოგისა და ხუასტაგისა არა იყო რიცხვ, რამეთუ იყო კაცი ესე მშუებელი, კეთილად გამგონე და ბრძენი, რამეთუ ყაენი აბაღა ისმენდა სიტყუათა მისთა და დიდი საჰიბ-დივანი; მამული ავაგ ათაბაგისა ამას აქუნდა. და ასული მისი, ზუაშაქ, მოეყვანა ცოლად საჰიბ-დივანს. ესე საჰიბ-დივანი განდიდებული იყო ყაენის ტლოსგან და სადუხნიცა მისგან განდიდებულ იყო. და ყოველი საბრძანებელი ყაენისა მისთა კელთა შინა იყო და ბრძანებასა მისსა მორჩილებდეს. და იყიდნა სადუხ მრავალნი ქუეყანანი, და უბოძეს მეფეთა კარი. და დაჯდა კარსა და მისი მიმდგომი ქუეყანა მოივერაგა ახალციხელთაგან და ასული ახალციხელისა ცოლად მოიყვანა. და საქართველოსა ლაშქართა საქმე და განგება კელთუდვა ყაენმან და დარბაისელნი ქართველნი და სომხითარნი და ჰერკახნი მეფეს წინაშე იყვნენ.

ამათ ჟამთა შინა განდიდნა სამცხის სპასალარი და მეფის
ჭლეთუხუცესი სარგის ჯაყელი და ძე მისი, ბექა, რომელნი
მთავრობდეს სამცხეს. ხოლო საქმენი სარგისისნი ზემორე
აღგუწერია და შემდგომად ვაჯსენოთ ძე მისი, ბექა. იყო ბექა
ტანითა ახოვან, ფერთა პაეროვან, თმითა და თუალითა გრე-
მან და შუენიერ, ბეჭითა და მკერდითა სრულ, ძალითა
ძლიერ, ომსა შინა მკნედ მბრძოლი, ცხენთა ზედა მკნე და
შოსიარი ნადირთა კელოვანი, გონებითა ფრთხილ, მამენებე-
ლი ქუეყანათა, ეკლესიათა და მონასტერთა, და ღმრთისმო-
საგთა კაცთა პატივის-მცემელი, მლოცავი, რომელ არა დააკლ-
დის ცისკრის ლოცვათა, სამხრად და მწუხრად, ვითარ ტუბი-
კონი მოსცემდის წესსა ლოცვისასა. ამისთვის პატივ-სცა ღმერ-
თმან და მეფულეცა შემსგავსებული მოანიჭა, ლოცვისა, მარ-
ხვისა და გლახაკთმოწყალებისა, მონასტერთა და ხატთა პა-
ტივისმოყუარე, ობოლთა და უღონოთა აღმზრდელი.

მაშინ დაიბყრა ბექამან ქუეყანა ტასისკარითგან კარნუქა-
ლაჭამდის, სამცხე, აჭარა, შავშეთი, კლარჯეთი და უმრავლე-
სი ტაო, ვაშლოვანი, ნიგალისკევი, არტანუჯი, ათორმეტნი
უდაბნონი, კოლა, კარნიფოლა და ორნივე არტანნი, და მრავ-
ალნი სოფელნი ჯავახეთს. და ესრეთ დღითი დღე განდიდ-
ნებოდეს და მსახურებდეს ყაენს აბალას, და მორჩილობდეს
მეფესა დიმიტრის. ხოლო მეფე დამიტრი წარემატებოდა
ღმრთისმსახურებითა და კაცთმოყუარებითა და ყაენი უმეტეს
უმატებდა პატივსა მისსა. დაღათუ ჯერეთ ყრმა იყო, არამედ
ინებეს და წარავლინეს კაცი პონტოდ მეფისა ბერძენთასა,
კომნიანოსისა, რომელი იყო ნათესავად დიდისა კოსტანტინე-
სა, და მოიყვანეს ასული კომნიანოსის, მეფისა ტრაპიზონელი-
სა, დიდებითა და საჭურჭლითა დიდითა, და ქმნეს ქორწილი
სამეფოსა წესისაებრ. და შემდგომად მცირედისა ჟამისა მუც-
ლად-იღო დედოფალმან და შვა ძე, და უწოდეს სახელად და-
ვით, რომელი უკანასკნელ მეფე იქმნა ქართლს.

ამათ ჟამთა კუალად მოვიდა იგივე არღუნ, რომელსა აღე-
რიცხუნეს ყოველნი საბრძანებელნი ყოველთა ყაენთანი, რა-
თა აღთქალოს ქუეყანა და ცნას, ვითარ, რომელი ქუეყანა
აოჭრდა, გინა აღშენდა. აღთქალა ასლად და ცნა, რამეთუ
უმაჯალესნი მოოჯრებული იყო, უმეტეს პერეთი და კახეთი,
რამეთუ კამპეჩის ვაკენი მოოჯრებულ იყო გამოსლევასა მას

თათართასა, ოდეს გამოვიდა ყაენი დიდი ბერქა. მაშინ ტფილისს ყოფასა არღუნ ოირადისასა, ეზრანა მეფესა და სთხოვა თამარ, რომელ-იგი მხოლოდ ესუა და რქუა, ვითარმედ: „ვეთილად მოჯსენებულმან მამამან შენმან მომცა ასული მისი, დაჲ შენი, სძლად ჩემდა, და ცოლად შევილისა ჩემისა, გარნა იგი ვერ ესწრა. აწ ვითხოვ, რათა არა უღირს-იჩინო ვედრება ჩემი და მომცე დაჲ შენი შევილისათუს ჩემისა“. ვითარ ესმა მეფესა, დაუძძიმდა და დიდსა ჭმუნვასა შთავარდა, და სულთა ტკივნეულითა ეძიებდა ღონესა, და სძაგდა წარმართისა ქორწინებად დაჲ მისი ქრისტესაღმსარებელი, გარნა არა იყო ღონე, რამეთუ მამასა მისსა მიეცა. და მისცეს ცოლად შევილსა არღუნისსა და აღასრულეს წესი ქორწილისა. და წარვიდა არღუნ ურდოსა, ხოლო შეილი მისი დაუტევა მეფისა თანა.

მათ ქამთა კჳალად მიუდგა დედოფალი და შვა ყრმა, და უწოდეს სახელი ვახტანგ.

და კჳალად ამათ ქამთა დამშუდნა ქუეყანა ლიხთიმერი, და მოიწყო მეფემან დავით, რომელი იყო კაცი პირველ კეთილი და გონიერი, უხვ, მდაბალი და პურად უმჯობეს უწინარესთა მეფეთა, და იყო მრავალსა მშუდობასა შინა.

ხოლო რაჳის ერისთავი კახაბერი იყო ქართლს და აქუნდა ქუეყანა ატენისა, და არა პატივი ებყრა არცა ყაენისა და არცა დიმიტრი მეფისაგან ორგულობისათუს მეფეთასა. ამისთუს შეიწრებულნი ევედრა მეფესა, რათა შეიწყალოს და უბოძოს მამული მისი. ხოლო ტკბილმან და მოწყალემან მეფემან შეიწყალა და შეუნდო ფიცითა მტკიცითა რათა არა აბრალოს პირველი შეცოდება და ეგოს ერთგულებასა ზედა მისსა, და მოუბოძა მამული მისი ყოველი. და კჳალად ეგო მამულსა მისსა, რაჳას, ხოლო ვითარ დაყო მცირედი ქამი, იწყო მათვე მამურ-პაპურთა კჳალთა სლვად, და ვითარ ღორი ისწრაფდა მწურეთა მიმართ, და ვითარ იქედნე გესლისა დათხევად, გუარისაგან მოაქუნდა ორგულობა. დამვიწყებელმან ფიცთა საშინელთამან იწყო დაღატად მეფეთა და წარავლინა კაცი და წიგნი აღინაყს თანა ათასისთავსა, რომელი იდგის მათთა ჯავახეთისათა და კოლისათა, რათა პირველისაებრ დაესხას მეფესა, და ადვილად ქელთ-უგდოს მეფე. გარნა უქმ-ყო ღმერთმან ზრანვა მისი, ვითარ აქიტობელისა დავითის მიმართ, და საცნაურ იქმნა წიგნი. ამისთუს მიეგო მისაგებელი ბოროტი, და სიკრუე

მისი თხემსა მისსა ზედა დაუქდა. შეიპყრა მეფემან და ველ თუალი დასწუა, და მერმე ერთი კელი და ერთი ფერკი მოკუეთა, და ორნი შვილნი მისნი მისცნა ექსორიობად, კოსტანტინეპოლს წარგზავნა, რამეთუ დედოფალი, ცოლი მისი, ასული იყო დიდისა პალიალოლოს მეფისა. ხოლო კახაბერი, მცირე ცხოვრებული, განვიდა ცხოვრებისგან და მოკუდა. და მოისპო ყოველი ნათესავი მისი, ბაღუაშთა კახაბერის ძეთა, არა დაშთა და აღიკოცა ნათესავი მისი და საცსენებელი მათი.

ამასვე ქაჲსა ინება ყაენმან ამკედრება ქუეყანისა ზედა გილანისასა, რამეთუ იგი დაშთომილ იყო კელთუგდებელად და არა მორჩილებდეს და არცა ხარაჯასა მოსცემდეს. წარავლინა სპა თათართა და ქართველთა, და მეფე არა წარგზავნა. და აჩინა სპათა უხუცესად სირმონ-ბაღური, და წარვიდეს, და შევიდეს გილანსა. და შეკრბეს გილანელნი და წინადაუდგეს სიმაგრეთა შინა. ხოლო ქუეყანა მათი განმავრებულ იყო ერთ კერძოკლდითა და ტყითა, და გზანი იწრონი, და ერთკერძო ზღუთა. ამათ სიმაგრეთა შინა წინაგანეწყვნეს და იქმნა ბრძოლა ძლიერი. გილანელთა დაახეს ისარნი, ვითარცა წჳმა. გარდაცა სირმონ ცხენისაგან და დაჯდა, და ზურგი შეაქცია მბრძოლთა მოსთა, და ყოველნი სპანი მისნი დაქუეთდეს. და ვითარ შემცირდეს ისარნი, ახლტა სირმონ და მიეტევა ვითარცა ვეფხი და მის თანა ქართველნიცა მიეტევენეს მკნედ, და აოტნეს გილანელნი, და ორნი თითონი მარჯუენისა კელისანი დასჭრნეს სირმონს, და დარჩეს სპანი თათარნი და ქართველთანი უვნებელად. და ვითარ იხილნეს სიმაგრენი ქუეყანისანი, რომელ უბრძოლველ იყო და არა ეგო დაპყრობად, წარვიდეს ყაენს აბალას წინაშე.

ესრეთ დამშუდნა ქუეყანა და ყოველით კერძო იწყო მშუდობა. მოხედნა ღმერთმან წყალობით მოსავთა მისთა, და იყო უხუება პურისა და ღვინისა, და მეფე დიმატრი განაგებდა სამეფოთა საქმეთა. ვითარ მოიცალეს მცირედ ჭირთაგან, და განისუენებდეს, მიდრკეს გზისაგან საღპრთოსა, იწყეს განდგომად, რამეთუ მეფემან მოიყვანნა სამნი ცოლნი, ეგრეთვე სადუნმან მოიყვანა სამი ცოლი. და მთავართა იწყეს კელის შეხებად საყდართა და მონასტერთა, და იწყეს მიტაცებად სოფელთა და აგარაკთა, უმეტეს მესხთა საყდარსა ზედა დიდებულსა აწყურისასა. დაღათუ ამათ უწესობათა დიდად ამხი-

ლებდა ნიკოლოზ კათალიკოზი და ნიკოლოზ მაწყუტერელი ჯუანშერის ძე, და არავენ ყურადღებდა სიტყუასა მათსა.

და კუალად სხუანიცა აღმოსცენდებოდეს ბოროტნი, რამეთუ იწყეს ურთიერთას მძლავრებად და მიხუეჳად, და არავენ ოპოვებოდა სამართლისმყოფელი, რამეთუ იყო მდდელთაგარი და მდდელი ლალ, აშპარტავან, ანგარ, ბოროტისმყოფელ, უწესო. ვითარ განვამრავლოთ სიტყუა, რამეთუ იყვნენ ყოვლით კერძო ბოროტ.

მაშინ მოიწია სამართალი სასჯელი ცოდვითა ჩუენთათჳს, რამეთუ ზემოქსენებული იგივე არლუნ წარმოემართა სამცხეს ხალვად სარგის ჯაყელისა, რამეთუ დაბერებულ იყო, სენთაგან სიბერინათა დაქსნილ იყო ყოვლითა ასოთა. შემოვლო სომხითი, ტფილისი და ქართლი მკედრითა ორითა ბევრითა და დიდად ავნებდა ქუეყანასა, დალათუ არა ბოროტისმყოფელი, არამედ საზრდელისა ძალით დიდად დასჭირდა ქუეყანასა, და უგრძულად მივიდა სამცხეს და დაღვა აწყუერს. და ცნა სარგის მოსლვა არლუნისი, და მოვიდა მის წინაშე იგი და ძე მისი, ბეჳა. განკურდა ორთავე მოსლვასა, და სარგის წარიტანა ურდოს და ბეჳა დაუტეგა სამცხეს. რამეთუ იყო მეხუთე კურიავე წმიდათა მარხვათა. და რა წარმოვიდეს სამცხით, მოვიდეს სომხითს.

და მოიწია ვნებისა კურიავე და დიდსა ოთხშაბათსა შეიძრა მძაფრად ქუეყანა სამხილებელად უსჯულოებათა ჩუენთათჳს. და კუალად ხუთშაბათსა მცირედ შეიძრა და არავენ გულისკმაცო, რათამცა წყალობად აღეძრა ღმერთი ზემნდობელი. და ვითარ მოიწია პარასკევი ვნებისა უფლისა, კუალადცა შეიძრა ქუეყანა, დაყუდდა და არლარა იქმნა. და ვითარ მოიწია შაბათი, და იქმნა სამ ჟამად დღე და ხვალისა დღე ჯერ-იყო სიხარული აღდგომისათჳს უფლისა და ყოველნი მოელოდეს სიხარულსა, ესეოდენ რისხვით მოხედნა ღმერთმან ქუეყანასა, სიმრავლისათჳს უსამართლოებათა ჩუენთასა, რამეთუ საფუძველითურთ შეიძრა ქუეყანა და შეძრწუნდა. რომელ დაიქცეს საყდარნი და მონასტერნი, ეკლესიანი და ციხენი, სახლნი, ნაშენებნი მოკრდეს, მთანი და ბორცუნი დაიხუღეს, კლდენი სახედ მტუერისა დაიგალნეს. და მიწა განიპო და შავი წყალი, მსგავსი კუბრისა, აღმოიჭრა, ხენი მაღალნი დაეცნიან და ირყეოდნიან ძრვასა ქუეყანისასა, რომლისათჳს საყდარი

აწყურებისა დაიქცა. რამეთუ ყოვლად წმიდა აწყურებისა
ღმრთისმშობელი, ლიტანიობით შესუენებული, საშუალ საყ-
დრისა ესუენა. გუშაბდი ჩამოიჭრა და, ვითარ ქუდი კაცისა,
ესრეთ თავსა დაერქუა, და დარჩა უვიებელად ძლიერებითავე
მისითა. ესე რისხვა სამინელი სამცხესა ოდეს მოიწია, ვიდრე
თჳსა ერთისა ჟამთამდე, გარნა სხუაგან არაბადა ევნო. ძცხე-
თის საყდარიცა დაიქცა, სამცხეს ურიცხვ სული მოსწყდა, და
ყოვლად საყდარი, ეკლესია და ციხე არსად დარჩა დაუქცებ-
არი, იქმნა გლოვა და ტირილი უზომო.

ხოლო შემოკანცნებული იგი არღუნ-აღა იყო ყაენს წინაშე,
და შეედვა სენი, რომლისა მიერ მოკუდა. და ვითარ ცხა
შვილმან არღუნისმან, წარმოვიდა სახლად დიდად მეფისა და
ცოლი მისი დაუტრევა ტფილმს. ხოლო იქნია დამან მეფისა-
მან, თამარ, სივლტოლა ათიუღეთს, რამეთუ სძაგდა ვითარ
უსჯულო და წარმართი. მაშინ საღუნმან ცხა, ვითარ აღაოა
ნებავს დასა მეფისასა ქმარი, შვილი არღუნისი, დაევაჯა,
რათა მოჰყიდოს დაჲ მეფისა, და ევედრა ყაენს აბაღას. ხოლო
იგი ერჩნდა და მოაყიდა. და მეფეიან მისცა დაჲ თჳსი საღუნ-
სა. ესე უწესო ქმნა, რამეთუ სამნი ცოლნი მოიყვანნა საღუნ-
თსად. ამისთჳს განწყრა კათალიკოზი ნიკოლოზ, კაცი მოსუ-
ცებული და მართლმკუთელი, გარნა მწლავრობისაგან საღუნ-
ნისა ვერ უძლო განყენებად, არამედ ფრთად შეაჩუენებდა.

მათ ჟამთა შინა საქმისა რასათჳსმე განუდგეს თათართა
სარგის და ძე მისი, ბექა, რამეთუ სარგის დაბერებულ
იყო სენითა ფერკის ტკივილისათა. და ბუღა ნოინის მიერ,
თუალად წოდებულისა, ძმა არუხა წარმოგზავნა მოოკრებად
სამცხისა. და მოვიდა არუხაცა სპითა ოცი ათასითა. ხოლო
ბექამან მიპრიდნა მათთა, რომელ არიან შორის გურიასა და
აჭარასა. და მესხნი შევიდეს ციხეთა, ქუაბთა და ტყეთა. და
მოვლო ლაშქარმან სამცხე და ვერარა ავნო. დაყვეს ოცი ღღუ
და წარვიდეს და დარჩა ქუეყანა მშუდობით.

და ვითარ გარდაცდა წელიწადი, ინება ყაენმან აბაღა წარ-
სლვა ეგვპტეს, ანუ დაიპყრას და ანუ მოხარკე-ყოს. მოუწო-
და ყოველთა სპათა მისთა და მეფესა დიმიტრის და სპათა
მისთა წარსლვად და ბრძოლად ეგვპტისა სულტნისა, რამე-
თუ მაშინ ფუნდოყადარ მიცვალეებულ იყო და სხუა დაიქცა,
რომელსა ეწოდა ხასირ მელიქ. და მოუწოდა ძმისა თჳსისა უმ-

რწამესსა და აჩინა მკვდართმთავრად, და კელთ-უგდო ყოველი სპა მისი, და უბრძანა ბრძოლა სულტნისა. მაშინ მანგუ-დემურ მოუწოდა მთავარსა სამცხისასა, ბექასა, რათა წარპყვეს თანა, ხოლო მან რქუა: „მტერთა ჩემთა სიტყვთა განწყრა ჩემთვის ძმა შენი, ყაენი აბაღა, და არუხა წარმოავლინა და მოაოკრა ქუეყანა ჩემი. ხოლო მე მოვრიდენ არას შეცოდებისათუს. და აწ მეშინის ყაენისაგან, და თუ შენ ფიცითა მიმინდობ, არა მაბრალოს და ქუეყანა ჩემი და მამული მშვდობით დაიცვას, მოვალ წინაშე შენსა ლაშქრითა“.

ვითარცა ესმა მანგუ-დემურს, განიხარა და ოქროსა წყლისა შესმითა შეჰფიცა და ყოველი სიმტკიცე აღუთქუა, და მოსცა ბეჰედი, რომელი ეცუა თითსა მისსა, რამეთუ ესე იყო მტკიცე საფიცარი. და აღუწყეს მოციქულთა ყოველი ბექასა. მყის მოუწოდა ყოველთა მესხთა და წარემართა მანგუ-დემურს თანა, და მივიდა მის წინაშე. განიხარა ფრიად და პატივნი და ნიჭნი დიდნი უყენა, და უჩუენა ყაენი აბაღა, რომელმან ფრიად პატივ-სცა და შეიყუარა სიკეთისა მისისათუს.

და ესრეთ წარვიდეს მისრეთს, და ელეს მრავალი დღე და მიიწინენეს ერთსა ქალაქსა, რომელსა ერქუა დარბუზაკი. გამოვიდეს მოქალაქენი კარით და იქმნა ომი, სადა-იგი ბექამან და მისთა მყოლთა მესხთა ძლიერად იღუაწეს, უფროს სხუათა. თათართა და ქართველთა შიგან ქალაქსა შესთხინეს, და მესხნი უპირატეს მიეტევნეს. და დასცხრა ღუაწლი ბრძოლისა, მაშინ პატივი დიდი უყო ბექასა შესამოსელთა და ცხენთა საკრველთა მინიჭებითა, ეგრეთვე დიდებულთა და აზნაურთა ბექასათა.

აღიყარნეს მიერ და წარვიდეს ეგვპტის კერძო და მივიდეს ქალაქთა, რომელთა ეწოდების ამასი და ამო, დაიბანაკეს მახლობელად ქალაქთა. და ეცნა სულტანსა ნასირ მელიქს მოსლვა თათართა, წარმოსრულ იყო ყოველითა ძალითა მისითა, და მოვიდა იგიცა. და ვითარ იხილა მანგუ-დემურ სულტანი და სპა მისი, ამკედრდა და წინაგანწყო. ხოლო მეფე დიმიტრი, დაღათუ ჯერეთ არა სრულ იყო დღითა ბრძოლათათუს, ევედრა მანგუ-დემურს, რათა წინამბრძოლად განაჩინოს იგი და სპა მისი, რომლისათუსცა ისმინა. და იქმნა ბრძოლა სასტიკი და ძლიერი, ოდესმე ყოფილთა გარდასრულთა ბრძოლათა უდიდესი. ხოლო ვინათვან უწყოდა სულტანმან წყობა-

თა შინა მკნედ წინადაუდგრომლობა მეფისა და სპათა ამისთვის რჩეული მკედარი ათორმეტი ათასი თანაყოლია და წინაშე დაიყენა ორთა თანა მთავართა მკნეთა, რათა განძლიერებასა და შენივთებასა ბრძოლისასა უკანასკნელ მიმტვევბელთა სძლონ და აოტნენ ქართველნი. განძლიერდა ომი და მოსწყდა ორგნითვე ურცხუ. მაშინ მსწრაფლ ზედამოეტევენს მეფესა ყარა-სუნღურ და იაყუბ აფრაშ ათორმეტი ათასითა რჩეულითა მკედრითა და კუალად იქმნა სასტიკობა ესევეთარი, რომელ ორასი მკედარი წინამბრძოლად განეწესნეს მეფესა და სრულიად მოისრნეს თუნიერ მეფისა და სამთა კაცთასა და ცხენთასა. მოკლა ყარა-სუნღურისა მიერ შუბითა ჰუნე მეფისა, ხოლო მხილველთა ქართველთა იწყეს ბრძოლა ძლიერად და უმრავლესნი მეგვბტელნი მოისრნეს, და შეფეცა ცხენმოკლული ძლიერად იბრძოდა. ვითარ იხილა მეფე სიქღურის ძემან, აბაშმან, მყის აღსუა მეფე ჰუნესა თესსა. ვითარცა იხილეს ქართველთა ამკედრება მეფისა, მაშინ ყოველნი აღმკედრდეს, და მეოტ იქმნეს ყარა-სუნღურ და იაყუბ ათორმეტ ათასთა თესთა თანა. ხოლო ლტოლვილ იქმნეს აქათ პირველ ნოინნი და თათარნი, და თვთ მანგუ-დემურ უკმოიქცა ლტოლვით ყოველთა თანა სპათა მისთა. მაშინ ულონოქმნილთა ქართველთა სივლტოლა ივმის. განგებითა ზეგარდმოთა მეფე დაცვულ იქმნა, დადაცათუ უმრავლესნი ქართველნი მოისრნეს. მოვიდა მანგუ-დემურ და მეფე წინაშე აბაღასა.

ხოლო ნადირობასა და ლაშქართა ყოფისა ამბვისა მომლოდეობასა, აბაღა იხილა თათარი ვინმე ლტოლვილი. ხოლო მან, კითხულმან, ყოველივე ლექსთა მიერ შეწყობითა წარმოუთხრა ენითა მათითა თუთელისა მთავრისა ვედრება. აღინაყისთვის თქუა: „ვითარცა მადლით მომავალი შავარდენი მოუჯდა“. მანგუ-დემურ ვერძსა მიამსგავსა, სირმონის შვილი ებაგან — მხტომელსა ვეფხსა და იას-ბულა — მოზუერს, ბულა — კამბეჩსა, და თიგნა — დედალსა თხასა. ხოლო ქართველთა მეფისათვის ესრეთ თქუა ენითა მათითა: „თენგრი მეთუ ქაურქუტრბა, ბულარ მეთუ ბუილდაჯი“. ესე იგი არს: „ვითა ღმერთი გრგვნივიდეს, ვითა აქლემი ბულრობდეს“.

ქართველნი ვითარ მოვიდეს ყაენს წინაშე, მეფესა პატოცსცა და წარმოავლინა სახიდ თესად. და კუალად ეგულებოდა

აბალას წარსლვად და შურისგებად სულტანსა ზედა. მოკუდმა მისი, მანგუ-დემურ, და მცირედისა შემდგომად მოკუდა სადუნე, ათაბაგი. და მიუბოძა მეფემან მამული ძესა მისსა, ხუტლუბუღას, და სპასპეტობისა პატივსა აღიყვანა.

ხოლო შემდგომად მცირედისა მოკუდა აბალაყა, და დასუეს ნოინთა ყაენად ძმა აბალასი, აჰმადა, არარა ნიჭთა საკელმწიფოთა მქონებელი. მაშინ წარვიდა მეფე ურდოსა აჰმადას წინაშე, ზოლო მან პატივ-სცა და შეიწყნარა. მაშინ მუნ ყოფასა მეფისასა მისცა ასული თუსი, რუსუდან, შვილსა დიდისა ბუღასა, რომლისათჳს დიდად განრისხებული ნიკოლოზ კათალიკოზი ფრიად აბრალებდა და ღმრთისა სასჯელთა თუალ-უხუაობასა აქადებდა. რამეთუ მუნ ყოფასა დიმიტრისასა ქმნა ბოროტი აჰმადა ყაენმან, და მომყვანებელმან ძმისა მისისა ყონღარდასმან საბერძნეთით, მოაკუდინა. ორნი ძმანი აბულეთის ძენი, სადუნისგან ლტოლვილნი, ყონღარდას თანა მოაკუდინეს; ხუტლუბუღა, ძემან სადუნისმან, მოაკუდინა.

აქამომდე მეფე დიმიტრი, კეთილად მმართველი, სკიპტრათა სამეფოთა შემკობილი, და მოწყალეებისა და მოსამართლობისა, მონაზონთა და ეკლესიათა, ყოველთა წესთა საღმრთოთა და კაცობრივთა კეთილად ზედამიწევნით მმართველი, სისრულისაგან მცირედ მიღრკა და აღერია წარმართთა და ისწავნა საქმენი მათნი. უძღებებისა და სიძვისა, გულისსიტყუსა უკანა შედგომილმან მოიყვანნა სამნი ცოლნი, ერთი ბექას ასული, და სხუა, რომელი დედათა შეაცთუნეს სოლომონისებრ, და ურიცხუთა კეთილთა მიერ აღვსებული, მცირედ სიბოროტედ მიღრკა, რომლისათჳსცა ნიკოლოზ კათალიკოზი განრისხებული უთქმიდავე და ამხილებდა მრავლად, და ვერ არწმუნა. დაუტევა კათალიკოზობა და კელითა თუსითა აკურთხა ჯუარისმტვრთველი მეფისა აბრაჰამ კათალიკოზად. და წარვიდა მამულად თუსად მოხუცებული, და მუნ იყოფოდა მრავლითა მოღუაწებითა, მარხვითა, მღვდარებითა და გლახაკთა მოწყალეებითა, და სავსე სათნოებათა ტვრთითა მიიკვალა უფლისა მიმართ.

მათ ჟამთა მოიწია მთაწმიდით ბასილი მონაზონი, ბიძა ეფემიოს კათალიკოზისა, საღმრთოთა წესითა აღსავსე და წინასწარცნობისა მადლითა განბრწყინებულნი. მოიწია წინაშე დიმიტრი მეფისა, გამოცხადებითა ყოვლად წმიდისა ღმრთის-

მშობელისათა, ვითარცა მოციქული ძლიერად ამხილებდა მათ, ვინაჲს ვინაჲს წინააღმდეგობდა მეფესა უწესოსა მისთვის ქორწინებისა, და ასწავებდა სიწმიდესა, და მოაკსენებდა ტაძარ ღმრთისა ყოფასა ჩუენსა, და სხეულთა განუხრწნელობისათა, ხოლო ტაძრისა ღმრთისა განუხრწნელისა სიძვათა შინა სასუფეველისა ღმრთისა დამკვდრებასა და უბოვართა მათ უსასყიდლო მარგალიტთა მოპოებასა, ლოცვასა, მარხვასა, გლახაკთ მოწყალეებასა და ღმობიერებასა და უხუტებასა, მდინარეთა თანა მწვრიანთა და უყიანთა ლიამპალთა არა თანაშერთვად. ამას ესევეითართა სწავლათა ეტყოდა: „უკუეთუ დაუტევენ უწესონი ქორწინებანი, მე თავს-მდებ გექმნე, რათა კეთილად წარგემართოს მეფობა შენი“. და მთავართაცა ამხილებდა უწესობებასა, და უმრავლესთა დაფარულნი გულისა სიტყუანი მიუთხრნის. ესევეითართა სათნოებითა გაბრწყინებულ იყო სანატრელი იგი მონაზონი. და ვითარ ვერა არწმუნა მეფესა და შეურაცხ-ყო სიტყუა მისი, კულად წარმოუდგა მეფესა და მთავართა მისთა: „უკუეთუ მე ჩემებით რასმე ვიტყუ, ვითარცა ცრუწინასწარმეტყუელი, შემაცთუნებელი კაცისა ღმრთისა, რომელი მიივლინა რობოამისსა, ძისა ნაბოტიანისსა, და არა ყოვლად წმიდასა ღმრთისმშობელისა მიერ წარმოვლინებულ ვარ, ვითარ ცრუდ სჯულისა გარდამავალი შემრაცხეთ. და უკუეთუ ყოვლად წმიდისა ღმრთისმშობელისა მიერ მოვლინებულ ვარ სწავლად შენდა, არა ცუდ იქმნენ პირველნი საქმენი შენნი, ლოცვა და ცრემლნი შენნი. და უკუეთუ არა განეყენო უწესოთა ქორწილშეყოფათა, და შეურაცხ-ყვენ სიტყუანი ჩემნი, ზოროტად და უპატიოდ მოიკლა მძლავრთა მიერ, და ოკერ იქმნე სამეფოსაგან შენისა, და შვილნი შენნი მიმოდინინენ, და სხუამან დაიპყრას მეფობა შენი, და ივარ-ყონ სიძდიდრე შენი. აჰა, ესერა, შენ და მთავართა გეტყუ, და ვესავ ყოვლად წმიდასა ღმრთისმშობელსა, რომელ სრულ იქმნეს და აღესრულოს სიტყუა ჩემი, უკუეთუ ეგო უწესობებასა მაგას. მე აჰა, ესერა, წარვალ“. ხოლო მეფემან განკრკვებულმან არა მიუგო სიტყუა, რამეთუ იყო წმიდათა კაცთა პატივის-მცემელი.

ხოლო ამათვე ეამთა ბრწყინვიდა პიმენ სალოსი, რომელი გარეჯით წარმოვიდა და დაემკვდრა ბელაქანსა, ქუაბსა რას-

მე, რომელმან ნათესავი ლეკთა წარმართობისაგან მოაქცევინა, რომელნი ჰგიან სარწმუნოებასა ქრისტესა. ამას თანა ბრწყინვიდა დიდიცა იგი მოლუაწე ანტონი ნაოჯრებელის ძე, ნათესავით მესხი.

ხოლო ჩუენ ზემოკსენებულისა აჰმადის მიმართ აღვიდეთ. ვინათგან მოაკუდინა აჰმადა ძმა თუსი, ყონღარდა, იხილეს უწესობა აჰმადასი ნოინთა ხუარასანს მდგომთა, განდგეს და დასუეს ყაენად ძე აბაღა ყაენისა, სახელით არღუნ. ვითარცნა ესე აჰმადა ყაენმან, შეკრიბა სპა მისი, და მოუწოდა მეფესა და სპასა მისსა, რათა წარჰყვეს ხუარასანს ბრძოლად არღუნ ყაენისა. და წარვიდა მეფე და თანაწარიტანა ყოველი ძალი მისი, და მანდატურთუხუცესი, დიდისა შანშეს ძე, ივანე, და საღუნის ძე, ხუტლუბულა ამირსპასალარი. და წარემართნეს და განვლეს ერავი, და მივიდეს საზღვარსა არღუნისსა. ვითარ იხილა არღუნ სიმრავლე ლაშქრისა, ვერ წინააღუდგა, არამედ ივლტოდა და შევიდა ციხესა ქალასად წოდებულსა, რომელსა უკანა მიუდგა ყაენი აჰმადა, და მოიცვა ციხე ქალასი. ვითარ უღონო იქმნა არღუნ, ევედრა, რათა არა აბრალოს და შეუნდოს, და მოსცეს ფიცი, და მივიდეს წინაშე მისსა. და ისმინა აჰმადა და მისცა ფიცი უვნებლობისა, რამეთუ სპარსთა სჯული აეღო აჰმადას. და გამოვიდა არღუნ ციხით, და მოვიდა ბიძასა მისსა წინაშე, და ესრეთ წარემართნეს. ხოლო ვითარ ვიდოდეს ხუარასანს, შეკრბეს სპანი ვინმე უწესონი და ცუდნი კაცი და მტერნი ქრისტიანეთანი, რომელ ქრისტიანის კაცის სიკუდილი დიდად ღუაწლად უჩნდის, რამეთუ უღმრთოსა მის მოჰამედის მოძღურება ესრეთ იყო, რომელი დაეწერა ცუდი სიტყუა წიგნსა მისსა ყურანსა შინა, ვითარმედ: „უკუეთუ მოჰკლათ ქრისტიანე, სამოთხეს შესლვად ხართ, და უკუეთუ მათგან მოიკლათ, მაშინცა შესლვად ხართ“. ამისთვის უღმრთო იგი კრებული ჯიმრთა შეკრბა და, სადაცა პოებდეს ქართველსა, ერთსა გინა ორსა, მოკლვიდიან.

ცნა ესე სურამელის ბეგას შვილმან, რატი, რამეთუ ყრმა იყო, და წარვიდა სამოცითა კაცითა, და პოენა მთასა რასამე მაგარსა შინა მყოფნი კაცი სამასი ოდენ. ზედამიეტევა და იქმნა ბრძოლა ფიცხელი. და პირველსავე შეკრებასა მეოტ იქმნეს და უმრავლესი მათი მოსწყდა, სხუანი მოიყვანნა წი-

ნაშე მეფისა, რომლისათვისცა დიდად პატივ-სცა მეფემან მრავალი ნიჭი უბოძა. და მიერ წარმოვიდეს და მოიწივნეს ჰერესა და ყაზვინსა, და ყაენმან დიდად დაუმაღლა მეფესა თანხლება ხუარასანს, და პატიეიცა უყო დიდი, და ყოველხი მთავარნი საქართველოსანი მოსცნა. და ყაენი შინა წარვიდა, რათა მივიდეს ცოლთა თანა გამარჯუებული. მეფე თანაწამოიტანა, ხოლო ძმისწული მისი, არლუნ, დაუტევა ჰერესა, და ნოინი ყოველი დაუტევენა არლუნს თანა, და დავედრა აღიწაყს და სხუათა ნოინთა, რათა მცირედნი დღენი დაყვნენ და მერმე მოაკუდინონ არლუნ. და იყვნეს ნოინნი არლუნს თანა, და ქმნეს განზრახვა დიდმა ბულა და იას-ბულა, ნათესავით ოირადთა მთავარმან, რათა აბალას შვილი, არლუნ, ყაენად დასუან და აჰმადა მოაკუდინონ, რომელ ყვესცა. მსწრაფლ მივიდეს ღამით და გამოიყვანეს აღიწაყ, კარავსა შინა მწოლი, და მოაკუდინეს. და ვითარ განთენდა, არლუნ ყაენად ქადაგეს, და წარმოვიდეს დევნად აჰმადისა. ხოლო იგი მოვიდა ურდოთა შინა მისთა უქანს, მოეწივნეს და საბლითა მოაშთევს.

ხოლო მეფესა დიმიტრის პირველივე მიუმცნეს, რათა გაწეყნოს აჰმადას, და ყოცა მეფემან და მობრუნდა, და მოვიდა ყაენს არლუნს წინაშე. ხოლო მან კეთილად შეიწყნარა და მოსცა ყოველი სამეფო მისი და სახლი ავაგ ათაბაგისა, რომელი აქუნდა საჰიბ-დივანს, რამეთუ ყაენი კელთა შინა ბუღასათა იყო, და ბულა მოყუარეცა იყო და მზახალი მეფისა. და წარვიდა შინა მშუდობით, განმარჯუებული, და წარავლანა ძე მისი, დავით მცირე, სახლსა ზედა ათაბაგისასა, რათა მუნ იზრდებოდეს და აქუნდეს საუფლისწულოდ. და ესრეთ დღითი დღე წარემატებოდეს მეფობასა მისსა, და კათალიკოზი აბრაჰამ კეთილად მართებდა საჭეთა კათოლიკე ეკლესიისათა, რამეთუ იყო კაცი ესე მართლმოქმედი კეთილთა საქმეთა, და საუბრავთა სამეფოთა გამგე კეთილი.

ხოლო მეფესა დიმიტრის ესხნეს შვილნი დედოფალსა ტრაპიზონელისა ასულსა თანა, პირმშო დავით, ვახტანგ, ლაშა და მანოველ, და ასული რუსუდანი. ხოლო თათრის ასულსა თანა ძენი ორნი: ბაიდუ და იადგარ, ასული ჯიგდა. ხოლო ასულმან ბექასამან ნათელ უშვა ძე მხოლო გიორგი, რომელი უქანასკნელ ძმათა მისთა მეფე იქმნა და განდიდნა უმეტეს შემდგომთა მეფეთა, რამეთუ მარტო იყო ძე დედისა, მარტო

შეა დედამან, ვითარცა მარგალიტისათვის თქმულ არს მარტო-
ება უმჯობესისათვის, ეგრეთვე ვიორგი იპოვა უმჯობესი ყო-
ველთა კაცთა მის ქამისათა, არა ოდენ ჯელმწიფეთა, არამედ
ყოველთა კაცთა. ამან დიმიტრი მოიგო სიმდიდრე დიდად დი-
დი სიმდიდრესავე ზედა, რომელ დაშთომოდა მამისა მისისა-
გან, და მსასურებდა ყაენსა არღუსს, რამეთუ თანაშეეჭოდა
ნოინი დიდი ბუღა, რომელსა პატივად ჩინქიშანობა მისცა ყა-
ენმან, რომელი ყოველთა პატივთა უმეტეს არს.

მაშინ განუდგეს ყაენსა დარუბანდელნი და წარვიდა ყაე-
ნი დარუბანდს, მოუწოდა მეფესა დიმიტრის, და წარჰყვა და
შევიდეს დარუბანდს და ვერ წინააღუდგეს დარუბანდელნი,
და ივლტოდეს სიმავრესა ციხისასა, რომელსა ანიყად უწოდ-
დეს, და გარემოადგეს, და ვერა ავნეს რა. მაშინ ყაენმან არ-
ღუნ უბრძანა მეფესა, რათა ებრძოლოს, რამეთუ იყო ფრიად
მავარი. აღიჭურა მეფე და სპა მისი, და გარეშეეხვეწნეს და
შეუჯდეს ციხესა, რამეთუ ბეგას შვილი რატი უპირველეს
გავიდა, და წარუღეს ციხე და თავადნი მათნი დაკოცნეს, და
წარმოიღეს ტყუე და განძი და დედაწული მათი, და ციხე
დაწუეს. ყოველსა ხედვიდა ყაენი. თუთ მეფისა აქუნდა მტე-
რობა, სთხოვა ჯაჭვ სახელოვანი და მსწრაფლ მიანიჭა მეფე-
მან, და წარმოვიდეს შინა.

და ვითარცა გარდაჯდეს ქამნი მრავალნი, და რაყანს წე-
ლიწდისა თავი მოიწევის, რომელსა ურდისინგად უწოდდეს,
რომელ არს ენითა მათითა, რომელი იქმნების მარტა ათხუთ-
მეტსა, მიავლინა ყაენმან ნოინი და დაესხნეს ბუღას და შე-
იპყრეს, და აღიღეს ყოველი სიმდიდრე მისი, და მოიყვანეს
წინაშე ყაენისა და მან მსწრაფლ ბრძანა განუკითხავად მოკ-
ლვა მისი და ძისა მისისა. და მოაკუდინეს ბუღა და ყოველნი
ნათესავნი მისნი. წარავლინეს ყოველგან კაცი, საბერძნეთს,
შამს და ხუარასანს, და მრავალნი დიდნი ნოინნი მოსწყუდნეს.
და ესრეთ შეიქმნა კლვა და მოსრვა ნოინთა.

და წარმოავლინა ელჩი მეფისა მკობელმან ყაენმან და
აწუა ურდოსა მეფე. ხოლო ვითარ ცნა სიკუდილი ბუღასი
მეფემან, დაუშძიმდა დიდად. და მოუწოდა მეფემან კათალი-
კოზსა აბრაჰამს და ეპისკოპოზთა, და მონასტერთა და უღაბ-
ნოთა გარეჯისათა მღვდელმონაზონთა, და ყოველთა მთავარ-
თა სამეფოსა მისისათა, შემოკრბეს მის წინაშე, და დაჯდა

ტახტსა ზედა და დასხდეს ყოველნი. და აღალო მეფემან პიჭინაჲსა და თუსი და ბრძანა: „ისმინეთ ჩემი ყოველთა კათალიკოზთა და ეპისკოპოზთა, და წარჩინებულთა სამეფოსა ჩემისათა. ვითარ-მედ შეისუენა მამამან ჩემმან, დაეშთი ყრმა მცირე მძლავრებასა შინა თათართასა. და ღმერთმან ყოველისა მპყრობელმან და უფალმან ჩუენმან იესო ქრისტემან, და ყოვლად წმიდამან ღმრთისმშობელმან, რომლისა ნაწილადცა ვართ, და ჯუარმან პატრიოსანმან, რომელი მოგუენიჭა ჩუენ, მეფეთა, დამიცვა და მიმაწია ასაკად სისრულისა, და მომადლა მეფობა, სკიპტრა და პორტირი მეფობისა, და თანადგომითა თქუენითა წარგმართე მეფობა, და აქამომდე მშუდობით ჰვიეს სამეფო ჩემი. აწ განრისხებულ არს ყაენი, და ყოველი მთავარი მისი მოუწყუედიან, და აწ მე მიწოდს წინაშე მისსა. ვგონებ ბოროტისყოფასა, თუ არა წარვიდე ურდოსა და წარვიდე მთიულეთს, სიმაგრეთა შინა, და დავიცვა თავი ჩემი. და, აჰა, ყოველი სამეფო ჩემი წინაშე მათსა ძეს. იხილეთ, რავდენი სული ქრისტიანე სიკუდილსა მიეცემის და ტყუე იქმნების, და ეკლესიანი შეიგინებიან და მოოკრდებიან, ხატნი და ჯუარნი დაიმუსრვიან. და უკუეთუ წარვიდე ყაენს წინაშე, დასტურობით უწყიმოძკლავს. და აწ სიბრძნითა თქუენითა განაგეთ საქმე ესე. მე ესრეთ ვგონებ: მრავალმღელვარე არს საწუთო ესე, და უდგრომელ და წარმავალ, დღენი ჩუენნი სიზმრებრ და აჩრდილებრ წარვლენ, და უნებელ და მსწრაფლ თანაგუაც წარსლვა სოფლის ამისგან. რა სარგებელ არს ცხოვრება ჩემი, უკუეთუ ჩემთვის მრავალი სული მოკუდეს და მე, ტურთმძიმე ცოდვითა განვიდე სოფლისა ამისგან. აწ მნებავს, რათა წარვიდე ყაენს წინაშე, და იყოს ნება ღმრთისა. უკუეთუ მე მომკლან, ვგონებ, რომე ქუეყანა უვნებელად დარჩეს“.

ვითარ ესმა კათალიკოზთა და ეპისკოპოზთა, და მოძღუართა და მთავართა, განკვირდეს, თუ ვითარ დადვა მეფემან სული თვისი ერისა მისისათუს, და ესრეთ პასუხი უგეს: „არა არს ნაცვალი შენი, მეფეო. გაშოროს ღმერთმან მოკლვა თათართაგან. მოოკრდეს ქუეყანა და შვილნი შენნი მიმოდაიბნვიან. თუ ქუეყანაცა დაშთების, რა არს ნაცვალი შენი? აწ გეზრახებით, რათა წარხვიდე სიმაგრეთა მთიულეთისათა, ანუ აფხაზთასა, ვითარ ქმნა მამამან შენმან. და არა საჭირო არს

განწირვა თავისა შენისა შენგან. ჩუენ ყოველნი მტკიცედ ვკვირვებთ ერთგულებასა“.

ვითარცა ესმა მეფესა, თქუა: „თქუენ ერთგულებისა და სიყუარულისა ჩემისათჳს იტყუთ, გარნა მეწყალის უბრალო ერა, ვითარცა ცხოვარნი კლვად უღონო არიან და არასადა აქუნ ნუგეშინის-ცემა. მე დავსდებ სულსა ჩემსა ერისათჳს ჩემისა და არა დავიშლი ურდოსა წასლვას“. მაშინ განკვრე-ბულნი ყოველნი აღდგეს და რქუა აბრაჰამ კათალიკოზმან: „არა არს საქმე, მეფეო, განწირვასულისა შენისა, რამეთუ მრავალთა მეფეთა მიურიდნია და დაუცავს თავი თჳსი. აწ თუ შენ დასდებ სულსა შენსა ერისათჳს, ჩუენ, ყოველნი ეპისკოპოსნი, ვიტურთავთ ცოდვათა შენთა, არამედ წინაშე ღმრთისა ვწამებთ, მოწამეთა თანა შერაცხილ იქმნე, ვითარცა უფალი სახარებხასა შინა ბრძანებს: „უფროს ამისსა სიყუარული არა არს, რათა დადვას კაცმან სული თჳსი მოყუისისათჳს“. და უკუეთუ ერთისა მოყუისისათჳს სულისა დადება კეთილ არს, რავდენ ურიცხუთა სულთა ცხოვნება ეგოდენ სარგებელ არს“.

ვითარცა ესმნეს მეფესა კათალიკოზისაგან, განიხარა და დაასკუნა წარსლვა ურდოსა დიდითა დიდებითა და საჭურჭლითა, და თანაწარჰყვა კათალიკოზი აბრაჰამ. და გაუჩინა შვილთა საყოფელი. ყოველთა მთავართა, რომელნი არა თანაწარჰყვნეს, შევედრნა შვილნი მისნი, და წარგზავნა რომელნიმე მთიულეთს და რომელნიმე — კახეთს. ხოლო ყრმა მცირე გიორგი წარგზავნა ტაოს, იშხანის ციხესა, ასპარაშენს, და თუთ წარვიდეს ურდოსა. და ვითარ მივიდა ქუეყანასა ხუაშაქისა, ავაგის ასულისა, მუნ დახუდა ძე მისი, დავით, რომელი იგიცა წარიტანა, ამისთჳს რომელ უეჭუელ იქმნას ყენი და ჰკონოს ერთგულება მისი.

ვითარ ვლეს მცირედ და მიეახლნეს ურდოსა, ჰკონა ყაენმან მეფისა არმისლვა, წარმოავლინა ნოინი ერთი, სახელით თექალ, ძე ზემოკსენებულისა იას-ბულასი, რათა მოიყვანოს მეფე. მგზავრ მიმავალსა მეფესა წინადაემთხვა, რომელმან მყას აღილო ყოველი ბარგი და სიმდიდრე მისი, და მეფე პყრობილ-ყო და მიიყვანა ყაენს არღუნს წინაშე. ხოლო მანცა პყრობილ-ყო და განიზრახვიდა ყაენი, უკუეთუ ბოროტი უყოს მეფესა, არღარავინ არს ღირსი მეფობისა, და თუ არა ბო-

როტი შეამთხვოს, ვითარ განუტეოს მიმდგომი და მზებუღასი.

ხოლო რქუა ხუტლუბულა ყაენს: „ნუ იღრვი მაგას, რამეთუ მე მოვიყვანო შეილი აფხაზთა მეფისა დავითისი, სახელით ვახტანგ, და მას მიუბოძე მეფობა, რომელ ორივე სამეფო ბრძანებასა შენსა მორჩილებდეს“. სთნდა ყაენსა სიტყუა ესე და წარავლინა ხუტლუბულა იმერით დავით მეფისა წინაშე, უქადა ძესა მისსა მეფობა და დაჲ მისი, ოლჯათ, ცოლად.

და ვითარ წარვიდა ხუტლუბულა, ჰკითხეს მეფესა დიმიტრის, რათა აღწეროს ყოველი სიმდიდრე მისი, საქურტლე, ზროხა და ცხოვარი, და ყოველი საქონელი მისი. რამეთუ პყრობილ იყო თუთ მეფე და მთავარნი მისნი, თუნიერ აბრაჰამ კათალიკოზისაგან კიდე. და არღრა იყო ღონე, აღწერა, რაცა აქუნდა, სიმდიდრე ფრიადი. წარმოგზავნეს კაცი და წარიღეს ყოველი, არაჲ დაშთა, რამეთუ მოქალაქეთაცა უწყოდეს საგანძური მეფისანი და შინაგამცემელ იქმნეს. ხოლო რტყვან ამასცა, ხოჯა-აზიზის შეილი, რომლისა მამა მოეკლა მეფესა დავითს, ხუტლუბულა და იგი, — ორნივე — მტერობად შეითქუნეს მეფისა. და მივიდა ყაენს წინაშე საქურტლე მეფისა, და განკურდა და მცირედ დასცხრა გულისწყრომისაგან, და არღა ეგრე გონებდა ბოროტისა ყოფასა. და ვითარ იხილეს ვაზირთა მეფისათა ფლობილთა, რქუეს: „აჰა, თავი შენი ჳელთა შენთა შინა არს. ღამით მოიდგინენ ცხენნი მორბედნი და წარვედ, და განერე ჳელთაგან ამათთა, რამეთუ არა არს ნაცვალი სულისა შენისა“. რქუა მეფემან: „ისმინეთ ჩემი. პირველვე უწყოდე სიკუდილი ჩემი, და დავდევ თავი ჩემი და სული ჩემი ერისათვის ჩემისა. ხოლო აწ თუ წარვიდე, უბრალო ერი მოისრას. რა სარგებელ არს, უკუეთუ ყოველი სოფელი შევიძინო და სული წარვიწყმიდო“. არა ისმინა განზრახვა მთავართა მისთა.

და მოიწია ხუტლუბულა ღიზითიმერით და მოაჳსენა ყაენს, ვითარმედ: „დავით მეფე წარმოავლენს ძესა თუსსა მსახურებად შენდა და სპათა აფხაზთასა, რათა გმსახურებდენ“. ცნა ყაენმან, კუალად დააპატიმრეს მეფე დიმიტრი, და ვითარ გარდაჳდა ორი ღღე, კუალად შეიპყრეს მეფე და ძე მისი, მცირე ყრმა დავით, ცალკე. და წარჳყვა თანა მღვდელმონაზონი გაზრდილი მისი, მოსე. და არგნითა სცეს მეფესა, და ეგონა

ყოველთა არღარა მოკლვა მეფისა, რამეთუ წესად აქუნდა, რა არგნითა სციან, არღა მოაკუდინიან. გარნა არა დამშვდნა გულისწყრომისაგან. წარიყვანეს სამსჯავროსა სახლსა, რომელსა დივანხანად უწოდდეს, და ჰკითხვიდეს, უკუეთუ თანა-ეწამა განზრახვასა ჩინქიშან ბულასასა, და ვერა ბრალი პოკეს. და წარვიდა ტოდან ვინმე ნოინი ყაენს წინაშე, რათა არა მოაკუდინოს მეფე, და ვერ აღასრულა სათხოველი მისი. და მოიწივნეს ათორმეტნი მკედარნი ყაენისანი, რათა წარიყვანონ და სიკუდილსა მისცენ. ცნა სიკუდილი მეფემან, მხიარულითა პირითა მოიკითხვიდა მთავართა საქართველოსათა, რამეთუ ყოველნი მუნ მოსრულ იყვნეს ნუგეშინის-ცემად მეფისა, და ხუტლუბულაცა მდგომარე იყო. რქუა მეფემან: „უკუეთუ ძალგიც, ყაენს წინაშე შემეწიე სიკუდილსა ამას შინა. თუ არა გნებავს, ძე ჩემი, მცირე დავით, ილუაწე, რათა არა მოიკლას გულისწყრომითა აღსავსისა ყაენისაგან“. ხოლო მან და ყოველთა მთავართა იწყეს ტირილად და განვიდეს გარე. ილოცა და ეზიარა სისხლსა და კორცსა მეუფისა ჩუენისა ქრისტეს ღმრთისასა. ეგრეთ აღსუეს ცხენსა და წარიყვანეს, ვითარ მილიონ ერთ და ევედრა მტარვალთა, რათა ილოცოს მცირედ. და ილოცვიდა ცრემლთა მოდინებითა ქუეყანასა ზედა, და მერმე წარუპყრა ქედი. აჰა, დღე საშინელი, ზარისალსაჯდელი, რომელი იკადრებს ბილწთა ცხებულსა ზედა ღმრთისასა. და წარკუეთეს თავი მეფესა დიმიტრის.

ხოლო გამოჩნდა მასვე ყამსა პატივი ღმრთისა მიერ ცხებულსა მისსა, რამეთუ მზემან შარავანდედი თვისი უჩინო-ყო სრულდიად, და იქმნა სიბნელე დიდი და ყოველნი წარმართნი დანკვრდეს. იყო ყამი მეათე და მწუხრამდე შეიმოსა ბნელი, ვითარ-იგი ყოვლისა სოფლისა ცხორებისა ვნებასა მეუფისასა, ეგრეთვე ამის ნეტარისა და საქართველოსათვის წამებულისა მეფისასა, რათა საცნაურ იქმნეს, რამეთუ პატიოსან არიან ცხებულნი ღმრთისანი. ხოლო იყო მესამე შაბათი წმიდათა მარხვათა და ათორმეტ თვისა ებრაელთა მიერ ნისანად წოდებული, და ჩუენ მიერ მარტად.

და აღასრულეს გულისწყრომა და არავე დასცხრა გულისწყრომა მათი, რამეთუ შეიპყრეს ყრმაცა დავით და ნოინსა ტოდანარს მიჰგუარეს, რომელსა მკედართმთავრობა აქუნდა. მას ღამესა, მწუხარებასა გულისასა, მოიკცეს ყრმაცა დავით

კარავსა შინა მოსიკუდიდ, გარნა ვერა იველთეს. განთენდა, განიპარა მოსე მდდელი, რომელი არაოდეს განე-
შორებოდა დავითს, და შევიდა ტოლაჩარს წინაშე და აუწყა:
„მოკლვა სწადის დავითისი“. ხოლო იგი აღდგა მსწრაფლ და
წარვიდა ყაენს წინა და რქუა ყრმისა დავითის უბრალოება:
„რად გივმს შეუცოდარისა ყრმისა მოკლვა? მე მომმად-
ლე“. ისმინა და მოსცა, და წარიყვანა სახლსა თუსსა და შე-
ვედრა ხოჯასა თუსსა, რომელი უკანასკნელ საპიბ-დივან იქმნა.

ხოლო გვამი იგი პატიოსანი დიმიტრი მეფისა დაცვეს მრავალ დღე, რათა არა წარიღონ ქართველთა. და ესრეთ სრულ იქმნა წინასწართქმული ბასილი მთაწმიდელისა. ხოლო იყვნეს მრავალნი წარჩინებულნი საქართველოსანი და ვერვინ იკადრა წარყვანებად გუჟამი მეფისა. მაშინ კათალიკოზმან და შოსე იყიდნეს კაცნი, და მოსეცა თანაწარპყევა და მოიპარეს ღამით. მაშინ განგებითა ზეგარდმოთა გამოჩნდეს კაცნი ტფილისელნი, რომელთა აქუნდა თევზი წარსაღებელად, და თევზთა თანა იტვრთეს და მოიყვანეს მცხეთას, და მუნ დამარხეს სამარხოსა მამათა მათთასა.

ვითარცა იქმნა ესე, დავით, ძე დიმიტრისი, შეინახა კეთილად ტოლაჩარ ნოინმან, ხოლო დედოფალი და სხუა ცოლი მეფისა დამალეს. და სორღალ წარვიდა სახლსა მამისა მისისა თათარში, ხოლო ასული ბექასი წარვიდა მამისა მისისა თანა სამცხეს, და ვახტანგ იყო მთიულეთს. ხოლო ყაენმან მისცა დედოფალსა საჩიოდ სკორეთისკევი, და ეახლნეს ორნი მცირედნი ძენი: მანოველ და ლაშა. და სორღალს წარპყევს ორნი შვილნი, ბაიდუ და იადგარ, სახლსა მამისა მისისა. და დარჩა ქუეყანა ესე უმეფოდ.

მოუწოდა ყაენმან ხუტლუბუღას და რქუა: „აჰა, მოვსრენ ყოველნი მტერნი ჩემნი, და მტერიცა შენი, მეფე დიმიტრი, და აწ მეფე არღარა არს საქართველოსა შინა. აღმისრულე, რომელი აღმიოქვ, მოიყვანე ძე აფხაზთა მეფისა და იყოს იგი მეფედ. მაშინ მოგიოთულო საქართველო ყოველი და განაგებდი, ვითარ გნებავს“. წარვიდა ხუტლუბუღა მეფესა დავითს წინაშე. და ვითარ იხილა ხუტლუბუღა მეფემან დავით, მოუწოდა სპათა თუსთა, წარმოემართა და თანაწარმოიტანა ძე მისი, ვახტანგ, გარდამოვიდეს და დადგეს ტასისკარს, ქვიშხეთის მინდორსა. აქათ მოვიდეს სირმონ ნოინის შვილი, ყონჩი-

ბალ, აღინაყის შვილი, ყურუმჩი, რომელი დგის მათა ჯავახეთისათა, რომელ არიან არტანსა და სამცხეს შუა, და ყოველი დიდებულნი საქართველოსანი შემოკრბეს, და ყვეს ფიცი და სიმტკიცე ერთგულობისა. და მოსცა ძე მისი მეფემან, და მრავალნი თავადნი მისნი თანაწარმოატანა. და წარმოვიდეს მსწრაფლ და მეფე დავით შეიქცა ქუთათისს. და მოიწიენეს ყაენს არღუნს წინაჲ. იხილა ყაენმან ვახტანგ, შეიყუარა სიკეთისა მისისათუს, რამეთუ იყო ტანითა სრულ, ჰაეროვან, ტკბილ, მოწყალე, სამართლისმოქმედ, უხუ, მდაბალ, ენაჲ ტკბილ, განმზრახავ კეთილ, ყოვლისა საქმისა მცოდნე. ამან ვახტანგს მოსცა მეფობა ყოვლისა საქართველოსი და დაითვისი, ოლჯათ, ცოლად, და წარმოგზავნა და მოვიდეს ტფილისს.

და შემოკრბეს კათალიკოზი და ეპისკოპოზნი, და მთავარნი, და დაადგეს გვრგვნი მეფობისა, და დასუეს ტახტსა სამეფოსა, და აღასრულეს წესი კურთხევისა. და დაიპყრა ყოველი საქართველო ნიკოფსით დარუბანდამდე, თვნიერ ჯაყელ-ციხისჯუარელისა ბექასი, და განიხარეს ყოველთა მკუდართა საქართველოსათა, რომელ მოეცა ნათესავი მეფეთა პატრიოსანი, ღმრთისმოყუარე, ტკბილი და მოსამართლე, ახოვანი და მკნე, და სამკედროთა ზნითა აღსავსე. ამან აღიყვანა პატრისა ათაბაგობისასა და ამირსპასალარობისასა ხუტლუბუღა და მიუბოძა ორივე კელი და განგება სამეფოთა.

ხოლო დავით დაშთა თათართა შინა ტოლაჩარ ნოინისთა, ჭირთა და იწროებათა შინა, დედოფალი, დედა მათი, დაშთა სკორეთს, და სხუანი ძმანი მათნი მიმოიბნიენეს. ხოლო უმრწამესი ძმა მისი, გიორგი, რომელი უშვა ასულმან ბექასამან, წარიყვანა პაპამან მისმან, ბექამან, და აღზარდა საკურველი და უმჯობესი ყოველთა კაცთა, ვითარ ქუემორე სიტყუამან ცხად-ყოს.

და ვითარ გარდაჯდა ორი წელი, შეედგა საღმობა ბოროტი ყაენსა არღუნს, რამეთუ განკმეს ყოველნი ასონი მისნი და მოღბესცა კორცნი და ძუალნი აღმოსცუვდეს, და განიყარა ყოველი გუამი მისი, და იყო ნახვა მისი უშუერ და საზარელ, და კნინდა მიმსგავსებულ იყო მკუდარსა. ვითარ სწეულობდა არღუნ, ინება ხუტლუბუღა, რათა დავით მეფე-ყოს, და მოდგა მის კერძო და ეცადა ნოინთა წინა, რათა წარუღონ მეფობა

ვახტანგს. ტოლაჩარ თანაშემწეოდ და დავითს და ოესთა მეტყუ-
ძე, სახელით ფარეჯან, ძლიერად შეეწეოდა დავითს. ამისთვის
საპრჭოდცა წარდგეს, თუ რომელსა მართებს მეფობა. ხოლო
სხუათა მთავართა ქართველთა არა სთნდა მეფობა დავითისი,
მტკიცედ დგეს ერთგულობასა ზედა ვახტანგისსა. ამისთვის არა
მოსცეს მეფობა დავითს, და ადგილ-ადგილ სოფელნი და ქუ-
ეყანანი მოსცეს დავითს.

და ვითარ განგრძელდა ზეგარდმო რისხვა არღუნს ზედა,
და სენი იგი განგრძელდებოდა ოთხისა თვსა ქამთა, გარღუ-
ეული თავით ფერჯამდე, მოეწყინა ნოინთა, შეკრბეს და ზე-
დამიეტევენეს, და კარავსა შინა მოშთობისა მიერ სიკუდილსა
მისცეს მასვე დღესა და ქამსა, რიცხუსა თვსასა, ათორმეტსა
მარტსა, რომელსა შინა პატიოსანი და სანატრელი ცხებული
ღმრთისა, მოწამე ბრწყინვალე დიმიტრი, მოიკლა. საცნაური
იქმნა: ამისთვის მოიწია სენი ბოროტი არღუნს ზედა, რომელ
დასთხია სისხლი უბრალო მრავალი და იკადრა ნაცვალსა
ღმრთისასა ჯელის შეხებად.

მოკუდა არღუნ, და ყოველნი განმზრახნი მისნი, რომელნი
მეფისა სიკუდილისა თანაშემწე ყოფილ იყვნეს, ყოველნი მო-
ისრნეს. და მიერთგან მიეცა ფლობა დავითს, და ნოინნი და-
ვითისკე იყვნეს. ეგრეთცა მტკიცედ ეპყრა მეფობა ვახტანგს.

წარავლინეს ნოინთა კაცი და მოიყვანეს ყაენად ქელათუ-
ქოუნ, ძმა არღუნისი, და დასუეს ტახტსა და ჯელთ-უგდეს
საყაენო. ამან შეიყუარა კეთილად ვახტანგ, რამეთუ ამისთვის
ჰგონა არღუნს ზედა მიწევნად რისხვა იგი სასტიკი. და ვი-
თარცა ესრეთ იქმნებოდა, შეედგა მცირე რამე სენი ვახტანგ
მეფესა, რომლისა მიერ შეისუენაცა, და მოკუდა სამ წელ მე-
ფეყოფილი, საღმრთო-საკაცობითა საქმითა სრული და შემ-
კობილი, რამეთუ აღმზრდელიცა კეთილი და მეცნიერი ესუა,
ფარსმანის შვილი. ცნა დავით, განმწარდა სიკეთისა და სიჭა-
ბუქისა მისისათუს, და იგლოვა წესისაებრ, და ფრიად პატივ-
სცა და წარგზავნა გელათს, სამარხოსა მეფეთასა. ვითარცა
ენმა მეფესა, მამასა მისსა დავითს, სიკუდილი სასურველისა
და ყოველთა მიერ შეყუარებულისა ძისა მისისა, ვახტანგისი,
უზომოთა ტკივილთა და ვაებათა მოიცვეს, რამეთუ შეუძლე-
ბელ არს მოთხოზად თუთულისა. გარნა ესოდენ მოიკცა
მწუხარებამან, რომელ ვერღარა პოვა ლხინება და შემდგო-

მად მცირეთა წელთა შეისუენა მანცა, პატროსნითა სიბერითა აღსავსემან. დაუტევა სამნი ძენი, პირმშო ვიდრემე კოსტანტინე და მეორე მიქელ, და უმრწამესი ალექსანდრე, რომელი უშვა დედოფალმან, დიდისა პალიალოდოსის ასულმან, კოსტანტინეპოლისა და საბერძნეთისა მპყრობელისამან. ხოლო მიიღო მეფობა კოსტანტინე პირმშოებისა ძლით, რომლისა მეფობასა წინააღუდგა ძმა მისი, მიქელ, და დაიპყრა ქუეყანა რაჭისა და არგუეთი. და დღეთა მათთა იშლებოდა სამეფო, რომელთა საქმენი არა მოკსენებულ არიან. და არა ყვეს მშუდობა, ვიდრე არა მიიცვალნეს, რამეთუ, რომელსა ქამსა დაიზავნიან, მყის შეიშალნიან.

ხოლო ჩუენ პირველივე გზა აღვლოთ მცირედ კერძო გარდამბიკებელთა. დაჯდა რა ქელათუ ტახტსა ზედა, განდგა ქალაქი ტუნდუზალო. რა საბერძნეთით მოსრულ იყო ქელათუ, ჰკონეს უცალოება ყაენისა და განდგეს. მაშინ მოუწოდა ყოველთა სპათა მისთა და მეფისა დიმიტრის ძესა, დავითს, და მთავართა ქართლისათა, და შევედრა ტახტი და ცოლი მისი და ხათუნნი ნოინსა სიქდურს, ხუტლუბულა და სხუანი მთავარნი საქართველოსანი დაუტევნა მულანს, რამეთუ ეშინოდა გამოსლვისათჳს ბერქაანთსა. თუთ წარვიდა და დავით, ძე დიმიტრისი, თანაწარიტანა. და ვითარ მიიწივნეს ტუნდუზალო ქალაქსა, აგრემოადგა ოთხ თუე და ვერა ავნო. და ვითარ მისჭირდა, მეხუთესა თუესა იწყეს ძლიერად ბრძოლად, რამეთუ დავით და მცირედნი ქართველნი ბრძოდეს. წარუდეს ქალაქი და შიგან შევიდეს, სადა-იგი ქრისტიანენი ერთსა ყურესა შეკრებულ იყვნეს, და ევედრნეს დავითს, რათა შეიწყალნეს და ყაენმან არა ბოროტი უყოს. უსმინა და მცველნი დაუდგინნა და დაიცვნა და აღიღო ხარაჯა და საქუტკლე ურიცხჳ, და მიერ წარმოვიდა.

ხოლო მუნ ყოფასა ფარეჯანისა იწყეს ოვსთა ოვრებად, კოცად და რბევად და ტყუენვად ქართლისა, და ქალაქი გორი წარტყუენეს და თუსად დაიჭირეს ოვსთა. მაშინ შეკრბეს ქართლის ერისთავისა ბეგას ძესა, ჰამადას, წინაშე ყოველნი ქართველნი და მოადგეს გორსა, და მრავალგზის შეებნეს ქალაქსა შინა, მრავალი კაცი მოკუდა, ოვსიცა და ქართველიცა, და დაწუეს გორი სრულიად. და ვითარ მისჭირდა ოვსთა, ციხიდამე გარდმოუშვეს საბლითა კაცი და წარავლინეს მუხრანს მდგომ-

თა თათართა თანა, რათა შეეწივნენ. ვითარცა ესმა, ჩამოდგეს შუა, შუელა ქმნეს და ზავი. და მიერთვან შეიქმნა მტერობა შორის ქართველთა და ოვსთა, ვიდრემდის მეფეთა შორის ბრწყინვალემან, დიდმან სახელგანთქმულმან გიორგი, განასხნა და აღფხურნა. და ვითარ მოიწივნეს შინა, მოუწოდა ყაენმან დავითს და რქუა: „ვინათგან დასდევ თავი შენი მსახურებად ჩემთვის და სდვა ერთგულობასა ჩემსა ზედა, მომიცემა მეფობა და სამეფო შენთვის“. და წარმოგზავნა ტფილისს და დასუა ტახტსა მამისა მისისასა. და თანაწარმოატანნა სპანი საქართველოსანი, შანშე და ხუტლუბულა, და ყოველნი დიდებულნი. და მოუწოდეს სამცხით ბექას, და მან არა ინება მოსლვად, რამეთუ ფრიად განდიდებულ იყო, თვთ არღარა წარვიდეს არცა ყაენს წინაშე, არცა მეფესა თანა. წარმოუვლინა ძე თვის პირმშო, სამცხის სპასალარი სარგის, და ყოველი ნამარბევი, რომელ აქუნდა მეფისა დიმიტრისაგან შევედრებულნი, და სარტყელიცა იგი დიდფასისა. მოვიდა სარგის და მოილო ყოველივე დაუკლებელად მეფის დავითის წინაშე. დასუეს მეფე ტახტსა ზედა და აკურთხეს კათალიკოზმან აბრაჰამ და ეპისკოპოზთა.

ხოლო მოსცა ყაენმან დამ მისი, ოლჯათ, რომელი ვახტანგს ცოლად ესუა. დაიპყრა ყოველი სამეფო მამისა მისისა დიმიტრისი, თვნიერ ბექას სამცხის მპყრობელისა მთავრისა, ხოლო იგი პატივ-სცემდა მეფესა დავითს, მრავალთა ნიჭთა და ძღუენთა წარმოუვლენდის. ხოლო დავით უმეტესთა ჟამთა იყვის წინაშე ყაენისა, დაღათუ ფარეჯან, ოვსთა მთავარი, მსახურებდა კეთილად მეფესა, არამედ აქუნდა მტერობა ქართველთა და ოვსთა. ესეოდენ გარდაეკიდნიან ერთმანეთს, რომელიცა მძლე ექმნის, მოკლის. მაშინ წარვიდეს ქალაქსა ოვსნი გაჭრობად, და მოიქცეს და იხილეს გლახაკი, და მისცეს ქველისსაქმე ოვსთა, რომელსა უპირველესსა ეწოდა სათხიზ და მეორესა უზურბეგ. და რქუეს: „გლახაკო, ევედრე ღმერთსა, რათა დღეს ჩუენი და სურამელის ბეგას შვილის კრმალი ერთგან შეიყარნენ“.

ვითარ წარვლეს მცირედ, დახუდა ნადირობასა შინა მყოფი რატი მცირითა კაცითა, უსაჭურვლო. მყის ზედამოეტევენს, ადილო ფარი და დაუდგა სივიწროესა წყლისგასავალსა.

და პირველ სათნის უხეტქნა მუზარადასა, განუბო და ჩამო-
ავდო, და მოკუდა. მერმე უხურბეგ მოუჟდა, ჰკრა მასცა
ჯაჭვანსა მკარსა, განუჟვეთა მკარი და ჩამოავდო, ყრმათა რა-
ტისთა მოაკუდინეს. იხილეს სხუათა ოგსთა და ივლტოდეს.
ამისთვის იტყუს წინასწარმეტყუელი: „უფალი ამპარტავანთა
შემუსრავს“. კულად სხუა კმობს: „აღვოცენინ უფალმან ყო-
ველნი ბაგენი მზაკუარნი, და ენა დიდად მეტყუელი“.

ხოლო მოვიდა მწოდებელი თუქალისა წინაშე დავით მე-
ფისა. და წარვიდა დავით წინაშე თუქალისა, რომელი დვა
მთათა არარატისათა. ვითარ იხილა თუქალ დავით მეფე, პა-
ტივითა შეიყუარა. ინება, რომელ ფიცთა მიერ ქმნან ერთობა
სიყუარულისა. დაამტკიცეს ერთობა, და წარმოვიდა მეფე ში-
ნა, და მოსცა ღმანისი, რომელი აქუნდა ხუტლუბულას, ძმასა
მანგასარისსა.

და ვითარ გარდაჟდა მცირედი ეამი, წარვიდეს ნოინნი,
რომელნი თუქალისაგან ლტოლვილ იყვნეს, ვითარ ნავროზ,
დიდისა არლუნის შვილი, რომელი იყო კაცი მკნე, ძლიერი,
ახოვანი, მანქანი, შემმართებელი უმეტესობისა, აღინაყის
შვილი ყურუმნი, რომლისა ძმა, ბუდა, მოეკლა თუქალს. ესე-
ნი მივიდეს ხუარასანს, არლუნის შვილსა, ყაზანს ქოუნს, თანა,
რომელსა აქუნდა მამისაგან საუფლისწულოდ ხუარასანი. შეი-
ყარნეს და ინებეს, რათა ყაზან ყონ მთავრად და ყაენად. შეკ-
რბეს ესე ყოველნი და წარმოემართნეს ბრძოლად ბაიდუსსა.
და ვითარ ცნა მოსლვა ყაზანისა, მოუწოდა მანცა ლაშქართა,
და წარვიდა თუქალცა სისწრაფითა, ვერლარა მოიცადეს მე-
ფე. აქაცა დაიცვა ღმერთმან რომე არა დახუდა. მიეგებნეს
მცირესა ქალაქსა ზანგანს, შეკრბეს ურთიერთას და სწორი
ძლევა იქმნა, უკუდგეს ორნივე და გაიყარნეს, რამეთუ ყაზან
მუნ არა იყო, ნავროზ და ხუტლუშა წარმოველინეს. ნავროზ
კვლთიგდეს და ძლიერი ბრძოლა ყო ჯალაირმან. და წარვიდა
ყაზან ხუარასნით.

ხოლო ევედრა ნავროზ თუქალს, რათა განუტეოს, და ფი-
ცითა დაუმტკიცა, რათა ყაზან შეკრული მოსცეს. ირწმუნა და
განუტევა. და ვითარ მივიდა ყაზანს თანა, შეკრა ქუაბი სპი-
ლენძისა და წარმოგზავნა თუქალს წინა, რამეთუ ენითა თურ-
ქულითა ქუაბსა ყაზან ეწოდების. მოვიდა ქუაბი შეკრული

საზღოთა, განუკურდა და დაუმძიმდა თუქალს, რამეთუ იყო
იყო იყო არარატისა მათათა.

მაშინ კუალად წარემართა ყაზან უმრავლესითა სპითა
ეგრძნულად, და უქანს დაესხა ბაიდუს, შეკრეს და მოაშთვეს,
და მის თანა პრავალნი ნოინნი. აქაცა დაიცვა ღმერთმან მეფე.
იითარ ცნა სიკუდილი ბაიდუ ყაენისა თუქალ, ივლტოდა და
მივიდა სამცხეს, ბექასასა, რომელი მთავრობდა ტასისკართ-
გან ვიდრე კარნუქალაქამდე. და შვილი წარგზავნა მეფისა
დავითის წინაშე და მას შევედრა. და ვითარ მოვიდა ყაზან
ადარბადაგანს, რომელ არს თავრეეი, წარმოუვლინა მოციქუ-
ლი მეფესა და ბექასა, რათა მისცენ თუქალი და შვილი მისი,
ერთგზის და ორგზის. და არა მისცეს, არამედ იურევეს, რათა
შეუნდოს. და მოსცა პირი და ბექედი უვნებლობისა, და მის-
ცეს თუქალი. ვითარ ცნა ყურუმჩი წარყვანა თუქალისა
ურდოსა, მოეგება ელჩსა ყაენის ყაზანისსა ნავიდურს, და
წარგუარა თუქალი და მოკლა სიკუდილისათს ბუღასა, ძმისა
მისისა. და მეფემან დავით მოსცა შვილი მისი და ყოველი
სიმდიდრე, რომელი შეევედრა ოვსთა მთავრისა ფარეჯანისა,
რომელი იდგა ციხესა ატენისასა. რამეთუ ესე დაიმაღლა ყა-
ენმან ყაზან, გარნა მეფემან ვერ გულს-იდგინა წარსლვა
ურდოსა შიშისათს, რომელ აქუნდა სიყუარული თუქალისი.
კუალად სხუაცა იყო შიში ურდოს წარსლვისა, რამეთუ ზე-
მოქსენებული იგი ნავროზ, არღუნ-აღას შვილი, მტერი იყო
ყოველთა ქრისტიანეთა, ვისცა ჰგონებდა სჯულისა დატეობა-
სა, დაჰპატიჟებდა და მუსულმანად მიაქცევდა, თუნიერ ცნო-
ბისა ყაზან ყაენისა. კუალად რამე ბოროტი აქუნდა, ამისთვის-
ცა ბოროტად მოკუდა, ვითარ ქუემორე სიტყუამან ცხად-ყოს.

ესე ნავროზ განდიდნა, თუნიერ ყაენისა განაგებდა საქმეთა
საურავთა და აქუნდა მტერობა ქრისტიანეთა, და განემზადა
სრულიად დავოცად და დაქცევად ეკლესიათა თავრევესა და
ყოველთა ქალაქთა შინა. და მოიყვანა ეპისკოპოზი მარადისა
ქალაქისა, ნათესავით და სარწმუნოებით ნასრანი, რომელი
იყო კაცი მოწყალე და სახიერი, ფრიად სათნოებიანი, პირ-
ველთა ყაენთაგან პატივცემული და მამად სახელდებული. ესე
პყრობილ-ყო და მრავალნი გუემანი და ბასრობანი შეამთხვენა
დატეგებისათს სჯულისა. ხოლო იგი ახოვნად წინააღუდგე-
ბოდა და მოითმენდა შეუტაც-ყოფად სჯულისა მოჰამადის

მიერ ქადაგებულისა. ამისათვის ექსტროიზად დაისაჯა, რამეთუ იყო ფრიად მოხუცებული.

ამას ზედა ესეცა შესძინა ბოროტი ნაეროზ, წარმავლი-
ნა კაცი ერთი უკეთური, ნათესავი მისი, რათა მოაოჯრნეს
ეკლესიანი ყოველსა საქართველოსა: პირველ მოაოჯროს სა-
ყოფელი ყოველად წმიდისა ვარძისა ღმრთისმშობელისა საყ-
დარი, და ყოველსა საქართველოსა, რაცა პოვოს, წარმოი-
ღოს. ჰგონებდა უზომოსა სიმდიდრესა, ოქროსა და ვეცხლსა,
თუალთა პატიოსანთა და მარგალიტსა მრავალსა ვარძიანს.
წარმოვიდა და მოიწია ნახჭევანს, იწყო რბევად და რღუევად
თუალთა პატიოსანთა და მარგალიტსა მრავალსა ვარძიანს.
ღმრთისმშობელისა მას ზედა, რომელ მოვიდოდა დასაოჯრებ-
ლად ვარძისა ღმრთისმშობელისა და პატიოსნისა ჟუარისა
დასამკობლად, ამისთვის მეხდატეხილ იქმნა, და განვალა მეხ-
მან სრულად, და დაიწუა ძუალითურთ. ესრეთ საკვრველე-
ბით დაიცვა სამყოფი თვისი ვარძისა ღმრთისმშობელმან.

ხოლო ნაეროზს ზედაცა მოიწია რისხვა ღმრთისა, რამეთუ
განრისხნა ყაენი ყაზან უსამართლობისათვის და ბოროტთა საქ-
მეთათვის. იყო ყაზან ფრიად რამე კეთილი და უბოროტოგო-
ნება რა სამართლისმოქმედ უფროს ყოველთა უწინარესთა
ყაენტა ესეოდენ, რომელ ჯაჟუ განება ორთა შეშათა ზედა და
ეყუნები მოება მრავლად, რათა გლახაკნი უღონონი და უქო-
ნელნი, ყაენის და ნოინთა წინა მისლვისა უღირსნი და მოჩი-
ვარნი, მივიდოდენ და შეარყევდენ შეშასა და ჯაჟუსა, და ეს-
მოღის ყაენს ჯმა ეყუნათა და ცნას, რომელ სასჯელი უც გლა-
ხაკთა და შეურაცხთა კაცთა, რომელი თუთ განიკითხის პირის-
პირ. ესეოდენ უყუარდა სამართალი, რომელ დღეთა მისთა არა
იქმნებოდა ძალი და უსამართლოება არა დიდთა და არცა მცი-
რეთაგან. ამისთვის რისხვეული ნაეროზ იელტოდა ხუარასანს,
რომელ დევნა-უყო ზემოკსენებულმან ხუტლუშა ნოინმან,
მიეწია და მოაკუდინა იგი და შვილი მისი, და ყოველი ნათე-
სავი მისი. მოისპო ქუეყანით საცსენებელი მისი, ვითარცა წე-
რალ არს: „მოისპენ უღმრთო, რათა არა იხილოს დიდება
ღმრთისა“. და კუალად წარწყმდა საცსენებელი მისი. და ეს-
რეთ დამშუდნეს თათარნი. იყო ყაზან ყაენმან განგება ქუე-
ყანისა სიმართლითა და მსჯავრთა კეთილთა.

ამათ ქამთა წარმოავლინა მოციქული ყაზან ყაენმაჲს იკმო მის წინაშე დავით მეფე. ხოლო იგი მსწრაფლ განემზა-
და და მოიწია კახეთს და პერეთს. მივიდეს ჰერ-კახნი დიდე-
ბულნი და აზნაურნი დავით მეფეს წინაშე, ერისთავი სამა-
დავლა, კაცი ყოვლითა სამკედროთა ზნითა შემკობილი და
მოისარი რჩეული, მსგავსი მოსომახოსა ებრაელისა, გინა ნე-
ოპტოლემეოს პილასი რჩეულისა, სახელოვანისა მირმიდონთ
მოძღურისა. დაყო მცირედი ქამი პერეთს და განეზრახა ვა-
ზირთა: „უკუეთუ წარვიდე ურდოსა?“. დაუმტკიცეს ვაზირთა
წარსლვა, ხოლო მეფემან არა ისმინა მათი და შეიქცა გარე,
რამეთუ აქუნდა შიში თათართა ყაენისა ხილვისა. და მოვიდა
მთიულეთს, უკუდგა ქინოვანს, შეკრა სიბა და მცველნი და-
უდგინა.

ხოლო მეფე დავით მთიულეთს იდგა, და წარავლინა ძმა
თვისი უმრწამესი ვახტანგ ელჩად დიდისა ბათოს შვილიშვი-
ლის ყაენისა და უქადა გზა გამოსლვად ყაენს ზედა. და მან
კეთილად შეიწყნარა და უქადა ქუეყანა და საკურჭლე მრავალი.
ვითარ ცნა დავითის უკუდგომა ყაზან, წარმოუგზავნა
ხუტლუშა მკედართმთავარი, რომელსა იგინი ბეგლარბეგობით
უქმობდეს, სპითა დიდითა. მოვიდეს და დადგეს ტფილისს,
გაგზავნეს მოციქული მეფესა დავითს წინაშე და ითხოვეს
კაცნი სარწმუნონი მისანდობელად, და აძლევდეს ზავსა და
სთხოვდეს ერთგულობასა ყაზანისასა და არამიქცევასა მტერ-
თა კერძო. და მან წარმოგზავნა კათალიკოზი აბრაჰამ, ბურ-
სელი ივანე, ტფილელი ყადი, და ითხოვნა მძეგალნი, და ფი-
ცად მიჰპირდა. ხოლო მათ ფიცეს სჯულისაებრ მათისა და
მისცეს მძეგლად ხუტლუშას შვილი სიბუჩი, ყურუმჩის ძმა
არფა და სხუბათა ნოინთა შვილნი და მისცეს ბეჭედი ყაენისა
და სიმტკიცე უვნებელობისა. და იგი მოვიდა ნახვად მათდა
და აღუთქუა წარსლვად ურდოსა. ხოლო ხუტლუშამან შეი-
წყნარა კეთილად და განუტტევა. ხოლო დავით იქცა თჳსადვე,
და მძეგალთა მისცა ნიჭი დიდი და განუტტენა.

და ვითარ მოიწია არე გაზაფხულისა, აწვეს კუალად მე-
ფე დავით ურდოსა, და არა ინება წარსლვად, აქუნდა შიში.
ამისთვის წარავლინა ძმა მისი ბაიდუ დიდისა ყაენისა თოხთას
წინაშე. ვითარ ცნა ყაზან ყაენმან, კუალად წარმოავლინა მკე-
დართმთავარი ხუტლუშა სპითა ურიცხვთა. მოვიდეს სომხითს

და აწვევს მეფე მისლვად, და აღუთქმიდეს წიქთა დიდთა. კუალადცა წარავლინა კათალიკოზი აბრაჰამ, ყადი ტფილელი და ივანე ბურსელი, და აღუთქუა მისლვად. ცნეს თათართა, რამეთუ მიზეზობდა, შეიპყრეს ივანე ბურსელი და მოკლეს, და კათალიკოზი და ყადი განუტევეს უვნებელად, და მოპართეს შესლვად მთიულეთს. მოაოკრეს სომხითი, ქართლი, თრიალეთი, ერწო და დადგეს მუხრანს, ხერკს, ბახალეთს, ერწოს და თიანეთს, და ვერ ეტეოდეს სადგომად, არბევდეს ქართლსა და ზემოხსენებულთა ქუეყანათა. ტყუე-ყვეს, რომლისა არა იყო რიცხუ, და მოსრეს პირითა მახვლისათა რავდენი პოვეს, და მიეცა ქუეყანა განსაარყუნელად ცოდვათა ჩუენთათს.

ამა წელსა გამოჩნდა ვარსკვლავი კუმატი, ლახურისსახე, ჩრდილოთ კერძო, და დადგა ვიდრე ოთხ თუემდე, და ყოველთა დამეთა იხილვებოდა ვარსკვლავი იგი ლახურისსახე, და იტყოდეს: „ლახურით მოწყუედასა მოასწავებს“.

კუალადცა ინებეს თათართა ზავის-ყოფა მეფისა და ვაჟუზავნეს მოციქული, რათა მეფემან შეჭფიცოს ერთგულობასა ზედა ყაზანისსა და არა მისცეს გზა ბათოს შვილისშვილსა დიდსა ყაენსა თოხთას, და ესრეთ ეამად შინა იყოს, დაიცვას სამეფო მისი. და ყვეს ფიცი და აღუთქუა ურთიერთას, და წარმოგზავნა დედა თვისი დედოფალი, და ძმა მისი უმრწამესი მანოველ, და კათალიკოზი აბრაჰამ, და დედოფალი, ცოლი მეფისა ოლჯათ, წარმოავლინა, რათა წარვიდეს ურდოსა და იურვოს საქმე მისი. და მოიწინეს ურდოსა, იხილნა ხუტლუ-შამან და პატივითა შეიწყუნარნა, მსწრაფლ უკურიდა, მოსცა ტფილისი და სამეფო მისი, და წარვიდა ურდოსა და წარიტანა დედოფალი ოლჯათ, და კუალად დამშუდნა ქუეყანა.

და ვითარ გარდაცდა ზამთარი იგი და მოეწურა არე ვაზაფხულისა, წარმოავლინეს მოციქული მეფეს თანა, რათა ცნას, არს ერთგულობასა ყაენისასა, თუ არა. და ცნა კაცმან, რომელ ბაიდუ წარველინა დავითს ყაენსა თოხთას თანა და გზა ექადა გამოსლვად. აცნობა ყაზანს, ხოლო იგი განწყრა და წარმოავლინა ყურუმჩი და ერინჯი ვინმე, შანაური მისი, და შანზე მკარგრძელი. და მოუწოდეს ძმასა დავითისასა, მცირესა გიორგის, რომელი ეშვა ასულსა ბექასასა და მას აღეზარდა, რომელი მართო ეშვა დედასა, ვითარცა მარტორქა, რამე-

თუ ვერ შემძლებელ იყო ბუნება დედათა სხუასა ეგვეთარა-
სა შობად, ვითარ ქუემორე სიტყუამან ცხად-ყოს.

ესე იყო სახლსა ბექასასა, რამეთუ ესე ბექა განდიდებულ
იყო და აქუნდა ტანისკარითგან ვიდრე სპერამდე და ვიდრე
ზღუამდე, სამცხე, აჭარა, შავშეთი, კლარჯეთი, ნიგალისკევი;
და ქანეთი სრულიად მოსცა ბერძენთა მეფემან, კომნინოსმან
კირ მახაილ, და ასული ბექასი ცოლად მიიყვანა. ამასვე აქუნ-
და უმრავლესი ტაო, არტანი, კოლა, კარნიფორა და კარი, და
ამათ შინა ქუეყანანი და ციხენი, არტანუჯი და უდაბნონი
ათო. ამეტნი კლარჯეთისანი, და დიდებულნი აზნაურნი და ნო-
ნასტერნი ყოველნი მას აქუნდეს. და ხარაჯას მისცემდა ყაზან-
სა და ლაშქრითა შეეწეოდა. ამას სთხოვეს ყრმა გიორგი, რა-
თა პისცეს და მეფე-ყონ ქართლსა დავითის წილ, ძმისა მისი-
სა, რომელი აღასრულა და მისცა, და თანაწარატანა ლაშქარი
დოდი. წარიყვანეს და დასუეს მეფედ. დაღათუ მცირე იყო,
არამედ წინადაუსახვიდეს უძლეველობასა მეფობისასა და წი-
ნამოასწავებდეს.

და იყო ყრმა მცირე გიორგი მეფედ ტფილისისა. და ვი-
თარ მოიწია გაზაფხული, კუალად წარმოავლინა ყაზან ყაენ-
მან იგივე ხუტლუშა სპითა ძლიერითა, და მრავალნი ნოინნი
სხუანნი. და დადგეს ზემოხსენებულთა ადგილთა, მოაოკრეს
ქართლი უბოროტესად.

ხოლო მეფე დავით დადგა ჯადას. მაშინ ქუენიფლეველი
შალვა გამოექცა მეფესა, აღსაესე ნიჭთა მიერ მისთა, რომელ-
ნი მას ქამსა მიენიჭნეს. არა მოიკენა წყალობა ეგოდენი და
მივიდა ხუტლუშა ნოინთანა. ხოლო მან განიხარა და პატვი-
თა შეიწყნარა და წინამძღუარად გზისა აჩინა. და შევიდეს
გზასა ცხრაზმისკევისასა და განვიდეს მთასა შორის ცხავატსა
და ცხრაზმისკევთა, რომელ არს ლომისა.

და ვითარ ცნა დავით ორგულობა შალვა ქუენიფლეველი-
სა, შედგა ციკარეს, რამეთუ ციკარე მტერთაგან შეუვალ იყო.
ჩავლო ხუტლუშამან და განვიდეს ჯადას, და გარდვიდეს ჰევ-
სა, და მიმართეს გუელეთს, მუნ შინა ჰგონებდეს მეფესა და-
ვითს. და გარემოადგეს სტეფანწმიდასა სოფელსა. და განგე-
ბითა ღმრთისათა განმაგრდეს, რამეთუ წინარნი თათართანი იყვ-
ნეს ქუენიფლეველი შალვა და ოგსთა მთავარი ბაყათარ და
მუხრანს მდგომი თათარი ბაან თანლუთ. ვითარ ცნეს, სტეფა-

ნიათ ვერას ავნებდეს და მეფე მუნ არა არს, ითხოვეს საზღვრული მცარე. სტეფანელთა მოსცეს. და აიყარნეს და გარდ-
მოდგეს ჯადას. ხოლო მეფე ციკარეს იყო. დაამტკიცეს და
დადგეს ერთგულობასა მეფისასა სურამელი ჰამადა, ამირჯი-
ბი აბაზას ძე ჭილა, და აზნაურნი ქართველნი და სომხითარნი,
და დიდი ერთგულება აჩუენეს.

ვითარ ცნა ხუტლუშამან მეფისა ციკარეს დგომა, განყო
ლაშქარი. რომელიმე წარავლინა ცხავატით, გზასა ძნელსა,
რათა ეგრეთ შევლონ და შევიდენ ციკარესა, რომელ-ესე შე-
უძლებელ იყო. მაშინ ქუემო შესრულთა ლაშქართა შევლეს
გზა ცხავატისა და განვიდეს ცხავატს. ვითარ ცნა მეფემან, წა-
რავლინა მცირედნი ლაშქარნი, და იქმნა ომი ძლიერი, და
მოსწყდა თათარი ურიცხვ, რამეთუ შემოსრულ იყვნეს ვიწ-
როსა გზასა კაცი მეომე ვითარ ხუთასი, რომელნი ვერღარა
გამოესწრნეს გზისა სივიწროისაგან. შეიპყრეს ხუთასივე, რო-
მელი მოკლეს და, რომელი დარჩა, მოჰკუარეს მეფესა. ხოლო
სხუანი ივლტოდეს. და სპანი მეფისანი განვიდეს ჯადის თავსა
გორასა რასმე, რომელ არს ციკარეს პირისპირ, და იქმნა ომი
ძლიერი. კეთილად ბრძოდეს შინაურნი მეფისანი, ჯადელნი და
ქვეით მოსრულნი რჩეულნი. და უმეტეს მოისრვოდეს თათარ-
ნი, რამეთუ დიდად ავნებდეს მთიულელნი; იყვნეს ფერკითა
მალე, ცხენოსანი ვერ შეუვიდოდა საომარად, და ქუეითად
იბრძოდეს თათარნი, რომელთა შემწედ ჰყვა ივანეს ძე შანშე,
და ოვსნი, რომელ სხდეს გორს, მესხნი ლაშქარნი, რომელნი
წარმოევლინნეს სამცხის მთავარსა ბექას — თორელნი, თმო-
გუელნი და ტაოელნი. და განჯრძელდა ომი ვიდრე მიმწუბ-
რამდე. გზათა სივიწროითა არა აღერინეს ურთიერთას, გაიყარ-
ნეს, და უკუდგეს ჯადას თათარნი.

და უშუელა ღმერთმან მეფესა, რამეთუ ცხავატით შეს-
რული ლაშქარი ივლტოდა. და ვითარ ხუთასი ოდენ კაცი
შეიყარა, და ხუტლუშასცა დიდი ვნებოდა. იხილა სიმაგრე
ქუეყანისა, და ცნა, რომელ არა ეგების შესლვა ციკარეს.
აღიყარა ღამით გზასა ლომისთავისასა, დაესხა ქართლს, დაღა-
თუ ვინმე დარჩომილ იყო, მოსრა და ტყუე-ყო. და მოაოკრეს
ქართლი და წარვიდეს ყაენს ყაზანს წინაშე.

და მოიწია არე გაზაფხულისა, წარმოემართა იგივე ხუტ-
ლუშა, სიტყვათა ყაენისათა, სპითა უძლიერესითა, და მოიწია

ტფილისს, და გვეულებოდა შესწავლად მთიულეთს. და ვინაჲს
ცნეს დიდებულთა ამის სამეფოთათა, გახკრთეს და ეძიებდეს
ლოწენსა, რათა განერწენს პირისაგან თათართასა. ქუეყანა თუ-
ღა სადმე დარჩომილ იყო, შეკრბეს მეფესა დავითს წინაშე და
მოაქსენებდეს, რათა წარვიდეს ყაზანს წინაშე, ფიცი და სომ-
ტკიცე აღიღოს უვნებლობისა. ისმინა მეფემან და დაამტკიცა
წარსლვა ურდოსა, სთხოვა ზავი და ფიცი, ხოლო მან დიდად
განიხარა და აღუთქუა უვნებელად ყოფა და დაცვა ქუეყანისა.
უკუეთუ, ოდენ იხილოს ყაენი, მიერ წარმოგზავნონ დაცვული
მშუდობით. ამის პირსა შინა იყო ბურსელი ივანე. აღიღო პი-
რი მტკიცე, და მოვიდა მეფეს წინაშე. იხილა პირი სიმტკიცე-
სა ქრთველთა, ჰერ-კახთა, განეხარნეს და აწუევედეს წარს-
ლვად, და მძევალთაცა აღღევდეს: „ხუტულუშა სარწმუნო
კაცი არს და არა ეცრუვების აღთქუმასა, ვჰგონებ კეთილად
შეწყობასა“.

გარნა მეფემან არა ისმინა, რამეთუ შიში აქუნდა თათარ-
თა, და დადგეს გუგელთს. ვითარ იხილეს დიდებულთა მო-
ოკრება, უმრავლესნი წარვიდეს კითხვითა მეფისათა დაცვი-
სათეს ქუეყანისა, ხოლო ხუტულუშა კეთილად შეიწყნარებდა
ვინცა მივიდოდა. კულად მოაოკრეს ქუეყანა ქართლისა ზე-
მოკსენებულნი თვნიერ მთიულეთისა და წარვიდეს ურდოსა.

ვითარ მოიწია სთუელი, ჩამოდგა ცხრაზმისკეცსა მეფე და-
ვით და ააოკრებდა მამულსა შალვა ქუენიფლეველისასა ორ-
გულობისათეს. მაშინ უღონო იქმნა ქუენიფლეველი, ევედრა
სურამელსა მსახურთხუცესსა, ქართლისა ერისთავსა ჰამა-
დას, რათა იურვოს მეფეს წინაშე. მოაქსენა მეფესა და არა
ინება მისთვის დაჭირვა, არამედ მიუბოძა მამული მისი. გარ-
დაიყარა თავსა ნაცარი შალვა და იტყოდა: „ესემცა არს მისა-
გებელი ორგულთა მეფეთასა“. და შეუნდო მეფემან შალვას.

ამათ ჟამთა წარმოვიდა ძმა მეფისა ვახტანგ, რამეთუ იკლო
რამე სიყუარული და სიკეთე, რამეთუ ძმისა მისისა დავითი-
საგან შეპყრობილცა იყო და პატიმრული ციხესა ქინოვანი-
სასა. გამოიპარა და მოვიდა ივანე ბურსელისასა და რქუა:
„არარა ბოროტი მიქმნიეს და შეურაცხება წინაშე ძმისა ჩე-
მისა. აწე არა წარგალ ურდოსა მტერთა მისთა თანა. აწ წა-
რავლინე კაცი და აღწყყე ჩემი შენსა მოსლვა. თუ ჰნებაეს და
ფიცით შემაჭერბს, რომე არა მავნოს და არა შემიპყრას, მის

წინაშე მივალ, და მცირე სარჩომიცა მომცეს“. ხოლო მან წა-
რავლინა კაცი და მოაქსენა ესე ყოველი. ხოლო მეფემან გა-
ნიხარა და ფიცითა მოიმტკიცა, და წარიყვანა ძმა თუხი და
კეთილად ხედვიდა. და ჰგონებდა განდგომასა ამის ძლით,
რამეთუ შაბურის ძის ასული შეირთო ვახტანგ ცოლად. და
ვერღარა თავს-იღვა ვახტანგ უპატიოდ ყოფა, და წარვიდა
ურდოსა ყაზანის თანა. ხოლო მან კეთილად შეიწყყნარა და
მოსცა მეფობა. და წარმოატანა ხუტლუშა ნოინი სპითა უძ-
ლიერესითა და მოვიდა ტფილისს. და მუნ შემოეყარნეს ყო-
ველნი თათარნი და ქართველნი, და სამცხის ბატონის ბექას
შვილი სარგის სპასალარი, ტაოელნი, თორელნი, თმოგუელნი
და სომხითარნი, რამეთუ შანშე პირველვე იყო.

ვითარ ცნა მეფემან დავით, რომე ვახტანგს მეფედ ჰყო-
ფენ, წარმოავლინა იგივე ბურსელი ზავისათუს და აღუთქუა
ურდოს წარსლვა, უკუეთუ ფიცითა შეაჯერონ და მოსცენ მძე-
ვალი. ხოლო ხუტლუშამან შეჰფიცა და ყოველი სათხოველი
აღუსრულა. და წარვიდა ბურსელი მეფეს წინა. ხოლო მან
განიხარა და წარმოავლინა დედოფალი ოლჯათ, და კათალი-
კოზი აბრაჰამ, და ბურსელი და მოვიდეს მუხრანს, ხუტლუ-
შა და სხუანი ნოინნი ბაზალეთს წინამოეგებნეს ოლჯათს და,
ვითარ ყაენს, ეგრეთ პატივ-სცეს, და მოსცეს პირი სიმტკიცე-
სა, და ბექედნი ყაენისა, და კელისმანდილი, რამეთუ ესე აქუნ-
და სიმტკიცე ფიცისმინდობისა, და აძლიეს ხუტლუშას შვილი
სიბუჩი მძევლად. გარნა ოლჯათ არღარა წარავლინა, არამედ
კათალიკოზი, ყადი და ბურსელი, რათა მოიყვანონ მეფე. ვი-
თარ მივიდეს მეფეს წინაშე, ცნა ოლჯათის არღარა მოსლვა,
მიზეზ-ყო და არღარა ინება ნახვა თათართა, დიდი რამე რიდი
და შიში აქუნდა. წარავლინა იგივე კათალიკოზი, ყადი და
ბურსელი, ითხოვა ოლჯათ და აღუთქუა ხილვა. და ვითარ მი-
ვიდეს ხუტლუშას თანა, ცნა არა მოსლვა მეფისა, რქუა ბურ-
სელსა: „კაცო, სატყუარი რა არს? მე მტკიცითა ფიცითა შე-
მიფიცავს, და ვერ მოვიდა. აწ მიიღე ტყუილისა ნაცვალი პა-
ტიკი“. და განრისხებულმან მოაკუდინა ბურსელი, რომლისა
გუამი აღიღო შანშე და წარგზავნა სამარხოსა მისსა. ვახტანგს
დაუმტკიცეს მეფობა და ოლჯათ წარავლინეს ურდოსა.

და თათარნი კუალად წარვიდეს მთიულეთს და გარდავი-
დეს გუეღეთს, რამეთუ მეფე შედგომილ იყო, და დიდად



განდგომილან, და არავინ არს წინააღმდეგომ თურქთა. აწ
ნეთ ჩემი, ტომნო და ერთნებანო, და შევკრბეთ ყოვლითა ძა-
ლითა ჩუენითა და მიემართოთ თურქთა, და არა მივსცეთ თავ-
ნი და შევილინი ჩუენნი, და არა განგუწირნეს ღმერთმან მოსაფ-
ნი ვისნი და აღმსარებელნი მისნი, და მოგუცეს ძლევა მათ
ზედა, ვითარ მისცა მამათა ჩუენთა ძლევა მათ ზედა. დავღვათ
თავი ჩუენი სჯულისა შეგინებულისათუს და ძმათა ჩუენთა-
თუს, უეჭველად ღმერთი მოგუანიჭებს ცხორებასა“.

და ვითარ ესმა მთავართა და სპათა ბექასათა, სიხარულით
მიემოწმნეს და დააპირეს ლაშქრობა თურქთა ზედა, განიყარ-
ნეს. და მოიწია არე ზაფხულისა, იწყეს თურქთა აღმომართ
სლვა, და შეკრბეს სიმრავლე ვითარ ექუსი ბევრი, რამეთუ
ყოველთა ქალაქთაგან გამოპყვა კაცი სჯულითა სარკინოზი
კოცად ქრისტიანეთა, და არა თურქნი ოდენ იყვნეს. არამედ
სპარსნიცა. და ვითარ ცნა ბექამან მოსლვა თურქთა, მოუწო-
და ყოველთა მის ქუეშუ დაწესებულთა, ტასისკართაგან ვიდ-
რე ბასიანადმდე: მესხთა, შავშთა, კლარჯთა, კოლა-არტან-
კარნიფორელთა და უმრავლესთა ტაოელთა, რამეთუ ამას
აქუნდა ქუეყანა ესე, ამათ თანა თმოგუელთა და თორელთა.
და შეკრბა სიმრავლე ერთი ბევრი და ორი ათასი, და მიმარ-
თეს თურქთა. ივინი აღმოსრულ იყვნეს მათა პარხლისათა,
დაებანაკა და წარევილინა მკედრები ტყუევიანად ვაშლოვანისა,
და ეგულეზოდა მოსლვად ქუეყანად ბექასა სამცხეს, და
ქართლს და სომხითს. ვითარ მივიდეს თურქნი ვაშლოვანს,
კაცი ვითარ ათი ათასი, წინაგანეწყუნეს სპანი ბექასნი, ხუთა-
სი კაცი, რომელნა წარევილინეს მცველად და უღვეს სიმაგ-
რეთა შინა. იქმნა ომი ძლიერი, და ავლტოდეს თურქნი, და
მოსწყდა სიმრავლე ფრიადი ადგილთა სიმაგრითა. და ესრეთ
წინადაუსახვიდა ღმერთი ძლევასა ბეჯანსა თურქთა ზედა.

ვითარ ესმა ბექასა ვაშლოვნით გაქცევა თურქთა, განიხა-
რა და წარისწრაფა, და მიმართა სპერს და ბაბერდს, სადა
იყვნეს თურქნი მდგომარე. ვითარ იხილეს თურქთა მოწყუედა
სპათა მათთა მცირეთა ლაშქართაგან, განძნდეს და იღრპენ-
დეს კბილთა. მოუწოდა მთავარმან მათმან აზატ-მოსე სპათა
თურქთასა და გამოარჩია კაცი ოცდაათი ათასი, და წარემართა
ვაშლოვანს ძებნად სისხლთა სპათა მისთასა. რამეთუ მისლვა
და დაახლება ბექასი არა უწყოდა, ოცდაათი ათასი სხუა

წარმოავლინა ტაოს და რქუა: „მე წარვალ, ვაშლოვანს მოვა-
ოკრებ და აღვიზღავ სასხლსა ჩემსა, და თქუნ მიდით ტაოს
და მოსწყუდეთ, თულა სადა დარჩომილ იყოს, და დადევით
ბანას. და მეცა განმარჯუებული შემოვიქცევი და მოვალ ბა-
ნას, და შეგკრბეთ და მიემართოთ ყოველსა საქართველოსა“.
და ესრეთ წარემართა ვაშლოვნით კერძო.

მაშინ აღიჭურვა მანდატურთუხუცესი ბექა და ყოველი სპა
მისი და მიმართეს თურქთავე, რამეთუ არა უწყოდეს წარსლ-
ვა თურქთა ვაშლოვანს. ვითარ წარვლო მცირე, ოთხნი თურ-
ქნი მიმავალნი დაიპყრეს და მოუსხეს ბექასა. ხოლო მან ჰკი-
თხა ამბავი თურქთა, თუ სადა არიან. და ოთხივე ცალკე გა-
ყო და ოთხნივე ერთსა იტყოდეს, წარსლვასა თურქთასა ვაშ-
ლოვანს: „აზატ-მოსე ოცდაათი ათასითა მკედრითა წარვიდა
ვაშლოვანს, და ორმოცი ათასი დაუტევა და წარმოავლინა
ტაოს, ხვალე ანუ ზეგე მოვალს“. ირწმუნა სიტყუა მათი და
ორად განყო ლაშქარი თესი. რჩეული და უმრავლესი ლაშქ-
რისა მისისა მისცა შვილსა მისსა პირმშოსა სარგისს, რომელი
ოდენ აღზრდილ იყო აბჯრისმტურთველად, და წარავლინა
ვაშლოვანს აზატ-მოსეს ზედა.

ხოლო წარისწრაფა სარგის და მიეწია ვაშლოვანის მთასა
ზედა მიმავალსა თურქსა. და ვითარ იხილეს უკანკერძო ლაშ-
ქარი, განკურდეს და მსწრაფლ მოაქციეს ჰუნენი სარგისის
კერძო. იხილეს სიმცრო ლაშქრისა, რამეთუ იყვნეს მესხნი
ხუთასნი, ხოლო თურქნი ოცდაათი ათასი, განიხარეს და ჰგო-
ნეს მოწყუედა ყოველთა. მკედარნი ზედმოეტევენეს უშიშად,
ხოლო სარგის წინაგანწყყო და სპანი მისნი მიეტევენეს მკნედ-
იქმნა ომი სასტიკი, და პირველსავე შეკრებასა მიდრკეს თურ-
ქნი სივლტოლად და იოტნეს ძლიერად, და ესეოდენ მოსრეს,
რომელ შექცეულთა აღრიცხეს სარაზმთა ზედა მდებარე მკუ-
დარი თურქი, პოვეს ხუთას და ცამეტი, თუნიერ რომელი დევ-
ნასა შინა მოკლდა. და დევნეს მზისა დასლვისა ჟამამდე. ხო-
ლო მოხედნა ღმერთმან წყალობით მოსავეთა ჟუარისათა. გან-
საკურვებელ არს ნმენად, რომელ ეგოდენსა წყობასა შინა არა
მოიკლა ბექას ლაშქრისაგან ხუთთა კაცთაგან კიდე, ივინიცა
უსახელო ვინმე. ესრეთ მოსცა ღმერთმან ძლევა და გამარ-
ჯუება. ხოლო სარგის, დაღათუ ყრმა იყო, მკნედ იბრძოდა,



რამეთუ გუარისაგან მოაქუნდა სიმკნე და მამაცობა პაპეულად.

ხოლო ბექამან მიმართა თურქთა დედაწულთავე, მომავალნი წინადაემთხვნეს, და იხილეს რა თურქთა შორით მთით მომავალი ბექა და სპანი მისნი, მსწრაფლ გარეშეიქცეს და ივლტოდეს, ხოლო დედაწულთა მათთა მათთა მიმართეს და არღარა ესვიდეს საფასეთა სიმდიდრეთა, არამედ ყოველსავე დაჰყრიდეს. ხოლო ბექამან და სპათა მისთა მსწრაფლ დევნა-უყვეს, იპყრობდეს და ჯოცდეს, რომლისა არა იყო რიცხვ. და თურქნი მცირედნი რამე შეივლტოდეს ქალაქსა და ციხესა სპერისასა და რომელნიმე ნორქალაქს. მიეწივნეს სპანი ბექასნი, შესჯარეს, გზათა სივიწროთა და დედაწულთა სიმრავლითა არასადა აქუნდა გზა სივლტოლისა. დაიჯარნეს თურქნი, ვითა ცხოვარსა დაჯრილსა და ჯოგსა, ეგრეთ იპყრობდეს და ჯოცდეს. ვარნა იქმნა ესეცა, რამეთუ შვილისა მისისა სარგისისაგან ლტოლვილნი თურქნი უკანა მოეწივნეს მანდატურთ-უხუცესსა ბექასა, სადა-იგი მიმართეს მესხთა, და კუალად მოსწყუდეს, და გარემოადგეს ქალაქსა სპერსა. და პირველსავე ომსა აღიდეს ქალაქი, თნიერ ციხისა, აღივსნეს საქონლითა, ოქროთა, ვეცხლითა, ლარითა, ჯოგითა, ცხენითა, აქლემითა, ძროხითა და ცხურითა, ანგარიში ვისგან ითქმის. და თვთ მათთავე საკედართა აჰკიდეს და ძლით წარმოიღეს. ეზომი ძლევა მისცა ღმერთმან ბექას, რომელ მისთა სპათაგან ერთი კაცი არა დააკლდა.

მოიცვა ბექამან ქალაქი სპერი, და თურქნი გაქცეულნი ორასნი ჩავიდეს პონტოსაკერძ. და ვითარ განემარჯუა სარგასს, მომართა მამისაკერძ, და მომავალმან ალაოჯრა ნორქალაქი, და აღავსნა სპანი, რომელნი იყვნეს, საქონლითა, ალაფითა და ტყუთა, და ესრეთ ძლევაშემოსილი მოვიდა მამას წინაშე. ხოლო ვითარ განუძნდა სპერელთა გარედგომა ბექასი, მოუგზავნა მოციქული, ვითარმელ: „ჩუენ ყაენისა ყაზანისანი ვართ, და თურქნი ძლით გარდაიხუეწნეს პონტოსაკერძ, და აწ გევედრებუ ზე, მოგუბრიდო და უკუსდგე, და უზომო ოქრო და ვეცხლი, და ჯორი და ცხენი მოგცეთ“. ისმინა ბექამან და აღიღო განძი ურიცხვ სპერით და ბაბერდით, და ძლევაშემოსილი მობრუნდა. და მოეგებნეს კარნუქალაქით მთავარნი და მოართუეს მათცა ძლუენი, ალაფი, და არცარა მათ ავნო. და ესრეთ



ბრწყინვალე ძლევა მიანიჭა ღმერთმან ბეჭესა, და მოვიდეს შინა საქონლითა უამრავითა. რამეთუ იყო ბეჭა მონასტერთა და ეკლესიათა მაშენებელი, და მონაზონთა და ხუცესთა და მოწესეთა კაცთა პატივისმცემელი, და არა დააკლდის ეკლესიასა მისსა წესი ლოცვისა ცისკრად, სამხრად და მიმწუბრი. და ლაშქარი მისი ვერ დააკლდებოდიან სამსა ამასა ლოცვასა. და ამისთვის უმარჯუებდა ღმერთი, და მოსცა ყაენმან ყაზან კარი და მიმდგომა მისი ქუეყანა.

ხოლო ჩუენ პირველსავე სიტყუასა აღვიდეთ. მას ყაშსა იწყო ყაზან ყაენმან ანვედრება მეგუბტელთა ზედა, და მოუწოდა მეფესა ვახტანგს, და მისცა ბეჭამანცა ლაშქარი მისი რჩეული, რომელი დივნითა ხუდებოდა. წარემართა ყაზან, და შევიდეს ქუეყანასა ასურასტანისასა და შამისასა, და მოაოკრებდეს, რამეთუ იყო სიმრავლე ლაშქრისა მისისა ათსამეტი ბევრი. და ვითარ ესმა სულტანსა მისრისასა, რომელსა სახელად უწოდდეს ნასირ მელიქსა, შეკრიბა სპა მისი ყოველი და მივიდა და დევნად განეწყო. და იქმნა ომი სასტიკი ესეოდენ, რომელ ხუტლუშა ნოინი ათასითა მკედრითა წინადაუდგა ყაზანს, ამაღ რომელ დიდთა მიმართეს ყაზანს ზედა, და ათასისა კაცისაგან ექუსასი დაჯოცეს, და ოთხასილა დაჩა, რომლითა სძლო და იოტნა, რომელსა თანაშემწე ექმნა ჩოფან სულდუსი ხუთასითა კაცითა, სადა ვახტანგ და სპანი მისნი მკნედ ბრძოდეს. და ვითარ სწყუდებოდა ორგნითვე ურიცხვ, ივლტოდეს მეგუბტელნი და სულტანი ნასირ მელიქი. და უკმობრუნდა ყაზან დევნისაგან და სამ დღე განისუენა, და მეოთხესა დღესა დევნა-უყვეს და მიეწივნეს მცირედნი და ამოსწყუდნეს. და განიბნივნეს თათარნი, ტყუენვა-ყვეს, და მიუწია ლაშქარმან ვიდრე წმიდად ქალაქად იერუსალიმად, სადა-იგი მრავალი სული მოისრა ქრისტიანე, და უმეტეს სპარსნი. ხოლო ყაზან მიმართა დიამუშყსა ზედა, რომელ არს დამასკო. ხოლო მათ, ზენარისა მთხოველთა, მოსცეს ქალაქი და საქონელი ურიცხვ, და დაამყარა ყაზან დამასკო და მიმდგომნი მისნი ქალაქნი, და დაყო ვითარ ოთხ თუე. და დაუტევნა მცველნი ქალაქისანი და წარმოვიდეს სახლად თვსად თავრეუად.

და ვითარ მოიწია ზაფხული, განდგეს დამასკელნი, და გამოასხეს მცველნი ყაზანისანი. ცნა რა ესე ყაზან, მოუწოდა

სპასპეტსა მისსა ხუტლუშასა და მეფესა ვახტანგს. და ველთა მთავართა საქართველოსათა, და წარავლინა სულტანსა ზედა ლაშქრად. მივიდეს და შევიდეს შამად და დამასკოდ, და აოკრებდეს დამასკოს და ველარ აილეს. განვლეს დიდი ანტიოქია, და მივიდეს ვიდრე ლაზადმდე. და ვერ შემართა სულტანმან ომი მათი, და მოაოკრეს ექუს თუე. და მით უკმოიქცეს და მოვიდეს ყაზანს წინაშე განმარჯუებულნი.

და ვინათგან მეფე დავით არა მიენდო თათართა, ზაფხულ მთიულეთს იყვის და ზამთარ ქართლსა. ამისთვის იწლებოდა ქუეყანა ქართლისა. და მთავარი ბაყათარ განდიდებულ იყო და აოკრებდა ქართლსა, თრიალეთსა და განასხმიდა მამული-საგან აზნაურთა, და იყო ქირი დიდი მკუდრთა ქართლისათა. და მეფემან დავით შეკრიბა ყოველი მთიული, წარვიდა და მივიდა ტფილისს, და ჰყვა კაცი ცხენოსანი და ქუეითი, ვითარ ათხუთმეტი ათასი, და მოუჭდა ყივჩაყთა საზაფხულოდ მომავალთა. ხოლო ყივჩაყნი რომელნიმე ქალაქსა ეწივნეს, და ზოგნი მტკუტრის პირით ივლტოდეს.

ესმა ესე ვახტანგს, ტაბაგმელას მდგომსა, მივიდა მცირითა კაცითა, განვლო კიდი და სახიუდაბელი, და განვიდა მახათას, რამეთუ დავით და ლაშქარი მისი მახათას დგეს, თავსა ქედისასა. და ვახტანგ ქუემოთ მიუდგა და დადგა, და ვერ შემართა ზებმა სიდიდითა დავითის ლაშქრისათა. მაშინ მცირედნი ვინმე ჩამოვიდეს და აქათ მცირენი ვახტანგისანი მიეგებნეს, შეიბნეს და დავითის კერძნი გაიქცივნეს, და ორნი ძმანი და შეილნი დაკოცნეს. და ვითარ შენივთდებოდა ომი, ათასი ყივჩაყი გაქცეული შეკრბა ვახტანგს თანა ჯარად. მაშინ მოიწია რისხვა ღმრთისა, და ივლტოდა დავით, და სპა მისი ძლიერი უომრად იყო. დავით მოვიდა ომისა არა შემართი, მიუდგეს უკანა ყივჩაყნი და ქართველნი, და სდევდეს ვიდრე ჯაჭუადმდე, დაკოცეს კაცი ურიცხვ. არათუ ვახტანგ მტერი იყო ძმისა, არამედ თათართა შიშითა იძულებით შეება.

ოტებული რა ცნა დავით, უმძუნვარესად აოკრებდა ბაყათარ ქართლსა, და მეფე დავით ვერ წინააღუდგებოდა. მით სენიცა შეედგა ბოროტი, მიკრისი კელთა და ფერკთა, და უკმარ იქმნა. და იყოცა კაცი ურწმუნო და უშიში ღმრთისა, ამისთვის ბოროტსა სენსა მთავარდნილი უღონოებდა. და ბაყა-



თარ აოჯრებდა ქუეყანათა და კოცდა კაცთა, დადაცათუ სუ-
რამელი ჰამადა და რატი ძლიერად ებრძოდეს. მაშინ ბაყათარ
წარულო გამრეკელსა, კახას ძესა, ციხე ძამისა. ცნა ესე ბექა-
მან, მოუტდა დიდითა ლაშქრითა, ხოლო ბაყათარ, ციხით გა-
მოსრული, წინ დახუდა წინმავალთა ბექასთა. იქმნა ომი ფი-
ცხელი, და პირველსავე შებმასა გაიქცა ბაყათარ, და შევიდა
ციხესა. და ვითარ განძლიერდა, ითხოვეს ოვსთა ზენარი და
აღუთქუეს არაწყენა. და ესრეთ მოვიდა ბექას წინაშე გაუშა-
გებელი, და უკანას მოკუდა ბაყათარ.

აწ ვიწყოთ თათართა მოთხრობად. და ვითარ გამოასხეს
მეგვრტელთა მცველნი დამასკოსანი, ამისათვის გამწყრალმან
ყაზან გაგზავნა იგივე ხუტლუშა სპითა ძლიერითა და ვახტანგ
სპითა საქართველოსათა. და ვითარ ცნა სულტანმან მისლვა
მათი, მიეგება სულტანი ომად. და იქმნა ძლიერი ომი, დაი-
კოცნეს ორგნითვე ურიცხუნი. და მას დღესა სწორი ძლევა
არა იქმნა, და ლამემან განყარნა. და ვითარ უკუდგეს, პოვეს
ქედი დიდი თათართა და მას ზედა შემოდგეს ხუტლუშა ერი-
თურთ, უსეინ, სევიჩი. გარნა სიბუჩი, ხუტლუშას შვილი,
მივიდა მახლობელად სულტნისა და დადგა ვაკედ, რომელსა
ახლდეს ბექას ლაშქარნი, და ყველასა ცხენი ჯელთა ჰყვა.
მოიჯელოვნა სულტანმან, რამეთუ ჩამოუშვა წყალი უკანაკერ-
ძო თათართა, და მას ლამესა ესეთი ლამი შეიქმნა, ცხენი და
კაცი ორნივე უჩინო იქმნიან ლამსა შიგან. და განთენა რა,
იხილეს თათართა უკანაკერძო ლამი და წინათ ლაშქრისა სიმ-
რავლე, უღონო იქმნნეს. პოვეს მცირე უგანო ადგილი ლა-
მისა, და მაშიგანცა დაიკოცნეს სიმრავლე კაცისა და ცხენისა,
და რაჟამს აღივსო კაცითა და ცხენითა, მეოტმან ლაშქარმან
ზედა განსვლა დაიწყო. დაღათუ მოსწყდეს ურიცხუ თათარი
და ქართველნი, და ვახტანგ და ნოინნი მშუდობით დარჩეს და
მოვიდეს ყაზანს წინაშე, რომელი განწყრა და საპყრობილესა
მისცნა ყოველნი ნოინნი. და ეკაზმოდა კჟალად სულტანსა
ზედა, გარნა დასწეულდა სენითა მუცლისათა და მოკუდა,
რომელი იგლოვა ყოველმან კაცმან სიმართლისათვის, რომელ
ავისმოქმედი და მეკობრე და უსამართლო კაცი აღარ იპოვე-
ბოდა საყაენოსა მისსა, და ამისთვის დაუტევა მწუხარება ყო-
ველთა.

ხოლო შემდგომად მისსა დასუეს ტახტსა ყაენთაჲსა მისი, სახელად ხარბანდა, რომელსა უკანასკნელ ოლჯათ სულ-ტანი ეწოდა, რომელ ერთითა თუალითა არამხედველ იყო. და ვითარ ეძლო, იპყრობდა წესთა ძმისა მისისა ყაზანისთა, დაღათუ იყო ესეცა კაცი კეთილი. ამან მოიწყო ყოველი საბრძანებელი მისი, და ფრიად კეთილსა უყოფდა ვახტანგს.

ამან ხარბანდამან ინება გილანს წარსლვა, და მოუწოდა ყოველთა სპათა თათართა და თვთ მეფესა ვახტანგს, და ოთხად განყო სპა თუსი: უკეთესი და უწარჩინებულესი სპამან დაიჭირა, და მეფე ვახტანგ. და ერთი ნაწილი მისცა ხუტლუშასა, და ბექასა ლაშქარი თვთ პირველივე მისი იყო. ერთი ნაწილი ლაშქარი ჯალირს მისცა, და ოვსნი გორს მსხდომნი, ერთი ნაწილი სულდუხსა ჩოფანსა მისცა. და თვთო თავადთ თვთოსა გზასა ჩაგზავნა, და ერთს გზას თვთ ყაენი ხარბანდა, სადა-იგი წინამბრძოლად მეფე ვახტანგ აჩინეს გილანს ყოველგნით. ხოლო გილანელნი დაღათუ მცირენი იყვნეს, არა შეშინდეს, რამეთუ იყვნეს გილანსაცა ოთხნი მთავარნი, რომელთა სახელები იყო ერქაბაზნ და უბაში, როსტან და ასან. ესე თვთ დადგა სიმაგრეთა შინა, შეკრა ხარხალი და ერქაბაზნ ყაენს ხარბანდას დაუდგა წინ და შემოება, და იქმნა ომი ძლიერი, რამეთუ ვახტანგ წინამბრძოლობდა. ქუეითნი გზისა სივიწრისაგან და ტყისა სივშირისაგან არა იგლებოდეს, სადაცა მცირე ვაკე იყვის, ლამი იყვის.

ვითარ განგრძელდა ომი, პირველ ისრითა და მერმე კრმლითა იბრძოდეს თათარნი და ქართველნი, და ხარბანდა თვთ უჭურტდა. მცირედნი შეეწეოდეს და ჯმითა განამჯნობდეს. ვითარ შენივთდა ომი, არა შეაქცევდა მეფე ვახტანგ ზურგსა, არც სპა მისი, არამედ ადგილთა სივიწრითა მოსრგოდეს ესეოდენ, რომელ ათისაგან ძლივ ორნი ცოცხალ იყვნინან. სომხითარნი ახლდეს, რაოდენიცა იპოვებოდეს ცხენსა ზედა მდგომი. ესრეთ მოსწყუდეს, მრავალნი აზნაურნი უმკუდრო გახდეს, რამეთუ მამა, შვილი და ძმა, ყოველნივე მუნ ახლდეს. გარნა რომელნიმე დარჩეს, თვთ ვახტანგ არა გარემიაქცევდეს, არამედ მკნედ და ძლიერად იბრძოდეს. განკრდეს თათარნი სიმჯნესა ქართველთასა, რამეთუ ვახტანგ მკნე იყო ომსა შინა და მკნედ აბრძოდა, და მცირედ დაიკოდა ბარკალსა. და მიდრკა მზე და მოეახლა ლამე, და კანიყარნეს.

ვითარ იხილა ყაენმამ სიმაგრე ქუეყანისა, ტყითა და კლდითა, დამე ყოველ წარმოვიდა. ცნეს გილანელთა, დევხა-უყვეს, და რომელთა ეწივნეს, დიდად ავნებდეს.

ხოლო ერთკერძო ხუტლუშას შვილი დაუდგა წინა. ხოლო თავადმან გილანელთა უბაშ შეკრა მანცა ხარხალი, და შეაბა კარი იწროსა შესავალსა, და დაუდგა ხუტლუშას. ხოლო იგი გარდაცდა ცხენისაგან და დაჯდა სკამითა და უბრძანა ბექას ლაშქართა ქუეითად შესლვა, და ყვეს. შევიდეს ხარხალსა და გარდვიდეს, და შეიქნა ომი ძლიერი აქაცა, ქართველთა და მესხთა ზედა. არცა ამათ შეაქციეს ზურგი, არამედ მკნედ ბრძოდეს, და უფროსნი გილანელნი მოისრვოდეს. მაშინ სტყორცა ვინმე ისარი და ეცა თავსა შიშუელსა ხუტლუშა წოინსა, მყის მკუდარი შთაიჭრა სკამისაგან. ვითარცა იხილა შვილმან მისმან სიბუჩი სიკუდილი მამისა, მსწრაფლ ივლტო-და იგი და სპა მისი, ხოლო მესხნი დარჩეს ხარხალსა შინა. მცირედნი ივლტოდეს და უმეტესნი მოისრნეს. და მოიწია უზომო რისხვა ღმრთისა თათართა და მესხთა ზედა, რამეთუ უკანით, სადა ბრინჯი დგომილ იყო ვაკესა შინა, ღამით წყა-ლი ჩაეგდო. ესრეთ ღამი შექმნილიყო, ვერცა ცხენი და ვერცა ქუეითი ვერ გაიარდა, და იქმნა მოსრვა ძლიერი.

ხოლო ჩოფანსაცა შემოება როსტან მელიქი ვაკესა ად-გილსა, გარნა ჩოფან სძლო და იოტა სიმაგრესა შინა. არღარა შეპყვა, არამედ წყნარად დაბრუნდა და აჩინა მკვდარნი მისნი უკანამავლად. ჯავახის შვილი გამრეკელი მკნედ იბრძოდა ომსა მას, და გარდამოვიდეს მშუდობით.

ეგრეთვე უსენს და ოვსთა შეება ასან, და სწორი ძლევა იქმნა, და ივინცა გამოქცეულნი ივლტოდეს, და მივიდეს და შეკრბეს უყანს ხარბანდა ყაენს წინაშე.

სულდუსი ჩოფან მკვდართმთავრად განაჩინეს, მონაცვა-ლედ ხუტლუშასა, ხოლო მეფე ვახტანგ პატივცემულ-ყვეს, და დიდებულნი მისნი ყოველნი მკნედ ბრძოლისათუს ნიჭითა დიდითა წარმოავლინეს შინა.

ვითარ წარვიდა ვახტანგ, მოუქდეს კაცნი ხოდრასელნი, სჯულითა სარკინოზნი და მტერნი ქრისტესალმსარებელთანი, ყაენსა ხარბანდას და რქუეს: „უკუეთუ არა ყოველთა ქრისტი-ანეთა დაატევებინო სჯული, და ეკლესიანი არა დააქცივნე, არა განგემარჯოს მტერთა ზედა, და არა წარგემართოს მეფო-



ბა შენი და კელმწიფება“. ესე სიბილწე წარმოსთხიეს ცხელი რკულთა. ამათ ძლით ისმინა ყაენმან და იწყო რღვევა ეკლესიათა. და წარმოავლინა ლაშქარი და ერთი ნოინთა მთავარი, რათა მოვიდეს საქართველოსა, და მეფესა და ყოველთა ქართველთა დაატეგებინოს სჯული და სარკინოზად შექმნას და ყოველსა საქართველოსა შინა დაარღვენეს ეკლესიანი.

და ეწია ნახტევანს წარმოსლვასა ვახტანგს ესე წარმოვლინებული ნოინი, ხოლო მეფე ვახტანგ არა შეშინდა, არამედ გამმჯნდა, და უმეტეს მოაკსენებდა სიმკნეთა და ღუაწლთა ქრისტეს ღმრთისათუს და რქუა სპათა თუსთა: „კაცო, ძმანო და ერთსჯულნო, და ქრისტეს ღმრთისა ჭეშმარიტად აღმსარებელნო, უწყით სჯული მამათა მიერ, და გასმიეს ქადაგება წმიდათა მოციქულთა, და უწყით ღუაწლნი და ახოვნებანი მოწამეთანი, და გიხილვან თუალითა თქუენითა ტაძარსა შინა შათსა სასწაულნი ურიცხუნი, და გასმიეს სახარებასა შინა უტყუელისა პირისა, ვითარმედ: „რომელმან აღმიაროს მე წინაშე კაცთა, მეცა აღვიარო იგი წინაშე მამისა ჩემისა ზეცათასა“, და კუალად: „მოვედით ჩემდა ყოველნი მამულრალნი და ტურთმძიმენი, და მე განგისუენო თქუენ“. აწ ნუ შეძრწუნდებით, წარვიდეთ ყაენს წინაშე და დავდვათ სული ჩუენი მისთვის, რომელმან დადვა სული თუსი ჩუენთვის. პირველად ჩუენ მივსცეთ თავნი ჩუენნი სიკუდილად, მერმე იყავნ ნება ღმრთისა, და მან დაიცვას სამწყსო თუსი“.

ვითარ ესმა სპათა ვახტანგისთა, სიხარულით შეიწყნარეს ბრძანებული მისი, მყის წარემართნეს ურდოსა და მივიდეს ყაენს წინაშე. ხოლო ყაენი განკვრდა მისლვასა მეფისასა. და მივიდეს კარსა ყაენისასა და მუჯლნი დაიდგნეს, და რქუა მეფემან კმითა მაღლითა: „ისმინე, მაღალო და ძლიერო ყაენო. მოვიდა ბრძანება, რათა ყოველთა ქრისტიანეთა დაუტეოთ სჯული ჩუენი. აწ ისმინე: ბედნიერთა პაპათა და მამათა თქუენთა ჰმონა და მსახურა პაპამან და მამამან ჩუენმან ამით სჯულითა, და აროდეს გუასმიეს, თუ სჯული ქართველთა ავი არს, არამედ უწარჩინებულეს ყოფილვართ ყოველთავან. და სპარსთა სჯული უფროს საძაგლად შეერაცხა პირველთა ყაენთა. ამისთვისცა იგინი მოსწყუდნეს, რამეთუ იყვნეს მწამლველ და მამათმავალ და კაცისმკვლელ. და აწ თუ სიტყუასა სპარსთასა ისმენ, ყაენო, მე ვარ მეფე ქართველთა, და ყოველნი

მთავარნი საქართველოსანი შენ წინაშე არიან, და მე მზა ვარ სიკუდილი სჯულისათჳს ქრისტიანობისა, და მერმე ესე ყოველნი, შენ წინაშე მყოფნი ქრისტიანენი. აჰა, თავნი ჩუენნი წარგუჯუეთენ“. და წარუპყრაცა ქედი. და ვითარ ესმა ყაენსა სიტყუა ესე, განკურდა და პატივ-სცა მეფესა, და სიტყუთა ტკბილითა აღადგინა და შეინანა, და აბრაალა, რომელთა აქმნევინეს.

ხოლო იქმნა ესეცა, რომელ არღუევედეს თავრეჳს ეკლესიათა, არამედ ოთხსა ღღესა შინა ოთხნი შვილნი ხარბანდასნი დაიჯოცნეს, სახელით ბასტამ და მას ზედანი. და ესრეთ წარდგომილმან მეფემან დავსნა შური და შფოთი მომავალი საქართველოსა ზედა.

ხოლო წარმოვიდა ვახტანგ პატივცემული, და მოვიდა მუნვე ნახჭევანს, შეედგა საღმობა მუცლისა და მოკუდა შემკული გურგვნითა მეფობისათა. და წარმოიყვანეს და დამარხეს ღმანისს. და დარჩეს შვილნი ორნი: დიმიტრი და გიორგი. დიმიტრის ღმანისი აქუნდა და გიორგის სამშულდე.

და ვითარ კელთ-უღვეს მკედართმთავრობა თვთ ხუტლუ-შასი ჩოფანს, წარმოემართა ჩოფან ლაშქრითა ურიცხუთა. ბირველ მოვიდა კოლა-არტანს ვიდრე არსიანადმდე და აცნობა ბექას, რათა ნახოს ყაენი ანუ ჩოფან, რომელ არა თავს იდგა ბექამან, არამედ შვილი მისი უმრწამესი თანაწარატანა, სახელით შალვა. წარვიდა და ჩავლო სომხითი, და დარჩა ქუეყანა ბექასი მშუდობით.

ხოლო აქა დაიწყო აღმოცისკრებად ქემან მეფისამან გიორგი, რომელი აღეზარდა პაპასა მისსა დიდსა ბექასა, რომელი წარავლინა ბექამან ჩოფანს თანა, და მან მიიყვანა ყაენს წინაშე. ხოლო მან პატივითა შეიწყალა და წინათვე დაუსახვიდა ნიშთა მეფობისათა. ამან ყაენმან წარმოავლინა მოციქული და სთხოვა დავითს შვილი, რათა მეფე-ყოს. მაშინ მცირე იყო გიორგი, იგიცა მოსცეს და წარმოგზავნეს ურდოსა, და ყაენმან მისცა მეფობა და ტფილისი და უჩინა მოძლურად და საქმისა მოურავად დიდი გიორგი, და მივიდეს ტფილისს.

და ამას წელსა მიიცვალა მთავარი სამცხისა ბექა, კაცი წარმატებული ყოველსა შინა, სიკეთელმატებული საღმრთოსაკაცობოთა საქმეთა და უმეტეს სამართლისმოქმედებითა,

ეკლესიათა და მონასტერთა მაშენებლობითა, სოფლისა
ლად მორწმუნეობითა, გლახაკთა უზომოთა მიცემითა. ხოლო
საყუარელი მეუღლე მისი იყო გამცემელ ეპისკოპოზთა და
მონაზონთა და ყოვლისა სამღვდელისა და საეკლესიოსა სოფ-
ლისა ესეოდენ, რომელ სადმე ესმის კეთილი მოღუაწე და მეც-
ნიერი ეპისკოპოზი, გინა მონაზონი, მის წინაშე მოუწოდის და
მოიყვანის, და მრავლითა ნიჭითა და პატივითა ამყოფის. და
სავსე იყო სახლი მისი მონაზონითა და ხუცითა. ამას თანა
აქუნდა შეწყყნარებულობა ობოლ-ქვრივთა, ხოლო სახლსა
მისსა არა დააკლდებოდა სამ-სამი ლოცვა. ამისთვისა წარუ-
მართა ღმერთმან ღღენი ცხორებისა მისისანი. მტერთა ძლე-
ვასა, მშუდობასა და დაწყყნარებასა მიიცვალა ვითარ სამეოც-
დაექუსისა წლისა, და დაუტევა გლოვა და მწუხარება უზომო
მკუდრთა სამცხისათა. და დაიპყრეს სამცხე სამთავრე ძეთა მის-
თა: უხუცესმან სარგის, და შედეგმან ყუარყუარე და უმრწა-
მესმან შალვა.

ხოლო აღესრულა მესამესა წელსა მეფე დავით, გარჯილი
სენთა მწარეთა მიერ, და დაფლეს სამარხოთა მეფეთასა მცხე-
თას, და დაუტევეს ნაცვლად მისად ძე მისი მცირე გიორგი,
ორ წელ მეფექმნული.

შემდგომად ამისა ინება ყაენმან ამკედრება ქუეყანასა შა-
მისასა, ციხესა, რომელსა ეწოდების რაბაშამი, რომელი აქუნ-
და სულტანსა მისრელსა. წარვიდა ძალითა თუსითა, და თანა-
წარიტანა ლაშქარი დიდი, და გარემოადგა რაბაშამს ხუთ თუე,
და ვერა ავნო, აღიყარა და წარვიდა. და ჰყვა ექუსი არწივი,
დამარხული სხუათა თანა მფრინველთა და ავაზთა აქათ, ესეო-
დენ დიდი იყო ძალი მისი. მოვიდა ყაენი შინა და მიერთგან
არღარასადა განილაშქრა ღღეთა მისთა, იყოფოდა მშუდობით
და ნებიერად, ათცამეტ წელ დამპყრობელი ყაენობისა.

ამან ოლჯათ სულტანმან წარმოავლინა მცირე გიორგი მე-
ფედ, და ზაალ მელიქი, ვინმე სპარსი ხუარასნელი, და ახრუჩი,
მამისძმა ჩოფანისა, თანაწარმოიტანა, რათა ყოველი საქარ-
თველო ერთად შეკრიბონ მეფობასა შინა გიორგისსა. და აჩი-
ნეს ამათ შანშე მკარგრძელი და ზაქარია, ავაგის ასულის ხუა-
შაქის ნაშობი. მივიდეს ჯავახეთს, მიერ კოხტისთავსა, და
აწუვედეს სარგისს და ყუარყუარეს გამოსლვად, და არა ინე-
ბეს.

ამათ ქამთა შინა იქმნა განდგომილება საბერძნეთს, და განუდგეს ოლჯათ სულტანსა ფარვანას შვილნი და ქალაქი დიდი კონისა. მაშინ წარავლინა ყაენმან ჩოფან სპითა მისითა საბერძნეთს და თანაწარატანა ქართველნიცა. და წარჰყვა გიორგი ჩოფანს, ხოლო გიორგი მცირე, ზაალ მელიქ, შანშე და ზაქარია არა წარჰყვეს თანა, წარვიდეს და აღიყარნეს და ტფილისს შევიდეს. და წარიტანეს თანა მეფე გიორგი საბერძნეთს, და ვერ წინააღუდგეს ფარვანიანნი ლაშქართა მათ ერთ წელ. და ყოველნი მას შინა მყოფი ქართველნი მოსცეს მეფესა გიორგის. იახლნეს ჯავახნი და თორელნი ოდენ ყვეს, და სადაცა ილაშქრიან და შეიბიან ციხესა, მკნედ მბრძოლად გამოჩნდის მეფე გიორგი და ყოველნი ქართველნი. ესრეთ მოიმორჩილნა ყოველნი განდგომილნი და ურჩნი, და მოქცევასა წელიწადისასა მივიდა შინა. და სთულისა ქამსა, ვითარ მივიდა ჩოფან ყაენს წინაშე, და მცირედლა დაყო, ვითარ თუეცა ერთ, მოკუდა ოლჯათ სულტანი და დაუტევა ძე მცირე, ვითარ შუდისა წლისა, სახელით აბუსაიდ. ხოლო იგი მიასუენეს და დაფლეს ქალაქსა, რომელსა ეწოდებთ ყორლოილანგი, რომელი მან აღაშენა და განავრცო უმეტეს თავრეფისა და უწოდა სახელად სულთანია.

ესმა გიორგი მეფესა სიკუდილი ყაენისა და მის წილ დადგინება აბუსაიდისა, და წარვიდა ურდოსა. შეიწყნარეს, და განიხარა ჩოფან და შეიტკბო ვითარცა შვილი, და მოსცა ყოველი საქართველო და ყოველნი მთავარნი საქართველოსანი, და შვილნი დავით მეფისანი, და მესხნი, შვილნი ბექასნი.

და იწყო მთიებმან აღმოქურვებად, ხოლო მე ენა ვერ მიძრავს საკურველისა და საშინელისა თქუმად.

ტირმინთა ზანზარტიზა

ა

აბჯრისმტივროთველი — წარჩინებულ მეომართა დამზარე პირი, რომელიც შათ იარაღს ატარებდა. საქართველოს მეფის აბჯრის-მტივროთველი ეზოსმოდღვარჩუნჩარები იყო (იხ.).

აეშაგი — ჯაშუში.

აგარი, იაგარი — ალაფი, ნაძარცვი.

აგქსონი — ავტორი.

აზატი, აზადი — თავისუფალი.

აზმა — ქება.

ათაბაგი — ტახტის მემკვიდრის აღმზრდელი; ოლქის გამგებელი; თამარის დროიდან ვაზირი.

აიდი — მუსლიმთა დღესასწაული.

აიღა — სურნელოვანი საკმეველი

ამარი — რაოდენობა.

ამირა, ამირათ-ამირა — ოლქის, ქალაქის მმართველი, ასევე აღმოსავლურ ტატული. ამირები იხდნენ თბილისშიც, სანამ ქალაქს დავით IV შემოიერთებდა.

ამირ-მუნი, ამირ-მუმლი — არაბ. ამირ აღ-მუმინინი — „მართლმორწმუნეთა მბრძანებელი“, ხალიფების ტიტული.

ამირახორი, ამილახორი — იხ. მეჭინბეთუხუცესი.

ამირეჯიბი — საქართველოს სამეფო კარის დიდი მოხელე, მანდატურთუხუცესის მოადგილე. ეჯიბთა უფროსი, მეფის მთავარ მომხსენებელი.

ამირსპასალარი — მხედართმთავართა უფროსი, საქართველოს მეფის ვაზირი.

ანღამატი — აღმასი.

ანდრიანტი — ქანდაკება.

ანთიპატოსი — ბიზანტიური ტიტული.

ანთრაკი — ძვირფასი ქვა.

ანტაკრა — წინააღმდეგ.

არგანი — კვერთხი, მაღალი თანამდებობის პირთა (მაგ. მანდატურთუხუცესის) ინსიგნია.

არმაღანი — ძღვენი.

არქუანი — ქრისტიანების მონღოლური სახელწოდება.

არძანიგი — ჭეროვანი პატივი, ღირსება.

ასტროლაზი — ასტრონომიული ხელსაწყო.

ასფოდელი — სამოთხე.

აფთი — მახვილის სახეობა.

აფიონი — ოპიუმი.

აღაპი — მიცვალებულის მოსახსენებელი.

აჭა — თხოვნა, ვედრება; საქართველოს მეფისადმი მიმართვის ფორმა.

აშლა — შექაბილი.

ბ

- ბაგინი — წარმართთა საეკრპო ტაძარი.
 ბადური — მონღოლ დიდებულთა საპატიო წოდება.
 ბაშაყანი — ფეხსაცმელი (მონღ.).
 ბეგარა — ხარკი, გადასახადი.
 ბევრი — 10.000.
 ბიზიონი — ძვირფასი ქსოვილი.
 ბისონი — ძვირფასი ქსოვილი.
 ბომონი — იხ. ბაგინი.
 ბუსუნე — საფარი.

გ

- განმზრახი — მრჩეველი, ვაზირი.
 გუნდრუვი — საკმეველი.
 გუჯარი — სიგელი.

დ

- დაბდადი — დოლის შსგავის საკრავი.
 დავრეში, დარვეში — დერეშიში, მუსლიმი გლახაკი.
 დარბაზი — სასახლე, სამეფო სასახლე, სამეფო კარი, სახელმწიფოს უმაღ-
 ლეს დაწესებულებათა ერთობლიობა.
 დარბაისელი, დარბაისერი — სამეფო სასახლის კარისკაცი.
 დასნაქტა — იხ. ქალაშ.
 დევტალარი — ქრისტეს სამარის მცველი, ეკლესიის მეორე მოხელე.
 დიასპანი, დესპანი — მოციქული, ელჩი.
 დორი — მისაყუდებელი ბაღიში.
 დრამა — ვერცხლის ფული.
 დრაჰკანი — ოქროს ფული.
 დრომონი — გემის სახეობა.
 დუმანი — ათი ათასი. მონღოლთა ლაშქარი დუმნებად იყოფოდა.
 დუმბული — მცირე ნალარა.

ე

- ებანი — საკრავი.
 ებგური — გუშაგი, დარაჯი.
 ეზოსმოძღვარი — იხ. ჩუხჩერახი.
 ენკრატისი — მონაზონი ქალი.
 ერისთავი, ერისთავთ-ერისთავი — ადმინისტრაციული ერთეულის. საერის-
 თავოს გამგებელი საქართველოში. დიდი საერისთავოს
 გამგებლებს ერისთავთ-ერისთავები ეწოდებოდათ.
 ექსორია — განდევნა, გაძევება.
 ეჯანი — პატრონი, მეფე (მონღ.).
 ეჯიბი — სამეფო კარის მოხელე, ამირეჯიბის (იხ.) ხელქვეითი, მეფის მომ-
 ხსენებელი.

ვაზირი, ვეზირი — საქართველოს მეფის მრჩეველი, მინისტრი (იხ. განმარტება).

ვახლოლრაფი — მეფეთა ცხოვრების აღწერა (ბერძ.).

ვარდაპეტი — მოძღვარი (სომხ.)

ვ

ვატიკი — პასეჟი.

ვეზი — ძვირფასი ქსავილი.

ვეიში — ვეიში.

ვეზირი — ზურმუხტი.

ვერვა — მსახურება, მსხვერპლთ შეწირვა.

ვერვარი — სომხ. ზორავარ, უდრის ბიზანტიურ დომესტიკოსს, მხედართმთავარი.

ვეუზმა — ქსოვილის საზომი.

თ

თამაჩი — მონღოლთა მიერ დსავლეთში ხალაშქროდ გაგზავნილი მეომრები.

თენჯირი — მონღოლთა უმაღლესი დვთაება.

თუხი — ნათესავი, მახლობელი, აგნატი; მისი, თვისი, საკუთარი.

ი

იაკონთი — იაგუნდი, ძვირფასი ქვა.

იერლაცი — წყალობის წიგნი (მონღ.).

ილხანი — ირანის მონღოლი მმართველების ტიტული.

იპატოსი — კონსული.

კ

კატაბანი — წინამძღოლი.

კატაპელტი — ისრის სატყორცნელი მანქანა.

კუართ-ფილონი — სამდგდელო სამოსელი.

კუბო — ტახტრევიანი, ხაჩრდილობელი.

კურაპალატი — ერთ-ერთი უმაღლესი ბიზანტიური საკარისკაცო ტიტული.

ლ

ლაგრა — დიდი მონასტერი.

ლიტანია — სავედრებელი ლოცვა ღამისთევით.

ლიხტური — დამახინჯებული ბიზანტიური „რექტორი“ (?)

ლოლოთეტი — ბიზანტიური მაღალი საკარისკაცო თანამდებობა.

მ

მაგისტროსი — ბიზანტიური ტიტული.

მამახალიხი — აქ: ქართლის ხელისუფალი მეფობამდელ ხანაში.



მამული — ძველქართული ტიტული.

მანდატურთუხუცესი — სამეფო სახლისა და დომენის გამგებელი. მას შემდეგ აღმდგმარებოდა საპოლიციო სამსახური, თვალყურს ადევნებდა ეთიკეტისა და ცერემონიალის შესრულებას

მანიაცი — ყელსაბამი.

მარაპანი - - საზღვრის მცველი მოხელე.

მარნეიო — ბედისწერა.

მარტულია — სულიწმინდის მოფენის დღე.

მადნატი — მავნიტი.

მადრიბი — დასავლეთი (არაბ.).

მაშრიცი — აღმოსავლეთი (არაბ.).

მენავეთმოძღუარი — გემის უფროსი.

მენარა — მინარეთი.

მესტუმრე — საქართველოს მეფის მოხელე.

მექანარე — ქანრის დამკვრელი.

მელენეთუხუცესი — საქართველოს სამეფო კარის მოხელე.

მეწიგნე — წერილების დამტარებელი მალემსახოლი.

მეჭურჭლეთუხუცესი — ვაზირი, ეჭვემდებარებოდა სამეფო ხაზინა, სამეფო ქალაქები და ვაჭრები.

მეჭინიბეთუხუცესი — სამეფო საჭინიბოებისა და ცხენოსანი ჯარის უფროსი. იგოვია რაც ამირახორი.

მეკრმლე — ჭალათი.

მთავარქონდაქარი — მთავარი ჭალათი.

მილიონი — ათასნაბიჯიანი მანძილი.

მიჯლიში — აუდიენცია, წვეულება, ღვინო.

მოაბა — ტახტრევანი, კუბო (იხ.).

მონასა — მეფის პირადი გვარდია.

მსახურთუხუცესი — ვაზირი, ევალეზოდა მეფისა და სახელმწიფო ბეჭდის დაცვა, სარდლობდა დომენის ლაშქარს, სამეფო ციხე-ქალაქების გარნიზონებს.

მსტოვარი — ჯაშუში.

მულიდი — ისმაილიტა ერეტიკული სექტის წევრი.

მულიმი — მუსლიმი სწავლული

მუტრიბი — მეჩანგე ქალი.

მუჟრი — მუეძინი, მოლა, რომელიც მინარეთიდან სალოცავად უხმობს მუსლიმებს.

მუშაითი, მოშაითი — ჯამბაზი, „საბელზედ მოთამაშე“ (საბა).

მწიგნობართუხუცესი — საქართველოს მეფის უპირველესი ვაზირი, დავით IV-ის დროიდან ჭყონდიდელი მთავარეპისკოპოსი.

ნასრანი — ქრისტიანი (არაბ.).

ნატი — ტყავის საპატიო საფენი.

ნაფორი — დედათა მონასტრის ზედამხედველი.

ნოვედისიმოსი — ერთ-ერთ უმაღლესი ბიზანტიური ტიტული.
ნოინი — „მონღოლთა ერისთავი“, სარდალი.

ო

ოფაზი — ბაჯაღლო.
ოქსინო — ძვირფასი ქსოვილი.

პ

პალან-კურდანი — სატვირთავი, კურტანი.
პალატი — ხ. დარბაზი.
პარაკიმანოზი — ბიზანტიური პარაკიმომენოსი. მესაწოლე.
პატიახში — იგივე პიტიახში. უმაღლესი მოხელე ძველ ქართლში, სპარსეთსა და სომხეთში.
პატიუი — სასჯელი.
პატრიკი — ბიზანტიური ტიტული პატრიკოსი.
პატრუცავი — მეფის მიერ მეფესთან გაგზავნილი წერილი.
პორფირი — ძოწი, მეფეთა და მღვდელმთავართა შესამოსელი.
პროედროსი — თავმჯდომარე, თავადი.

რ

რაუამი — წერილობით ბრძანება.
რინდი — ოფიციალური სუფიზმის დოგმებს დაპირისპირებული მოქალაქეები აღმოსავლეთში. მოქეიფეები, ლოთები (სპარს.),

ს

საგზებელი — ცეცხლთაყვანისმცემელთა საკუთრებელი, ცეცხლის ასანთები ადგილი
საუღარი. — დასაჯდომი, სამეფო ტახტი; ეკლესია.
საპურკლე — ხაზინა, საცავი.
საპიბ-დივანი — ფინანსების გამგებელი მოხელე ილხანთა სახელმწიფოში.
სევასტოსი — ერთ-ერთი უმაღლესი ბიზანტიური ტიტული.
სიბა — ლობით შეკრული წყლისპირი.
სკარამანგი — ძვირფასი ქსოვილი, რომლითაც იმოსებოდნენ საქართველოს ვაზირები.
სმარაგლო — ძვირფასი ქვა.
სპა — ლაშქარი.
სპასალარი — მხედართმთავარი.
სპასპეტი — მხადართმთავარი.
სპერმური — დიდი ნალარა.
სტავრა — ძვირფასი ქსოვილი.
სტრატოტი — ჯარისკაცი (ბერძნ.).
სუქური — ქოლგა, რომლის გამოყენების პრივილეგია ჰქონდა მხოლოდ ყაენს და მის მიერ ნებადართულ პირს.

ხუჭურჩი — სუჭურის დამჭერი.
ხქემა — სამონაზვნო სამოსელი.

ტ

ტამლა — მონღოლთა მიერ ვაჭრობაზე დაწესებული გადასახადი.
ტაღმა — რაჭმი.
ტაძარი — სამეფო სასახლე (იხ. დარბაზი, პალატი); ეკლესია.
ტაჯგანავი — დიდი მათრაზი.

უ

უღდაჩი — მეხმლე (მონღ.).
უღუმპიანი — ოლიმპიელი, ქართველ მეფეთა ეპითეტი.
ულუსი — ურდო, ბანაკი.
ურდსინგი — წლისთავი (მონღ.).
უტევანი — მანძილის საზომი.

ფ

ფალანგი — ნაბდის სახლი (საბა).
ფანდაკი — ქოშის მაღალი ქუსლი.
ფანჯანობათი — საკრავი, რომელიც წინ მიუძღოდა მეფეთა და სულტანთა კორტეეს.
ფანჯიაკი — მეხუთედი.
ფარმანი — ბრძანება (სპარს.).
ფილაკავანი — ციხეთა კედლების სანგრევი სასროლი იარაღი.
ფილენჯი — დამბლა.

ძ

ძანარი — (იხ. მექანარე) საყვირი.
ძაფარი — ურჯულო. ასე უწოდებდნენ მუსლიმები არამუსლიმებს.
ძორეპისკოპოსი — აქ; კახეთის მმართველთა ტიტული.
ძოსი — სპილენძ-ჭური (საბა). დასარტყმელი საკრავი (?)
ძოუნ — შვილი (მონღ.).
ძსენონი — საავადმყოფო.
ძუჯინ — კერპომსახური (მონღ.).

ღ

ღულამი — მსახური.

ყ

ყადი — მუსლიმი მოსამართლე, შარიათის მცოდნე.
ყენი — მეფე, შაჰი.
ყუმჩაჩი — ტანისამოსისა და ფეხსაცმლის მცველი (მონღ.).
ყურანი — მუსლიმთა წმინდა წიგნი.
ყურულთა — მონღოლთა არისტოკრატის საკრებულო საბჭო.

შ

შანა — მონღოლთა მიერ დაპყრობილ ადგილებში დანიშნული სამხედრო გამგებელი.

ჩ

ჩაბლახი — მუხარადი.

ჩალიში — ხელჩართული ბრძოლა.

ჩათრი — სამეფო საჩრდილობელი.

ჩაყვ — პარკი.

ჩინჭიშანი — იგივეა რაც „ჩინგსანგის“ ტიტული, უმაღლესი სამოხელეთ წოდება მონღოლთა სახელმწიფოში.

ჩოკა — საბერო სამოსელი.

ჩუხჩარეხი — იგივეა რაც ეზოსმოძღვარი. განაგებდა საგანმგებო უწყებას, იყო მეფის პირადი აბჯრისმტკირთველი.

წ

წათი — ლახვარი.

წინწილი — საყრავი.

ჭ

ჭალაშ — იხ. ჩალიში. ამავე ტერმინთან კავშირშია „დასნაქტლა“, რომელიც როგორც ვარაუდობენ, დაშნით მებრძოლს უნდა ნიშნავდეს.

ხ

ხადუმი — საჭურისი მსახური.

ხათუნე — ქალბატონი.

ხაქანი — ხაზართა და ძველ თურქთა უმაღლესი ხელისუფლის ტიტული.

ხალენი — მატყლის ქსოვილი.

ხალიფა — არაბთა სახელმწიფოს საერო და სასულიერო მეთაური.

ხანდაკი — თხრილი.

ხარაჯა — ხარკი, ბეგარა.

ხარგა — კარავი.

ხახაგიანი — მეფის დომენის დიდებული.

ხუახტაგი — ხაჭონელი.

ჯ

ჯვარისმტკირთველი — საგანგებო პოხელე, რომელიც სამეფო ჯვარს „ქველ ცხოვრებისას“ დაატარებდა.

ჯიშირი — მდაბიო.

კ

კორილი, კოროლი — შუბის სახეობა.

შ ი ნ ა ა რ ს ი

წი ნ ა ს ი ტ ყ ვ ა ო ბ ა	3
შესავალი: უცნობი ავტორის აბოკრიფი — „მსოფლიო ისტორია“	10
ლევონტი მროველი. ცხოვრება ქართველთა მეფეთა. წინოს მიერ ქართლის მოქცევა	37
ჭუანშერი. ცხოვრება და მოქალაქეობა ვახტანგ გორგასლისა	132
ლევონტი მროველი. წამება წმიდისა და დიდებულისა მოწამისა რომელი იყო მეფე ქართლისა	200
უცნობი მემათიანე. მათიანე ქართლისა	204
უცნობი მემათიანე. ცხოვრება მეფთ-მეფისა დავითისი	244
სუმბატ დავითის ძე. ცხოვრება და უწყება ბაგრატიონისთა	279
უცნობი მემათიანე	296
უცნობი მემათიანე. ისტორიანი და აზმანი შარავეანდედთანი	304
უცნობი მემათიანე. ცხოვრება მეფეთ-მეფისა თამარისი	383
ვამთააღმწერელი. ასწლოვანი. მათიანე	413
ტერმინთა განმარტება	552
წ ი ნ ა ა რ ს ი	559

«**КАРТЛИС ЦХОВРЕБА**»
(**ИСТОРИЯ ГРУЗИИ**)
(**На грузинском языке**)

Издание подготовили, предисловием разъяснениями терминов
снабдили И. П. Антелава и Н. Ф. Шошнашвили

სბ. № 4730 Научно-популярное издание

ტ. 5000 შეკვ № 1743

K289.405
3
06705521
802-071053